

釋宗金書





禪宗全書

語錄部六

( 41 )

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,  
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

---

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),  
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

---

書號 ISBN 7-5013-2602-9/B · 108

定價 18000 圓



一、保寧仁勇禪師語錄

七、黃龍慧南禪師語錄

二、丹霞子淳禪師語錄

八、寶覺祖心禪師語錄

三、長靈守卓禪師語錄

九、死心悟新禪師語錄

四、慈受懷深禪師廣錄

十、超宗慧方禪師語錄

五、圓悟佛果禪師語錄

六、佛果圓悟真覺禪師

心要





## 解題

編譯組

一、保寧仁勇禪師語錄：一卷。宋·保寧仁勇撰。又名「保寧勇禪師語錄」、「金陵保寧禪院勇禪師語錄」。爲楊岐方會法嗣保寧仁勇的語錄，收有上堂、示衆、問答等九十餘篇及偈頌二首。卷首收有宋元豐元（一〇七八）年楊傑的序文。

二、丹霞子淳禪師語錄：二卷。宋·丹霞子淳（一〇六一—一二三）撰，慶預校勘。又名「丹霞淳禪師語錄」、「隨州大洪山淳禪師語錄」。輯錄師於隨州大洪山所開示的上堂語及小參、眞贊、偈頌、舉古、頌古等。

三、長靈守卓禪師語錄：一卷。宋·長靈守卓撰，介謨編。又名「長靈和尚語錄」。輯錄靈源性清法嗣長靈守卓於天寧萬壽禪寺、能仁資福禪院的上堂語、垂語、偈頌、拈古、贊等。卷末附有門人無示介謨於紹興十四（一一四四）年撰的行狀。

四、慈受懷深禪師廣錄：四卷。宋·慈受懷深撰，善清等編。紹興五（一一三五）年序刊。又名「慈受深和尚廣錄」。輯錄師於資福、焦山、慧林三禪寺的上堂語、偈頌、擬寒山詩、慧林禪寺陞堂頌古等。

五、圓悟佛果禪師語錄：二十卷。宋·圓（圜）悟克勤撰，虎丘紹隆等編。又名「佛果圓悟禪師

語錄」、「圓悟果禪師語錄」。輯錄師之上堂語、小參、普說、法語、書、拈古、頌古、偈頌、真讚、雜著、佛事等。卷首收有耿延禧、張浚的序文。

六、**佛果圓悟真覺禪師心要**：二卷。宋·圓悟克勤撰，子文編。紹興十五（一一四五）年作序。又名「佛果克勤禪師心要」、「圓悟禪師心要」、「圓悟心要」。本書輯錄師爲當時之士大夫、居士、學人所開示的宗意。

七、**黃龍慧南禪師語錄**：一卷。宋·黃龍慧南撰，九頂慧泉編。紹興十一（一一四一）年序刊。又名「黃龍南禪師語錄」。收在「黃龍四家錄」（一）。本書爲黃龍派開祖慧南的語錄。收有初住同安崇勝禪院、遷住歸宗語錄、黃龍山語錄、偈頌。卷末附有建仁寺兩足院高峰東峻所編的「黃龍慧南禪寺語錄續補」。

八、**寶覺祖心禪師語錄**：一卷。宋·晦堂祖心撰，子和錄、仲介重編。元豐元（一〇七八）年跋刊。又名「黃龍晦堂心和尚語錄」、「黃龍菴主語錄」。收在「黃龍四家語錄」（二）。爲黃龍慧南法嗣祖心的語錄，收有上堂語、室中垂問代答、偈頌等。

九、**死心悟新禪師語錄**：一卷。宋·死心悟新撰。紹興十一（一一四一）年序刊。又名「黃龍死心新禪師語錄」。收在「黃龍四家語錄」（三）。主要輯錄初住雲巖開堂語錄、住翠巖廣化法語、再住雲巖語錄、偈頌等。

十、**超宗慧方禪師語錄**：一卷。宋·超宗慧方撰。紹興十一（一一四一）年序刊。又名「禾山超宗方禪師語錄」、「超宗方禪師語錄」。收在「黃龍四家語錄」（四）。爲死心悟新法嗣慧方的語錄，主要輯錄師之上堂語、偈頌等。

# 目次

解題	一
壹、保寧仁勇禪師語錄	一
序	二
開堂疏	二
上堂	二
頌古	二六
貳、丹霞子淳禪師語錄	三七
序	三八
原書目次	三八
卷上：大洪山上堂法語	三八
眞贊	四二
偈頌	四三
卷下增輯：上堂法語	四九

舉古……………五〇

頌古……………五〇

叁、長靈守卓禪師語錄……………六七

上堂法語……………六九

垂語百則……………八〇

偈頌等……………八六

行狀……………九六

附記……………九七

肆、慈受懷深禪師廣錄……………九九

序……………一〇一

原書目次……………一〇一

卷一：資福禪寺語錄……………一〇二

焦山禪寺語錄……………一〇九

慧林禪寺語錄……………一一五

卷二：偈讚……………一三三

補遺：擬寒山詩……………一五〇

卷三：序……………一五一

慧林禪寺陞堂頌古上……………一五二



卷四：頌古下·····	一七五
伍、圓悟佛果禪師語錄·····	一八七

序·····	一八九
--------	-----

原書目錄·····	一九〇
-----------	-----

卷一：上堂一·····	一九二
-------------	-----

卷二：上堂二·····	一九九
-------------	-----

卷三：上堂三·····	二〇八
-------------	-----

卷四：上堂四·····	二一七
-------------	-----

卷五：上堂五·····	二二七
-------------	-----

卷六：上堂六·····	二三六
-------------	-----

卷七：上堂七·····	二四五
-------------	-----

卷八：上堂八·····	二五四
-------------	-----

小參一·····	二五八
----------	-----

卷九：小參二·····	二六三
-------------	-----

卷十：小參三·····	二七二
-------------	-----

卷十一：小參四·····	二八一
--------------	-----

卷十二：小參五·····	二九一
--------------	-----

卷十三：小參六·····	三〇〇
--------------	-----

普說	三〇六
卷十四：法語上	三〇九
卷十五：法語中	三一九
卷十六：法語下	三二九
書	三三四
拈古上	三三四
卷十七：拈古中	三三九
卷十八：拈古下	三四八
頌古上	三五一
卷十九：頌古下	三五七
卷二十：偈頌	三六六
眞讚	三六九
雜著	三七三
佛事	三七五
陸、佛果圓悟眞覺禪師心要	三七七
禪師法相	三七九
行狀	三八〇
題	三八一

序·····	三八五
卷上·····	三八九
示華藏明首座——寄蜀守蘇仲虎	
卷下·····	五五七
示黃太尉鈴轄——示宗覺大師	
柒、黃龍慧南禪師語錄（黃龍四家錄之一）·····	七二一
黃龍四家語錄序·····	七二三
崇勝禪院語錄·····	七二三
遷住歸宗語錄·····	七二六
筠州黃蘗山法語·····	七二九
黃龍山語錄·····	七三一
偈頌·····	七三四
自述真讚·····	七三七
黃龍南禪師語錄續補·····	七三七
捌、寶覺祖心禪師語錄（黃龍四家錄之二）·····	七四七
序·····	七四八
上堂法語·····	七四八
室中垂問代答·····	七六〇

室中舉古·····	七六二
偈頌·····	七六八
後序·····	七七四
玖、死心悟新禪師語錄（黃龍四家錄之三）·····	七七七
初住雲巖開堂語錄·····	七七八
住翠巖廣化法語·····	七八〇
再住雲巖語錄·····	七八二
遷住黃龍語錄·····	七八三
偈頌·····	七八九
拾、超宗慧方禪師語錄（黃龍四家錄之四）·····	七九三
初住隆慶語錄·····	七九四
遷住禾山語錄·····	七九八
遷住洪州雲巖語錄·····	八〇六
偈頌·····	八〇七



# 保寧仁勇禪師語錄

宋・保寧仁勇  
撰

金陵保寧禪院勇禪師語錄序

鳳臺山老南方遊行時至楊朱泣岐處遇一善知識  
白雪蒙頭師子踞坐以金圈栗棘爲佛事布施十方  
學者云鐵圍山可透吾金剛圈不可透大海水可吞  
吾栗棘蓬不可吞若透一圈即百千萬億圈透之無  
疑一切煩惱於此解脫若吞一蓬則百千萬億蓬吞  
之不疑一切功德於此成就時諸比丘罔然退席莫  
知所指彼上人者從容道場獨蒙授記後十五年鳳  
臺山頂震大雷音三草二木均霑一雨其徒錄其語  
請無爲子以序之云耳時皇宋元豐元年清明日無  
爲子楊傑述

開堂疏

龍圖閣學士給事中知軍府兼

本路兵馬鈐轄 王贊 撰

伏以西竺真風南宗密印一言悟道猶成藥病之差  
三界唯心舉有色空之別然而設喻後而導初地破  
迷雲而證了因非假師承曷臻壺極所以維摩居士

啓不二門迦陵仙音徧大千界今禪師勇公孤雲雅  
尚皓月素規電影掣乎迅機珠光圓於具戒四大非  
我靡流翠竹之形五蘊皆空豈滯華巾之結屬寶坊  
之虛次奉使移之學能命震潮音庸安海衆梔座中  
設置鼓載揚俟悲海之宣猷俾含生之蒙益聖風倡  
熾祖葉敷芬成是勝緣綿乎不朽謹疏

保寧禪院勇和尚語錄

參學門人

道淨

錄

金粟沙門

通乘

重梓

上堂

問堂表白宣疏了師指法座云三世諸佛今古祖師  
盡在者裏轉大法輪了也却向諸人脚跟下過去還  
見麼若見眉毛眼睫常放光明若不見看看山僧步  
步入泥入水去也乃上座拈香此一瓣香祝延今上  
皇帝伏願聖躬萬歲萬萬歲帝業等乎山河鼎祚齊  
於天壤又拈香此一瓣香奉爲闔國采僚文資武列

伏願振謨猷乎遠大流勲業以縣長六軍常清萬姓  
永泰又拈香大衆此一瓣香古今無價佛祖不傳且  
道從什處得來還知落處麼若也知得祇者裏參見  
眞善知識若也不知蘇向爐中供養我先住楊岐後  
住雲蓋會和尚乃陞座蔣山白槌云法筵龍象衆當  
觀第一義師乃顧衆云委悉麼若不委悉爲蛇畫足  
去也古佛巖前千華競秀曹溪源上萬派歸流莫有  
陟嶺峻涉渺瀰者麼不顧危亡便請相見時有僧問  
昔日靈山一會迦葉親聞此日知府臨筵請師舉唱  
答紅日當空清風匝地僧云解吹無孔笛天下總聞  
聲答寒山撫掌拾得呵呵僧云若不泛舟焉知海闊  
答利動君子問承知府有言一言悟道猶成藥病之  
差不假一言如何接人答月似彎弓少雨多風僧云  
兔角杖頭挑日月龜毛拂子指乾坤答十字縱橫僧  
云香煙迴徹清霄外朝蓋光臨證祖機答踏破草鞋  
赤脚走新羅國裏問知音問善戰者不施寸刃今日  
當場如何決勝答看僧云猶是干戈相待答兩段不  
同僧云解帶却兵猶費力仰天長嘯未爲功答相識

滿天下僧云忽遇滿身鋒刃來又作麼生答契棒得  
也未僧云泊合放過師拍膝一下僧便喝答作家僧  
擬議答鈍致殺人問昔年雲外人皆委今日鄺中事  
若何答山僧愛眠不愛喜僧云斬新日月特地乾坤  
答恰似不相逢僧云紫陵巖畔千華秀白玉樓前萬  
姓歌答未必心頭似口頭僧云作家宗師出世太晚  
答這箇衲僧世間罕有僧云也不消得師嘯一聲問  
諸佛出世地布金蓮師今出世有何祥瑞答青天白  
日僧云五葉芬芳傳寶印三乘悟了化人天答截斷  
千山路衝開萬里關僧云金風遠布野老謳譟答在  
處有芳草僧云不登謝公船爭見釣魚手答心不負  
人面無慚色一僧禮拜了胡跪以手向懷中取物作  
呈似勢師左顧僧起立作獻物勢師右顧僧伸手作  
接物復安懷內師以手直下指僧擬議師云祇有這  
箇無那箇僧以手一劃答果然僧便歸衆師乃笑問  
朝貢慙慙伸三請鴻儒碩學盡光臨祖師西來端的  
意乞師方便指人心答鐵牛愛喫無根草僧云月輪  
光輝於此日時人盡唱太平歌答眼裏無筋一世貧

僧云龍圖證明學人禮謝答放過一著乃云問答已周何不散去既不然者更引些葛藤向淨地上作一場狼藉去也。正法眼藏亘古亘今祖祖密傳印印相可語言路絕思慮情忘一切羣生各具斯事然難信之法措者還稀上上之機方能湊泊若湊泊得去便與三世佛祖有情無情悉皆同參無他非前非後有何生死可出佛道可成不假多劫修行彈指悉皆具足。行住坐臥任運施爲見聞覺知隨緣應用睡來合眼飯來開口寒即向火熱即取涼既到者箇平實田地匹上不足匹下有餘若是祖宗門下客直須向火燄裏藏身微塵裏走馬東涌西沒同死同生。際迦羅眼不能窺千手大悲把不住裂破毗盧印掃盡諸僧蹤然雖如是劍閣路危終易度趙州關險大難行但仁勇生而且味長又寡聞雖挹宗機擬終深數比奉知府龍圖特垂台命闔府采僚同賜俞俞令其繼此道場實增忝幸敢將上善仰延宸筭傍祝府僚伏願知府龍圖早陞陞闕榮陟鼎槐運使郎中亟聞漕最殊被帝恩運判都官英聲遐播清職驟躋通判駕部

闔府采僚理狀彌光亨衢驟進更願今辰席上外府尊官永心腹於王家常眷隆於釋寶又承僧職大師蔣山清涼和尚同垂象駕共建法筵諸多檀越惟願常臻福慶永資佛乘乃云大化無爲道太平閭浮日月轉分明豐年野老謳誦甚在處嘉禾合穗生久坐尊官伏惟珍重

師在蔣山受小疏大眾集定僧呈法衣師捻起身上袈裟云大眾且道這箇是那箇是那箇是若道這箇是爭奈那箇何若道那箇是爭奈這箇何却顧衆云如今不免對大眾前改頭換面捻一放一去也便卸袈裟披法衣登座云風不來林不動下坡不走快便難逢有麼時有僧問金陵城下祖令當行如何是祖令當行師云燖電久於雲裏現忽雷今已震多時進云月輪光輝於此日也答照見肝膽進云莫道梁王不識達磨答時來天地皆同力問諸佛出世轉大法輪師今出世有何祥瑞答山青水綠進云學人未曉乞師再指答一陣風來一陣寒進云一等勿絃琴唯師彈得妙答且莫喚鐘作甕問久居巖谷即不問入鄴化導



事如何。答真不掩偽。進云。怎麼則羣生有賴去也。答曲直迥然分。進云。羣生已蒙師指示。向上宗乘事。若何。答一人泉在最高峰。進云。四海共參真。般若十方同。用佛毗尼。答三十年後。明眼人前。不得錯舉。僧云。府尹不虛伸請。命學人禮拜謝師恩。答分明記取。僧問。諸佛出世。地布黃金。人王出世。以恩濟人。和尚出世。以何示人。答南北山相對。東西有路。分僧云。鍾阜峰前。瑞氣發鳳皇。臺畔祖風興。答幾多遊賞客。到此盡迷源。僧云。葵華偏向日。逝水不迴流。答依稀似曲。纔堪聽。又被吹將別調中。進云。大眾證明學人禮謝。答禮拜直須頭點地。師云。莫更有問話者。麼。何妨出來。結緣師乃云。夫參學人。直須具頂門上眼。超世英雄。於一切人天衆前。震法雷。擊法鼓。藏鋒露刃。掣鼓奪旗。吼師子音。作大佛事。若能如是。方有些子丈夫之氣。山僧今日。不惜眉毛。入泥入水去也。我佛世尊。爲一大事因緣。故出現於世。敢問諸德。作麼生是一大事。良久云。五千餘卷。詮不盡。三世諸佛。讚不及。今古祖師。提不起。還委麼。若委。悉去不動步。超釋迦。

越彌勒。又何必更令山僧向諸德前。鼓兩片皮。歷良爲賤。然雖如是不許。夜行剛把火。直須當道與人看。乃云。爐冶鉗鎚。枉用工吹毛。何必在磨礱靈光昨夜。輝牛斗。坐致昇平。宇宙中久立。

授帖曰。陞座云。莫有問話者。麼。僧便出。師云。等閒垂釣。僧禮拜了。畫一圓相。師以右手拋向後。僧又畫一圓相。師以左手拋向後。僧歸衆。師云。更有什麼。僧無語。師拍膝云。龍頭蛇尾。僧云。賊過後張弓。師乃笑復云。明珠歷掌。別者還稀。寶鏡當臺。何人鑒照。鋒前一路。截斷衆流。言下千差。隨波逐浪。所以展則大千俱徧。不展則絲髮不存。與麼語話。猶是化門之說。且道不落化門。一句作麼生。道道泰不傳。天子令時。清休唱太平歌。謝了。又云。千峰壁立。滑於苔。不惜眉毛露出來。直下早逾千萬里。那堪於此更徘徊。喝一喝下座。

師入院。迎到法堂前。乃指座云。大眾巍巍堂堂。萬象難藏。通上徹下。誰敢承當。遂登座云。一二三。纔坐定。願衆云。委麼。若不委。悉撒沙撒土去也。迦葉門下。

水洩不通。萬仞崖前。凡聖路絕。且道把住。卽是放行。卽是盡法。無民有疑。請問。問答不錄乃云。欲陞此座。應須

作禮。須彌燈王。且道須彌燈王在什處。又向什處。作禮。爲復心存意想。爲復緣慮俱忘。爲復心境一如。爲

復萬法空寂。若與麼見解。未出常流。旣不與麼。又作麼。生棒打石人頭。曝曝論實事。直饒博聞強識。世智辯聰。得大總持。具無礙辯。於祖師門下。轉勿交涉。所以此事。不可以有心求。不可以無心得。不可以語言

造。不可以寂默通。非得失。是非縈素賁。賤凡聖差降。情量智解之所能。及諸人到者。裏如何。卽是若是。大丈夫兒。直下真不揜。爲最親切處。自肯方親。山僧與麼道。已是相埋沒了也。如今莫有不受人瞞者。麼良久云。平生肝膽。向人傾相識。猶如不相識。遂拈杖云。無限雲山藏不得。却攜黎杖入鄽來。千門萬戶俱敲徧。今日分明卓鳳臺。卓一下下座。

上堂拍禪牀云。心外無法。萬法唯心。心旣不生。法從何立。山河大地。甚處得來。三十年後。忽有人問。轉身句。作麼生道。良久云。潼關雖易度。劍閣轉難行。參。

上堂一切法門。無盡海同會。一法道場中。拈起杖云。拄杖子。遇寒則普天寒。遇熱則普天熱。且道不寒不熱一句。作麼生道。卓禪牀一下云。明年大有新條在。惱亂春風卒未休。參。

上堂拈拄杖云。千江月現。萬派歸流。長垂直釣。釣著鰲頭。森羅萬象。總在者裏。如今賤賣。與諸人還要麼。若要。堪作什麼。若不要。從教向大洋海裏。與雲致雨。作風作浪去也。卓一卓。乃喝下座。

問師唱誰家曲。宗風嗣阿誰。答行到水窮處。坐看雲起時。進云。楊歧嫡子。臨濟兒孫。答千言萬語。無人會。又逐流鶻過短牆。問如何。是佛。答近火先焦。問如何。是道。答溺泥有刺。進云。如何是道中人。答切忌踏著。乃云。心隨萬境轉。轉處實能幽。隨流認得性。無喜亦無憂。拍禪牀云。保寧作一頭水牯牛去也。還有相隨者麼。若相隨得。鼻孔在什處。若相隨不得。保寧自起。自倒去也。復云。有意氣時。添意氣。不風流處。也風流。上堂一法有形。翳汝眼睛。眼睛不明。世界崢嶸。拈杖云。見麼。若見則遮却眼光。若不見則失却拄杖。且作。

麼生道得不受人瞞底句。良久云。平地未爲嶮。遠山焉足高。卓拄杖下座。

上堂。光陰倏忽。寒暑迭遷。不涉春緣。道將一句來。良久云。始見去年九月九。今年又見秋葉黃。參。

上堂。保寧乍住。不曾停日。日街頭巷尾行。張三李四相逢。著剔起眉毛。作麼生拍手笑下座。

上堂。拍禪牀云。不是心。亦非佛。問君畢竟是何物。昨夜金剛努目。瞋一拳。打破精靈窟。喝一喝下座。

上堂。滿口是舌。都不能說。碧眼老胡。當門闕缺。

開爐上堂。舉丹霞行脚到一院。遇天寒。遂將木佛燒火。向院主叱罵。丹霞乃院主眉鬚墮落。大衆院主眉鬚墮落。卽且置。且道。丹霞眉毛在麼。若也見得。與古佛同參。若也不見。切忌撥無因果。後有僧問。天竺丹霞燒木佛。意旨如何。竺云。寒卽圍爐向煖。火熱卽竹林谿畔坐。保寧也無木佛。與諸人燒堂中。自有無煙火。要向卽向。要撥卽撥。且道。與古人是同是別。乃云上。閒僧多下。閒僧少。

上堂。一人發真歸源。十方虚空悉皆消殞。拍禪牀云。

大衆爲什麼。却有人透者裏。不過良久云。自是不歸。歸便得。五湖煙景有誰爭。

上堂。快馬一鞭快人一言。直饒與麼。猶是鈍漢。乃召衆云。喫茶去。

上堂。釋迦掩室於摩竭。已洩天機。淨名杜口於毗耶。特地饒舌。少林九年。面壁老不歇心。永嘉一宿。曹谿徒誇英俊。保寧與麼。道還有過也。無路逢劍客。方呈劍。不是詩人。不獻詩參。

上堂。一塵入正受。諸塵三昧起。諸塵入正受。一塵三昧起。遂拈杖云。保寧有時拈頭作尾。有時拈尾作頭。金剛脚底。蹄跳。蟻眼裏。藏身。朝到西天。暮歸東土。卽且置。祇如不動步。一句作麼生。道卓拄杖云。無事莫行偏僻路。等閒惹得是非來。參。

問。如何是佛。答。鐵鎚無孔。問。如何是祖師。西來意。答。雪上加霜。

發化主上堂。盡十方世界爲一大陣。若聖若凡。種種異類。出此不得。釋迦爲主。將文殊作先鋒。普賢爲殿後。陣勢旣圓。且道。與什人相見。良久云。定光金地遙。

招手智者江陵暗點頭。遂拈拄杖云。如今盡在保寧。拄杖頭上開甘露門。示真實相。展縮無礙。縱橫自由。還見麼。若也見得。真不掩偽。若也不見。分付諸方化主。一任將向南州北縣。扶過斷橋水伴。歸無月村。卓一下下座。

上堂。立春日打泥牛一棒兩棒。千頭百頭。雪華深覆。辨不得頂門有眼。徒悠悠拍手云。囉囉哩。惱亂春風。卒未休。

上堂。萬法是心光。諸緣唯性曉。本無迷悟人。祇要今日了。且道了底事。作麼生。良久云。待得雪消去。自然春到來。

上堂。金毛師子一哮吼。驚起法身藏北斗。文殊普賢無處走。碧眼也徒誇好手。喝一喝下座。

上堂。迦葉擎拳。阿難合掌。樓至如來。全無伎倆。常州廣福上堂。師子窟中必無異獸。莫有哮吼者麼。有僧問。遠離金陵丈室。幸屈廣福道場。向上宗乘。請師舉唱。答微風搖寶鐸。紅日耀青天。進云。滿畔山色秀。徧地野華新。答白雲千里萬里進云。大衆證明學。

人禮謝答多年曆日。乃云。保寧今日不免曲順人情。舉些浸不爛底。多年葛藤。供養大衆去也。塵塵爾利。利爾山是山水。是水彌勒不入樓閣。善財不須彈指。以手一劃云。微塵世界。永消瓦解。且道彌勒善財在什處。若向者裏參徹去。不妨在處稱尊。若也不見客路。如天遠。侯門似海深。

回莊上堂。記得鵝湖和尚。一日點淨後。不赴堂。遂入方丈裏睡。齋後知事來白云。和尚何不赴堂。鵝湖云。莊上喫油糲來。晚開莊主到云。今日謝和尚喫油糲。大衆爲復是師。通妙用本體。如然平地上。剛然捏怪。既不與麼。又作麼生。良久云。者箇公案。一任天下人批判。保寧也無神通妙用。亦無宿命他心。院在江寧府莊。屬宜興縣水路一千陸路四百孤舟。野渡處處。經過堤柳巖華。時時開發。前月出去。昨日歸來。莊上也不曾喫他油糲。祇是炊白米飯。煮野菜羹。療飽充飢。隨家豐儉。然雖如是。更有一般堪笑事。米中粒粒徧生蟲參。

上堂。入荒田不揀信手拈來草。觸目未嘗無。臨機何

不道乃云保寧今日爲衆竭力入荒田去也。拈拄杖云。有時亦隨春生。有時不逐夏長。亦能殺人。亦能活人。殺人也。醒翻上味。翻成毒藥。活人也。一切毒藥。皆是醒翻。如今更不靈藏。分明揭向諸人。且道是醒翻是毒藥。良久云。無事。莫將容易服。古今曾悞幾人來。卓一下下座。

上堂。金陵故都鳳臺寶地。諸上善人同會。一處不願釋迦遺教。不待彌勒授記。任他春去秋來。管你鹽賤米貴。二時展鉢開單。說甚珍羞百味。健即經行。困即打睡。祇聞有象王蹴踏焉。知得師子遊戲拍禪牀云。大衆。潏山水牯牛。今日五更失却鼻孔。下座。

上堂。橫按杖云。雲從龍。風從虎。甘草甜。黃連苦。洪波浩渺。浪滔天。須彌頂上日。卓午卓拄杖下座。

上堂。如來明星現時。成道大衆。且道明星幾時不現。上堂。良久。以手擱口云。大多口生。

上堂。譬如琴瑟笙篴琵琶。雖有妙音。若無妙指。終不能發。拈拄杖云。者箇且非琴。非瑟。有大妙音。衆中莫有妙指者麼。試請一發看。若無保寧自家品弄去也。

橫按杖云。還聞麼。良久云。一堂風冷淡。千古意分明。上堂。曹谿路上。野老謳謠。古佛堂前。行人舞袖。腳踏實地。天下人知鼻孔。遠天作麼生辨。乃云。無孔笛吹雲外曲。五湖何處覓知音。

因長蘆和尚來上堂。金將火試水。將杖試大衆。祇如金不將火試水。不將杖試。還有人辨得麼。若辨得是眞也。假也。深也。淺也。若辨不得。且分付與明眼人。上堂。因圖無縫。誠謂難吞。碎挫將來。撈攬不上。變生爲熟。須是當人五味調和。全歸衆口。衆口即且置。且道誰是當人者。若也知得。長連牀上。開單展鉢。若也。不知三十年後。莫相辜負。參。

問承古有言。離相離名。人不識。吹毛用了。急還磨。以手劃云。者箇即不問作麼生。是用答王法無親。僧便禮拜。師便打僧云。將軍自有嘉聲。在答水消瓦解。上堂。有頭無角。有尾無脚。十方世界。何處安著金烏。日日來消爍。玉兔也被他吞却。噓一聲下座。上堂。舉空可。空非眞。空色可。色非眞。色眞色無形。眞空無名。無名名之父。無色色之母。爲萬法之根源。作。



天地之太祖師云。肇法師大殺盡力道。未道得一半。何故。若於摩竭門下。滿日光生。祖師門下。未夢見在。且道。祖師門下。別有什長處。乃云。有智人前莫舉。無智人前莫說。

上堂。寅朝有粥。齋時有飯。展鉢開單。光明燦爛。行住坐臥。無他一生大事。成辦大眾。且道。與麼見解。底人還得盡善也。未良久云。誰知更有離家子。望斷碧雲生遠愁。

上堂。保寧有一路東西。徒指注直下。已千差迴頭還錯悞。不錯悞。百尺竿頭須進步。願衆云。前面有山。衆有水。一程分作兩程行。

上堂。秋風涼。松韻長。未歸客思故鄉。且道。誰是未歸客。何處是故鄉。良久云。長連牀上有粥。有飯。

因施主上堂。僧問。雷音已震於沙界。今日相逢事若何。答。久雨不晴。僧云。與麼。則錦上添華。答。熏天炙地。僧云。起動和尚。師便打。乃云。問既無盡。答亦無窮。若據祖宗門下。本無如是事。若於建化門中。隨機施設。亦大矣哉。永嘉云。嗟末法惡時。世衆生薄。福難調制。

去聖遠兮。邪見深。魔疆法弱。多冤害。永嘉與麼道。且暫時閒曲順人情。卽不可千古之下。要且遭人簡點。何故。且我家本無是事。諸佛亦不曾出世。亦無佛可成。亦無法可說。亦無衆生可度。亦無煩惱可斷。亦無菩提可求。亦無涅槃可證。亦無前際中際後際。亦無正法像法末法。於一切法。求其實性。皆不可得。所以時亦不去。來法亦不生。滅不見。道一切法不生。一切法不滅。若能如是。解諸佛常現前。所以長沙云。盡十方世界。是沙門一隻眼。盡十方世界。是沙門全身。盡十方世界。是箇真實人。體盡十方世界。是解脫門。乃至佛及衆生。有情無情。有性無性。皆同一體。同一性。同一相。亦無內外中。閒取捨愛憎。斷常生滅。染淨去來。種種知解之所分別。若能如是。則三界不能收。六道不能攝。於一切處。運用去來。無住無著。應物現形。得大自在。或凡或聖。或是或非。逆行順行。天莫能測。所以永嘉到者裏。出手不得。又記得本淨云。道體本無修。不修自合。道弃却一真性。來入關浩浩。若逢修道人。第一莫向道實。謂誠實之言。保寧與麼也。且隨

方就圓然雖如是笑我者多咽我少

上堂風聲浩浩觀音談不二法門春色依依遮那現無相境界鴈迴沙塞鷺鷥喬林長空飛白鶴之雲大野洒如膏之雨實謂頭頭顯煥處處發明拈拄杖云三世十方不離者裏噓一聲云眼睫毛都落盡不知何日更重生

上堂舉三聖云我逢人即出出即不爲人興化云我逢人即不出出即便爲人此二尊宿與麼爲人猶在半途保寧今日路見不平拈拄杖下座大衆一時走散擲却便歸方丈

上堂天上無彌勒地下無彌勒打破太虛空如何尋不得垂下一足云大衆向什麼處去也

上堂釋迦出世弄假像真達磨西來將長就短德山棒臨濟喝陽燄充饑梅林止渴清平世界不妨夜行如今莫有吞却佛祖打破化城者麼良久云保寧今日被大衆勒破

上堂山僧二十餘年挑囊負鉢向寶海內參善知識十數餘人自家竝無箇見處有若頑石相似參底尊

宿亦無長處可相利益自此一生祇做箇百無所解底人幸自可憐生忽被業風吹到江寧府無端被人上堂推向十字路頭住箇破院作粥飯主人接待南北事不獲已隨分有鹽有醋粥足飯足且與麼過時若是佛法不曾夢見便下座

上堂至道無難唯嫌揀擇拈拄杖云保寧拄杖子一時穿却天下衲僧鼻孔了也卓一下下座

上堂法身無相應物以形般若無知對緣而照上是天下是地佛殿對三門僧堂對廚庫拈拄杖云這箇是保寧拄杖子阿那箇是法身若向者裏透得過且向三家村裏東買西賣若也透不得過天下橫行猶未可金陵還有鳳臺關卓一下下座

上堂昭昭於心目之閒而相不可觀拈起拄杖云還見麼若見又道不可觀晃晃於色塵之內而理不可分擊杖云還聞麼若聞又道不可分放開即易捏聚即難荆棘林中須知有出身之路試向七縱八橫處道將一句來衆無語乃云若不入水爭見長人上堂拈拄杖云人人盡道有箇黑漆底祇是用處不

同在諸人分上豎窮三際。橫徧十方。指大地爲黃金。攪長河爲酥酪。在保寧手裏。要橫不得。橫要豎不得。豎動著。卽喪觀著。卽瞎。當與麼時。忙忙之者。普天而地下座。

上堂。大地北風吹。長天霰雪飛。今朝寒較殺。身上更添衣。大衆有衣則添。無衣添箇什麼。爐邊向火。猶嫌冷。更有樵夫。跳足行。

上堂。春雨如膏。春風如刀。填溝塞壑。拔樹鳴條。會麼。魚行水濁。鳥飛落毛。

上堂。不可以智知。不可以識識。拈拄杖云。大衆喚作什麼。若喚作拄杖。眉鬚墮落。若不喚作拄杖。陸地平沉。試向不動纖毫處。道將一句來。良久云。在家祇言爲客易。臨筌万覺取魚。離卓一下下座。

上堂。屈屈作什麼。昨夜三更達磨大師。一拳打落保寧當門齒。問知師解把無星秤。無角鐵牛。重幾多。答頭輕尾重。僧云。此猶是對面相瞞。答與天下人作勝樣。僧云。恁麼則人平不語水平。不流。答猶較些子。問靈山指月。曹谿畫月。未審保寧門下如何。師云。嘎僧。

云。有華當面貼。師便喝。僧云。鴛鴦繡了。從教看。莫把金針度與人。答罕逢穿耳客。

大覺禪師來上堂。同聲相應。同氣相求。定光招手。智者點頭。雖然如是。也未免笑破他人口。

上堂。唯一堅密身。一切塵中現。所以行住坐臥。念念無生。見聞覺知心。心永寂。善財童子於一念閒。經過一百一十城。參問五十三員善知識。到了不離菩提道場。普光明殿。遮那彌勒步步相隨。文殊普賢處處出現。若向這裏見得諦去。更須知有向上一路。始得。且向上一路。又且如何。呬。呬下座。

上堂。祖師門下。絕人行。深險過於萬丈坑。垂手不能空費力。任他堂上綠苔生。

上堂。若說佛法供養大衆。未免眉鬚墮落。若說世法供養大衆。入地獄如箭去。此二途當說什麼。三寸舌頭無用處。一雙空手不成拳。

上堂。拈拄杖喝云。護區區休碌碌。無相光明常滿目。短棹孤舟歸去來。五湖四海煙波足。擲拄杖下座。

上堂。保寧門戶。鎮長開。龜侶懂懂去。復來。二水三山。



何處是直須親到鳳皇臺

上堂。嚙鐵之機。猶是鈍當鋒點的。未爲親那吒十面千眸。動無相靈光。翳日輪。喝一喝下座。

大平州瑞竹上堂。主人命陞此座。爲衆說法。若論此座而無所陞。無所不陞。若論此法而無所說。無所不說。三世諸佛亦如是。東西祖師亦如是。諸人亦如是。保寧亦如是。既然如是。誰是坐者。誰是立者。誰是說者。誰是聽者。若也會得。已是頭上安頭。若也不會。一任斬頭覓活。

上堂。十方梵刹事同一家。量才補職。買帽相頭。衲僧家。一日二時向長連牀上。開單展鉢。拈匙把筯。欠箇什麼。餲餅餌。餛飩糕餠。餚乃尋常茶飯。雖然如是。且道杓柄在什人手里。若也知得。一任恣意。嗔嗔若也。不知。今日新講典座。

上堂。拈拄杖云。官商角徵羽。金木水火土。卓一下云。卦上吉凶分。三日後看取。

上堂。保寧尋常爲人。直下是無面目。若也敲骨出髓。直得神號鬼哭。拍手笑云。仁義盡從無處斷。世情偏。

向有錢家

上堂。橫按杖云。汝等大丈夫。漢須是一刀兩段。直下七縱八橫。擲杖云。且待天下人判斷。

問。寒風凋敗葉。猶喜故人歸。未審誰是故人。答。楊岐遷化久矣。僧云。更有什麼人。知音答。無眼村公暗點頭。僧云。死柴頭有無煙火。獨向應無人得知。答。今日未開爐。僧云。忽遇七縱八橫時。如何答。不如縮却手。僧云。誰知煙靄裏。猶有釣魚翁。答。莫亂道。

師與李太博學三句頌。次博云。祇是箇不了底公案。師云。試請太博斷看。博云。八棒十三。師云。保寧有什麼博。無語。師云。正是箇不了底公案。

上堂。學夜夜抱佛眠。朝朝還共起。起坐鎮相隨。語默同居止。分毫不相離。如身影相似。欲識佛去處。祇者語聲是大衆傳。大士此頌。古今不墜。一切人知。向此警地者亦多。錯會者不少。玄沙云。大小傳大士。祇認得箇昭昭靈靈。洞山聰云。且道。衲僧家日裏還曾睡也。無此兩轉語。誰言世上無仙客。須信壺中別有天。保寧亦有一頌。要眠時。卽眠。要起時。卽起。水洗面皮。

光啜茶濕却臂大海紅塵生平地波濤起阿阿阿阿  
呵囉哩哩囉哩下座

上堂衆集定良久云堪作箇什麼便下座

上堂衆集定良久云猶較些子便下座

上堂看看山僧入拔舌地獄去也以手拽舌云啊哪  
啊哪

上堂森羅及萬像皆於鏡中現以杖指云北面是廚  
庫南面是僧堂中間是佛殿直下指云者裏是什麼  
乃云踏牀子也不識

問如何是保寧境答主山頭倒卓進云如何是境中  
人答鼻孔無半邊問如何是保寧家風答硬餬餅爛  
鉢飪進云忽遇客來將何祇待答麤飧易飽細嚼難  
飢問如何是佛答自屎不覺臭

上堂一是一二是二是三是四是四數目甚分明上  
下依資次依資次有何事以杖劃云大眾一時亂却  
六十甲子了也

上堂行時行住時住坐時坐臥時臥舉手動步皆自  
由處處何時有蹉過自家肚皮自家劃粥飯但煖休

忍饒阿呵呵記得麼今年十一月是小十二月是大  
上堂釋迦老子初生下時周行七步目顧四方當與  
麼時土曠人稀相逢者少遂以手指天地三家村裏  
東卜西卜便道天上天下唯我獨尊祖禪不了殃及  
子孫下座以手托禪牀召衆云三十年後不得錯舉  
上堂啞人唱聖子拍承夜風清月虛白燐塢打著連  
底凍天曉一輪光烜赫文殊普賢醉不知淨海新羅  
齊研額阿呵呵作什麼從教屎坑裏坐深草裏臥水  
長船高泥多佛大公案現前一時領過以杖劃一劃  
下座

上堂古人底今人用今人底古人爲古今無背面今  
古幾人知唧唧呀一九與二九相逢不出手

上堂無種靈苗火裏栽鐵華還向樹頭開驀然結箇  
團欒果指似時人處得來

上堂無邊刹境自他不隔於毫端十世古今始終不  
離於當念豎窮三際橫徧十方理事圓融性相平等  
宮殿樓閣處處莊嚴草木山川重重顯露鐘鳴鼓響  
時時揚解脫之音文字語言句句盡真如之理離彼

離此無是無非芥子納須彌未爲分外百川歸大海  
乃是尋常都亡大小之名不見有無之相是故隱顯  
自在去住無方處凡不凡在聖不聖此不思議境界  
諸人常在其中爲什却不自覺

上堂侍者燒香罷師指侍者云侍者已爲諸人說法  
了也遂下座

上堂以兩手畫一圓相擊開捺膝云渾崙劈不破三  
人共兩箇滋味信全無有誰吞得過吞得過且與麼  
吞不過莫亂做

上堂欲言言不及林下好商量且道作麼生商量時  
挑野菜和根煮旋斫生柴帶葉燒

上堂賣扇老婆手遮日田公布荷不到膝斷頭船子  
任風飄昨夜籬頭吹筆簷

上堂百川異流同歸於海萬塗差別皆入此宗車挂  
杖云醫得眼下瘡則却心頭肉

上堂昨夜三更忽然大地震動直得須彌巖峇海水  
沸騰其中有無限衆生正在夢中不覺不知如存若  
亡卓拄杖云大衆還聞麼幾乎喪身失命

解夏上堂秋風纔動布袋頭開來者自來去者自去  
江淮兩浙足有家風衡嶽廬峯更多幽致驅驅轉轉  
劫劫波波須知道不動如來未嘗舉步且道不動步  
一句作麼生道良久云適來堂裏來却歸堂裏去

一日上堂纔出法堂大衆問訊便歸方丈

上堂舉道遠乎哉觸事而真師云涼風明月青山白  
雲聖遠乎哉體之則神師云眉毛上踮跳眼睫裏藏  
身拍禪牀云遠親不如近隣

上堂從他謗任他非把火燒天徒自疲我聞恰似飲  
甘露消融頓入不思議大衆永嘉猶有者箇在

眞州資福上堂指座云資福法座行住坐臥快便難  
逢不得放過便陞座衆立定師云會麼不解作客勞  
煩主人遂下座

上堂上是天下是地南北東西各依本位保寧有時  
翻天作地翻地作天喚東作西喚南作北擡轉鼻孔  
換却髑髏衆中有同死同生者何妨出來大家出手  
有麼良久云當官莫近前作客莫落後

上堂乾坤之內宇宙之間中有一寶秘在形山且道

是什寶非青黃赤白男女等相。是何言歟。雖然如是。匹上不足。匹下有餘。

上堂。卽此見聞。非見聞。無餘聲色。可呈君箇中。若了全無事。體用無妨。分不分。保寧有時。以拄杖作體。有時。以拄杖作用。作體也。乾坤寂爾。世界坦然。作用也。秋變冬凋。春生夏長。不見道體中有用。用中有體。體不離用。用不離體。橫按杖云。且道是體。是用。若到諸方。莫道保寧四棱塌地。

上堂。拈杖云。此是雲門。臨濟。德山。巖頭。一生用不盡底。如今在保寧手裏。不直半分錢。雖然如是。又也可實可賤。且道什處是可貴。可賤。擲杖下座。

長蘆上堂。未到者裏。萬事不言。旣到者裏。如何卽是有口有舌。何妨亂說。有問話者。出來再召。無人。師云。猶較些子。古寶福云。隔江見寶福。剎竿便迴。脚跟好與二十保寧。昨日離金陵。泛小舟渡大江。到長蘆門下。見剎竿觀佛殿。上方丈。禮拜祖印禪師。蒙不賜罪。實特加慇懃。何故。恩深轉無語。懷抱自分明。禪師又令對衆陞座。不免胡言漢語。瞞諸人等。是不識好惡。

更有一頤。乘興安然。泛小舟。雲時風送到江頭。不知相見談何事。諸高德試道看。

上堂。有手脚。無背面。明眼人。看不見。天左旋。地右轉。拍膝云。西風一陣來。落葉兩三片。

上堂。古云。文殊門入者。牆壁瓦礫。與汝發機。觀音門入者。蝦蟆蚯蚓。與汝發機。普賢門入者。不動步。徧十方。大衆。東西南北。四維上下。築著。磕著。不覺不知。過在什處。良久云。紅粉易成端。正女無錢。難作好兒郎。上堂。黃面老子。出世平地。骨堆碧眼。胡兒西來。無風浪起。近朱者赤。近墨者黑。臨濟雲門。牽枝引蔓。保寧也有沒量罪過。諸人也有沒量罪過。還委悉麼。良久云。面皺祇因陪笑。得背陀還爲打躬。多參。

上堂。不可以智知。不可以識識。言語道斷。心行處滅。保寧道亦可以智知。亦可以識識。言語不斷。心行不滅。何故。青山祇解磨。今古流水何曾洗。是非。

上堂。風鳴條。雨破塊。曉來枕上。鷓鴣聲碎。蝦蟆蚯蚓一時鳴。妙德三生。都不會。都不會。三箇成羣。四箇作隊。窈窕窈窕。飄飄飄飄。向南北東西。折得黎華李華一。

佩兩佩

上堂時時舉處處說絕忌諱無閒歇橫按杖云會麼  
一夜落華雨滿城流水香卓一下下座

歲旦上堂昨日去年去今日今年來去年去不去今  
年來不來徧野盈尺雪大地亡纖埃無名無字人舉  
目聊徘徊

發化主上堂身披信施衣口喫信施食施者絕纖毫  
受者無蹤跡大施門正開百千及萬億信手拈將來  
切忌從他覓既不從他覓向信手處道將一句來有  
麼若無保寧白道去也一封書信通消息兩貼茶湯  
表信儀

問彌勒真彌勒分身千百億時時示時人時人自不  
識和尚還識也無答不識僧云石牛頻吐三春霧木  
馬嘶聲滿道途答陸過也不知僧云陸過事作麼生  
師便喝僧合掌云真善知識答念你是舊維那問維  
摩展掌世界輝耀善財彈指樓閣重重爲復神通妙  
用本體如然答總不與麼僧云未審作麼生答水瀝  
不著僧云兵隨印轉將逐符行答千里萬里僧云某

甲祇與麼和尚又如何答你是行脚人僧云三十年  
後有人舉在師云記取問師登寶座四衆臨筵的的  
西來請垂舉唱答慢二急三僧云今日一會事不虛  
然答拍拍是令僧拍手云囉囉哩答也似箇知音僧  
云施主需恩學人禮謝答風驚草動問向上之機卽  
不問入鄺垂手意如何答兩腳踏地僧云天人羣生  
類皆奉此恩力答鼻孔遼天僧禮拜師云莫動著問  
如何是塵中自在底人答因行不妨掉臂問如何是  
佛法大意答饒湯無冷處

退院上堂百尺竿頭弄嶮巖是人平地爲攢眉而今  
潦倒成無用高躡前蹤付與誰有道得者試道看良  
久云若無人道不如交與謝知府大衆畢復云江國  
名蓋甲上游寅緣於此繼焚修幻軀已是多衰病雪  
髮將看徧滿頭浮世百年猶不足旋風千帀尙難周  
今朝喜作神仙客遂性逍遙得自由

再授帖上堂拍手三下指口搖手三下下座

市戶請上堂塵榻室不拂方丈門再開不惜眉毛者  
橫身請入來僧出拍手三下指口搖手三下云如何



答猶較些子。僧云盡開終始口爭奈有天何。答被你勘破。僧搖手三下。歸衆答好箇仙陀。問百尺竿頭弄嶮。賊是人平地爲攢眉。如今眉已展如何。是弄嶮賊底。答一任拍手。僧云纔身真箇有來。由答自家看取。僧云忽若撲落又作麼生。答噫僧云也要大家知。答人平不語水平。不流僧云有意氣時添意氣。師噯一聲問欲退名藍辭不得。宗乘重唱時如何。答葉落歸根。僧云法輪再轉於闍浮道。光重映於千載。答春來依舊萌芽發。僧云雨露垂恩羣情有賴。答大地沒閑人。乃云三界六道輪迴業鏡難藏好醜。不須更滯他人。盡是自作自受。如今於諸人分上各自有一面業鏡子。明歷歷地。且道是好是醜。試請迴頭自照看。又外道問世尊。今日當說何法。尊云說定法。次日復問說何法。尊云說不定法。道云昨日爲什定。今日爲什不定。尊云昨日定。今日不定。諸仁者是知佛法無有定相。無不定相。隨機施設一切。臨時說有亦得。說無亦得。說定亦得。不定亦得。猶如太空蕩蕩無礙。一任穿鑿縱橫自在。如今若有人問保寧。今日當說何法。

卽云說不定法。或次日問說何法。卽云說定法。或問昨日爲什不定。今日爲什定。卽云昨日不定。今日定。或問昨日不定。事作麼生。卽云未曾再謝知府在。或問今日定底作麼生。卽云市戶已作茶筵了。謝畢。乃云引退。潛藏志未從。世閒何處可相容。依前却入塵泥去。物物頭頭露祖宗。拍禪牀下座。

上堂釋迦老子四十九年說法。不曾道著一字。優波毼多丈室盈簪。不曾度得一人。達磨不居少室。六祖不住曹谿。誰是後昆。誰爲先覺。彼自無瘡。勿傷之也。拍手大笑云。且喜天下太平。

上堂萬物滋一雨。生芽不離土。甜瓜徹蒂甜。苦瓠連根苦。

上堂從朝至暮。橫說豎說。其奈未嘗動著他一毫毛。拈杖云。委悉麼。初三十一。中九下七。休閒天岡河魁說甚大吉。小吉。劃一劃下座。

上堂拈拄杖子。卓一下云。何不說法。卓二下云。惺惺直是惺惺。歷歷直是歷歷。三十年後。不得受人瞞卓三下下座。

上堂召衆以手指上指下云。這箇是釋迦。擎拳云。這箇是迦葉。合掌云。這箇是阿難。展兩手云。這箇是什麼。云。羞慙殺人。

上堂舉靈雲見桃華悟道有頌云。三十年來尋劍客。幾迴落葉幾抽枝。自從一見桃華後。直至如今更不疑。玄沙聞云。諦當甚諦當。敢保老兄未徹在。且道靈雲見什麼道理。莫是悟得箇萬法不生不滅。無去無來。空寂之理麼。若與麼何曾悟在。祇如玄沙恁麼道。爲復是冒他。不冒他。若道冒他。玄沙眼在什麼處。若道不冒他。靈雲過在什麼處。衆中商量極多。所以千聞不如一見。保寧亦敢保諸人未徹在。且聽一頌。靈雲忽爾見桃華。賴遇玄沙是作家。此話古今應不墜。任他雲水走天涯。

上堂舉雪峯云。南山有條鼈鼻蛇。汝等諸人好看長慶云。今日堂中。大有人喪身失命。玄沙云。用南山作麼。雲門以杖撥向雪峰面前。作怕勢。師拈杖召衆云。喪身失命了也。下座。

上堂今朝十月一。爐簇無煙火。削髮披緇流。競向爐

邊坐。霜清天乍寒。水冷冰未鎖。不知天上與人閒。更有阿誰過。似我拍手大笑下座。

上堂有箇漢。怪復醜。眼直鼻藍。錢面南看北斗。解使日午金烏啼。夜半鐵牛吼。天地旋山河。走羽族毛羣。失所守。直得文殊普賢出。此沒彼七縱八橫。千生萬受。嘉然逢著箇黃面瞿曇。不惜眉毛再三與伊摩頂授記云。善哉善哉。大作佛事。希有希有。於是自家懽懽懽懽。懽懽惶惶。藏頭縮手。大眾此話已行。何待三十年後。

上堂天地與我同根。萬法與我一體。拈杖云。渾家不管興亡事。祇解和雲占洞庭。

上堂相見不揚眉。君東我亦西。紅霞穿碧海。白日繞須彌。保寧卽不然。不西不東觸處逢。耳輪卓朔頭髮鬚。翹仰天大笑。手指虚空作麼寒風颭。颭細雨濛濛。

上堂震法雷。擊法鼓。布慈雲。兮灑甘露。法雷已震。法鼓已擊。慈雲灑。甘露灑。萬彙千靈悉霑其益。其益既廣。其功不宰。爲什不宰。道泰不傳。天子令時清。

休唱太平歌

上堂大方無外大圓無內無外聖凡普會瓦礫生光須彌粉碎無量法門百千三昧拈杖云總在者裏會麼蘇嚕蘇嚕悉哩悉哩

上堂真相無形示形顯相千怪萬狀自此而彰喜則滿面光生怒則雙眉陡豎非凡非聖或是或非人不可量天莫能測直下構得米稱丈夫喚不回頭且莫錯怪

上堂日可冷月可熱衆魔不能壞真說保寧即不然月可冷日可熱衆魔亦能壞真說作麼生是真說潮田種稻重取穀村路逢人半是僧

上堂解語非干舌能言不是聲百骸俱潰散一物鎮長靈師彈指云大衆蒼天中更添怨苦

上堂明頭來明頭打師拍手一下暗頭來暗頭打拍手一下四方八面來連架打拍手一下總不恁麼來時如何喲云笑殺傍觀

上堂智不到處切忌道著道著即頭角生大衆頭角生了也是牛是馬

炙茄齋上堂休說因緣不是時節匹馬單鎗翦釘截鐵僧問爲善者讚莫能盡爲惡者歎亦無窮祇如不爲善不爲惡者又作麼生答叫天不應叫地不聞僧云岳陽樓子上大見使帆人答知音者少僧以坐具一劃師便喝僧亦喝師云蹉過也不知僧云相識滿天下答禮拜著僧應諾師便打問滿堂雲水客箇箇學無爲未審無爲如何學答教老僧向汝道什麼即得僧云一切賢聖皆以無爲法爲甚却有差別答青絹扇子沒風涼僧云大衆證明學人禮謝答禮謝即得問直截根源佛所印摘葉尋枝我不能尋枝摘葉即不問直截根源事若何答蚊子上鐵牛僧云直截根源今已曉中下之流如何指示答石人脊背汗通流僧云施主霑恩學人禮謝答三十年後此話大行乃云佛祖正令凡聖俱亡機智難明心境雙絕所以佛祖到者裏盡皆亡鋒結舌設有一言半句皆是爲礙盡足之談實際理中本無是事何謂只要諸人瞥地去不逐語言去返本還源去不涉岐路去踏破化城去截斷兩頭去歸家端坐去諸人何不向佛未出



世時薦取祖師未來時薦取父母米生時薦取祇如父母未生時且自家作何面目委悉麼良久云團團古鏡無纖翳試請回頭一照看。

上堂昨夜泥牛啼吼今朝木馬奔騰築著嘉州石佛驚起少室胡僧胡僧當門窗缺開口向人怎說正月孟春猶寒未是仲夏毒熱

上堂舉老宿到臨濟便問禮卽是不禮卽是濟便喝宿便拜濟云這賊宿云這賊便出濟云莫道無事好首座在邊立濟云且道還有過也無座云有濟云賓家有主家有座云俱有濟云過在什處座便出濟云莫道無事好後有僧舉似南泉泉云禍事僧云這賊泉云這賊便打大衆這一羣賊其中有正賊有草賊且道那箇是正賊那箇是草賊辨得麼口款易招賊物難認

上堂大凡作與麼事開與麼口說與麼話須是與麼人始得祇如與麼人還甘與麼道也無搖手云低聲低聲

上堂來無頭去無脚終日行踏不著既是終日行爲

什踏不著

上堂晝夜靜悄悄日日關浩浩夜夜與日日尋常向人道忙時急脚行困便和衣倒大衆不曉這箇事總是閒煩惱

上堂橫身荷衆不顧危亡割起布裙入泥入水分毫上定當升合裏論量拆東籬補西障若解與麼循塗守轍也可當風抵浪雖然如是猶未是咬猪狗底手脚作麼生是咬猪狗底手脚要會麼殺人不眨眼氣宇大於王

上堂春種一粒穀秋收萬顆子四海無閒田農人猶餓死我沙門釋子修心務本五湖四海到處爲家今日不愁明日飯生涯祇在鉢盂中雖然如是祇知有一不知有二何故不見道喫人美食憂人美事

上堂君不見絕學無爲閒道人作麼不除妄想不求眞昨昨無明實性卽佛性泥裏洗土幻化空身卽法身矢上加尖祇者裏便回頭去已是拋家散業了也更若奔波向前其奈山重水遠

上堂車挂杖云佛殿走出三門燈籠跳入露柱百草

頭頭放光說法如雲似雨擲下杖云咄咄下座

上堂相罵無好言相打無好拳大眾直須恁麼始得一句句切害一拳拳著實忽然打著箇無面目漢也不妨暢快殺人

上堂邪人說正法正法悉皆邪正人說邪法邪法悉皆正提起杖云是邪是正咄這裏是什麼所在說邪說正擲下云一任學似諸方

問緇素盡臨於座側請師方便振雷音答爭敢僧云和尚爲什藏鋒相待答驚天動地也不知僧云一音師子吼何處覓狐蹤答頭上漫漫脚下漫漫僧云還許出身句也無答官不厭詐僧畫一圓相師便喝僧亦喝師亦畫一圓相僧以坐具一劃師云三十年後不得錯學僧云惱亂春風卒未休答少賈弄問滿寂之機卽不問入鄣垂手事如何答爲蛇畫足人無數僧云夜來寒風生八極今朝流水漲前溪答六祖不識字僧畫半月相云且道是什麼答老僧不識僧便喝答且莫虛頭僧云三十年後答放一線道冬至僧問檀那瞻仰海衆雲臻向上宗乘請師舉唱

答今年天子拜南郊僧云一人有慶兆民賴之答金雞放大赦僧云未審某甲有分不答莫道不承恩僧云便與麼去時如何答靈利人難得問去載今朝長至節今年猶是去年年二輪交互常流動到此如何論不遷答天寒日短僧云爲什改故換新答冬深多雨雪必定是豐年僧云野火燒不盡春風吹又生答有什了時僧云點點是秋聲答終不落別處僧以坐具一拂師噓一聲

上堂一月普現一切水一切水月一月攝諸佛法身入我性我性同共如來合舉頭觸著威音頭下足踏著彌勒足拈匙把筯現千百億化身換水添香作恒河沙佛事既非妙用豈是神通理無不圓事無不備若也悟得誰家竈裏無煙爇或未然病是衆生良藥上堂不壞假名而談實相拈杖云這箇是假名阿那箇是實相卓一下云這箇是實相阿那箇是假名有眼底近前無眼底退後

上堂呵佛罵祖無慚無愧法說非法非法說法具大闡提撥無因果且道此人是邪是正良久云邪卽總

邪正卽總正

上堂來也來也良久云去也去也

上堂久默斯要不務速說召衆云誰人肯向死前休  
上堂脚瘦草鞋寬髮長僧貌醜召衆云突出兩箇鬼  
眼睛更有一雙窮相手

上堂金不博金水不洗水楊岐老古錐思量無道理  
無道理打落當門齒

上堂將經寺裏談擔水河頭賣都來不直一分文羞  
殺黃頭箇新戒

上堂古人道禪僧家須是與他本分草料始得且作  
麼生是禪僧本分草料良久云一日三頓未爲多  
上堂圓同太虛無欠無餘良由取捨所以不如古人  
恁麼道直是光前絕後雖然如是未免強陪分疎  
上堂我見瞞人漢如盤盛水走一氣歸到家盤裏何  
曾有拍手大笑云有意氣時添意氣不風流處也風  
流

上堂不思議解脫力妙用恒沙也無極卓杖一下云  
吞却法身了也諸人向什麼處迴避若也道得萬仞崖

前有活身之路若道不得大地死人如麻似粟卓一  
下下座

上堂平直道路敲磕門庭總被他古人縱橫履踐了  
也教保寧向什麼處措足委悉麼江山行不盡雨雪下  
無時

上堂或是或非人不識逆行順行天莫測大衆是箇  
什麼便得恁麼良久云有金有玉同歡笑無米無柴  
各斂眉

上堂保寧記得三十年前一轉奇特公案欲舉似大  
衆及至下得法堂和話頭都來忘却還有人記得麼  
試學看衆無對師云江南極有江北絕無

上堂一斛量不盡一秤稱得起半箇却完全有頭自  
無尾且道是什麼物

上堂保寧飯食麤惡別無精妙品饌供養諸人既到  
這裏開單展鉢須是喫得這箇無滋味始得若喫不  
得且莫怪

上堂拈杖云長千聖不能量短蠅螟眼裏著不滿卓  
一下云夜來江上雨分作萬家流

上堂是箇什麼得與麼難會。是箇什麼得與麼易曉。委悉麼。不是怨家不聚頭。

上堂欲入無爲海。須乘般若舟。拈杖云。這箇是無爲海。阿那箇是般若舟。擲下杖云。善看。方便切忌。墮墮羅刹鬼國。

上堂瑞雪下殘臘。和風生早春。空將未歸意。說向欲行人。未歸意。絕忌。諱欲行人。何疎親。繞須彌山。轉百千匝。不知畢竟向什麼處。藏身。拍禪牀下座。

上堂赤肉團上無位真人。左眼八兩。右眼半斤。貴買賤賣。黃金白銀。

上堂我有一張口。內含三寸舌。牙齒總完全是非。無不說。趙州木佛放光明。少室鐵牛雙角折。拍禪牀下座。

上堂舉趙州臨順世。令僧馳拂子。傳語趙王云。此是老僧一生用不盡底。乃云。趙州一生用不盡底。終不錯分付。雖然不錯分付。爭奈趙王提不起。乃拈杖云。此是保寧一生用不盡底。不如未死已前。兩手平等分付與諸人。擲下杖。拍手云。阿喇喇。三十年後莫教

失却

上堂春色秀媚。春日光輝。萬姓歌歡。百禽叫噪。處處草鋪茵。禪家門簇青。紅樓臺殿。閣勢崢嶸。酒肆茶坊。分屈曲。無論士女。選甚兒郎。兩兩三三。行行行。唱或攜華微笑。或折柳攢眉。這畔搖頭那邊拍手。作癡作呆。似顛似狂。忽若被人冷覷著。大好一場笑具。

上堂保寧一夏臥疾。已來向方丈裏撒尿撒尿。狂言寐語。直是東西不辨。南北不分。求生不生。求死不死。當恁麼時。還有人相救得麼。若有向什麼處著力。若無保寧自起自倒去也。拍禪牀下座。

上堂不見一法。卽如來方得名爲觀自在。觀自在在什麼處了。卽業障本來空了。箇什麼未了。還須償夙債。未了箇什麼。若向這裏透得過。不妨平地上東行西行。若透不過。天網恢恢。疎而不漏。

上堂無漏真淨云。何是中更密他。物喝一喝。拍一拍。云。好人不肯做。須要屎裏臥。

上堂見見之時。見非是見。見猶離見。見不能及。卓杖云。還見麼。落霞與孤鶩齊飛。秋水共長天一色。



上堂佛道長遠久受艱苦乃可得成有人不受艱苦  
不涉久近不作衆生亦不成佛且道此人還得究竟  
也未良久云莫屈滯他好

上堂不可毀不可讚體若虛空沒涯岸不離當處常  
湛然覺卽知君不可見還見麼知事少時煩惱少識  
人多處是非多

上堂說得行不得是阿誰行得說不得也大奇一步  
一彈指一割一皴眉拍禪牀召衆云紫旂檀塔七八  
級紅函舊華三四枝

上堂洞山云五臺山頂雲蒸飯佛殿前頭洵尿天刺  
竿頭上煎椎子三箇糊猴夜窺錢石霜云風吹石臼  
管哮吼泥捏夜叉空裏走趨驟海月亂波生驚起土  
星犯南斗道吾云三面狸奴手捉月兩頭白牯脚擎  
煙戴冠碧鬼立庭柏脫殼烏龜飛上天師云此三頌  
一與祖佛爲師一驗衲僧眼目一與天下人作勝據  
若人定當得許具一隻眼

上堂古佛家風隨時展演衲僧活計在處施張鋤地  
開田刈禾割草燒火擇菜擔水搬柴沽醋買油乞錢

◆推盤推

持鉢把船搖檣拽石推車八萬細行莊嚴三千軌儀  
具足轉法輪於極盛堆上揚密旨於微塵刹中十地  
菩薩盡茫然四果聲聞都閑措橫按杖云還有人道  
得麼衆無語師云堪出手時須出手得藏身處且藏  
身卓一下下座

上堂許由洗耳賈弄清高巢父飲牛設張意氣太公  
垂釣終是有心范蠡泛湖焉能絕跡直得君臣道合  
河海晏清風不鳴條雨不破塊爭似三月野華隨處  
發九秋黃葉滿空飛狂歌向碧洞之前大醉在玉壺  
之裏拍手大笑云還知麼昨日是季秋霜冷今日是  
孟冬薄寒

上堂夜靜月明水清魚現金鈎一擲何處尋蹤提起  
杖云歷細歷細

上堂有物先天地無形本寂寥能爲萬象主不逐四  
時凋枯杖云且莫喚這箇作拄杖子好

壽寧長老進發上堂曹谿一宿也大無端黃檗三頓  
遞相鈍置蒲團禪板屈抑當人索火來燒猶較些子  
保寧今日別無相送壽寧長老拈杖云祇有一條黑

漆拄杖更不囊藏。向大眾前。兩手分付。擲杖下座。  
上堂。大丈夫。眉目。纔。東西南北。何所拘。氣。衝。宇宙。坐。  
斷毗盧。又說什西來。碧眼胡。

上堂。吾心似秋月。碧潭光皎潔。無物堪比倫。教我如。  
何說。寒山子。貴。價。精神。賤。價。賈子。細。思量。著。甚。來。由。  
雖然如是。三十年後。有人點檢。保寧。去在。

上堂。業鏡當臺。賊身已露。既是賊物。現在爲甚。不肯。  
招伏。會麼。朝打三千。暮打八百。

出歸上堂。霜風浩浩。葉紛紛。曉入深村。野老門。相見。  
但知俱默坐。更無一事可談論。良久云。入山擒虎易。  
開口向人難。

### 頌古

世尊初生下時。周行七步。目顧四方。一手指天。一。  
手指地。云。天上天下。唯我獨尊。

混沌未分人未曉。乾坤纔剖事潛彰。天生伎倆能奇。  
怪。末上輪他弄一場。

外道問佛。不問有言。不問無言。世尊據坐。外道禮。

拜讚歎云。世尊大慈大悲。開我迷雲。令我得入外。  
道。去後阿難問佛。外道見何道理。禮拜讚歎而去。  
尊云。如良馬見鞭影而行。

經過遇夜宿荒草。開得眼來。天大曉。空心赤脚。唱歌。  
歸路上。行人已不少。

五通仙人問世尊。我有五通。佛有六通。如何是那。  
一通。世尊乃召五通仙人。仙人應諾。世尊云。那一。  
通。你問我。

無量劫來。曾未遇如何。不動到其中。莫言佛法無多。  
子。最苦瞿曇那一通。

世尊一日在靈山會上。拈華示衆。迦葉微笑。尊云。  
吾有正法眼藏。付囑摩訶迦葉。汝今行化。無令斷。  
絕。

拈華我佛在靈山。迦葉頭陀忽破顏。金口密言親付。  
囑。不唯天上與人聞。

文殊令善財入山採藥。殊云。不是藥者。採將來。財。  
云。山中無不是藥者。殊云。是藥者。採將來。財於地。  
上。拾得一莖草。度與文殊。殊接得示衆云。此藥亦。

能殺人亦能活人

大地蒼生病似麻吉祥靈藥示無涯其間殺活難分辨又是重添眼裏華

阿難問迦葉世尊傳金襴外別傳何物業召阿難難應諾葉云倒却門前刹竿著

象王行處絕狐蹤象子雄雄繼此風休說二千年後事縱塵沙劫又何窮

阿育王問賓頭盧云承聞尊者親見佛來是不者以兩手撥開眉云親見佛來

我佛親見賓頭盧眉長髮短雙目圓阿育王猶疑狐啼嚀呢嚀哩嚀哩嚀嚀

梁武帝問達磨如何是聖諦第一義磨云廓然無聖帝云對朕者誰磨云不識

燒得通紅打一鎚周遭無數火星飛十成好箇金剛鑽攤向門前賣與誰

達磨一日云吾住世非久誰得吾正宗者出來與汝證明道副云如我所見不執文字不離文字以爲道用磨云汝得吾皮尼總持云我今所解如慶

喜觀阿閼佛國一見更不再見磨云汝得吾肉道育云四大本空五陰非有而我見處實無一法可當情磨云汝得吾骨二祖出禮三拜依位而立磨云汝得吾髓

門前諸子列成行各逞英雄越霸王如何獨有無言者坐斷毗盧不可當

六祖見二僧爭風幡一云風動一云幡動祖云不是風動不是幡動

蕩蕩一條官驛路晨昏曾不禁人行渾家不是不進步無奈當門荆棘生

六祖問讓和尚甚處來讓云嵩山祖云什麼物恁麼來讓云說似一物即不中祖云還假修證不讓云修證即不無汙染即不得祖云即此不汙染是諸佛所護念吾亦如是汝亦如是西天二十七祖般若多羅識汝後出一馬駒踏殺天下人去在戴角披毛恁麼來鐵圍山嶽盡衝開閻浮踏殺人無數鷲鼻深穿拽不回

法華經云大通智勝佛十劫坐道場佛法不現前

不得成佛道

三際斷時凡聖盡十身四處剎塵周無私應物隨高下末過僧祇大劫修

維摩云其施汝者不名福田供養汝者墮三惡道無邊無際休將酌潮去潮來本自平清濁淺深并苦淡一般滋味迴分明

金剛經云一切賢聖皆以無爲法而有差別

仁者見之謂之仁智者見之謂之智寒時向火熱乘

涼健即經行困打睡困打睡仰面看天開口取氣

清淨行者不入涅槃破戒比丘不入地獄

生平疎遠無拘檢酒肆茶坊信意遊漢地不收秦不

管又騎驢子過揚州

思和尚令石頭往南嶽讓和尚處馳書云回來與

汝箇鎚斧子住菴頭乃往讓處便問不求諸聖不

重已靈時如何讓云子問太高生何不向下問頭

云寧可承劫沈淪不求諸聖解脫乃回思云子馳

書達不頭云書亦不通信亦不達昨蒙和尚許鎚

斧子住菴即今便請思垂下一足頭便禮拜

從來祖上作君王王子孫孫代代昌文武百僚都不識祇應金殿有尊堂

馬祖坐禪讓問坐禪擬作什麼祖云擬作佛讓休去至來日讓却以輓對祖石上磨祖問磨輓擬作什麼讓云擬作鏡祖云磨輓豈得作鏡讓云磨輓若不作鏡坐禪豈得作佛祖云畢竟教某甲如何讓云譬如以牛駕車車若不行打車是打牛是祖遂省

死馬醫來無用處車牛腦後更加鞭皮穿肉綻還知不任重應須角力全

百丈再參馬祖祖見來乃指禪牀角拂子丈云即此用離此用祖云你已後開兩片皮將何爲人文取拂子豎起祖云即此用離此用丈挂拂子於簷處祖喝一聲丈直得三日耳聾

木馬踏殺閻浮人泥龍飲竭滄溟水霹靂滿空山獄摧看看平地波濤起

龐居士問馬祖不與萬法爲侶者是什人祖云待你一口吸盡西江水卽向你道



風吹日炙。露屍骸。立問山人。覓地埋。忍俊不禁。多口老陰陽。無處可安排。

龐居士問馬祖。不昧本來身。請師高著眼。祖直下覷。士云。一種沒絃琴。唯師彈得妙。祖直上覷。士禮拜。祖歸方丈。士隨後云。弄巧成拙。

浩浩擎山戴嶽來。撐天拄地勢崔嵬。從教弄巧翻成拙。撒手前行更不回。

馬祖不安院主。問和尚近日尊候如何。祖云。日面佛。月面佛。

蒲團上端坐。針眼裏穿線。西風一陣來。落葉兩三片。僧問百丈。如何是奇特事。丈云。獨坐大雄峰。大雄峰頂獨巍巍。直下橫分八字眉。賴得縮頭知進退。未嘗容易敢相虧。

百丈一日云。閉却咽喉。唇吻速道。將來瀉山云。某甲道不得。却請和尚道。丈云。不辭爲你道。恐後喪我兒孫。靈巖云。和尚亦須閉却。丈云。無人處。祈願望汝五峰云。卽今有也未。丈云。喪我兒孫三箇兒。郎德長成。大家將本各經營。其閒消折兄嫌。

弟也有贏錢弟。怨兄。

瀉山參百丈。丈云。子試撥火看山。遂於爐內撥云。無也。丈自撥起一星云。者箇。響山遂省。明日隨百丈遊山。丈回顧云。子將得火來麼。山云。將得來。丈云。在什麼處。山於地上拾得一莖柴。以口一吹。度與丈。丈云。如蟲禦木。

提起都來。祇一星。豁然騰。缺亘天明。連延野外。猶難救。直得三年草不生。

南泉云。喚作如。如是變也。今時人。須向異類中行。始得。趙州在僧堂前。見泉。便問。異。卽不問。如何是類。泉以手托地。州以脚踏泉。倒地。州走入延壽堂。叫梅泉。令侍者問梅。什麼州云。梅不更與兩踏。張公移住向深村。被賊潛身入後門。銅子一時偷去。後更來敲枕。覷兒孫。

南泉云。王老師賣身去。還有人買麼。僧出云。某甲買。泉云。不作賣。不作賤。作麼生買。僧無語。趙州云。來年與和尚做一領布衫。

王老哀哉。不惜身。臨危將賣與何人。若無令子。輕酬。

價往往一年空過春

南泉兩堂上座爭貓兒。泉拈起貓云。道得卽救取。道不得卽斬爲兩段。衆無語。泉便斬。

雪刃含光射斗牛。不唯天地鬼神愁。命根落在南泉手。直下看看兩段休。

趙州至晚到方丈。泉舉前話。州脫鞋戴頭上出去。泉云。子若在却救得貓兒。

狸奴頭上角重生。王老門前獨夜行。天曉不知何處去。楚山無限謾崢嶸。

僧問南泉。端居丈室。將何指南泉。云。昨夜三更失却牛。天明起來失却火。

昨夜三更失却牛。天明起來失却火。腰未繫兮鞋未穿。面不洗兮頭不髮。

南泉云。道非物。外物外非道。趙州出問。如何是物。外道泉便打。州接住云。和尚莫打某甲。已後錯打人。去在泉棚。被云。龍蛇易辨。衲子難瞞。

輕纏鐵鋒入陣來。晝時擒下眼。墜開死生一決英雄。士文武雙行將相才。

趙州問南泉。明頭合暗頭合。泉便歸方丈。州到僧堂前云。堂頭老漢。被我一問。直得無言可對。首座云。莫道和尚無語。自是上座不會。州便掌云。這掌本是堂頭老漢喫。

大事當陽已皎然。十分須是更周圓。堂中上座黑如漆。冷地爲誰喫暗拳。

趙州問南泉。知有底人向什處去。泉云。山下檀越家。作一頭水牯牛去。州云。謝師指示。泉云。昨夜三更月到廳。

披脫鼻頭何處是。亂拖泥水恣縱橫。日斜倒坐騎歸去。又見東山片月生。

南泉歸宗。麻谷同去禮拜國師。泉於地上畫圓相云。道得卽去。宗於相內坐。谷作女人拜。泉云。怎麼則不去也。宗云。老兄是何心行。

漫漫大地盈尺雪。江湖一片難分別。漁父披蓑月下歸。誰道夜行人路絕。

石頭問長髭甚處來。髭云。嶺南來。頭云。大庾嶺頭。一舖功德成就也。未髭云。成就久矣。祇欠點眼在。

頭云莫要點眼不髭云便請頭垂下一足髭便拜  
頭云子見什道理便拜髭云紅爐上一點雪  
一鋪大悲千手眼十分圓就求開光君看筆下神通  
境更有靈蹤在上方

道吾雲巖高沙彌隨藥山遊山山指枯樹云榮者  
是枯者是吾云榮者是山云灼然一切處光明燦  
爛去巖云枯者是山云灼然一切處枯淡去高沙  
彌云榮者任他榮枯者任他枯山顧道吾雲巖云  
不是不是

抹粉塗坯復裹頭盡由行主線牽抽鼓鼙打破曲吹  
徹收拾大家歸去休

藥山不許人看經乃自看僧問和尚常不許人看  
經爲什自看山云我祇要遮眼僧云某甲還看得  
也無山云你若看牛皮也須穿

遮眼誰同藥嶠看牛皮穿透骨毛寒五湖四海知多  
少字密行疎總一般

陸亘大夫謂南泉云鑒法師也奇怪解道天地與  
我同根萬法與我一體泉指庭華云大夫時人見

這一株華如夢相似

大夫作牧見南泉舉古明今理事圓恰到放將身命  
處不知何故却茫然

裴相公一日托尊佛跪膝於黃檗前云請師安名

檗召相公公云謝師安名

五彩粧來掌上擎老胡剛爲立虛名君今欲得超諸  
祖須向金剛頂額行

瀉山寄鏡與仰山山接待示衆云道是瀉山底又  
在仰山手裏道是仰山底又是瀉山寄來道得即  
留取道不得即撲破衆無語遂撲下

瀉山古鏡仰山提日上東方月照西撲落不知誰拾  
得秋風索索草萋萋

瀉山云老僧百年後向山下檀越家作一頭水牯  
牛去脇上書瀉山僧某甲當恁麼時喚作瀉山僧  
又是水牯牛喚作水牯牛又是瀉山僧且道如何  
卽是

改却形容換却頭當陽難隱箇蹤由驢名馬字雖呼  
喚多少傍觀揜面羞

瀉山與仰山摘茶。瀉云終日祇聞子聲不見子形。仰撼茶樹。瀉云子祇得其用不得其體。仰云某甲祇如是和尚作麼生。瀉據坐仰云和尚祇得其體不得其用。瀉云放子三十棒。

春暖相呼出翠微。時行時坐幾忘歸。黃昏一陣東風雨。未免渾身透濕衣。

瀉山問仰山甚處來。仰云田中來。瀉云田中多少人。仰山插鋤叉手立。瀉云今日南山大有人刈茅。仰山拽鋤便去。

淺種深耕正及時。入泥入水更同誰。南山茅草多人刈。獨是爺兒兩箇知。

瀉山令僧馳書上王常侍。侍看書了乃問和尚近日有何言句。僧云有僧問如何是祖師西來意。瀉山豎起拂子。侍云彼中如何商量。僧云卽色明心。附物顯理。侍云會卽便會。著甚死急。侍遂有書回。書內畫圓相。相內書日字。瀉接得拆開示其僧云。會麼。僧云不會。瀉云我千里外却有箇知音。仰山上來。瀉山展似仰山。仰山於地上畫圓相。相內書

日字。以脚抹却。瀉休去。

南星北斗忽移位。四海九州如鼎沸。波斯匿王鼻柱天樓至。如來腳踏地。

僧持錫到章敬。繞禪牀三匝。振錫一下。叉手而立。敬云。是是。僧便去。次到南泉。繞禪牀三匝。振錫一下。叉手而立。泉云。不是不是。僧云。章敬道是和尙爲什道不是。泉云。章敬是汝不是。

顏色規模恰似真人。前拈弄。越光新。及乎入火重烹。試到了。須歸是假銀。

韓愈侍郎問大巖。春秋多少。巖提起數珠云。會麼。韓云。不會。巖云。晝夜一百八。明日復來。門首見首座云。晝夜一百八。意旨如何。座扣齒三下。及至方丈。問大巖。晝夜一百八。意旨如何。巖亦扣齒三下。韓云。元來佛法。不別巖云。侍郎見何道理。韓云。適來門首。問首座亦恁。祇對巖。請首座至云。適來恁麼。祇對是不。座云。是巖乃打趁出院。一步纔行兩步。移門前。驚起鳳皇兒。樓院不在梧桐樹。羣鳥東西空繞枝。





道聖便喝濟云誰知吾正法眼藏向者瞎驢邊滅却遂有頌云公流不止問如何真照無邊說似他離相離名人不稟吹毛用了急還磨

出門握手再叮嚀。往往事從叮嚀生。路遠夜長休點火。大家吹殺暗中行。

德山初到龍潭。問久嚮龍潭。及乎到來。潭又不見。龍又不現。潭云子親到龍潭。

浩渺深沈納衆流。謾持香餌釣金鈎。風雲合而雷霆動。應訝龍王不出頭。

德山至夜入室。潭云子且下去。山珍重出見黑回云外面黑。潭點紙燭度與山。纔接潭便吹殺。德山不覺失聲云我自今已後更不疑天下老和尚舌頭。

一條瀑布巖前落。半夜金烏掌上明。大口開來添意氣。與誰天下共橫行。

雪峯問德山。從上宗乘中事。學人還有分也無。山便打云道什麼。峰遂省。

此疾懷來沒量時。尋醫求卜過多師。濃煎一服通神

明題名

散血汗。霧流徹四肢。

閩帥造送銀交椅。與雪峰。僧問和尚受如此供養。將何報答。峰以手托地云。輕打我。輕打我。

不知將甚報君恩。風起江湖水。激痕一片古帆乘。興去與誰相逐過天門。

閩大王封柑橘二顆上雪峰。問云既是一般顏色。爲什名字不同。峰遂封回。

閩主兩般馳獻上。雪峰一等倒封回。人情上下俱周美。免把完全吏壁開。

雪峰指火云三世諸佛盡在火。燄裏轉大法輪。雲門云火燄爲三世諸佛說法。三世諸佛立地聽。一堆猛燄貫天紅。三世如來在此中。轉大法輪今已了。眉毛之上起清風。

雪峰指獼猴云人人盡有一面古鏡。這獼猴亦有一面古鏡。僧云歷劫無明。因什標爲古鏡。峰云瑣生也。

堪笑山翁不識羞。爲他頭上更安頭。巖前跳躑無尋處。一片殘霞曉未收。

僧問雲門不起一念還有過也無門云須彌山  
萬仞峰頭立大乖須與眨眼落懸崖通身不損毫毛  
者天上人間安敢埋

僧問洞山三身中阿那身不墮衆數山云吾常於  
此切僧問曹山吾常於此切意旨如何曹云要頭  
卽斬取去

此切堪傷走外求至親何故似冤讎始終滿面無慙  
色更有曹山乞你頭

別古

師別慶云這瞎漢終是難容

雪峰云世界闊一尺古鏡闊一尺世界闊一丈古鏡  
闊一丈玄沙指火爐云這箇闊多少峰云如古鏡闊  
師別峰云若不是吾泊被子惑

代古

劉鐵磨到滄山山云老特牛汝來也磨云來日臺山  
有齋和尚還去不山放身作臥勢

師代磨云請和尚來日早起

僧問魯祖如何是不言言祖云汝還有口麼僧云無  
祖云尋常將什麼喫飯僧無對

師代僧云和尚不妨具眼

保寧勇和尚語錄





# 丹霞子淳禪師語錄

宋  
•  
慶 丹  
預 霞  
淳

撰 校  
勘

丹霞淳禪師語錄序

我宗無語句亦無一法與人然於無法之中而立五位三玄之法於無語之中而作呵佛罵祖之說雷聲電射魔外不能窺海湧雲屯龍宮不得藏然未嘗始涉唇吻立文字矣能具此機宏唱五位君臣之法橫說豎說如轉圓石於千仞之上不留其蹤者丹霞淳禪師是也茲師遠裔良機恐其語錄歲久湮沒依舊本參考訂正一新繼梓以永流播因問序於余不以不文辭而謹書之以冠卷首庶幾後學之覽別須具眼子細看取切勿向語言文字求解會焉  
皆實永庚寅孟陬下泮 萬山祖 拜手敬題

丹霞淳禪師語錄目次

卷上

序

大洪山上堂法語

真贊

偈頌

卷下增輯

上堂法語

畢古

頌古

隨州大洪山淳禪師語錄

嗣法小師 慶預 校勘

師於政和五年九月二十五日在隨州大洪山慧照菴受隨州大洪請拈疏云還會麼驪珠未剖價難酬灼燦寒光映碧流罔象未能知去處更憑子細說端由讀疏罷師陞座示衆云好諸禪德蕭索茅菴草亂埋柴扉日午尙慵開冥然獨坐枯根上執謂殊恩雲外來遂置金雞報曉重明少室之玄旨石女謳歌再唱新豐之妙曲直得千山擁瑞萬卉呈祥入方道泰時康一國河清海晏諸人還會麼正當霜桂花開夜又是蟠桃結實時

入院上堂云危樹蕭瀝古禪宮信步重歸趣無窮風

卷白雲天界淨一輪紅日正當空

當日知事請小參云銀臺燃鳳燭照虛堂寶閣扣金鐘聲騰空界於是慧光無間冥通先佛之妙心雅梵喧轟潛運祖師之密旨議情未盡舉目皆差根境頓忘殊途一致若能如是始解帶角披毛雖然怎麼大洪拄杖猶未肯在敢問諸人且道拄杖子別有甚

麼長處良久云天教生在千峰上穩密盤根勢未休  
上堂云曉風吹散碧天雲日上長空景象分寂照含  
虛無內外當明一句若爲論所以道一句子當明不  
當照一句子當照不當明一句子明暗混融一句子  
不落明暗四句中且道那一句爲賓那一句爲主若  
也委悉得去便乃行脚事畢苟或未然萬古碧潭空  
界月再三撈撈始應知

冬夜小參好諸禪德金鐘雖韻星月未分假燈燭爲  
光明仗聲塵爲佛事於是焚煌交映音韻相和迥出  
見聞超越聲色所以道欲識解脫道諸法不相到眼  
耳絕見聞聲色聞浩浩諸人若也於斯委悉得去可  
謂如龍得水似虎依山苟或未然不免他旋轉大洪  
今夜不惜眉毛爲諸人說破耳界聞時眼界通一根  
旋返六圓融欲知佛祖虛明地妙在聲香味觸中  
冬節上堂山上今冬少陰雪晴和天氣如春月斯辰  
又喜一陽生梅根占得先開發欲知佛性義諦觀時  
節正當林木凋疎天地寒冽且道一陽從什麼處生  
諸人還會麼要知陽氣潛與處直向金剛際下看其

或未然節辰已過伏惟起居萬福

臘八上堂屈指祈逢臘月八釋迦成道是斯辰二千  
年後追先事重把香湯浴淨身諸禪德古有十六開  
士因僧浴時隨例入室忽悟水因洞明妙觸盡入圓  
通境界大洪今日普請往靈濟殿上灌沐釋迦如來  
箇中亦有悟底消息諸人還會麼香湯灑灑兩三杓  
便向如來頂上傾

除夜小參今夜年窮歲盡來辰改旦迎春光陰倏忽  
不饒人齒髮衰殘又添歲大眾光陰還謝念念無常  
時不待人命焉得久人人盡知今日是臘月三十日  
還曾準備得今日事麼諸人莫作等閑直得切切準  
備他始得且道作麼生準備莫是聚集財物爲準備  
莫是看閱經教爲準備莫是念禪策子爲準備莫是  
持機巧心爲準備正當恁麼時眼光落地手脚忙亂  
從前記得一時忘了到這裡直須腳踏實地始得  
掠虛不得也諸人時中快須休歇去準備他去把今  
時事放盡去向枯木堂中冷坐去切須死一偏去却  
從死裡建立來一切處護你不得一切處轉你不得

一切處得自在去所以道懸崖撒手自肯承當絕後再甦相欺不得若能如是可謂旋嵐偃蹇而常靜江河競注而不流野馬飄鼓而不動日月麗天而不周其或未然祇知事逐眼前過不覺老從頭上來元且睡座正氣回春東君扇物向無生中生成萬有於無住本建立諸緣情與無情咸承恩力是以夜明簾外君臣慶賀於茲時枯木岩前父子歡呼於此日諸禪德祇如野老門下又復如何良久云還會麼兒孫俱得力室內不知春

上堂拈起拂子云大洪拂子拈起則春光妍媚萬木含芳放下則寸艸不生普天一色然雖恁麼子細觀來猶是時人窠窟此二途如何履踐良久云還會麼但得春風和暖自然背陰花開

師於天寧萬壽禪寺上堂祝香云伏願

皇帝陛下二儀同壽生成萬物而無爲三光共明照燭十方而不問

遂陞座示衆云三德齊敷結淨緣十方僧寶世良田願將此日無爲福上祝 皇圖億萬年於是瑠璃殿

鑒君臣會合而一氣連枝明月堂深子父相逢而同事共命相將行處玉堵寒薜蒙茸携手歸時碧嶂白雲繚繞通身及盡不當機信步回途無異路所以從無住本立一切法經行坐臥常在其中語默動容不離當處諸人還會麼十方國土無佗境四海歡謠奉一人即將此日舉揚般若大會殊因謹用上嚴今上皇帝陛下伏願道齊五帝福邁諸天位居北極之崇壽等南山之固次願知府大夫通判大夫郡縣文武賢僚德社民康風傳去獸之威才入聖眸夢應非熊之兆

上堂云好諸禪德夫爲如來之子宜各以道爲務直須洗滌根塵遂使三業清淨於圓明正念而念念無差方能入道脫離生死苟或未然貪著空華衣失却孃生袴臘月三十日手忙脚亂去奉勸諸禪流得坐自迴顧

結夏上堂云安居三月以大圓覺爲我伽藍實相住持禁足九旬具平等智護生履道饒益有情然雖恁麼更須知有一人不安居守制不履道護生諸人還

識得麼荷或未然不免重爲宣說佛祖從來不奈伊  
滿頭明月去還歸雖然六戶無親識今古何曾更問  
違

小參示衆云好諸禪德法本無住隨處圓成道絕言  
詮應機建立於是稱僧家有時向高高山頂立縱橫  
不勝古來今有時向深深海底行信步全超無伴侶  
然雖恁麼子細觀來猶是究理邊事且道透脫一句  
又作麼生良久云還會麼靜極光通本妙圓嘶風玉  
馬過重關迴途不落威音世妙用全彰化外看

上堂拈拄杖云大洪有箇無影杖虎踞龍蟠孰敢向  
有時橫按坐虛堂臨濟德山還膽喪然雖恁麼且道  
得力在什麼處諸人還會麼好是月華鋪滿砌相將  
閑遶玉堂行

上堂云三月安居已半過虛明心地又如何有求宛  
然成機巧無作方能不較多爐裡寒灰香旛旆殿前  
枯木葉婆娑白頭人在千峰上妙唱新豐一曲歌諸  
禪德還聞麼靈然古韻曾非聞聽者須明未兆前  
上堂拈起拂子示衆云大洪拂子非有名非無名七

佛前前本混成非有相非無相淵而無下高無上若  
論陰陽未兆時卷舒俱在光明藏諸禪德且作麼生  
是光明藏還會麼浩然無異色照盡未嘗今

上堂云好諸禪德碧玉界中無變異虛明地上有離  
微妙圓一句如何說隱顯含融豈間達到這裡且作  
麼生是不問這處還會麼鐵牛耕破壘天遠繁興大  
用不當機

上堂少林九年垂一語流布諸方多賺舉大洪今日  
老婆心未免分明細說與良久云還會麼月裡姮娥  
巧金鍼穿斷線半夜繡鴛鴦能有幾人見

上堂云金佛不度爐妙相圓明會也無泥佛不度水  
落落圓音美復美木佛不度火蕭蕭古殿無關鎖是  
須撒手直歸家莫向半途空懣懣諸禪德且作麼生  
是歸家底事良久云還會麼獨坐枯根石頭上四溟  
無浪月輪孤

天寧節上堂云天然貴異骨涉功勳妙應昌期當陽  
不露所以海音堂上擊法鼓而演真機毗盧殿中叩  
鯨鐘而宣至理於是堯風大扇舜日高明千邦賀誕

陳謝典座上堂云杓柄箴籬權在手放行把住非窠  
白二時齋粥在精專自利利他功不朽且作麼生是  
不朽之功還會麼須知盤中米粒粒皆辛苦

再留監寺上堂云圓澄覺海遊戲而獨掌難鳴沒底  
蘭舟數棹而大家著力致迷津者得岸滯水者忘憂  
然雖恁麼更須知有一人出門無轍跡入戶不當堂  
千聖興來盡是傳語底人諸祖降世焉敢正眼顧著  
且道是什麼人還相識麼昨夜偶隨流水去今朝又  
逐白雲歸

上堂云湛然無變異虎徹有靈通妙盡功忘處咸歸寂照中乃豎起拂子云這箇是拂子且道那箇是寂那箇是照還會麼鶴鶩並頭踏雪睡月明驚起兩邊

上堂云殘冬凜冽寒滴水便成團驪憶少林祖齊腰  
立雪難或謂將心與汝安覓心不見一毫端廓然記  
得來時路頓覺壺中景象寬瑠璃光裏一般般午夜  
依依月正圓最先三子得皮肉末後一人得髓還取  
先三子卽不問且道那箇是末後一人還會麼遠觀  
同半月近看却如鉤若是知音者思惟暗點頭  
爲亡僧下火云大地雪漫漫臨行一句難泥牛沉巨  
浸玉馬火中寒諸人若向這裏委悉得去可謂來如  
月分衆水去似雲散千峰苟或未然伏惟尙嚮  
爲亡僧下火云三緣和合成有四大離散還空且道  
那箇是能上座主人翁還會麼來兮無依去兮何託  
紅餽亘空不曾燒著

爲亡僧下火云出家兒無休暇終日忙忙空搆架臨  
行一著太區區眼見耳聞爭不怕百骸狼藉撒奚爲  
普請般柴用燒化且道中間有燒不化者麼諸禪德  
白雲飄飄空去來渺渺清虛無縫罅尙需

道藏



丹霞開山天然禪師

丹山月冷祖室風清瞻之仰之千載揚名古佛不存  
檀佛像寒岩曾許鐵牛耕

丹霞第二代無學禪師

皎月流輝影澄寒水萬有齊彰太虛廓爾禪版曾酬  
上上機當鋒未薦西來旨

丹霞第三代安禪師

龍準高不高虎頭短不短半夜崑崙兒兩手扶銀碗

丹霞第四代勳禪師

寒風凜凜古貌堂堂俱盡日午瞻部夜央聲前一句  
分從爾商量

淨因和尚

即真非真是假非假語路未陳言滿天下驟龍海臥  
彩雲深黑漆崑崙騎玉馬

般陽老人

昔年顏似玉今日鬢如霜不挂金襴服還衣白氎裳  
彩鳳夜棲無影樹曉天雲綻露斜陽

禪人寫師真求贊

咄這枯槁形容平生太煞揭斗電光石火之機兩舌

一邊無口直截根源不肯談愛引禪徒荒艸走

真非真偽非偽圓眼橫眉醜唇平鼻圓盡自難同思

量何處是月籠松頂兮鶴夢初醒雪覆蘆花兮鷺寒

不睡

寫出病形眉目分明直饒全似祇得八成聞名兮不

如見面見面兮不如聞名霜天月滿兮難尋老鬼海

門潮落兮不覓長鯨

偈頌

五位

正中偏寶殿烟籠月色前井底燃燈天未曉暗中誰

辨往來源

偏中正嫫母臨粧羞照鏡三更玉戶不挑燈混融非

露當年影

正中來運步紅爐偏九垓寶月夜光隨處靜披雲終

不露纖埃

偏中至大用無私何擬議當鋒那肯落今時他家自

有超倫志



象中到及盡有無真個妙披毛戴角火中行縱橫不  
落今時道

又

正中偏寶月光凝海底天何事漁舟難滿載流輝爭  
肯透波瀾

偏中正水雲深鎖漁家境一派長江極目清日照筠  
竿那露影

正中來一葉輕舟泛遠灘錦鱗不觸香鉤餌何得絲  
綸更犯羶

偏中至收絲却返蘆花裡高欲龜枕恣情眠長江信  
任波濤起

象中到更闌六宅無音耗縱橫澤國路優游樵人學  
步應難造

閒居

週途玉馬休相伴背角泥牛莫下鞭多謝乾坤垂覆  
載開雲芳艸恣情眠

自宗

空劫自己無依守佛觀從來難啓口九年面壁太多

端那堪更強分妍醜

釣者

海際烟收欲暮天扁舟輕泛出蘆灣絲綸夜擲清波  
裡曉得金鱗不犯竿

送昇上人驪法嗣書

飛花暖日輕相送烈焰須憑作者通觀面不勞伸語  
路丹山千里事同風

送法弟應首座

落葉紛紛萬卉凋雲衣輕卷下岩曉他年花萼連榮  
日靈樹無根暗長苗

送靜上人

本自圓成不在言泥牛耕破劫初田夜來風月霜威  
重天曉崑崙戴雪還

酬寂道人

言前無句擬何伸妙語立談眼裡塵一邑毗耶金粟  
衆想應翻笑住山人

無縫塔

月皎漁舟瑞氣旋蘆花深處夜清寒可憐無限垂絲

者隨例忙忙失釣竿

趙州婆子勘破話

木人嶺上歌石女溪邊舞明月共同途無私照今古

和淨因老師漁父詞

四海無家何拘礙垂絲坐對烟雲靄水急風和舟行快嚴霜屆蓮裳簪笠和烟戴

洪鱗每自藏深派今朝釣得真奇恠鼓棹驚波桑田

改三災壞恁時方稱生涯在

潦倒漁翁一無解蒼蒼雪鬢知何載短棹輕舟泛滄

海拋釣在碧波深處全無關

錦鱗吞餌浮絲擺樵父兩岸皆憐愛直透龍門頭角

改誰能怪爲霖方顯靈通大

送昇長老住大乘

皎月流輝千嶂冷泥牛徐步出雲烟玄徒若問西來

意直指胞胎未具前

送蒲君錫赴任湖南提刑

携筇揮汗別文星匝地清風綠百城佛祖位中留不

住瑠璃殿上綠苔生

送麗婆

剎剎西來意塵塵古佛心眉毛爲道侶鼻孔作知音  
借問牛頭何處去銜花幽鳥杳難尋

送汲助教醫博

未到毗耶城不識維摩病有客兮良醫妙術通神聖  
金鍼鍼起觸骸吟此曲千年誰與並

酬劉書記朝奉二首

生涯得力句盡被維摩說空劫一壺天泥牛耕破月  
應現宰官人不識棲心祖域道情腴不憐金印大如  
斗自貴衣中無價珠

送俊化主回鄉丐簪

昔年百丈曾輕卷今日重歸故國求頓使雲堂三伏  
裡哭天忽爾變清秋

酬滿上人

勿謂無言爲妙面壁何嘗不道禪思金色頭陀却把  
剎竿推倒

漁父子送齊明二化士

凜凜嚴風徹骨寒扁舟輕泛碧波瀾金線直玉鉤端

錦鱗無限踊躍上琅玕

漁父從來性本寬滿船釣得未爲歡收絲了望層層  
舉頭方覺天際曉星殘

謝安撫張學士惠茸氈

虛室更深冷不眠倚輪孤坐幾經年昨宵又覺還耽  
睡元是新鋪白玉氈

冬日寄住菴僧

落葉積莓苔柴扉半不開幽林雲密覆花鳥恨空來

送王汝弼宣教

平生活計都消盡錐地殊無付子孫撒手便辭青嶂  
去豁然却返白雲村

送化士

春雲不世情滋澤與還普從龍向海飛散作人間雨  
幽洞無門任卷舒悠悠莫忘青山父

漁父詞五首

鶴髮漁翁歲莫論桑田幾變爾常存紅蓼岸荻花村  
水月虛明兩不痕

舉目誰親無可攀豁然獨對水雲閑山色裏浪花間

妙體堂堂不露顏

青虛爲釣復爲釣斷索驚兒沒底舟隨放蕩任橫流  
玉浪堆中得自由

輕泛蘭舟入海涯拋釣擲線莫遲疑驪龍子巨鼉兒  
不犯清波釣得伊

釣盡江湖曉色分數聲羌笛韻凌雲波浩渺霧氣氤  
鼓棹回舟望海垠

和無盡居士牧牛頌

頭角嶙嶸未兆前亂雲深處任安眠不隨芳艸遙山  
去何用芒童更著鞭

因禪人發明以頌示之

水濶雲深古路賒五湖禪侶共同家夜來喜得真消  
息無影林中朽木花

寄度兄道友

寂照含虛未兆身豁然那與物爲隣任經風月霜威  
重枯木花芳不犯春

默曜堂訪預監寺不遇

昔年摩竭令今日孰知恩句外潛心體言前密意論

松風清宇宙桂月曬乾坤出戶雖無往爭如靜掩門

靜上人病以偈貽之

火風地水合爲身猶若晴空一點塵借問病從何處起祇應誰是病中人

退居後以二偈示預環二禪者

十年同此振綱維萬種諸訛悉共知今日脫然無一事坐觀明月照瑠璃

水最爲清月最圓月光含水水涵天混融不落威音世到此如何語正偏

送環知客歸省親

清風明月秋光半環禪別我云南歸當堂子母相逢日妙圓孰敢分離微嘖撓轉吾家向上機回頭觸處生光輝

送覺上人

吳頤潛行未兆前昂藏頭角綠摩天迴途莫守寒岸草耕破威音那畔田

謝王宣教見訪

柴扉常對白雲開玉鳳銜花去又回不學東林遠沽

酒淵明多謝入山來

喜吳雲叟公裕垂訪

山路春風桃李香延陵長者貴岩房行行廓爾忘途轍步步豁然合道場妙淨宗乘松宿鶴虛明田地月含霜相逢相見有何事共語毗盧頂後光

送止維那作丐

常思止禪者返本如嬰兒一念萬年去春秋都不知斫倒寒巖無影樹迴頭焰裡再抽枝春老別吾入臘去緣生會有歸山嘖淨榻相看坐清風起四維

和正知藏適軒

適軒新開非華飾爲愛清涼消暑濕景象千般何處來塵埃一點應難入蒲團禪版靜沉沉松韻竹風常襲襲香斷爐寒坐夜深苔墀月滿無人立

謝蒙城善友惠米

客到蒙城有信歸慙慙惠米助晨炊老僧鉢滿備相喚長者恩深祇自知粒粒圓成難著會明明嚼碎更何疑趙州道語誠非謬一飽元來忘百飢

任善友求頌

差別道難通。應須識自宗。無根枯樹子。月夜影重重。

丹霞誦法弟新建暖堂以頌慶之

暖堂新構侵雲表。桂月松風常滿抱。玉燭光中靜應時。言前妙唱般陽道。

山居五首

林麓結茅廬。儼然稱所居。松風驚破夢。澗水靜涵虛。  
春老花猶媚。秋殘葉未疎。良宵無限意。東嶺月生初。  
祇這一閑田。古今無變遷。泥牛耕不盡。寶月鎮長圓。  
巖桂和烟翠。溪花含露鮮。甘藏青嶂裡。懶更調時賢。  
家近亂山根。日高懶啓門。櫺歌雲外唱。胡曲句前論。  
路僻無人到。庭荒有藓痕。蕭蕭巖石畔。祇麼老烟村。  
兀坐鎮長行。執人知此情。竹風輕有韻。巖溜細無聲。  
岌岌三山秀。依依一片月。明門前枯樹子。孤鶴夢難成。  
不戀白雲關。家山撒手還。玉爐香旖旎。石磡水潺湲。  
庭樹烟籠合。聽軒雨灑斑。經行及坐臥。常在寂寥間。

寄隨守向大夫三首

歲寒本欲老林垞。茲沐恩光入翠層。再整絲綸垂釣手。隨緣涓水且騰騰。

道同曾未隔毫端。相別相逢會者難。偶此又蒙清照及。松風桂月襲人寒。

無絃琴上有希聲。此遇知音作證明。不犯指端彈一曲。碧瑤瑤界月三更。

送吳公裕

天氣暄妍三月春。青山垂訪白頭人。威儀雍雍披儒雅。語論清冷洗渴塵。道合圓常無異路。心空及第自通津。相逢相別休懷念。千里同風德乃鄰。

蜀上人求頌

一九逢春信。梅花破雪開。箇中如會得。千里不空來。

和張居士

默訥虛明履趣深。蟾蜍推月照天心。松風未作寒林靜。一弄無絃琴上音。

和張伯威見寄

今日重來坐暖霞。故人笑謂老年華。劫空別有靈春在。雲對青山與莫涯。

和章陽叔見寄二首

休將水乳試鷺王。妙識醇醪別有方。本地不消春氣

師曠離憂不我徒昭然罔象得玄珠心萌口擬成途  
轍底事圓明異有無

妙句靈然溢目寒幽微旨趣會還難相逢更問無絃  
曲風入松梢不在彈

洞山之道六傳而至大陽殆將斷絕投子續之三傳而至

丹霞淳禪師師出眞歇宏智二子以張皇其門風由是觀之師寔吾門之中興也然而師語要世失其所傳後裔靡不以是爲恨矣屬者偶得十三集法孫大容清公所謄寫之師住大洪語錄一卷恰如旱天逢甘雨忻躍之餘募刊以廣其傳因裁一偈敬題其後云

廣大波瀾瀝日東

重刊棗梓永流通

遠孫小比丘良機監手百拜書

上堂云乾坤之內宇宙之間中有一寶秘在形山肇  
法師怎麼道祇解指蹤話跡且不能拈示於人丹霞  
今日肇開宇宙打破形山爲諸人拈出具眼者辨取  
以拄杖卓一下曰還見麼驚驚立雪非同色明月蘆  
花不似他

上堂學德山示衆曰我宗無語句實無一法與人德  
山怎麼說話可謂是祇知入草求人不知通身泥水  
子細觀來祇具一隻眼若是丹霄則不然我宗有語  
句金刀剪不開深深玄妙旨玉女夜懷胎  
上堂亭亭日午猶虧半寂寂三更尙未圓六戶不曾  
知暖意往來常在三更前  
上堂寶月流輝澄潭布影水無蘊月之意月無分照



之心水月兩忘方可稱斷所以道昇天底事直須隨却十成底事直須去却擲地金聲不須回顧若能如是始解向異類中行諸人到這裏還相委悉麼良久曰常行不舉人間步披毛戴角混泥塵

真歇參次師問如何是空劫已前自己歇擬對師曰你闌在且去一日登鉢孟峯豁然契悟徑歸侍立師掌曰將謂你知有歇忻然拜之翌日上堂日照孤峯翠月臨溪水寒祖師玄妙訣莫向寸心安便下座歇直前曰今日陞座更讓某甲不得也師曰你試舉我今日陞座底看歇良久師曰將謂你嘗地歇便出宏智參次師問如何是空劫已前自己智曰井底蝦蟇吞却月三更不借夜明簾師曰未在更道智擬議師打一拂子云又道不借智於言下大悟僧問牛頭未見四祖時如何師曰金菊乍開蜂競採曰見後如何師曰苗枯華謝了無依

舉古

舉北院問青峰洛浦道入荒田不揀信手拈來草何不道作麼生是信手拈來草峰作拈勢師別曰是則

是只是未能喫草

畢甘贊行者接待有僧曰行者接待不易贊云譬如餵驢餵馬明安曰也知行者常行此路師別曰來年與行者買一領直裰

頌古

僧問九峯虔云承聞和尚有言諸聖間出祇是傳語人是否師曰是曰世尊一手指天一手指地云天上天下唯吾獨尊和尚爲甚麼却喚作傳語人師曰祇爲一手指天一手指地所以喚作傳語人妙相圓明不可親奴兒婢子自殷勤指天指地稱尊大也是傳言送語人

僧問洞山詮清淨行者不入涅槃破戒比丘不入地獄時如何師云度盡無遺影還他越涅槃相好巍巍大丈夫一生無智恰如愚從來佛祖猶難望地獄天堂豈可拘

青原思禪師初參六祖問當何所務即不落階級祖曰汝曾作什麼來師曰聖諦亦不爲祖曰落何階級師曰聖諦尙不爲何階級之有祖深器之

卓爾難將正眼窺。迴超今古類難齊。苔封古殿無人侍。月鎖蒼梧鳳不棲。

青原因石頭問和尚出嶺多少時。師曰我卻不知。汝早晚離曹溪。曰希遷不從曹溪來。師曰我亦知。汝去處也。曰和尚幸是大人莫造次。

木人來問青霄路。石女年尊似不聞。攜手相將歸故國。暮山岌岌鎖重雲。

藥山惟儼禪師一日在石上坐次石頭問曰汝在這裏作麼。師曰一切不爲。曰恁麼卽閒坐也。師曰若閒坐卽爲也。曰汝道不爲且不爲箇什麼。師曰千聖亦不識頭。以偈讚曰從來共住不知名。任運相將祇麼行。自古上賢猶不識。造次凡流豈可明。玄微及盡本。豁然若謂渠。開萬八千月。印澄江魚不見。釣人何必更拋筌。

道吾因石霜問百年後有人問極則事向他道甚麼。師喚沙彌。彌應諾。師曰添淨瓶水著。師良久却問霜適來問甚麼。霜擬再舉。師便歸。方丈霜於此有省。

垂手還他作者機。尋常語裏布鎗旗。重詢擬進歸方丈。一句分明更不疑。

道吾到五峯峯問還識藥山老宿麼。師曰不識。曰爲甚麼不識。師曰不識不識。

白雲深處路難通。擬問踪由已涉功。掛角羚羊無影迹。從容還落正偏中。

雲巖同道吾自南泉回。藥山師問藥山曰如何。是異類中行。山曰吾今日困倦。且待別時來。師曰某甲特爲此事歸山來。山曰且去。師便出。吾在方丈外聞師不薦。不覺較得指頭血。下來問師。師兄去問和尚。那因緣作麼。生師曰不爲某甲說。吾便低頭。

饑寒嫩草遙山去。渴飲寒泉曲澗回。放蕩不耕空劫地。暮天何用牧歌催。

雲巖因僧問二十年在百丈侍巾。餅爲甚麼心燈不續。師曰頭上寶華冠。曰頭上寶華冠。意旨如何。師曰大唐天子及冥王。後僧舉問九峯虔禪師。大唐天子及冥王。意旨如何。虔曰却憶洞上之言。

玉鞭高舉擊金門引出珊瑚價莫論過古輪王全意  
氣不彰寶印自然尊

高沙彌住菴一日雨中來看藥山山曰你來也  
師曰是山曰可煞濕師曰不打這鼓笛雲巖曰皮  
也無打甚麼鼓道吾曰鼓也無打甚麼皮師曰今  
日大好一場曲調

偶爾垂言借問伊知音爭使落今時胡笳不犯宮商  
曲玉笛橫時劫外吹

百巖明哲禪師洞山與密師伯到參師問曰闍黎  
近離什麼處洞山曰近離湖南師曰觀察使姓什  
麼曰不得姓師曰名什麼曰不得名師曰還治事  
也無曰自有廊幕在師曰豈不出入山便拂袖去  
師明日入僧堂曰昨日對二闍黎一轉語不穩今  
請二闍黎道若道得老僧便開粥相伴過夏速道  
速道山曰太尊貴生師乃開粥共過一夏

燒香人靜杳無聲苔滿丹墀皓月明入戶當堂慵正  
坐出門尤懶下塔行

船子誠禪師囑夾山云直須藏身處沒蹤跡沒蹤

跡處莫藏身吾三十年在藥山祇明斯事  
白雲檻外思悠悠密密金刀剪不開幽洞不拘金鎖  
意縱橫無繫去還來

青峯楚因僧問大事已成爲甚麼也如喪考妣師  
曰不得春風花不開及至花開又吹落  
家山歸到莫因循竭力實昏奉二親機靈功忘恩義  
斷便成不孝闍提人

樟樹省禪師問洞山甚麼處來山曰親近來師曰  
若是親近用動這兩片皮作甚麼後曹山聞舉乃  
云一子親得

從來父子不相離石女何勞更問伊昨夜寒岩無影  
木白雲深處露橫枝

洞山因僧問和尚教學人行鳥道未審如何行鳥  
道師曰不逢一人曰如何行師曰直須足下無私  
去曰祇如行鳥道莫便是本來面目否師曰闍黎  
因甚顛倒曰甚麼處是學人顛倒師曰若不顛倒  
因甚麼卻認奴作郎曰如何是本來面目師曰不  
行鳥道

古路嶢然倚大虛。行玄猶是涉崎嶇。不登鳥道雖爲妙。點檢將來已觸途。

洞山問僧世間何物最苦。曰地獄最苦。師曰不然。在此衣線下。不明大事。是名最苦。

鑊湯爐炭。幾何般地獄。三途未苦。要須信新豐親切。語袈裟之下。莫顛預。

神山與洞山過獨木橋。洞先過了。拈起木橋曰。過來師喚。价闍黎。洞乃放下木橋。

平地無端鑿陷坑。木橋拈起使人行。沉沉寒水如何渡。月夜金雞報五更。

漸源與禪師一日持鉢到石霜。於法堂上從東過。西從西過。東霜曰。作麼師曰。覓先師靈骨。霜曰。洪波浩渺。白浪滔天。覓甚先師靈骨。師曰。正好著力。霜曰。這裡針割不入。著甚麼力。師持鉢肩上行。出本地靈明。無一物。幾人認得。黃金骨。扶鉢肩上行。便行時。大辯從來還若訥。

夾山因僧問。撥塵見佛時如何。師曰。直須揮劍。若不揮劍。漁父賴魚。僧後問。石霜撥塵見佛時如何。

霜曰。渠無國土。甚處逢渠。僧回舉似師。師曰。門庭施設。不如老僧入理深談。猶較石霜百步。

當機一句。玉珊瑚。內外玲瓏。溢目寒無漏。國中管不住。月華影裡見應難。

夾山因僧問。如何是夾山境。師曰。猿抱子歸青嶂。猿含明月。珠生腹。龍擁深雲。雨洒空。莫向平田翻巨蚌。直須點點盡朝東。

夾山因僧問。會處却不問。不會處請師一言。師曰。戶挂洞林影中。辨取。

威音那畔。不能行。撒手還家。懶問程。寢殿無人空寂寂。滿窓唯有月虛明。

洞山价禪師解夏上堂曰。秋初夏末。兄弟或東或西。直須向萬里無寸草處去。良久曰。祇如萬里無寸草處。作麼生去。願視左右曰。欲知此事。直須如枯木。上花開。方與他合。石霜曰。出。便是草。明安曰。直得不出門。亦是草。漫漫地。

歸家豈坐碧雲牀。出戶不行青草地。南北東西本自

由渠無向背那迴避

僧問洛浦安禪師衆手淘金誰是得者浦云拳中舊寶豈假披沙僧云怎麼則展手不逢也浦云莫將鶴唳擬當鶯啼

淘金豈假披沙得不觸波瀾猶費力露柱三更忽放光此時未審何人識

僧問洛浦如何是祖師西來意浦云青嵐覆處出軸藏峯白月輝時碧潭無影

群花未發梅先拆萬木凋零栢轉奇雲淡不彰師月影煙輕那露引風枝

僧問洛浦一毫吞盡巨海於中更復何言浦云家有白澤之圖必無如是妖怪

殿前雖有雲千頃戶內殊無半夜燈極目危巒今古秀暮天斜照碧層層

蛤溪道者相看洛浦問曰自從黎溪相別今得幾年溪曰和尚猶記得昔時事浦曰見說道者總忘却年月也溪曰和尚住持事繁且容子細浦曰道者住山事繁

這般消息不尋常蟾桂枝枝布遠香昨夜姮娥呈巧妙眼睛直上綉鴛鴦

洛浦因僧問供養百千諸佛不如供養一無心道人百千諸佛有何過無心道人有何德師曰一片白雲橫谷口幾多歸鳥盡迷巢

拾得疎慵非覺曉寒山懶惰不知歸聲前一句圓音美物外三山片月輝

僧問洛浦如何是佛法大意師曰雪覆孤峯峯不白雨滴石笋笋須生

海底龍吟雲雨潤林中虎嘯谷風清莫言滿路生荆棘況是家貧少送迎

洛浦因僧問學人擬歸鄉時如何師曰家破人亡子歸何處曰怎麼則不歸去也師曰庭前殘雪日輪消室內游塵遣誰掃

太平鄉國路空賒歸興悠悠思莫涯撒手到家何所有琉璃寶殿鎖蟾華

洛浦因僧問祖意教意是同是別師曰日月並輪輝誰家別有路曰怎麼則顯晦殊途事非一槩師



日但自不亡羊何須立岐路

月歸松影高低樹日照池心上下天赫赫炎空非卓  
午團圓秋夜不知圓

韶山因僧問如何是和尙家風師曰絕頂無根草  
無風葉自搖

妙峯孤頂偏肥膩天產靈苗不觸地翠葉無風常自  
搖清香那逐春光媚

韶山因僧到參禮拜起立師曰大才藏拙戶僧過  
一邊立師曰喪却棟梁材

又手須知已隔津更重進步轉漂淪頑銅若作黃金  
貨祇可瞞他無眼人

黃山輪禪師來參夾山山問曰甚麼處來師曰閩  
中夾山曰還識老僧麼師曰和尙還識學人麼山

曰不然子且還老僧草鞋錢然後老僧還汝廬陵  
米價師曰怎麼則不識和尙未審廬陵米作麼生

價山曰眞師子兒善能哮吼

父子相逢眼倍明靈苗叢裏坦然行箇中若爲金毛  
子已是鹽梅觸大羹

上藍超禪師因僧問如何是上藍本分事師曰不  
從千聖借豈向萬機求曰不借不求時如何師曰  
不可拈放闍黎手裡得麼

一片靈明本妙圓箇中非正亦非偏寶峯瑞草無根  
蒂不待春功色自鮮

僧問四禪禪師古人有請不肯今請和尙入井還  
去也無師云深深無別源飲者消諸渴

曹溪源派古之今意識徒將渡淺深好是昔人游戲  
處雖然入井不曾沉

無著喜禪師往五臺華嚴寺至金剛窟禮謁遇老  
翁牽牛行邀師入寺翁曰近自何來師曰南方曰

南方佛法如何住持師曰末法比丘少奉戒律曰  
多少衆師曰或三百或五百師却問此間佛法如

何住持曰龍蛇混雜凡聖同居師曰多少衆曰前  
三三後三三

前後三三不失宗迥迥千聖數難窮金剛腦後全軒  
露疊疊青山鎖翠空

大光諱禪師因僧問祇如達磨是祖否師曰不是



祖曰既不是祖又來作甚麼師曰祇爲汝不薦曰薦後如何師曰方知不是祖

少林續焰事堪可臘夜梅開雪後枝黃藥昔年曾有語大唐國裏沒禪師

尤峯在石霜作侍者石霜遷化後衆欲請首座接續住持師曰衆問首座曰先師道休去歇去冷嗽嗽去一條白練去古廟香爐去一念萬年去且道明什麼邊事座曰明一色邊事師曰與麼則不會先師意在座曰但裝香來乃焚香曰我不會先師意香烟起處脫去不得者言訖便坐脫師拊其背曰坐脫立亡卽不無先師意未夢見在帶角披毛異類身寒灰枯木眼中塵雖然未曾先師意爭奈臨行一著親

海湖禪師有座主問和尚甚麼年行道師曰座主近前來主近前師曰祇如僑陳如是甚麼年行道主茫然師喝曰這尿床鬼

多是從人學得來一生空把口胡開欲窮此片虛明地七佛前前總不該

天靈幽禪師有一院名無垢淨光造浴室有人問既是無垢淨光爲甚麼却造浴室僧無語後請師代師曰三秋明月夜不是騁團圓

雖然答盡深深意爭奈投機句未親欲會本來無垢的更須入水見長人

九峯因僧問祖祖相傳復傳何事師曰釋迦慳迦葉富曰如何是釋迦慳師曰無物與人曰如何是迦葉富師曰國內孟嘗君曰畢竟傳底事作麼生師曰百歲老人分夜燈

寂光影裏現全身貴異天然適出倫家富兒奴偏得力夜分燈火照西隣

石柱禪師遊方時到洞山時虔和尚垂語曰有四種人一人說過佛祖一步行不得一人行過佛祖一句說不得一人說得行得一人說不得行不得阿那箇是其人師出衆曰一人說過佛祖行不得者祇是無舌不許行一人行過佛祖一句說不得者祇是無足不許說一人說得行得者祇是函蓋相稱一人說不得行不得者如斷命求活此是石

女兒擔枷帶鎖洞山曰闍黎分上作麼生師曰該通分上卓卓寧彰山曰祇如海上明公秀又作麼生師曰幻人相逢拈掌呵呵

海底泥牛耕白月雲中木馬驟清風胡僧懶捧西乾鉢半夜乘舟過海東

湧泉欣禪師因唐武宗廢教在院看牛時有強德二禪客到於路次見師騎牛不識乃云蹄角甚分明爭奈騎者不識師驟牛而去二禪客相次憩於樹下煎茶師同下牛近前問訊與坐喫茶師乃問二禪客近離甚處云那邊師曰那邊事作麼生禪客提起茶盞師曰此猶是這邊那邊事作麼生二人無對師曰莫道騎牛者不識好

芳草漫漫豈變秋牧童白牯恣優游異中有路人難見却謂騎牛不識牛

夾山上堂云明不越戶穴不栖巢目不顧他位裏脚不踏他位裏六戶不掩四衢無蹤學不停午意不立玄干劫眼不借舌頭底萬劫舌頭不顧眼中明峻機不假鋒鈍事到這裡有甚麼事闍黎竿頭

絲線從君弄不犯清波意自殊

月沉碧海龍非隱霧鎖蒼梧鳳不知劫外森森無影木垂陰自有未萌枝

湧泉欣因僧問如何是相傳底事師曰龍吐長生水魚吞無盡渥曰請師挑君師曰擂鼓轉船頭棹穿波底月

依依半月沉寒水耿耿三星落碧嶺昔日雲巖曾漏泄金輪王子寶花冠

僧問文殊禪師僧繇爲甚麼邈志公眞不得師曰非但僧繇志公亦邈不得曰志公爲甚麼邈不得師曰彩繪不將來曰和尚還邈得也無曰我亦邈不得曰和尚爲甚麼邈不得師曰渠不苟我顏色教我如何邈

身光熾盛相巍巍妙手如何彩繪伊休問僧繇吳道士志公他日不能知

曹山寂禪師因僧問世間甚麼物最貴師曰死猶兒最貴曰爲甚麼死猶兒却貴師曰無人著價腥臊紅爛不堪親觸動輕輕血汚身何事香無人著

價爲伊非是世間珍

曹山辭洞山山問曰向甚麼處去師曰不變異處去山曰不變異處豈有去邪師曰去亦不變異家家門掩蟾蜍月處處鶯啼楊柳風若謂縱橫無變異猶如鄒劍擬虚空

曹山因僧問五位對賓時如何師曰汝卽今問那箇位曰某甲從偏位中來請師向正位中接師曰不接曰爲甚麼不接師曰恐落偏位中去師却問僧祇如不接是對賓是不對賓曰早是對賓了也師曰如是如是

月中玉兔夜懷胎日裏金烏朝抱卵黑漆皇爺踏雪行轉身打破琉璃碗

龍牙遁禪師因僧問二鼠侵藤時如何師曰須有隱身處始得曰如何是隱身處師曰還見儀家麼寒月依依上遠峯平湖萬頃練光封漁歌驚起沙洲鷺飛入蘆花不見踪

疎山仁禪師因主事僧爲師造壽塔畢白師師曰將多少錢與匠人曰一切在和尙師曰爲將三文

錢與匠人爲將兩文錢與匠人爲將一文錢與匠人若道得與吾親造塔來僧無語後僧舉似大嶺菴開和尙嶺曰還有人道得麼曰未有人道得嶺曰汝歸與疎山道若將三錢與匠人和尙此生決定不得塔若將兩錢與匠人和尙與匠人共出一隻手若將一錢與匠人累他匠人眉鬚墮落僧回如教而說師具威儀望大嶺作禮嘆曰將謂無人大嶺有古佛放光射到此間雖然如是也是臘月蓮花大嶺後聞此語曰我怎麼道早是龜毛長三尺

清風吹動釣魚船鼓起澄波浪拍天堪笑錦鱗爭戲水到頭俱被釣絲牽

疎山冬至夜有僧上堂問如何是冬來意師曰京中出大黃

京師出大黃熟處最難忘道吾常作舞元是謝三郎疎山因靈泉問枯木生花始與他合是這邊句是那邊句師曰亦是這邊句曰如何是那邊句師曰石牛吐出三春霧靈雀不栖無影林

滄海無風波浪平烟收水色虛含月寒光一帶望何窮誰辨箇中龍退骨

雲居膺禪師上堂曰得者不輕微明者不賤用識者不吝嗒解者無厭惡從天降下則資寒從地湧出則富貴門裡出身易身裡出門難動則埋身千丈不動則富處生苗一言迴脫獨拔當時言語不要多多則無用處

門頭戶尾事千差了盡猶來未到家明月堂前無影木巖凝雪夜正開花

青林虔禪師因僧問學人徑往時如何師曰死蛇當大路勸子莫當頭曰當頭者如何師曰喪子命根曰不當頭時如何師曰亦無迴避處曰正當恁麼時如何師曰失却也曰未審向甚麼處去師曰草深無覓處曰和尚也須隄防始得師撫掌曰一等是箇毒氣

長江澄澈卽蟾華滿目清光未是家借問漁舟何處去夜深依舊宿蘆花

乾峯和尚上堂曰學一不得學二放過一著落在

第二雲門出衆曰昨日有人從天台來却往徑山去師曰典座來曰不得普讀便下座

聲前一句口如眉佛祖從來總不知昨夜巖窩閑說夢白頭生得黑頭兒

白水仁禪師上堂曰老僧尋常不欲向聲前句後鼓弄人家男女何故聲且不是聲色且不是色時有僧問如何是聲不是聲師曰喚作色得麼曰如何是色不是色師曰喚作聲得麼僧作禮師曰且道爲汝說答汝話若向這裡會得許你有箇入路色自色兮聲自聲新鶯啼處柳烟輕門門有路通京國三島斜橫海月明

白馬儒禪師因僧問如何是法身上事師曰井底蝦蟇吞却月

九重深密視聽難玉殿瓊樓宿雲霞燮理靈龜相事輪王不戴寶花冠

天童啓禪師因僧問如何是應無虧底眼師曰恰如瞎一般

育羣瘡瘡遍天真眼似眉毛道始鄰昨夜東君潛布

令黃鸞啼處綠楊春

立沙僧禪師一日遣僧送書上雪峰和尚峯開緘  
唯白紙三幅問僧會麼曰不會峯曰不見道君子  
千里同風僧同舉似於師師曰遮老和尚踈過也  
不知

三番白紙問寒暄千里同風月滿船奪得高標全用  
處盤蛇口內打鞦韆

北院靜禪師因僧問牛頭未見四祖時如何師曰  
異境靈松觀者皆羨曰見後如何師曰葉落已枝  
摧風來不得韻

寶杖親携挂翠纓徘徊常遶玉塔行轉身就父無標  
的拈却花冠不得名

曹山霞禪師因僧侍立師曰可煞熱曰是師曰祇  
如熱向甚麼處迴避曰鑊湯爐炭裡迴避師曰鑊  
湯爐炭裏又作麼生迴避曰衆苦不能到

崑岡片玉火中潤碧落孤蟾水底圓一念豁然無異  
色任從滄海變桑田

木平道禪師問洛浦一漚未發時如何辨其水脉

浦曰移舟諸水勢舉棹別波瀾師不契乃參蟾龍  
亦如前問龍曰移舟不別水舉棹即迷源師從此  
悟入

金烏玉兔兩交馳照破威音未兆時若謂青霄別有  
路木人依舊皺雙眉

谷山緣禪師僧問如何是祖師西來意師曰夜半  
烏兒頭戴雪天明啞子抱頭歸

瑞靄祥烟鎖玉樓妙年王子恣優游琉璃殿上騎金  
馬明月堂前展綉綉

白雲藏禪師僧問如何是深深處師曰矮子渡深  
溪

白頭童子智尤長半夜三更渡渺茫任運往來無間  
斷不消船艇與浮囊

同安察禪師僧問如何是天人師師曰頭上角不  
全身上毛不出

秘殿重圍曉尚寒丹墀苔潤未排班寶香鳳燭煙雲  
合寂寂簾垂不露顏

新羅泊嚴禪師僧問如何是禪師曰古塚不爲家



曰如何是道師曰徒勞車馬迹曰如何是教師曰  
貝葉收不盡

故國清平久有年白頭猶自戀生緣牧童却解忘功  
業懶放牛兒不把鞭古人不爲家

曹溪古路綠苔生車馬登臨已涉程野老衰羸兼跛  
挈手携玉杖夜深行徒勞車馬迹

四十九年成露布五千餘軸盡言詮妙明一句威音  
外折角泥牛雪裏眠貝葉收不盡

新羅大嶺禪師僧問如何是一切處清淨師曰載  
蓮枝寸寸是寶析旃檀片片皆香

乾坤盡是黃金國萬有全彰淨妙身玉女背風無巧  
拙靈苗花秀不知春

勸潭明禪師僧問確過磨磨不得忘却時如何師  
曰虎口裡活雀兒

一念蕭蕭不記年皮膚脫落自完全長天夜夜清如  
鏡萬里無雲孤月圓

同安不禪師僧問如何是和尙家風師曰金鷄抱  
子歸霄漢玉兔懷胎入紫微曰忽遇客來如何祇

待師曰金果朝來猶摘去玉花晚後鳳腳歸

日午烟凝山突兀夜央天淡月輝煌混然寂照寒宵  
永明暗圓融未兆前

同安不因僧問依經解義三世佛冤離經一字即  
同魔說此理如何師曰孤峯迥秀不挂烟蘿片月  
行空白雲自異

雲自高飛水自流海天空闊泳孤舟夜深不向蘆花  
宿迥出中間與兩頭

雲居簡禪師僧問孤峯獨宿時如何師曰閑著七  
間僧堂不宿阿誰教你孤峯獨宿

法爾非修本十成平常酬答最分明端然指出長安  
道無奈遊人不肯行

新羅雲住禪師因僧問如何是諸佛師師曰文殊  
緣耳

無相光中未兆身清虛渺邈豈爲隣一輪明月當軒  
照玉殿蕭蕭不見人

荷玉慧禪師僧問如何是西來的意師曰不禮  
拜更待何時



鹿堂寂寂夜深寒，携得瑤琴月下彈。不是知音徒側耳，悲風流水豈相干。

阿育通禪師僧問：如何是和尙家風？師曰：渾身不直五分錢。曰：怎麼則太貧寒？生師曰：祖代如此。曰：如何施設？師曰：隨家豐儉。

祖代家風沒一文，清貧中更是清。貧著衣喫飯，隨豐儉，物頭頭用最親。

護國澄禪師僧問：如何是本來心？師曰：犀因翫月紋，生角象被雷驚。花入牙。

三脚靈龜荒徑走，一枝瑞草亂峯垂。崑崙含玉山先潤，涼兔懷胎月未知。

護國澄因僧問：如何是本來父母？師曰：頭不白者，曰：將何奉獻？師曰：殷勤無米飯，堂前不問親。

出門徧界無知己，入戶盈眸不見親。虛室夜寒何所有，碧天明月頗爲鄰。

金峯志禪師僧問：四海晏清時，如何？師曰：猶是堵下漢。

四海烟塵已晏然，當軒明月照人寒。大功不賜將軍。

賞寶馬金槍，頓懷觀。

蜀州西禪禪師僧問：如何是非思量處？師曰：難見虛空夜點頭。

一點靈明六不收，照然何用更凝眸。箇中消息人難委，獨有虛空暗點頭。

廣德延禪師僧問：如何是透法身句？師曰：無力登山水，茅戶絕知音。

體妙探玄盡涉程，爭如野老異中行。功忘日用平懷穩，免事君王寵辱驚。

石門蘊禪師僧問：如何是和尙家風？師曰：物外獨騎千里象，萬年松下擊金鐘。

夜明簾外月朦朧，騎象飄身擊寶鐘。洪韻上騰三界外，擊夫何事睡猶濃。

淨衆禪師僧問：蓮華未出水時，如何？師曰：菡萏滿池流。曰：出水後如何？師曰：葉落不知秋。

白藕未萌非隱的，紅花出水不當陽。遊人莫用傳消息，自有清風透遠香。

同安志禪師僧問：二機不到處，如何？舉唱師曰：偏。

處不逢玄中不失

這邊那畔總難逢一句無私不處中紅日暮沉西嶂

外空留孤影照溪東

廣德義禪師僧問古人云言語道斷非去來今此理如何師曰彌勒涅槃知幾劫護明猶未降迦維妙湛圓明第一機降生成道涅槃時迦維摩竭雙林樹認著元來不是伊

廣德義因僧問久負不逢時如何師曰扇開人不遇陋巷莫能收

妙體堂堂相好全青霄獨步躡金蓮千華臺上猶慵坐弊垢襦衫豈肯穿

石門徹禪師僧問雲光作牛意旨如何師曰陋巷不騎金色馬回途却著破襦衫

瑞岬蔡中懷欲眠徐行處處迥豁然披毛戴角人難識爲報芒童不用鞭

廣德周禪師僧問波浪之中如何得妙師曰橈棹不施兼底脫往來終不借浮囊

一句相酬難取則輪王不化閻浮國無邊利海湛痕

平獨駕泥牛耕月色

太原隱禪師僧問數家檀越請茶茶赴誰家師曰

月印千江水門門盡有僧

妙圓無相劫前人隨類權分百億身月夜御樓纔報曉平明六國盡逢春

梁山觀禪師僧問如何是空劫已前事師曰擊動乾坤鼓時人聽不聞

虛空爲鼓須彌鼙擊者雖多聽者稀半夜觸體驚破夢涌頭明月不思歸

梁山因僧問祖意教意是同是別師曰金烏東上人皆貴玉兔西沉佛祖迷

靈山會上言雖普少室峯前句未形瑞草蒙茸含月秀寒松蒼鬱出雲青

梁山因僧問如何是日用事師曰碧玉點破琉璃色滿目紅塵不見沙

劫火洞然無相宅金門不視玉樓家寶天雲漢銀河冷浩浩波瀾豈動沙

大陽玄禪師上堂曰嵯峨萬仞鳥道難通鐮刃輕

水誰當履踐宗乘妙句語路難陳不二法門淨名杜口所以達磨西來九年面壁始遇知音大陽今日也太無端珍重

不挂唇皮一句奇少林冷坐最慈悲須知此道非傳授立雪神光已強爲

大陽僧問如何是和尙家風師曰滿鉢傾不出大地沒飢人

荆山美玉何須辨赤水玄珠不用拈涅槃象無心黃帝重卞和有智楚王嫌

投子青禪師僧問師唱誰家曲宗風嗣阿誰師曰威音前一箭射透兩重山曰如何是相付底事師曰全因淮地月得照鄆陽春日怎麼則入水見長人師曰祇知荆玉異那辨楚王心師隨後以拂子敲禪牀一下

珊瑚枝上玉花開風邊清香遍九垓勿謂乾坤成委曲韶陽親見睦州來

投子示衆云若論此事如鸞鳳冲霄不留其跡於羊挂角那覓其蹤金龍不守於寒潭玉兔豈棲於

蟾影其或賓主若立須臾威音路外搖頭問答言陳乃玄路傍提爲唱若能如是猶在半途更乃擬昨不勞相見

水澄月滿道人愁妙盡無依類莫收劫外正偏兼帶路不萌枝上辨春秋

投子因僧問和尙適來拈香祝壽且道當今皇帝壽年多少師曰月籠丹桂遠星拱北辰高

六國清平賀聖年珠簾高卷月明前金輪那肯當堂坐不用丹墀擊靜鞭

東京天寧芙蓉楷禪師僧問師唱誰家曲宗風嗣阿誰師曰金鳳夜棲無影樹峰巒纔露海雲遮等閑應問豈安排一句全提隱顯該薄霧依依籠古徑孤峰終不露崔嵬

芙蓉楷僧問夜半正明天曉不露如何是不露底事師曰滿船空載月漁父宿蘆花

星流水國夜然燈月印江天明似鏡隱顯無私位不該依稀擾動成偏正

芙蓉楷上堂法身者理妙言玄頓超終始之思諸

仁者莫是幻身外別有法身麼莫即幻身便是法  
身麼若甚麼會去盡是依他作解蒙昧兩歧法  
眼未得通明不見僧問夾山如何是法身山云法  
身無相如何是法眼山云法眼無瑕所以道言云  
未有師在忽有人問老僧如何是法身羊便乾處  
臥如何是法眼隨便濕處尿更有人問作麼生是  
法身買帽相頭作麼生是法眼坑坎堆阜若點檢  
將來夾山祇是學處不立如流俗闔闔裏物不能  
捨得致使情關固閉識理難開老僧今日若不當  
陽顯示後學何以知歸勸汝諸人不用求眞哇須  
息諸見若識香霧不生自然智鑑洞明更無他物  
諸人還會麼良久云珠中有火君須信休向天邊  
問太陽

道合平常絕異端行人何必歷艱難從今莫信係牘  
卜龜殼無靈不用鑽

保壽恩禪師上堂拈拄杖云得自天台迨比倫從  
來無業又無根有時扶過斷橋水幾度伴歸明月  
村雖然如是也不得無過鑿香臺一下便下座

此樹不從天地生登山涉水承渠力如今獨向亂  
前免致叢林爲軌則

保壽上堂三界唯心萬法唯識檻外雲生簷頭雨  
滴潮水漲如藍野花開似繖此時若不究根源  
向當來問彌勒還會麼不勞久立  
靈然不涉古來今三界都虛一點心檻外桃花春  
舞門前楊柳曉鶯吟

增觀丹霞淳禪師語錄終



# 長靈守卓禪師語錄

宋  
•  
介 長靈守卓  
謹

編撰





長靈和尚語錄

東京天寧萬壽禪寺長靈卓和尚語錄

住武林顯寧永報禪寺嗣法介謹編

師初住舒州甘露禪院開堂日拈香祝

聖壽罷復拈香云此一瓣香氣也無多子且能上透三世諸佛腦門下徹一切含靈妙本群魔欲隱彌露千眼要見無由今朝拈出已落化儀既有夤緣不無宣布慈向鑪中供養洪州黃龍山昭默堂靈源和尚以酌法乳遂敷座上首白龍罷僧問竺乾心印靈源深處傳來秘藏摩尼甘露臺前拈出爲國開堂願聞法要師云一人傳虛萬人傳實進云長將日月爲天眼共指山河作壽基師云一雨纔沾足四民心已蘇僧問保壽開堂三聖推出一僧未審意旨如何師云罕逢穿耳客多遇刻舟人進云爲什麼瞎却鎮州一城人眼師云進前不如退後師復云有問有答須是其人若是其人喚作游戲三昧逢場施設無可不可其或心源尚翳覺照猶蒙但

縱狂機無有是處若據此事人天未集已前平常動靜之際人人分上本自混然各無增損明來暗去自古自今一段靈光法爾瑩徹卽心卽佛日用堂堂非佛非心物物覲體是箇微妙大解脫門於斯得入亡言而證應十方不動而身遊沙界塵塵華藏境處處總持門卽想念以契神機開塵勞而興佛事迴途石馬火裏蓮開以至棒頭取證喝下傳心一指明宗三拜得髓復何怪哉還信得及麼以拂子擊禪牀云若向這裏信得及如許多葛藤又向什麼處去也良久云目前得旨俱成見觸處無心是到頭上堂云年來住甘露癡鈍無可作做剛被王官差排業緣無能回互祇得逐浪隨波從教諸方流布門前旋買新鹽甕裏有些陳醋來者覓茶與茶大似雖貧而富更問祖師西來老也得住且住上堂云無邊刹境自他不隔於毫端古人祇道庭前柏樹子自有人省得此事十世古今始終不離於當念便恁麼去誰敢壓良爲賤諸仁者如何以摩尼之珠久埋暗室又不可妄認五色便爲摩尼致使縹素

不分情處。莫曉是知水未入海。不得鹹味。金不去砂。祇成混雜。且道摩尼珠。卽今在什麼處。良久云。參堂喫茶去。

上堂云。四維風景。寥極目。晴空廓落。孰爲好醜。是非何用識。情卜度。石火迸光。清秋一鶻。言前得旨。已周遮。句後無蹤。徒摸捺。割著不行。秦時轆轤。

上堂云。久雨不晴。今日晴和。泥合水要分明。虛空濕了。何妨事。依舊太陽東畔生。可謂簷前滴瀝。無非圓通。廣大之門。春令秋行。盡是遮那清淨境界。眼見耳聞。失錢遭罪。汝等諸人。還道得藏身句也。未良久云。饒人不是弱漢。

上堂僧問。無邊刹境。自他不隔於毫端。因什麼道。庵內人不見庵外事。師云。庵內問將來。庵外問將來。進云。今日小出大過。師云。大眾笑你。問如何是法王印。師云。東西南北。進云。學人未曉。更請端的。師云。且看令行時。問奔流度刃。疾焰過風。合具什麼手脚。師云。劉進云。恁麼則進前不如退後。師云。近火先焦。問丹霞燒木。佛院主因什麼眉鬚落。師云。花貓兒。

會上樹進云。早知如是。終不如是。師云。惜取眉毛。問德山入門。便棒。臨濟入門。便喝。未審和尚如何爲人。師云。官不容針。進云。豈無方便。師云。私通車馬。上堂。舉僧問。崇慧禪師云。達磨未來。此土時還有佛法也。無慧云。未來且置。而今事作麼生。僧云。不會。慧云。萬古長空。一朝風月。良久又云。會麼。自己分上事。干他來。與不來。作麼他家來。大似賣卜。漢相似。見汝不會。爲汝雖破卦兆。纔生吉凶。在汝分上。一切自看。僧又問。如何是解卜底人。慧云。纔出門時。便不中也。師云。崇慧禪師。如鐘在架。扣之則鳴。善則善矣。及乎斷卦。要且未能端的。祇如未出門時。是凶是吉。大眾。孫賓開鋪也。汝等諸人。亡羊多岐。一夜東西尋覓。不得。何不出來卜一下。看良久云。若無孫賓自卜去也。擲下拂子云。赤脚人。趁兔著靴。人喫肉。上堂云。日出卯。開炒炒。於其中。須善巧。還會麼。打麵還他州土。麥唱歌。須是帝鄉人。上堂云。的的無來去。明明有舊新。去年今日事。今日去年人。脫體全收放。隨流混主賓。春光重漏洩。有口。

不須陳

上堂云步步登高從空放下。南北東西。曾無縫罅。教外別傳。一切話霸。

上堂云一切衆生。於無生中妄見生滅。是故說名輪轉生死。甘露道聲聞斷煩惱障。證人空理。是故說名沉寂滅地。菩薩了法。無我而起大悲。是故說名覺有情者。衲僧家。飢來喫飯。困即打眠。且道。合具什麼眼。

上堂云風非別涼。火是本熱。冷坐九年。元來未瞥。

上堂云平高就下。勾賊破家。截鐵斬釘。狐狸戀窟。總不與麼合作麼生。所以道。萬仞崖頭親撒手。須是其人。祇如香積國中。持鉢一句作麼生。道良久云。切忌風吹別調中。

上堂拈起拄杖云。大衆若拈起。也要汝諸人向普賢門中覓箇出身之處。復放下云。若放下也。教你諸人向文殊門中討箇入頭底路。若不拈不放也。令汝諸人於毗盧界中。出不得。大自在雖然如是。未是好心。爭如汝諸人。罷却從前流浪識。取祖父契書。承認本家田業。從教露柱懷胎。鐵牛生犢。後四前三全。

無窠窟。向下文長。一喝一咄。卓拄杖下座。

上堂云飛金鳥走玉兔。剎那之間。成新故。一陽復處。透全身。露柱開花。還峭措。炒芽栗。煮山芋。衲僧活計。隨時做。胡家曲。拍自分明。晷運推移。何處去。堪嗟茫茫塵世人。幾箇暫行休歇路。今年不見去年人。多少今人。成古墓。張三李四。醉昏昏。笑殺甘露拄杖子。

上堂云勸公一識取。心王萬事畢。六塵堆裏拾得來。歷劫元來未曾失。師云大小傳大士。失却了也。何故。曾經大海休誇水。除却梁園總是村。

上堂云釋迦掩室。過犯彌天。維摩杜詞。自救不了。如何。何口門太小。

上堂僧問如何是衲衣下事。師云天旱爲民愁。問如何是禪師云胡風一扇。漢地成機。問六般神用。空不空。一顆圓光。色非色。如何是一顆圓光。師云錦鱗不出水。如何是六般神用。師云靈禽豈宿巢。問如何是主中賓。師云不許夜行。投明須到。如何是賓中主。師云長安雖樂。不如舊居。如何是賓中賓。師云人無遠慮。必有近憂。如何是主中主。師云當斷便斷。

不招其亂。僧禮拜師。堅起拂子云。賓主歷然。便下座。  
上堂云。甘露尋常說。佛說祖是招呼你。談玄說妙是  
蹊徑。你行棒行喝。是定動你。收來放去。是殺活你。主  
賓互換。是博詰你。拈頭作尾。是變通你。敲骨打髓。是  
諦當你。把臂並行。是和合你。漚漚無事。是停息你。且  
道。甘露爲人在什麼處。良久云。斫却月中桂。清光應  
更多。

上堂云。付法傳心。將錯就錯。立雪斷臂。隨邪逐惡。本  
色衲僧。如何評薄。遂磨大師。露出一膊。

上堂卓拄杖云。從前佛佛祖祖。祇說這箇法。便下座。  
上堂云。一雨一晴。崑崙桂加青。釋迦骨髓彌勒眼。睛途  
中無限泥。泥者問渠。何日是歸程。

上堂云。黃河水出崑崙。崑崙要得分明。轉見昏若欲迴超  
無間業。滅却如來正法輪。卓拄杖下座。

上堂以拄杖一劃云。雲門大師道。微塵諸佛。總在這  
裏。還辨得。盡麼。甘露向你道。直饒辨得。個儻分明。猶  
被拄杖子礙在。更能轉得。一任朝到西天。暮歸震旦。  
若轉未得。殿前燒香。殿後合掌。繫禪床下座。

上堂云。如龜藏六。護自縮頭。似兔分三。未爲通變。有  
一般底。便道可行。則行可止。則止。大似俗氣未除。直  
饒有天曉。不露底去處。翻前作後。底威權向他道。莫  
費力。總不恁麼。畢竟如何。良久云。九十九春光。瞥爾過  
三千劍客。惠然來。

上堂云。空中呈鳥跡。水上露燈毬。要辨渠端的。玉人  
騎鐵牛。所以道。放去則途中受用。收來則袖裏藏鋒。  
不收不放。鼻孔大頭。依然向下。

上堂云。虛明自然。不勞心力。依此修行。決入無間地。  
獄非思量處。識情難測。雖較些子。爭奈形凹則影曲。  
殊不知有未形已形之號。令已了未了底公案。撞著  
明眼衲僧。且要大家判斷畢。竟如何。良久云。德山棒  
頭。猶自可。臨濟喝時。驚殺人。

上堂云。當斷便斷。不招其亂。更問如何。兩重公案。便  
下座。

上堂舉僧問雲門。樹影葉落時。如何。門云。體露金風。  
諸禪德。還會麼。迺云。因行不妨掉臂。求他不妨求已。  
面前山子若存。處處無風浪。起一聲。鴻鴈忽聞時。盡。

在愁人窠窟裏

上堂云。過去諸如來。斯門已成就。以拄杖劃云。不消一劃。現在諸菩薩。今各入圓明。放過即不可未來修學人。切忌無事。生事有般漢。見人恁麼說話。便道。總由和尚殊不知。鷄王擇乳。素非鴨類。

上堂。舉瑞鹿先和尚示衆云。幽林鳥叫。碧澗魚跳。雲片展張。瀑澗鳴咽。汝還信得。如許多境界。示汝箇入處麼。若也信得。不妨參取好。師云。是。即是大似孟姜女送寒衣相似。甘露所以向你道。孤村黃葉落深院。桂花香。志士惜日短。愁人知夜長。

上堂。僧問。自從認得曹溪路。了知生死不相關。如何是曹溪路。師云。十里雙牌。五里單垓。僧禮拜。師云。識得路頭也未。問。如何是前照後用。師云。花須連夜發。莫待曉風吹。如何是前用後照。師云。不因一事難長一智。如何是照用同時。師云。苦瓠連根苦。甜瓜徹蒂甜。如何是照用不同時。師云。左眼半白。右眼半黑。上堂云。風從何來。雨從何至。皮下有血。面上有鼻。脫體相呈。全無忌諱。明眼衲僧。更須警地。警地如何。且

夢睡

上堂云。實證者。尚不見證。何況非證。何也。非情量所證。智證。能證。而此智證。無證。無不證。有般漢。問恁麼說話。不知落處。便道。衲僧家。如箇座。主相似。不免隨其顛倒。所欲向他道。臂長衫袖短。脚瘦草鞋寬。以拂子擊禪床下座。

上堂云。晴煙淡。暖日遲。遲。百鳥歌。而山谷鳴。千花笑。而蜂蝶亂。於斯。明得不動步。到觀音。普門。平地上。入文殊。智海。悲智融會。寂用俱收。直能如是。向衲僧門下。粗可從容。打辨。若不然者。心隨境變。志逐事遷。虛擲光陰。猶自可。玲孌辛苦。更愁人。

上堂云。落花隨流水。啼鳥在深雲。莫怪多違背。年高耳目昏。豈不見七百甲子老禪翁。對人祇道東門西。門南門北門。

上堂云。披砂揀金。非我族類。拈來使用。罕遇其人。不見道。不許夜行。投明須到。若是醋虫。不知酸。明鑑不自照也。祇是坎井之蛙。詎知滄海。譬如畫虎。未成。猶勝於犬。萬仞崖頭。曾撒手底。但請丹霄獨步。



上堂云。昨朝炒炒。今朝開炒。波斯失白氈。拾得鐵錢鈔。還知麼。會須有用著時節。

上堂拈起拄杖云。這一隊瞋睡漢。還知汝諸人眼睛。盡在山僧手裏也。無良久。擲下拄杖云。還汝眼睛。一任醒醒。

次住廬州能仁資福禪院

上堂。僧問。佛未出世時如何。師云。絕毫絕釐。還云。出世後如何。師云。填溝塞壑。進云。出與未出相去幾何。師云。人平不語水平不流。

師云。云大凡普會衆前出來。鼓揚此事也。須是本分衲僧。方迴函蓋相投。當機勦絕。纔有警訛。便爲離隔。而況機輪轉處。佛眼猶迷。祖令行時。凡情那測。故德山棒下。知輕重者。同窠俱通。臨濟喝中。辨主賓者。皮膚脫落。如王寶劔。孰敢當鋒。所以道言之者。失其真。知之者。反其愚。有之者。乖其性。無之者。傷其軀。病既多。途藥還異。狀若不深窮閭奧。直造根元。水乳何分。精蘊莫辨。致使廣大威德。枉受驅馳。本智不生。識情爲咎。當須明悟。理則昭然。

上堂云。了法非法。則法法真。如知心非心。則心心玄。寂玄寂。則應用恒沙。真如則隱顯無間。既是隱顯作麼生。無間良久云。早知燈是火。飯熟也多時。

上堂。舉城東老母。與佛同時而生。一世共處而不欲見佛。每見佛來。即便迴避。周迴上下。皆避不及。廻以手掩面。十指掌中。悉皆見佛。師云。釋迦老人。一等慈悲方便也。甚奇怪。雖然如是。畢竟還爲得伊也。無要會麼。既無迴避處。合掌見尊顏。一香兼一火。恭敬又何難。也不難。空王殿裏自家看。

上堂云。心心佛。佛心心佛。心心佛。心心佛。無二更須知。有向上一竅。如何是向上一竅。復云。南瞻鄒州北鬱單越。

上堂云。摩尼在掌。隨五色以分輝。寶月當空。散千江而現影。還會麼。以拄杖一劃云。禍不入慎家之門。上堂云。見見須教透。頂門頂門開。處處寶光分。照徹古今無比況。猶來佛祖是兒孫。何故如此。到頭珠有水。未免線因針。

上堂云。真不掩偽。開眼瞋睡。曲不藏直。猶較些子魚。

目明珠都盧在汝更擬如何未敢相許

上堂舉荊南大將送供上雲。居問膺和尚云。如來有密語。迦葉不覆藏。未審意旨如何。膺喚尚書。尚書應喏。膺云。還會麼。尚書云。不會。膺云。尚書若不會。如來有密語。尚書若會。迦葉不覆藏。師云。也甚奇怪。一等是怎麼事。要須怎麼人。還知道。如來密語。一時被雲居漏洩了麼。更若未會。但且看風使帆。因行掉臂。上堂云。人無心合道。困來不覺和衣倒。一老一不老。法身真箇入荒草了。無來隨分討糞掃。堆頭拾得寶。木人石女共歡呼。信手拈來用恰好。青山無盡意。無窮何須更覓來時道。

上堂云。二月桃花紅。三月李花白。要調滿庭芳。須會十八拍。所以雲門大師以拄杖擊繩床云。一切聲是佛聲。一切色是佛色。你把鉢盂噉飯時。有箇鉢盂見。行時有箇行見。坐時有箇坐見。這般底。怎麼去。就把棒一時趁散。師遂以拄杖擊繩床云。而今一切聲是聲。一切色是色。是汝諸人把鉢盂噉飯。但作鉢盂見。行時但作行見。坐時但作坐見。忽若撞著雲門。復擊

繩床云。蘇嚕蘇嚕。

上堂云。開眼即迷。閉眼即錯。古佛巴鼻。何處摸索。豎起拂子云。大衆復云。錯。

上堂云。雷音堂上。久無隱隱之聲。可謂與諸人曠然隔闕。長靈室內。亘古如然。可謂與諸人鎮長參會。既已隔闕。又常參會。未了之人。如何不疑。而今若能於兩頭三首處。豁見本來。迺知老僧不味。闍梨如或露柱。依前是木頭。臘月三十日。一場懣懣。

上堂云。會與不會。拈却一對直截。如何風不鳴條。雨不破塊。以拂子擊繩床云。參。

上堂。僧問。如何是體中。玄師云。佛眼覷不見。進云。如何是句中。玄師云。拈來特地新。進云。如何是玄中。玄師云。蚌含明月。問。自從一喫馬師。踏直至而今。笑未休。未審笑箇什麼。師豎起拂子云。無量法門。百千妙義。進云。坐斷報化。佛歌揚自己風。師云。棒打石人。開鐵眼。劒揮牛斗。動金星。問。言語道斷。心行處滅。正當恁麼時。憑誰舉。似師云。人無遠慮。必有近憂。進云。怎麼則一言吞萬像。千古播徽猷。師云。車不橫推。

問雲舒野外雨滴簷前如何明得點點不落別處  
師云透過圓通門聞聞不在耳進云正在富人眼裏  
鳴也師云不妨惺惺

上堂云欲明生死須窮道一葉落時天下秋不涉去  
來常變化歸根得旨但隨流且道歸根一句作麼生  
道

上堂云晴來又雨雨了又晴輝天電閃震地雷鳴爭  
奈室中人不聞何大衆祇如室中人還具六根也無  
試向這裏斷看

上堂云古佛真宗彌滿成現明眼衲僧作麼生辨良  
久云切忌撞頭磕腦以拂子擊禪床下座

上堂云糞掃堆頭丈六身入泥入水出家人丈夫自  
有通方眼認著珍時不是珍

上堂云得之於心般若如清涼池四面皆可入失之  
強從教個強殊不知有箇人不使十二時亦不被十  
二時使全本全末全去全來汝等諸人作麼生辨要  
知麼自携瓶去沽村酒却著衫來作主人  
上堂舉永嘉道一月普現一切水一切水月一月攝

◆之強問恣  
有脫簡

諸佛法身入我性我性恒共如來合永嘉大師老婆  
禪不妨赤心片片殊不知燈籠露柱與釋迦老人分  
憂蝦蟇蛤蟆爲達磨大師雪屈且道雪得雪不得汝  
等諸人還嘗不嘗天寧三門杜口有分佛殿上鴟吻  
尾犯已折

上堂云歲時駒過隙倏忽十月初今年寒較早前日  
已開爐爐邊向去者各各護眉鬚分明一路無寒暑  
不知何日是歸歟

上堂僧問承師有言分明一路無寒暑未審路頭在  
什麼處師云幾度欲歸歸不得門前依舊草芊芊僧  
云便向者裏歸得未審如何行李師云急行無好步  
僧云爭奈千峯勢到舌邊盡萬派聲歸海上消師云  
道得分明出轉難問爐華鳥薪叢林規則火中三  
昧如何指南師云性火真空無間斷圓圓處處且隨  
時僧云如是則紅焰皆真諦頭頭趣不虧師云瀉山  
問仰山問如何是玄中玄師云正上不足正下有  
餘僧云如何是體中玄師云半夜失鳥鷄僧云如何  
是句中玄師云信手拈來無異草僧云三玄已蒙師

指示祖師心印。願敷揚師云。天共白雲。曉水和明月流。

上堂云。乾坤之內。宇宙之間。中有一寶。廻唱云。在什麼處。良久云。若要價重。婆娑。但識取這箇。擲拂子下座。

上堂拈拄杖橫按云。釋迦先鋒。彌勒後殿。且道中軍主將。畢竟是誰。良久云。擬議之間。西天此土。卓一下下座。

上堂云。日出心光耀。堂堂更孤峭。天陰性地昏。風寒早閉門。不知天地者。剛道有乾坤。欲明還得暗。打破却。渾侖爭如回首家鄉路。寒食依前是暮春。

上堂舉雪峯指火爐謂玄沙云。三世諸佛盡在裏許。轉大法輪沙云。近日王令稍嚴。峯云。作麼生。沙云。不許人攬奪行市。後來雲門舉此語。廻云。火爐爲三世諸佛說法。三世諸佛立地聽天寧。向你道。火爐是三世諸佛祖父。三世諸佛是渠兒孫。汝等諸人。切不得觸著祖父諱。若也觸著。便見觸髅偏野。

上堂云。寶鑑當臺物。來則現像。自起滅鑑。無來去影。

有千差光無二相。然影非自影。由像而形。光不自光。因鑑而顯。鑑光影像。不異不同。直下知歸。盡屬當人受用。天寧話麼說話。大似開眼尿床三十年後。有甚雪處。

上堂云。心同虚空界。箇中有買賣。示等虚空法處。處處皆周匝。證得虚空時。全收復是誰。無是無非法。一離還一合。汝等諸人。還知落處麼。良久云。不因霜雪苦。那辨歲寒心。

上堂云。深深蕩蕩。道無事底。兩手分付不肯要。學言語沒地頭底。流浪救不得。所以尋常都不敢動著。且祇得因行不妨掉臂。教他長者自長。短者自短。上堂云。三千劍客。獨許莊周。爲什麼跳不出長臂之門。病人益甚。因什麼不消一劑。已過關者。更請辨看。上堂云。雲從龍。風從虎。大地誰言無寸土。三陽肇處。布新春。明明獨露乾坤。祖誰知。毗耶老病。爲默爾忘言。善談吐不落四句。徹三玄。還他一二三四。上報爾拈檀林下人。應時納祐。還知否。取來橫骨暗中抽放去。隨群作水。結良久。召大眾云。頭角生也。牢把鼻孔。

以拂子擊禪床下座

上堂云。諸佛不出世四十九年。說說又說。箇甚麼。良久云。千江有水。千江月。萬里無雲。萬里天。祖師不西來。少林有妙訣。妙訣是什麼。熱碗鳴復云。西天此土。俱拈却。一種平懷。當處親若人。識祖佛。當處便超越。若是祖佛。又作麼生識。如何便超越。良久云。大盡三十日。小盡二十九。

上堂云。會萬物爲自己者。其惟聖人乎。祇如而今山河大地。縱目所觀。莫非是物。且作麼生會得。成自己去。若言山是山。水是水。長者長。短者短。正是物不爲會。若言攬真成立。色相無礙。也是物不爲會。若言千波競起。盡是文殊家風。亦是物不爲會。不然。道是則一切是非。則一切非不勞拈出。靈利漢這裏著得一隻眼。便見匝地清風。虎頭生角。

上堂云。譬如眼根不自見。眼性自平等。無平等者。便怎麼去。無孔鐵槌。聊且安置。直得入林不動。草入水不動。波也祇是一期之故。若也籬內竹抽籬外笋。澗東花發澗西紅。更待勘過了打。

上堂云。還見麼。巍巍實相。逼塞虛空。咄。是什麼話。便具爍迦羅眼。到這裏也用不著。且道。衲僧尋常用什麼眼。

上堂云。生。死。卽涅槃。涅槃卽生死。全迷卽全悟。全死卽全生。魔佛齊平。孰爲非道。又須知。生死非涅槃。涅槃非生死。無生死而不顯涅槃。無涅槃而不度生死。法法顯然。塵塵自離。到者裏更須有轉身一路。若也轉得。枯木枝頭。別迎春色。踢倒鐵圍山。踏翻生死海。從教月色和雲白。管取春來草又青。

上堂云。一月普現一切水。一燈能傳百千燈。舉拂子云。還見麼。此時不徹。全身句。眨起眉毛。已葛藤。

上堂云。大圓鑑中。同結社。二微塵裏。共安居。釋迦彌勒。無門入不到。者真丈夫。大丈夫漢。撩著便知來。由不爲分外。若更擬議躊躇。何啻雲泥萬里。所以道。十五日已前。點卽不到。十五日已後。到卽不點。且道。點卽是不點。卽是良久云。長因虎嘯風生處。記得龍吟霧起時。

上堂云。五五二十五。人人超佛祖。撩著未知機。黃金。



成糞土諸禪德莫葬。爾夷門山朝朝走入新羅。占波國裏賣吉州針。相逢醉老婆。尋牛撞著虎。

上堂。舉雪峯一日。參次一僧出來。不審珍重。便歸家。峯云。總似這漢。省多少力。玄沙云。恁麼爲人。瞎却福州一城人眼。在峯云。子又如何。沙云。好與二十棒。峯云。已後無人奈子何。師云。二十棒爲復是那僧喫。雪峯喫。玄沙自喫。試請斷看。要知麼。白璧何足多。黃金未是苦。

上堂云。逢庚則伏。羶奴昨外。喝死遇明。則蘇白牯。今朝律活。全活全死。全死全活。死活兩忘。是箇什麼。到這裏也須是箇漢。始得參學。眼目宜各打辨精彩。上堂云。長期告畢。法歲云。周木人。施草石。女行。籌粥。僧了無交涉。那更頭上安頭。橫擔柳。標笑。傲清秋。要去。即去。得留。且留。逢人若問。長靈老。向道。浩浩塵中。闢鐵牛。

上堂。僧問。圓音堂上。已焚海岸之香。師子座前。願聽無生之曲。師云。不是。薰風與流水。却隨流水到人間。進云。希聲迴出。簫韶外。無限旁人側耳聽。師云。眼處。

聞時方得知。問有問有。答猶涉程途。無問無答。音信難通。如何直得截歸源去。師云。彈指若知霄漢路。便能平地起煙雲。僧云。恁麼則全身歸問。答元不犯絲毫。師云。萬像齊相印。虛空笑點頭。

上堂云。過現無三世。星霜有四明。秋殘心似口。冬至眼如眉。了了何依住。新新孰變移。歲寒同飲啄。冷暖自家知。

上堂云。心心莫謾尋。道道已蹉過。不蹉過是什麼。一機全步步。到木馬已追風。瞎驢倒推磨。

上堂云。天寧不可不爲你舉話也。遂拈拄杖敲禪床。復擲下云。心不負人。面無慚色。下座。

上堂。舉僧問趙州。學人乍入叢林。乞師指示。州云。喫粥了。未。僧云。喫粥了也。州云。洗鉢盂去。其僧遂有省。師云。汝等諸人。早來人人喫粥。各各洗鉢。孟趙州恁麼道。這僧恁麼省。還會得也未。忽有箇衲僧出來。道長因送客處。記得別家時。天寧向伊道。易開終始口。難保歲寒心。

師宣和六年十二月二十七日圓寂。先於二十五日。



上堂舉僧問雲門如何是雲門一曲門云。臘月二十  
五師云。雲門曲子不妨徑直。便恁麼會得去。臘月三  
十日。贏得觜頭光。若也不會。臘月三十日。亦贏得觜  
頭光。汝等諸人。畢竟作麼生。會老僧住世。能復幾時。  
若是據令而行。直須法堂上。章深一丈。而今不獲已。  
將烏缸打作碣。瓦賣曲盡。老婆心爲汝。諸人和箇小  
曲子。廻云。衲僧要唱雲門曲。六六從來三十六。曹源  
有箇癡禪人。解道一生數不足。數不足。不屬金石與  
絲竹。等閑一拍五音全。直道如弦已曲。衆從教歲去  
年來。依舊山青水綠。

垂語百則 又曰室  
中百問

五行未兆已前。有箇人鼻孔。撐天及乎交象。纔分爲  
什麼。却隨群逐隊。

師答石壓笋斜出。崖懸花倒生。

瓦礫與黃金一色。辨者猶難上智。與下愚同波。通人  
自鑒道道。

和尚已道了也。

機輪轉處。佛眼猶迷。如何是一鏃破三關底句。

鷄子已過新羅國

言中有響。作者應知。爲什麼却分疎不下。

如人飲水。冷暖自知。

欲識佛性義。當須行異類。古人爲什麼目視雲漢。

塵塵共放白毫光。

會禪卽爲禪。綽學佛卽被佛魔。如何是脫洒底句。

鼻孔大頭向下垂。

打破盡瓶。猶可易明。分偏正。何似生。

判官手裡筆。

天不能蓋地。不能載。衲僧拄杖。從何而得。

推倒禪床。

舉一明三。人人知有。點著不來。雲泥有隔。當鋒一句。

作麼生道。

和尚萬福。

明眼漢沒窠臼。我且問你。鼻孔因什麼大頭向下。

黃河向北流。

注瓦者巧。注金者昏。衲僧門下。過在什麼處。

出頭天。外看。

空劫已前。強生節目。融通日用。過犯彌天。坐斷舌頭。  
速道速道。

豎起拳頭

恍恍惚惚。此物非物。卽且置眉頭八字分開。爲什麼  
當堂踉蹌過。

看脚下

便獲蓮華。捧足何似。困卽打眠。

太快活生

水中鹹味。色裏膠膏。箇箇道我。會荆棘林。過不得病  
在什麼處。

喝

前佛也。怎麼後佛也。怎麼須彌山。穿過毗盧藏大海。  
水流入普賢眼。直須悟去好。

謝和尚指示

面亦不如語。直目從你豎起拳。云這箇喚作什麼。

漏逗不少

若人認得。心大地無寸土。修山主出頭不得。爲什麼。  
不向七穿八穴處相見。

怎麼怎麼

五音令人耳聾。平地上死人無數。玄沙道底。寧無一  
箇半箇。

那雷一箇半箇。千箇萬箇也有。

雞寒上樹。鴨寒下水。是你尋常用底。還識得也未。  
頭上安頭作麼。

得人一牛。還人一馬。明眼衲僧。因什麼話墮。

彙身在內

滿口道無處說。我共你平展相見。道將一句來。  
和尚要喫茶麼。

遇賤則貴。你作麼生。辨須知有不犯宮商底句。

燈籠沿壁上天台

分外則不可。我也知你親明眼人。落井作麼生舉。

竹密不妨流水過

尋常道生死無變動。靜有常還透得也。未眼光落地。  
如何駕途。

正與麼時。向和尚道

佛法不用學。學得轉成魔。向鉢盂處會取好。

討甚麼碗

佛法須用學。觸處生光輝。叉手一句試道看。

露柱懷胎生石兒

更深夜靜無人處。作麼生與伊商量。

又被燈籠呵呵笑

菩薩觀色即是見。空觀空莫非見色。被僧家總不動。

著尋常開眼見箇什麼

脫殼烏龜飛上天

大用現前不存軌。則爲你打破窠窟了也。還我第一

句來

起動和尚

不得春風花不開。花開又被風吹落。明得箇什麼邊。

事若不同塵。憑何出離。既行三界。必有死生。若爲顯

知是寂滅地

知一字衆禍門

增水生積水。大將起。搥輪有情無情。佛眼教祖從何

而立

蒺藜園裡放毫光

禾山解打鼓。投子下禪床。明眼高人尋常用底。試拈  
出看

僧投寺裡宿。賊入不慣家

向之則乖背之則隔。父母未生時。向什麼處管帶

便請還鄉去

相逢便拈出。還當得也無

爭奈傍觀者。唉何

相逢不拈出。還匿得也無

河頭賣水作麼

老宿舉拳是一爲什麼。趙州見處有二

一點水墨。兩處化龍

從門入者。非家寶。胸襟流出事如何

咳嗽一聲

釋迦掩室。淨名杜詞。也是閉門作活計。子家七縱八

橫。合具什麼眼

象王行處。狐蹤絕

出身猶可易。脫體道應難。還道得也未

露

有句無句。盡屬止啼。直下全提。如何顯露。  
作相撲勢。

動容揚古路。不墮悄然機。觀面相逢。試請拈出。

不可更撒沙。

如水無筋骨。能勝萬斛舟。此理如何。

不識。

雪峰輓毬俱。抵堅指是明。什麼邊事。

猿愁棲。獼頭狗走。抖擻口。

仰面因什麼。不見天。低頭因什麼。不見地。

冰壺無影像。

承言者。喪滯句者。迷洞山。老還免得也。未。

如析旃檀片片皆香。

主山因什麼高。案山因什麼低。還有佛法道理也無。

長者長法身。短者短法身。

淺聞則深悟。深聞則不悟。行脚高人必有長處。

踏破草鞋。赤脚走。

一句子。唯已自知。一句子。諸方流布。一句子。要道也。

不難道這。

三脚驢子弄蹄行。

披砂揀金。非我族類。拈來便用。罕遇其人。如何是不。  
落是非底句。

八角磨盤空裡走。

不露鋒骨句。未語先分付。惺惺底。漢如何領受。

薰風自南來。殿閣生微涼。

醍醐上味。爲世所珍。爲什麼翻成毒藥。

德山棒。臨濟喝。

文殊自文殊。解脫自解脫。那箇是你自己。

幸是問某甲。若問別人。則禍生。

定盤星。箇箇道我識得。蝦蟇蛤蚱。與釋迦老子爭衡。

作麼生判斷。

好與一文錢。

鏤湯爐炭裏。刀山劒樹頭。還有出得氣底也無。

眼花作麼。

五尺單前妄想。卽且置。祇如把鉢盂喫飯時。於祖師。

門下。落在第幾機。

和尚還要喫麼。

身著空花衣。腳踏龜毛履。是什麼人。還識得曹溪路也未。

步步踏著無生

窮心窮性底人無動。盡坐解脫深坑。如何救得。

好與三十棒

馳逞唇吻底。祇向草裏走。打殺百千萬箇。還有罪過也無。

灼然

不分縈素底。入不得。辨明休咎底。出不得。一迤兩當。

又且如何

睦州道底

從前佛祖敗闕處。什麼人檢點得出。

可笑可笑

風不來樹不動。把得住底。能有幾箇。

管他死漢作麼

甘草甜。黃連苦。透得過底。是什麼人。

有眼無耳。朶六月坐火邊。

入林不動。草入水不動。波也未是好手。更能與他裂。

轉鼻孔不爲分外

作家宗師天然有在

平高就下。勾賊破家。截鐵斬釘。狐狸懸窗。雙明雙破。又且如何。

寶劍在手。殺活臨時

十方佛土中。唯有一乘法。因什麼鐘作鐘。鳴鼓作鼓響。

法法住法位。世間相常住

佛前燒香。殿後合掌。燈籠挂露柱。處道將一句來。

明歷歷露堂堂

一切智智清淨中。還具縱橫殺活底道理也無。

一切智智清淨

臨危不怖人。因什麼却推倒釋迦老子。

天上天下唯我獨尊

敲敲磕磕處。卽且置。如何是不傷物義底。句道道。

寒時普天普地寒。熱時普天普地熱。

達磨西來。祇有一則奇特。因緣未敢望你會作麼生。

舉

諦聽諦聽

知有底人。觸途見性。爲什麼倒退三千

腳跟下好與三十棒

行脚人。各有各本道。公據指什麼處爲地頭

不可更指

護身符子。不問你還我祖父契書來

劈胸與一拳

丈夫漢。箇箇鼻孔。撩天因什麼。張公喫酒李公醉

面南看北斗

行住坐臥。四威儀中。還見毗盧遮那無見頂相麼

金屑眼中翳

以有爲有。是凡夫見。以有爲無。是聲聞見。禪家流見

山見水時如何

紅爐一點雪

舉拳云。微塵諸佛。盡在這裏。乞命你還知麼

草賊大敗

不明已底人。日用不知明已底人。因什麼築著便作

臭氣

鶻鼻布衫猶未脫

一槌兩當。切忌忌平地起骨堆。須知有不驚人底句

不要舉不要舉

古人道。亡僧面前。正是觸目菩提。未審水牯牛還肯

不肯

從門入者。不是家珍

佛法兩字。不得道。著道著則燈籠露柱。欺你去

雨下地上濕

一塵纔舉。大地全收。塞却咽喉。作麼生道

普

三乘十二分教。盡力提不起。禪家流爲什麼生手拈

來當頭使用

及乎天曉又尋常

釋迦老子與露柱相去多少

七尺八尺

菩提涅槃。眞如佛性。到這裏總用不著。是你尋常用

箇什麼

明日向和尚道



舉指頭云。你若識得這箇什麼時。不是佛出世。

敗闕不少。

古人面壁閉門。還有爲人處也無。

遍界不曾藏。

拈頭作尾。唱三作二。還有奇特底道理也無。

銅砂羅。裡滿盛油。

東西不辨。南北不分。底漢作麼生與語。

劈胸與一踏。

一切證是佛聲。一切色是佛色。忽若悟去。我更問你。

通方底句在。

便請問。

不落是非。賞罰底句。不辭向你道。祇是口門窄。

不可更道。

三世諸佛。向這裏出頭。不得過在。於何。

大地無寸土。

久旱簷頭句。先天已分付。今日當堂試請道看。

南山北山。轉霧霽。

在南稱柑度北曰橙。如何說箇無變異底道理。

水隨方圓器

會則途中受用。不會則世諦流布。一箭双穿。還道得也未。

鐵鋸舞三臺

若在窠窟裏。則縛殺。若在窠窟外。則走殺。如何即得恰好。

妙體由來無處所

眉毛眼睫。逼塞乾坤。作麼生辨。

貓兒狗子

欲得現前。莫存順逆。速道速道。

掀倒禪床。拂袖而出去也。

偈頌

世尊指天地

周行七步。便稱尊家。醜那堪放出門。祇向母胎度人。

畢也須一棒一條痕

外道問佛

外道驢心。憤嶮夷老胡。鞭影露針鋒。行人拾得東門。

兔誰管。韓獪精力疲。

維摩不二

洞門常啓客來稀。碧草叢邊野蕨肥。可笑流年空老大。慚無一德報恩知。

珊瑚枝枝撐著月

價重三千不可圖。從教千古強名模。長因塞北煙塵息。記得江南啼鷓鴣。

汝是慧超

問佛如何答慧超。秤鎰雖定價相饒。雲中不覩雙鸞落。箭過新羅十萬遙。

不許夜行投明須到

虛空產生鐵牛兒。頭角分明也太奇。踏破澄潭深處月。夜闌牽向雪中歸。

國師三喚侍者

喚處分明應處親。不知誰是負恩人。東家漏洩西家事。却使傍觀笑轉新。

怎麼也不得

凜凜清風八面吹。雄雄獨跨鐵牛兒。爲公剔起金剛眼。拶破惺惺應自知。

風幡誰動

夢遊華頂過丹丘。躡盡寒雲倚石樓。貪看瀑泉瀉崖壁。豈知身在碧江頭。

目前無法意在目前

九轉靈丹難却易。一鎚便當易還難。相逢話盡壺中事。重把仙書子細看。

昨日栽茄子

鑿子頭邊得意時。開花著子不愁伊。幾多不善根株者。祇見枝頭又長枝。

趙州勘婆

勘破誰知老趙州。玉鞭鞭起臥金牛。臺山今古行人口。笑飲清風味轉幽。

智門蓮花

蓮花荷葉的須分。無限清香付與君。彈指若知霄漢路。便能平地起煙雲。

寒時寒殺閑黎

偏中有正正中偏。流落人間百萬年。幾度欲歸歸不得。門前依舊草芊芊。

道吾生也不道

木人把板雲中唱。石女穿靴水上行。生死死死生休更。  
問從來日午打三更。

投子下繩床立

愛向江邊弄釣絲。碧潭深處有嘉魚。釣頭不是無香餌。  
箇底如何釣得渠。

蝦蟆頭上戴青苔

蝦蟆頭上戴青苔。繡出鴛鴦孰辨猜。幾許離人消息斷。  
一聲鴻鴈送愁來。

長沙令人問三聖。南泉遷化向什麼處去

採花蝴蝶舞三臺。啄木掉頭鳴訝鼓。處處相逢客大蟲。  
兀來便是立沙虎。

巖頭甘贄家。過夏因緣二頌

一回喫水一回噎。百鍊精金要人別。門前誰解倒刹竿。  
甕裏何曾失却鼈。

針頭割去幾人知。婦兒女子莫猜疑。聖凡命脉果何在。  
以拂子擊禪床角云。向此須明上上機。

世尊拈花迦葉微笑

世尊拈花迦葉微笑。不落宮商。是何曲調。古洞風清。  
寒潭月皎。報公知。須曉了。融峯最好音聲鳥。

月面佛月面佛

日面佛月面佛。大海波翻。須彌突兀。磕破腦門。額頭  
汗出。明眼衲僧。未辨明。盤頭好看。冲天鶴。

德山棒臨濟喝

德山棒臨濟喝。銅金剛鐵菩薩。轟雷發處。有耳皆聾。  
撒星來時。無眼不瞎。瞎與公重。指曹溪月。

三聖到德山。即展坐具

呼爲雲叟。爲雨。襲襲。清風動寰宇。笑哭不是等閑聲。  
路見不平。應有主要。斬不平人。不與平人語。而今何處見蹤由。  
剔起眉毛看鷄子。

定上座橋上立。有座主問如何。是禪河深處

須窮底

辨金要識鑰。覓髓須打骨。平地激風波。禪河沒窠窟。  
黨理亦黨親。成家又成國。拗拗境境笑兀兀。無限  
傍人眼睛凸出。

睦州擔板

腦後與一錐頭。頭墮坑坎直饒喚不迴。也是虛擔板。休擔板。透過睦州關。乾坤一隻眼。

### 雲門俱子

俱俱本祖不圖淳風一振。處處歡呼百草頭上薦獻還殊七佛之師。親識面元來祇是古文殊。

### 曹山向火因緣。日照寒潭明更明

日照寒潭明更明。寥寥虎嘯清風生。寰中閫外應須辨。白玉盤盛鐵眼晴。曹山老曹山老。正去偏來沒處討。

### 三界唯心。萬法唯識

三界唯心。海嶽銷沈。萬法唯識。青黃曲直。天上人間。迺規迺矩。則眼耳即真。見聞俱惑。孰爲言宣。詎假玄默。混爾圓常。分爾百億。迷悟不來。塵毛匪忒。

### 雲門餠餅

左眼半斤。右眼八兩。不問親疎。有功者賞。

### 乾峯十方薄伽梵

須彌頭倒卓。碧海起清風。東弗已搖落。西瞿花正紅。卽心卽佛。

風勁葉頻落。山高日易沈。坐中人不見。意外白雲深。僧問四料揀。因而頌之。

奪人不奪境。山河光迴迴。若謂露全身。重添眼中眚。奪境不奪人。虛空問四隣。從來無朕兆。何事起埃塵。人境兩俱奪。倒轉舌頭說。四句若爲分。曇花生枯栴。人境俱不奪。東西任該抹。七九六十三。相逢阿喇喇。

### 總頌

人境奪不奪。千手未拈掇。捧出黃金盤。贈君貯明月。上堂僧問。如何是滄仰。宗答。有賓有主。如何是臨濟。宗答。一棒一條痕。如何是雲門。宗答。東山水上行。如何是曹洞。宗答。烏鷄頭帶雪。如何是法眼。宗問。取修山主。因而有頌。

有賓有主。父子規程。子無線索。妙辨縱橫。

一棒一條痕。蕢蕢好自吞。仙陀還蹉過。贏得瞎驢存。東山水上行。枯骨壯韓情。藤林荒已久。三句若爲明。烏鷄頭帶雪。偏正沒安排。明月堂前意。悠悠莫亂猜。問取修山主。淺淺實甚深。若謂唯心現。玄艘已陸沉。宗門一句。

宗門一句明明獨露。孰辨端倪。胡爲指注。指注不真。  
鏡像空塵。空塵何立。鏡像誰入。當機則應。頭頭非剩。  
觸處俱宜。句句通立。門門賓主。互正互偏。含容透脫。  
千江一月。無在不在。誰憎誰愛。煥爾既明。森然不礙。  
不礙既明。金剛眼睛。窮幽測顯。神妙體靈。妙靈不住。  
無生不生。是宜超越。所以縱橫。

迷悟何從

恰恰今人用明明。古佛心寒雲歸碧嶂幽。鳥下青林

白珪無玷

雲生不礙空。日上難逃影。相逢一笑中。何須重反省。

答客問

從來住處無人識。今日勞公扣指南。是眼不應還見  
眼。從教佛祖競來參。

示辨實

一斟一問分賓主。端的如何辨正邪。卓爾未能超本  
際。茫茫難透眼前花。

會同風

君子南北我東西。霄爾惺惺忽爾迷。一笑一狂誰會

得白雲深處有猿啼

偶言

崑崙森翠皆穿眼。澗水清冷亦到心。自笑不能修白  
業。祇憑流水念觀音。

東山禮祖塔二首

雲擁蓮峯插太虛。清香不付嶺南盧。而今五葉分明  
在。觸處離披見得無。

古鑑光分前後身。擬於何處拂埃塵。易觀剎海毛端  
現。難把師心說向人。

贊飲光

千聞巧演眉猶蹙。一見輕拈笑不休。笑裏藏鋒誰辨  
的。剎竿倒却有來由。

贊達磨

神光的的見聲訛。面壁喃喃語更多。不是梁王先勸  
破。脫身歸去奈渠何。

贊二祖

斷臂求師平田失。脚三拜依位。誠人得。誰稽首高深。  
少峯伊洛。

贊三祖

白衣受道。遶病非藥。無欠無餘。有鑑有鑒。覺解脫門。  
汝爲誰縛。

贊四祖

法法明心。塵塵垂手。正出黃梅。傍生牛首。巍巍雙峯。  
天長地久。

贊五祖

濁港轉身。破頭印法。五葉芬芳。千徒維隨。於秀於能。  
誰離誰合。

贊六祖

駕白牛車。受黃梅印。沒體歸神。常機發迅。眞軌無差。  
坤維大順。衣止不傳。法唯自信。曹源一滴。起滔天千。  
古南宗誰獨振。

贊靈源和尚二首

拳下飄身。竿頭進步。萬派同歸。靈源獨露。瓦礫光輝。  
風雲流布。千眼那知。羣心自度。  
靈臺在源。昭昭而默。不汝不誰。奔南走北。同佛同魔。  
佛魔自或。禪子之福。偏見之賊。賊賊罕罕。予我歸無。

師渾渾。命命兮人。識不識。前三十年。撈破一拳。直至  
如今。虛空。自塞。

贊太平熱禪師

鐵石咽喉。吞栗棘蓬。於白雲山下。風霜號令。示金剛。  
圈於曉伯。臺前十年。據坐道場。四海喧騰。聲價無佛。  
法可說。有公機。須行望風。何多一進一退。稽首贊揚。  
得罪得罪。

師自作眞贊

錐刺不入。頑皮太煞。自無一文。隨方買賣。淮田神州。  
剛還宿債。  
潰散百骸。從歸一。一長靈物。孰知音。銀蟾不落。清江。  
裏坐對黃花。秋已深。  
鏡中電影。急觀瞻。水底燈。穩休把。捉忘言。要辨此時。  
機。萬里清秋。看一鷗。  
南海之濱。兔生兩角。暮草之頂。曉曉。確確。從十年游。  
脚跟。鉅剝。討甚機鋒。七錯八錯。  
鐵牛。入玉麟隊。自古無雙。今一對。脫體堂堂。呈似。  
伊。有眼無口。如何會。



曾戴花冠入東魯。又携角杖到西乾。惡嫌黃髮無多子。笑許韶陽爛漫禪。

牧牛頌示衆

日用須牧牛。鼻索莫離手。露地非自然。馴良在日久。鞭繩既無用。人牛復何有。此時唯已知。始覺從前答。

讀傳燈錄

誰謂拈花後。聊芳直至今。到頭珠有水。未免線因針。鱗在花猶在。春深草亦深。軒窓倚疎豁。閑聽洞龍吟。

昭默老人寄示拂子頌

卽此用離此。用一鏃離絃。墮喝中紅心。心裏中紅心。發我江西大機。用付爾宜。將振祖風。荷擔勿憚千鈞。重鍛聖鎔。凡善放收。會應不與諸方共。

和

卽此用離此。用箭未離絃的先。中萬仞崖前撒手歸。一句機玄無用。用此時針芥審無差。戴恩奚翅丘山重。誓捐軀命壯。縣絲隨波聊與人天共。

題廓然居士指菴

全指卽亡指。應機何有機。此菴容法界。當處洞眞歸。

寂是用還。是生非佛。亦非南方。休更問一笑。豁離微。

劉公任侍郎。比乞法名。示之以妙通。茲承佳。

偈因和以答

法法彰全妙。心心祇自通。迴然分本迹。廓爾絕邊中。諦了名斯立。安行實所從。大哉無事事。裴運有孤風。

卽來言和答公任侍郎

迴脫根塵始識塵。了無所得才眞得。堂堂獨露本來光。越自南兮胡自北。

打破乾坤渠卽我。包衾覆載我非渠。渠渠我我教誰識。當體玄玄祇自如。

曠大劫來沒作做。今日非新昨非故。回光暫借暫時間。豁見長靈名得度。

和答妙靈修撰謝法名

扣已的明無妙妙。參渠始見不露靈。妙靈靈處誰參扣。警轉機輪悟獨醒。

靈然居士施曲木禪床。因坐小參。以頌示衆。靈然家秘曲木床。願供長靈坐。八荒衲子。惺惺爲掀倒。翻然獨露本然光。本然光透呵呵笑。無限虛空呈。

一竅南海波斯弄琵琶聲聲解作單于調

小偈四首寄示心然道人聊資體味以進箇中精淳之趣

心然法法然法異心心異透過然異來許你箇巴鼻  
箇中好巴鼻言下須警地寂寂要惺惺當機善遊戲  
心然法法死大用始全舉的的徹生生互非互相許  
非許復何如法界一蘊蘊於中全諦實此外盡揀虛

寄徐師利

要明得喪非干我須到身心洞徹時徹處忘緣緣即  
徹從茲出處但隨宜

迹在世途心了兩全方顯丈夫兒八風盡入遮那  
境秘訣何勞問祖師

送愿上人歸龍山省侍昭默老人

我省老師未嘗病汝行親省病老師汝我同門無異  
路彼彼步步不相隨肯謂長行無伴侶正宜念念念  
在茲我慚憲實成拘局心雖默堂身遠離爾能急義  
重去就身心俱往更由誰千里龍山不日到歸心猶  
恐錫飛遲無病病師力奉侍不親親者眞其實雙溪

幕阜不相遠一往一來皆妙期

送謙首座歸永嘉

萬變相應一句通十二年來已無口別余遙指海山  
歸屬蕩峯作師子吼此旨明明不覆藏冥懷自樂有  
餘光曹源一滴流千古宿覺微猷振大唐觀面家風  
人若問釣魚須是謝三郎

送慈侍者寧親

生緣斷處參吾道孝義敦時念倚門要得一聽收兩  
當則余歸去省寒溫

送僧歸永嘉

在在常參一宿覺的的生緣非永嘉還我今朝却歸  
去大千俱屬眼中花

擬寒山四首

有物是何物周流泄妙機春晴山鳥語日暮洞雲歸  
指是馬還是心非佛亦非誰能同彼此携手入玄微  
一念通真際塵塵秘藏開當頭誰是主撒手自爲媒  
大海收毛孔神珠隱蚌胎此時知佛祖猶向外邊來  
問訊西來祖人心爲有無如何垂直指早晚轉凡夫

洛水澄如練。嵩山秀若圖。不知歸的者。剛道有差殊。  
見道卽修道。無心誰悟心。是非凡與聖。成壞古無今。  
碧澗流殘葉。微風入靜林。誰來石崑下。教汝夜穿針。

### 山居三首

僧家畢竟居山好。石室茆茨養病身。開眼不知明處。  
日回頭只見影。隨人密通蛇虎爲真友。笑與禽魚會。  
本因客問住山今幾久。一番芳草一番春。  
孤猿瘦鶴冷相看。百衲三衣任歲寒。未擬將心求別。  
佛。曾因撥草見幽蘭。誰爲虛谷呼能應。自許無絃密。  
可彈。若謂本來無一物。知公親被祖師譴。  
當軒唯有好溪山。卒歲無人共往還。閑看白雲生翠。  
碧。靜聞清磬落潺湲。聲將聲入分猶易。空以空藏見。  
卽難。此箇不能收拾得。任隨流水落人間。

### 漁父

白髮慵梳百不憂。與他鷗鳥日悠悠。清朝榮辱幾番。  
事。滿眼煙波一葉舟。雨過洞庭歌棹月。霜飛雲夢醉。  
眠秋。菱綸晚照蘆花岸。閑扣金針作釣鉤。

### 牧童

相呼相喚又村謳。放却牛來古渡頭。有客問津渾不。  
顧。笑將輕葦汎孤舟。

### 山中偶作五首

寓化曾無間。真機宛自靈。白雲盤作蓋。青嶂列爲屏。  
猛虎嘯寒谷。烏鴉噪晚暉。圓通門大啓。何事不同歸。  
坐石弔孤影。看雲笑此身。蒲團無限意。分付與何人。  
漸老便幽僻。西來意亦迷。不知師子吼。何似野猿啼。  
爽快憐清景。遲回出草菴。寒山一傾蓋。明月印寒潭。

### 崑崙春將老四首

崑崙春將老。香風匝地生。雲藏無底鉢。高臥笑毗城。  
崑崙春將老。殘花自點蒼。牛頭峯下客。曾見祖師來。  
崑崙春將老。堪前碧草深。劉陽好風骨。一句有知音。  
崑崙春將老。慙擬興興多。時時逢野老。共唱哩梭囉。

### 除夜

密携光景共因循。誰爲俱忘是要津。毫髮不移人自。  
老。看看啼鳥報芳春。

### 僧問六相義因示以偈

天上火星地下走。泥牛踏著燒却口。驢兒害痛馬人。

賦打落楊梅三五斗

瞻雙塔

競傳垂手設三關。又說當鋒示一拳。誰信雲根涌雙塔。松風歷歷更幽玄。

勉初志

四山相逼勢如奔。三鼠侵藤那久存。莫倚少年輕白日。急須回首入空門。

送諸方行化

衲僧無作爲。亦不坐無作。紅塵本自寂。誰解釋塵紛。一機雖妙。常要如千鈞。弩弩滿發機全破的。惟等閑持此入紅塵。是謂塵中眼。應變猶如如。善導無所事。貧富自誰何。知音卽所遇。得意早歸來。貧吾無盡藏。誰管川途凍未開。笑持鐵鉢出山來。心花不落東君手。待把靈根火裏栽。

火裏生蓮世豈知。入塵須是丈夫兒。毗耶老漢如相扣。報道年來眼搭眇。

甘露無底鉢。禪人要拈撥。浩浩塵土中。一佛二菩薩。撞著老維摩。輕輕共伊說。施者非福田。是誰納敗闕。

嘆

本覺本來明。乘緣須體妙。壁立何匹儔。溫而生談笑。萬化了全機。千機全一照。波昏月豈亡。水清光自曜。林下既了空。塵中須達事。隨事了真空。自空展化事。事空空事中。淘鎔成寶器。寶器盛醍醐。是曰甘露味。食施何如法。施均緣楊青。草幾番春。擎盃正好。勸中去。莫惜眉毛指向人。

座右銘

覺變則迷。識澄則悟。作止因依。生死交爭。妙矣靈通。混然本素。用與性齊。語與默寓。三世現前。十方頓赴。非知而知。不住而住。永言大觀。唯心是務。

止堂銘

太原子淵居士名其堂曰止。志求自得之安。而謂長靈野人云。余所居止堂。非流止之止。若以止止其流。是止亦流也。止有所止。則味乎淵源。皆不出形待之間。今所謂止者。卽觀之止。止與觀俱。則忘止矣。忘止之止。語默動靜。無非止也。題所以成。吾真止長。靈野人答之曰。道之妙。斯言得之矣。必期有以如實造證。

則無以加焉。因爲之銘曰：

旨哉斯堂。全觀全止。是止亦止。應現何已。法爾而然。不默則病。必爾之歸。淵默生定。妙定圓極。心精發光。不出戶牖。靈鑒十方。既超動靜。無住者存。居之而安。左右逢原。

東京天寧萬壽禪寺長靈車和尚語錄

行狀

和尚諱守卓。生莊氏。泉州人也。弱冠游京師。肄業天清寺。試大經。得度。游學至三衢。見南禪清雅禪師。一日以所得白雅雅印。叩之。師心易之。舍去。抵姑蘇。定慧從邁。式禪師通華嚴。遂臻其奧。式敬異之。時靈源清禪師住龍舒太平道場。四方因往依焉。始至。聞夜參適中。其病遂瘳。省曰：此真吾師也。投誠入室。靈源爲開大爐。鑪鍛以差別機。智師皆斷。醉無爽。且戒其緘默。無自銜。師領厥旨。陸沉衆中。不渝節。不苟狎。人罔知者。皆以爲僻。強靈源遷住黃龍。師隨侍十載。

一日辭去。靈源送以偈。其字略曰：居無二志。動必全心。遂越化城。以登寶所。而卷舌冥懷。不事談耀。故其所到。人或罕知。予獨觀其無今時學輩短販近圖之患。謂可以步脩途。而加鞭絕織。意於百年也。此皆師之實錄。既而復造太平佛鑑。勲禪師請居第一座。師以慙爲知。已不固辭。衆皆疑駭。及聞說示。罔不欽服。太守孫公傑聞其名。偶以甘露關人請師。主之。慙與衆咸以荒村破院。欲其無行。師曰：政不以此爲慮。顧在我者如何耳。腰包而往。褻子歸之。各以巾橐長餘。增修堂室。舒民素號難化。至是亦翕然信向。樂於不數。竟化草萊爲醫坊也。或曰：剛強受化。何道致之耶。曰：吾豈暇家。至尸到而化之耶。然吾佛祖兒孫。但不乏吾事。莫知其所以然。而然也。或者賞嘆其言之異。開堂後。靈源親書則曰：吾之實可付。而積翠之風可追矣。遂以拂子表法信。示偈曰：卽此用。離此用。一鏃離弦。墮喝中。紅心心裏。紅心後。我江西大機。用付爾。宜將振祖風。荷擔勿憚千鈞。兩鍛鑒。鑑凡善。放收會。應不與諸方共。又曰：世稱承紹者。多名存而實亡。

予於此時法爾不能忘有望於汝汝亦能不法爾所慮哉又曰執善應之樞處會通之要理須遵古事實適時委靡結佗緣孤標全已任是必自勉不待吾言也次遷座之資福京之天寧皆法席久廢處未幾則摺合如甘露平生刻苦用度儉約凡所住處齋粥僅粒嘗謂衆曰靈源囑予當易衆人之所難緩時流之所急予終身佩之不敢忘凡臨衆必以身率之不立規矩而繩繩自化面目嚴冷諸方色目之曰卓鐵面初移太平長靈室。予因以長靈稱之宣和五年十二月二十五日上堂和雲門臘月一曲因教切勸戒學者至二十七日辭衆安坐而化閱世五十有九坐三十有二夏後五日闍維不壞者三所兩舍利五色晶瑩道俗獲者不可勝數塔于京師法雲圓通禪師塔之右六年正月二十一日也 紹興十四年正月十五日門人介謹謹狀

附記

普燈錄第十卷曰長靈守卓禪師云云宣和五年

十二月二十七奄然示寂闍維日 皇帝遣中使賜香持金盤求設利蘇香。罷盤中鏗然觀之五色者數顆大如豆使者馳還 上見大悅而京城傳爲盛事





# 慈受懷深禪師廣錄

宋  
•  
慈受懷深  
善清  
撰  
等編



慈受深和尚語錄序

右朝散郎充徽猷閣待制提舉江州

太平觀賜紫金魚袋 韓駒 敘

古之教者未始不以文字至梁達磨始不立文字以教其徒然謂之不立則文字已彰而況其餘乎自達磨以來凡爲人師者其徒往往私記其說謂之語錄蓋今禪說之在天下無慮數千萬言又安在其爲不立哉若知文字性空說本無說則雖數千萬言猶爲不立也慈受老人始居資福退而菴于廬山之嵒累年名益有聞由是六遷法席三奉

天子之命所至學者歸之其平生所說法具足矣有能聽之如樹林水鳥則人得以悟入其功不細稍尋繹之則豈獨說法者之過爲之斂者與有罪焉紹興三年十一月三日

慈受深和尚廣錄目次

卷第一

序

資福禪寺語錄

焦山禪寺語錄

慧林禪寺語錄

卷第二

偈讚

卷第三

序

慧林禪寺臨堂頌古上

卷第四

頌古下

慈受深和尚廣錄目次終

慈受深和尚廣錄卷第一

慈受深和尚資福語錄

侍者 善清 編

師於政和二年八月初十日在長蘆受請拈起帖云。不奈諸人苦再三薄緣。終是自多懶。曉猿夜鶴應相笑。特地伸頭入關。籃便度帖與維那。師於祖照禪師手中接得法衣云。雞足收藏之後。雲鎖千峯。曹溪分付已來。聲傳萬古。若非宗門苗裔。祖室兒孫。誰敢承當地底。遂展開云。不圖特地光華。且要毛色有異。披法衣了。師顯示大眾云。要見拆半破三唱九作十。須向高高處與諸人相見。師遂陞座云。塵埋古鏡久。偷安匿耀潛輝度。歲寒今日光明藏。不得虛堂高掛任君看。莫有分妍別醜底麼。便請出來鑑照。僧問。師今已受儀真。請末頭一句。若爲宣師云。剗進云。一字流通。千車同轍。師云。曹溪路上少人行。進云。須知雲水難藏。自有龍神推出。師云。老僧不知。僧問。昔日北禪請不去。今朝資福便承當。爲復是因緣有地爲復是。

時節使然。師云。流水下山。方圓任器。進云。有心用處。還應錯無意求時。却自然。師云。有心無心。都未是。師乃云。開頂門正眼。照古照今。放腦後神光。無內無外。若是箇中人。於照處不留情。光中常獨露。問處似箭鋒。相拄答處。如膠漆相投。拈出向上鉗鎚。拽出金剛寶劍。正當恁麼時。還有相見麼。不見趙州云。有佛處不得住。無佛處急走過。三千里外逢人。不得錯舉。既然如是。因什麼到者裏。三間茅屋。一請便行。良久云。觸爲不平。離實匪藥。因投病出。金餅師在長蘆辭衆。僧問。師今欲入紅塵去。臨岐相別。意如何。師云。黃葉紛紛。古路頭進云。自慚多逆順。不得從師行。師云。著上芒鞋。未是遲進云。特把一聲歸去。笛夜深吹過汨羅江。師云。又却恁麼去也。師乃云。一動一靜。似野鶴之翱翔。或卷或舒。如浮雲之聚散。休分南北。豈有去來。道人之心。亦復如是。若恁麼也。便乃紅塵關市。虎穴魔宮。觸處皆渠。無往不利。青山綠水。頗稱幽情。紅蓼白蘋。頗光行色。便請輕帆高挂。短檣頻搖。一句臨岐。不勝珍重。

師於八月十七日入院。便歸方丈。踞座云。摩竭當年獨掩關。銀山鐵壁莫追攀。如今大施門開也。魔佛休分聽。往還遂鳴鼓。陸座僧問。遠別碧蘆江岸。已屆白沙道場。如何是不動尊。師云。一時坐斷。進云。風行草偃去也。師云。看取令行。進云。作家宗師出世太晚。師云。鞏縣茶瓶。師乃呵呵大笑云。數間茅屋不堪憂。底事來爲粥飯頭。賴有劫初鈴子在。隨貧隨富自風流。只如劫初鈴子。如何樣度作何音響。遂將拄杖卓一下云。輕輕一振動乾坤。

上堂。僧問。牛頭未見四祖時。如何。師云。打鼓弄獼猴。進云。見後如何。師云。鼓破獼猴走。續有僧問。鼓破獼猴走。意旨如何。師云。伎倆俱休。進云。不因一事不長一智也。師云。汝休未得。師乃云。未得入門者。時中須有交涉。已得入門者。却要無交涉。已得入門者。有交涉。如龜負圖。自取喪身之兆。未得入門者。無交涉。似捨父逃走。無有到家之期。然後有交涉。却要無交涉。無交涉中。却要有交涉。直饒到者般田地。正是門裏出身。須知身裏出門。且道。身裏出門一句。作麼生。

道曾被佳人和淚罵。至今羞見雨中華。重陽上堂云。年年此日是重陽。籬菊如聞去歲香。莫笑枝條太枯槁。從今別有好商量。會麼。已得真人好消息。且道是什麼消息。新米麻糍滋味好。那堪喫處著沙糖。

上堂。卓拄杖一下云。資福一著商量。即錯。明眼衲僧。無繩自縛。又卓一下云。資福一竅最玄。最妙。直下會得教。儒冷笑。

上堂云。有問有答。周遮無言。無說話。墮直饒頑石點頭。爭似歸堂向火。

因雪上堂云。失却欄中白象兒。臨風笑倒老峨嵋。街頭措大無精鑒。一夜燈前賦雪詩。貧道也與儒一箇對。囑良久云。橋橫銀蟾。竦石臥玉麒麟。

上堂。僧問。至理一言。轉凡成聖。學人上來請師一接。師垂一足。僧云。學人便恁麼去。時如何。師收足。僧禮拜云。大衆霑恩。學人禮謝。師便下座。歸方丈。

上堂。舉德山示衆云。釋迦老子是臭臊胡。文殊普賢是擔屎漢。等妙二覺是客作兒。聲聞緣覺是守墳墓。



鬼一大藏教是拭不淨故紙雲門云讚佛讚法須是德山資福卽不然德山謗佛謗法墮在十八重地獄底頂帶鐵枷身臥鐵牀飢吞鐵丸渴飲銅汁因什麼如此只爲伊略無些子佛法身心資福怎麼道還有佛法身心麼且道有佛法身心好無佛法身心好莫將閑話爲閑話往往事從閑話生久立珍重

上堂云春風掃落庭前雪暖日催閑枝上花物物頭頭皆漏泄莫教心地亂如麻人人是佛衆生日用不知各各圓成誰解回光返照只爲情生智隔想變體殊不能直下承當往往當面蹉過不見僧問法眼慧超咨和尚如何是佛眼云汝是慧超師云者箇說話須是箇一刀兩段底漢始得其或擬議思量便見千山萬水

上堂云若論此事如摩醯首羅三目又如圓伊三點一隻眼纖毫不挂一隻眼萬像頓彰一隻眼眞俗混同衲僧家到者裏更須別具一隻正眼始得還相委悉麼銅頭鐵額莫商量

上元節上堂云衲僧不用看他燈自有從前一盞明

懷衲蒙頭面壁坐靈光射破鐵圍城

上堂云萬劫輪回妄想在一心纖歇死生休佛魔是甚閑家具撒手懸崖得自由且道自由一句作麼生道自小持齋今已老見人無力下禪床

上堂云一法若有毗盧墮在凡夫萬法若無菩提失其境界若有無都盡凡聖混同南泉不用喚如如趙州不在明白裏譬如洪爐猛焰豈分銀銅餅鑊明鏡當臺休問青黃赤白正當恁麼時且道有照有用能殺能活一句作麼生道良久云牆壁有耳上堂云學道做工夫正如人鑿井一日見泉源平生用不盡且道受用不盡一句作麼生道一滴普霑沙界潤十方休聽轆轤聲

上堂云仲春天氣喜初晴燕語彫梁有好聲會得玄沙當日意便能日午打三更卓拄杖一下云活鱗鱗地非常伶俐德山觀著骨毛寒不用南山尋鱗鼻上堂僧問什麼人不被無常吞師云只恐他無下口處僧云恁麼則一念通玄箭三尸鬼失計也師云汝有一念定被他吞了僧云無一念時如何師云捉著

閻梨也。師乃云。漚生漚滅。幾千回。只爲金剛眼不開。一日愛河波浪息。始知無去亦無來。汝等諸人。波浪息也。未金剛正眼開也。未此眼若開。照了萬法。如夢如幻。當知此身如響如響。坐斷千聖。路頭不落。祖師階級亦無人。亦無佛大千沙界海中漚。一切聖賢如電拂咄。

上堂舉玄沙和尚指燈籠問僧。我喚者箇作燈籠。僮喚作什麼。僧云某甲亦喚作燈籠。沙云盡大唐國內未有一人會佛法。師云不知會佛法底人喚燈籠作什麼。

上堂舉大慈寰中禪師示衆云。老僧不解答話。只是識病時。有僧出。慈便歸方丈。師云太慈。酌然識病只是無藥。

上堂舉趙州問南泉。知有底人向什麼處去。泉云向山下作一頭水牯牛去。州云謝師指示。泉云昨夜三更月到。窓師云南泉搖頭。趙州擺尾。子細看來。二俱失利。

病起上堂。僧問。昔日維摩在病。蓋爲群生。今朝和尚

不安。當爲何事。師云今日遭人檢點。僧云和尚有病。衆人盡知。衆人有病如何。醫得。師云閻梨宜喫薑附湯。僧云。爲不平離寶匣。藥因投病出。金瓶師云。僮道佛病。祖病相去多少。僧云一筆勾下。師云蒼天中更添冤苦。師乃云病。瘳鶴骨瘦稜稜。說妙談玄。總不能賴有同行木上座。是渠強健更惺惺。遂拈拄杖卓一下云。僮既惺惺。請爲大衆說一上禪。擲下拄杖便歸方丈。

解夏上堂云。天下叢林。今朝解制。多少衲僧。重添意氣。布袋頭既已放開。草鞋錢各須自備。萬里無寸草。處薦取洞山家風。三十棒責。情要會取雲門關。槓且道。資福意在什麼處。良久云。逢人不得錯舉。

上堂僧問。雲門道十五日已前。卽不問十五日已後。道將一句來。未審古人意旨如何。師云今日十七僧云。日出東方。夜落西也。師云且信一半。僧云十五日已後如何。師云分身兩處看。僧云恁麼則人從陳州來。却向許州去也。師云識甚好惡。師乃云古人貧不及今人富太過。唯有慈受叟家風。不恁麼有油便。

點燈有炭便向火無油無炭時大家黑處坐坐得骨  
臂痛長伸兩脚臥天明起來喫粥說甚迷達磨  
師到長蘆衆請陞座僧問十江岸上古佛場中二老  
相逢合談何事師云六耳不同謀進云祥煙生座席  
瑞氣起庭除師云好事不如無進云可謂知音知後  
更誰知何必清風動天地師云獨有閨梨未相識進  
云從來鼻孔透天不受他人澆潑師云裂轉進云久  
聞資福有此機要師云特地一場愁進云大衆證明  
學人禮謝師乃云道在何曾有間然休分城市與  
林泉重來問法棲禪處依舊清風滿目前信知法無  
固必亦隨緣在山林則一事不爲入塵勞則萬機俱  
掃一動一靜無非眞淨界中或去或來盡是菩提場  
內如拳作掌開合有時似水生波起滅無定是以長  
蘆唱起雲門曲資福和起德山歌拍拍無私頭頭有  
據更不談玄說妙抑古揚今自然水乳和同休問溪  
山各異然雖如是忽若有箇氣不平底出來高聲喝  
云不會爲客吵噪叢林又教資福如何祇對良久云  
泊合停囚長智

冬至上堂云今朝一陽生明日便數九張三依舊肥  
李四從來瘠喫盡天下藥舊病依前有用盡自家心  
笑破他人口爲一麼如此花根本艷虎體元斑  
上堂云一夜飄空大雪玉殿銀樓皎潔曉來庭際無  
人莫道山僧不說雖然如是賺殺人

歲旦上堂云東風吹盡曉天雲大地山河總變春不  
用當門書大吉箇中無鬼亦無神

上堂舉僧問雲門久雨不晴時如何門云刮有人問  
資福久雨不晴時如何山僧祇對他道收雲門刮資  
福收一擒一縱各有來由昨夜春風吹樹尾曉來紅  
日上雲頭纔笑雙林傳大士却道橋流水不流  
上元節上堂云夜來燈燭鬧熒熒多少衆生徹曉忙  
究竟不知燈是火味却靈臺一點光還有回光返照  
底麼歸堂喫茶去

上堂云今朝喫粥太晚徐六街頭擔板只知打鼓陞  
堂不覺又是喫飯喫粥了喫飯喫飯了喫粥清風月  
下守株人涼兔漸遙春草綠

上堂舉雲居齊禪師問僧從什麼處來僧云堂中來

齊云何得妄語。僧無對師云。者僧是小妄語。雲居是大妄語。

上堂舉魯祖。凡見僧來。便面壁。梁山有偈云。魯祖三昧最省力。纔見僧來。便面壁。若是知機達道人。自然當下便心息。僧又請益。瑯琊廣照照云。祖師面壁播諸方。多少衲僧護度量。最好晚來江上望。數枝寒栢倚斜陽。師云。資福不是雌黃。古人只圖大家知。有魯祖面壁。詞窮理寡。廣照梁山見蛇先怕。若問慈受劈脊便打。

佛鑑禪師退智海過資福。師上堂云。太平山下曾相見。撫掌呵呵笑臉開。莫怪嘉聲騰萬口。杖藜方自日邊來。下座後拜請禪師爲四衆說幾句子。東京城裏話。

旦日上堂云。金輪御世乾坤永。玉燭調時宇宙明。桃李無言春爛熳。不知何以報昇平。

上堂舉趙州。坐次侍者報云。大王來也。州下繩床云。大王萬福。侍者云。未在。州云。又道來也。師云。一等是蘿蔔頭。禪纔落趙州手裏。不妨好滋味。

上堂云。有處不是有。敲禪床數下。云。喚作無得麼。無處不是無。豎起拂子。云。喚作有得麼。有無不是處。佛祖沈蹤。馨香滿道。途是處填溝塞壑。明眼漢試揀點看。

上堂舉陸大夫問南泉。弟子家中餅內養一鷄兒。還來漸大。欲出此鵝。又不得打破餅。又不得損却鷄兒。未審和尚有方便。泉召大夫。大夫應諾。泉云。出了也。師云。南泉鼻孔在。陸大夫手裏了也。當時纔見他恁麼問。但向他道。爾肚裏有許多計較。又云。佛法不是者箇道理。

上堂舉滄山道。自小牧一頭水牯牛。擬向溪東放。不免食他國王水草。擬向溪西放。不免食他國王水草。不如隨分納些些。師云。滄山大似野老。不知堯舜力。耕田鑿井過餘生。殊不知人人分上。牧一頭水牯牛。十二時行履底。是國王田地。飲啖底。是國王水草。從來頭角。蟬蛻況是毛色有異。諸人還識得也未。若也識得。無恩不報。無法不通。其或未然。東西南北。休分別。盡在吾皇一化中。

上堂云。古人道。忍。忍。三世冤家。從此盡饒饒。萬福千殃。從此消默默。無上菩提。從此出師。云。會得此三種。了好箇不快活。漢山僧祇是得人。一牛還他一馬。潑水相睡。插觜厮罵。卓拄杖一下。云。平出。平出。

上堂云。流注真常。幾萬回。虛空無去。亦無來。箇中何地。容生死。打破當堂明鏡臺。

上堂云。天面鴈橫七八點。海門日上兩三竿。祖師心印分明在。自是時人不解看。直饒看得也是。方木逗圓孔。

上堂舉紫胡。半夜在僧堂中。叫捉賊。捉賊。衆僧驚起。有一僧被胡捉住。云。捉得也。捉得也。僧連聲叫。不是我。胡云。是。卽是。只是。偏不肯承當。師云。紫胡也是。按牛頭喫草。

上堂云。心境頓消融。方明色與空。欲識本來體。青山白雲中。師云。龍濟和尚。恁麼道。拋砂撒土。向後人眼裏。直至而今。玄黃不辯。山僧今日爲諸人。金鋏刮膜。整頓雙睛。令他箇箇別開頂門。一隻眼。心境頓消融。方明色與空。欲識本來體。遂豎起拂子。良久云。海裏。

使風山上船

上堂舉雲門云。有三種人。一人因說得悟。一人因喚得悟。一人聞舉便迴去。且道。聞舉便迴去。意作麼生。好與三十棒。師云。雲門大似見兔放鷹。

大雪上堂云。四維上下。白漫漫。玉殿瓊樓。正好看。任是黑風吹海立。渠儂門戶不相干。曹溪路上。絕蹤絕跡。少室巖前。滴水滴凍。鹽官扇子。拈放一邊。趙州布衫。略無暖氣。正當恁麼時。如何是寒暑不侵底。句石女。解栽無影樹。木人能種火中蓮。

歲日上堂云。時人皆拜歲。山僧不賀年。孟春猶寒在。日月幾曾遷。去年今日後。今日去年前。新舊不同者。誰後復誰先。師云。大小龍濟。山主被一箇舊歲新年。礙却說得許多道理。終未免黏唇污齒。惹受叟卽不然。時人皆拜歲。山僧也賀年。光明一點。在從聽二輪。遷順俗高叉手。和光小說禪。箇中如會得。佛祖本無傳。

退院辭衆上堂云。三年住此空花相。今日歸歟水月同。去住不須論彼此。人生萬事轉頭空。修習空花萬。



行宴坐水月道場。降伏鏡裏魔軍。成就夢中佛事。是知三世諸佛說夢。六代祖師說夢。天下老和尚說夢。今朝資福說夢。說此一夢。三年零七箇月。其間有利根者。輕輕喚著。便乃回頭。有根性暗鈍者。至今猶在夢中。山僧有箇驚瞌睡底句。臨行不免傾腸倒腹盡爲諸人道。却照顧鼻孔。乍遠伏惟珍重。

慈受深和尚焦山語錄

侍者 善隨 編

師於政和七年九月初六日。在蔣山受請拈起。敕黃云。九重天上。官家敕喚起。西菴瞌睡人。爲瑞爲祥。人莫問。金毛師子。玉麒麟。怎麼會得。便使山林增秀氣。泉石長清輝。其或未然。却請維那高宣一遍。宣敕罷。師陞座。僧問。避喧求靜處。世未有其方。再起西菴。如何是爲人一句。師云。倚天靈刃。照人寒。進云。怎麼則青山藏不得。明月却相容。師云。知心有幾人。進云。好酒無深巷。醞醋足人沽。師云。噯。酒糟漢。師乃云。法無凝滯。去來本體。皆如道。亦隨緣。溪山何曾有間。須知住中無住。而却住。行時不行。而却行。開

門。方喜冷嗽嗽。平地忽然鬧浩浩。如拳作掌。開合有時。似水生波。動靜無定。且道不涉。去來底是什麼人。月行雲外。無心照水。到人間。任運圓。

蔣山辭衆上堂。僧問。將離鐘。早未到。焦峯不涉兩頭。請師速道。師云。秋空飛一鴈。砧杵夜千家。進云。鐵甕城邊生瑞氣。海門峯頂鎖重雲。師云。他日焦山與儂一盞茶。喫進云。大眾證明學人禮謝。師云。彼此沒便宜。師乃云。口忻得計。掩深關。口酸心灰。一味閑自笑。行藏無料處。又隨緣業過焦山。

師至九月二十四日入院。歸方丈。踞座云。一室寥寥。是何物。三賢十聖。競頭參。禪僧不會風前句。擬欲思量落二三。

上堂。僧問。古人面壁。意旨如何。師云。口是禪門。進云。世間多少事。盡在不言中。師云。備鼻孔在我手裏了也。進云。久聞和尚令嚴。師云。垂釣手。徒勞坐釣臺。師乃云。白蘋紅蓼。岸邊秋短檣。輕帆與自由。要會到家一句子。長江依舊水東流。

上堂。僧問。如何是佛。師云。擔水河頭賣。進云。佛向上



更有事麼。師云：靈利人難得。師乃云：十一月二十  
喚做大冬。日張三賀鄭婆李四拜王七。早晨到夜費  
盡平生力。唯有衲僧家不打者。鼓笛爲甚。如此鐵額  
崑崙兒。通身黑如漆。

上堂。僧問：如何是無爭三昧。師拈拄杖走下座。打僧  
三下。僧叫云：某甲有什麼過。師放下拄杖云：爾不早  
道。便歸方丈。

臘八上堂。云：瞿曇學道時。菩提樹下坐。忽爾見明星。  
漆桶便打破。纔打破。始信從前燈是火。今人學道不  
悟道。義路推尋外邊討。更說從來無悟迷。大似團圓  
吞却棗。

上堂。僧問：知有說不得時。如何。師云：啞子喫蜜進云。  
道得。不知有時。如何。師云：鸚鵡喚人。僧禮拜。師云：者  
傳語漢。師乃云：今日端午。謝街坊時節。因緣要舉  
揚。莫問腕頭纏百索。且將粽子喫沙糖。且道滋味在  
什麼處。冷物也宜少喫。

上堂云：是柱不見柱。非柱不見柱。是芽已去了。猶較  
三百步。

上堂。舉雪峯拈拄杖云：識得拄杖子。一生參學事畢。  
羅山聞云：識得拄杖子。更買草鞋行。脚師云：識得拄  
杖子。怎麼也得。不怎麼也得。

上堂。舉僧問夾山：如何是夾山境。山云：猿抱子歸青  
嶂後。鳥銜花落碧巖前。法眼道我二十年。祇作境會。  
師云：會麼。麼當門種棘多。針刺惹破兒孫無限衣。

上堂。僧問：佛未出世時。如何。師云：雲中藏玉兔。進云。  
出世後。如何。師云：日裏放金烏。師乃云：五五二十  
五一。句超今。古夜來石公山有箇歡喜處。諸人還知  
麼。

上堂。僧問：有求皆苦時。如何。師云：只爲不知足。進云。  
知足後。如何。師云：不見有苦。師乃云：承言須會宗。  
勿自立規矩。石公山走入你鼻孔裏去也。還知麼。若  
道知。礙塞殺你。若道不知。燈籠露柱欺你去。

上堂。僧問：佛魔不到處。如何。體會。師云：道什麼。進云。  
怎麼則絕行蹤去也。師云：展手不逢人。師乃云：焦  
山句句是藥。祇要時人安樂。費盡巴豆砒霜。轉見七  
零八落。諸人步步是病。終日頭旋眼運。祇管以火救

火不解頭正尾正。忽有箇漢出來云和尚怎麼道也是甘草口。子黃連肚皮。師大笑云也有些子。

蔣山佛鑑禪師遺書至上堂。僧問法船沒法幢。摧無限悲風。匝地來未審。鍾山何處去。請師高震一聲雷。師云拄杖無情也。皺眉進云佛祖位中。留不住。人間天上任遨遊。師云你還喚得麼。進云今古應無墜。分明在目前。師云一箇棺材兩箇死。漢進云學人今日也要助哀。師云泥人眼赤。師乃云宗門標致久。凄凉佛鑑山頭又坐亡。昨夜燈前。卽屈指不知誰解整顏綱。此際法門不幸。蔣山佛鑑禪師。今月初八日。遽然坐亡。凶書既至。聞問之初。使人短氣。然則衲僧家生也。如同著衫死也。還同脫袴。又何悲悼哉。在佛法淡薄之際。紀綱委地之秋。得人則興。失人則廢。西望靈龕。不勝哀戀。師召大眾云。還會麼。惆悵鍾山老水牯。去住縱橫。無必固拔楔。抽釘二十年。咬盡生薑。呷盡醋。有時貧。有時富。誰會南山狗咬虎。紛紛禪子。數如麻。不知誰解吞蓬句。聽取焦山重指注。若道鍾山有句。大似如藤倚樹。若道鍾山無句。正是沈埋佛。

今上堂  
說云二字

祖且道畢竟如何。乃以手掩面下座。

上堂。僧問四大五蘊。自何而得。師云春風纔過處。池水自成紋。進云直得湛然時如何。師不對。進云却是學人無風起浪也。師亦不對。僧長嘯一聲。師便打。師乃云江月照松風。吹水夜清霄。何所爲。若是曹溪門下客。相逢不必更揚眉。

靈巖長老退席到山師上堂云。扁舟何事渡江來。林底相逢笑臉開。鹽米不須重話會。要須舌上起風雷。靈巖禪師聞名有日。相見無門。何事扁舟。惠然過我。可謂聞名不如見面。見面又勝聞名。風前撫掌笑呵。呵萬事觀來皆戲具。是知虛空無我。任明暗以發揮。流水本閑。逐方圓而自在。所以王老師不打者。鼓笛多少便宜。陳睦州冷坐空房。不妨靜辨者。般病痛患。過方知古人涉世漫悠悠。大底要明者。箇事豈不見。珠溪和尚訪臨濟。濟纔見便喝。溪云兩重公案。濟云者野狐精。溪進前提起坐具云。展卽是不展。卽是濟。又喝。溪收坐具便行。濟云賊賊。溪便出去。莫道無事。好濟回首問首座云。適來相見有得失否。座云有濟。

云賓家失主家失座云二皆失濟云失在什麼處首座拂袖便行濟云莫道無事好後有僧舉似南泉未審三人意旨如何泉云大似官馬相踏師云叢林中商量盡道臨濟握袖中靈刃不令而行珠溪擡掌上菱花無心鑑物師子窟中師子首座方究端倪要知卞璧無瑕須是南泉和尚然雖如是子細看來未免各有一場敗闕且道那裏是敗闕處下座却請靈巖禪師爲諸人批判

上堂舉六祖問僧甚處來僧云嘗參臥輪和尚得箇頌子一生受用不盡祖云你試舉看臥輪有伎倆能斷百思想對境心不動菩提祇麼長祖乃說一頌慧能無伎倆不斷百思想對境心數起菩提作麼長師云者兩箇老漢大似泥人與金剛搭背何故焦山別有一頌有無皆伎倆盡是人妄想少府打手力笑殺韓官長

檀越看藏經上堂僧問寶藏未開時如何師云誰敢添註脚進云四十九年談不到今朝方顯我師機師云爛泥中有刺進云開卷後如何師云藥山道底進

云指天指地休護我截鐵須還本分人師云築著碓著處你如何回避進云學人到者裏祇得信受奉行師云將謂你是箇作家師乃云佛從大悲心流出十二部琅函與玉軸遍滿河沙數言言皆妙藥字字超今古譬如優曇花百劫難遭遇又如大明燈能破黑暗處又如智慧力能斷無明樹又如瓔珞珠能使入豐富茫茫塵世人急急走如兔不覺老到來未嘗開眼觀獨有花許事信向頑堅固命我無心人轉此諸佛語浮生一百年正如草頭露上牀鞋履別保朝不保暮少喫兩塊肉多燒香一炷羊鹿牛三車皆行此條路遂豎起拂子云者裏會得便可信受奉行其或未然各請作禮而去

上堂僧問齋晚未聞鐘鼓響慶贊爲復是別有商量師云肯把金針度與人進云德山端的意盡在不言中師云他是箇無齒大虫汝是箇黃尾狗子僧禮拜云和尚是何心行師云老僧饒你不少師乃云鶴態雲蹤不定居白沙一別半年餘焦山脚下重相見記得當時事也無若記得當時事卽會如今事若會

如今事方知十二時中行住坐臥拈匙把箸未嘗不與山僧相見其或涯際未分一回相見一回老悟取空花夢裏身

送莊主上堂舉百丈云汝等爲我開田歸來與汝說大義僧云何必歸來卽今便請丈展兩手師云百丈怎麼說大義辜負者僧山僧今日分明爲你說破焦山熱肺腸有事使耍了今歲潤九月來年春氣早頂門三隻眼常要光皎皎照顧瀉山水牯牛莫教喫却他人草

道友入山上堂云焦山僻在海門邊得到其中是夙緣要會相逢一句子春風依舊似當年此一段事譬如春風周遍法界隨地而生過旃檀林其風必香過鮑魚肆其風必臭臭亦未嘗臭香亦未嘗香何以故風性本無香臭一切衆生見有聚散見有悲喜見有去來見有生死者皆妄也若恁麼明了可謂處處真塵塵盡是本來人還會麼衣中有寶年年眼裏無筋世世貧

上堂云春色無高下春雷動地音響空一夜雨滴破

祖師心僧問瀉山和尚今日好雨山云那裏是好處僧無對山云你問我僧使問那裏是好處山指雨僧禮拜師云百尺竿頭進步須是瀉山雨中往來畢竟不曾濕却鼻孔既從雨中往來爲什麼鼻孔不濕祇爲他一點也入不得

上堂云焦山無變豹一味勸人休衆生顛倒甚撥火覓浮漚石鞦韆弓箭俱抵豎指頭直下歇得去都如碗脫丘

上堂舉海上橫行暹道者一日叫云快活快活僧問和尚有快活暹云山前夢熱都收了莫教辜負牧童兒焦山今日更快活如暹道者忽有人問未審如何快活祇對他道廚裏有人做飯堂中有人說禪落得焦山長老只管橫眠豎眠

上堂舉昔日有人獲一塊鐵鑄作一座方響人聞之便生逸樂之情謂之樂器後時却將方響鑄作一口磬人聞之便生善此人後因從軍却將磬鑄成一口劍人見之便生驚怖後時又將劍鑄成一尊佛人見之便生歸向諸人者大都只是一塊鐵因甚麼起得

許多驚喜善惡之念。只爲你色見聲求。不能歸根得旨。還會麼。迷時境上千般有。悟去心中一物無。若會笑聲還似哭。方知生與死同途。復云也須是打破虛空始得。

上堂云。動絃別曲。葉落知秋。隔牆見角。便知是牛。伶利衲僧。纔眨眼商量。已落第三籌。休休。不如無事掛心頭。

上堂。舉佛日才和尚。一日太守請陞座。僧問。應以宰官身得度者。卽現宰官身而爲說法。如何。是宰官說底法。才云。錦繡筵中吹玉笛。僧云。畢竟如何。才云。笙歌座上語如春。師云。佛日頂門具眼。肘後有符。當垂手之際。不妨奇特。點檢將來。只能放行。不會把定。忽有人問。慈受如何。是宰官說底法。只向他道。棒頭筆下宜精審。畢竟如何。打鎖敲枷好用心。

上堂。吾有一言。絕慮忘緣。巧說不得。祇要心傳。且道是什麼言。良久云。多種濃陰樹。留與行人作歇場。上堂云。我笑禪和子。茫茫能地頭。隨人語脉轉。何日得心休。

上堂。僧問。如何是海門境。師云。萬古掩不得。百川從此歸。進云。如何是境中人。師云。面如渥丹。進云。人境已蒙師指示。向上立關事。若何。師云。九九八十一。師乃云。滔滔生死海。無涯綠鬢朱顏。未足誇五蘊山頭雲散後。不知明月落誰家。者裏覩得透塵劫來事。盡在而今。其或未然而今事一時昧了。不見這幾回生幾回。死生悠悠。無定止。自從頓悟了。無生於諸榮辱何憂喜。只如無生作麼生了。

上堂云。一切有爲法。如夢幻泡影。如露亦如電。應作如是觀。師云。有爲法當如是觀。只如無爲法作麼生觀。一竊在眼中。盧醫拈不出。

上堂。僧問。如何是佛。師云。面黃不是真。金貼進云。如何是佛。向上事。師云。一箭一蓮花。僧禮拜。師彈指三下。師乃云。不是境亦非心。喚作佛時也。陸沈箇中。本自無階級。切忌無階級處尋。總不尋過。尤深打破雲門飯袋子。方知赤土是黃金。咄。

上堂。舉乾坤之內。宇宙之間。中有一寶秘在。形山古人。怎麼道。大似釘樁。搖樁抱橋柱。澡洗致令後人。



向坐在死水裏。慈受有一寶乾坤之內無處尋宇宙

之間。著不得有時。埋在糞掃堆頭。有時掉向無事甲

裏。卽今在諸人眉毛上。還見麼。不要放憨。

上堂。僧問。德山入門。便棒。臨濟入門。便喝。當明何事。

師云。殺人須見血。進云。理無曲斷也。師云。切忌詐明。

頭。僧禮拜。師便打。僧問。古人道。參活句。不參死句。如

何是活句。師云。南山白額虎。進云。如何是死句。師云。

款出囚口。僧便喝。師云。也是棺木裏瞪眼。僧又喝。師

便打。師乃云。大丈夫。漢莫受人瞞。喚作你作佛。已

是無端。

上堂。僧問。先德道。本來無一物。壓殺世間人。未審過

在什麼處。師云。關梨眼。皮薄。進云。認著。依前還不是

也。師云。幾人跳得出。師乃云。幸自可憐生。須要人

道。是遍問王老師。踏破草鞋底。不如歇去好。

上堂云。紅杏枝頭小雨乾。東風特地作春寒。祖師門

戶無遮障。祇要時人著眼看。遂豎起拂子云。還會麼。

桃紅李白。薔薇紫。問著春風。總不知。

慈受深和尚慧林語錄

侍者 宗先 編

師於宣和三年三月二十五日在焦山受請拈起。敕

黃示衆云。四年兩受官家敕。玉環珠璣耀海門。鼓舞

堯風。聊自媿。不知何以答君恩。若向文彩未彰時。薦

得可謂無恩。不報無法不通。其或未然。還你箇叢林

事例。遂付與維那。宣罷。陞座。僧問。空中書萬字。文彩

已彰。火裏生蓮花。清香有異。丹詔臨門。如何舉唱。師

云。石女夜挑燈。進云。恁麼則。萬丈白雲。藏不得一輪

光景。透無邊。師云。你分上得箇什麼。進云。兵隨印轉

將。遂符行。師云。如何是最初一步。進云。凭欄遙望江

邊境。令人却憶老婆心。師云。又却恁麼去也。僧問。動

地天書到海門。不知師意。若爲論。師云。大蟲舌上書

千字。進云。舜日與佛日增輝。皇風共真風並扇去也。

師云。知恩方解報恩。進云。眞智不從人得。妙機本自

天然。師云。那箇是汝妙機。進云。上葉芬芳。傳少室今

朝大地。一時春。師云。祇少關梨一箇。師乃云。隈巖

傍水養衰殘。不謂虎名落世間。到此更無迴避處。只

應笑倒石公。山石公山解笑爭。奈笑裏無刀挂杖子。



點頭却是他頭邊有眼到者裏三世諸佛匿影無門。六代祖師潛蹤無地爲什麼如此祇爲難逃至化。師辭衆上堂云虎穴門前曾宴坐龍牀角畔去談禪。諸人莫苦生離思風月從來共一天還有相送底麼。僧出問出門千里一步爲初如何是最初一步師云。拄杖撥開千聖眼芒鞋踏破萬山青進云何事春風忽吹散不能留得覆青山師云何用強生分別進云。學人有箇末後句還許當場道也無師云只恐汝道不著進云焦山幸有西菴在留與禪師作退居師云。鞏縣茶瓶。師乃云住亦隨緣去是常山林城市兩無妨白雲本是無心物一任風吹入帝鄉大道無間遇緣卽宗萬法有期因時而會休向孤峰頂上盤結草菴且於開市門頭訶佛罵祖雖然如是且道臨岐一句作麼生道都來一箇虛空子計甚東西南北人某道薄人微涉世疎謬住持既久曲荷諸人乍爾東西豈無依戀更冀諸兄弟時中一動一靜依諸佛語如說而行依祖師語以悟爲則若能如是可謂江山雖遠理契卽隣其或不然何啻千山萬水時衆中有

慟哭者師告云不用哭老僧在此四年零六箇月將無作有指東劃西脫空謾語誑惑諸人今日識神自首不敢覆藏且騎石公山渡楊子江往東京城裏去也伏惟珍重

師五月五日入院歸方丈踞座云一居丈室家風壁立把斷重關有誰敢入爲什麼如此直饒鐵眼銅睛漢也是門頭戶底人

上堂僧問深山中建立未是作家開市裏舉揚方爲好手如何是到家一句師云一條拄杖挑明月萬事隨緣入帝鄉進云可謂上國有明主深山無隱人師云葵藿有心終向日進云如是則已居上利放行西祖家風今對人天撥動雲門關槩師云作麼生是雲門關槩進云祥光舒戶牖瑞氣滿庭除師云未在更道進云却請和尚道師云乍入院來未欲行令進云謝和尚布施師云呸。師乃云千山萬水路岐長自喜親觀上國光會得到家一句入門切忌錯商量且道如何得不錯商量若作佛法商量埋沒自己若作世諦商量辜負祖師到者裏須知佛法人情捏成一

塊。臚言細語。不見兩般。怎麼也得。不怎麼也得。怎麼  
不怎麼。總得然後沒交涉。方可鬧中取靜。忙裏偷閑。  
仰戴堯天高歌舜日。然雖如是。且道。動靜不拘一句。  
作麼生道。遂撫掌笑云。青山誰管你閑事。白日鄺中。  
自有人。某山林一慵懶人耳。學問道德俱無。所長上  
荷。聖恩。掃灑當院。唯是夙興夜寐。補報。君恩。隱  
腹量心。但多惶恐。諸人者。古人道。相逢不拈出。舉意  
便知有。如何是知有底事。祇如長老入院。打鼓陞堂。  
問訊和尚。與諸人相見者。箇是拈出了也。那箇是知  
有底事。莫是焦山長老千里之外。來慧林住持麼。不  
是者。箇道理。莫是僧是。僧俗是。俗麼。不是者。箇道理。  
若也明得。千里同風。其或未然。對面千里。會麼。虛空  
昨夜。飄筋斗。嚇倒西來碧眼胡。

上堂。舉昔日。寶公和尚。令人傳語。思大禪師。何不下  
山。教化衆生。只在山頭。目視雲漢。作什麼。思大云。三  
世諸佛。被我一口吞盡。何處更有衆生。可度。師云。思  
大。恁麼說話。只知開口不覺舌頭長。既有諸佛。可吞。  
豈無衆生。可度。若是山僧。卽不然。自四月十六下焦。

山或山路上行。或野店頭宿。也不見有諸佛。可吞。爲  
什麼如此。但知飢來喫飯。渴卽飲水。困卽睡覺。茶亦無  
衆生。可度。爲什麼如此。只爲人人。具足箇箇圓成。蝦  
蟬蚯蚓。頂佩圓光。白牯狸奴。胸題萬字。今日來到慧  
林院裏。與諸人相見。且道。與古人說話。是同是別。會  
麼。不勞久立。

師於五月二十二日。就大相國寺中。三門上開堂。師  
拈起疏示衆云。卷之則窮。凡莫測舒之則沙界咸聞。  
非圖激濁揚清。亦乃分經別業。然雖如是要見文不  
加點。絕妙好詞。却請表白。宣過讀疏。罷師指法座云。  
物物頭頭。不覆藏。須彌高廣。露堂堂。要知此曲無音。  
韻。更對薰風舞一場。便陞座拈香云。此一瓣香。恭爲  
祝延。今上皇帝。聖壽萬歲。恭願明齊二曜。壽等  
三山。雨順風調。民安國泰。次拈香云。此一炷香。當爲  
何人氣息。纔通不可收。一回拈起。一回羞感。音王外  
難分。雪殃及兒孫。卒未休。便恁麼燒。却又恐有不知  
香氣者。蘇向爐中供養我長蘆。淨照禪師和尚。遂  
跌座。智海法眞禪師白槌云。法筵龍象。衆當觀第一。

義師云一槌便就八字打開更無絲髮覆藏豈有纖毫障礙若是英靈褫子須便舌上風生其或懷懂禪和多分眼中雲起莫有未點先行不撥自轉底麼僧問立雪齊腰斷臂人曇花分得一枝春未知今日開堂意一句如何祝 聖君師舉起拂子進云怎麼則金烏擬瑞彩玉兔耀祥雲師云若是鷄子兒點著飛千里進云五湖四海歸王化一句無私樂太平師云祇道得八成進云却請和尚道十成師云大千沙界爲天宇億萬須彌作壽山進云祝聖已明於至道爲人端的合如何師云拄杖子未曾拈著進云作家禪師天然猶在師云開口易合口難僧問法鼓一鳴丹鳳闕金爐先爇紫檀煙開堂上祝南山壽願把西來密意宣師云曹溪水闊千尋淙少室峰高萬仞青進云一言妙契寰中旨舌上風生四百州師云麗水一星金流沙混不得進云九州和氣如三月四海歡呼似一家師云如是如是進云爲報諸方同道者盡情施設贊明時師云直須恁麼僧禮拜退 師乃云直饒稻麻竹葦草木叢盡變禪僧一一衲僧通身是口

一一口中有百千舌一一舌端置百千問難不消慧林舉起拂子自然圓同太虛無欠無餘譬如一滴獅子之血能變六斛驢驘牛羊之乳悉化爲水不在安排任運如是況千聖靈機群生本體不落文字豈涉言詮卓爾現前超然獨露豈不見臨濟禪師陞堂麻谷和尚出問大悲千手眼那箇是正眼臨濟隨聲云大悲千手眼那箇是正眼麻谷拽臨濟下禪床遂自陞座臨濟近前云不審麻谷擬議却被臨濟拽下禪床復陞座良久云久立尊官伏惟珍重師云此是從上知識陞堂底樣子後人不明旨趣一向語路推尋往往將此公案喚做照用同時卷舒自在怎麼商量欲明千聖不傳之機大似接竹竿打月有甚交涉殊不知騎自馬捉賊以自刀殺賊卽易就賊馬捉賊遇賊刀殺賊卽難何也如國家拜將妙得其人應機會間不容髮方當用事之時勢安龍蟠虎踞之利陣結長蛇偃月之衝擁百萬軍決千里勝人但見七擒八縱萬舉萬全而不見幃幄運籌聲容不動機旗奪鼓之間已蕩巢穴棄甲曳兵而走殲厥渠魁經云諸有

智者以譬喻得解。鬼方既定。神武不殺。班師振旅。凱歌而還。時節因緣。衆所共知。臨濟麻谷。一狀領過。且道昔人。今人是同是別。若也定當得出。上無不報之恩。下有可行之道。還會麼。四海晏清。歌有道八方無事。樂堯年。即將此日開堂妙善。謹進祝延。今上皇帝聖筭無窮。恭願。今上皇帝陛下。道合乾坤。明逾日月。恩霑萬姓。俱爲富壽之鄉。化被四夷。皆識詩書之訓。巍巍乎。瀟瀟乎。民無得而稱焉。但臣僧某。道行無取。短拙有餘。土木身心。煙雲蹤跡。本圖水邊林下。枕石眠雲。木食草衣。歌詠太平而已。不謂遽承。睿旨。掃灑慧林。遂令枯木重芳。寒灰再焰。敢不力勤香火。策勵禪徒。共揚。西祖之風。上祝南山之壽。我皇帝陛下。恭願似天不老。萬靈永戴於無私。如日方中。一草不容於斜影。皇后皇太子諸王。天眷玉葉。金枝慶尚。一人威臻五福。闔筵賢士大夫。共賜光臨。莊嚴法會。僧錄三藏。諸院禪師。四遠檀信。十方清衆。同歌舜日。共戴堯天。萬劫千生。常逢此會。久立衆慈。伏惟珍重。

上堂。舉金峰和尚示衆云。事存函蓋。合理應箭鋒。挂你若道得分半院與你時。有僧出禮拜。金峰云。相見易得好。共住難爲人。便下座。師云。金峰放處太輕。收來太重。慧林卽不然。一切不見句。曠却時人眼。你若道得說什麼分半院和鉢袋子。一時分付良久云。何須尋白玉。只此是黃金。

上堂云。今年兩次逢端午。不須更打划船鼓。金剛門外笑呵呵。一夜通身汗如雨。汗如雨。不須言。犀牛扇子亦徒然。舊山多積雪。歸去是何年。

上堂云。古人道說得一丈不如行取一尺。說得一尺不如行取一寸。說得一寸不如行取一分。又有尊宿云。說取那行不得底。行取那說不得底。雖然。怎麼未免陪分疎在。且道說不得底。如何行語。不傷人。方出口。藥因有驗。始傳人。

上堂云。一切有爲法。如夢幻泡影。如露亦如電。應作如是觀。釋迦老子只知其一。不知其二。幻化空身。卽法身箇中。無染亦無塵。拈匙把筯。如明了掃地燒香。不倩人。

江寧府能仁差僧賁曉帖請詮首座出世堅不肯受。師便鳴鼓先陞座。僧問獅子未出窟時如何。師云怕人見爪牙。進云出窟後如何。師云頭尾不能藏。進云怎麼則有意氣時添意氣。不風流處也風流。師云打鼓大家看。師乃云趙州住院二十年折脚禪床。欠一邊灰頭土面。半飢餓苦遊家風。今古傳譏笑。令人做長老。恰似官人問職田。職田多我便去。免見鉢盂無著處。職田少我不去。生怕沒鹽兼沒醋。禪門難得好兒孫。正眼近來如掃土。慧林首座久韜藏。箇中果熱自然香。大海釣魚擣得。失空船歸去也無妨。上堂僧問諸人知處。良遂盡知。良遂知處諸人不知。未審如何是良遂知處。師云一字兩頭垂。進云若不同床臥焉知被底穿。師云承言須會宗。師乃云一鉢迢迢歷數州。朱門白屋信緣求。如今寶足歸來也。自在瀾山一牯牛。怎麼會得猶是油花脫子。未是到家一句如何是到家一句。一條藜杖倚壁角。三乳芒鞋掛屋頭。

道友就資圖作蓮花會供養羅漢。請師陞座。僧問紅

輪出海萬里光輝。寶鑑當臺一方明。囉學人上來請師一鑑。師云迅雷不及掩耳。進云一句流通人皆聳。聽師云馬無千里護。追風進云誰聞如是法。不發菩提心。師云如何是菩提心。進云南宗北祖皆如此。天上人間更問誰。師云今日問話有些巴鼻。進云句句分明皆合道。家家門口透長安。師云幸自可憐生。師乃云拍手相逢笑不休。本來無證亦無修。人人盡是阿羅漢。何必天台鷹蕩求。還曾麼幡花影裏。箇箇香中人人雪鬢霜。髭箇箇雲蹤鶴態。也有凝眸看鶴。也有露齒吟經。也有百衲蒙頭。也有長眉蓋眼。也有降龍伏虎。也有相對清談。雖然種種不同。皆是神通遊戲。不見仰山和尚。一日坐次有一羅漢騰空而至。仰山問云近離甚處。羅漢云西天仰山云幾時離彼。羅漢云今日齋後。仰山云何太遲。生羅漢云遊山玩水。仰山云神通遊戲不無尊者佛法。須是老僧羅漢云特來東土禮文殊。此土元來有小釋迦。遂騰空而去。師云仰山老子尋常河目海口。疾焰過風被他惡水。驚頭澆却到底不知。當時若見他道此土元來有



小釋迦便拽拄杖打出去。是則是者。棒放過也好。爲什麼如此。此時難只得同香火。莫與渠儂較短長。

解夏上堂。舉昔日有一老宿。一夏並不爲師僧說話。有僧自嘆云。我只恁麼空過。一夏不敢望和尚說佛法。得聞正。因兩字也得。老宿聞云。闍梨莫瞋。速若論正。因一字也無。恁麼道了。扣齒云。適來不合恁麼道。隣壁有老宿聞云。好一釜羹。被兩顆鼠糞污却。雪竇云。誰家鍋釜。無一兩顆師云。長夏無別趣。調和羹一釜。滋味頗馨。香剛地成。點污口是禍之門。舌是斬身斧。陪却三斤鐵。只因看鑷鑷。忽然有箇衲僧出來道。和尚也須照顧。慧林只向他道。死老鼠。

上堂。舉桐峰和尚見僧入門。便舉起拂子。僧便禮拜。桐峰云。犬吠月。又僧到來。峰亦舉起拂子。僧禮拜。峰便打石樓。和尚見僧入來。便舉起拂子。僧便禮拜。樓云。如是如是。又僧入來。樓舉起拂子。僧禮拜。樓便打臨濟。和尚見僧入來。便舉起拂子。僧便禮拜。際便打。又有一僧入來。際亦舉起拂子。僧禮拜。際亦打師云。一人得自利三昧。一人得利他三昧。一人得自利利。

他三昧明眼人試辨看。

上堂。謝知事。慧林小院子。恰似一隻船。終日行上水。須得衆人牽。出入底出入。說禪底說禪。做飯底做飯。打眠底打眠。有時甜似蜜。有時苦如連。恁麼度衆生。笑倒老金僊。若問西來意。令人肚裏煎。因什麼肚裏煎。按盡牛頭不喫草。

洪州九仙山請親長老上堂。僧問。向上一路。千聖不傳。只如嗣法宗師。自何而得。師云。當暗中有明進云。若不傳法度衆生。畢竟無由報恩。師云。已落向下進云。還許學人重添注脚也。無師云。已不少也。僧禮拜云。一片月生海。幾家人上樓。師乃云。滕王閣畔遙招手。汴水堤邊未點頭。要得錦鱗來上釣。大家撐動木蘭舟。且道蘭舟如何。擗良久云。不犯清波意。自殊師付法衣。拈起示衆云。以法傳心。以衣表信。黃梅山頭白蓮峯。頂分付曹溪路上人。一橫鑄就黃金印。何故須要者。箇師笑云。不借婆婆裙子繫。爭能隨地舞三臺。

當晚請九仙長老小參。師云。今朝四月十五。已見炎。



炎酷暑只宜搖扇飲水豈可譚今引古却請九仙長老傾些清涼法雨衆中釘背禪和便好出來進步問教口似磑盤始信長老難做親長老自照顧發機須是千鈞弩

送九仙長老上堂云慧林投老入紅塵俯仰三年成蹊根自笑欲歸歸未得時時送客出都城所以道世事悠悠不如山丘青松散日碧湖長流山雲當幕夜月爲鉤臥藤蘿下塊石枕頭飢食渴飲渾無事自在瀉山水牯牛然雖如是便怎麼去有甚氣息七凹八凸須拈出捏六成三未可休

上堂云著黑衣護黑柱虎不食斑惡傷其侶云何獅子身中蟲終朝返食獅子血忍痛金毛不作聲箇中滋味難分雪從咬嚼願爾回光返照時始信虛空無兩舌

上堂墨古靈和尚問僧甚處來僧云城中來靈云還知你所生父母在地獄中受苦麼僧云特地來看靈云汝如何看僧哭蒼天蒼天靈喝云者裏是甚所在要哭便哭僧云爭奈父母在地獄中受苦靈云汝如

何免得此難僧云三十年後有人鑑此話在師云古靈和尚向平地上陷人爛泥裏著刺者僧若是箇作家纔見他道還知你所生父母在地獄中受苦麼便向他道欲知旱海路須問去來人待者老和尚擬議便與推倒禪床只如今日了初侍者追薦二親試問諸人且道他父母在地獄中受苦耶在人天受樂耶若定當得許你具一隻眼若定當不得帶累初侍者入鑊湯爐炭山僧爲你誦箇破地獄偈免見一向在鬼窟裏做活計下初死却爺共娘二十餘年割不斷今朝打破骨董箱請我陞堂學公案古靈平地起風波瞋睡禪人不奈何地獄天堂都莫問大家隨例喫煨麵

擅越病起請師陞堂云佛病與祖病衆生心上疑情塵一念脫消散如風吹試問諸病源起滅從何依來從何所來去向何所歸若能直下見苦痛無毫釐不見維摩老文殊問疾時聚頭說藥方夫却獅子兒爲什麼如此不識西天漏藍子幾人錯認作烏頭端午上堂僧問是草皆爲藥文殊強指南箇中如不

會特地使人參學人上來乞師方便師云苦瓠連根苦甜瓜徹蒂甜進云如是則相逢不拈出學意便知有師云知有底事作麼生進云爭奈入荒田不揀信手拈來草師云何時出得荊棘林進云文殊公案一筆勾下只如盡大地是藥那箇是自己師云退後退後僧問句裏呈機問趙州四門相對謾輕酬學人未曉箇中意乞師方便指來由師云大無外小無內進云如是則問處不知玄妙旨答時方見祖師心師云門裏出身易身裏出門難進云爭奈不向語中求異見爍迦羅眼絕纖埃師云猶未見趙州在進云多少隨言逐句人門門便道無遮障師云蝦跳不出斗師乃云今日適當端午便有僧問時節因緣問頭不妨親切進語中不解承當山僧爲諸人重舉一遍往昔文殊師利爲善財曰爲我採藥不是藥者採將來善財入山遍尋無不是藥者歸白文殊山中無不是藥文殊曰是藥者採將來善財拈一枝草度與文殊文殊接得舉起云此藥亦能殺人亦能活人師云者般道理作者方知若非鐵眼銅睛往往當面蹉過然

雖如是善財怎麼採藥只知其一文殊怎麼辯藥不知其二遂拈起拂子云還識者箇藥麼得者長生服之不死神農不知名耆婆無處討破除佛病祖病掃蕩無明煩惱物頭頭不覆藏靈光洞耀何人曉上堂云天時有風雨晦明人事有吉凶悔吝如意事少轉輒常多自古而然何足介意此是世間俗人論議靈山老道過去事如夢不可得未來事如電不可定見在事如雲彷彿而有有此方便能行人之不能行忍人之不能忍慧林爲你諸人添箇注腳過去事如夢了然無罅縫要當做夢時便作覺時用未來事如電有無不可見莫將希望心昧却娘生面見在事如雲目前彷彿有安得東南風吹散西山口良久云山僧爲你吹散了也會麼莫道無心便無事也會愁殺楚襄王

上堂云南來者與他下載北來者與他上載趙州和尚怎麼道大似世情看冷暖人義遂高低山僧因一事長一智南來者與他一面笑北來者與他一面笑笑裏亦無刀笑裏亦無妙且道箇什麼此事不愁

怕爛了。賣者雖多買者少。慧林長老眼搭癡誰敢按牛頭喫草。

上堂云。適來欽道者。領一童子持數朵蓮花入門。便拜。山僧問作什麼道者。云請和尚臨堂說法。老僧喚行者將蓮花分作四瓶裝。却道者。問措你若薦得。何須時鳴法鼓。高踞說臺。靈山正眼一時分付了也。既不如是不免重新舉箇公案。一則爲郭氏拔罪根。破疑網。二則爲道者開一隻眼。不見音曰。僧問智門。蓮花未出水時如何。門云蓮花僧云出水後如何。門云荷葉師云。智門是作家宗師。出語便斬釘截鐵。然雖如是要且只解把定不解放行。忽有人問山僧。蓮花未出水時如何。煙籠檻外。差差綠出水後如何。風撼池中。柄柄香畢。竟如何。多謝浣紗人不折雨中。留得蓋鴛鴦。

上堂云。十年做長老。今年鬧吵吵。思量世間事。佛也不可曉。昨日買箇卦卜道來。年好財帛星入門。虛耗鬼去了。知事與頭首。各著些孔竅。盛點兩甌茶。多陪一面笑。大家說些快活禪。免教拄杖生煩惱。

開寶仁王院大悲菩薩生日。三禪座師當最後座。顧視大眾。遂舉右拳云。者箇便是八萬四千母陀羅臂。復舉左手。伸五指云。者箇便是八萬四千清淨寶目。復微笑云。大悲時時降生。諸佛頭頭無間者。裏裏破面門。薦取通身手。眼便下座。

沂州天寧專使請長老。上堂僧問如何是臨際禪。師云。木馬痛加鞭。進云如何是雲門禪。師云。虛空駕鐵船。進云如何是曹洞禪。師云。圓圓缺半邊。進云如何是法眼禪。師云。紅錦蓋花。進云如何是鴻仰禪。師云。金針黑處穿。進云五家宗派。蒙師指向上宗乘。事若何。師云。是處井中有水。誰家竈裏無煙。進云學人到者裏。理會和尚答話不得。師云。我也理會不得。僧禮拜。師云。問事即得。師乃云。時節因緣自有由。知音千里遠。相求寒山陌上。纔招手。拾得溪邊已點頭。沂陽太守牆。壘真乘千里移文。求人闕下。念禪門之衰。聽力與扶持。嗟祖道之荒涼。心存外護。況明公長老。方當壯年。利生心急。便好橫擔拄杖。掣起布裙。且圖舊店新開。從聽時人買賣。不勞謙執。便請承當。

然雖如是。且道乘時一句作麼生。道五葉花敷大地。春泥牛輓起著精神。好將一葦堂前曲。舉向東州路上人。

上堂。僧問。百年暗室一燈能破。如何是一燈。師便打。進云。如何是百年暗室。師云。撞著露柱。進云。恁麼則光明處處透也。師云。汝莫詐明頭。師乃云。昔日法眼與悟空向火次。法眼拈起香匙。問悟空不得喚作香匙。我道了也。你作麼生。悟空云。香匙法眼不肯悟。空過二十餘日。方省此意。今時兄弟。問著便道。不可喚作火筴。又有底道。香匙只是香匙。又有底都不管。又有底道。和尚莫瞞人。好又有底。向無交涉處。下一轉語。恁麼商量。有甚交涉。總不恁麼。又且如何。良久云。莫亂心。

上堂。舉杜順和尚有四句偈。流落叢林。自古及今。穿鑿不一。只爲你不透祖師關。行處多荆棘。便被人向咽喉把定。出氣不得。慧林爲你除却有交涉底病。更除却無交涉底病。懷州牛墾禾承言。須會宗益州馬腹脹打著南邊動。北邊天下竟。醫人半夜放烏雞。灸

今向羅南

諸左膊上十謁朱門九不開

上堂云。曉來雨過地無塵。綠暗紅疎爛熳春。拄杖花開人不曾。等閑昧却本來身。昔日僧問忠國師。如何是本身。盧舍那國師云。與老僧過淨瓶來。僧取淨瓶。至國師云。却安舊處。著僧復問。如何是本身。盧舍那國師云。古佛過去久矣。師云。日光月耀不爲盲者。而不明。夏熱冬寒。豈爲怨者。而不作。直得淨裸裸。赤灑灑。更無絲頭許。遮藏處。尙自不會。豈況蓋覆將來。還會麼。良久云。古佛過去久矣。

旦日上堂云。春睡不知曉。覺來天已光。七條衣未著。五味粥先香。宰相鸚鵡起。凡夫徹夜忙。不知禪和子。將底報君王。

上堂云。曹溪路上休要舉古論。今明眼人前。切忌談迷說悟。只合著衣喫飯。問訊和尚。更無禪道。可商量。有底工夫。求解脫。便恁麼信去。不妨慶快平生。其或擬議思量。未免落他階級。何謂也。小乘多話。佛老將不談兵。仲貽知閣。今辰生日。移飲酒食肉之會。作開單展鉢之緣。打動鹽官。鼓唱起德山歌。點趙州茶。做

雲門餅羅列如幻器具供養影響禪和以是無功之功奉答劬勞之賜慧林長老不敢一一飾辭褒贊恐染污諸人佛性何以故一切衆生只認得箇父母所生之後四大色身却不知父母未生時本來面目又謂之七佛已前事又謂之陰陽不到處又謂之混沌未分時又謂之空劫已前自己記得古人生日時一首舉似大眾他道我昔未生時冥冥無所知天公強生我我復何爲無衣使我寒無食使我飢還汝天公我還我未生時者箇說話好則甚好猶欠諸僧孔竅在老僧今日爲你諸人註破我昔未生時露柱懷胎冥冥無所知不唧啾漢天公強生我自是你把不定生我復何爲爭怪得別人無衣使我寒猶有者箇在無食使我飢自有拈匙把飭底還汝天公我試拈出看還我未生時道什麼

上堂云白日人事勞攘夜裏只了瞌睡忘記安排說禪且望諸人不罪便下座

上堂云少室九年垂一則語直至今諸方賺舉且道那箇是當時垂底語莫是將心來與汝安底是麼

莫是與汝安心竟底是麼莫是廓然無聖底是麼休將馬鞍橋誤作爺下額天下老和尚盡皆錯舉了也山僧今日爲諸人少救一半免見後代兒孫箇箇阿漚漚地若要學得不賺各請回光自鑒少林孤坐九年直得口似楊擔良久云也只賺舉了也

上堂云念念常空寂日用大力此是三世諸佛行履處六代祖師行履處無功之功功不虛棄雖然如是也須打破虛空始得

上堂舉吾心似秋月碧潭清皎潔無物堪比倫教我如何說師云寒山子說不得即且止諸人還說得麼直須口似礪盤方始光明透漏

上堂云千般說萬般喻特地令人轉不悟西風昨夜泄天機鬱鬱黃花香滿路

上堂云欣逢誕聖時無以報明主唯憑一炷香更擊三通鼓唱起太平歌共行向上路且道向上路作麼生行太平歌作麼生唱良久云只願堯天日月長待見黃河清萬度

上堂僧問如何是無心法師云木人夜半將花搖進



云如何是有心法師云豐樂樓前馬杳杳 師乃云  
古人云有時一喝如金剛王寶劍有時一喝作踞地  
獅子有時一喝作探竿影草有時一喝不作一喝用  
遂喝一聲且道是金剛王寶劍是踞地獅子是探竿  
影草是不作一喝用良久云落花春繡水新月夜梳  
雲

上堂僧問祖意西來卽不問開爐一句事如何師云  
守定寒灰賺殺人進云恁麼則直須迸出焦燎炭始  
見丹霞老作家師云惜取眉毛 師乃云北風如箭  
射庭除冷落禪門一物無多謝諸人相暖熱慙慙爲  
我作開爐當時得千兩金未爲奇特冷處著一把火  
始是相成實際理地可張羅佛事門前堪炙手開浩  
浩中尋求却易冷湫湫裏摸索最難直教枯木再生  
花任是寒灰重放焰然雖如是且道超時越節一句  
作麼生道良久云到頭霜夜月任運落前溪  
上堂云老僧來慧林四見書雲節不解巧逢迎豈敢  
多饒舌瞋卽聽你瞋拙卽從我拙要透祖師關放教  
心地歇若不歇臘月三十日一時都敗關

上堂云十年持釣在江湖蕩笠簑衣只自如忽爾竿  
頭浮子動等閒釣得一頭魚召大衆云且道是什麼  
魚還識麼莫問竿頭輕與重且圖江上不空歸敘事  
畢師復云慧林鐵饅頭做來年已久不是不拈出自  
是人不受觀著齒牙寒咬著眉頭皺不是張鵬舉誰  
人數下口咬卽任咬且道是何滋味良久云泥牛背  
上驪紅日石女臂前掛玉環

上堂舉僧問曹山抱璞投師乞師雕琢山云不雕琢  
僧云爲什麼不雕琢山云須信曹山好手師云曹山  
老子辜負者僧旣言不雕琢說什麼好手忽有人問  
慧林爲什麼不雕琢只向他道只恐不是玉是玉且  
裏藏頓在壁角裏他年自放光

上堂云祖師正令水泄不通隨順機緣副箇程限譬  
如鑄金爲人但觀其人不觀其金其名也迷其相也  
惑所以然者皆失其真目前燈籠露柱淨瓶香爐門  
窻戶牖皆是名相那箇是真還委麼擔折始知柴  
束重潭深方覺約絲長

上堂云祖師妙訣頭頭漏泄衆生日用不知只管強



生分別。豈不見靈雲陌上桃花。趙州指出庭前柏樹。別正似紅爐一點雪。

上堂云。直饒一問一答。似獅子翻身。或縱或奪。如象王蹴踏。恣懸河之辯論。奮鬚之迅機。正眼觀來。未有事在。況法無別法。心即此心。凡聖同源。迷悟一致。所以道無邊刹境。自他不隔於毫端。十世古今。始終不離於當念。如是則燈籠露柱。皆可傳心。拄杖禪床。時時出世。塵塵箇念。爾利爾爾。昔日僧問長沙和尚。如何是無情說法。沙指東邊露柱云。者箇能說。僧云。未審何人解聽。沙指西邊露柱云。者箇能聽。僧云。和尚還聞麼。沙云。我若聞教。誰學話。師云。東邊露柱說。還有口麼。西邊露柱聽。還有耳麼。靈利漢。便好薦取。

上堂。舉僧問雪峰。聲聞人見性如夜見月。菩薩人見性如晝見日。未審和尚見性如何。峯打三下。僧又問巖頭。頭打三掌。師云。者兩箇老漢。纔被人問著。便手忙脚亂。忽有人問老僧。和尚見性如何。也不掌。他也不打他。只向他道。慧林四十八一毛不肯拔。口裏說。

慈悲觸著。便惡發。你若會得。不妨快活。

上堂云。若論此事。譬如大城外有四門。隨方來者。非止一路。師遂垂下一足。又以拂子擊禪床。數下云。諸人從那箇門裏入。良久云。前不到。村後不到。店。

上堂云。夜來看上元。一覺到天曉。紙被暖如春。被底呵呵笑。且道笑箇什麼。你正忙時。我正眠。

上堂。舉僧問曹山。魯祖面壁。當表何事。山以手掩耳。師云。古人大似怕人道著。

祈雨上堂云。寒食清明都過了。野桃紅杏已凋零。多時不聽鶯頭雨。特地令人憶鏡清。一時念龍自在王菩薩。

上堂云。十方同聚會。箇箇學無爲。此是選佛場。心空及第歸。鎮江周子厚及第了也。因甚却歸不得。良久云。楊子江頭春柳綠。也應爲汝起悲風。子厚將仕平生勤苦志。在青雲纔得登科。俄沈大夜。修崇用資冥路。願公悟死生如夢幻了。恩愛若空花。脫離凡緣。超登彼岸。諸人還會麼。石火光中。高及第。南柯夢裏。總無真緣。袍槐簡些兒物。賺殺閻浮多少人。

上堂舉世尊一日陞座。文殊白槌云。諦觀法王法法王法。如是世尊便下座。師云。焦輒打著連底凍。

結夏上堂云。四海五湖人。慧林同禁足。譬如學牧牛。身心要淳熟。常耕自己田。莫犯他人穀。一句若參差。九旬何面目。豈不見道道。人優曇花。迢迢還山綠。

上堂云。萬法是心光。諸緣唯性曉。衲僧怎麼會鑽頭入荒草。且道出草一句作麼生。道你既無心。我也休上堂。舉有僧在長沙院側住菴。自云。見南泉來。長沙岑和尚遣僧問。未見南泉時如何。菴主默然據坐。又問。畢竟如何。菴主云。不可。別有也。長沙聞得有偈云。百尺竿頭坐底人。雖然得入未爲真。百尺竿頭須進步。十方世界是全身。僧便問。百尺竿頭如何進步。沙云。朗州山澧州水。僧云。請師實道。沙云。四海五湖王化裏。師云。岑大蟲若無後語。也是百尺竿頭坐底人。上堂云。古人道上來。打箇問訊。日消萬兩黃金下去。打箇珍重。受得四天下人供養。師云。古人怎麼道。大似高價相酬。致令學者一向作殊勝會了。慈受道上來。打箇問訊。且喜道體輕安。下去打箇珍重。秋來少。

契冷水者裏。忽然瞥地。莫道慧林瞞你。

上堂。舉地藏和尚云。地藏家風。無些巴鼻。土面灰頭。冷冰冰地。師云。古人怎麼道。也是黑牛臥死水。慧林家風。有些巴鼻。下得床來。闊浩浩地。且道闊浩浩地。好冷冰冰地。好你愛其羊。我愛其禮。便下座。

上堂云。身心一如。身外無餘。便怎麼會緣木求魚。豈不見道。如驢覷井。何似如井覷驢。

旦日上堂云。寒來共向無煙火。飯了同烹雪色茶。飽食高眠無一事。不知何以報官家。

壽春府檀越就天清寺散千僧汗衫。請陞座。師云。孃生袴子脫體。皆空趙州布衫。更無揅度袖頭。打領。腋下剌襖。自然縫縛。難尋直是針鋒不露。然雖如是。說食終不飽。著衣方免寒。爭似者箇衫子。是檀越段時。升向清淨心中。流出布施諸人。正當怎麼時。一句作麼生。道良久云。一片信心清。似水滿天和。氣暖如春。師復說偈云。布施門開。非一朝雲山千里肯辭勞。塵中欲聽無生曲。座上先橫智慧刀。貼肉汗衫容易施。有心道者却難消。願公福似鄒臺塔。一層高了一層高。了。

層高

上堂云。盛暑隆寒相繼來。慧林四見地爐開。禪僧向火知方便。切忌團圓守死灰。恁麼恁麼。即易不恁麼。不恁麼。却難直教枯木再生花。任是寒灰重起。焰昔日雪峰開爐。次爲學者云。三世諸佛向火焰裏轉。大法輪雲門云。火焰爲三世諸佛說法。三世諸佛立地聽師云。奇特不妨奇特。且道火焰如何說法。三世諸佛如何聞。若是項目之流。舉著便知。晚學初機。老僧更爲你添箇註脚。火焰時時轉法輪。廣長舌相耀乾坤。衲僧不會轉身句。爍破懷生舊面門。

上堂云。水中鹽味。色裏膠青。決定是有。不見其形。舉起拂子云。傳大士。即今在慧林。拂子頭上。諸人還見麼。遂擊禪床一下云。人從橋上過。橋流水不流。

上堂云。炭頭今日地爐開。澁雨慳風惱破懷。老僧向火喫酸齏。誰管檀那來不來。

靖康敗元十一月。因率金銀上堂云。乾坤之內。宇宙之間。中有一寶秘。在形山師云。汝等諸人者。一寶秘在形山久矣。夜來對人天衆前。各各拈出。直得熒煌。

燦爛耀古騰今。與國家爲瑞。爲祥。與群生爲安。爲樂。自然干戈永息。悔吝不生。雨順風調。純樂堯舜之道。只如堯舜之道。作麼生樂。此身定向林間。老心與長松片石期。

上元日上堂云。皓月團圓照碧天。鰲山燈火不須然。吾皇恭儉人心樂。自有歎聲四海傳。

上堂舉法眼云。時憶在山日。枕上聽瀑布。如今城裏居。欲去不得去。欲去既不得住。且還無慮。晨昏鐘鼓鳴。實堪揚佛事。大覺璉禪師云。時憶在山日。雲泉曠野情。如今居輦寺。終日厭逢迎。禁近傳寒漏。堂空聽曉更。憑何通一線。庭栢向春榮。師云者。兩箇漢出處雖異。病痛一般。早知今日事。悔不愼當初。山僧道憶昔在山日。眠雲并枕石。如今城裏居。欲去去不得。欲去既肚裏空。嗽啣休嗽啣。更聽籬頭吹簫簫。

二月初一日上堂云。日暖旌旗壯鳳城。聖君勤儉古風清。寶刀不染匈奴血。四海從今自太平。

在明禧陞座云。順天門外古招提。爛熳春光照錦溪。物物更無心外法。箇中能有幾人知。忽然杏花崗畔。

白板橋頭逢人作麼生。學師撫掌笑云。莫道無人好。師於三月二十六日求退。在水門外東園候。旨至四月初五日奉。朝旨再住歸院上堂。問答不錄。師云。牽率歸來。口懶開。婆婆重陟舊。柅臺孤雲本是無心物。又被東風拘管來。一颺便成方。是作家手段。千割不斷。欠他粥飯。因緣不如隨例納些些。況是從來活鱖鱖。喚作隨波逐浪。亦名和光同塵。三世諸佛分雪無門。六代祖師錯口。有分正當恁麼時。動靜不分一句作麼生。道有緣不是。予朋友無用雙眉却弟兄。師復云。山僧一毫無取。百事荒唐。掃洒慧林。倏忽六載。本欲退歸巖谷。以盡殘齡。豈謂朝廷不容引去。不免移身換步。委順世緣。再入門來。不勝勉強伏蒙兩街僧錄諸院禪師遠出都門。良勤家駕。諸官員道友出門相接。曲盡勤誠。其在山懷言不能及。古來尊宿無住持事。船子和尙在孤舟上接物。鳥窠禪師於樹尾間爲人官府。不知名利害不到耳。處深山窮谷。木食草衣。一味與黃面禪和子說硬曝曝地。禪行實逼逼地。事如今做長老者。名籍有司。恰如做官相似。

身不自如。要去不得去。只爲入他塵勞深也。然雖如是。納僧到者。裏却須知有放行中。把定把定中。放行還會麼。聽取山僧一偈。朝廷未許老僧閑。且把西來向上關。莫道禪門無致仕。更成半考便歸山。上堂云。夜來春睡爛如泥。禁漏聲殘總不知。饒憶南泉好言語。如斯癡鈍也還稀。且道承誰恩力。恁麼無事得恁麼自如。還會麼。掃地煎茶歌舜日。訶佛罵祖樂堯年。

結夏上堂云。不唯禁足。亦乃禁口。不唯禁口。亦乃禁手。不唯禁手。亦乃禁心。禁心不禁口。日日嫌佛醜。禁口不禁手。累及眉頭皺。禁手不禁心。罪過轉彌深。禁足更禁口。蟻子銜腕走。禁口更禁手。垂楊生左肘。禁手更禁心。大地是黃金。要得一夏安樂。細看兩重註。脚山僧恁麼說話。大似不龜手之。

上堂良久云。相逢不下馬。各自有前程。便下座上堂。舉藥山久不上堂。知事白云。大衆久思示誨。山云。槌鐘著衆。方集山便閉却門。知事再白云。既許爲大衆說法。因何一言不措。山云。經有經師。論有論師。

律有律師爭怪得老僧師云藥山將真珠作豌豆羅  
尙無人著價後來明覺和尚道可惜藥山老漢平地  
喫撲盡大地人扶不起師云慧林昨日也喫一撲直  
得飲氣吞聲迴避不及既無人相扶不免自倒自起  
諸人還會麼明珠一顆價難酬不是知音便暗投譏  
笑藥山空費力水清魚現不吞鉤

上堂舉教中道五十餘年未嘗向人說如此事師云  
釋迦老子大似貧兒思舊債年老覺心孤

諸道友相別上堂云相送無言淚滿巾溪頭黃葉正  
紛紛勸君更進一盃酒西出陽關無故人只如者一  
盃酒如何進卓拄杖一下云一口吸盡西江水不知  
何地著離情

師於七月二十八日得旨辭衆上堂僧問聲飛四  
海德如淵唱道都城恰六年世事悠悠乞歸去白雲  
深處不朝天布袋已開頭船子便解纜正當恁麼  
時如何說得箇去去實不去底道理師云如劍揮空  
進云恁麼則好水好山應有待如雲如鶴任高飛師  
云猶涉動靜在進云爭奈楚天渾似客情遠秋色不

如歸與濃師云臨行之際莫匆匆進云千山不礙金  
剛眼自然到處得逢師師云不要忘却僧問家徧東  
歸正作秋水光山色共悠悠人天普集忻相送一句  
臨風作麼酬師云處處無蹤跡進云如是則隨方施  
法雨是處布慈雲師云爲人傾盡一生心進云直得  
夷門山畔月夜夜照慈航師云更須截斷兩頭師顧  
視四衆云六年掃洒皇家寺一日君恩得遊還拄  
杖重挑舊瓶鉢者回信脚入青山只如臨歧一句作  
麼生道良久云得意濃時便好休下座

慈受深和尚廣錄卷第一

門人慈覺大師 文剛 勸緣



慈受深和尚廣錄卷第二

東京慧林禪寺慈受深和尚偈讚

侍者 普紹 編

前住焦山歷代尊宿真讚

珍禪師

末上開山師最勞栽松種竹意何高  
舟楫斷岸無人識幾度因風弄海濤

倫禪師

一著天衣無縫襖平常語話暖如春  
山蔬紙帳家風在誰是當年聽法人

佛印禪師

水齏千偈亦輕酬一笑臨峯萬事休  
今古碧桃灣底路幾多風月屬漁舟

深禪師

南山拾得劫初鈴鄉曲誰人會此聲  
撥轉海門關板子雲樓月殿一時成

從禪師

雪眉崑頂鶴精神淡薄家風世少鄰  
明月蘆花藏不得老來重跨鐵麒麟

慈受和尚自讚

因風便作海門居釣盡波瀾未見魚  
水冷雲寒歸未得笑看新月上珊瑚

前住慧林歷代禪師真讚

圓照法空禪師

大圓鏡中真光明炬慈中有威擊塗毒鼓  
威中有慈闢荆棘路無緣飭沒遮護一切衆生觀相而悟

覺海沖禪師

言簡理直道高德重無妄談笑無妄迎送  
衲子入門毛髮變動密密處莫能觀倚天靈刃照人寒

佛陀遜禪師

轉方作圓輝今耀昔龍袖三關金鎚一擊  
五十餘年脇不至席逆鱗句阿誰識生死觀來如戲劇

佛光正禪師

坦赫佛光逆順無礙道傳崑山聲飛湖海戲笑怒罵  
皆師三昧風流處更尤佳曾悟庭前栢春風二月花



祖印悟禪師

師道平夷。師貌渾厚。持如地心。開無妄口。四坐道場。  
一塵不受。節角處沒。窠臼三眼神龜。火裏走。

月印禪師

凜然孤風。粲然眉目。利劍當門。誰敢輕觸。脫略處妙。  
難傳。萬仞峯前。駕鐵船。

退步

萬事無如退步人。摩頭至踵自觀身。只因吹滅心頭  
火。不見從前肚裏瞋。

萬事無如退步人。孤雲野鶴自由身。松門十里時來  
往。笑揖峯頭月一輪。

萬事無如退步人。淡中滋味最天真。爐邊向火慵開  
口。睡裏抓頭忘却身。

萬事無如退步人。百年浮幻水中漚。趙州不爲爭錫  
餅。要得時人劣處求。

萬事無如退步人。本來無證亦無修。明窓高挂多留  
月。黃菊深栽盛得秋。

萬事無如退步人。休華言巧語。誑時流。世間種種皆兒  
戲。何必區區弄筆頭。

萬事無如退步人。行世間名利兩重坑。前頭光景無多  
子。莫與扶屍鬼子爭。

萬事無如退步人。居青山僻處。結茅廬。聽他人笑生涯。  
拙自喜。閑身得自如。

萬事無如退步人。看箇中生死不相干。兜兜怛怛從他  
做。兀兀癡癡我自安。

萬事無如退步人。僧髮長。懶剃貌。稜層出言吐氣多。山  
野逆耳之談。誰肯聽。

萬事無如退步人。眠放教癡鈍。却安然。漆因有用遭人  
割。膏爲能明徹夜煎。

萬事無如退步人。眠松床。紙帳暖如氈。夢中說話無花  
草。況是山僧不會禪。

學道先須要省緣。莫教到被世情牽。二時但得鉢盂  
濕。囊底何妨無一錢。

學道先須要省緣。隨時過得莫憂煎。無求坐臥常安  
樂。有意身心不坦然。

學道先須要省緣。隨時過得莫憂煎。無求坐臥常安  
樂。有意身心不坦然。

學道先須要省緣。隨時過得莫憂煎。無求坐臥常安  
樂。有意身心不坦然。

學道先須要省緣。省緣一法最安然。有來有往有違  
順。無往無來無過愆。

學道先須要省緣。他人長短莫喧傳。禍門不閉終無  
益。參取維摩老子禪。

學道先須要省緣。莫教到被世情牽。牽來牽去無休  
日。直到閻羅老子前。

學道先須要省緣。浮生傀儡暗抽牽。機關用盡成何  
事。贏得三塗鬼火煎。

### 念彌陀頌

萬人同志念彌陀。衆力相成願力多。一朵蓮開親見  
佛。方知淨土勝娑婆。

樹林水鳥各宣揚。寶網金臺盡道場。會得鐘鳴并鼓  
響。彌陀觸處現毫光。

鬢髮看看染雪霜。心猿意馬尙顛狂。一朝掩目空歸  
去。始信泥犁歲月長。

業報差殊事不同。勞生何地出樊籠。欲知自性彌陀  
佛。在汝朝昏一念中。

衆生苦海業坑深。不信因緣久溺沉。聞得又聲方念

佛。始知妻子老婆心。

不是山僧說是非。修行魔事要君知。直須緊繫草鞋  
底。透過娑婆五欲池。

### 家中四威儀

家中行尋常。違順不須爭。若知步步無階級。何必蓮  
華脚下生。

家中住。早起開門夜閉戶。運水般柴莫倩人。方知佛  
是凡夫做。

家中坐。一室寥寥是什麼。靈光一點甚分明。何必青  
山尋達磨。

家中臥。展脚縮脚皆由我。若能一覺到天明。始信參  
禪輪懶墮。

### 貪

學道先須不要貪。貪心障道使人凡。祖師一味無求  
法。流落人間誰肯參。

### 瞋

學道先須不要瞋。瞋心未斷道休論。諸佛常說瞋如  
火。燒却菩提種子根。

癡

學道先須不要癡。癡心未了轉狐疑。迷雲頭上黑如墨。白日茫茫幾箇知。

枯骨頌

風力機關終有盡。深情厚貌見無因。擔擎黑業歸何處。留得枯骸未化塵。  
皮包血肉骨纏筋。顛倒凡夫認作身。到此始知非是我。從前金玉付何人。  
鳥啄鷄鵲皮肉盡。風吹日炙髑髏乾。目前試問傍觀者。自把形骸檢點看。  
因嘆久戀四蛇窟。由愛長依六賊村。今日并賊都捉敗。這回休要弄精魂。

百骸潰散雜塵泥。一物長靈復是誰。不得丹霞通一線。髑髏著地幾人知。

枯骸酒色財氣頌

枯骸愛酒醉。魂在羅列盃盤手。自斟酩酊一生心。似癡想君作鬼也昏沉。  
燕脂畫面嬌千樣。龍麝薰衣峭百般。今日風流都不

見綠楊芳草髑髏寒

生前財貨因貪得。死後形骸被物拘。畢竟一文將不去。被人罵作守錢奴。

偶然一語不相投。努目揮拳汗欲流。若悟形骸同逆旅。胷中人我一時休。

天人禮枯骨

汝是前生我。我今天眼開寶衣隨念至。玉食自然來。謝汝昔勤苦。令吾今快哉。散花時再拜。人世莫驚猜。

餓鬼打死屍

因這臭皮囊。波波劫劫忙。只知貪快樂。不肯暫迴光。白業錙銖少。黃泉歲月長。直須痛棒打。此恨卒難忘。

沙門破二見

咄咄愚癡子。云何不自觀。鞭屍真倒置。禮骨自欺瞞。善惡由心造。佛魔著眼看。踏翻煩惱海。生死不相干。

資福遣土地出院

汝爲神道合威靈。酒肉如何順世情。小鬼判官都出院。禪門法令要分明。

村歌社舞拜祠堂。臭穢腥羶污道場。要答神明冥護

力晨昏燒取一爐香

若將酒肉污伽藍。因果分明語再三。說著人情都不順。山僧到此口難緘。

靈巖披雲臺十頌

林底常懷老藥山。皮膚脫盡萬機閑。披雲月下時長獻。千古風流滿世間。

戲鑄崖石號披雲。且欲朝昏見古人。折脚鐺中聊自足。世間憂喜不關身。

拄節臺畔自騰騰。野草閑花照眼明。綠水青山皆舊物。烏啼猿笑別無聲。

春暖巖花處處紅。住山境界樂無窮。勞生奔競何時已。說與還如耳畔風。

當年吳越日相攻。蟻鬪螭爭不少容。范蠡西施伎倆盡。青山依舊白雲中。

兀坐雲根懶舉頭。更無言句示禪流。森羅萬象分明說。有口何妨挂壁休。

老來羞懶出人前。只欲隈巖傍水邊。多謝洞庭峯頂月。夜來向我十分圓。

禪門難得好兒孫。逐句尋言總失真。山是山兮水是水。莫將情解鬪尖新。

透過無心種種休。松間石上自悠悠。田園不用爭疆界。大地都來一指頭。

莫笑山僧語句真。真情何處著工夫。世人用盡精神計。緣木何曾覓得魚。

和堯峯泉老

清輝軒

湛湛平湖浸月明。漁歌聲斷曉風清。壞衣蒙頂跣趺坐。不稱詩情稱道情。

碧玉沼

深靜含秋一鑑寬。清甘聊酌齒牙寒。靈巖自笑荒山骨。明月泉慳祇欲乾。

多境巖

聊向蒼藤挂六鐙。滿前嘉致屬幽閑。雙眸淨洗看無厭。欲結遮頭草一間。

寶雲井

寶雲誅草廣禪林。鑿石窮源意亦深。長嘆甘泉不當

路茫茫空有濟人心

白龍洞

古洞深沉莫敢窺。森陰草木野雲飛。白龍何處淹頭角。天下蒼生望汝歸。

觀音巖

笑日野花青嶂下。歌春幽鳥白雲間。寶陀大士全身露。懊惱游人空看山。

妙高峯

下視群山盡子孫。孤高直與月輪分。善財不用別峯覓。只此休時見德雲。

偃蓋松

寒松門底如張蓋。招引嘉賓眼倍青。方丈老人迎送少。未應因汝下幽庭。

東齋

禪板蒲團消永日。明窗淨几映疎筠。一鑪香盡六時過。轉覺山家氣味真。

西隱

匿影長嫌山未深。閉門莫放俗塵侵。如今滿眼事奔

走。欲對何人話此心。

余結茆西山終日無事。因作洞庭十二偈。以彰衆生日用不知之道。趙州云。時人被十二時使。老僧使得十二時。斯言最切。人莫曉焉。

鷄鳴丑一聲喚起。菴中叟披衣。踏月聽松風。人間萬事慵開口。

平日寅。疊疊湖山觸目真。箇中更擬論玄妙。七十二峯應笑人。

日出卯。參禪切忌生機巧。近來衲子學盧頭。未曾喫飯先言飽。

食時辰。粥飯精麤養病身。落蘇苦賣今年少。誰念庵中瘦損人。

禺中已。樵夫來說人間事。六月江頭兵未休。盡向衆生心上起。

日南午。瓦鑪石鏡閑家具。拾薪吹火自煎茶。笑與兒童相爾汝。

日昃未。據起布裙閑掃地。庵舍荒涼無客來。門前黃犬因何吠。

晡時申自笑平生懶是真。白髮蒼顏陪奉少。聽渠歡喜聽渠瞋。

日入西光境前頭。豈長久更無佛法可商量。聽他衲子交橫走。

黃昏戌有口何妨長挂壁。半簾秋色卷西風。一點青燈照茆室。

人定亥住山自有家風。在老來落得放心眠。人生真被閑名礙。

夜半子紙帳松床睡方美。翻身不覺念勞生。幾箇不遭心識使。

### 題杭州西湖可堂

避喧求靜到湖山。却被湖山不放閑。踏破草鞋遊未遍。便甘投老兩山間。  
喜見君心有歲寒。閉門終日對琅玕。相逢不具香嚴眼。祇作敲風帶雨看。

### 題石橋

衝寒得到天台不爲青山綠水來自愧過橋無脚力。却欣供聖有茶杯。蒼崖瀑瀉銀河闊。方廣雲收金

殿開。問訊厖眉老尊者也。須回首入塵埃。

### 題白道猷

猛虎毒蛇從法化。凶神百怪仰高蹤。只因一念分凡聖。礙却前頭蒸餅峯。

### 題呂城接待院

我來暫解包。因就長床歇。叮嚀木上座。莫苦多饒舌。一身同逆旅。三界若空花。勉爾水雲客。當求見作家。

### 初至包山大雪戲題

老僧昨夜包山宿。茅屋青燈火滿爐。料得山神心喜我。曉來巖樹雪模糊。

次日有鵲巢於庵前。棗樹上樹高數尺。因筆

### 戲題

鵲巢低樹絕驚猜。可驗庵僧心已灰。與汝林間減口過。不須虛喜報人來。

### 栽松

栽松須覓曲松栽。養就山林擁腫材。直是無人著眼看。歲寒方得老巖隈。

### 手植小松



小松盈尺已凌雲。肯學芬芳桃李春。想汝龍鱗合抱日。老僧應是再來人。

題一笑庵

旋轉茅茨蔽雨風。土床蒲薦自雍容。榮枯過眼人間事。盡付山僧一笑中。  
老覺形骸漸漸衰。放懷終日眼如眉。畏人知處閑名出。猶喜歸庵未甚遲。

題也休庵

曲木爲庵土作床。有門不閉且無妨。時人莫笑家風拙。歌得心時事事忘。  
唱歌樓上語風流。你既無心我也休。打著郎君心事。事從前恩愛冷啾啾。

睡起戲題

喫粥喫飯過聽風。聽雨眠。莫將安樂法容易與人傳。

題寒食花

寒食花無數。寂寥草莽同。只因顏色少。留得老山中。  
少艷人稀賞。無香蝶不知。人心尚紅紫。爭看醉西施。

題紙襖

新成紙襖著彭亨。掉臂何妨雪裏行。我既不怜人不愛。世間從此免相爭。

師初到包山見小池。瑩如冰玉父老云。池中昔有白龜已進之。因命爲白龜泉。

任是流金鑠石時。此泉澄湛滿幽池。白龜聞已獻天子。何似蹢躅在淤泥。

題隱泉

泉隱甘無竭。人閑道轉高。涓涓清自足。休苦作波濤。

包山開井

山骨鑿深六十尺。石中泉眼始方開。後人飲水知來處。曾費山僧心力來。

小師般塲造塔

僂僂山頭自負塲。要成小塔立雲煙。聚沙也似兒童戲。且爲湖山結少緣。

入定觀音

那伽常在定。無有不定時。爲彼散亂人。故現如是相。  
廣瑞嚴和尚呼主人公諾。

主人公諾聽我語。死生流轉無停住。今日忙兮明日

忙靈光一點何時悟

主人公諾聽我道貪名逐利何時了爭如識取自家珍靈光灼灼無邊表

主人公諾聽我勸浮生莫作欺瞞漢暗裏雖然瞞得來明中依舊還消散

主人公諾聽我說百歲光陰如電掣四五十不回頭問君更待何時節

主人公諾聽我囑今年已是五十六爲人終是費分疎何日口邊生白醅

勸食素

喫肉何如咬菜根且圖身口戒香薰莫言死後無因果八兩須還他半斤

勸晨朝食素

未能遽斷葷和酒且結晨朝清淨因省費省緣兼惜福靈巖此語太饒人

懷淨照禪師

一別蘆江後千峯鴈影沉聞迴天子詔方見老師心籌室應將滿禪關轉見深秋來甌頂夜時復夢投針

閱佛鑑禪師語錄

說禪要似鍾山老有口無心幾箇知要我舌端轟霹靂就渠眼裏下鉗鎚平時却出活人劬險處聊爲死馬醫慚愧叢林宗匠在與人掃盡百生疑

乞退慧林寄佛果禪師

單絲繫住老牛脚心欲東西未自由憑仗東風齊著力早教紅子下楊州

寄壽春沂和尚

聞把東禪木杓柄放開布袋好流傳後人薄已符言行壁立家風要斬然

答天寧訥和尚

老來多睡勝春蚕五蘊山頭卓箇菴隨分飢冷渴飲過不知何地見同參

寄東禪沼和尚

聞坐天童上板頭深挑痛割未應休吾門直截無窠臼家破人亡始自由

答廣燈禪師退翠峯

有經遮眼明窓下無事干懷白晝長自拾松枝燒歛

鉢看人終日競頭忙

送慶善往和尚

道人門冷如秋色。竟日曾無俗駕來。近爲耽詩成癖。好寒愈夜作猿哀。

中秋寄瓚和尚

秀嶺高峯咫尺間。青松常伴白雲閑。中秋同翫洞庭月。誰道山家不往還。

和規和尚

老來心地爛如泥。下得胥湖作虎溪。七十二峯煙浪闊。聽他游子路頭迷。

去年西塢得相尋。雪竹霜松一徑深。圓屋青燈聞妙語。使人灰盡一生心。

但得茅簷春睡足。何須石室較籌盈。遙知別後多蕭散。坐聽松風萬壑清。

鏡像魔軍方滿目。浮雲世事急抽頭。倚蒲癡坐慵開口。詩債還能饒我不。

和信和尚

一身彼此轉蓬樣。百歲光陰交臂間。底事石梁成邂逅。

近烽煙影裏得餘閑

喜君曾次冰壺淨。道富身貧只我諳。利火名湯方鼎沸。看人終日手爭探。

示高維那兼簡寶華鑑和尚初出世

石上三生夢已非。人間萬事眼如眉。歸家更問寶華老。何似板頭端坐時。

會源首座

高蹤不負當年約。時憶翻然命駕來。世味任教甜似蜜。道心終使冷如灰。茅茨款我三椽小。石榻緣君一笑開。倚杖春風話平昔。寄言猿鳥莫驚猜。

會吉上人

晚歲欣逢彼上人。誅茅約我老江濱。世間聲利空翻覆。林底交游無故新。學力幾年淹講席。真風一掃盡情塵。近來百鳥無尋處。開盡巖花爛熳春。

示純禪者

故園我別已多時。見子猶能略展眉。鄉語每聞聊發笑。客情無復更生悲。尋師慎勿貪眠食。立雪終教徹髓皮。畢竟禪家外文字。之乎者也。不須知。

示敏禪者

尋師問道豈徒然。休似癡夫飽睡眠。白日西傾如箭  
息紅顏暗去若繩牽。斷肱立雪思吾祖。刺股懸頭儼  
昔賢。此語叮嚀須記取。莫教容易過流年。

示曇禪者

數椽茅屋海門邊。雲水生涯祇任緣。逸足懶收支遁  
馬。清香聊種遠公蓮。欲干世上千鍾祿。何似林間一  
覺眠。異日果來期款曲。爲君芥子納三三。

示求禪者

靈光一點自分明。照破衆生違順情。拶看通身開正  
眼。方能日午打三更。

示襄禪者

古人得後便休休。茆屋青燈百不求。遮眼謾將黃卷  
展。不風流處却風流。

示表禪者

放下千斤重擔子。重歸巖谷舊三椽。不須苦覓楊州  
鶴。伴我林間骨嶺眠。

示皎禪者

世事不中迴首看。湖山他日爲吾來。草衣木食相陪  
過。肯把柴門取次開。

僧道成於金山住。破屋一間有不下山戒喜。  
其孤潔贈之以偈。

歇得心時自少魔。山頭孤坐養天和。莫嫌茅舍不寬  
廣。茅舍纔寬事便多。

安正闍黎求偈

黃葉止啼知卽已。敲門瓦子亦休留。虛空講得真經  
後。解笑當年石點頭。

因首座求偈

衣底明珠本自圓。箇中無正亦無偏。蒲團紙帳坐終  
日。體取先師苦口禪。

至禪者求偈

探竿影草閑家具。獨弄單拈破策籬。口饜心灰諸漏  
盡。菱花不拭自光輝。

玉偈金言一掃休。已靈不重聖何求。無常煞鬼難吞  
處。祇爲渠儂得自由。

道智更衣參學求偈

未見虛空解講經箇中切忌計工程蒲團七箇坐不  
破豈可等閑明死生

妙句立言一切休只看露地一頭牛忽然鼻孔芒繩  
斷吼月耕雲便自由

剛監院遣小師子文包山下書文別求偈衆

示剛公

一葉輕舟泛太湖西山來覓老僧居歸家好爲力生  
說林底安閑是坦途

法照大師求偈

戴角披毛老特牛牽犁拽耙幾經秋脚跟終不隨人  
轉鼻孔遼天得自由得自由洞庭湖裏冷啾啾

老僧慧因唱盡衣鉢欲捨身火化二偈誠之

衣鉢老來都唱却赤條條地更身安但教留得娘生  
衲雪打風吹不解寒

好死何如且惡活隨緣隨分傍嚴隈直饒野火燒殘  
後依舊春風吹出來

因禪者欲編語錄以偈止之

吾祖初來字脚無兒孫後代競編書子今莫苦著文

字秘取圓明頂額珠

安禪者爲思谿國覺專使遠至國清以偈却  
之

豐干端是饒舌漢引惹閭丘特特來累及寒山無雪  
處巖門從此不應開

達空大師始欲落髮以偈止之

若能轉物卽如來糞掃堆頭正眼開隨順衆生顛倒  
法肯教一點污靈臺

逆順機中總是禪在家不礙出家緣龐翁父子團圓  
坐始覺無生話不偏

慧林誠禪徒入浴

浴時少使一瓢湯受用浮生日子長薪桂未言京國  
貴轆轤百尺幾夫忙

誠參徒睡不脫衣

孤舟共渡有貧緣一衆相依豈偶然但我住山隨處  
所不令衲子脫衣眠

寄邃首座

投老西山百不爲把茆是處可幽棲太湖三萬六千

頃天與山僧作虎溪

寄國清光長老兼示諸衲子

寒拾長談苦口禪。無人領解許多年。如今拽轉家風。  
也好把泥牛痛下鞭。  
豐干漏泄因饒舌。描邈虛空總是渠。驪笑閭丘無鼻。  
孔竈前禮拜覓文殊。  
聚頭作相都休問。那事如何爲擧揚。放得肚皮滄海。  
闊。世間無物不包藏。

寄普惠勝長老

萬歲藤枝遠寄來。也應知我老衰頹。水邊石上扶持。  
立正眼時時爲子開。

寄實相院主

乞得包山古寺基。竹窻松檜作幽棲。何時一棹來相。  
訪。說盡人間萬事非。

送炬禪者歸寧親

出門烟水正茫茫。體露金風木葉黃。父母未生前一。  
句。不知何地是家鄉。

送正禪者歸爲本師起塔

先師骨冷已多時。千里迢迢特地歸。要會去來無間。  
斷。箇中一步不曾移。

送還禪者出京

畢竟歸山是勝游。道人閱世本無求。小舟東下輕如。  
葉。回首紅塵一笑休。

送珍禪者

湖邊看子上歸舟。林底初驚一葉秋。要似羚羊長挂。  
角。莫教獼犬得蹤由。

送全禪者爲普慧勝長老專使下書回

獨秀峯前一朶春。爲傳消息豈辭辛。歸家覓取住山。  
斧。作箇叢林向上人。

送印禪者

要如璞玉深藏器。莫比囊錐立露尖。隨處關門安穩。  
坐。不妨終日口如鉗。

送廣法初長老下鄉

偃巖傍水我甘老。垂手入廬公正時。異日歸來同粥。  
飯。折鑑不用倩人提。

謁法報菴主不值



道人雲出山軒。憲有佳處。松竹自說法。客來點頭去。

### 示小師法照

菴小不能容汝住。湖邊相送頗依依。身心欲得長堅固。記取重圍喫菜時。

法逸云。嘗記墮城時。番人追逐時。回觀平江。

變爲瓦礫時。只此便是息心處也。師云。何止。

### 息心

三處莫忘。真是藥兩針不著。亦無妨。渾身劫得。燐雞盡始好。參禪作歇場。

### 聞平江焚蕪

阿呵呵。了阿呵呵。聚落都如螻蟻窠。一弄火銷無影迹。幾人於此悟南柯。

### 彥強求偈

老僧住世非長久。之子春秋正盛年。生鐵脊梁須堅起。莫於鄉井苦留連。

### 示師勤

出家畢竟事如何。超越情塵敵死魔。莫向叢林貪飽暖。百年光境等閑過。

示小師行脚前輩。打包意在省緣。無冗細無。

玩好。如德山挾襖子到大滙。是也。今人打包。

卽不恁麼鉢盂。以梅花衲作袋。祠部用古蜀。

錦爲囊。淨瓶交枕。總要光鮮。拄杖戒刀。莫非。

濟楚。笠頂上閑文。潑字須及數斤。線貼裏轆。

樣針筒。將看一擔。只要別人道好。忘却自己。

辛勤。若是脫洒衲僧。必不如是。草草地掣箇。

包子。卓卓地做箇道人。直似野鷄。孤雲切忌。

無繩自縛。汝等更聽一偈。

古人只蓄兩枚針。夏葛冬裘逐旋尋。汝輩盛年脚力。

健好。携襖子歷叢林。

### 資福訓童行頌

世諦紛紛沒了期。空門得入是便宜。直須日夜常精。

進。莫只勞勞空過時。

心猿易縱。安教縱意。馬難調。亦要調到老。情塵掃不。

盡。出家四事恐難消。

焚香禮拜。莫忽忽目覩。心存對聖容。懺悔多生塵垢。

罪。願承法水洗心胷。

出家言行要相應。戰戰長如履薄冰。雖是末除鬚與髮。直教去就便如僧。

也要學書也念經。出家心地要分明。他年圓頂方袍日。事事臨時總現成。

出家不斷葷和酒。枉在伽藍地上行。到老心田如未淨。菩提種草亦難生。

莫說他人短與長。說來說去自招殃。若能閉口深藏舌。便是修身第一方。

常住分毫不可偷。日生萬倍恐難酬。豬頭驢脚分明見。佛地今生掃未休。

莫學愚人說脫空。脫空說得有時窮。暗中莫道無人見。只恐難瞞馬相公。

一等出家爲弟子。事師如事在堂親。添香換水宜勤謹。自有諸天鑒照人。

香積廚中好用心。五湖龍象在叢林。瞻星望月雌雄。須信因深果亦深。

二時普請宜先到。衆手能爲事不差。諷取如來經一卷。都勝閑話口吧吧。

廊下逢僧深問訊。門前遇客要相呼。出家體態宜謙讓。莫似愚人禮數無。

家事精麤宜愛惜。使時直似眼睛看。莫將恣意胡拋擲。用者須知成者難。

諸寮供過要精勤。掃地裝香莫厭煩。事衆若能常謹切。身心方是出家人。

衣衫鞋襪須齊整。挂搭巾單不可無。身四威儀常具足。莫隨愚輩學麤疎。

拳手相交不可爲。麤豪非是出家兒。遭人唾面須揩却。到底饒人不是癡。

三通浴鼓入堂時。觸淨須分上下衣。語笑高聲皆不可。莫將麤行破威儀。

有時緣幹到街頭。照顧瀉山水牯牛。門外草深常管帶。等閑失却便難收。

色身康健莫貪眠。作務辛勤要向前。不見碓坊廬行者。祖堂衣鉢是渠傳。

### 和蔡相面壁軒

見便直下見。碧眼明寸電。瞥爾落思惟。何啻千山遠。

壁亦何須面禪床。今拽轉翻笑鈍胡僧。更不作一喘。  
箇事本來如。風光滿帝都。酒樓春洞曉。盡現大毗盧。  
處處是方便。此理幾人薦。不識雪峯毬。錯認鹽官扇。

孫大夫求偈

論政已肩裴相國。談禪應笑老維摩。道存休恨歸來晚。一語投機已是多。

再住慧林和高觀察韻

歸來飽睡懶談真。一任禪和喜作真。笑破野堂居士口。孤雲去住也由人。

答葛待制

與君同宿洞庭山。此箇因緣非等閑。好記燈前一旬子。莫教流落向人間。  
終朝圓覺不曾迷。底事勞生強是非。一掃浮雲纖芥盡。箇中心月自光輝。

題孫主簿真慶閣

黃卷展開共佛語。青山長對伴僧禪。一鑪香盡六時過。浮世何人有此緣。

章學士避地毛公山號隱泉居士因相約作

廬山計携偈赴之

杖藜來赴廬山。飯喜見公家園有蔬。安得龍眠老居士。丹青重畫隱泉圖。

吊王觀察

去年公到包山寺。林底相逢笑不休。今日我來公已去。石羊石虎替人愁。

臨終一得老僧言。掃盡曾中事萬千。回首榮華都似夢。便能談笑死生前。

謝王七舍人施手寫華嚴經并大藏等經及彌陀像

大千經卷毫端出。鐵劃銀鈎字字清。更會當頭這一點。六塵堆上放光明。  
大法流通千有春。西山猶未識金文。長函玉軸照崑崙。谷想見龍神亦喜欣。  
每日觀佛殊勝相。還如溪上見公時。堂堂風貌無凡聖。只要當人路不迷。

結茆包山寄孫彥孚主簿

老矣休休卜養閑。囊空賒得洞庭山。朝中誰送米三

合風雨自存。第一間清嘯有雲披。月嶺高眠無客打柴。關此情試爲知音說。應隔滄浪冷破顏。

與俗兄相見

兄弟情深夙有由。死生岐路各須修。要知五欲坑中。嶮萬頃風濤一葉舟。

殷員外爲包山鑄鍾畢求偈

包山一火鑄鍾成。百草頭邊總是聲。喚起勞生開睡眠。一時於此得惺惺。

李都事求偈

棒頭筆下宜精密。打鑼敲枷好用心。成佛作祖只這是。勸君不用別追尋。

孫保義求偈

省緣知足常安樂。廣費多求損道情。鬧市門頭祖師意。放教心地坦然平。

吳保義求偈

前日相逢欣款曲。見君曾次坦然平。祖師有箇入門句。只要時中事事輕。

王員外求偈

勸君不用廣貪求。隨分家緣了便休。百歲光陰能幾日。得回頭處早回頭。

金大翁求偈

禮拜燒香新活計。行紅種橘舊家風。欲知自己彌陀佛。便是凡山金大翁。

許善友求偈

二十畝田供伏臘。無妻無妾自由身。回觀萬頃良田者。也是人間多事人。

善友誦金剛經求偈

背誦金剛四十年。老來心地轉精專。勸渠不用憂生死。只此修行便是禪。便是禪不須參。一句該通五百函。無我無人無壽者。塵塵刹刹笑瞿曇。

因讀法華經至火宅喻。不覺一笑。因書偈示孫主簿。

夢裏分明有火殃。覺來心地本清涼。三車亦爲兒童設。想見瞿曇別有方。

高道人云。和尚慧林小參。說人身假合似箇破砂盆。莫教失手打破。便見千休萬休。師問。

你這砂盆使來幾年也。高云六十二年也。師

笑云。照顧照顧。

人身正類砂盆。破三篾束縛。全暫時。暑往寒來。宜愛惜。莫教土上更加泥。

高聞眼中淚下。師云。有箇不破底。還議麼。高

云。乞師指示。

砂盆打破。化為塵。始是撐天拄地人。舉世只言身是幻。不知誰是幻中人。

諸道友以法愛。故常至包山。以偈却之。

老僧多病。厭將迎。且卜西山隱姓名。若是吾家真道友。隔湖相見最分明。

真州檀越求偈。

了卽業障本來空。心如聚蟻意如風。未了應須還宿債。破後還將茅草蓋燈籠。露柱笑呵呵。好是焦山口。更多奉報楊子江頭水。等閑無事莫興波。此人不少月因官事死而

資福改神霄道友挽留不得。師去以偈却絕。人生聚散本無常。休把閑愁腦肚腸。三十年後重相

見拍手呵呵笑一場。

慈受深和尚廣錄卷第二

補遺

擬寒山詩共二十首

我愛寒山子。身貧心自如。吟詩無韻度。燒火脹工夫。敝垢衣。傭洗鬚髻。髮懶梳。相逢但長嘯。肉眼豈知渠。拾得詩清苦。風騷道自存。看雲歌竹石。步月出松門。識取心中印。休磨鏡上痕。時時多漏泄。塵世少知恩。人生萍托水。流轉成愛河。鼓激無明風。出入生死波。一念若知歇。諸緣皆息魔。急須登覺岸。勸子莫蹉跎。人生貪愛重。所欲未嘗周。一飯飽足矣。萬鍾心未休。黑業何時了。紅裙也自羞。鬚毛已侵雪。猶自日悠悠。何曾食萬錢。顏子飲一瓢。賢者心念道。愚人志在庖。賢愚趣不同。何翅雲泥遙。象養恐非福。可信如昭昭。人生貴無業。不貴多伎能。伎能人看好。業能災汝形。文章妙天下。氣宇吞滄溟。此身若一失。六趣且飄零。

世間聰明人必欲聞其過。寧知業所使。大抵貪成禍。因果鏡中容。豈非是我陰報最分明。詎論官職大。人生如春花。能得幾時好。朝吹與暮洗。朱顏變枯槁。花落有後生。人老不復少。萬事只今休。莫更招煩惱。世人怕說死。說著死便諱。及到死期來。老眼先垂淚。戀妻復戀妾。見神并見鬼。不入祖師門。癡迷直到底。六十休造屋。七十莫置衣。縱然得受用。能得幾多時。身心要早歇。準擬與死期。正如人遠出。預辦爲便宜。道力與福力。平時似亂真。福力有盛衰。道力無富貧。人生不學道。只種輪迴因。君看天福盡。滿眼生埃塵。自料七十歲。勿遽那能期。況今五六十。形骸覺漸衰。正如春暮後。青多紅少時。去住呼吸間。斯言真不欺。譬如臨明鏡。面目各相對。好者默自欣。醜者亦知愧。惟鏡兩無情。光明常一體。若人心似鏡。成佛在彈指。厚葬非孝心。死者必遭辱。君看離亂時。何墓不伐斷。黃金衆賊分。白日孤魂哭。最愛莊周叟。天地爲棺木。出家要省緣。省緣易入道。如何無事人。妻孥開煩惱。奔赴富貴門。莊嚴房舍好。不知被物使。區區直到老。

若以爭止爭。其諍轉不已。惟忍能止諍。是法中尊貴。不見老瞿曇。妙相三十二。魔軍刀劍來。只以無心對。人身苟無業。生死何足疑。生也不須戀。死亦不須悲。一身真逆旅。萬事皆兒嬉。請來綠岩畔。與君歌紫芝。靜看營巢燕。銜口泥千轉。一洒貧家梁。一宿王宮殿。寄托暫時間。何暇分貴賤。人生達此理。沒齒無欣怨。貧窮難作福。富貴易造罪。有力無道心。有心無貨賄。有福有道心。百中無一二。不見老瞿曇。福慧雙嚴美。佛爲大醫王。留經治衆病。衆生雖讀經。展轉不相應。病是貪瞋癡。掃除須淨盡。貪瞋癡不除。無緣了真性。

### 慈受深和尚廣錄卷第三

#### 東京慧林慈受廣錄序

慈受和尚說法偈頌如大醫王。應病用藥。無苟然者。世同喜聞而樂道也。師住世日衆。欲鏤板師力止之。因命侍者盡取私記焚弃。故終師之身。語錄未聞刊行也。師圓寂後。有得法沙門聚師六處。住持之語。錄



心口疑錄  
下處有缺文

心口疑錄

心口疑錄

心口疑錄

簡編次爲上下錄。悉與弟子林下語也。若其逢場游戲。放言肆說。俾衆生隨類得解者。多不見錄。余一日禮謁老師之塔。其徒相告曰。師之道德世學。知有無待後人之發揚。然辯才敷演。春雷震而秋漢傾也。今之所傳。簡約如是。百歲之下。私錄湮沒。學者聞其風而悅之。將何證諸。今欲集參徒所記。廣爲之錄。命工揮斤。以示後學。余曰。前所流布。已達老師之意。今予又從而校其□□。過益甚焉。其徒曰。不然。雲門和尚說法如雲。殊不□□。人記錄其語。見必怒罵。當時明教以紙爲衣。□□所聞。卽筆記之。今對機室中。錄皆所傳也。使明教從雲門言。則古塔主無因以悟。而今日叢林不復聞當時所說也。我輩寧違背老師之誠。而願與後人共聞之余曰。去彼取此。我不敢知。援明教之事。而流傳老師言句。則同道者庶幾有取於斯因□其語而□之。紹興乙卯上元日盛

東京慧林禪寺慈受深和尚陞堂頌古上

侍者 普紹 編

供養六祖上堂。昨夜有人來報。初祖達磨與二祖可和尙三祖璨和尙四祖信和尙五祖忍和尙六祖能和尚來謁禪師。山僧遂教請達磨近前展坐具云。久仰道風。無由禮見。山僧把住坐具云。彼此老大不煩。如是達磨正視山僧云。九年冷坐。熊峰頂五葉花敷大地。春山僧云。少賣弄。二祖云。看著庭前三尺雪。特地令人兩臂寒。山僧云。鈍根阿師。三祖云。既知罪性。元無染。一拳拳倒。皖公山僧云。惜取眉毛。四祖云。悟來解脫。無繩縛。拳倒虛空。得自由。山僧云。未是好手。五祖云。少年再到傳衣地。翻憶前生種樹時。山僧云。貧兄思舊債。六祖云。莫違春。糠無伎倆。確中搗出。古菱花。山僧云。便重不便。輕達磨云。老僧遠涉鯨波。得到此土。兩回中毒。險阻艱難。備嘗之矣。以次諸人立雪斷臂。種樹春。糠只爲此事。如今兄弟飽食高眠。不肯學道。可謂正眼。近來如掃土禪門。難得好兒孫。山僧震聲喝云。尙敢嗽氣在我。此方人本來無事。被

你來這裏胡言漢語教壞他人家男女更若切切趕回葱嶺莫言不道達磨云去聖時遙也有恁麼長老山僧云說什麼也有將拄杖一時趕出方丈復召禪和子六箇老漢被我折合了也這回肚裏無事各請歸堂去

爲母作齋上堂時光迅速急如流一別慈顏幾摸我墳墓鄉關空杳杳死生岐路兩悠悠充飢乳哺恩難報寄體懷擔力莫酬想像音容無覓處春風特地使人愁恁麼說話大似俗氣不除恩愛未了且道禪僧將何報德遂卓拄杖一下云將此身心奉塵刹是則名爲報母恩

上堂涅槃生死兩般名正眼觀來一性靈五蘊山頭雲散後大千沙界月長明這一段光明輝天鑑地耀古騰今不曾欠少於其光中無生死無去來無壽夭無窮通見有生死見有去來見有窮通見有天壽者皆見五蘊山頭陰雲未散所以道見聞如幻翳三界若空花聞復翳根除塵消覺圓淨直饒到這箇田地更須知有禪僧拄杖子始得且道如何是禪僧拄杖

下字

子良久云不犯之令

上堂諸佛不出世三轉妙法輪祖師不西來一句偏天下此一句子是渡生死海堅牢紅也此一句子是破黑暗大明燈也此一句子是療衆病之良藥也此一句子是伐煩惱樹之利斧也三世諸佛傳此一句子六代祖師傳此一句子一大藏教五千四十八卷皆從此一句中流出且道這一句子從什麼處流出良久云若向意根卜度卒未有了期

上堂焚香擊鼓問難縱橫大施門開頭頭漏泄蟻蚱蟻子盡演苦空露柱燈籠皆談般若如斯指注曲爲今時正眼傍觀未爲穩當禪僧家到這裏須知有三世諸佛形容不及處六代祖師傳受不得處天下老和尚摸索不著處若向這裏透得不妨於生死界中得大自在若透不得說食終不飽

結夏上堂三月安居要護生蟻蚱蟻子亂縱橫禪僧自有轉身路不向時人行處行良久云三條椽下清風遠六尺單前白晝長

上堂芭蕉聞雷開還有耳麼葵花隨日轉還有眼麼

社桑知天風。還有心麼。海水知天寒。還有意麼。無情之物。尙自知時多少。衲僧一向瞌睡。

普請般土上堂。資福爲人處。從來無異路。飯飽譬如閑。共般數檐土。你行我亦行。你住我亦住。會得甚奇特。不會也相許。既是不會爲什麼。也相許。雖然不得力。猶勝別勞心。

磨牛上堂。咄哉異類。身輪轉無休息。戴角復被毛。數棘償人力。我觀佛與牛。其性本來一。良由昧此心。所以異形質。想汝爲人時。豈信有今日。侵欺常住錢。互用招提物。是非信口談。酒肉恣情食。五戒既不持。人身安可得。今日墮牛身。方知無利益。

上堂。祖師門下。直截根源。但言見性成佛。此外□□異說。若論見性成佛之旨。各在當人。分上歷歷孤明。如日照晝。如月照夜。本來不昧。所以道一切聲是佛。聲更無異聲。一切色是佛。色更無別色。以拂子擊禪床。云。還聞麼。觀音大士在你耳。朵裏轉大法輪。又舉起拂子。云。還見麼。普賢菩薩在你眉。毛上放光。動地然。雖如是。更須知有離見聞絕聲色外一段事。始得。

你且道如何是離見聞絕聲色一段事。會麼。待虛空點頭。卽向你道。

上堂。纔見仲冬。初不覺。又月半。光景急如梭。人情忙似鑽。白髮鬢邊添。朱顏暗裏換。名利競頭爭。好事無人看。臘月三十日。饒你是鐵漢。爲什麼如此。良久云。覺花有種。無人種。心火無煙。逐日燒。

印禪師赴蔣山。請過資福上堂。禪門泊將氣如雲。江北江南把要津。莫怪林衆閑未待。掃除佛祖要當人。大眾還見蔣山新堂頭禪師麼。心珠燦爛。氣宇高明。犀頂厖眉。河目海口。一揮壁尾。下視諸方。六處道場。平肩千聖。而況鍾山。勝槩江南。上游是寶公之覺場。乃舒王之禪室。久虛法席。今喜得人。四海參徒。望風景仰。況當今日。宗風不振。教法將沉。叨名竊位者。似粟如麻。振領提綱者。萬中無一。更望師叔禪師。放低氣宇。曲順人情。誘引方來。流通正眼。使圓照之道。昭昭然於天下者。非師而誰。資福小姪道行。無取踈拙。有餘。乍此傳持。百無所有。諸事荒涼。薄緣可歎。特蒙禪師象駕光臨。既然舊店重開。何惜逢場作戲。下座。

攀請禪師略陞此座。大震雷音。使此一衆得聞於未聞。怎麼說話。猶是諸人共知底事。且道六耳不同謀。底又作麼生。記得米胡和尚一日。領衆訪普濟。濟纔相見。便拽轉禪床而坐。米胡於背後立。少時便歸客位。濟云。也須驗過。始得再令侍者請米胡。胡纔至。便拽轉禪床而坐。濟還禪床一匝。便歸方丈。米胡領衆便出。師云。看他古人相見。終不以世諦流布。一錘一剗。暗去。明來。天然有異。雖則如是。未免欠他。一著在衆中商量。道普濟便拽轉禪床。翻成特地。又道米胡於普濟背後立。遂成造作。又道纔見拽轉禪床。便與掀倒。又有底道。但拈起坐具。臂背便據。怎麼拈提。大似暴虎憑何。驪心太甚。若向密密處。檢點遠之遠矣。既不恁麼。且道作麼生。商量諸人要見得分明。須是新蔣山禪師批判始得。

閑

金瓶梅

上堂。昔時說有千般。今日看無一種。等閑拈轉。虎空始得平生受用。只如虛空作麼生。拈轉換你眼睛穿你鼻孔。

上堂。舉古人道。天地與我同根。萬物與我一體。只如目前燈籠露柱。淨鉢香鑪。無非是物。如何得成一體去。還會麼。切忌土上更加泥。

上堂。彌勒真彌勒。分身千百億。師下禪床行數步。却上座云。時時示時人。時人自不識。你若識得。焦山今日失利。

送化主上堂。焦山舊日時。堂安百餘衆。策筴與木杓。如今不足用。多謝諸禪人。各出一隻手。南北與西東。面南看北斗。厨中一箇鍋。煮粥又不多。若非憲上座。誰人柰爾何。水陸會街坊。六人爲總領。但看正二月。夜夜香花請。二人同一心。打團要種菜。意在饅頭邊。兩彩都一賽。臍月冷如水。衆僧猶臥簾。二人去化席。姑蘇也不遠。漆桶要打破。深禪却要光。但教無滲漏。得箇也無妨。鎮州蘿蔔頭。今年到處少。奇公去打錢。典座呵呵笑。法眞小比丘。去覓馮山牛。繩頭須緊把。

◆下臺不

鼻孔要牢收。迹在牛還在。無心終易求。要得十分好。更造一層樓。更有一件事。不小亦不大。肇也肇不開。跳也跳下過。常在動用中。未有人擔荷。你若肯發心。我爲你說破。

◆漫髮迷

上堂。舉僧問雲門。如何是韶陽一曲門。云。鴈月二十五。僧云。學人便怎麼去時。如何。門云。且緩緩。師乃云。好諸人者。唱者雖多。會者極少。往往會得這僧問處。不會雲門答處。焦山今日爲你。真箇唱韶陽一曲。鴈月二十五。拄杖二十五。燈籠二十五。拂子二十五。普請栽菜上堂。焦山別無見解。且學古人栽菜。若還搥不生根。也是諸人有彩。無端跋死禪和。只要硬守疆界。忽然築著。磕著。便見草賊大敗。大凡履踐此事。須要自由自在。從教土面灰頭。不怕風吹日曬。老來意在饅頭。漫家風自有通人愛。

◆息疑鳥○  
演髮清

上堂。舉洞山夏末示衆。汝等諸人。初秋夏末。直須向萬里無寸草處去。後來僧學到瀏陽庵主處。主云。何不道出門便是草。師乃云。洞山者。子有口。無舌。端語便息。道立路。瀏陽叟。激濁揚清。偏愛向無句中。有

◆展展展

句。慈受叟。道汝等諸人。初秋夏末。有六條路。一條可行。五條不可行。第一不得向聖妙地上。捏目生花。第二不得向平實地上。認奴作郎。第三不得向光境門頭。弄粥飯氣。第四不得向無事閣中。隱刀避箭。第五不得向葛藤窠裏。說黃道赤。第六條路。方許諸人行。且道這一條路。作麼生行。還會麼。不因草鞋。彼爭覺路岐長。

◆展展展

◆惟歷歷

上堂。莫謂無心。便是禪箇中有路。更幽玄。繫驢橛子。惟翻後打著。南邊動北邊。

◆寶羅寶

上堂。一切法不生。一切法不滅。若能如是解。諸佛常現前。汝等諸人。好將每日馳求底心。體究斯事。久久之間。自然明白。去若不恁麼。皆是虛生浪死。不見古人道。努力今生須了。却莫教累劫受餘殃。

劉太尉請上堂。不風流處也。風流。匹馬追風。四百州金鏃離弦。曾百戰鐵鞭多力。恨無鐵大衆。此事喻如軍前。最後掣鼓。奪旗之義。擬議之間。早是蹉過了也。山僧於楊子江心。海門山下。割箇硬案。用臨濟爲先鋒。德山爲殿後。挂三玄之戈。甲列五位之旗。旛架石



鞏弓操靈雲劍打禾山之戰。鼓擊秘魔之硬叉。頂門正眼。耀乾坤袖裏金鎚。驚佛祖探竿影草。要須點著。便行入死出生。方是作家手段。然雖如是。且道不動于戈。坐籌帷幄者。是什麼人。良久云。箭中紅心人。莫問大家齊唱太平歌。

檀越供養華嚴五十三善知識。請上堂。諸人還見麼。毗盧界內。真如俗諦。交參華藏海中。諸佛衆生一體。古今三世。非後非先。凡聖一心。無迷無悟。是故如來初成正覺。嘆曰。奇哉。我今普見一切衆生。具有如來智慧德相。但以妄想執著。而不證得。於是。不起菩提場。而昇普光明殿。不離普光明殿。遍昇夜摩。忉利。兜率。他化自在。諸天。稱法界性。說華嚴經。令一切衆生。於自身中。得見如來智慧德相。是故善財童子。參五十三人。善知識。畢竟不離初心。過一百一十大城。要且未嘗舉步。諸人要見十重法界。門十重華藏海。一爲無量無量。爲一一。即一切。一切。即一。麼。遂拈起拂子。云。一時向這裏。薦取。還會麼。妙峯頂上。急回首。古佛堂前。著眼看。師復云。相公宿於華嚴性海。七處九

金華嚴明

會。有大因緣。每歲之中。常與此會。八十卷大經者。隨此方衆生。機感而來。若以重重無盡言之。何止於八十卷。三十九品。十萬偈。也有無量無邊。應沙法門。於其門中。或現天神。或現夜神。而爲說法。或現童男童女。開闢妙門。或現外道。紅師。或現長者居士。或現婆須密女。或現毗目仙人。或現無厭足王。或現勝熱婆羅門。信知此事。不在僧。不在俗。不在男。不在女。各各有箇三昧門。各各有箇華嚴藏海神。而嬰之。不出這箇。只如德山。入門便棒。臨濟。入門便喝。魯祖。面壁。普化。搖鈴。秘魔。擎叉。石鞮。放箭。神而明之。亦不出這箇道理。善財童子。至大興城。參見明智居士。見居士住四衢道中。處七寶臺。薰以妙香。散以寶花。作諸音樂。一切衆生。聞其樂者。無不歡喜。爾時善財童子。禮居士。足白言。我已先發阿耨多羅三藐三菩提心。未知云何學菩薩道。修菩薩行。居士告善財童子。言。我得出生。隨意。福德。藏解脫門。且待須臾。汝當自見。言猶在耳。見一切人來居士所。而求種種資生之物。或求飲食者。或求湯藥者。或求錢財寶物者。或求衣服者。



○口疑片

○口疑片

○口疑片

○口疑片

爾時居士觀察衆生所欲繫念。時仰觀虛空一切諸物從空而下。如其所須。施與衆人。然後爲說種種妙法。師云也。甚奇。惟明智居士得出。生隨意福德。藏解脫門。便有如是殊勝之事。只如相公作如是佛事。有如是莊嚴。亦不普繫念。片時亦不曾仰觀虛空。且道相公得何三昧。證何法門。便得如斯。若也知得。便乃坐參諸位。立見文殊。其或未然。更爲諸人注破。良久云。本地風光。何似生。誰明日午打三更。直饒金印大如斗。爭踏毗盧頂上行。

檀越。新宅請上堂。物物到心上。全心物自閑。古今城。得者如山。且道得箇甚麼。良久云。但願清風生兩腋。不愁無路到人間。太尉新營華館。喜見落成。供佛飯僧。以伸慶懺。適來智海天寧二老。已爲諸人委曲發揚了也。又教慧林說箇什麼。然則世尊三昧迦葉不知迦葉。三昧阿難不知慧林。三昧諸人不知且據慧林三昧所觀。太尉高堂峻宇。庭竹池蓮。宛若山林。不類城市。又恐動土興工。損害物命。庶憑清淨之因。以滌過悞之咎。大凡損害物命。勞役人夫。無

○口疑人

出修造。昔曹將軍晚年居處。疎漏。家人請加修葺。曹公曰。時方大熱。牆壁瓦礫之間。百虫生長。不可傷生。家人曰。微細虫命。既不可傷。昔公爲大師。領大兵。如何。曹公曰。我爲國事。時未嘗私喜怒。輒戮一人。如曹將軍。真善用其心者。經云。佛子。善用其心。則獲一切勝妙功德。又王大王問雪峯和尚云。擬欲蓋一所。佛殿如何。峯云。何不蓋取一所。空王殿王云。請師據子峯展兩手。後雲門云。一舉四十九師云。這箇殿子。久無人觀。著直得梁柱傾斜。牆壁頽落。不是雪峯重新建立。多少人枉用工夫。貧道今日因行。不妨掉臂爲諸人撐拄。一上會麼。空王殿子。幾經秋日。驟風吹古路頭。莫恠今朝。聊點破。恐人一向外邊修。元日喬貴妃作齋。請上堂。暖日曛開。地面凍春風吹拆。嶺頭梅他知物物無遮障。自是時人眼不開。和風動地。全提少室家風。瑞草爭春。漏泄曹溪消息。無一處而不彰妙用。無一處而不顯真心。揚佛祖之大機。廓天之正眼。高低嶽瀆。共轉根本法輪。巨細鱗毛。普現色身三昧。若向一處薦得。百處千處皆通。其或

擬議思量何雪白雲萬里大內貴妃皆是前生位中諸佛會上福慧雙修故得今日示現應身行菩薩行助揚教化經云乃至於王後宮變爲女身而爲說法如是明得方知貴妃終日說法利益群生未嘗間斷且道說什麼法諸人要知麼簾卷春風歌舜日鑪焚百和祝堯年

檀越生日作齋請上堂直饒問者如青天霹靂答處

似旱地爆雷明眼人前一場漏逗況祖師正令不落

言詮纔落言詮便成染汚所以趙州五年分疎不

下黑達磨九載欲語無更無義路可商量豈有語

言挂唇齒然雖如是到這裏不免重爲混沌盡眉虛

空著襪去也憶得大原孚問鼓山父母未生時鼻孔

在甚麼處山云卽今生也鼻孔在甚麼處孚不肯乃

云你問我山云父母未生時鼻孔在甚麼處孚遂搖

肩而已師云看他古人等閑拈出等閑別造次施爲

造新雖則怎麼苦據山僧檢點將來太原孚被鼓

山輕輕一撈便見漏當時纔見鼓山復問便好與

他草料爲什麼如此路逢劍客須呈劍不是詩

人莫獻詩

檀越薦要請上堂奔馳光景幾番春何事臨風一慘神柳絲桃紅依舊在今年不見去年良久云幸然明似鏡向用曲如鉤昔日莊周妻死惠子吊之周乃鼓盆而歌惠子折之周遂論氣形生死之變爲春夏秋冬之行師云窮根源說道理不無莊生若是超夢幻出輪回則未在不見釋迦老子道本自無生今亦無滅永嘉又道自從認得曹溪路了知生死不相干這裏明得方知生死去來猶如著衫脫袴了無疑滯只如今日希言自安人去後一年之中印施經典種種追悼且道與莊周所見是同一是別還會麼莊周妻死鼓盆歌畢竟無由奈爾何爭似希言今日意修崇直使見彌陀

爲月印禪師移厨就塔所上堂葉落歸根萬事休來時無口句難酬虛空忽爾翻筋斗嚇倒雲門六不收昔日肅宗帝問忠國師和尚百年後所須何物國師云與老僧造箇無縫塔帝云請師塔樣國師良久云會麼帝云不會國師云吾有付法弟子就源却請此

事請詔問之國師遷化帝詔就源問此意如何源云  
湘之南潭之北中有黃金充一國無影樹下合同紅  
瑠璃殿上無知識雪竇道無縫塔見還難澄潭不許  
□□□層落落影團團千古萬古與人看師云古人  
□□□話好則甚好不免帶累兒孫一向住死水裏  
做伎倆不能活路上作生涯忽有人問慧林如何是  
無縫塔只向他道春風院落無人到野杏山桃爛熳  
開師復云慧林自元豐中建立前後四十餘年已歷  
十代住持四人終於此地五人化於外方信知百年  
一俯仰三界一坐具山僧道行不及古人學問不如  
晚輩叨忝來此繼續諸公無補宗風仰慚佛祖今日  
諸道友又請就塔前陞座到這裏合說箇什麼卽得  
若說佛說祖菩提涅槃真如解脫大似擔水河頭賣  
總不恁麼合作麼生夜來得箇夢非常了了今日舉  
似大眾睡中信步到園上纔入門便見月印云和尚  
何故訪及山僧云明日移厨先來問訊月印云和尚  
住持不易如今做長老最難況在慧林衣冠所會衲  
子雲集是非好惡種種不同不易支撐山僧云禪師

在此安隱。否不至寂寞。否月印云甚安隱。又得覺海。佛陀佛光。諸老相聚。終日道話。甚有法喜。禪悅之味。須臾諸老偕出。相見就坐。喫茶。山僧云。時中住持事。繁不得頻來問訊。邇來叢林凋弊。難得本分宗師出。世諸公何故許多時。只管在此冷坐。眞燈慧命。當使誰續。諸老笑云。誠如所言。若道可行。則赴湯蹈火。亦不道若不可行。且卷而懷之。近來學者。醇而不雜。□□□得謂得者多。退步者少。爭鋒者多。求寂默者。□□□言者多是。故人心不一。祇道雖行。覺海起立。今日相會。豈同偶然。遂拈筆書頌云。一著天衣無縫。襖不風流。處也風流。靈羊挂角。二十載從聽時人覓。路頭諸公盡笑。幾絕倒。佛陀遂書偈云。當年飛錫別河東。直入都城唱祖風。壁立三關禪子訝。自知不愧老黃龍。佛光云。無縫塔前春草青。涅槃生死本空平。閑來唱箇囉囉哩。世事都如熱碗鳴。月印云。一入王城三載過。慧林人事就中多。如今不打這鼓笛。且伴松風明月歌。諸老云。和尚爲月印作齋。不可無語。山僧遂云。自慚無德繼高蹤。百事荒唐懶更慵。要死山

必口疑塔

必問疑問

必口疑誦

必口疑要○  
口口疑不著

必口疑聲

今死未得且將香火奉諸公諸公大笑少頃有百餘僧至老少肥瘦不等山僧問云甚處僧僧云普同口裏挂搭僧來禮拜和尚內有一人云適問諸大禪師有頌某甲亦有一偈不敢形於紙筆聊口口口遍云灌漿餒餒多年別脯插頭羹久不嘗盛謝諸人來供養拈起把筯也無妨佛陀高聲喝云你禪和子只說喫底去去一時走散山僧遂睡覺衆中禪和子道慧林長老青天白日對衆說夢山僧向他道夜來做底是夢如今說底是夢生底是夢死底是夢會麼夢裏移厨夢裏來夢中陞座夢中齋夢中生也夢中喜夢裏死事夢裏埋萬事不由人計較一身体更巧安排

口知夢裏惺惺者達磨西來口口鞋

檀越請就口慈塔下上堂瑞氣氛氲鎖梵宮峩峩寶塔倚高空簷楹金碧光相照盡落山僧一頓中還會麼諸人纔到竹竿巷口望見塔尖便急回去猶較些子其或未然慧林不免因風吹火就虎添斑去也教不云乎若人散亂心入於塔廟中一稱南無佛皆已成佛道何況此日一會香雲馥郁花雨繽紛種種莊

必白疑自

必口疑來

必六疑方

嚴種種供具便是靈山會上何殊多子塔前一瞻一禮盡真如或讚或揚皆妙用雖然恁麼在諸人分上各有箇無縫塔子還曾莊嚴也無若道曾莊嚴且如何下手三世諸佛不知樣度六代祖師只得傍觀虛空寬廓不能容大地無邊載不起有時四稜著地有時八面風生有時孤迥峭巍巍有時常處處落落趙州五年分疎不下達磨九載不敢承當也知徧界不能藏始信從來無縫罅衆中忽有箇頂門具眼底衲僧袖裏藏鋒底居士出來問道如何是和尙無縫塔又且如何祇對還相委悉麼良久云看我老來唯柳眼買人春去是榆錢

道友作蓮花會請上堂靈山會上拈花微笑者飲光少室山前五葉分葩者慧可自此根苗有異枝葉扶疎靈雲見處徹疑情陸亘觀來醒夢眼舍利弗強生分別須菩提特地周遮從它萬紫與千紅白有清香口撲鼻還相委悉麼莫將肉眼眼中見直向頂門門上著此日一會皆是上妙供具殊勝莊嚴有力者六肯發心有心者力所不及又有一等人忽有爲法經

云厭弃有爲是菩薩魔事。諸人每日享上妙五欲樂。却云怕作有爲乃自欺誑也。昔日一居士問智藏和尚因果是有否。天堂地獄是有否。智藏皆云有。居士云某甲曾問徑山和尚。皆云無智藏云居士有。家否。士云有。又問居士有妻否。士云有。智藏又云徑山和尚有家否。有妻否。士云無。智藏云徑山怎麼道不妨居士分上不得道。無看它古人垂慈直得如是。諸人且去人天路上開箇光明種子。不可說過頭話。大不濟事。不見黑齒梵志。一日兩手持兩枝花往見佛。佛云放下。著梵志放下。左手中花佛又云放下。著梵志又放下。右手中花佛又云放下。著梵志云我從家中將兩枝花來。一時放下了。也更教我放下。甚底佛云我不教你放下。花令你放下。內六根外六塵中六識。無放捨處。卽是汝免生死根本。師云釋迦老子只知見兔放鷹。不覺鑽頭入草。山僧更爲你注破。若會得。且於祖師門下。做箇小歇場。休休放下。著無量劫來靈性惡。只知貪愛黑如雲一段光明。都却休休放下。著浮生不用多圖度。榮華富貴總成空。到頭

今波請衆  
更勸

唯有無生樂

檀越中秋日請就家上堂。年年今夜月華多。一點雲生仗是魔。爭似曹溪門下。雙一輪空月照婆娑。所以道心月孤明。光吞萬象。光非照境。境亦非存。光境俱亡。復是何物。還會麼。月落乾坤闍。金剛眼自明。師復云。靈山一瞬。迦葉末上承當。少室九年。可座主最初領解。由是佛佛授手。祖祖相傳。唯此一心。更無別法。在聖而不增。處凡而不減。無添減處。強名曰一心。此一心靜時。亦無三界。只爲衆生迷時。三界有。悟去十方空。先聖不得已。已有一言半句。如將黃葉作金錢。權止小兒啼哭。然雖如是。幾箇知音。吳國夫人有如是壽筭。有如是子孫。有如是宅舍。有如是富貴。以理推之。來源自有。更願夫人堅固道心。增修白業。直至成佛。方爲究竟。教云一切衆生。具有如來智慧德相。但以妄想執著。而不證得。於是稱法界性。說華嚴經。法界者一切衆生真心之本體也。如是則一切衆生本來是佛。佛者以何爲義。以覺爲義。梵語佛陀。此番爲覺在迷底人分上。謂之背覺合塵。在悟底人分上。謂



之背塵合覺諸佛覺有三義。自覺覺它覺行圓滿。自覺者。勝凡夫不覺覺它者。勝二乘人只解自覺不能覺它。覺行圓滿者。勝菩薩菩薩雖修如上二覺。未能圓滿。佛謂之大圓滿。覺如中秋月無幽不燭。初機之人。十二時中一箇覺字。觀照日久。歲深塵勞境界自然淡薄。永嘉云。覺即了不施功。一切有爲法不同住相。布施生天福。猶如仰箭射虛空。勢力盡箭還墜。招得來生不如意。爭似無爲實相門。一超直入如來地。如來地者。便是覺也。此是成佛作祖之捷徑。超生越死之路頭。三世諸佛共傳。六代祖師同說。願生深信。莫作等閑。不見肅宗帝問忠國師時中如何用心。修行國師云。但能二六時中覺妄修真。如煉精金。光明轉熾。一切衆生癡迷不覺。從開眼至合眼所作。無非虛妄。何嘗覺悟。來你如今。食前方丈。水陸畢陳。還覺宰殺物命麼。你居華堂大厦。還覺還當麼。你羅綺千箱。還覺衣不蓋身者麼。你鞭撻奴婢。還覺無慈悲麼。這裏若覺得快時。設使墮在地獄。亦須早出頭來。古人謂之不愁念起。唯恐覺遲。起即是病。覺即是藥。常

合時

心下

心下

心下

以此藥而治此病。如水救火。即時而滅。昔瀉山箇中。邑和尚。如何是佛性。義邑云。我爲你說箇喻。如一間屋。周回六窗。中間繫一獼猴。東窗喚。東邊應。西窗喚。西邊應。如是六窗俱喚。六窗俱應。瀉山又問。忽然獼猴睡著。時如何。邑下禪床。擒住云。狂狂我與你相見。諸有智者。以譬喻得解。六窗者。六根門頭也。獼猴者。一精明性也。佛云。本是一精明。分爲六和合。只是者箇獼猴。時中合惺惺。却不能了了地惺惺。時中□□處。却不能駒駒地瞌睡。諸人若也未曾更聽。□□人人有箇老獼猴。暮四朝三。未休喚著。便能□□處。入花磚上。覘金毬。上堂。□宵燈燭。闌熒煌。幸馬縱橫。徹曉忙。到底不知燈是火。區區幾箇解。回光若論此事。正如上元夜。燈毬相似。玲瓏八面。花光互分。一點靈明。通身不昧。高低普照。前後無差。從來佛手不能遮。任是劫風吹不滅。直得馬行街上。四時春色。盈門豐樂。樓前半夜歌聲。聒耳處處。祖師鼻孔。衆生日用。不知頭頭古佛。眼睛幾箇。開中營地。是故諸佛出世。傳此一燈。祖師西



來亦傳此一燈。從一燈傳百千燈。光明無盡。所以道佛法無人說。雖慧不能了。譬如暗中寶。無燈不可見。寶者是一切衆生心也。暗者一切衆生煩惱也。燈者一切善知識說法也。迺至一大藏教五千四十八卷。皆是與人爲燈。爲燭。德山入門便棒。臨際入門便喝。亦是與諸人爲燈。爲燭。趙州庭栢。靈雲桃花。亦是與諸人爲燈。爲燭。敢問諸人。百千萬億燈。既從此一燈出。且道此一燈。自何而得。舉拂子云。還會麼。明明一點。無遮障。大地山河。莫覆藏。

祖師遊

處

處

廬越請上堂。靈羊挂角時。箇事絕毫釐。既能通一線。方便有高低。靈山會上。五十餘年。將無作有不遇知音。少室峯前一坐九年。以東爲西。罕逢同道。自此南宗。代代兒孫。白日青天。唱九作十。神而明之。只要入處不見。昔日長慶稜道者。往雪峯立沙。平生破七箇蒲團。並無所得。一日因堂中捲簾。忽然大悟。有投機頌云。也大差也大差。捲起簾來見天下。有人問我解何宗。拈起拂子。烹口打諸人。每日聞聲見色。觸目覩對。因甚麼不悟。良由見不超色。

口

聽不出聲。墮在見聞。翻成影事。遂以拂子擊禪床。還聞麼。只爲分明極。翻令所得遲。復云。諸佛爲衆生說法。先談苦空。談苦者爲見衆生認苦爲樂。談空者破一切衆生堅執之心。昔日優闍王問賓頭盧尊者曰。佛法切急處。願乞垂示。尊者曰。譬如一男子行於曠野。被六牙白象所逐。其人見一枯井。井畔有樹樹上有藤垂於井中。其人以手攀藤。懸身於井上下。有三毒龍四毒蛇。上有黑白二鼠更互咬藤。又有諸毒蜂螫其人。時復得蜜一點。兩點。滴在男子口中。因喫其蜜。遂忘其苦。尊者問王曰。此人苦多。樂多。王曰。此人都是苦。相安有樂也。尊者曰。諸有智者。以譬喻得解。大象者無常也。四蛇者四大也。三毒龍者三塗也。諸蜂者苦相也。藤者命根也。蜜者五欲樂也。黑白鼠者晝夜也。大王聞之。忽然有醒。又僧問龍牙二軍。侵藤時如何。牙云。須有隱身處。始得。僧云。如何是隱身處。牙云。還見儂家麼。師云。若向這裏會得。龍牙意便可打破。五欲蜂窠。吞却無常。大象出生。入死更無障礙。或未然。莫因三寸舌。辜負百年身。復拈云。二軍侵

藤真百苦四蛇圍井過千憂忽然我斷藤根子道是  
千休與萬休諸人還知有一人寒暑不能推遷造化  
不能移易口吞劫火腹貯風輪當在動用中動用中  
尋渠不得且道渠是誰良久云從來雖共住畢竟不  
知名

道友過江州請上堂昔日仰山問僧甚處來僧云廬  
山曾到五老峯麼僧云不曾到仰山云上座不曾遊  
山雲門道此語皆爲慈悲之故有落草之談古人從  
苗辨地因語識人卽且止諸人曾遊五老峯麼師笑  
云又怎麼云也識得廬山五老峯箇中何地不相逢  
舌頭無骨隨人轉熨斗煎茶餉不同表之今日作齋  
其實無它近有廬山之行要與諸道友一飯相別然  
則道人分上一聚一散有何間然在世諦中豈無依  
戀況表之身心純熟道義不忘念茲在茲摸索釋迦  
老子鼻孔或坐或臥體究達磨祖師眼睛更能於做  
官之處種種方便外護法門現宰官身行菩薩行當  
淺斟低唱之際正好善用殺人刀臨敲枷打鎖之時  
却須拈出活人劍與一切人解粘去縛與一切人抽

釘拔楔未發心者勸渠發心未知有者令他知有可  
謂因風吹火用力不多涅槃生死是空花隨順衆緣  
無罣礙慧林也有箇末後句却請諸人靜却耳根向  
鼻孔裏聽取良久云溪頭楊柳未堪折嶺上寒梅已  
過時欲贈行人無所有爲君拈出歲寒枝遂拈拄杖  
云還會麼纔開王老峯前路放出三峽橋底雲  
檀越請上堂祖師心印沒遮藏一句臨時要斯當莫  
謂座間人不識台星爛爛照虛堂法無凝滯道本隨  
緣應現千差殊途一致觸物皆妙敵體全眞與世推  
移隨宜運用一切文字治生產業皆與實相不相違  
背如是則方能回首塵勞示現宰官作諸佛事刀頭  
劒刃運大悲光握筆援毫區分死活成就王業毗贊  
太平萬變施爲無非這箇還會麼良久云一點靈光  
發照時山河石壁無遮障復云昔日僧問雲門一切  
智通無障礙時如何門云掃地潑水相公來諸人還  
會麼欲識佛性義當觀時節因緣時節若至其理自  
彰況當春光爛熳膏雨頻霑眼界無塵禪門肅靜不  
用掃地潑水相公釣旆光臨傾蓋相逢且道是何道

理若向這裏薦得古澤迦不前新彌勒不後人人育  
題卍字。各各項佩圓光不假薰修。從來具足。還會麼。  
掃地潑水。相公來人人。明鏡桂高臺。碧油幢下。呵呵。  
笑青眼何妨特地開。

檀越作炙茄齋請上堂。若據本分事中說箇什麼事。卽得便道人。人具足。正是眉上畫眉。更言箇箇圓成。何異眼中著屑。總不恁麼。又作麼生。三寸舌頭。無用處。一雙空手。不成拳。復微笑云。昔日天台山國清寺。炙茄次。寒山子拈茄串於典座背上拍一下。典座乃回頭寒山。豎起串云。你且道。費却我多少油。醬師云。當時金沙不辨玉石。難分自古至今。費油費醬。先聖莫不頭頭漏泄。處處打開。又布袋和尚或在十字街頭。三叉路口。驀去人背上拍一下。纔回頭。展手云。乞我一文錢。師云。且道寒山布袋意在於何。還會麼。寒山癡裏放。紉布袋闌中打闕。衆生業識茫茫。幾箇眼睛定動。要知祖師妙門。畢竟不離日用。乃豎起拂子云。天時炎熱。伏惟珍重。

高觀察請上堂。山僧早來也。恁麼說。諸人早來也。恁

冬□□□  
書日百

麼聞如今山僧又怎麼說諸人又怎麼開始知說無別說聞垂別聞亘古亘今恒恒如是上至諸佛祖師悟此理不曾添一絲毫下至六道四生迷此理不曾減一絲毫無添減處便是諸人本地風光脚跟下事

□□□巖問洞山甚處來山云荊南來巖云觀察使姓什麼山云不得姓巖云名什麼山云不得名巖云還理事也無山云他自有廊幕在巖云還出入也無山云不出入巖云豈不出入山拂袖出云巖來日下堂中昨日問話僧在麼洞山便出巖云某昨日錯對一轉語夜來睡臥不安請上座別一轉語巖却問還出入麼洞山別云太尊貴生巖遂喜云三十年住山今日方遇知音遂請洞山過夏師云古人怎麼說話可謂暗中有明奇特中奇特偏中有正尊貴中尊貴然雖如是若到德山臨際面前卽不恁麼有時間在答處有時答在問處有時答不在問處有時間不在答處你若擬議老僧在你脚底忽有人問山僧觀察姓什麼但向他道有耳者皆聞名什麼老僧口門窄管事也無管事出入也無出入尊貴麼尊貴爲什麼

如此莫恠渠儂多意氣他家曾踏上頭關

檀越薦小兒請上堂擊鼓三通絕是非本來無悟亦無迷山僧不是多唇吻護把空拳嚇小兒遂舉拳云還會麼這裏不會不免爲蛇畫足去也記得昔日僧問趙州初生孩子還具六識也無州云急水上打毬子僧不會馳此語問投子急水上打毬子意旨如何子云念念不停流諸人要會生死路頭麼如門開相似更無凝滯須會趙州投子之語只如保承奉向五欲波中六年之內打這一隻毬子不妨手親眼辦令人可愛忽然照顧不著打落水底且道這毬子打落向什麼處去也若覩得破彭祖不爲壽殤子不爲天太山不爲高秋毫不爲小其或未然更爲諸人添箇注脚朝日忙忙打箇毬生來念念不停流若知落處無蹤跡始會雲門六不收

檀越請上堂佛佛未嘗演說祖祖皆云密傳聖解難思口心莫測先天後地隨成壞以常存入死出生任去來而不變了知衆生本來成佛如印印空更無痕跡是以道靈臺不磨而自瑩眞源不決而自流妙花

之口難凡

全圖下文作

不植而自生玄機不撥而自轉敢問諸人作麼生說箇不撥而自轉底道理良久云玉犬吠開天際月鐵牛耕斷嶺頭雲師復云靈雲和尚參見大滙云三十年中如蚊子上鐵牛都無下嘴處一日下山見桃花忽然瞥地有頌云三十年來尋劍客幾回葉落又抽枝自從一見桃花後直至而今更不疑玄沙云諦當甚諦當敢保老兄未徹在師云且道那裏是靈雲未徹處頂門具眼底舉著便知腦後安眉者猶懷罔措還會麼三十年來信脚行一朝跳過是非坑桃花歲歲隨流水一任傍人把路爭

檀越請上堂雲籠大野迦葉攢眉雨洒長天空生下淚處處皆明實相頭頭盡露眞心無一法從外而來盡是箇中流出不見道風動心搖樹雲生性起塵不明日事昧却本來人僧問芙蓉和尚本來人還成佛也無芙蓉云你道虛空解煩惱也無僧云不解煩惱芙蓉云本來人不解成佛師云恁麼會得方知本無生滅亦無去來亦無是非亦無動靜但恁麼信去久久之間自然光明透漏圓練今日本欲移厨就家

供養大衆追悼夫人適倬風雨所隔不遂推意據出僧所見來此修崇更且殊勝者有長者名曰妙善請佛及僧歸家供養佛遂許之於是長者嚴淨廳堂掃洒道路其子問曰以何因緣嚴淨道路父云我欲請佛來家供養子曰供養瞿曇意圖何事父云汝不聞如來出世是大福田我欲於中而下種子子曰譬如世間良田人若耕種取田就種將種就田父云田不可移種子可往子曰若請世尊來就我供必須遠涉程途辛勤往返未來世中縱獲福德受福之時亦須辛苦不若令佛及衆坐受供養使我獲福亦復如是時長者如子之言詣彼供養佛讚嘆云父知供養子善分別爾時世尊即說偈言田不可往種子自來未來世中獲福如是團練來此修設正依經語使我一衆三條椽下自在展鉢開單十字街頭更不拖泥帶水因既如是果亦復然不獨使夫人承此善因人間天上坐享如意亦使團練此世他生坐享安逸坐享富貴坐進此道坐地成佛

檀越請上堂若據本分相見眨上眉毛蹉過久矣且

之口難此

如釋迦掩室已涉繁詞居士默然囊錫已露須信道恁麼也不得不恁麼也不得恁麼不恁麼總不得若向箇裏轉得過來便乃拽轉祖師鼻孔不歷古佛階梯向箇裏蓋乾坤處隨波逐浪向隨波逐浪處却能截斷衆流然雖如是且道舉一明三一句作麼生道良久云東山水上行師復云昔日西天南印土香至王生三子一名月淨多羅次曰功德多羅三名菩提達磨即二十八祖也王一日請二十七祖般若多羅齋深加敬重觀一寶珠尊者持珠問三太子此珠如何月淨多羅云此珠無價於諸寶中最爲第一功德多羅云此珠父王愛惜非尊者有道孰肯施之般若多羅復問菩提達磨此珠如何達磨云此是世珠未足爲貴於諸寶中心珠爲貴珠不自珠要假心珠而辨

口珠尊者知是法器後化出家師云諸人每日辨金玉別珠珍若無自寶將何鑑照所以道從門入者不是家珍若識家珍一生受用不盡迺至給濟孤露饒益有情皆從此寶中流出諸人要見麼諸公不是不將來山僧豈是不拈出



道友煎笋請上堂。道源不遠。性海非遙。但向已求。莫從他覓。覓亦不得。得亦不真。修是他心。不如自性。自性清淨。即是法身。無一法從外而來。盡向自己。青襟流出。不見清源。和尚問石頭。汝從什麼處來。頭云。從曹溪來。思云。汝到曹溪。得箇什麼。頭云。未到曹溪。亦不失思。云。既不失。何用更到曹溪。頭云。若不到。爭知不失。思舉起拂子。云。曹溪還有這箇麼。頭云。非但曹溪。西天亦無思。云。汝曾到西天否。頭云。若到。卽有也。思云。衆角雖多。一麟足矣。師云。此謂之青襟流出。本分相見。今日蓋居士煎笋供養大衆。憶得趙州和尚。路逢夜行婆。問向什麼處去。婆云。偷趙州笋去。州云。忽遇趙州時。如何。婆子便掌一下。趙州便歸院。雪竇道好掌。更下兩掌也。無勘處。師復云。無勘婆子處。無勘趙州處。慧林今日因齋慶讚。爲諸人點破婆子無心。偷笋惡名。已播叢林。趙州有失關防。關裏遭他毒手。然雖如是。落便宜是得便宜。

或未然。且在金峰窠裏。師復云。一切衆生。無量劫來。妄想顛倒。於無生滅中。妄見生滅。殊不知生死涅槃。猶如昨夢。如昨夢。故當知生死與涅槃。無起無滅。其所證者。無得無失。又如病人。目人見空中花。空實無花。病者妄執。記得古人道。識得衣中寶。無明醉自醒。百骸俱潰散。一物鎮長靈。遂拈拄杖云。拄杖子。不可靈也。又舉拂子云。拂子。不可靈也。諸仁者。如今百骸潰散。六根完具時。便要認得箇靈底。一物。諸人若無此物。十二時中。將什麼拈匙把箸。及動轉施爲。諸人若無此物。卽今將什麼聞法。臨際喚做無位真人。六祖呼爲本來面目。石頭名爲菴中不死人。洞山指作家中不老者。譬如大海之水。通貫百川。在江曰江水。在河曰河水。及到通宗會源處。雲霞消散時。又且喚做什麼。要知端的。問取虛空。

顧大夫爲妻懷。請上堂。般若無知。無所不知。般若無見。無所不見。無知之知。是爲真知。無見之見。是爲真見。昔僧問智門。如何是般若體。門云。蚌含明月。又問。如何是般若用。門云。兔子懷胎。師乃云。兔子懷



胎蚌含明月。乘時正在中秋節。一顆明珠轉玉盤。徹底無瑕光皎潔。

檀越請上堂。紅日三竿高枕處。黃糧一鉢飽齋時。分明千聖排肩立。不肯承當過在誰。人人是佛。衆生日用。不知各各圓成。幾箇關中。管地只爲迷已。逐物執妄。爲真。從來聞證。覺虛行多年。枉作風塵客。致使家中。至寶拋離向五蘊山頭。衣下明珠。流落在三塗路上。甘心乞丐。枉受貧窮。若能一念自回光。始見千生真面目。復拈起拂子云。會麼。良久云。不觀雲中鴈。焉知沙塞寒。復云。達磨西來單傳心印。不立文字。直指人心。見性成佛。諸人還見性也未。此性上至諸佛。下至凡夫。蠢動含靈。平等無異。譬如礦中金石。石中玉。木中火。地中水。若無善巧方便。此金玉水火。此水終不能出。又如琴瑟篳篥琵琶。雖有妙音。若無妙指。終不能發。是知指不妙。則五音不成。智不巧。則一心不現。若能於此一念回光。如夢覺人了無所得。又如磨鏡垢盡。明現一切衆生。不能直下明心。見性者。良由無始時來。顛倒妄想。障閉心光。昔有汾陽和尚。

凡見僧來。便云。莫妄想。凡有所問。皆云。莫妄想。院主云。人傳和尚佛法。只有一句。子今後休得也。自後汾陽凡見人來。只云。休得也。師云。古人不欲學者。所聞勝如所得。故言不敢。華解不敢作。直截向你道。莫妄想。休得也。諸人還休得也。未諸人每日開眼至合眼。所作所爲。無非妄想。至於睡夢之中。亦是妄想。妄想一起。顛倒萬端。開塵勞門。迷清淨界。若能識得妄想根源。直下休歇去。上無佛。求下無魔。怖中無生。懣亦無死。畏便是清淨本源。天真妙道。若不識妄想根源。輪回三界。汨沒四生。出此入彼。未有休息。山僧自來多口。今朝挾路相逢。普勸諸人。記取汾陽一段因緣。誦取慧林兩首拙偈。可以向人天路上。做得箇小歇。場願世生生常同法會。偈云。莫妄想。好參詳。不知終日爲誰忙。若知忙裏真消息。一朵蓮花生沸湯。休得也。便好休。百年浮幻水中漚。自家屋裏天真佛。切忌區區向外求。

檀越請上堂。師云。祖師心印。沒多般。悟得無勞。指一彈。剔起眉毛。如不薦。春風依舊著人寒。若論此事。譬

如三春時雨。高下普霑。萬紫千紅。悉皆蒙潤。葡萄得之酸。甘草得之甜。黃連得之苦。生薑得之辣。非雨有酸。甜苦辣之味。皆是根氣所受不同故也。般若之法。亦復如是。如來一音演說法。衆生隨類各得解。或得之爲諸佛。或得之爲菩薩。或得之爲聲聞。或得之爲緣覺。或得之爲凡夫。其實皆一法。也不見讓和尙爲馬大師曰。汝學心地。猶如下種。我說法要。譬若春澤。因緣會遇。當得見道。然雖如是。且道無陰陽田地。上生得箇甚麼。良久云。炳若丹青。明似日箇中。誰敢錯商量。師復云。適來智海禪師勸相公道。須是捉獲六賊。方可一心安穩。誠哉是言。試問諸人。還識者六箇賊麼。若識不破。終日被他劫掠家寶。損耗法財。且道這六箇賊如何可捉。須是執智慧刀。被堅固鎧。張勇猛弓。駕精進箭。向五蘊山下。生死岸頭。法鼓一鳴。便見草賊大敗。恁麼捉賊。猶費力在。慧林道。一群六箇賊。生生欺殺人。我今識汝。也不共你相親。你若不服我。我則到處說教人。盡識汝。遣汝行路。絕你若背服我。我則不分別共你一處住。同證無生滅。恁麼明得。

方知魔卽佛也。佛卽魔也。魔佛不二。生死界空。記得于頔相公參見紫玉和尚。便問如何。是佛玉召相公。公應喏玉云。更莫別求。後藥山知得云。大小于頔相公。噫。可惜。生埋紫玉山下。相公聞得。乃往見藥山。公便問如何。是佛藥山召相云。公應喏山云。是什麼相公。大悟師復云。藥山紫玉。雖則慈悲之故。翻成落草之談。流布叢林。未免挂人唇齒。忽若相公。今日問慧林如何。是佛山僧只向他道。忠孝一心。清似水。功名千古重如山。碧幢紅旆。照春色。贏得高堂白晝閑。莘王生日請陞座。師云。佛身無相。染淨皆空。妙體湛然。悟迷俱妄。蓋爲慈悲之故。從大悲願力。示現受生。直得一手指天。一手指地。周行七步。目顧四方。大用現前。作獅子吼。便道我降生時。見百億微塵刹土衆生。同時降生。我成道時。見百億微塵刹土衆生。同時成道。或現帝釋身。或現大自在天身。或現長者身。或現居士身。或現小王身。所謂處處真。處處真。塵塵盡是本來人。雖然如是。正當今日。節角一句。作麼生道。良久云。天上碧桃和露種。日邊紅杏倚雲栽。師復云。

記得昔日趙州在方丈坐侍者報大王來趙州下禪床叉手云大王萬福侍者云未至方且來報州云又道來也師云看他古人見地明白受用處不妨省力學者龜心多是對面蹉過諸人若向這裏會得華國大王不離府地常見慧林慧林不下禪床常與大王相見所以道定光金地遙招手智者江陵暗點頭其或未然山僧拙頑用祝大王之壽洞中春色四時好雲外峯巒一搯高用祝賢王龜鶴筭年年洗眼看蟠桃以拂子擊禪床下座

閉爐陞座師云纔見開爐又閉爐寒來暑往只須更庭前殘雪方消盡嶺上春雲已卷舒滿目更無心外法幾人曾悟譬中珠祖師莫不叮嚀語自是時人見處處祖師之道誰證方知苟非其人翻成戲論所以佛法以無心爲宗無門爲法門無門之門直須得入無心之心要在妙悟是故花紅柳綠無非清淨法身鼓響鐘鳴盡是廣長舌相堂堂門戶進步者稀歷歷音聲善聽者少祖不云乎應耳時若幽谷大小音聲無不足十方鍾鼓一時鳴靈光韻韻常相續師以拂

今曰語

今曰語

今曰語  
上字

今曰語  
手字

子擊禪床云還聞麼圓通問大啓何事隔雲泥

檀越請陞座師云壁立萬仞脚跟下踏轉生死輪坐斷千差頂門上拶出金剛眼明知皎日快似吹毛離見絕聞當陽顯赫然雖如是更須知有衲僧殺活拄杖子始得作麼生是衲僧殺活拄杖子煩惱海中用這拄杖子□舟爲楫嶮惡道中用這拄杖子爲燭爲燈三世諸佛若無此拄杖子將什麼度生六代祖師若無此拄杖子將什麼傳法天下老和尚若無此拄杖子將什麼驗人諸人若無此拄杖子將什麼上來下去寺叟若無此拄杖子將什麼致君澤民奉親行孝既各各有這拄杖子因什麼問著時拈不出只爲拋離日久埋沒時長不肯承當自家諱却不見道拈來放去無遮障擊著千門萬戶開

上堂歸根得旨百草頭薦取老僧隨照失宗三根椽下照顧鼻孔昔日僧問趙州和尚萬法歸一一歸何處州云我在青州作一領布衫重七斤有般底闍人恁麼舉便道趙州問東答西不存窠臼且是辜負手也且道趙州旨趣在什麼處良久云水因有月方知

淨天爲無雲始見高

上堂舉僧問弘覺禪師。僧家畢竟如何。覺云。居山好。僧便作禮。覺云。你作麼。生會。僧云。出家人於善惡逆順生死境界如山。之不動。覺便打云。辜負先聖。喪我兒孫。覺復問。傍僧云。你作麼。生會。僧云。眼不見。玄黃之色。耳不聞。絲竹之聲。覺又打云。辜負先聖。喪我兒孫。師云。道人行處。如火消冰。鳥道玄途。轉身有路。這僧若是箇漢。纔見他道。作作麼。生會。但云和尚刀耕學人火種。和尚煎茶。學人掃地。若下這一轉語。直饒弘覺老子。門深似海。道重如山。聲色形容。不可干犯。也須教滿面是笑。

上堂舉睦州示衆。未得箇入頭處。須得箇入頭處。既得箇入頭處。不得辜負老僧。有僧出禮拜云。某甲終不敢辜負和尚。州云。早是辜負了也。師云。那裏是這僧辜負處。或云。這僧不合出來禮拜。只如不出禮拜。還是辜負耶。不是辜負耶。直饒不出。也是辜負古人。如何得不辜負去。到這裏。須是箇人始得。只管向談情上下。度言句中。計較無有。是處還知睦州怎麼道。

已是辜負衆人了也。諸人檢點得出麼。老婆臨死三回別眼裏。無筋一世貧。

上堂舉僧參趙州。適值趙州以衲衣蓋頭而坐。僧便退州云。闍梨莫道老僧不祇對。又僧問法眼。請和尚廣開方便。與學人入路。眼遂拍手一下。師云。諸人要會二尊宿意麼。譬如淨掃洒一條路。送人到家。只是人不肯移脚。忽然移脚時。如何慈受。叟與你提瓶挈鉢。

王述古淑人請上堂。佛佛授手。惟此一機。祖祖相傳。只明這箇。這箇若透得。輪迴息。這箇不透。則生死因。所以道。不省這箇。意修行。徒苦辛。若向這裏。千眼頓開。一時照破。行也是這箇。坐也是這箇。一嘆一喜。動靜施爲。不出這箇道理。如黃金之黃。碧天之碧。更無毫髮異相。然雖如是。却須知有向上一路。始得如何。是向上一路。丈夫自有衝天志。莫向如來行處行。師復云。舍利弗。入城逢月上女。出城舍利弗。問向什麼處去。月上女云。如舍利弗。怎麼去。舍利弗云。我方入城。汝已出城。如何說得。箇舍利弗。怎麼去。女曰。如來

全口圖取

弟子當依何住舍利弗云當依涅槃住女云如來弟子當依大涅槃住我如舍利弗恁麼去師云他家雖是箇女人宛有丈夫之作然雖如是彼此未有衲僧鼻孔在敢問諸人那裏是未有衲僧鼻孔處請問□圓悟禪師

寶公在塔上現相府官請陞座師云毗盧寶印處處全彰金剛眼睛頭頭漏泄無一人而不具足無一法而不圓成百匝千重透頂透底所以道淨妙法身本無出沒大悲願力示現世間或現宰官身或現比丘身或於一目中流出八萬四千清淨寶眼或於一臂中分出八萬四千母陀羅臂或於一面中化出十二面殊勝之相尋聲救苦慈眼視人如谷答響似鏡現相解群生倒懸之急扶世間累卵之危時時曲盡老婆心處處要明這一著正當恁麼時一句作麼生道獨龍峯頂無根草散作閻浮大地春

佛圓寂日上堂云大覺世尊二千年前二月十五日入般涅槃今之弟子每至斯辰而生悲仰敢問諸人且道果曾入滅耶不曾入滅耶若定當得方明佛法

旨趣若定當不得任是波旬也皺眉記得唐順宗皇帝問西京如滿禪師佛從何方來滅向何方去既言長在世只今在何處滿云佛從無爲來滅向無爲去法身等虛空長在無心處師云好諸人者龍牙云君今欲得易成佛無念之心不較多然雖如是因甚僧問洞山如何是佛山云麻三斤僧問首山如何是佛首山云新婦騎驢阿家牽到者裏如何和會如何商量聽取蔣山注脚妙中妙立中立須信壺中別有天鐵樹花開春氣早曉來風雨滿山川

眞如上座設水陸薦金山僧行上堂舉林楊和尚有頌曰來年二月二十四大相拋棄白骨散長江免占檀那地至遷化日陞座有僧問雲愁霧慘大眾嗚呼乞賜一言楊垂下一足進云恁麼則法鏡不臨於此土寶月又照於何方楊云非公境界進云遍生遍滅還歸水師去師來本是常楊喝云臨行之際更莫切切収足便化師云且道古人具箇什麼道理去住自如若道有箇道理眼裏生花若道無箇道理花生眼裏畢竟如何師拍膝一下云家貧未是貧路貧愁殺人



前日賊至金山慘酷如此誠不忍聞顯忠敏和尚并堂中衆僧例遭毒手肝腦塗地流血滿山是何因緣際會于此今日真如上座特襲衣盂作齋追悼願諸上善人悟生死之本空了冤親之平等昔日神觀禪師因下山赴齋路逢惡賊賊欲剗刀觀云我不畏死昨日輒許一檀越齋不忍爽信容我回來受汝之殺賊然之既回就賊殺之賊既去觀遂將所斬之頭却安頂上徐徐而歸鳴鼓陞堂云汝等諸人還聞無頭人說法麼良久頭落衆人方知被賊所害師云且道是何三昧既被他一刀兩段了也不知拈起頭向須上者是誰說法者是誰若也知得方知生死去處不唯自知生死去處亦乃知神觀禪師去處不唯知神觀禪師去處亦迺知金山諸兄弟去處且道許多禪和子向什麼處去也莫是行紅由在把梢人麼莫是聚沫任風吹麼莫是恰似斬春風麼總不是這箇道理慈受老僧與你下一轉語正似五百羅漢過海各騎神通神通大者騎龍跨鳳自在逍遙神通小者便乃浮杯泛海速登彼岸無神通者未免拖泥帶水一

場狼籍伏惟珍重

慈受深和尚廣錄卷第三

慈受深和尚廣錄卷第四

頌古下

侍者 普紹 錄

舉阿難問迦葉世尊傳金襴外別傳何物迦葉召阿難阿難應諾迦葉云倒却門前刹竿著

頭陀飲光多聞慶喜合掌擎拳難兄難弟一朝狹路兩相逢裂轉雙睛無處避便向門前倒刹竿丈夫自有衝天志

百丈每至陞堂常有一老人隨衆聽法一日參退老人不去丈乃問立者何人老人云某甲非人於過去生中迦葉佛時曾住此山有僧問大修行人還落因果也無某甲對云不落因果墮野狐中經五百生今請和尚代一轉語丈云你問來老人云大修行底人還落因果也無丈云不昧因果老人



言下大悟

不落與不昧。前後百丈。語毫髮若參差。鐵山橫在路。豈不見藍田。當年人射虎。初時一箭沒。其羽子細看。來元是石。再欲射時。射不入。幾乎誤殺李將軍。千古令人空歎息。

◆年下屬底來字

天衣懷和尚。赴池州杉山。請初入院。上堂云。二十一年。樂慕此山。今日且喜因緣。際會山僧。未到。此山身先到。此山及乎到來。杉山却在山僧身內。

移身換步。老天衣。不惜眉毛。幾箇知今日。若明當日事。江南日暖。鷓鴣啼。

雲門云。衲僧家。須有巴鼻。方識得天下人。如何是衲僧巴鼻。代云。德山。

雲門舌上有龍泉。愛把金針黑處穿。要會衲僧巴鼻。子一條紅線。兩人牽。

昔有一婆。將銀一百兩。請趙州和尚看經。一藏。趙州接得。施利。遂下禪床。繞一匝。云。傳語婆婆。已爲看經了。婆聞云。比來請看一藏。爲什麼祇看半藏。走下禪床。行一轉。看了如來五千卷。婆子年高眼尙

心死難死

明夜深月下穿針線

梁武帝請傳大士講經。大士纔登高座。揮按一下。便下座。帝愕然。志公問。陛下還會麼。帝云。不會。志公云。大士講經竟。

大士講經竟。揮案成注脚。一丸瘰癧。衆病不假驢驘藥。趙州問僧。曾到此間否。僧云。曾到。州云。喫茶去。又問僧。曾到此間否。僧云。不曾到。州云。喫茶去。院主問和尚。曾到也是喫茶去。不曾到也是喫茶去。意作麼生。州喚院主。主應諾。州云。喫茶去。曾到喫茶去。未到喫茶去。趙州老禪和。口刮心裏苦。心裏苦。直至如今無雪處。

張拙秀才。因看千佛名經。問長沙岑和尚。百千諸佛。祇聞其名。未審居何國。土岑云。黃鶴樓。崔皓題。後秀才還。曾題麼。拙云。不曾題。本云。無事也好。題取一篇。

海水有時終見底。人生到死不知心。秀才若會翻身句。管取白衣入翰林。裴相出鎮死陵遊。開元寺見壁上繪高僧像。遂問

僧職云高僧儀相可觀。未審高僧在甚麼處。于時僧職莫知所措。公云此間有禪僧麼。僧職云近有一僧。捨身掃地。身披百衲。恐是及乎。請得來。乃黃蘗。斷際。運禪師也。裴相乃舉前話問黃蘗。蘗乃召相公公。應喏。蘗云是甚麼相公。豁然大悟。鄧城寶劒沉埋久。一道寒光射斗牛。不是張華辨端的。只應千古枉淹苗。

潞山一日坐次。仰山從外入來。潞山以兩手握拳。相交示之。仰山便作女人拜。潞山云如是如是。佳人十八正嬌癡。一曲堂前舞柘枝。祇祇有五郎知雅態。更無人道柳如眉。

雪峰云三世諸佛向火鉢上轉大法輪。雲門云火鉢爲三世諸佛說法。三世諸佛立地聽。

阿誰踏著雪峰蹤。三世諸佛火鉢中。賴有雲門相暖。熱火屋吹得滿堂紅。

疎山和尚手握木蛇。有僧問手中是什麼。疎山提起云曹家女。

別面不如花有笑。離情難似竹無心。因人說著曹家

女。引得相思病轉深。

龐婆入鹿門寺作齋。維那請疏意回向。龐婆拈梳子。挿向髻後。曰回向了也。便出去。

龐婆移轉髻邊梳。一段風流學世無。萬事但將公道斷。維那不用筆頭書。

靈山□□□□□□□□入定。佛勅文殊□□

□□□□□□彈指一下。女子□□□□□□

□□□□□□王梵天撲下來□□□□□□

□□一人文殊出此□□□□□□□□億

文殊亦出不□□□□□□□□能出此定。語未

竟□□□□□□□□出定。網明繞女子□□

□□□□□□□□□□云文殊是七佛之

師。爲什麼出女子定。不得網明爲什麼却出得。

長江艍底浪如銀。秋日白蘋紅蓼新。莫恁扁舟難到

岸。行紅由在把梢人。

百丈再參馬祖。祖舉拂子。丈云卽此用離。此用祖

掛拂子於舊處。□□□□祖云你已後開兩片皮

將何爲人丈。取拂子堅起。祖云卽此用離。此用丈

掛拂子於舊處□□黃蘗云我當時被馬祖一喝直得三日聖聖

父子相逢臭味同龍泉寶劍再磨礪要明馬祖當年喝大地山河盡耳聾

疎山和尚問僧什麼處來僧云嶺南來山云曾到雪峰麼僧云曾到山云我已前到時是事不足如今作麼生僧云如今足云粥足飯足僧無語雲門代云粥足

一條官路坦然平無限遊人取次行莫謂地平無險處須知平地有深坑

僧問雲門和尚達磨面壁意旨如何師曰念七又僧問南泉達磨面壁意旨如何泉云天寒無被蓋一人會上竿一人會穿井伎倆雖不同總是一般病若人識得這般病衲僧鼻孔都穿盡

夾山初住潤州京口鶴林寺道吾到遇上堂僧問如何是法身夾山云法身無相僧云如何是法眼夾山云法眼無瑕道吾不覺失笑夾山下座請道吾問云適來祇對這僧話必有不是處望上座慈

悲指示道吾云某甲終不說請往秀州華亭見缸子和尚缸子纔見夾山便問大德住在甚寺夾山云寺則不住住則不似缸子云汝道不似不似箇甚麼夾山云不是目前法缸子云甚處學得來夾山云非耳目之所到缸子云一句合頭語萬劫繫驢橛垂絲千尺意在深潭離釣三寸子何不道夾山擬開口缸子便打落水纔擬出缸子又云道道夾山擬開口缸子又打夾山豁然大悟乃點頭三下缸子云竿頭絲線從君弄不犯清波意自殊夾山云拋綸擲釣師意如何缸子云絲懸深水浮定有無之意速道速道夾山云語帶玄而無路舌頭談而不談缸子云釣盡江波金鱗始遇夾山乃擒耳缸子云如是如是

法身無相法眼無瑕因風吹火借水獻花絲毫立萬別千差但看來年三二月啣泥鷺子入人家鏡清問僧門外什麼聲僧云簷頭雨滴聲清云衆生顛倒迷已逐物

簷頭雨滴堦前地濕法法現成人信不刃更問如何

長江水急

僧問洞山。如何是佛山。云。麻三斤。

洞山麻三斤。斤兩不謾人。語稀難問事。自古易傳神。

雲門。一日般柴。次見僧。抛下一片柴。云。一大藏教。

祇說這箇玄沙。云。一大藏教。不說這箇。

處處綠楊堪繫馬。家家門道透長安。一條大路平如

掌。自是時人措足難。

僧問婆子。臺山路向甚麼處去。婆云。驀直去。僧纔

行。婆云。好箇阿師。又恁麼去。前後凡問。皆如此答。

僧舉似趙州。州云。待我爲你勘破。這老婆遂往問

臺山路向甚麼處去。婆云。驀直去。州纔行。婆云。好箇

阿師。又恁麼去。州回舉似大眾。云。我爲你勘破。這

老婆了也。老宿拈云。什麼處是勘破處。

驀直去。驀直去。草鞋跟斷人無數。唱歌須是帝鄉人。

一箇拍兮一箇舞。舞得徹。勿多般。趙州婆子特用瞞。

今古五臺山下路。長松短檜聳雲端。

馬祖與百丈。西堂南泉。既月次。馬祖問百丈。正當

恁麼時。如何丈對云。正好供養。又問西堂。正好修

行。南泉拂袖便行。馬祖云。經入藏。禪歸海。唯有普願獨超物外。

馬祖捧出菱花鏡。王老親拈白玉髓。一擊當陽令瓦

碎。此心能有幾人知。幾人知。兩箇分明是赤眉。風前

月下揚家醜。笑倒靈山老古錫。

趙州訪一庵主。便云。有麼。庵主豎起拳頭。趙州

云。水淺不是泊。缸處便出。又訪一庵主。亦云。有麼。

有麼。庵主又豎起拳頭。州云。能縱能奪。能殺能活。

禮拜而去。

上庵豎起拳頭。趙州左眼半斤。下庵豎起拳頭。趙州

右眼八兩。君看陝府鐵牛。何似嘉州大像。若謂總沒

諸訛。露柱燈籠合掌。

僧問雲門和尚。如何是超佛越祖之談。雲門云。餬

餅。

雲門一枚餬餅。天下衲僧咬嚼。若非鐵作牙關。往往

完圓吞却。吞時易吐時難。莫道從來麵一般。踏看韶

陽關。捩子方能平地起波瀾。

趙州一日在方丈內。問沙彌唱參。向侍者云。教伊

趙州門戶都無闕鎖。侍者廳心當頭。蹉過靈利沙彌。  
珍重便行。師云。這裏下一轉語。有麼。良久。無人應。師  
云。夜深歸堂向火。

必口謹啟

僧問趙州如何是祖師西來意。州云庭前栢樹子。  
趙州庭前栢何似門外柳。大盡三十日。小盡二十九。  
更問事如何。合却口生口。

冬□疑處○  
□疑集

僧問雲門。如何是透法身句。門云。北斗裏藏身。北斗藏身。擬議卽差。訛鑽天新。鷄子不戀舊時。

疑草

必[疑]

雲門有時云。燈籠是你自己。把鉢盂噇飯。不是你  
自己有。僧問。飯是自己。時如何。門云。這野狐精。三  
家村裏漢。門却云。來來。是你道。飯是自己。僧云。  
是門云。驢年夢。二三家村裏漢。

終朝啗飯費工夫。不識橙籠是鉢盂。多少三家村裏漢。忙忙樹上捉魴魚。

僧問讓和尚。如鏡鑄像。像成後。光歸何處。讓云。如大德未出家時。相狀向什麼處去。僧成後。爲什麼。

必□□等疑  
不鑑照護他  
不得

髑髏裏眼見猶在枯木中。龍聲更狂打破虛空光境。  
盡箇中別有好商量。

師拈香云。憶昔去年春。正當此時節。雙拳打破太虛空。無限家風。渾漏泄。人中獅子喪全成。月裏麒麟。角折鬪角折。金剛正眼難磨滅。千古令人誦不休。吹散紅爐一點雲。

之聲

師復召大眾云。莫恠家未破。破家人未大。一母生兒。幾百般。誰知淨。照禪師家業。到資福掃土而盡。然雖如是。開口喫飯。舉手穿衣。門裏出身。未是好手。平地。上建立生涯。虛空裏捏成活計。身裏出門。始是丈夫。恁麼說話。孰是知音。子細推勸。將來大似外揚家醜。取笑於人。衆中莫有東家。人死西家。助哀底麼。若無。山僧不免自哭去也。師以手掩面哭云。蒼天蒼天。忌辰拈香一言。道合水乳。和同三處相從。師資契會。他家拳拳。拳拳處。資福盡知。資福跛跛。拳拳處。他。家總見。有時千尋海底。把手共行。有時百尺竿頭。翻身直下。觀得見他底。誠謂沒齒難忘。觀不見他底。至今。



猶懷憤氣。山僧懷抱。自分明心。無負人處。所以每至忌辰。不免爲他設箇供子燒一炷香。雖然世諦未忘。且要大家鈍置。遂顧示大眾云。燒香設供。諸人共知。且道心不負人底。句作麼生道。良久云。一回飲水。一回噎。本自無情。似有情。欲會箇中端的。意本雞啼。作兩般聲。

忌辰拈香。箇事相承八百年。實無一法與人傳。今朝欲報無傳底。聊蘸金鑪一炷煙。復云。便恁麼燒。却意亦未明。記得洞山和尚。一日爲雲巖晟禪師作齋。有僧問和尚當時在雲巖。得何指示。山云。我雖在彼。不蒙他指示。僧云。既不蒙他指示。因何却爲他作齋。山云。爭敢違背他。僧云。和尚昔年發足在南泉。何故却承嗣雲巖。山云。我不重先師道德佛法。只重他不爲我說破。僧云。未審肯他不肯他。山云。半肯半不肯。僧云。何不全肯。山云。我若全肯。則辜負先師。師云。洞山老子大似事不前。思徒勞後。悔鼻孔既落他人手。說什麼半肯與全肯。說破不說破。大丈夫直須一刀兩段。恩酬分明。然雖如是。也有一句子。今日對這老。

心口難說  
十羅子

道破良久云。誰知老。千年腹間有明珠。徑十圓。

登雲從禪師入龕

師以手拍龕云。大眾古佛也。恁麼去。今佛也。恁麼去。登雲禪師也。恁麼去。何物不敗壞。是誰長堅固。諸人還知登雲去處也。無若知得焦山一衆與登雲同入涅槃。其或未然。有眼石人。齊下淚。無言童子。暗嗟嘯。

登雲從禪師下火

師舉起火把云。還知這老子平生行履處。麼。慧日峯前。露出千生面目。石公山下。曾橫一葉慈航。調古神清。風自高。自賴骨剛。人不顧。昔年拂袖五湖。風月與誰爭。今日重來自是不歸歸。便得方喜。收拾罷釣。高臥西庵。豈期葉落。歸根藏身。北斗。恁麼。恁麼。即是不恁麼。不恁麼。即難鐵牛倒跨。上須彌玉笛。橫吹。喧碧落。這般伎倆。作者方知。剔起眉毛。請高著眼。今日爲登雲老子說。箇光前絕後。底末後。句。遂將火把。還龕行。一匝云。恁麼若喚作火。又似髑髏前見鬼。若不喚作火。又是露柱後瞞人。且道畢竟如何。師微笑云。誰人知此意。令我憶登雲。



因勝澄禪師下火

這老子斗時枯槁不近人情。四海獨孤標。一身無伴。侶雖則兩提祖印。實無一法與人。閨門端坐。冷嗽。嗽。夜靜獨爲鬼神說。任你傍人惡發。我心終未和。同。時開眼對青山。自笑滿頭生白髮。不知他者將爲與。時寡合。知他者。唯有焦山不能更結世間緣。一。等要行那畔路。且道如何是那畔路。良久云。推倒巖前無影樹。要須火裏解驪身。

諸禪人下火

初秋夏末時。禪僧多欲去。不搭陳梢。紅便行泗州路。橫擔拄杖。氣如雲。萬水千山都不顧。昨日通川方上入。隨例茫茫把不住。把不住爲君說箇臨歧句。枯木巖前差路多。別起眉毛著眼觀。

一身恍若風中燭。百歲端如水。上漚未到。禪僧平穩處。臨行那得不生愁。欲得不生愁麼。閑時做却忙時事。

看看雲凝大野雪。積長郊。時人迷尋徑之蹤。這僧有衝霄之路。休說普賢境界。須知一色無差。諸人還知。

今口禪說  
口上

這僧與普賢菩薩向銀色世界裏縱橫自在麼。此時若不尋蹤跡。便向峨嵋也不逢。

浮生岸樹井藤。畢竟終歸敗壞。這僧據起便行。也是平生慶快。著上沒底芒鞋。拋下這箇皮袋。且道。律上人拋下這箇皮袋了。向什麼處去。貧來始覺錢堪使。醒後方知酒悞人。

茶。壇。火。猶在延壽堂中人。又終方言。身。渾。同。一。夢。中。是。知。三。世。諸。佛。亦。是。夢。六。代。祖。師。亦。是。夢。這。僧。做。夢。了。也。敢。問。諸。人。且。道。夢。見。箇。什。麼。良。久。云。三。十。四。年。如。轉。掌。錢。塘。歸。夢。此。時。休。水。無。變。地。水。分。邊。百。物。不。堅。一。靈。何。往。若。謂。本。無。生。死。也。是。座。主。家。風。更。言。不。屬。去。來。未。是。禪。僧。境。界。畢。竟。作。麼。生。商。量。良。久。云。不。許。夜。行。投。明。須。到。此。一。段。事。自。古。及。今。何。人。能。免。若。也。未。曾。踏。著。祖。師。設。使。辭。如。旺。露。辯。若。傾。珠。鼻。孔。透。天。氣。衝。牛。斗。到。如。斯。無。你。走。透。處。爲。什。麼。如。此。多。虛。不。如。少。實。

行者下火

汝幼入空門。年二十五。鬚髮尙未除。幻身今日去。  
脫下布直裰。休閒溫州路。大眾且道。既不問溫州路。  
向什麼處去。有佛處不得住。無佛處急走過。

### 田六娘子下火

師拈起火把云。還見麼。浮生三十二春秋。方始修行。  
肯轉頭底事。又隨雲雨去。煙波江上使人愁。休休休。  
不用愁。聚散還同水上漚。直饒壽得三十歲。不免輪。  
他這一籌。田六娘子十一月三十日輪。他這一籌了。  
也還有人相救得麼。借你光明一炬火。照破從前五。  
障身。

### 丁忠訓妻與女同下火

二十餘年寄此間。蓋蕪塵土翳朱顏。今朝子母應相。  
賀。且喜春來返故關。復召大眾云。白骨兩函紅燄一。  
炬。將化爲灰作麼生說。箇返故關底道理。良久云。野。  
火燒不盡春風吹又生。

### 魏先生下火

嗚呼魏大和。爲人性純厚。雖居陋巷中。簞瓢甘自守。  
聚學訓童蒙。束脩粗糊口。歲晚悟吾宗。悟世非長久。

臨行囑妻子。叮嚀誠諸後。不學老莊周。說葬成虛謬。  
不學襄陽翁。與女爭先後。先生之意。不如斯欲。効禪。  
家破諸有四衆雲。臻柴薪已就。雖然父子至親。到此。  
如何可救。不須救。生前已付山僧手。一枝紅燄。贈君。  
行看取。神龜火裏走。

### 周秘校下火

大眾漚生漚滅。蓋是尋常石火電光。豈能長久。奈緣。  
芝蘭未產。忽爾玉樹沉輝。縱饒百千才俊。無量聰明。  
到這裏一點。也使不著。卽今還有爲他著力底麼。一。  
枝丹桂。煙霄後決戰文章。到此休。

### 登雲從禪師掩土

師以手握土云。此是登雲禪師。因結果處。復顧示。  
云。莫問青囊與紫囊。箇中風水十分強。青龍東去雲。  
頭轉。白虎西來山脚長。江月松風皆舊物。綠苔芳草。  
盡吾鄉。瓊瑤殿上無知識。木馬泥牛暗斷腸。不問湘。  
南潭北。休論坎短離長。卽今要見箇無縫罅。底麼。良。  
久云。白骨已埋三尺土。青林空遶萬重山。

### 長靈卓禪師掩土

以手握土云這老子平生苦造惡嫌黃髮老婆心末後風流唱箇雲門謗月曲直得全身放下披毛戴角總無妨擺手便行金鎖玄關留不住莫問借胎得妙且看轉位翻身嘶風木馬杳無蹤入海泥牛消息盡嗚呼長靈禪師一提祖印三坐道場行解相應語意俱到虛空面目不許商量生鐵脊梁一生打硬今則煙消火滅雲散月圓護留白骨瘞荒郊誰會長靈元不死諸人者且道如何說得箇不死底道理若也明得不妨好箇因緣其或未然不免土上加泥去也還見麼野鳥閑花無淚落長松短檜有悲風

諸禪人散灰

言公心地最精專曾學焦山一味禪今日滿盆盛白骨翻身重上謝郎缸言大師記得舊時事麼側耳聽云舊時入室貧道曾問他清虛之理畢竟無身你這皮袋子自何而得離則當時無語如今正好參詳一切衆生只被箇皮袋子礙却所以道不得言大師前日以打併這皮袋子了也諸人如今還道得麼若也道得言公大師今日切不浪施其或未然托起灰云

不入驚人浪難逢稱意魚

俗壽五十有三出家一十八夏平生行脚游方多在鹽城興化最好不曾參禪免見鑽龜打瓦今朝子細看來也好一場詰霸才公才公莫要怕焦山布施你一轉古人話淨裸裸赤洒洒南北東西沒可把忽然撞著閻羅王拈起拂子蘸口打

迢迢萬里別西川要學諸方五味禪昨日焦山山下死劒門關上月重圓既是焦山山下死因什麼却向劒門關上月重圓究竟光明終一體任他寒影落千江

衲僧纔遇丙丁村便作霜花骨一盆火後始知梁不壞驪身跳出是非門法殿上座今日被他跳過了也如今水步頭相別諸人將什麼送他遂敲盆云嚴兄嚴兄善爲道路從今換骨洗腸更莫和泥合土熟處放教生生處不要住揚子江頭浪拍天莫教濕却娘生袴

宣州隆上人叢林遊歷徧一入焦山門便下延壽院終朝何轆轤喫藥都無驗火後一莖茆衆人皆總見

隆上座。你還見這一莖茆麼。師遂作聽勢。云見麼。你  
既見。還得自由麼。又作聽勢。云更望和尚慈悲指示。  
你既得自由。更指示什麼禪和子。不知將謂焦山長  
老。水步頭青。天白日鬼語。遂拈起骨盆。云火後既能  
燒不壞。更須入水見長人。

慈受深和尚廣錄卷第四終

[illegible]

*Journal of Management Education* 36(7) 809-824

$$x = \frac{1}{2} \left( \frac{1}{2} + \frac{1}{2} \right) = \frac{1}{2} \quad \text{and} \quad y = \frac{1}{2} \left( \frac{1}{2} + \frac{1}{2} \right) = \frac{1}{2} \quad \text{and} \quad z = \frac{1}{2} \left( \frac{1}{2} + \frac{1}{2} \right) = \frac{1}{2} \quad \text{and} \quad w = \frac{1}{2} \left( \frac{1}{2} + \frac{1}{2} \right) = \frac{1}{2}$$



$\frac{1}{2} \left( \frac{1}{2} \right) = \frac{1}{4}$

# 圓悟佛果禪師語錄

宋


虎丘紹隆

等撰編









圓悟佛果禪師語錄序

龍圖閣直學士左朝奉大夫知處州軍州

事兼管内勸農使耿延禧撰

佛以一音而演說法故一切法同此一音三世諸佛此一音六代祖師此一音天下老和尚此一音吾有正法眼藏分付摩訶迦葉乃此一音正法眼藏向這瞎驢邊滅却亦此一音以至風動林響泉鳴谷應亦此音雷霆霹靂雨雹交橫亦此音人語市聲鶉鳩蛇蟄倉庚寒蟬亦此音麻三斤庭前栢樹子得隨得皮老兄未徹拄杖子踉跳上三十三天觀音胡餅却是

支那

圓悟佛果禪師語錄序

一

饅頭無非此音以至一切語言銅鑼盛油銀碗盛雪鷓鴣啼華珊瑚撐月不落不昧通身徧身將心與汝安吸盡西江水亦無非此音不作此音會而作語言警訛妄生分別無有是處管楊岐以此音簧鼓天下至圓悟大禪師此音益震師因頻呼小玉之音與檀郎認得之音然後大唱此音不數德山歌壓倒雲門曲凡樓子我若無心之音及盤山紅輪西去之音皆當立下風盡是老凍膿所以於建炎中與天子前奏此一音四海寂默而無敢鳴雲居安樂堂上擅此一音衆人憎嫉而無敢和且道此老子乘誰恩力得恁

歷奇特管子窮於陳蔡之間左據槁木右擊槁枝而歌焱氏之風有其具而無其數有其聲而無宮角木聲與人聲犁然有當於人之心乃曰今之歌者其誰乎是亦此音而世未之知也圓悟老師其知之矣予蚤事佛鑑晚見老師叩此一音更無別調學徒若平亦唱師家曲者集師語要將以刊行求為序篇以冠卷首若知此音則圓悟老師功不浪施若不知此音而以語言文字求會解者是人行邪道不能見老師云紹興三年十二月二十日序

文部  
後漢書

圓悟佛果禪師語錄序

二

圓悟禪師克勤嘗被遇今上皇帝對揚正法眼藏其道盛行僧若平鳩工聚材欲以師法語傳諸天下以待後學託嚴州天寧老元弼丐予為叙吁此果師之本旨哉予聞師常偃處一室坐斷語言轉無上法輪不容擬議揚眉開口立便喪身纔涉廉纖老拳隨起每舉到不與萬法為侶公案已是拖泥帶水落第二義今乃欲哀集其平管咳嗽之音鋪陳而揄揚之師其聞而有不釋然者乎雖然師之不得已而有言我知之矣譬彼時雨隨物濟潤遐陬僻處枯根蠹芽若大若小各各霑足而太虛空本自無相亦無有作觀

覽于斯者宜得之言意之表此集之行在在處處當有神物護持云紹興四年二月日檢校少保定國軍節度使知樞密院事南陽郡開國侯張浚序

文部  
後漢書

圓悟佛果禪師語錄目錄

三

圓悟佛果禪師語錄目錄

卷第一

上堂一

卷第二

上堂二

卷第三

上堂三

卷第四

上堂四

卷第五

上堂五

卷第六

上堂六

卷第七

上堂七

卷第八

上堂八

小叅一

卷第九

小叅二

文脈  
撰述

圓悟佛果禪師語錄目錄

四

卷第十

小叅三

卷第十一

小叅四

卷第十二

小叅五

卷第十三

小叅六

普說

卷第十四

法語上

卷第十五

法語中

卷第十六

法語下

書

拈古上

卷第十七

拈古中

卷第十八

文脈  
撰述

圓悟佛果禪師語錄目錄

五

拈古下

頌古上

卷第十九

頌古下

卷第二十

偈頌

真讚

禪著

佛事

圓悟佛果禪師語錄目錄

終

圓悟佛果禪師語錄卷第一

宋平江府虎丘山門人紹隆等編

上堂一

住成都府崇寧萬壽禪寺師在昭覺初受六祖請拈帖示衆云幸自無事須要箇護身符子作麼然禍不入慎家之門且作麼生斷這公案會麼兵隨印轉請維那剖露

舉法衣云古人事不獲已掛弊垢衣如今推免不下入這羣隊去也大庾嶺頭藏不得如今也要大家知指法座云盡十方都是箇寶華王座長在裏許又何

丈師

圓悟佛果禪師語錄卷一

六

須特地車不橫推理不由斷

陞座乃云蝸牛角上三千界雲月溪山共一家既爾業緣無避處不如隨分納些些一不做二不休還有共相建立底麼僧問逢人卽不出出卽便爲人逢人卽出出卽不爲人未審如何師云兩箇無孔鐵鎚進云把斷要津還有爲人處也無師云百雜碎進云恁麼則如龍得水去也師云知則得問承師有言如今也要大家知未審知箇什麼師云風行草偃進云恁麼則恩深無語懷抱分明師云分明底事又作麼生僧云通身無影象步步絕行蹤師云一不成二不是

問如何是道中至寶師云待爾脫却業識來向爾道

進云業識已脫請師指示師云種穀不生豆問寶劍出匣海蚌初開向上宗乘乞師直指師云橫按鎮鐔全正令進云恁麼則坐斷十方去也師云七縱八橫進云寶藏撥開於此日五葉千燈事轉新師云曲不藏直乃云一向目視雲霄壁立千仞則孤負諸聖一向拖泥涉水灰頭土面則埋沒自己如今恁麼也得不得恁麼也得且貴正眼流通還委恁麼直饒高步毗盧頂不稟釋迦文婢視聲聞奴呼菩薩底來也須人鋒結舌目餘故是出頭不得所以道三世諸佛只言

丈師

圓悟佛果禪師語錄卷一

七

自知歷代祖師全提不起一大藏教詮註不及明眼衲僧自救不了若據本分草料猶是節外生枝不涉化門一句作麼生道陣雲橫海上拔劍攪龍門下座次受昭覺請拈帖云有眼者見有耳者聞不從天降不從地涌既然符到奉行豈可囊藏被蓋請維那宣過

陞座云火不待日而熱風不待月而涼鶴脰自長鳬脰自短松直棘曲鵠白鳥玄頭頭露現若委悉得隨處作主遇緣卽宗竿水隨身逢場作戲有麼有麼問靈雲見桃華衲子如何通信師云滿山紅燦燦進云



上機頓撓中下何如師云頂門上著眼進云功不浪  
施去也師云爾脚跟下作麼生僧云踏破澄潭月師  
云當空轟霹靂進云泥牛吼處天關轉木馬嘶時地  
軸搖師云關梨還和得麼僧拍手三下師云錯錯錯  
進云靈山授記未到如此師云不是苦心人不知進  
云輕輕躡足龍門過惹得清風動地來師云被關梨  
帶累問大庾嶺頭提不起如今何得在師邊師舉拂  
子進云拈來當宇宙錦上更鋪華師云一葉落知天  
下秋進云九九八十一還歸有道君師云但恁麼信  
取問兵隨印轉和尚今日兵印在手如何受用師云

十八部

圓悟佛果禪師語錄卷一

八

看取令行時進云和尚還用得斬諸侯劍麼師云嚇  
殺人進云四海浪平龍睡穩九天雲靜鶴飛高師云  
却得關梨共證明進云昭覺從此佛日光輝去也師  
云也不消得乃云我本無心有所希求今此寶藏自  
然而至上是天下是地左邊厨庫右邊僧堂前是佛  
殿三門後是寢堂方丈寶藏在什麼處還見麼如今  
坐立儼然見聞不昧光輝溢目寂爾無垠盡凡聖情  
脫知見縛長河爲酥酪大地變黃金從自己曾襟流  
出一句作麼生道今古長如白練飛一條界破青山  
色下座

指方丈云衲僧家魔宮虎穴尚乃安居何況利生接  
物處所還知此室麼諸天擁護諸聖證明其善知識  
端居此中與人解黏去縛既有如是勝相山僧於中  
如何施設不入驚人浪難尋稱意魚作麼生是八門  
句水歸巨海波濤靜雲到蒼梧氣象閑便入方丈  
開堂拈疏示衆云靈山單傳密旨曹溪嫡嗣正音盡  
在箇裏請表白拈出

文部

圓悟佛果禪師語錄卷一

九

歲又拈香云奉爲判府內翰諸位勲貴又拈香云此  
一瓣香不從葱嶺帶來亦非罽祿流出在南中見三  
十餘員尊宿末後撞著箇老作家被他一槌擊碎今  
日對衆說破奉爲見住蘄州五祖演和尚以酬法乳  
保福贊和尚白槌云法筵龍象衆當觀第一義師云  
把斷世界還觀得也無直饒一槌未落已前薦得猶  
落二三且作麼生是第一義有知落處底麼出衆相  
見僧問釋迦說法多寶證明和尚開堂內翰臨顧半  
山相見卽不問妙峯孤頂事如何師云瑞氣騰空進  
云恁麼則片雲生谷口萬仞碧嵯峨師云能有幾人



知進云聖明天子以何報答師舉拂子進云天上有星皆拱北人間無水不朝東師云且得領話問七擒七縱則不問賓主相逢事若何師云寶劍倚天光燦爛進云碧眼胡僧笑點頭師云相識滿天下進云昨夜三更明月下奪取驪珠歸去來師云誰是箇中人僧問三賢未逢十聖難知如何是此宗師云無孔鐵鎚當面擲進云嚇殺人師云嚇得一箇進云也知和尚慣恁麼師云爾又作麼生僧云鷄子過新羅師云自知較一半乃云玄機獨唱截斷眾流擺撥不拘更無回互直饒釋迦彌勒不敢當頭著眼倚天長劍凜

五文部

圓悟佛果禪師語錄卷五

十一

凜神威杲日當空澄澄光彩無物不為妙用無法不是真乘控佛祖大機廓人天正眼當陽曉示只貴知歸纔涉思量曰雲萬里是故先聖道我此法印為欲利益世間故說在所遊方勿妄宣傳今日人天普集對眾分明剖露舉拂示眾云大眾見麼一處真千處百處一時真一句透千句百句一時透拈起也乾坤及崐放下也河海晏清不拈不放又作麼生萬仞峯頭高著眼大千沙界一浮漚遂舉法燈云山僧本欲深棲巖竇隱遁過時益緣清涼老人有未了底公案出來為諸人了却時有僧問如何是未了公案法燈

便打云祖禪不了殃及兒孫僧云過在什麼處法燈云過在爾殃及我師云法燈縱域中殺活握閫外威權直得氣槩驚群風標獨立山僧卑志本亦如斯今日出來正緣五祖老師有箇見成公案對眾舉揚有不惜性命底試出挨拶看如無不免自拈自弄去也喝一喝以拂子擊禪牀下座

上堂僧問言無展事語不投機時如何委悉師云未問已前百雜碎進云恁麼則只許老胡知也師云摸索不著進云千聖出來也摸索不著師云眼睛突出乃云不是目前法亦非心外機直下絕承當當陽無

支那

圓悟佛果禪師語錄卷五

十一

向背一處明去千處百處光輝一言通時千言百言透脫非心非佛拈向一邊舉古舉今撥致一處只諸人分上還證據得麼若證據得三世諸佛於中成道神通變化於中流出大地山河於中發現九類四生於中長育且作麼生是該羅萬有一句來年更有新條在惱亂春風卒未休下座

上堂僧問祖意教意是同是別師云兩輪交互照進云恁麼則天上不足也師云又被風吹別調中間如何是涅槃心師云萬派悉歸源進云如何是差別智師云千差俱不動進云都來不消得去也師云爾放

寶劍在什麼處僧云高著眼師云話作兩橛乃云遠問近對萬世如今舉東明西千途一轍無事上演事無爲處作爲非色非聲青黃順逆非心非佛賓主交參全承此箇威光不在別處流轉且道此箇是什麼若喚作佛頭上安頭若喚作法無繩自縛祖師巴鼻是抱賊叫屈向上機關是揚聲止響直得總不恁麼始較些子且道既總不恁麼因什麼却較些子莫怪從前多意氣他家曾謁聖明君下座

上堂云獨掌不浪鳴獨樹不成林建法幢立宗旨須是互爲賓主安貼家邦所以道我若坐時爾須立我

支那  
佛經

圓悟佛果禪師語錄卷一

十三

若立時爾須坐我若孤峯獨宿爾須偃息于我我若天上人間爾須三頭六臂然後可以光揚佛日且道浩浩之中如何辨主是處是慈氏無門無善財下座上堂僧問掬沙獻佛果感輪王法寶今開有何利益師云千重百市進云過往生天見存獲益去也師云不用闍梨重註脚問向上一路請師直指師云一棒打破虛空進云過在什麼處師云不識痛癢漢進云此猶是德山底師云山僧從來借路經過乃云眨上眉毛蹉過大似開眼尿牀見成公案放行正是點兒落節恁麼不恁麼總得曳尾靈龜不是心不是佛不

是物虛空釘橛進得許多閑門破戶猶是死水藏龍傾湫倒嶽一句作麼生道巨靈擡手無多子分破華山千萬重下座

上堂云覺卽了不施功麗天杲日印長空淨五眼得五力布地清風有何極途中受用底似虎靠山世諦流布底如蛾投焰且道放行爲人好把住爲人好橫按鎖鑰全正令太平寰宇斬癡頑下座

上堂云化育之本物我同途祖佛之源古今不易靈然獨露透聲色無遺廓爾見前拘動寂不得坐却意見截却語言根塵中不隔絲毫聲色外去來無際恁

支那  
佛經

圓悟佛果禪師語錄卷一

十三

麼透得古今生死頭出頭沒悉皆坐斷苟或未然有寒暑兮促君壽有鬼神兮妬君福下座

上堂云法界不容身佛眼觀不見聖智離言說海口莫能宣直截當陽已成階級轉身吐氣轉見周遮明明無覆藏明明絕點翳寬若太虛清如古鏡若以眼見文殊橫身若以耳聞觀音彰用若以心知普賢當堂且道毗盧遮那在什麼處眨上眉毛下座

上堂云一毫穿衆穴大地沒遮欄徧界不曾藏古今無向背剎剎爾塵塵爾句句爾念念爾還明得麼若明得去不費纖毫力直入解脫門絕承當一句作麼

生道喝一喝下座

上堂云機輪未轉大地黑漫漫古鏡當軒沙界淨裸  
裸坐却意根無動轉處塞却咽喉無吐氣處却是箇  
真實底人提得即天上人間撥著便水消瓦解正當  
命脉上如何點八月初何處熱下座

上堂云一卽一切實際理地一切卽一本來無物拈  
起也吒吒沙沙放下也綿綿密密三界長時獨露十  
方無處容身孤峯頂上倒行十字街頭橫臥目視雲  
霄則且致魚行酒肆一句作麼生道放憨作麼下座  
改昭覺寺爲崇寧勅黃到開堂師拈勅黃示衆云市

文冊

圖德佛果禪師語錄卷一

十四

地普天皆承恩力九州四海悉稟威靈百千法門中  
殊特法門無量妙義中真實勝義如今從天降下不  
枉眼目定動唇吻合開驗在目前一時薦取宣勅罷  
指法座云大衆這一條路千聖共知徐行踏斷流水  
聲縱觀寫出飛禽跡且道如何進步要提無相毗盧  
印須向千峯頂上行

陞座拈香示衆云光吞萬象氣絕諸塵始從撥草瞻  
風以至入鄽垂手等閑不欲全彰切恐驚羣動衆今  
日拈來奉爲今上皇帝祝嚴聖壽次拈香云奉爲判  
府尚書諸衙勳貴次拈香云十年淮甸受盡辛勤一

道清虛親蒙印可不敢孤負奉爲五祖老師以酬法  
乳正法和尚白槌師乃云駕千鈞弩一擊便行射透  
鐵圍不容擬議一言之下煞活全彰寸機之中包括  
羣象直須當頭點破可以千眼頓開更若四顧躊躇  
便見撈天摸地有構得底出衆相見僧問三通鼓罷  
四衆臨筵學人上來請師說法師云天晴日出進云  
莫只這是爲復別有師云且只了一頭進云兩頭時  
如何師云看個承當不得問百華競秀妙德家風一  
亘晴空普賢境界去此二途請師指示師云石笋抽  
條長一丈進云莫便是和尚爲人處也無師云這邊

文冊

圖德佛果禪師語錄卷一

十五

那裏兩頭坐進云請師拈出師云猶自不知進云恁  
麼則騎牛穿市過師云終是警訛問有一語全規矩  
今日開堂有何祥瑞師云乾坤廊落無邊際果日當  
空宇宙明進云一點水墨兩處成龍去也師云說什  
麼兩處僧問語默涉離微如何通不犯師云天知地  
知進云恁麼則驗在目前去也師云爾見什麼進云  
日月光天德山河壯帝居師云却較些子乃云全機  
大用觸處見成溢目清光貫通今古一塵含法界一  
念徧十方盡大地是真實人總刹海爲大解脫只在  
當人略回光相自著眼看可以克證無生頓超方便



是故諸佛出世爲一大事因緣祖師西來亦不出見性成佛只如今日奉皇帝勅建大伽藍賜額度僧祝嚴聖壽一場佛事耀古騰今判府旌旆光臨羣賢車蓋畢集四衆瞻仰萬姓歌謠爲國開堂舉揚宗教山僧不敢囊藏被蓋其有諸佛說不盡底祖師提不起處對衆八字打開去也遂舉拂子云大衆還見麼擊禪牀云還聞麼見處透脫聞處精明一念返本還源卽具頂門三眼萬里更無纖翳千聖齊立下風坐斷報化佛頭直得壁立千仞且道是什麼人境界鵬弓已掛狼煙息萬里歌謠賀太平下座

文部  
擇述一

圓悟佛果禪師語錄卷一

十六

上堂云通身是眼見不及通身是耳聞不徹通身是口說不著通身是心鑑不出直饒盡大地明得無絲毫透漏猶在半途據令全提且道如何展演域中日月縱橫掛一亘晴空萬古春下座

上堂云當陽有路祖佛共知覲面相呈見聞不隔萬象不能藏覆千聖無以等階活鱗鱗絕承當淨裸裸無回互直饒棒如雨點喝似奔雷猶未動著向上關挨在如何是向上關挨瞎却諸聖眼癩却山僧口日午打三更面南看北斗下座

聞五祖訃上堂云大庾嶺頭笑却成哭崇寧門下哭

却成笑何故喫泉水貴地脉且要正眼流通宗風不墜所謂無常生死法與我不相干若能如是見不用哭蒼天既不用哭蒼天如何通信請大衆拈香兩彩一賽下座

上堂云般若流連四象遷移正眼密弘一陽來復昆蟲動植悉稟此恩履地奉天咸知慶賀且道無陰陽地上還有這箇消息也無日南長至晷運推移錯下座

上堂云大人具大見大智得大用胷中懷六合袖裏掛金鎚高提祖印據寰中萬里孤光長溢目直得清

文部  
擇述一

圓悟佛果禪師語錄卷一

十七

風雨地雨灑長空截斷兩頭歸家穩坐所以道映眼時若千日萬象不能逃影質凡夫只是未曾觀何得自輕而退屈只如盡華藏世界海窮虛空邊際都盧是箇金剛眼且作麼生觀採石渡頭風浪靜三三兩兩釣魚船下座

上堂僧問一大藏教那箇是頭師云如是我聞進云此是阿難底如何是和尚底師云山僧用得甚快乃云一言道合隨處皆真一句無私全彰寶印問得也善不問甚奇烜赫光明本無向背所以道無邊刹海自他不隔於毫端十世古今始終不移於當念不隔

處總十方爲真境不移處貫十世於目前淨裸髀脫塵情赤灑灑無蓋覆直得千聖同躔萬機頓赴還會麼竿頭絲線從君弄不犯清波意自殊下座

上堂僧問如何是教外別傳一句師云問取燈籠進云謝師答話師云自領出去進云却是禪外別傳也師云三千里外過崖州問學人不恁麼時如何師云莫亂統進云趙州庭前栢崇寧庭前楠是同是別師云莫眼華進云一種沒絃琴惟師彈得妙師云山僧亦不承當乃云在天成象在地成形日月爲照臨四時作寒暑居谷盈谷處坑滿坑有情則動轉施爲無

情則森羅顯煥如今在山僧拄杖頭上指山山崩指海海竭點鐵成金點金成鐵攪長河爲酥酪化酥酪爲長河見諸人不會變作無邊身菩薩十方六趣悉皆普現去也還見麼鴛鴦綉出從君看不把金針度與人以往杖擊禪牀下座

上堂僧問如何是正主師云萬派皆歸海千山必仰宗進云見成公案去也師云脚下黑如漆進云莫謾學人好師云具行脚眼未僧云和尚道什麼師云墮坑落塹乃云智光洞照十方萬有全歸一念寬濶非外寂寥非內關市裏天子百草頭老僧物物頭頭全

身塵塵剎剎大用不落已見外緣一句作麼生道禹力不到處河聲流向西下座

上堂僧問入門一句作麼生道師云引得一箇上釣來進云爭奈吞却萬象師云無孔鐵槌進云學人今日失利師云三點兩點愁殺人乃云覲面見得在聖猶虧纔涉關津白雲萬里諦實處不思議綿密處同真際把斷世界無絲毫透漏脫灑一句作麼生道萬仞峯頭獨足行下座

上堂孤迥峭巍巍始終活潑潑喚作禪道祖佛眼中著屑不喚作禪道祖佛掘地覓天還有得人者麼從

他千古萬古黑漫漫填溝塞壑無人會下座上堂云點卽不到一大藏教錦上鋪華到卽不點祖師西來金聲玉振且道祖意教意是同是別碧潭雲外不相關下座

上堂云三轉法輪於大千其輪本來常清淨一切諸佛皆恁麼轉若向下去三乘五性頓漸偏圓若向上去不唯覓下口處不得臨濟德山目瞪口呿且道不落上下又作麼生誰是出頭人下座

上堂云僧云直待金星現燒然始到頭學人金星在手時如何師云點進云恁麼則不到頭也師云亂走





爾諸人向這裏撥得一線路去直下孤危倘未撥得鼻孔盡在山僧手裏拈拄杖云穿却了也擊禪牀下座

上堂僧問團團無縫罅因甚麼得恁奇特師云七華八裂進云言中有響去也師云且緩緩問長至一陽生君子道長時如何師云衲僧門下無許多事進云萬法是心光又作麼生師云却好高著眼進云直下承當去也師云利劍揮空乃云誰相離名絕塵絕跡一回拈出一回新一度用著一度快橫該萬有豎透金輪內沒纖毫外無點綴若能不作聖情凡解擔荷

契機

圓悟佛果禪師語錄卷三

二

展演得去入鄜坐手著著有出身之機退處孤峯處處歷剎塵之境恁麼中不恁麼不恁麼中却恁麼全提一句作麼生道撥開向上一竅千聖齊立下風下座

上堂僧問去歲今朝今日去今年年是去年年如何是物不遷師云眉毛在眼上進云恁麼則改故換新去也師云莫錯認進云如何是不錯認底師云好看取進云効火洞然毫末盡青山依舊白雲中師云轉得回來不直錢問萬物維新之際一人納慶之辰如何是新年頭佛法師云孟春猶寒進云恁麼則法不

孤起師云坐却主人翁什麼處出氣進云長空有月千門獎師云隨人脚跟轉乃云一法若有毗盧墮在凡夫萬法若無普賢失其境界一法萬法若有若無毗盧普賢凡夫法界盡在箇裏好不資一毫醜不資一毫市地普天內外包括未有天地世界已早見成及乎萬彙資彰凝然不變若向一氣未兆已前著得眼去落第二頭更於萬物見成之際信得及去轉沒交涉新年舊歲歷歷分明一句作麼生道日日香華夜夜燈下座

上堂僧問十五日卽不問如何是和尚分明爲人一

契機

圓悟佛果禪師語錄卷三

三

句師云當陽見定無毫髮擬議尋思隔萬山問正當上元水牯牛在什麼處師云鐵棒打著瘡痕露乃云撥塵見佛未免眼裏撒沙聞聲悟道亦是耳中著水直得生佛無階級空界悉等平淨裸躰絕思惟赤灑灑沒可把猶未離這邊事在更須揮金剛寶劍斬斷瞽訛拈殺活拄杖打破得失亦未明向上一竅在儻或具大丈夫意氣有烹佛祖鉗鎚直下向那邊承當得却來這裏橫三豎四坐一走七荷負宗乘提持祖印有時放行同彼同此見隨類身和光順物有時把住莫道佛眼覷不見設使盡大地草木悉變爲千百

億身放無數光明也照不著且道卽今作麼生若不  
藍田射石虎幾乎候殺李將軍下座

上堂僧問橫穿碧落倒卓須彌未審是什麼人分上  
事師云入地獄人分上事進云却是他安身立命處  
師云瓦解冰消進云此心能有幾人知師云只恐不  
知乃云終日相逢無半面剛然千里有知音不須格  
外論奇特只此全機耀古今傾蓋如舊白頭如新兩  
鏡相照不隔纖塵徧界未嘗示相毫端普現色身止  
猶谷神動若行雲相見又無事不來還憶君下座  
上堂云禪非意想立意乖宗道絕功勳建功失旨聞

大師  
卷三

圓悟佛果禪師語錄卷三

四

清聲外句莫向意中求轉照用機關柄佛祖鉗鎚有  
佛處互爲賓主無佛處風颯颯地心寧意泰響順聲  
和似恁麼人且道向什麼處安著披簑側立千峯外  
引水澆蔬五老前下座

上堂云本來是佛無成不成正體湛然離出不出本  
分事上直得萬里無片雲猶未可放過更說什麼諸  
餘其或隨機且論箇出世不出世所以道淨法界身  
本無出沒大悲願力示現受生且道釋迦老子卽今  
在什麼處只知事逐眼前過不覺老從頭上來下座  
上堂僧問了了見無一物未審如何師云好箇消息

進云功不浪施去也師云只恐脚不點地進云回頭

看潯眼特地一場愁師云果然浪走僧問學人不起  
一念時如何師云自傷已命進云因誰致得師云莫  
換崇寧舌頭好問妙體本來無處所時如何師云腦  
後拔楔問如何是玄中玄師云玄殺爾進云石人暗  
點頭師云言猶在耳乃云舉無遺照十方刹海目前  
觀正體堂堂大千同一真如性各守本位去山是山  
水是水互換投機去星辰易位祖佛潛蹤兩處絕聲  
訛二邊純莫立無可不可悉得安居隨時應緣凝然  
湛寂且道長養聖胎一句作麼生道不起纖毫修學

大師  
卷三

圓悟佛果禪師語錄卷三

三

心無相光中常自在下座

上堂僧問如何是平展之機師云縱橫十字進云且  
得沒交涉師云什麼處沒交涉僧云腦後拔箭師云  
撥問父母非我親誰是最親者師云吾常於此切進  
云諸佛非我道誰是最道者師云須是有轉身處始  
得僧云欲行千里一步爲初師云信受奉行乃云國  
無定亂之劍四海宴清門無白澤之圖全家吉慶若  
道有承恩力處正是土上加泥更或削跡吞聲亦乃  
將南作北到這裏縱橫十字未免瞽說據位投機猶  
較些子且作麼生是據位底句寒山逢拾得撫掌笑

呵呵下座

上堂僧問江邊臨水者盡是採魚人錦鱗紅尾作麼生取師云莫妄想進云不妄想時如何師云不計工程得便休進云碧潭深萬丈直下取魚歸也師云更須退步問一塵合法界時如何師云暗裏髑髏明世界乃云祖祖相傳傳底事佛佛授手不唯他若存情識論知解耳裏塵沙眼內華所以道見聞覺知是法法離見聞覺知不著佛法僧求呼喚不回籠羅不住更須知棒喝交馳獎用同時向上一竅始得且作麼生是向上一竅鶴有九臯難翥翼馬無千里謾追風

上堂

圓悟佛果禪師語錄卷三

六

下座

上堂僧問一雨普滋還有佛法也無師云全承他力進云頭上漫漫脚下漫漫去也師云也須乾剝剝始得進云盡大地總是教學人如何趣入師云和頭沒却進云恁麼則兩重相見師云料掉沒交涉乃云牛頭沒馬頭回千聖不知前三三後三三河沙莫算低低處平之有餘高高處觀之不足東勝身洲走馬南瞻部洲著撲扇子踣跳上天東海鯉魚發怒直得雨似盆傾大千沙界悉已瀰漫且道是牛頭沒馬頭回是前三三後三三海神知貴不知價畱向人間炎聚

夜下座

上堂云棒頭取證撒土撒沙喝下承當承虛接響向上向下轉更顛顛預說妙談玄和泥合水這一片田地分付來多時也平白欺人盡大地撮來如粟米粒大掉棒打月佛祖凡聖拈向一邊總不依倚時如何紅霞穿碧海白日達須彌下座

上堂僧問生死交謝寒暑迭遷未審無位真人還有寒暑也無師云汗流似雨進云分明在目前也師云莫向目前作窠窟進云爭奈即今何師云鈍置阿師乃云暑氣蒸人如墮甑四肢流汗似澆湯賴他白羽

上堂

圓悟佛果禪師語錄卷三

七

下座

上堂僧問須彌山意旨如何師云推不向前約不退後進云未審還有過也無師云坐却舌頭問法不孤起仗境方生提坐具云這箇是境如何是法師云却被闍黎奪却槍進云和尚今日爲什麼退已讓人師云只有先鋒無殿後進云未審如何是殿後師云還我話頭來乃云田地穩密底擡脚不起探頭太過神通妙用底放脚不下收身未轉直饒十字縱橫朝打三千猶較些子且道警訛在什麼處若知有去始見



全提半提儻或未知布袋裏老鴉雖活如死下座

上堂僧問南泉斬猫兒意旨如何師云殺活臨時進云趙州戴草鞋又作麼生師云是他屋裏事進云打鼓弄琵琶去也師云且莫詐明頭乃云有佛處羅籠不住無佛處荒草尋人放行也觸處炎新把住也乾坤陡變且道向上人來時如何他家自有通霄路下座

上堂云休夏自恣海衆常規秋色澄清乾坤肅殺般若流運動靜一如時節不相饒炎涼條改變無生曲調韻出清霄至寶當軒允吞萬象古今不覆蓋見在

圓悟佛果祖師語錄卷三

八

沒遮欄一念不落諸緣證取自家境界何必靈山覓佛少林問祖會麼解開布袋無拘束切更勤看水牯牛下座

上堂云一言截斷千聖消聲一劍當前橫屍萬里所以道有時句到意不到有時意到句不到句能刻意意能刻句意句交馳衲僧巴鼻若能恁麼轉去青天也須喫棒且道憑箇什麼可憐無限弄潮人畢竟還落潮中死下座

上堂云殺人刀活人劍上古之風規亦是今時之樞要言句上作解會泥裏洗土塊不向言上會方木

逗圓孔未擬議已蹉過正擬議隔關山擊石火閃電炎構得構不得未免喪身失命且道此理如何苦執連根苦甜苾蓢蒂甜下座

上堂云雲騰致雨世界索然日熉天臨乾坤廓爾文殊堂裏萬菩薩縱然顯現晴是晴雨是雨山是山水是水阿那箇是萬菩薩風暖鳥聲碎日高華影重下座

上堂云定乾坤句包古括今透生歟關超聲越色鬼窟活計百千萬劫難出頭截斷衆流一片虛凝沒依倚設使乾坤倒覆大海翻騰草木叢林悉皆化爲刀

圓悟佛果祖師語錄卷三

九

槍矛盾也動他一點不得且道憑箇什麼恁麼地手執夜明符幾箇知天曉下座

上堂云眨上睂毛早蹉過塞却眼更形言語轉周遮合取口盡大地都爲一塵佛眼覷不見一大藏都爲一句海口莫能宣也未提得一半在忽然踏破化城時如何行到水窮處坐看雲起時下座

上堂云風清戶牖明明古鏡高懸光射斗牛凜凜太阿橫按外魔臨之膽慄妖邪擬之覓以千聖拱手歸降十方居然坐斷外絕四維內絕理事直下便是諸人還見麼不離當處常湛然覓則知君不可見下座

退院歸辭衆上堂云未有長行而不佳未有長往而不行為無爲益無益梯航三有津濟四生是衲僧家本分事雖然時節到來一刀兩段要且鼻孔不在別人手裏所以道動若行雲止猶谷神既無心於彼此亦無象於去來如是則去來不以象動靜不以形豈不綽綽然有餘裕哉且道臨行一句作麼生道本是林下人却歸林下去下座

住夾山師在公安天寧受請拈帖示衆云百草頭上薦取爭如箇裏承當既然符到奉行豈可當爐避火若也見得坐斷一切人舌頭苟或未然却請維那剖

露

師指法座云毗耶借座燈王萬壽燈王借座且道是

同是別還委悉麼幸自可憐生應須高著眼

陞座示衆云鈎頭有餌句裏無私已泛扁舟放行綸線還有衝浪錦鱗麼僧出云有師云高著眼僧擬議

師云著問錦官罷釣澤國重遊方爲萬壽之賓又作

碧巖之主流水下山卽不問白雲歸洞意如何師云

舊店新開進云好音在耳人皆聳一句無私亘古今

師云大家在這裏進云萬丈白雲藏不得一輪光透

獎無私師云到家一句作麼生道僧擬議師云了師

圖傳佛果禪師語錄卷三

十

圖傳佛果禪師語錄卷三

圖傳佛果禪師語錄卷三

十一

乃云目前無異草徧界絕遮欄域中日月斬新方外乾坤獨露直得龍天釋梵動地雨華妙德空生目瞪口呿行棒行喝拈向一邊雲月溪山放過一著一處透脫千處百處該通一機洞明千機萬機圓轉碧巖不離此處此處不離碧巖攝大千於毫端融芥塵於刹海銜華鳥過抱子猿歸湛寂凝然應真不借則且致只如無陰陽地上成得箇什麼邊事萬卉正資和氣力碧巖先發一枝春復舉馬大師問藥山子在許多時本分事作麼生山云皮膚脫落盡唯有一真實祖云據汝所見可謂協於心體而布四肢何不將

三條篾束取肚皮隨處住山去山云某甲何人敢言住山祖云不然未有長行而不佳未有長住而不行欲益無所益欲爲無所爲宜作舟航由是住山師云大衆古人得意之後不忌利生直入溪山提持宗要山僧暗昧豈敢仰攀如是則更不用篾束肚皮却有箇折脚鐺子與方來共守寂寥若信得及不在切切或未諳詳聽取箇末後句高峯突兀倚天門青嶂虛開可採跟折脚鐺兒幸然在不妨携去隱深雲雖然如是也須是大家出一隻手始得且道畢竟如何妙舞應須誇徧拍三臺須是大家催

師入院指方丈云箇是毗耶據坐處正同摩竭令行時夾山頂顛通一竅放出天彭老古錐既放伊出頭且道作得箇什麼伎倆衝浪錦鱗來入罟漫天網舉不饒伊

師指法座云大衆還識寶華王麼更不落二落三便敷座云野猿抱子歸青嶂幽鳥啣華過碧巖此地當時曾作客今茲爲主愧無慙衆中還有辯得賓主底衲僧麼僧問雨細柳拖金線風和華綻錦屏雲月溪山卽不問到家一句若爲論師云坐斷天下人舌頭進云只如尖新底事又作麼生師云儂還識得舌頭

支那

國傳集禪師語卷三

十二

麼進云雲到碧巖千仞翠月當青嶂萬溪春師云更進一步始得進云莫便是摩竭令也無師云放爾三十棒師乃云門下青山潑黛途中細雨如膏靈雲陌上桃花處處芳非溢目香嚴巖畔翠竹時時撼影搖風直得一擊忘所知一見絕疑惑不免尚留觀聽未透聲色若能見無見之色聞無聞之聲撥轉路頭踏翻關捩句句超佛越祖塵塵耀古騰今處處離色絕名箇箇斬釘截鐵心外無法法外無心用王庫刀發千鈞弩壁立萬仞坐斷十方可以入大解脫門傳正法眼藏向堯舜時舜日共樂昇平鼓腹謳歌歸家穩坐

且到家一句作麼生道但願春風齊着力一時吹入我門來復云省傳明有通天作略跨海神機使無舌人說無義語收洛浦接青峯辨石霜賞佛日險崖句峻陷虎機深電激星飛珠回玉轉建茲寶刹風範具存而山僧度事不才何以繼其高躅既辭讓不及轉透無門不免借一條路向無言處演言無事處生事無佛處現佛無祖處示祖且貴始末相符頭正尾正敢問諸人還見夾山老子麼莫從百草巔頭薦覲面無私亘古今

澧州權郡張朝散請師就香積院開堂師於權府手

支那

國傳集禪師語卷三

十三

中接得疏示衆云言言錦繡句句珠璣讚無上乘顯正法眼應須未舉已前薦取文彩之外承當苟或未然却請宣過

師指法座云大衆見麼寶華王座列祖共登車不橫推理無曲斷便陞座拈香云此一瓣香奉爲今上皇帝祝嚴聖壽萬歲萬歲萬萬歲伏願曆筭等乾坤聖明逾日月龍圖鳳曆彌億萬年玉葉金枝亘百千劫次拈香奉爲權府通判朝請檢法在坐尊官諸衙勳貴伏願高遷祿位永固壽基又拈香云此一瓣香准甸替年酬價錦官舊日曾拈如今海衆要知不免分



明說破奉爲蘄州五祖山第十二代故演禪師熱向  
爐中與天下衲僧出氣遂敷坐洛浦和尚白槌云法  
筵龍象衆當觀第一義師云早是第二了也若論勝  
義諦中眞勝義文彩未兆一槌未落把斷要津不通  
凡聖不於言下薦不向意中求既然草偃風行不免  
隨波逐浪還有共相證據者麼師乃云爍迦羅眼頂  
上放大光明摩醯首羅面門現奇特相一言含衆象  
一句逗羣機何止猛虎穴裏橫身萬仞峯頭側足所  
以道顯大機明大用得失俱喪是非杳忘絕塵絕跡  
透色透聲重重無盡事事圓融又如華嚴法界無邊

支那部  
撰述

圓悟佛果禪師語錄卷二

十四

香水海不可說浮幢王刹盡向這裏一時開現卽此  
現成卽此受用不以眼見不以耳聞不以口談不以  
心知還證得麼若也證得不必覺城東際初見文殊  
樓閣門開方叅慈氏敢問大衆且道卽今是什麼人  
境界舉拂子云盧舍本身全體現當機直下沒纖毫  
到洛浦上堂云萬木縈紆一逕遙耽耽古屋枕山腰  
今朝喜到深深處幾度飛書辱見招爍爍山桃似火  
絲絲溪柳拖金日暖風和鶯吟燕語所以不離普光  
殿不出菩提場徧遊華藏海無邊刹境左穿右穴重  
重無盡一一交羅且作麼生是洛浦深深處覲面若

無宗正眼回頭只見翠山巖

留首座上堂古路坦然眞規不墜紀綱得所表帥得  
人內肅外寧安家樂業以大千界爲一眞境以十方  
佛同一舍那文殊普賢交光相羅觀音彌勒擎拳合  
掌臨濟德山互相贊成白牯狸奴了無向背可以演  
無生曲唱太平歌且超情離見一句作麼生道木人  
把板雲中拍石女含笙井底吹

上堂云三春已過九夏方新聚玄徒雲間扇眞風世  
外不促一念不涉三祇當人隨處見成箇箇頂門有  
眼若便恁麼承當得去放行把住全不由他出沒縱

支那部  
撰述

圓悟佛果禪師語錄卷二

十五

橫更非外物若使上泳觀見正在半途明眼相逢難  
爲透脫山僧雖無金剛寶劍衲僧向上鉗鎚管在五  
祖白雲拾得數箇金剛圈一籃栗棘蓬九夏之中與  
諸人共相切磋遂舉拂子云大衆還見麼且道這箇  
是金剛圈是栗棘蓬不容淺見衲僧會唯許通方作  
者知

上堂云丁一卓二本分鉗鎚捏聚放開作家受用灰  
頭土面處壁立千仞壁立千仞處土面灰頭自然雙  
放雙收到處爲祥爲瑞還委悉麼掬水月在手弄華  
香滿衣

上堂云太虛寥廓萬彙森然正眼洞明纖毫不立孤峻處祖師莫近坦夷處人天共知擊開大解脫門識取無面目底且作麼生是無面目底若藥華開菩薩臉櫻欄葉現夜叉頭

解夏上堂云圓覺伽藍豁開戶牖華嚴刹海大座當軒促百千億劫爲一念豈止百二十日長期延一念作百千億劫寧論此世來生始見流金爍石俄然玉露垂珠時節不相饒物理有變復當時結夏普天布地一時結此時解制普天布地一時解結時初不相著解時初不相離到這裏通一線曉一機去爾爲爾

我爲我長底長短底短清者自清濁者自濁於中也無去來亦無動轉浩然太均同歸一致然後放收擒縱得大解脫更喚什麼作爾作我作長作短一時截斷且自恣一句作麼生道雲在嶺頭閑不徹水流澗下太忙生

謝維那直歲上堂云烹金琢玉須資作者鉗槌荷教扶宗必仗本分兄弟交爲肘臂互作主賓便可以顯大機發大用布慈雲灑甘露駕慈航觀斷岸超生死越涅槃令他天下衲僧頂門上放光脚跟下歷落箇箇如龍如虎人人玉轉珠回非唯扶豎叢林亦乃流

通正眼豈不是奇特事敢問大眾奇特一句作麼生道妙舞更須誇徧拍三臺須是大家催

開爐上堂僧問古者道敲空作響擊木無聲如何是敲空作響師云釋迦老子來也師乃云三世諸佛向火焰裏轉大法輪熱發作什麼火燄爲三世諸佛說法三世諸佛立地聽也須照顧眉毛若是聆聞徹骨徹髓信得及見得徹直下與三世諸佛同生同死與火燄同起同滅當處解脫得大安隱衲被蒙頭便是箇清涼世界苟或未然只知事逐眼前過不覺老從頭上來

上堂云一向不恁麼目視雲漢不徇人情一向恁麼灰頭土面帶水拖泥恁麼中不恁麼就下平高不恁麼中却恁麼從空放下或有箇恁麼不恁麼總不管亦無明亦無暗亦不放亦不收且道如何到頭霜夜月任運落前溪

上堂云天寒人寒大家在箇裏滴水滴凍無這閑工夫庭際之人驀地覓心不得衲衣下事誰諳野火燒山千重百帀沒遮欄漢去胡來絕回換且作麼生是不離當處底一句鶴飛千尺雪龍起一潭水

上堂云雪竇道義出豐年儉生不孝於衲僧門下是

放行是把住若人道得老僧分半院與伊住師云雪  
竇病多諸藥性經効始傳人箇中或有知豐知儉知  
放行知把住底亦何必分半院與伊住燒香發願只  
圖他早有箇院子住使嘗些滋味且免得窮厮煎餓  
廝炒

上堂云滿天和氣市地韶光柳眼迸開桑條慙破華  
枝似錦鳥語如簧八穴七穿篆不雕之心印百頭千  
緒演不說之妙門物物上明頭頭上現當處截得斷  
去灰火不重燃直下信得及去枯荏生物外不涉程  
途則且置和泥合水一句作麼生道還家盡是兒孫

圓悟佛果禪師語錄卷三

十八

事祖父從來不出門

上堂云韶華二月半漏逗渾莫算米少食無鹽釘菜  
崖空飯吞底栗棘蓬跳底金剛圈分外展家風秦時  
輓轆鑽

圓悟佛果禪師語錄卷第二

校訛 第十紙此藏作文 第十八紙第二行傳

音釋 罽呼許切 罽千貴切 翫章廉切 顙顙莫安切

安陡當口切 顙七處切 惛質涉切 瞪澄應切 吐丘加切  
切口 篾莫結切 顙乃挺切 慙匹蔑切 輓轆鑽輓徒切  
張說 篾竹也 顙頂也 慙急速貌 輓轆鑽輓徒切  
輓音洛鑽 嘉慶堂馬養槐枕賞刻此 佛果禪師語錄第二卷 京山沙彌書  
對 是沙彌本堂書 漢水毛詩賦刻 萬曆辛卯春清涼妙處

圓悟佛果禪師語錄卷第三

宋平江府虎丘山門人紹隆等編

上堂三

請首座上堂合千差包萬有齊往來印今古混有無  
一生灰舉不犯之令行不言之教齊不齊平不平於  
此建立於此辨明於此紀綱於此表帥何法不容何  
事不成何德不圓何心不契且風行州偃一句作麼  
生道為山登九仞捻土定千鈞

上堂云牙上生牙角上生角機上生機巧上生巧毒  
蛇鼻頭揩癢饑鷹爪下奪千尺井底施籌略百尺

圓悟佛果禪師語錄卷三

二

竿頭作伎倆納須彌於芥子擲大千於方外奇則甚  
奇妙則甚妙子細檢點將來爭如向這裏直下似桶  
底脫去三界平沈得箇休歇過去自過去未來由未  
來只今見成坐斷天下人舌頭還委悉麼簷聲不斷  
前句雨電影還連後夜雷

上堂云鬱蒸無處避觀體通同薰風自南來披襟獨  
得衆熱不到衆苦無餘須知佛祖間域之中有轉物  
回天之用是故雪竇道茫茫普熱紛紛下雪倒泳四  
河載發枯枿且道正當忘麼時如何蟬聲時到耳厲  
影忽迎眸



上堂云華開世界起達者先知葉落卽驚秋賢明早  
悟而況鴈連湘浦影蟲作促織吟明明節換時移歷  
歷星馳電急正當恁麼時機關脫落底萬法本閑尚  
畱見聞底長安正開若能善觀時節把斷要津堂堂  
越聖超凡一一騎聲蓋色當處平和一句作麼生道  
志士惜日短愁人知夜長

解制上堂云尋常一味無過朴實頭坐斷千差更須  
高著眼壁立萬仞處淨裸裸平田淺艸裏峭危危當  
處平和拖泥帶水淡挑痛割犯手傷鋒欲得兩不相  
妨各請休機罷釣且九夏賞勞一句作麼生道險處

支那  
經述

圓悟佛果禪師語錄卷三

二

豈嘗忘顧鑑縱行平地索隄防

上堂云突出難辨久參未免躊躇信手拈來後學那  
知端的金風扇物玉露坐珠鴈過長空蛩吟幽砌一  
一七穿八穴明明百市千重何必棒喝交馳方論照  
用直下懸崖撒手便可承當還有恁麼人麼見義不  
爲非勇士臨危不變始驚羣

看藏經上堂祥煙繚繞瑞氣氤氲公案見成有誰扣  
擊乃云塵中大經卷莫測津涯聰慧淨眼人始能拈  
出直得義天性海若帝綱交羅智照神光如洪爐猛  
燄今日幸遇皇風蕩蕩帝道平平有大心檀越爲汝

發機使諸人各各八字打開直得霞條展處玉牒舒  
時文彩已彰各宜薦取且不落文墨一句作麼生道  
一堂風冷淡千古意分明

上堂云一塵入正受盡大地冷啾啾諸塵三昧起徧  
十方開浩浩分身百億未足爲多端坐虛堂未嘗言  
靜到這裏卷舒收放擒縱殺活以金剛寶劍截斷疑  
情將衲僧巴鼻脫生死關坐斷要津不通凡聖千  
萬人羅籠不住百千境界轉變不得始能爲如來使  
普現色身且道正當恁麼時如何日用無回互當機  
有卷舒

支那  
經述

圓悟佛果禪師語錄卷三

三

上堂云萬機不到千聖不携截斷葛藤掀翻路布若  
也從苗辨地因語識人猶落第二機在若論第一機  
上實無如是事且道第一機上還著得計較麼著得  
向上向下麼著得佛祖麼到這裏直須恁麼超然地  
把斷要津不通凡聖若未薦得不免放一線之向第  
二義門無言處演言無相中現相直下似十五夜月  
澄湛孤圓一室千燈交光相照始終一貫前後無差  
也須是箇同道者方知同得者方證且那箇是同得  
同證底一言才契證未悟已知

知縣入山上堂拈香示衆信手拈來光明烜赫結而

爲蓋散而爲雲執向爐中莊嚴知縣宣德妍智道人  
伏願道心堅固種智圓明遂敷座適來錦上鋪華如  
今鋪華錦上還有明眼底解拈得揆得麼試出來擊  
揚看師乃云心不是佛認心乖宗智不是道立智失  
旨道本無爲佛亦無相於無相無爲處辨得去一切  
諸相悉皆是佛一切所爲悉皆是道拈起也天回地  
轉放下也艸偃風行若是向上更不落二落三直下  
單刀直入其或尚存光彩猶滯皮膚不免向這裏談  
妙談玄演事演理行棒行喝舉古舉今且道山僧畢  
竟將什麼爲人不住舊時無相貌外尋知識也非真

支那

圓悟佛果師語錄卷三

四

上堂云山頭鼓浪井底揚塵眼聽似震雷霆耳觀如  
張錦繡三百六十骨節一一現無邊妙身八萬四千  
毛端頭頭彰寶王刹海不是神通妙用亦非法爾如  
然苟能千眼頓開直下十方坐斷且超然獨脫一句  
作麼生道試玉須經火求珠不離泥

上堂云風吹風動無二種水洗水濕豈兩般淺聞淡  
悟底錦上鋪華淡聞不悟底生鐵鑄就春盡羣芳已  
歇夏初百穀方滋時節不相饒乾坤得自在且不涉  
迷悟一句作麼生道薰風自南來殿閣生微涼  
王待制生日請上堂示衆云當陽一句直截根源不

昧時機出衆相見師云靈機廓爾豈有階梯智照洞  
然本無迷暗一切處作奇特事不動絲毫脚跟下亘  
堅密身徧塵沙界坐斷千差路突出四威儀何假七  
步周行十種祥瑞明明絕滲漏歷歷無覆藏包古今  
齊物我平得失混去來分明直下現成是箇本來面  
目只如透出形聲且道如何通信還委麼一塵才  
舉處全體現優曇

上堂云第一句下薦得祖師乞命第二句下薦得人  
天膽落第三句下薦得虎口裏橫身不是循途守轍  
亦非革轍移途透得則六臂三頭未透亦人間天上

支那

圓悟佛果師語錄卷三

五

且道三句外一句作麼生道生涯只在絲綸上明月  
扁舟泛五湖

住道林語錄師在夾山受請拈帖示衆云大衆潮外  
有知音千里通消息透出威音王誰解知端的還知  
麼箇裏辨取苟或未然却請對衆宣過

陞座云數載碧巖藏拙訥幽溪頗愜再南心業緣苦  
歎相驅逼隨順還須過道林二途俱不涉底出來道  
看僧問天得一以清地得一以寧衲僧得一時如何  
師云藏身無路進云兵隨印轉去也師云一句合頭  
語進云意氣不從天地得英雄豈待四時推師云瞻



之仰之進云只如疏中道本來真性不減不增隨處道場無罣礙和尚爲什麼不住夾山却赴道林師云只爲現成公案進云怎麼則慈悲不等去也師云什麼處不等進云驗在目前師云踉過也不知道進云承師有言湖外有知音千里通消息未審是什麼消息師云高著眼進云還許學人說道理也無師云啐啄卽不堪師乃云孤峯頂上眠雲孤負先聖十字街頭坐手埋沒宗風不擇地而安失却正眼揀所在而住理涉多端若是本色衲僧直下一刀劃斷無彼無此離去離住明如杲日寬若太虛隨處作主遇緣卽

行且應物利生一句作麼生道渠儂無向背一鏃破三關師復云雲縱卷舒豈有彼此谷神靜應那列高低融通萬有而混成坐斷要津而一致塵中經卷長時轉大法輪句下分身是處光燭烜赫箇是衲僧家尋常受用或撐大地如粟米粒大拋向面前擱須彌踔跳上三十三天且道是雲縱卷舒谷神靜應還會麼行船須是把梢人

到梁山上堂云擊布鼓於龍門曜螢火於太陽到這裏直得藏身無路還有忍俊不禁底麼師乃云無生師子窟哮吼驚羣不二梅檀林香風市座直得言超

象外句演真乘道出古今用過佛祖山僧到這裏如何啓口所謂見所未見聞所未聞雖然俗路經過不免逢場作戲乃古乃今無彼無此適來覺海寒夾山道太陽溢目萬里不掛片雲清清之水遊魚自迷目前無闌梨此間無老僧若能知雲月是同溪山各異便見但知作佛愁什麼衆生如此則三玄三要八字打開五位君臣一筆勾下諸人還見麼出頭天外看須是箇中人

真風紹圓明之宗範直得如天普蓋似地普擎頭頭物物明明了了要津坐斷選佛場開到這裏豈可飲氣吞聲不免偕率獻水大衆當年見性禪師據一條白棒佛來也打至於隔江搖扇所本傳心巖頭雪峯唱末後句洞山龍牙明殺活機今古流傳叢林龜鑑而今堂頭繼此真風截斷衆流不存涓滴山僧幸獲觀光敢問人境相稱一句作麼生道五溪清不盡千古美無虧

入院至方丈云摩竭陀親行此令毗耶離已現神通而今總不重拈出坐斷千差繼祖風且坐斷一句作

麼生道已枉言前

聖座云炎伏暑離青嶺蕭蕭清秋渡碧湘古殿耽耽松檜密無塵金地足清涼既到這裏還有本色衲僧麼出來共相證明僧問黃檗因裴相國美譽彌高大顛得韓文公佳聲逾遠未審和尚恩歸何人師云那將魚目比明珠進云若然者從此希聲天下聞師云退身有分進云今日和尚添得一重光彩師云什麼處是添得進云虎頭帶角出荒艸師云切忌合頭語師乃云法無住相著相乖宗道不虛行隨行得路須知住中無住行中無行寬若太虛明如杲日萬象

支那

圓信佛果禪師語錄卷三

八

不能藏覆千聖豈可擬倫一塵飛而翳天一芥墮而覆地一華開而見佛一葉落而知秋物物頭頭明明歷歷事有千差理歸一揆須是通方作者始解證明不見道盡乾坤都盧是沙門一隻眼又道盡大地攬來如粟米粒大非是神通妙用亦非本體如然到這裏遇緣卽宗隨處應機且到山一句作麼生道古殿倚巖腹新徑繞雲根復云諸佛不出世四十九年說威音已前沒交涉祖師不西來少林有妙訣達磨一宗掃土淨盡若人識祖佛渠無面目甚處識渠當處便超越前是三門佛殿後是方丈寢堂左右廚庫僧

堂作麼生說當處超越還委恁麼撒手到家人不識更無一物獻尊堂

八月一日於天寧寺開堂師拈疏云大眾見麼箇裏薦得正法眼藏明明無覆藏大事因緣歷歷生光彰其或未然却請表白對衆宣過宣疏罷

師指法座云大眾偕座登王晉人模範當陽定奪此日機鋒要明佛祖淵源須踏毗盧頂上遂陞座拈香云此一瓣香奉爲祝嚴今上皇帝聖壽伏願金輪長御極寶祚永昌隆拱北極以稱尊空芥城而彌固第二瓣香奉爲判府安撫侍講運使中大運判檢討提

支那

圓信佛果禪師語錄卷三

九

學刪定提舉大夫承受奉御兩廳通判大夫在座勲貴伏願爲風后力牧作稷卨夔臯副具瞻則八座三台簡帝心乃鹽梅霖雨第三瓣香千佛出興何人酬價威音那畔誰辨端倪管年白雲一句下承當今日潭城第三回拈出奉爲蘄州五祖山第十二代改漢禪師以酬法乳乃攝衣趺坐天寧和尚白槌云法筵龍象衆當觀第一義師云好箇第一義直得八面玲瓏如印印空如印印泥如印印水恁麼說話早是落二落三了也莫有具透關眼底便請出來激揚看僧問透白雲關佩黃梅印握楊岐正令恢慈明舊里臨

濟三玄卽不問妙峯孤頂事如何師云覲面相呈無向背進云善財七日不逢則且致文殊爲什麼百劫模捺不著師云你什麼處見文殊進云一句迥超千聖外滿筵目擊盡知音師云高高處觀之不足低低處平之有餘進云恁麼則瀟湘江上月照破碧巖秋師云也須急著眼始得進云只如侍講昔日有詩道解語乃無舌老僧非此間正當恁麼時如何師云知心有幾人進云令人轉憶龐居士天上人間不可陪師云却被闍黎道著師乃云大道無向背至理絕言詮迥出三乘高超十地萬法不到處特地允衲生佛

未分時靈源獨曜不落聞見不隨色聲直下無一絲毫頭徧界全彰奇特事直饒棒頭取證喝下承當猶是曲爲今時更或充境俱忘契心平等畢竟亦非的旨所以道向上一路千聖不傳學者勞形如猿捉影到這裏理絕事絕行絕照絕用絕權絕實絕直似倚天長劍凜凜神威如鐵牛之機羅籠不住今日幸對明眼人前不敢被蓋囊藏八字打開去也拈拂子云還委恁麼耀古騰今活鱗鱗大千沙界露全身復云大衆咎曰雪峯拈拄杖示衆云我這箇爲中下機人時有僧出問云忽遇上上機人來時如何峯拈却拄

杖雲門云我不似雪峯打破這葛藤乃拈拄杖云我這箇爲中下機人時有僧問忽遇上上機人來時如何雲門便打師拈云大凡扶宗立教須是頂門上具眼肘臂下有符看他二老宿縱橫殺活出沒卷舒甚生奇特子細點檢將來猶是節外生枝若據山僧見處乃拈拄杖云山僧只將這箇普爲一切人無論上中下若要擎展一任擎展若要承當一任承當處處把斷要津箇箇壁立千仞且道忽遇其中人來時如何萬國醉心嘗大鼎相逢携手上高臺

鑄堅實心荷負叢林贊弼知識典刑可法直下朴實頭底且道是什麼人相逢相見呵呵笑更有春風春又春  
運判請上堂示衆云驚羣敵勝乃英靈佛祖當機貴見成幸遇通人爲證據何妨出衆決疑情僧問龐居士圓機如疾談過風馬祖大師捷辯如奔流度刃二人酬唱還有優劣也無師云通身是徧身是進云一槌擊碎去也師云且莫錯認進云不與萬法爲侶者是什麼人師云問從何來進云好箇消息師云道什麼進云只如一口吸盡西江水又作麼生師云杲日



麗天進云將爲有多少奇特師云你又作麼生進云  
觀面相呈師云眨上眉毛師乃云明明不遑轉歷歷  
無生忍彌綸萬有含吐十虛離見絕聞超聲越色若  
謂卽心卽佛正如頭上安頭更言非佛非心大似撥  
漚覓火超出二見不墮中間淨裸裸無遺赤灑灑全  
露是故古人道靈源不昧萬古微猷入此門來莫存  
知解到這裏纖毫不立徧界不藏萬派朝宗千差同  
轍直得威音已前乃至窮未來際不移易一絲毫用  
處觀體全真拈來當機直截只如今日開選佛場演  
最上乘且道薦嚴一句作麼生道內宮慈氏當堂見

天那

圓悟佛果禪師語錄卷三

十二

徧界全彰淨妙身復舉乾峯示衆云舉一不得舉二  
放過一著落在第二雲門大師出衆云昨日有人從  
天台來却往徑山去峯云典座今日不得普請師云  
閃電光中著眼擊石火裏橫身乾峯旣鐵樹生華雲  
門亦紅爐鼓浪拳踢相應唱拍相隨所謂要明恁麼  
事須是恁麼人若是恁麼人須解恁麼事只如今日  
大明普照上根圓證作殊勝緣現奇特事且道與雲  
門乾峯是同是別不逢別者不開拳一遇知音便分  
付

上堂云樹凋葉落頭頭體露金風海闊天高處處月

圓秋夜佛祖提不起棒喝用不著清奇水石玲瓏心  
印全彰瀟灑巖崖峭拔門庭成見安家樂業則且止  
海衆雲臻時如何豁開戶牖相延諾淡飯麤羹守寂  
寥

上堂云淡淡處無物堪比倫淺淺箇兩手相分付以  
一統萬穿衆穴於毫端補短裁長握秤尺於掌內換  
却髑髏裏底且致把將靴鞋袋來一句作麼生道意  
氣不從天地得英雄豈藉四時推

周侍御請上堂云祝一人無窮之壽開十方選佛之  
場建殊勝緣作奇特事須是作家漢共相激揚始得

天那

圓悟佛果禪師語錄卷三

十三

僧問秋去冬來忽忽過添年日月信無多決去玄沙  
三種病趙州茶盞事如何師云放去收來進云須信  
天真佛興悲幾萬般師云一點水裏進云直得微甘  
回齒頰已輸崖蜜十分甜師云却須透得趙州關進  
云不煩魏帝一丸藥去也師云天下衲僧取則進云  
趙州老漢猶是入泥入水未審道林門下作麼生爲  
人師云截鐵斬釘進云可謂是一句當機迅若雷爍  
迦羅眼頂門開師云分明記取師乃云玄機透脫融  
萬象於目前至理高明會千差於物表一明一切明  
一見一切見一用一切用一說一切說直截根源當

陽顯露若能於此洞達去自己脚跟下一段大光明  
如果日寬如太虛可以修身可以見性可以祝一人  
上壽可以種未來勝因是故靈山拈華迦葉微笑少  
林面壁神光傳心於是中間如擊石火似閃電光須  
是奇特人方明本分事要知本分事還他奇特人只  
如今日奇特本分底一句作麼生道蔡藿同傾仰高  
祝萬年春

上堂云玄玄太顛頂了了了沒邊表有生有滅特  
地乖張無去無來轉見漏逗不起滅盡定而現諸威  
儀不捨凡夫法而修諸勝行且道是放行是把住隨

支那  
書

圓備果應師語錄卷三

十四

流認得性無喜亦無憂

上堂云葉落知秋動絃別曲定允招手智者點頭承  
當於文彩未生前相照向是非得失外不涉廉纖如  
何通信萬景徒有象孤雲本無心

檀越請上堂僧問教云初日分中日分後日分皆以  
恒河沙等身布施如何是初日分恒河沙等身布施  
師云大海若不納百川應倒流進云如何是中日分  
恒河沙等身布施師云見成公案進云如何是後日  
分恒河沙等身布施師云盡未來際一時收師乃云  
日面月面珠回玉轉有句無句絲來線去如來禪父

母未生前祖師意并底紅紅起透得者權實句下雙  
明透未得者葛藤巢裏埋沒透得透不得總不恁麼  
時如何薰風自南來殿閣生微涼

結夏上堂云高超十地不歷僧祇物我一如身心平  
等不與萬法爲侶不與千聖同途歷歷常光現前處  
處壁立萬仞直饒透出威音已前猶是這邊事在及  
乎理隨事變應物應機或現十種他受用身或現三  
尺一丈六有時孤峯頂上目視雲霄有時淺艸平田  
橫三豎四亦只是這邊事只如不動步而廓周沙界  
不起念而周徧十虛底人且道九旬三月還結夏也

支那  
書

圓備果應師語錄卷三

十五

無雲在嶺頭閑不徹水流澗下太忙生

上堂云月圓月望月旦月朔斬釘截鐵堆山積嶽小  
乘錢貫大乘井索有漏筌籠無漏木杓定龍蛇句全  
殺活散向諸方任貶剝叅

鄧樞密奏到紫衣師名上堂云此一辦香奉爲祝嚴  
今上皇帝伏願帝基永久寶祚彌昌億萬斯年永隆  
聖壽次拈香奉爲兩府樞密相公伏願長居三事永  
處巖廊壽筭等喬松福祿溪巨海陞座僧問師名遠  
賜全提佛祖大機堪服初披獨露人天正眼百千  
重則且置孤峯頂顛事如何師云優鉢羅華火裏開



進云只如朕兆未分已前是何面目師云渠無面目  
進云龍得水時添意氣虎逢山勢長威憚師云誰不  
恁麼進云空生若解巖中坐爭得天華動地來師云  
却被闇黎勘破進云聖明天子未審將何報答師云  
此心心外更無心進云還許學人轉身吐氣也無師  
云你作麼生著力進云三事衲衣青嶂外一爐沈水  
白雲中師云大家讚歎師乃云大道絕遮攔其誰趣  
向虛空無背面何處雕鐫迥出威音王高超毗盧頂  
直得絕塵絕跡離相離名海口莫能宣佛眼覷不見  
其奈巖中宴坐諸天雨華淨室掩關梵音慰諭遠稟

支那  
撰述

圓信佛果禪師語錄卷三

十六

一人洪造特資宰輔陶鎔樞服師名存臻巖穴既爾  
從天降下理應直下承當泉石光燭林巒增秀風行  
艸偃水到渠成由是擊開解脫門顯示正法眼調無  
生曲唱太平歌樂無爲之化去也還委悉麼優鉢羅  
華開艷著無香氣名自樞密府恩從九天至艸木生  
光燭麟龍不爲瑞誓奮鐵石心仰答丘山惠  
舉泰首座立僧上堂云大人具大見大智得大用一  
飛六月息一諾千金重滔天必江海崔嵬必山嶽先  
知覺未知先覺覺後覺打開無盡藏運出無價珍不  
依倚一物顯示本來人

浴佛上堂云一手指天一手指地末上一機衲僧已  
鼻步步蓮華金盆澡洗西天東土共流傳至今處處  
澆香水良久云車不橫推理不曲斷下座  
劉提舉請上堂云般若智光破生死昏衢之暗金剛  
寶劍截結使纏縛之憂透脫處一念無多受用處通  
身具眼直得如天普蓋似地普擎如日普照如風普  
涼一絲不移纖塵不翳所以道一切法不生一切法  
不滅若能如是解諸佛常現前又道未達境唯心起  
種種分別達境唯心已分別即不生於分別不生法  
中認取不變不移無窮無盡清淨本然周徧法界本

支那  
撰述

圓信佛果禪師語錄卷三

十七

來自性若了得去於天地未分生佛未立乃至劫火  
洞然大千俱壞於中無一絲毫動搖無一絲毫起滅  
無一絲毫增減無一絲毫榮悴若能恁麼始知提舉  
朝議未嘗滅未嘗虧未嘗移未嘗去且獨超物外一  
句作麼生道九蓮開合處百寶自莊嚴久立珍重  
解夏上堂云妙淨明心本無延促金剛正眼豈有開  
遮絲毫不移古今獨露理隨事變事逐理融隨所作  
心應所知量便有春夏秋冬生住異滅從無住本立  
一切法用無功用成一切事且隨緣不變一句作麼  
生道秋風吹八極木落露千山下座

上堂云古佛有通津當陽且古今懸崖能撒手一語直千金叅

上堂云行棒行喝拽石搬土象骨輓毬禾山打鼓馮嶺牧牛玄沙見虎喫茶趙州面壁魯祖爭似老雲門臘月二十五叅

圓悟佛果禪師語錄卷第三

校訛

音釋

第十二紙

十五行謂

北藏作請

第十六紙

十六行麟

南藏作麟

支那

圓悟佛果禪師語錄卷三

十八

鐵

作木切

摑

古獲切

鞴

步拜切

也

堪

食被切

陶

徒刀切

也

輓

輓公混切

毬

毬渠九切

也

也

敘

縣居士

吳惟明

施贊刻此

三卷

京山沙彌玄秀對

圓悟

佛果

禪師

語錄

第三卷

萬曆辛卯春清涼山妙德庵識

圓悟佛果禪師語錄卷第四

宋平江府虎丘山門人紹隆等編

上堂四

住建康府蔣山師在潭州道林受請拈勅黃示衆云龍蟠鳳翥鐵畫銀鈎出自九重從天降下大衆瞻仰請爲敷宣拈香祝聖云大衆見麼祖佛同根本人天共讚揚結成寶蓋祥雲共祝南山聖壽奉爲今上皇帝萬歲萬萬歲伏願道超盤古德冠羲軒位永固於金輪壽彌堅於劫石遂陞座云大衆時平道泰天清地寧一人高拱無爲萬物各得其所普天率土無不

支那

圓悟佛果禪師語錄卷四

一

承恩航海梯山均蒙陶鑄直得塵塵剎剎物物頭頭放大寶光開正法眼運般若力復太古風知恩報恩一句作麼生道萬靈莫測無爲化處處全開五葉華道林辭衆上堂云十虛同一漚寧分彼此大千同一塵豈有去來若能各人明見本心顯發妙用通天作略動靜一如而地風光彼此無二住也浮雲凝於幽谷去也虛舟泛於長江去住本自圓成解脫更無異路如是則全起全滅全動全靜全去全來全收全放且出門一句作麼生道頭頭物物皆成現正眼當陽廓太虛復云三年承乏幸叅陪道業荒虛愧不材赴

詔直從天外去何時相與復徘徊

入院至方丈云達磨面壁維摩默然有條攀條豈可  
形言雖然如是脫體宏開不二門只要解黏棄去縛  
陞座云道不虛行如風偃艸緣不虛應似鏡臨形若  
能於心無心於已無已於彼無彼於我無我蕩蕩廓  
周沙界皆非外物縱歷盡乾坤際悉在目前法隨法  
行法幢隨處建立理亦如是事亦如是況寶公道場  
榮時示化舒王福地聖世重興宏開選佛場宣唱大  
般若於其中間且作麼生是於心無心於已無已坐  
斷要津不通凡聖底一句三山半落青天外二水中

文部  
無述

圓悟佛果禪師語錄卷四

二

### 分白鷺洲

結夏上堂云一塵合法界無邊子細點檢猶有空缺  
處在百億毛頭師子百億毛頭一時現著實論量未  
是極則之談若論本分事大人具大見大智得大用  
設使盡無邊香水海越不可說不可說世界都盧是  
自己安居處舉一念超越無邊刹海猶未是衲僧行  
履處不犯鋒鋇不拘得失不落二見不在中間正當  
恁麼時如何山中九十日雲外幾千年

上堂云法無二相道豈多途彼此絕功勳古今不變  
易有依倚底碧落青霄無依倚底銀山鐵壁設使神

通妙用百市千重爭如息見忘機家堂穩坐且不涉  
二途一句作麼生道他家自有通霄路罷却干戈百  
艸頭

五月初二日開堂於知府手中接得疏呈示大眾云  
字字演無量義句句如優曇華佛祖鉗鎚人天標榜  
當陽拈出文彩已彰錦上鋪華請重宣過

指法座云高高無外深深無際更不作禮須彌燈步  
步階梯全體是且道是箇什麼看看拈香云大眾還  
見麼熏五分法身結五雲瑞彩熱向爐中奉為祝嚴  
今上皇帝聖壽萬歲萬歲萬歲伏願道齊堯舜德

文部  
無述

圓悟佛果禪師語錄卷四

三

冠義軒南山壽逾億萬年北極尊亘河沙劫第二辦  
香奉為判府尚書諸衙勳貴伏願膺一人簡在副四  
海具瞻為周邵甫申作臯夔益高第三辦香云管年  
白雲堆裏最初一句截流今日人天眾前箇是四回  
拈出奉為蘄州五祖山第十二代演禪師襲向爐中  
以酬法乳之恩乃攝衣敷座天禧和尚白槌云法筵  
龍象眾當觀第一義師云一槌便成光綸溢目要津  
把斷誰是唱酬還有能觀第一義底出來相見師乃  
云曠劫來事只在如今威音那邊全歸掌握頭頭物  
物成現明明了了無差獨用宏機全提祖印設使奮



逸羣作略施竭世樞機未免節外生枝水中捉月所以諸佛出世罕遇作家祖師西來承虛接響向上一路千聖不傳學者勞形如猿捉影到這裏不拘格式不躡前蹤不昧當機如何舉唱明眼漢沒窠臼本分事絕羅籠幸遇帝道平平皇風蕩蕩祝嚴聖壽爲國開堂台旆先臨皇華作證鍾山頂上寶公塔前八字打開分明顯示去遂拈起拄杖云還見麼諸佛構不著祖師提不起千日竝照萬鏡臨臺不隔纖毫當陽薦取且不涉諸緣一句作麼生道八方震震無爲化萬國謠謠樂太平

支那

圓悟佛果禪師語錄卷四

四

上堂云不滅不生亘古亘今圓融無際應用無差佛祖由茲圓成人天因其發現至於千聖萬聖出來移易一絲毫不得要識文殊普賢釋迦彌勒觀音勢至盡在這裏不起纖毫凡聖情念不拘得失是非境界直下全真更非他物且薦嚴一句作麼生道還委悉麼彌陀非外得徧界是西方  
上堂云一切無收攝觸處圓成應用絕參差莫窮形相向千聖頂額上有時露出祖佛莫窮底機關於一毫端中有時演出主賓互換底文彩經天緯地玉轉珠回卽且置舉拂子作點勢云這一點落在什麼處

海神如貴不知價畱與人間光照夜

上堂云至真非內大千非外表裏一如含融法界月印寒潭珠沉滄海樹彫葉落無在不在萬法本通同從來無向背要是箇中人始終無變改且作麼生是無變改雪後始知松栢操事難方見丈夫心上堂云格外真乘當陽正眼騎聲蓋色離見絕聞非三賢十聖所知非神通變化所測撥開向上一竅威音已前把斷封疆直饒達磨西來也無措手足處到這裏更說心說境說得說失得麼掀知有什麼交涉若是利根漢一刀截斷不落第二見不落第二機直

支那

圓悟佛果禪師語錄卷四

五

下便承當豈不省要乃至若行若住若坐若臥一香一華一瞻一禮無不皆從自己流出無不皆從本有道場中來以此坐斷報化佛頭不妨隨時著衣喫飯三世諸佛只言自知祖師西來全提不起一大藏教詮註不及且道到這裏作麼生說預作津梁底道理還委悉麼片雲點太清已落第二見  
報寧民和尚受帖上堂云一向孤峯獨宿目視雲霄雖則不埋沒宗風無乃太高生一向十字路口土面灰頭利物應機雖則埋沒自己無乃太屈辱生況明悟之士頂門具眼肘下有符出沒卷舒得大自在動

若行雲止猶谷神可以或孤峯獨宿不礙土面灰頭或土面灰頭不礙孤峯獨宿恁麼中有不恁麼不恁麼中有恁麼且應時應節一句作麼生道良久云瑞氣逢嘉運靈苗觸處春

受季善友爲僧上堂云三界無安四生拘促欲脫愛網超步大方正應披忍辱鎧操智慧刀運上品心發殊勝志與蘊魔煩惱魔外魔共戰滅三毒破魔網始是大丈夫漢豈不見教中道三界無安猶如火宅衆苦充滿甚可怖畏又道是舍唯有一門而復狹小雖然狹小過去諸佛現在諸佛未來諸佛盡從箇裏出

支那

圓悟佛果禪師語錄卷四

六

去且道必竟如何良久云何似生遼天鵲萬里雲只一突

上堂云千聖不同轍正體獨露萬象無所覆妙用常真法隨法行無處不徧心隨心用無處不周若能上絕攀仰下絕已躬放出人人常光目前各各獨露便可以於一塵中現寶王刹坐毛端裏轉大法輪以無轉而轉卽一切皆轉以無身現身一切處無不是身亘古亘今凝然寂照所以道唯一堅密身一切塵中現雖居塵中而塵中收他不得雖居四相而四相羅籠不住雖一切處覓其纖毫形相了不可得然而要

用便用要行便行亦不於一塵中覓塵亦不尋其纖毫形相謂之無生法忍且只如截斷兩頭一句作麼生道歟生同一際萬化悉皆如

解夏上堂云毫端寶刹寬闊優游十世隣虛古今渺邈洞視不見徹聽不聞到這裏非止善財七日歛念設使文殊百劫運大智力起無邊神用亦不能覩見只如諸人九十日間各各於中全體遊歷出沒卷舒縱橫收放八穴七穿東涌西沒儻忽於此知得諦當去不妨步步踏著實地心心契證平常苟或未然今日布袋口開還委恁麼良久云無謂清秋多勝致低

支那

圓悟佛果禪師語錄卷四

七

回且復按雲頭

八月一日上堂云撥正三界窠窟放出無位真人透過荆棘叢林便居常寂炎土非如非異耀古騰今非色非心超宗越格淨裸裸絕承當赤灑灑沒回互只如今在諸人慣門貫通一切若能各各返照內觀卽坐自己家堂所以祖師道有一物上挂天下挂地常在動用中動用中收不得謂之本源佛性顯成知解宗徒更云說似一物卽不中亦不免涉三寸路直得不墮常情不拘格式諸人若能於此定當得更不在指東劃西若定當不得不免重重指注去也不見道



有物先天地無形本寂寥能爲萬象主不逐四時彫  
既不逐四時彫又能爲萬象主且當陽截斷路頭如  
何趣向還委悉麼八月秋何處熱復云抖擻自精神  
構取自家底如斬一縷絲不分前後際力刃既雙行  
一斬截一切倘能劍刃上承當一口吸盡西江水  
開爐上堂云乾茹近火理合先焦滴水水生事不相  
涉倘或透生灰明寒暑融動靜一去來直得意遣情  
忘如癡似兀然後乃可饑則啐飯健則經行熱則乘  
涼寒則向火雖然如是趙州道我在南方三十年有  
箇無賓主句直至如今無人舉得且無賓主話火爐

文部  
撰述

圓悟佛果禪師語錄卷四

八

頭如何舉得還委悉麼衲被蒙頭萬事休此時山僧  
都不會

褒山珪禪師爲佛眼和尚設齋請上堂云還有助哀  
者麼僧問明鏡當臺舉無遺照只如佛眼和尚遷化  
向什麼處去師云妙喜世界藏不得蓮華影裏現全  
身進云和尚只道得一半師云你全道底又作麼生  
進云煩惱海中爲雨露無明山上作雲雷師云天地  
懸隔進云誰人知此意令我憶南泉師云且莫詐明  
頭問臨濟滅却正法眼三聖直下便承當盤山會裏  
要傳眞普化當時翻筋斗未審此意如何師云跳出

金剛圈吞過栗棘蓬進云萬里神光頂後相只明這  
一段時節去也師云方木逗圓孔進云學人是直截  
根源師云一任踈跳師乃云此方緣盡他方顯化此  
界身歿他界出現大善知識以無邊虛空爲正體以  
香水海不可說塵刹爲化境以日月爲明燭以形骸  
爲逆旅以灰生爲晝夜其來也電光晃耀其去也石  
火星飛雖示世人有去有來極其本體不動不變所  
以南泉和尚答爲馬大師作齋問大衆云今日爲先  
師設齋且道先師來麼有底道合取鉢盂有者道眞  
堂前更添一分食益明此箇不動不變至靈至妙各

文部  
撰述

圓悟佛果禪師語錄卷四

九

有奇特處要且只見錐頭利不見鑿頭方今日褒山  
珪公長老爲佛眼和尚設齋敢問大衆佛眼和尚還  
來麼有道得底試出來道看若無不消一箇普同供  
養何故簷頭水滴滴相承五葉華葉葉相付且道綿  
綿不斷一句作麼生道祖月凌空圓勝智何山松栢  
不青青

檀越請陞座僧問祖師門下水泄不通明眼人前固  
難啓口未審和尚如何爲人師云無孔鐵鎚當面擲  
進云劍閣路雖險夜行人更多師云捉敗這漢進云  
收得安南又憂塞北師云腦後添一隻問聲前一句

非聖不傳未曾親近如隔大千如何是聲前一句師云咭嚟舌頭進云如大火聚近之燎却面門又如何親近師云只得瞻之仰之進云爭奈推倒嘉州大像倒騎陝府鐵牛師云孟八郎漢師乃云心不是佛心與佛俱非智不是道智與道俱遣到這裏金屑雖貴落眼成翳珍食雖美難中飽人若是向上人須知向上事若於向上提持去也威音已前空劫那畔不恁麼至於毗婆尸佛娑竭陀國不恁麼靈山拈華迦葉微笑亦不恁麼少林面壁神光斷臂亦不恁麼何故若使恁麼彼此相鈍置既不恁麼又且如何舉唱所

以道諸佛不出世四十九年說祖師不西來少林有妙訣若人識祖佛當處便超越上根利智千里同風一刀兩段聊聞舉著徹骨徹髓剔起便行隨處作主遇緣卽宗艸偃風行全機獨露正當恁麼時不依倚一物一句作麼生道萬象之中長獨露千峯頂上現全身

僧復披剝謝恩罷陞座云天中之天聖中之聖處域中之大超方外之尊執寶錄以臨民覆金輪而御極廓清六合停毒萬方聿降綸言重興佛法遂使普天釋子復換僧儀歸本笏於裴相公納冠簪於傅大士

重圓應真頂相再披屈眴田衣俄頃之間追還舊觀皇恩崇重倍萬丘山艸木之微云何圖報輒傾肝膽少出毫芒大衆先佛有頂顙一機如擊石火似閃電允祖師有末後一句吞栗棘蓬跳金剛圈可以敵聖驚羣可以轉凡成聖騰今現古蓋色騎聲如今對衆拈來不犯從前路布還委恁麼洪鈞妙力先天地覆載恩歸大聖人

上堂僧問選佛場開上根圓證不昧當機如何指示師云一超直入如來地進云龐居士道不昧本來人請師高著眼馬大師因什麼直下覲師云頂門上有

進云居士道一種沒絃琴唯師彈得妙馬大師直上覲未審意旨如何師云暗裏能抽骨進云直上覲底是直下覲底是師云莫謗馬大師進云爭奈龍袖拂開全體現象王行處絕孤蹤師云有龐居士證明師乃云真妄窠窟生處根株論其汗漫則千差掬其趣向則一致起唯法起滅唯法滅起滅全真了無二致所以道三界唯心萬法唯識離心之外無別識境楊岐又道羣靈一源假名爲佛體場形消而不變金流朴散而常存如此則亘古亘今不生不滅羅籠不住呼喚不回古聖不安排至今無處所且始終不變二

句作麼生道還委悉麼不從千聖中傳得透出威音更那邊

楊安撫請上堂僧問白雲生滿座瑞氣擁禪堂少室真消息當機願舉揚師云一舉千差同一照進云一音清迅生潮舌萬類聊聞道眼開師云風行艸偃進云只如蘊定乾坤謀略有蓋世英雄具殺人刀秉活人劍還有佛法道理也無師云有進云如何是佛法道理師云直是天下無敵師乃云十虛融攝正眼洞明八表昇平圓機獨運萬象不能藏覆千聖無以擬倫明明絕承當歷歷無回互見成是箇大解脫門有

法華部

圓悟佛果禪師語錄卷四

十一

超宗越格底眼具離見絕情底機出沒於中往復同用直得拈起也天回地轉應須拱手歸降放下也艸偃風行必合全身遠害可以集眾福可以滅諸殃可以報君親可以安邦國全明一道神光不落見聞知覺正當恁麼時收因結果一句作麼生道萬里江河歸有道凱歌齊唱賀郎回

劉宣教請上堂僧問劍輪頂上飛大寶炎虎眼峯前豁開宗要既是向上人須明向上事如何是向上事師云坐却舌頭進云此猶是向下事師云果然轉不得進云直得蓋天蓋地底來和尚向甚處出頭師云

且向千里外立進云爭奈覲面相呈毫髮無間師云已遭點額也師乃云生平唯以此相知促榻論心到極微轉眼奄然今五載人間空只想形儀佛祖知見生从根源萬世不移易一絲毫千聖莫能窮趣向其生也電炎石火舉必全真其滅也玉轉珠回通身無影所以道羣靈一源假名爲佛體竭形消而不滅金流朴散而常存於一現一切而普該於一切現一而無刹不徧同古同今契物契我正體一如非生非滅所以道生滅去來本如來藏妙真如性夫如是則生未嘗生滅未嘗滅去未嘗去來未嘗來都盧是箇如

法華部

圓悟佛果禪師語錄卷四

十一

來藏體真如正性敢問提舉中奉卽今在什麼處還委悉麼無生無住著處處是全身

上堂僧問單拈獨弄只貴眼辦手親正按傍提須是作家手段棒喝交馳則且置頂門一句事如何師云倒行此令進云蔣山門下不爲分外師云分身兩處看進云學人更向上行時如何師云且只向下問進云任大也須從地起更高爭奈有天何師云過師乃云目擊塵塵刹刹同居華藏海中頂門密密堂堂渾是無生法忍拈一莖艸現丈六身吹一布毛傳正法眼離無離有絕聖絕凡八字打開分明顯示了也若



委悉得去遂舉拂子云東方妙喜世界不離箇裏西方極樂世界亦不離箇裏上方兜率世界亦不離箇裏如是則一處通千處百處一時通一處圓千處百處一時圓且不離本有一句作麼生道閻浮樹下親修處九品蓮中妙果圓

開聖節上堂云頂天履地共荷皇恩含齒戴髮均承帝力神霄降慶真主示生傾萬國丹心祝一人聖壽當陽有路萬派朝宗一句無私輒輸肝膽還委悉麼大明齊北極聖壽等南山

散聖節上堂云神霄真人降駕長生帝君御極神靈

文冊

圓佛果禪師語錄卷四

十四

開旦夷夏欽風萬瑞成臻千靈擁祐布義軒無私之政追盤渦太古之風萬國赤子歌謠八表昆蟲鼓舞福流千界慶集一人林下禪人如何圖報共持清淨無爲化仰祝吾皇億萬春

寶公生日上堂云悲智種中圓證四生海裏橫身圓如明月珠快似金剛劍一向恁麼去千人萬人乃至無窮億人羅籠他不住及至恁麼來千人萬人乃至無窮億人盡承他庥蔭賑濟四生舒卷九有或現十二面或現百億身鷹爪中露受生機屈膝處示涅槃相此猶是應機接物隨方逐圓時節若論本分提持

坐斷異同不通凡聖直得釋迦彌勒飲氣吞聲文殊普賢亾鋒結舌且利物應機一句作麼生道杖頭湧出金剛劍四生九有示津梁

上堂云壁立千仞處攢華簇錦平田淺艸裏劍戟縱橫欲提持向上那邊事直下無啓口處始欲捲而懷之又乃文彩已彰正當恁麼時如何要識他家全意氣三千里外絕諸訛

上堂云薩怛阿竭二千年前費分疎摩醯首羅一眼頂門先漏逗有轉變識機宜到這裏如虎戴角骨碌錐守窠曰於箇中似龜負圖直須自悟自修切忌依

文冊

圓佛果禪師語錄卷四

十五

他作解所以道有一句子堪與祖佛爲師有一句子堪與人天爲師有一句子自救不了只如截斷衆派不落三句又且如何還委悉麼言下未開千聖眼鋒前已泄法王機

錢運使請上堂僧問北山天下呼禪窟大冶洪爐烹祖佛玲瓏八面有誰知一句當機露風骨忽遇其中人來時如何師云倚著一邊去進云恁麼則五鳳樓前聽玉漏須彌頂上擊金鐘師云足下雲生進云低低處平之有餘高高處觀之不足師云曾襟流出一句作麼生道進云覲面相逢更無回互師云朝議與

你作證師乃云祖佛頂顙上單提本分宗乘萬機不到處宣布正法眼藏明明絕回互歷歷無邊表一句坐斷千差一言朝宗萬派是佛非佛向上向下權實照用卷舒擒縱一時拈却直得淨裸裸赤灑灑人人常光現前處處壁立萬仞所以道一切法不生一切法不滅若能如是解諸佛常現前不唯諸佛現前乃至一切有情無情盡無邊香水海過現未來湛然凝寂不變不異交光相羅如寶絲網諸人還見麼須知此一段事有如是奇特相有如是解脫力敢問大眾且過往八孺人承箇什麼功力還委悉麼國土動搖

文冊

圓悟佛果禪師語錄卷四

十六

迎勢至寶華彌滿送觀音

三月望日上堂云華殘雨過已度韶光風暖雲凝將臨夏景不逐四時凋變隨例七八五分更或削跡吞聲未免牽藤引蔓百艸頭上則且置脚下泥濘一句作麼生道春日晴黃鶯鳴

結夏上堂云築著磕著立卓縱橫或纖或洪徧界十身調御不踐青艸豈冒紅塵且放下一句作麼生道拘折拄杖子高掛舊瓶盂復云塵塵刹刹自家風不在瞻嘗聽顙中既爾結將布袋口直須牢把主人公結夏請上堂云豁開戶牖當軒者誰無面目可見徧

界不藏無形相可觀全機獨用以無面目而諸相歷然以無形相而十身具足解脫門廣啓選佛場宏開作不可思議功勳成無量殊勝奇特直得一爲無量無量爲一小中現大大中現小小坐微塵裏轉大法輪猶未是衲僧本分事於中若得桶底子脫五色線斷目前無法心外無機則圓融一切無有所爲成就諸法全體顯現且正當恁麼時不落功勳一句作麼生道三尺龍泉光照膽萬人叢裏奪高標

文冊

圓悟佛果禪師語錄卷四

十七

轉彰文彩渾崙壁不破撲鼻更馨香八面自玲瓏通身轉綿密箭鋒相拄針芥相投則且置獨脫一句作麼生道條爾風雲會廓然天地春復云坐見東山振古風頂門眼正有全功操持臨濟金剛劍個儻楊岐栗棘蓬鐵壁銀山須作用魔宮虎穴亦流通攝將香水無邊刹併入鉗鎚爐鞴中

八月旦上堂云秋光清淺明明不遑轉羣木蕭疎一一解脫道不出陰界可以徧歷浮幢王不立纖塵可以具足金剛智何況園裏菜青田中禾熟豈非歲稔時和心融境寂且不離向背一句作麼生道星河秋



一鴈砧杵夜千家

住東京天寧寺宣和六年四月十九日於當寺爲國開堂師拈疏云現成公案未言時文彩已彰洞徹根源才舉處重重漏泄儻或尚畱觀聽却請對衆敷揚指法座云柔忍辱衣諸法空爲座旣披此衣必據此座況佛佛祖藉此爲梯爲航見麼有條攀條無條攀例遂陞座拈香云此一瓣香恭爲今上皇帝祝嚴聖壽萬歲萬歲伏願聖明逾日月睿筭等乾坤空芥城而有餘拂劫石而彌固次云此一瓣香奉爲中宮天眷宰執諸王少師相公節使太尉闔朝文武

支那

圓悟佛果禪師語錄卷四

十八

在筵勲貴伏願高扶聖日永佐堯明壽筭等松椿福祿齊江海拈第三瓣香云大衆還見麼答曰白雲堆裏當風一句全提今朝萬壽堂前次第五回拈出奉爲蘄州五祖山真惠禪院第十二代演禪師熱向爐中以酬法乳智海和尚白槌云法筵龍象衆當觀第一義云明明無覆藏一一絕滲漏初無第一第二豈復言觀到這裏艸偃風行渠成水到還有共相證明底麼僧問時雍道泰樂升平萬里山河舜日明妙唱以資天子壽爐煙爲瑞國風清未審和尚如何舉唱師云萬壽堂前增瑞氣一人有慶等乾坤僧云師將

萬古靈山事祝讚當今有道君師云傾盡此時心僧云如是則金枝永茂天庭秀玉葉長芳內苑春師云誰人不仰此時風僧云祝聖已蒙師指示向上宗乘事若何師云七十三八十四僧云德基永固金剛界萬國來朝賀聖明師云風前一句超調御僧云須知此道真機妙應用隨方得卷舒師云更須抖擻眼中塵師乃云問話且止大衆秘密妙嚴深機莫能考究淨圓超證諸聖無以擬倫靈山單傳正音少室密付的旨洞明如果日寬曠若虛空把斷諸法無遺蔭覆羣靈有作頂門上如如不動脚跟下了了常知今朝

支那

圓悟佛果禪師語錄卷四

十九

幸遇祝聖開堂對衆分明剖露遂拈拄杖卓一下云大衆還知落處麼諸佛心髓祖師淵源十成八字打開徧界全彰勝相纖洪長短黑白方圓一一絕羅籠處處無回互澄澄湛湛密密堂堂無淡可淡無妙可妙是故佛佛授手唯授此心祖祖相傳唯傳此妙上根種智略請回光可以千眼頓開可以萬緣透脫豈不見阿難問迦葉世尊傳金襴外更傳何物迦葉召阿難阿難應喏迦葉云倒却門前刹竿著三要印開十方通透直得王舍城裏萬壽堂前瑞氣凝九重祥光朝鳳闕一一發燭正法眼藏傳持涅槃妙心了也

且當陽不昧一句作麼生道太平瑞氣無邊表航海  
梯山仰聖朝以此開堂一毫善利上祝今上皇帝聖  
壽伏願金輪永固寶祚殊昌四海樂文明萬邦陶至  
化復舉管有僧問投子如何是一大事因緣投子云  
尹司空與老僧開堂師云投子古佛叢林中推其得  
逸羣之辯得朴實頭道用看其等閑拈掇不妨佛法  
佛法打成一片雖然如是惜其不甚寬廓今日忽有  
人問天寧如何是一大事因緣卽對他道手握金輪  
清四海聖躬彌億萬斯年

圓悟佛果禪師語錄卷第四

文部

圓悟佛果禪師語錄卷四

二十

校訛

第八紙

四行力十南 第十紙 十五行拳

音釋

霹靂

霹靂莫白切霹靂音木 綖 綖結切 幪 幪蓬切 咭 咭

屈眴

屈眴音也 脈 脈之切 諍 諍胡

滲漉

滲漉音也

嘉興居士

嘉興居士袁善施贊列此 京山沙彌玄秀對

圓悟佛果

圓悟佛果禪師語錄第四卷 京山沙彌玄秀對

萬曆

萬曆 卯春清涼山妙庵庵錄

圓悟佛果禪師語錄卷第五

宋平江府虎丘山門人紹隆等編

上堂五

師在蔣山受勅拈示衆云大衆見麼龍飛鳳舞降自  
九重佛祖綱宗盡在裏許却請維那對衆宣讀  
陞座僧問承師有言龍飛鳳舞降自九重此意如何  
師云無人不仰竈溪恩進云好音在耳人皆聳去也  
師云水到渠成是一家進云直得樵夫舞袖野老謳  
歌去也師云誰不恁麼進云莊野春林與天華而合  
彩師云一枝別是太和春進云爭奈雲本無心自有

文部

圓悟佛果禪師語錄卷五

二十一

從龍之勢師云却得闍黎出氣進云只如寶公還肯  
放和尚去也無師云放來久矣進云從教猿鶴怨且  
副一人心師云是處是彌勒無門無善財師乃云寒  
巖枯木白雲堆散質何能中巨材豈爲虛聲徹清禁  
紫微聖詔九天來既然事出意外要須直下承當所  
貴正眼流通仰祝無疆曆算直得昆蟲草木悉仰動  
地風光大地生靈咸霑唐虞睿澤處處和風徧野人  
人喜氣盈眸感覆燾無疆之恩荷一人生成之德正  
當恁麼時還委恁麼碧桃冉冉凝朝露紅杏蒙蒙映  
彩霞

入院詣方丈坐云摩竭陀國三七日內口呀呀毗耶城中八萬人衆眼睺睺雖然一期拈掇未免犯手傷鋒爭似這箇八面玲瓏四方洞達上賴一人床廕傍贊聖化無窮一句截流萬機寢削還委悉麼識取鉤頭意莫認定盤星

指法座云三萬二千師子座爭及此箇曲朶木坐斷報化佛不涉聞見知揭起鷲嶺高風仰祝南山睿筭還見麼看取令行時

上堂拈香此一瓣香祝嚴今上皇帝聖壽無疆萬歲萬歲萬萬歲師乃云入門便見更不容擬議尋思開

支那

圓悟佛果禪師語錄卷五

二

口便說亦不復周由者也假使善財入彌勒樓閣尚資歛念普眼入普賢妙境亦偕威神只如今直得八穴七穿四通五達一處透千處萬處通明一光明千光萬光普照且到家一句作麼生道風前有路超調御鼓腹謳歌樂太平復有頌云本是山中人無能唯守拙豈謂有虛名遠達丹鳳闕降勅住天寧竹與星夜發今朝親到來一句無言說別別金色頭陀曾漏泄

東京天寧寺語喬貴妃請上堂云一句全提千差併會一華開現萬福來臻往復無間而有源動靜不移

而常寂處處是佛頭頭是道若也淡信得及更不假他人餘力直似壯士屈伸臂頃全出此機若動若靜若出若處殊勝中現殊勝奇特中現奇特更非外緣全承渠德所以道天人羣生類皆承此恩力若識此恩動止作爲百千變現悉不落虛正當恁麼時一句作麼生道當陽徧界無回互千重百匝轉炎輝祖師會上堂僧問少林首傳於頓旨五葉爲芳惹嶺遂別於衆流千燈續照門庭雖異五家般若同歸地位如何是五家宗派師云吒吒沙沙歷歷落落進云若不偈問爭達本源師云一筆勾下進云趯倒淨瓶

支那

圓悟佛果禪師語錄卷五

三

不留活計兩口無舌正是吾宗如何是爲仰宗師云天下人跳他圓相不出進云三回擲棒猶若蒿枝末後瞎驢人天正眼如何是臨濟宗師云敲唱俱行進云休去歇去古廟香爐枯木生華祖佛心要如何是曹洞宗師云兩兩不成雙進云對機餽餅本自天然一簇遼空三句可辨如何是雲門宗師云當面蹉過進云色空明暗觸處光燭剎剎塵塵頭頭顯露如何是法眼宗師云點進云祖師心印狀似鐵牛之機去卽印住住卽印破只如無鼻孔衲僧作麼生印師云便是闍黎進云天下祖師鼻孔盡被和尚一串穿却



未審和尚鼻孔被什麼人穿師云莫謗佛果好師乃云千聖頂顙上可容刹海衲僧命脉中不許真機更通一線路以佛現祖從祖證佛印印無差機機圓證靈山拈華示衆建立此箇宗風金色頭陀曾承妙旨以至西天四七此土二三自曹溪散席已來數百年間列刹相望各各握靈蛇殊人人抱荆山壁有照有用有權有實提振向上宗風傳持正法眼藏要且百川異流同歸大海千重百巾無出一源所以道西天二十八祖也恁麼唐土六祖也恁麼天下列刹相望諸老宿也恁麼山僧也恁麼且道恁麼事作麼生商

大聖  
撰述

圓悟佛果禪師語錄卷五

四

量還提掇得出麼還縊素得明麼山僧不憚兩莖眉毛與諸人點破遂拈拄杖云還見麼三世諸佛歷代祖師天下老和尚盡在拄杖頭上放大光明現權現實現機現境列五位君臣開三玄宗要機境相投箭鋒相拄一字三句同源圓相境致殊別若也於此委悉百艸頭上罷却平生事根株亦不畱聞清聲外句莫向句中求儻或未然山僧不免又拖泥涉水也達磨不來東土二祖不往西天人人壁立萬仞箇箇常光現前卓拄杖一下下座

蓮華會上堂僧問箇首叢中選佛場法筵大啓一爐

香靈山萬古拈華事今日憑師爲舉揚師云不是苦心人不知進云恁麼則法法已隨諸法住分明露出白蓮機師云卽今覲面已相呈進云妙性海中爲雨露菩提場裏起清風師云猶落第二頭進云學人只如此師意又如何師云頂門三千腦後八百師乃云毗婆尸已前千華現瑞天中天正地優曇呈祥直得徧界不曾藏通身無影像現大蓮華王周巾千華座一葉一釋迦一鬚一彌勒塵塵爾刹刹爾處處爾念念爾一塵舉大地收一華開世界起可謂殊勝中竄殊勝奇特中倍奇特感慈塔前凝瑞氣羅漢洞邊顯

大聖  
撰述

圓悟佛果禪師語錄卷五

五

真容法會儼然人天普集到這裏合談何事說玄說妙得麼說佛說祖得麼舉古舉今得麼顯作顯用得麼盡是從前已後大宗師拈出了也卽今不如總不動著只呈一箇現成公案若也薦得人人心中華發明處處照十方刹正當恁麼時推功歸本一句作麼生道還委悉麼萬方有慶歸明聖願見黃河百度清喬貴妃娘子請爲法眞和尚病起上堂師云鷲峯單提向上機千靈不謀而會合少室密傳正法眼萬象不融而圓通契印相投緣因相入神功如天地之覆載妙智若日月之照臨沙界等平略無向背有大解

脫士證大解脫道闢大解脫門示大解脫事現古人攢簇不得底病直教千聖覓起處不見諸佛衆生皆有是病諸佛若病卽非衆生衆生若病卽非諸佛是故以衆生病故示有此疾由茲王舍城人各各稟頂上炎悉來問病而是大士隨求顯示令其萬仞壁立以至衆生病盡大解脫士亦安旣安之後有大檀越作大法施建大法幢演大法義雨大法雨一一交羅重重無盡正當恁麼時應時應節一句作麼生道還委悉麼靈苗增秀氣瑞艸發祥炎復成一偈示病維摩元不病問疾文殊初不來建大法幢啓大施頓令

大文部

圓覺佛果禪師語錄卷五

六

千眼一時開

喬貴妃設千佛會上堂云千華顯瑞應萬善積靈臺廣闢解脫門大開無價藏舉揚正法眼表示千佛因直得徧界絕籠羅當陽無取捨透聲透色亘古亘今有具大信根修菩薩行發難思願力啓清淨莊嚴建大道場具列珍羞一香一華一茶一果同法性等太虛塵刹刹千佛放光如理如事十方普應所以道大匠無繩墨良材無曲直紅輪燦太虛徧界皆綉赫一華開一佛出世一塵舉一佛成道主伴交叅森羅顯煥集無涯福祿祝睿筭無疆正當恁麼時作麼生

道室內千燈相照耀天邊寶月更清圓

鄆國大王請上堂僧問如何是第一句師云豈容聲相從君見進云半夜碧雲籠古殿天明海岸迸金鳥師云肘臂有符人共看進云如何是第二句師云真金須向爐中煅進云倒騎鐵馬上須彌踏斷曹溪流水聲師云正在半途間進云如何是第三句師云出艸入艸要求人進云妙喜刹中爲雨露無明山上起雲雷師云分明坐手處子細好生觀師乃云至理自調然千華會現瑞無在無不在十方卽目前若是利根上智一舉便解承當旣能截斷衆流可以超今冠

大文部

圓覺佛果禪師語錄卷五

七

古以如是智以如是力以如是心以如是願明同果日寬若太虛所以道譬如虛空體非羣相而不拒彼諸相發燭又道若人欲了知三世一切佛應觀法界性一切唯心造蓋此清淨本元離去離來離聲離色若以真實正見契寂如如雖二六時中不思不量無作無爲至於動靜語默覺夢之間無不皆是本地風光本來面目現諸祥瑞現諸奇特皆是從無量無邊劫海薰習種智從清淨微妙根智如是應現正當恁麼時如何無相光中千佛現一道清虛亘古今復舉釋迦老子靈山會上說大般若舍利弗於佛前問須



菩提夢中說六波羅蜜與覺時是同是別須菩提云此義幽深吾不能說此會中有彌勒大士次補佛處可往問之彌勒云誰爲彌勒誰是彌勒者師拈云還委悉麼一句當機萬緣寢削更聽一頌夢中說法覺無殊妙用神通不出渠誰是誰名總彌勒祥光起處現心珠

本然居士請上堂云寸絲不掛猶有赤骨律在萬里無片雲處猶有青天在若乃不盡去未免者也周由直饒一切坐斷已落佛祖圈續到這裏作麼生舉揚作麼生提持雖然如是從上來有箇現成公案不免

提持去也古者道吾有大病非世所醫僧後問曹山未審是什麼病山云攢簇不得底病僧云未審一切衆生還有此病也無山云衆生若病卽非衆生僧云只如和尚還有麼山云正覓起處不得大衆此病卽非世所醫須要本分作家以金剛錘與他頂上一剗正覓起處不得也與一服直教祖病佛病玄妙之病機緣境界悉灑灑落落脫然解脫不住解脫機到這裏羅籠不肯住呼喚不回頭古聖不安排至今無處所只這無處所早是處所了也直須千峯萬峯那邊承當得去好等閑拈一機舉一句盡與人抽釘拔楔

解粘去縛更說什麼直指人心更覓什麼見性成佛正當恁麼時如何不假纖毫力碎佛祖窠窟

少保張丞相忌日請上堂僧問維摩大士去何從千古令人望莫窮不二法門今正問夜來明月上高峯只如維摩一默意旨如何師云逼塞虛空進云恁麼則當陽無向背觀體露全機師云無你插嘴處進云爭奈前三三後三三師云也是鞏縣茶瓶進云只如文殊道我於一切處無言無說與他一默是同是別師云落在第二頭進云爭奈斬釘截鐵師云橫按鎮錘進云只如無盡居士與和尚平昔道契相知且道

卽今何在師云爲你說了也進云學人今日小出大遇師云你將什麼報恩進云萬古碧潭空界月師云閑言語師乃云大衆握佛祖鉗鎚控作家爐鞴烹煨古今驗證衲僧唯用向上一機金剛王寶劍臨濟祖師傳黃檗馬祖此箇機要向大河之北獨振正宗一喝分賓主照用一時行坐斷天下人舌頭奔走四海雲水以至乃子乃孫傳此正見用此真機若非大解脫人安能當陽證驗憶管無盡大居士生平以此箇事爲務徧寰海宗師無不容叅到兜率山下逢見老衲論末後句始得脫體全真言解道理一時脫却遂

作偈云鼓寂鐘停鉢回巖頭一撥語如雷果然只得三年活莫是遺他授記來鏗金戛玉虎驟龍驤不妨具大機得大用以此正印印天下叢林善知識山僧管在湖北相見與伊電卷星馳一言契證表裏一如居士功業書於竹帛遺德在生民後來當此之日撒手那邊行止且道無盡居士向什麼處去還委悉麼大千沙界諸佛土刹刹塵塵現勝身復云盛德在生民四方共欽仰三教大宗師秤頭有銖兩七十九歲佛齊年是日霜風亘霄壤一聲振忽雷前星墮雲帳麒麟掣斷黃金鎖一躍直歸梵天上萬載千秋

三六冊

圓悟佛果禪師語錄卷五

十一

### 著遺想

上堂一二三四五六七今朝此月當初一昨宵大火還西流金風動地聲蕭瑟聲蕭瑟圓通門大啓便請直截入還委悉麼有念盡爲煩惱鎖無心端是水晶宮

月旦上堂云本來無形段那復有唇觜特地廣稱揚替他說道理且道他是誰參

上堂云月生一室生白月生二產靈異月生三萬回愁格外無蹤跡風前強指南頭頭無向背一一絕廉纖拈華特地生風州令人長笑老瞿曇

李典御作年齋上堂云大衆如來涅槃心菩薩大解脫祖師正法眼衲子金剛鎚有照有用有權有實有縱有擒有殺有活尚枉向上關捩子上是箇人向箇裏出沒向箇裏拈提終未能全機剔脫若也全機剔脫去變大地作黃金攪長河爲酥酪改禾莖爲粟柄易短壽作長年不爲分外何故提向上綱宗用作家鼻孔回歲旦於今朝用慶年於此日正當恁麼時如何萬人叢裏插高標錦上鋪華轉光彩

三六冊

圓悟佛果禪師語錄卷五

十一

鄭太師請上堂僧問萬機休罷時如何師云坐斷毗盧頂進云可謂風前一句超調御擬問如何歷劫迷師云只得拱手讚歎師乃云靈炁未兆萬彙舍太虛一氣旣彰華開世界起過去諸佛現在諸佛未來諸佛皆同箇中出現若天若人若羣生無不從是中流出以一處明百處千處炎燄一機轉千機萬機歷落所以道淨法界身本無出沒大悲願力示現受生然而此悲此願此力若是宿稟靈根具超脫種智則才生下時已作師子吼已具大神通至於若衍若住若坐若臥或放行或把住無不皆從諸聖頂額上縱橫

十字乃至享福享壽享富貴多子孫悉承渠儼威力  
正當恁麼時一句作麼生道重重彰瑞氣一一湧金  
蓮復頌云威音已前靈苗秀到今光彩轉新鮮萬卉  
芬芳風景麗壽山高到大椿年

大內慶國夫人請上堂僧問空劫中還有佛法也無  
師云逼塞虚空僧云未審學人向什麼處安身立命  
師云踉過也僧云和尚喚什麼作虚空師云闍黎問  
從何來僧云三際斷時凡聖盡十身圓處刹塵空師  
云爭奈你路不著師乃云處處真無回互塵塵爾有  
鑑覺萬象以不見而見萬法以不聞而聞不見見其

支那

國傳佛果禪師語錄卷五

十一

見逼塞虚空不聞聞其聞包含萬有離却見不見聞  
不聞別有一段奇特事要須是箇大解脫機大解脫  
用然後方能歷落起處全真豈不見僧問雲門如何  
是塵塵三昧門云鉢裏飯桶裏水又僧問如何是諸  
佛出身處門云東山水上行一等是箇時節朴實頭  
處直是朴實頭孤危峭峻處直是孤危峭峻正當恁  
麼時將箇什麼提持將箇什麼眼目辨別還委恁麼  
試玉須經火求珠不離泥復頌云此心合法界明  
本來人千祥如霧集萬善若雲臻  
大悲生辰鄆國大王請上堂僧問聞聲悟道見色明

心盡大地是色那箇是心師云觀世音菩薩來也進  
云可謂掬水月在手弄華香滿衣師云爲什麼却是  
饅頭進云只如雲門恁麼道意作麼生師云重引重  
遶輕引輕遶進云畢竟水朝滄海去到頭雲自覓山  
歸師云也須是頂門上具觀音眼始得師乃云當年  
此日大悲生千臂莊嚴千眼明世出世間殊勝事神  
通無不總圓成恁麼去步步踏佛階梯恁麼來處處  
現身現土於六根得深圓通於解脫得普門智所以  
無刹不現無處不真或爲寶公十二面或作達磨傳  
心印或向泗洲運神通或向香山發妙身周旋往返

支那

國傳佛果禪師語錄卷五

十三

或證三真實得二殊勝四不思議十四無畏三十二  
應向娑婆世界獨有大緣說無說無窮妙現現無身  
寶王妙身隨類示悲應機赴感求饒益得饒益應求  
男女得男女應求如意得如意應此猶是觀世音方  
便之力敢問大衆作麼生是觀世音諦當之處不見  
一法卽如來方得名爲觀自在  
十月一日上堂云無邊刹海廓同太虛昨宵秋盡今  
日冬初曾無變易豈有親疎直下歇去蘇嚕蘇嚕  
上堂云我我我渠渠渠千聖頂顙乃遽盧不是心不  
是物一口吞盡三世佛浮幢王香水海拈起擲向他



方外淨裸裸赤灑灑萬象森羅無縫罅平懷的實鎮巍然饑來喫飯困來眠

大禮令節上堂七日來復各歸至盡之本一陽生起聿見天地之心徹底闢重玄當陽闡正眼直得萬國共慶四海同歡福聚一人位隆無極有箇奇特應時應節因緣舉似大眾還委悉麼皇帝有勅大赦天下今上皇帝在藩邸時請陞座僧問一月在天影含眾水一佛出世各坐一華只如佛未出世時如何師云風颭颭地進云恁麼則霧起龍吟風生虎嘯師云猶較些子進云佛出世後如何師云徧界不曾藏進云

法華

圓悟佛果禪師語錄卷五

十四

但存心地無諸惡刀劍叢中也立身師云鐵石身心報國恩進云古今無異路達者共同途師云要得瞻之仰之大家讚歎師乃云金剛心真華藏界闍一佛出世千佛擁衛一華開敷萬華周帀現殊勝因作奇特事可以保安家國可以入聖超凡唯仗不思議神通難思微妙作用車不橫推理不曲斷豈不見管日波斯匿王問釋迦老子聖義諦中還有世俗諦否若言其有智不應一若言其無智不應二一二之義其事云何釋迦老子道大王汝於龍炎王佛時曾問此義吾今無說汝亦無聞無說無聞是真聖義諦是名

一理二義一二之義其事如是釋迦老子頂顙放光肘下懸符於百千萬億境界中提起當陽一著諸人還證據得麼若證據得按頭獲勅如證據不得伏聽處分正當恁麼時如何放開一線道觸處現神通復舉答曰有一王者往見西天祖師既相見已遂命祖師說法祖師云大王來時好道去如來時師拈云佛法卽是世法世法卽是佛法以真道而行風行蛇偃山僧有箇小頃至簡至易尊卑貴往還千聖頂顙頭世出世間不思議彈指圓成八萬門一超直入如來地

法華

圓悟佛果禪師語錄卷五

十五

莘王請陞座僧問普光明殿在人間凡聖交羅絕往還若向一塵覷得見舒炎照處奉慈顏正當恁麼時毗盧遮那在什麼處師云在你頂顙上進云學人爲什麼撞不著師云只爲你不是銅頭鐵額進云大小天寧和尚語脉裏轉却師云大小禪客隨人脚跟走進云須知同途不同轍師云也不是這箇道理進云天共白雲曉水和明月流師云蝦跳不出斗進云管日趙州端居丈室侍者報云大王來也州云大王萬福此理如何師云頂顙金剛眼放光進云雖然入衲求人爭奈拖泥帶水師云莫謗趙州好進云忽然莘

國大王今日親臨又且如何師云八字打開說法了也師乃云大眾以佛見佛無異見以法說法無別說佛法聞見總現成當陽直下全超越當陽一著非佛非法非見非說非有非無非異非如寬若太虛明如杲日所以三世如來於此示生於此修行於此悟道於此成佛全不由他獨承渠力卽如今千聖頂顙上拈出了也不以眼見不以耳聞不以口宣不以心知正當恁麼時須是箇人始得所以道大人具大見大智得大用舉一明三告往知來正當恁麼時不涉夤緣一句作麼生道還委恁麼楚澤冥開五百歲蟠桃

文淵

圓悟佛果禪師語錄卷五

十六

暗長一千年復頌云一塵纔舉一剎現一華開時一佛生克證金剛得長壽六根晝夜放光明濟王請陞座以無漏根作奇特事以解脫智種金剛緣不於他處現身長在頂門獨露非心非佛非異非如等閑拈一莖艸作丈六金身等閑說一句可以當金剛寶劍人人皆稟此用各各悉稟此心若能返照迴光便是毗盧正體豈不見波斯匿王問釋迦老子云我昔未承佛誨見迦梅延咸言此身死後斷滅我雖值佛心猶狐疑此身念念遷變不知有不變者於是釋迦世尊謂波斯匿王言爾雖知遷變不停還知

身中有不變者否王合掌白佛云我實不知佛言大王汝年幾歲時見恒河水王言我生三歲時見佛言如今云何王云經今六十二年見與三歲時無異佛言大王汝面雖皺皺者爲變而此見精性未曾變變者受滅不變者元無生滅釋迦老子向千聖頂顙萬仞峯頭指出金剛性不變不易湛寂凝然堂堂顯露由是波斯匿王識其本心敢問大眾只如今一切人皆見山僧陞堂且道此見從何而得與威音已前空劫那畔是同是別若見得無異無別則見現前正當恁麼時一句作麼生道覲面擊開無盡藏頭頭湧出

文淵

圓悟佛果禪師語錄卷五

十七

夜明珠復云濟國大王具大根器有上乘種性生爲帝子身極貴榮不忘諸佛付囑知有此大因緣垂神教典深識果因凡所施爲心源洞照所以此之作善因緣行陰隲保其富貴長久福祿彌隆有福修福若大海之納衆流唯利根種智之人具如是作用只此便是普光殿無相身爲盧舍那萬行因華圓果海福源洪注溢天河

圓悟佛果禪師語錄卷第五

音釋

呀

張口貌

齒齒

齒戶感切齒徒感切

鄆

馬溫切

因



圈續

煅都玩切  
煅煉也  
驤息騰

躍也切剔

他歷切

蘆寄舍也

識賦  
刻京

山沙彌玄秀對



十八

宋平江府虎丘山門人紹隆等編

上堂六

撰述

圓悟佛果禪師語錄卷六

1

41-103

五年

虎玄天地先昆蟲艸木悉陶埏神功已極三千界睿  
算仍過億萬年

眾道友爲李道山披剝上堂云頂門闡金剛正眼始  
辨大機殺人不眨眼底漢立地成佛方明大用直得  
如此猶只是吾門建法幢立宗旨趣向在且向上還  
有事也無若知有向上事去設使盡乾坤大地艸木  
叢林一一現千百億釋迦身不消一捏至於傾懸河  
辯用嶮崖機盡四聖六凡一時軒豁提得將來不消  
一撥且道據箇什麼便恁麼所謂大人具大見大智  
得大用向無明窟子裏便放無量寶光向衆生境界

法華經

國信佛果禪師語錄卷六

二

中便作不思議事如丹霞相似才方舉起便知落處  
更不涉唇吻更不落言詮始似過他一箇聲頭便乃  
十分領略只如未剗艸時在什麼處既剗艸與說  
戒兩手掩耳又落在什麼處過量人有過量事只如  
當機一句作麼生道數聲清磬是非外一箇閑人天  
地間復頌云丹霞剗艸燒木佛宮使捨緣吹布毛驚  
羣敵勝真師子一釣須連十二鰲

知省太尉請上堂一句當陽顯赫徧界已絕羅籠不  
從諸佛心髓中流亦非乾坤未生時立只如今凜凜  
孤危澄澄絕照若是具超方眼有格外機才彰文彩

已前已是十分勘破及乎彰言句立機境形問答作  
彼此直得千重百市百市千重和中下機一時收拾  
在這裏還有當處證明直下解脫底麼試出來通箇  
消息看如無威音已前活鱖鱖直至如今淨裸裸復  
成頌云法界廣包含開敷優鉢曇普熏般若力萬善  
自莊嚴

大內貴妃請上堂云一句子出於千聖頂門一妙機  
發於無盡寶藏迴無依倚杳絕端倪非色非心非如  
非異盡虛空窮法界都盧是箇大解脫門你諸人浩  
浩地於中出入還覺寒毛卓豎麼若向脚跟下一念

法華經

國信佛果禪師語錄卷六

三

不生全體顯露則淨裸裸活鱖鱖要行即行要住即  
住要用即用要休即休不指第二頭不落第二見到  
這裏亘古亘今凝然寂照若踏著去透脫生處是甚  
閑事能以無漏根力建法幢立宗旨永被一切羣靈  
盡未來際無有窮盡正當恁麼時且道承誰恩力還  
委悉麼五蘊山頭無相佛放光動地廓周沙頌云一  
心無住著徧界法王家崇成無漏福端坐寶蓮華  
坦然居士爲貢沙彌作齋上堂僧問達磨未傳心地  
印釋迦未解髻中珠有人若問西來意還有西來意  
也無師云庭前石獅子進云若然者歷劫坦然無異

色呼爲心印早虛言師云一點也入不得進云爭奈  
人古應無墜分明在目前師云你試舉目前底看進  
云一點也瞞和尚不得師云爭奈大眾何師云舉步  
越東勝身遑身入西瞿耶回首望北鬱單捻拳觸南  
閭浮淨地裏看是箇沒量大人以正眼觀來猶是麻  
滓麴未須知四維上下無邊香水海不可說浮幢王  
刹捏爲微塵一一塵中現無邊身說無量法猶只是  
順機應教看孔籠著楔而況提向上鉗鎚用作家爐  
鞴便是徧界德山有棒無下手處徧界臨濟有喝無  
啓口處徧界金色頭陀有定力無容身處正當恁麼

支那  
撰述

圓悟佛果禪師語錄卷六

四

時驀然有箇承當得擔荷得趣向得行履得且道向  
什麼處著渠山僧有箇著處擬待說又恐成露布擬  
不說又却孤負當機說與不說一時拈却竄後一句  
放開話會去也長松下明窻內玉殿珠樓未爲對衲  
被蒙頭萬事休此時山僧都不會還委悉麼天台華  
頂秀南嶽石橋高昨夜磨盤生八角驚將露柱笑哈  
哈引得門前石獅子倒緣蘿壁上天台

遶院上堂建大厦非一木之能濟巨川非一人之力  
而況長空絕跡大道體寬了之由人斷之在已或出  
或處或語或默虎穴魔宮穢邦淨土山林城市荆棘

叢中若能著著有出身之機處處有超情之見無可  
不可把定也祖佛不能窺放行也同生復同歟且道  
放行爲人好把定爲人好還委悉麼披蓑側立千峯  
外引水澆蔬五老前幻軀將逼縱心年懶汨塵勞久  
世間憑仗護身箇符子強扶衰疾且歸山  
住金山龍游語錄師在高鄧乾明受勅拈起示衆云  
見麼拈時十日竝照舉處千界光燭九重天上降來  
宰輔手中親付更不敢囊藏被蓋請僧正一爲敷宣  
次拈誦云毫端寶刹闌外威權有卷有舒有照有用  
字字珠回玉轉一一地偃風行雖然文彩已彰更請

支那  
撰述

圓悟佛果禪師語錄卷六

五

重新拈出

指法座云竿木隨身逢場作戲須彌燈王只今見在  
目前更不須作禮還信得及麼千聖不傳微妙訣妙  
峯孤頂有人行

陞座云正令已行十方同應獻華偕水全藉傍人還  
有共相證明底麼僧問唱罷御樓一曲高陞浮玉孤  
峯未過揚子江如何道得接手句師云風不來樹不  
動進云只這裏何異妙峯頂師云吹毛寶劍當頭截  
進云忽若德雲比丘出來道箇隔和尚如何轉身師  
云也則摸索不著進云爭奈處處無回互頭頭不讓

機師云七日何曾得見來進云設使親見也只是山上底師云苦屈之詞寃難吐進云學人若也通消息只恐揚子江水逆流去師云三十棒且待別時師云大道無背面真機有卷舒攬大地如陶家輪運大千向針鋒上猶未是寰中正令闔外全威所以萬國仰瞻同歸舜日靈光一道共照皇家重興佛祖道場追還普天寶所正令全提主賓同用山僧今日得奉一人聖詔傍資宰輔威權共建法幢豎立宗旨揚子江心滔天輓浪妙峯孤頂舒卷開雲是處著眼不前頂額正令全現若是箇同得同用同殺同活底共一眼

見共一耳聞同一口宣同一音演更無異緣亦無異見說什麼九十六種二十五有正要當頭弄取一時列在下風且如今日應時應節事作麼生道一句迴超今古格萬年仰祝聖明天

陞座僧問遠辭帝闕已屆南徐不涉程途請師垂示師云到此已六日進云竹密不妨流水過山高豈礙白雲飛師云猶涉唇吻在進云不涉唇吻請師道師云高高處有餘進云衲僧家人林不動艸入水不動波且以何爲證師云猶較些子進云只許老胡知不許老胡會師云且莫詐明頭師乃云三十年前曾到

此如今樓閣碧參差善財參處真消息誰識德雲開古錫還有識得底麼未渡瓜洲時有一句子已與諸人道了也若以心思若以意識若以眼見若以耳聞則沒交涉直得七佛已前威音那畔薦得猶是話會在若委悉得更不用如之若何便請丹青獨步苟或未然不免落第二義門去也江心一峯樓臺相映水面雙塔金碧交輝誠聖帝福田乃禪林上剎爲琳宮爲佛宇爲淨土爲穢邦建立法幢弘荷祖道若非今上皇帝睿聖文明深信此道安能首降詔書復此寶坊以爲福地如今所以與諸人向此古道場中各得

相見既到這裏直須念德修德知恩報恩若也如此則佛法付囑有在正當恁麼時一句作麼生道銀山鐵壁無回互艸偃風行得自由

開堂判府延康度疏與師師接了云斷盡現成公案擲地金聲發明古剎家風耀天光彩出自大手筆顯示最上乘正欲四海普聞便請僧正宣過

指法座云須彌燈王如來見居此座放大光明說法了也還聞麼苟或未聞既爾當爐不避火更須撥轉上頭關遂陞座拈香云此一瓣香奉爲今上皇帝祝嚴聖壽恭願文明齊二曜睿筭等乾坤奪少康復禹



跡之功成宣光興漢室之業萬邦歸聖化八表偃干戈此一瓣香奉爲判府安撫延康通判學士合郡文武官僚伏願位隆磐石功濟維城居方面則魯衛晉齊陟巖廊則臯夔稷卨此一瓣香佛眼也覩不見江淮十載受盡辛懃一旦白雲打破漆桶六處忝領大利七回拈出此香奉爲蘄州五祖山真慧禪院第十二代演禪師以酬法乳遂歛衣陞座焦山和尚白槌云法筵龍象衆當觀第一義師乃云適來未陞此座第一義已自現成如今槌下分疎知他是第幾義也還有打成一片解觀得底麼試出來對衆舉看僧問

文聊  
撰述

圓悟佛果禪師語錄卷六

八

目視雲漢德雲不下妙高峯至化難逃金山且通一線路報恩一句請和尚道師云萬年長祝聖明君進云可謂帝力丘山重君恩宇宙寬師云愈令心似鐵進云金枝永茂千年秀玉葉長芳萬古春師云又得闍黎共證明進云咎日裴相公入寺石霜偈笏坐慈今日台旆親臨未審如何相見師云只了箇見成公案進云瑞氣直從天上升祥雲元自日邊來師云高著眼進云只如和尚六處開堂爲人說法還有人相肯也無師云一時不肯進云爲什麼不肯師云獨許師乃云大道絕中邊至真離言說諸佛莫能提祖師

莫能傳透聲透色絕遮欄蓋地蓋天無向背豈止棒頭取證喝下承當直饒千眼頓開未免依艸附木到這裏要須是針劄不入風吹不倒把斷要津不通凡聖底始得是故靈山會上廣額屠兒放下屠刀云我是千佛一數大集會中大力魔王云待一切衆生盡皆成佛了然後發菩提心豈不是龍象蹴踏師子嚙啣敵勝驚羣蘊大丈夫意氣始可承當擔荷所以道殺人不眨眼底立地成佛立地成佛底殺人不眨眼還他過量人提持過量智發明過量機展演過量用正當恁麼時向過量境界中作麼生道還知麼仰祝

文聊  
撰述

圓悟佛果禪師語錄卷六

九

聖君無量壽河清海晏樂升平

上堂云大衆赤肉團上人人古佛家風毗盧頂門處處祖師巴鼻拈一機千機萬機通透用一句千句萬句流通不假他人全彰已用若也人人恁麼返照則亘古亘今凝然寂照一段光明非中非外非色非心行棒也打他不著行喝也喝他不得直得淨裸裸赤灑灑是箇無生法忍不遑轉輪截斷兩頭歸家穩坐正當恁麼時不須他處覓只此是西方秦魯國大長公主降香請陞座拈香云此一瓣香奉爲秦魯國大長公主今辰修設祝嚴今上皇帝聖壽



無疆師乃云天高無極無極有尊地厚無垠無垠有主鏡萬象方寸懷六合胷中發大機顯大用是故乃祖乃佛或拈華或面壁或行棒或行喝或詞辯縱橫或寂寥無說周旋往返只明此箇無爲宗旨所以人分上各各壁立萬仞無一絲毫移易虧欠豈不見道譬如帝力不棄一民不謂不知而不容不謂知之而含育到箇裏啓無爲之化行不言之教各各頂天履地飲泉水貴地脉正當恁麼時還委恁麼一穗寶香天上降金輪皇億萬斯年

錢二學士請陞座云透生从關出有無見脫佛祖機

支那  
撰述

圓信佛果禪師語錄卷六

十

超格則量須是利根上智一聞千悟直下承當始得撒手那邊更無餘事所以道幾回生幾回死達者悠悠無定止自從頓悟了無生於諸榮辱何憂喜諸人還識無生麼劫火洞然毫末盡青山依舊白雲中陞座云蓋天蓋地觸處逢渠亘古亘今全彰正體法無異相不落生滅時無異緣不涉春秋所以道處生处流驪珠獨耀於滄海踞涅槃岸桂輪孤朗於碧天如是則人人脚跟下踴騰今古迴絕見知六處惹絆不住三界收攝不得唯當陽直截承當便見透脫分曉正當恁麼時如何天上有星皆拱北人間無水不

朝東

上堂云法身無相應機現形法眼無瑕隨照鑑物安排不得處是天眞佛受用不及處乃向上機若能上絕攀仰下絕已躬鼻孔摩觸家風觸體常干世界則一爲無量無量爲一小中現大大中現小更討甚麼生从去來地水火風聲香味觸都盧是箇真實人體還有人向箇裏承當得麼識取摩尼無價珠當來受用無窮極

黃運使請上堂云大衆一句截流鐵壁银山莫湊泊萬緣俱透照地照天絕羅籠明明無覆藏歷歷非照

支那  
撰述

圓信佛果禪師語錄卷六

十一

用三世諸佛出興唯此一事歷代祖師傳持亦此一心所以般若如大火聚般若如無盡藏般若如泛海舟楫般若如照夜明燈若向下委曲提持則敲牀豎拂瞬目揚眉或語或默說有說無若向上提掇如擊石火似閃電光有時行棒有時行喝有時箭鋒相拄有時佛眼觀不見雖然如是猶有向上向下忽遇其中人却沒許多般事只是見成所以道山是山水是水天是天地是地不移易一絲毫正當恁麼時還委恁麼萬邦有道歸皇化偃息干戈樂太平

鄭龍學請上堂云相逢不拈出舉意便知有且道此

意作麼生舉知有箇什麼若論佛論祖論玄論妙論機論境論棒論喝盡是末邊事上頭還著得麼若著得去盡十方世界香水海向一毫頭上見得物物頭頭初無變易若向一毫端踉過設使用得七穿八穴亦沒交涉只如有交涉一句你作麼生道吃嚙舌頭三千里壺中日月自分明

呂左丞請上堂云一句語全規矩應出毗盧印一種機截衆流透過祖師關若是明眼人已透過三千里其或尚畱觀聽猶滯皮膚未免向第二義門重話會去也所以道知幻卽離不作方便離幻卽覺亦無漸

支那

圓悟佛果禪師語錄卷六

十三

次釋迦老子三世諸佛心髓一時頓現便恁麼承當全心卽佛全佛卽心心佛無二更疑箇什麼正當恁麼時作麼生道千古萬古黑漫漫填溝塞壑無人會上堂云靈山話月語密難藏曹溪指月心眞莫測倒却門前刹竿著已落第二頭金剛塔下蹲神龜火裏走猶落第三首只如未有佛祖已前還有恁麼時節麼到這裏不論懣底唯是俊流還委恁麼巨浪湧千尋澄波不離水

耿左丞請上堂云無佛世界是般若光百千聖賢是般若用金剛正體是般若根摧魔城壘是般若力有

如是自在威神得如是解脫知見用一絲毫千里萬里盡光燦拈一絲毫無邊世界無變易全體承當如如不動所以乃佛乃祖提持此事令一切人各各於根脚下洞明正見得其光顯其用證其根獲其力正當恁麼時如何天上有星皆拱北人間無水不朝東陳大夫請上堂云有句無句初無兩端如藤倚樹打作一片樹倒藤枯忍俊韓獺呵呵大笑金毛師子若是鐵眼銅睛當陽覷透便可以把握要津不通凡聖終不向他語言裏作窠窟機境上受羅籠所以道言無展事語不投機承言者喪滯句者迷不落語言不

支那

圓悟佛果禪師語錄卷六

十三

立機關布漫天網打衝浪魚坐萬里鈎駐千里烏騅也須還他大達之士始得所以趙州勘破處爲方便玄沙踉過處驗作家雪峯輓毬雲門顧鑑睦州見成俱抵一指如生鐵鑄就通上徹下只要箇本分人忽若總不恁麼又作麼生委悉麼了取平常心是道饑來喫飯困來眠復頌云卽心卽佛開心印非佛非心蹈大方當處分身千百億普光明殿放毫光

趙觀察請上堂僧問有一句子從上千聖不曾道著未審喚作什麼句師云你那裏得這消息來僧云他千聖也不曾恁麼道師云莫謗他千聖好僧云寧可

截舌不犯國諱師云撥破面門猶自不知僧云未審千聖密祝用那一句師云用鼻孔上一句僧云此一句還該一切也無師云闍黎不空缺師乃云當陽直截不昧時機答去問來全彰奧旨直得千古萬古只如今前佛後佛無別道寬廓無外大千沙界箇中藏寂寥非內香水海裏浮幢刹若能無彼無此非色非心直下坐斷要津不通凡聖則古釋迦不先新彌勒不後只如今人人頂門上放大寶光壁立千仞顯一切妙用神通挺單提不思議力正當恁麼時一句作麼生道一一山河無障礙重重樓閣應時開

文庫

圓悟佛果禪師語錄卷六

十四

住南康軍雲居真如禪院師於建炎丁未歲十一月初六日在鎮江浮玉山受劄子召赴行朝至十七日朝見登對移刻奉勅住雲居次日勅下時兩府并禁從就雍熙寺請師陞座祇受勅文師拈勅示衆云九重城裏親宣賜一道神光爍太虛勝義諦中真勝義千華叢裏綻芙蕖一舉便知多少省力苟或未然更請宣過

指法座云偕雍熙寶座提楊岐金圈直下現成分明薦取還委悉麼金剛正體露堂堂舉足無非大道場突立毗盧頂額上更於何處禮燈王看看便陞座拈

香云虛空世界未分超然馥郁華藏圓融已現特地氤氲戒定慧解脫知見所熏百千億無量殊勝所集契向爐中上祝今上皇帝聖壽萬歲伏願道德邁管五帝威靈超前百王聖壽等南山蘿圖齊北極二聖早還王駕萬國俱賀昇平永息干戈四民樂業次拈香云左僕射相公兩府台佐合朝百辟今日臨筵洪儒碩學諸多勲貴伏願爲霖爲雨爲檝爲舟補衮乃仲山和羹卽傳說僧問揚子江心停棹天子相招雲居峯頂把闕佛祖不讓未離王舍城時如何師云坐斷天下人舌頭進云不必覺城東畔五衆已臻文殊

文庫

圓悟佛果禪師語錄卷六

十五

善財如何分舜師云一狀領過進云恁麼則皇天無親唯德是輔師云更莫別商量進云只如舜日重明祖燈增照知恩報恩又作麼生師云一句了然超百億萬年長祝聖明君進云慇懃願祝南山壽一炷清香滿石樓師云已枉言前進云未審祖令當行如何流布師云點進云欲傳陸凱江南信折得東風第一枝師云徧界不曾藏僧問明鏡當臺時如何師云誰不照見進云萬像歷然了無回互師云盡你神通向什麼處去進云也知和尚在裏許師云始末一時收進云只如教中道圓悟如來無上知見未審禪師與



佛相去多少師云不隔一絲毫進云高高峯頂立深  
深海底行師云棒打石人頭礮礮論實事僧禮拜師  
乃云提金剛正眼闡向上宗乘報不報之恩能難能  
之事運臨濟金剛王寶劍喝下全彰用德山山形杖  
子覲面分付是則全是見則全見不落凡聖階梯直  
下頓彰已見既遇明眼作證又逢聖世昌時不敢被  
蓋囊藏直下分明舉似遂拈拄杖示衆云豈不見僧  
辭歸宗宗問什麼處去僧云諸方叅五味禪去宗云  
我此間只有一味禪僧云如何是和尚一味禪宗便  
打黃檗聞之云馬大師出八十四人善知識問著一

支那

圓悟佛果禪師語錄卷六

十六

箇箇局轉轉地只有歸宗猶較些子師云歸宗和尚  
束虛空爲箇杖子向千聖頂額上全提鎔瓶盤釵釧  
作一金攪酥酪醍醐爲一味若不得黃檗明辨端倪  
洎險勞而無功雖然如有條攀條無條攀例今日  
對諸人面前分明拈出還相委悉麼朝擊三千暮八  
百煅烹佛祖只憑伊復舉黃檗和尚示衆云汝等諸  
人盡是不著便底恁麼作略何處有今日也還知大  
唐國裏無禪師麼僧云只如諸方匡徒領衆又作麼  
生檠云不道無禪只是無師師云黃檗老漢能區能  
別能揀能擇擒虎兇定龍蛇卽不無要且只明得當

時事殊不知彼一時此一時若是山僧卽不然汝等  
諸人盡是英靈豪傑底恁麼舉止須信有奇特事還  
知大宋國裏有禪師麼且道禪師卽今在什麼處如  
今迴避不及不免露箇面目去也乃云親蒙金口賜  
師名優鉢羅華火裏生圓悟如來無上見謳歌鼓腹  
樂升平

圓悟佛果禪師語錄卷第六

校訛

第十六紙十四行險  
南藏作險

音釋

支那

圓悟佛果禪師語錄卷六

十七

埏尸連切剗楚限切籠力董切楔先結切檝卽涉切

憎母總切獐籠都切驢朱惟切烏俗音局何於切

輓盧谷切

常熟居士瞿汝稷施贊刻此

圓悟佛果禪師語錄第六卷

眞州王國英書 漂永端學堯刻

萬曆辛卯春清涼山妙德庵識

圓悟佛果禪師語錄卷第七

宋平江府虎丘山門人紹隆等編

上堂七

到南康軍開堂於知府手中接得疏示衆云見麼當陽顯示直截現成百市千重七通八達一一宗師巴鼻頭頭向上宗乘直下承當猶較些子苟或未證却請僧正重爲敷宣

指法座云後親踞衆寶莊嚴不從須彌燈王偕來元是兜率內院本有既是快便難逢須教出一頭地高著眼便陞座拈香云此一辦香奉爲祝嚴今上皇

支那

圓悟佛果禪師語錄卷七

一

帝聖壽萬歲恭願位隆劫石壽等芥城奮宣光之中興復大禹之舊跡次一辦香奉爲判府府判運使殿撰通判大夫闔郡尊官在筵僚衆仍願乃忠乃孝爲國爲民爲聖主之股肱作明時之柱石此一辦香得處辛懃收來劫遠廣衆中數回拈出嶽面上不敢覆藏奉爲蘄州五祖山真慧禪院第十二代演禪師契向爐中以酬法乳便敷座歸宗和尚白槌云法筵龍象衆當觀第一義師云包融萬有聲振大千乃佛乃祖頂門開若天若人方寸闊便恁麼薦得不妨省要苟或踟躕落在第二義門去也還有箭鋒相拄底衲

僧麼出來相共激揚僧問宗乘一唱三藏絕詮祖令

當行十方坐斷報恩一句作麼生道師云天長地久無餘事萬年長祝聖明君進云恁麼則文明齊二曜睿筭等乾坤師云艸偃風行得自由進云可謂金枝永茂千年秀玉葉聯芳萬古春師云闔國人證明進云古人道柳栗橫擔不顧人直入千峯萬峯去未審阿那箇是他住處師云騰蛇纏足露布繞身進云朝看雲片片暮聽水潺潺師云却須截斷始得進云此回不是夢真箇到廬山師云高著眼僧問古釋迦不先新彌勒不後正當今日佛法委付雲居千聖不偕

支那

圓悟佛果禪師語錄卷七

二

底機如何提掇師云剔起眉毛直下行進云從上來事還有分付處也無師云分付闍黎進云爭奈有句非宗旨無言絕聖凡師云還有金剛王寶劍來進云直下便是更不周由師便喝進云忽遇頂門具眼底出來道箇隔身句又作麼生師云賊過後張弓進云青山不鎖長飛勢滄海合知來處高師云分作兩段進云一舉四十九師云確師乃云以祖佛爲標準與祖佛作師以人天爲梯航與人天作眼忽若不倚一物孤迥迥峭巍巍千聖莫能知萬靈沒照鑑截斷一切不涉廉纖把斷世界不漏絲髮人天衆前如何剖



露若向箇裏上絕攀仰下絕已躬等閑如金翅鳥瞞海直取龍吞似師子兒出窟妖狐絕跡當鋒略露不免道箇山是山水是水僧是僧俗是俗開慈悲方便門留通途受用底忽若轉山不是山水不是水僧不是僧俗不是俗到箇裏還有出身處麼若有出身處便可以高揖釋迦不拜彌勒坐斷毗盧頂不稟釋迦文束虛空作拄杖也打他不得合百萬聚雷作一喝也驚他不動且道此人畢竟如何親近只如今各各當陽不肯不向不立一絲毫頭解路不作一纖塵機關正當恁麼時把斷乾坤一句作麼生道鷗兮已

支那

圓悟佛果禪師語錄卷七

三

掛狼煙息萬國歌謳賀太平復云龍牀肉頭親賜得天上雲居古道場安樂樹邊藏拙訥更無佛法可商量既無佛法却舉箇古人公案記得神鼎山譚禪師開堂示衆云山僧行脚也無正因只待向東京城裏聽一兩本經論於古寺閑房且恁麼過時不謂行到汝州葉縣被一陣業風吹到首山曲木牀上見箇老和尚當時把不住禮却他三拜直至如今悔之不得師云這老漢叅到生鐵鑄就處窮到無絲毫解路時所以向鐵壁銀山處斬釘截鐵若不知有向上宗乘爭解與麼道然雖如是檢點將來二祖少林也禮

三拜忽若水乳不分金鎗不辨有條攀條無條攀倒山僧元豐末年爲疑著箇祖師西來意十數載江表逢見大善知識便投誠咨叅玄妙理性棒喝機關直是費盡工夫終無箇休歇去處及到海會遇見箇老和尚被他腦後一槌從此喪却目前機去却曾中物直至如今也分疎不下且道與古人是同是別還委恁麼羚羊掛角千峯外更有羚羊挂上峯入院至方丈云箇是天下叢林鍛佛祖大洪爐奕世宗師烹衲子鉗鎚底處所以山僧到此老老倒倒跛跛挈挈百事無能向箇裏如何施設然雖如是當爐

支那

圓悟佛果禪師語錄卷七

四

不避火還委恁麼銅頭鐵額如龍虎看取金圈栗棘蓬上堂云耳聞不如眼見眼辦不如手親四百州天上雲居今之日竹輿親到巖巒回合林嶺崔嵬白雲深處見樓臺恍如別造一世界到箇裏亦不必窮玄說妙立境立機論性論心究理究事只如今人人分上一切坐斷正當恁麼時親到一句作麼生道祖佛妙玄竊徹底白雲深處好安居復云賜得雲居養病身半千衲子倍相親攀蘿直上青天上投老依棲安樂神

四月八日畱知事上堂云獨掌不浪鳴獨樹不成林  
大家出隻手折脚鐺子頗堪任復云替日毗藍園裏  
今朝古佛廟前裂轉雲門關捩且浴無垢金仙杓兒  
纔把處踉過祖師禪

上堂云山僧入院得六日表裏如如十方純靜只有  
一事說同諸人且道是什麼事不得動著

散乾龍節上堂云淵聖皇帝君臨萬國北狩未還乾  
龍節臨祝嚴睿筭臣僧一句了無覆藏還委悉麼佛  
殿裏燒香

結夏上堂云眼聲耳色不思議百地顛頭受用時表

東坡

圓悟佛果禪師語錄卷七

五

裏洞然無一事端能保護臘人兒好日多同遇緣即  
照法隨法行法幢隨處建立有世界以光明爲佛事  
有世界以音聲爲佛事有世界以香飯爲佛事有世  
界以莊嚴爲佛事有世界以寂默爲佛事且道雲居  
以何爲佛事不憎眉毛爲諸人拈出行住坐臥動轉  
施爲萬象森羅包含內外無一法不周無一事不圓  
到這裏著著盡是佛事則且置佛在什麼處還委悉  
麼高高峯頂無消息深深海底沒蹤由復云九十日  
炎陰一梳子半千人在毫端中各各包含大千界全  
承渠力得雍容沒築碁絕行蹤萬里雖然無寸艸德

雲不下妙高峯

舉悟和尚立僧上堂云只這是大似撒沙向眼中只  
這不是還如注水向耳裏直下無事平地陷人別有  
機關墮坑落塹且畢竟作麼生祇園屈曲流泉急驚  
嶺巍巍雲出遲復云雲居閣、洪爐不止烹佛烹祖  
但有一切持芥烈燄堆中舞取是則當處平和不是  
切宜退步煅出金剛眼睛直得乾坤獨露雖然到這  
田地須知向上一路還委悉麼放將三聖瞎驢踢殺  
大雄猛虎

天申節開啓上堂五月天申節真人降中天萬國傾

東坡

圓悟佛果禪師語錄卷七

六

葵藿處處啓法筵雲居古道場共焚一炷煙龍圖鳳  
曆等乾坤睿弄彌隆億萬年下座

上堂云古者道結夏得十一日也寒山子作麼生又  
道結夏得十一日也水牯牛作麼生山僧即不然結  
夏得十一日也燈籠露柱作麼生若透得燈籠露柱  
卽識水牯牛若識得水牯牛卽見寒山子忽若擬議  
老僧在你脚底

上堂僧問鏡清諸方只具啐啄同時眼不具啐啄同  
時用如何是啐啄同時眼師云打破千年野狐窟進  
云如何是啐啄同時用師云掀翻驪龍領下物進云

南院道作家不啐啄啐啄同時失又作麼生師云隨他語言走向艸窠裏打鞦韆云忽被學人掀翻禪牀時如何師云我且問你見箇什麼道理僧禮拜云仁義道中放過一著師云倒還三千師乃云平旦清晨五月一吹起少林無孔笛十方沙界坦然平大地山河印印出二祖曾不往西天達磨曾不到梁國大家共賀太平歌摩訶般若波羅蜜復云孤迴迴峭魏巍面前按山子管聞弘覺言今朝親到此有時生層雲有時霈微雨逗到大晴明依前突兀地且道是心耶是境耶爲復在心內爲復在心外鴛鴦綉出從君看

上支那

圓悟佛果禪師語錄卷七

七

### 不把金針度與人

上堂云五月五日天中節萬祟千妖俱殄滅眼裏拈却須彌山耳中拔出釘根楔鍾馗小妹舞三臺八臂那吒嚙生鐵勅攝截急急如律令

上堂舉僧問法眼慧超咨和尚如何是佛法眼云汝是慧超師云還委悉麼病遇良醫饑逢王饌齏裏得鹽雪中送炭

上堂云昨日風今日風陣陣不從他發十日雨五日雨點點不落別處大方無外大象無形盡世界掬如粟米粒總虛空乃掌中葉可以拽新羅國與占波國

鬪額直得東勝身洲射箭西瞿耶尼中塚所以道觸體常干世界鼻孔摩觸家風若是未出陰界尚滯見知聞恁麼說話一似鴨聽雷鳴隔靴抓癢直饒脫却根塵去却機境尚餘一線路在且二途不涉一句作麼生道還委悉麼佛殿塔前石獅子大洋海底鐵崑崙

上支那

圓悟佛果禪師語錄卷七

八

上堂僧問百丈問爲山併却咽喉唇吻作麼生道山云却請和尚道此理如何師云傍觀者哂進云百丈云不辭向汝道恐已後喪我兒孫爲復是答他話爲他說師云老婆心切進云五峯道和尚也須併却意旨如何師云一箭中紅心進云百丈道無人處所額望汝是肯他不肯他師云萬人叢裏奪高標進云雲巖道和尚有也未又作麼生師云拖泥涉水兩三重進云未審雲巖會了恁麼道不會了恁麼道師云與闍黎一般進云忽有人問和尚併却咽喉唇吻作麼生道師云合取進云恁麼則與雲巖一般去也師云



直截根源人不識忙忙業識幾時休師乃云萬仞懸崖撒手要須其人千鈞之弩發機豈爲鼯鼠雲門睦州當面踉過德山臨濟誑謔閭閻自餘立境立機作窠作窟故是滅胡種族且獨脫一句作麼生道萬緣遷變渾閑事五月山房冷似冰

上堂僧問臨濟三玄驗作家如何是體中玄師云迅雷霹靂更驚羣進云如何是句中玄師云切忌向三寸上弄進云如何是玄中玄師云棒頭有眼明如日進云如何是一印印泥師云脚跟下爛骨董地進云如何是一印印水師云沒背浸却進云如何是一印

印空師云腦後圓光萬丈長進云爲復一理爲復二義師云且鑽龜打瓦師乃云禪非意想以意想參禪則乖道絕功勳以功勳學道則失直須絕却意想喚什麼作禪脚跟下廓爾無禪之禪謂之真禪如兔子懷胎絕却功勳喚什麼作道頂門上照耀無道之道謂之真道似蚌含明月到箇裏實際理地既明金剛正體全現然後山是山水是水僧是僧俗是俗萬法縱然初無向背乃呵呵大笑云山僧恁麼說話大似無夢說夢無事生事若是明眼人覩見一場敗闕且離意想絕功勳一句作麼生道八臂夜叉擎鐵柱忿

怒那吒撲帝鐘

上堂壁立萬仞處透得鬧市裏可以橫身鬧市裏透得壁立萬仞處可以倒還何也根本若真正眼洞明則七穿八穴根本若不明正眼若麤麻則皮穿骨露故德山入門便棒臨濟入門便喝睦州見僧便道現成公案資福道隔江見刹竿便去脚跟下好與三十棒豈不是壁立萬仞處透得大丈夫漢一等是踏破屨鞋何不向祖佛提不起處承當天人著眼不及處擔荷然後卽心卽佛非色非心以一重去一重以一句脫一句豈不是鬧市裏透得向箇裏直得壁立萬

仞然後似鶻提鳩所以古人道垂手還同萬仞崖正偏何必在安排然後與麼也得與麼也得與麼也不得與麼總得似虎靠山忽若與麼也不得不與麼也不得與麼不與麼總不得如銀山橫路許他是具眼底向箇裏雙照雙遮同生同歟全明全暗全殺全活正與麼時且作麼生杖頭點出金剛王鐵壁銀山百襍碎復云聖凡情解初無相一法真時法法真萬仞崖頭能撒手千峯頂上現全身

上堂舉古者道動是誑寂是謫動寂向上有事在老僧口門窄不能與汝說師云是則是只道得一橛若

是山僧則不然語是誑默是謗語默向上有事在老僧舌頭短不能與你說還委悉麼兩刃金剛寶劍一對無孔鐵槌

上堂云十五日已前千牛拽不迴十五日已後俊鷄趁不及正當十五日天平地平同明同暗大千沙界不出當處可以含吐十虛進一步超越不可說不可說香水海邊一步坐斷千里萬里白雲不進不退莫道闍黎老僧也無開口處遂舉拂云正當恁麼時如何有時拈拄千峯頂劃斷天雲不放高

支那

圓悟佛果禪師語錄卷七

十一

怪伊進云青天也須喫棒又作麼生師云行遣早遲也進云未審過在什麼處師云彼此住山人更不重註破進云好雨下時却不下不天晴處却天晴師云你適來向什麼處去來進云乍舒去也師云脚跟下更與一棒直得雨似盆傾進云總不與麼時如何師云換轉鼻孔進云忽若應時應節又作麼生師云山前禾麥熟共唱太平歌師乃云曹溪路上天高地厚少室峯前土曠人稀孤然危坐冷蕭蕭大野橫身風颭颭眼見則瞎耳聽則聾口說則啞雖然不出一毫端含吐十虛無向背既然有恁麼神通具恁麼

作用爲什麼乾燥燥地東海鯉魚打一棒忙忙市地便爲霖

上堂云釋迦慳彌勒富八字打開無盡庫拄杖子化爲龍赫日光中吐雲霧徧界霑注甘雨卓拄杖下座

七月旦上堂一二三四五六七眼裏瞳人吹簫築七六五四三二一石人木人眼淚出七通八達舉著便知尚在見聞隔轆抓癢陝府鐵牛吞嘉州大像則且置佛殿堦前狗尿天五臺山上雲蒸飯一句作麼生道風來樹影動葉落便知秋

支那

圓悟佛果禪師語錄卷七

三

上堂云知幻卽離不作方便眼裏拈却須彌山離幻卽覺亦無漸次耳裏除却四大海不見而見鐘鳴鼓響玲瓏不聞而聞大地山河歷落無生田地有種有收般若梯航有津有濟離一切相卽且致威音王已前一句作麼生道雲中生石笋火裏出青蓮

解夏上堂僧問混沌未分時如何露柱懷胎此意如何師云突出難難進云分後如何片雲點太清是何宗旨師云高著眼進云未審太清還受點也無靈雲爲什麼不對師云識法者恐進云恁麼則舍生不來也又不對爲復是理合如此爲復是難爲酬對師云



生鐵鑄就進云直得純清絕點時如何猶是真常流注又作麼生師云若能轉物卽同如來進云如何是真常流注似鏡常明意旨如何師云也是一句合頭語進云大地山河爲自己燈籠露柱亦非他師云莫妄想進云渾無用去時如何師云却較些子進云上更有事也無云打破鏡來與汝相見未審意在什麼處師云分付拄杖子進云陋巷不騎金色馬回來却著破襴衫師云他家得自由師乃云秋光清淺秋露虛凝秋風颼颼秋色澄淨乃釋迦護生之功已畢實衲僧結制之法周圓若能內忘已見外了法空內

外一如虛凝澄寂則全心卽佛全佛卽心與諸佛把手共行與祖師同得同用到箇裏更說什麼結更說什麼解二六時中淨裸裸赤灑灑終日著衣不曾掛一縷絲終日喫飯不曾咬一粒米所謂動若行雲止猶谷神豈有心於彼此那有像於去來觸處逢渠全機獨脫正恁麼時如何白雲本是無心物等閑出沒太虛空復云九十日功圓此日不須更驗蠟人來雖然萬里無寸艸袋口今朝已解開

上堂僧問趙州訪一菴主云有麼有麼主豎起拳頭州云水淺不是泊船處意旨如何師云據款結案進

云只如又訪一菴主亦豎起拳頭州却讚歎禮拜師云兩重公案進云問答一般爲什麼肯一箇不肯一箇師云大有人到此一似撞著鐵壁進云忽有人問和尚有麼有麼如何祇對師云劈脊便棒進云恩大難酬師便打乃云當陽顯正眼包括三千大千渠儂無舌頭演出龍宮海藏現成受用觸處逢原徧界家風取之左右若非同道者何能提綱宗既是恁麼人須明恁麼事還委恁麼大地掬來粟米粒十方刹海掌中觀

云滿眼本非色滿耳本非聲進云親到寶山空手回又作麼生師云入荒田不揀師乃云何物高於天生天者是何物厚於地育地者是何物寬於虛空包虛空者是何物超越佛祖植佛祖者是六合之外惟道存而勿論若據本分事未道得一半還知盡大地掬來盡在諸人眉毛眼睫上化作天大將軍現無邊神通若也見得轉凡成聖若也不見切忌躊躇撥轉上頭關捩子分身百億化無邊

請長蘆覺禪師上堂冬子塔前分半座截斷衆流少林端拱歷九年壁立萬仞奮作家爐鞴施向上鉗鎚

顯大用大機全生全殺與一切人抽釘拔楔解黏去縛令大地人各各如獅子兒奮迅吒沙踞地返躑所以道法王法力超羣生常以法財施一切久積淨業稱無量導衆以寂故稽普夫如是則向萬仞懸崖墜手敲唱俱行百尺竿頭進步主賓互換正當恁麼時如何龍吟長霧起虎嘯乃風生復云撞著道伴交肩過一生參學事已畢今朝幸遇大導師寶華王座爲拈出

上堂僧問離四句絕百非請師直指西來意馬大師爲什麼不與他說師云闇黎不妨具眼進云智藏道

文部  
撰述

圓悟佛果禪師語錄卷七

五

問取海兄去又作麼生師云爛泥裏有刺百丈道我到這裏却不曾意旨如何師云烏龜鑽破壁進云馬祖道藏頭白海頭黑又作麼生師云塞外將軍令進云只如三員尊宿是答他話是爲他說師云一狀領過進云語帶玄而不露口欲談而辭喪師云猶有這葛藤在進云忽若截斷衆流言詮不涉又作麼生師云待我上山採拄杖進云這老和尚一點也瞞他不得師云放過一著師乃云好日多同數彩一賽錦上鋪華全通內外若是知音更不話會大衆三世諸佛在火燄裏轉大法輪牆壁瓦礫在諸人眼睛裏轉大

法輪拄杖子在千聖頂額上轉大法輪只有露柱燈籠却較些子何故東行不見西行利一葉落知天下秋

中秋上堂僧問黃龍三關卽不問如何是楊岐栗棘蓬師云天下人吞不得進云和尚還吞得也無師云老僧是第一箇吞不得底進云既是吞不得將何爲人師云終不敢孤負楊岐進云如何是金剛圈師云闇黎盡伎倆百年透不出進云忽遇箇漢出來道盡是閑言語又作麼生師云一任踣跳進云這老和尚今日稍有些子相爲師云且莫冬瓜印子師乃云秋

文部  
撰述

圓悟佛果禪師語錄卷七

十六

半西風急當空月正圓蕭蕭木葉落湛湛露珠懸嘹唳衝雲鴈淒清抱樹蟬頭頭渾漏泄切忌覓幽玄出城中邊院回上堂大衆幸自無一星兒事剛然平地起骨堆費盡工夫只這是步隨流水却歸來恁麼也不得不恁麼也不得恁麼不恁麼總不得然後沒交涉正是此箇時節雖然如是他家自有通霄路嵩高南嶽與天台復云八臂那吒擎鐵柱翻身直入滄溟去逡巡忿怒撲帝鐘過犯彌天無雪處無雪處不免依前安舊所且正當恁麼時如何一文偷不得虛作沒量人

謝監院上堂舉藥山一日語雲巖云與我喚沙彌來巖云和尚喚他作什麼山云我有箇折脚鐺子要伊提上挈下巖云恁麼則與和尚共出一隻手也師云道頭知尾舉一明三山僧有箇小頌一步闊一步一著高一著提折脚鐺兒施阿伽陀藥須彌土一掬滄溟水半杓快意唱巴歌過屠門大嚼

上堂云大衆仲冬嚴寒千山萬山滴水滴凍成塊成團凍得達磨板齒落水得金烏背團圓明鏡當臺幽洞側更看雙鳳舞孤鸞復云金毛獅子一滴乳迸散驢兒乳十斛活却成人平地上似地擎山石含玉

古文册一

圓悟佛果禪師語錄卷七

七

舉杲首座立僧上堂云鶻兒未出窠已有摩霄志虎子未絕乳已有食牛氣況復羽翼成況復爪牙備奮迅卽驚羣八面清風起一條脊梁硬似鐵一條白棒掀天地相與建法幢展衲僧巴鼻

上堂云不登泰山不知天之高不涉滄海不知海之闊此區中之論也若是其中人天在一粒粟中海在一毫頭上浮幢王華藏界盡在眉毛眼睫間且道此箇人在什麼處安身立命還委恁麼無邊虛空盛不受直透威音更那邊

上堂云三界無法霜天皎月何處求心山高水深四

大本空不辨西東佛依何住乾坤獨露透得脫見得徹正在半途遂巡擊碎鐵門關拔脫無根樹便見掌擎日月背負須彌引手過越一百一十城翻身獨立十方華藏界到箇裏也無佛也無祖不立照不立用不立權不立實不行棒不行喝正當恁麼時如何憑仗阿伽陀妙藥點取金剛正眼開

上堂云十方同聚會本來身不昧箇箇學無爲頂上用鉗鎚此是選佛場深廣莫能量心空及第歸利劍不如錐龐居士舌拄梵天口包四海有時將一莖艸作丈六金身有時將丈六金身作一莖艸甚是奇特

古文册一

圓悟佛果禪師語錄卷七

十八

雖然要且不會動著向上關如何是向上關鑄印築高壇

韓觀察請上堂大衆日沉沉風颭颭萬世只如今雲變變水潺潺當處全體現黏皮著骨底未免論性論心越格超宗底便道拖泥涉水殊不知人人有坐斷天下人舌頭分箇箇具有金剛正眼若能未舉先知未言先契則路逢達道人將語默對到箇裏似金博金如水入水便乃全憑此箇恩力去也且正恁麼時如何是全提一句還委恁麼知恩方解報深恩

圓悟佛果禪師語錄卷第七



校訛

第三紙十一行第七紙十三行第十二紙四行

注北藏作謄第十三紙三行北藏作稟作主九行淨南藏作登

音釋

後倪後蘇官切倪研踢大浪掀虛言切以祟雖遂

也杜果切抓癢抓側交切爪搔也說虛許切

庭颺颺蘇鵠切颺力求逡七倫切逡睫即涉切目

吳江居士沈令名施贊刻此

圓悟佛果禪師語錄第七卷 京山沙彌玄秀對

上支那

圓悟佛果禪師語錄卷七

九

圓悟佛果禪師語錄卷第八

宋平江府虎丘山門人紹隆等編

上堂八

歲旦上堂元正啓祚打開門戶萬物維新天地同春  
應時納祐不落窠臼罄無不宜萬世一時孟春猶寒  
伏惟首座大眾起居萬福乞火和煙得擔泉帶月歸  
復云新年頭有佛法正是土上加泥新年頭無佛法  
又成當面踉蹌過到箇裏佛法世法有無新舊一時拈  
向一邊且不落賓緣一句作麼生道還委麼乾坤  
一合地餽餅日月兩輪天氣毯

上支那

圓悟佛果禪師語錄卷八

一

施主捨法衣上堂云迦葉携坐鷄足峯老盧持過大  
庾嶺如今披向寶華座孤光迴迴高峯頂且道是同  
是別錦衣公子貴林下道人高

上堂云大眾衆手共淘金人人皆有得霜風襲四圍  
天華滿衣祴大賞不論功虛空長逼塞分身千百億  
彌勒眞彌勒復云入水須斬蛟入山須擒虎才方撲  
帝鐘便擊塗毒鼓一箭落九鳥一捻千鈞土諸聖和  
不齊臘月二十五

舒禪師周祥上堂大眾去年今日一語翁泥牛入海  
無消息今年今日鐵斧老優曇鉢華現籌室油雲出

沒大虛空動靜去來那有跡須信雪晴天地春全寫  
依舊從東出

上堂大衆天上月圓萬像歷然地下月半觸途成現  
見不見包裹十虛尚餘半聞不聞透脫圓通徹本根  
玉漏銅壺催不得乾坤大地一枝燈一處圓融一切  
處無邊刹海更峻層

上堂云透脫祖師關不知物遷變一念可萬年一條  
眞白練千差眼底親萬化鏡中現鶩要入三門等閑  
騎佛殿復云夜雨漬深春毒苔色染人溪邊芳艸碧  
華與柳條新氣味濃於酒風光軟勝網靈雲覓不得

文部  
真述

圓悟佛果禪師語錄卷八

二

何處悟天真

上堂云日月面胡來漢現有時放行有時把斷世  
法佛法打成一片若作一片會遇貴卽賤不作一片  
會裏有麵復云三世諸佛不知有一一面南看北  
斗狸奴白牯却知有戴肉擎頭獅子吼四稜蹋地又  
團圓八角磨盤空裏走擬推尋劈脊樓拈得鼻孔失  
却口爲問普化一頭驢何似紫胡一隻狗

上堂云有句無句超宗越格如藤倚樹銀山鐵壁及  
至樹倒藤枯多少人失却鼻孔直饒收拾得來已是  
千里萬里只如未有與麼消息時還透得麼風暖鳥

聲碎日高華影重

上堂云大衆久雨不晴今日晴乾坤大地放光明牆  
壁瓦礫說佛法露柱燈籠著眼聽敢問諸人作麼生  
聽得乃云親復云釋迦老子道知幻卽離橫身萬里  
不作方便十分成現離幻卽覺須彌倒卓亦無漸次  
眼中出刺忽若盡大地掄來如粟米粒大且作麼生  
知扇子踈跳上三十三天且作麼生覺正恁麼時還  
委悉麼十方刹海金剛座萬煅爐中鐵蒺藜

上堂僧問日月佛月面佛意旨如何師云翻來覆去  
看進云金烏急玉兔速又作麼生兩重公案進云只

文部  
真述

圓悟佛果禪師語錄卷八

三

如道三世諸佛六代祖師同一舌說未審同那一舌  
說師云便是同也截斷了也進云未審將什麼截師  
云將無舌底進云州賊大敗師云點師乃云大衆月  
生一快鷹俊鷄趣不及月生二德山臨濟失巴鼻月  
生三文殊普賢特地叅忿怒那吒把須彌一擘百襍  
碎折脚鐺子撞破無底籃兒大悲千手一隻手中一  
隻眼也提不起無言童子却解道前三三後三三還  
委悉麼萬仞峯頭都放却多年破衲太氍毹

上堂云大衆傳大士道須彌芥子父芥子須彌命山  
水坦然平敲冰來煮茶會聞傳大士乃彌勒大士化



身看他通箇消息不妨著實山僧今日土上加泥亦有箇領子須彌納芥不容易芥納須彌匹似開長河攪著成酥酪輕輕擊透祖師關

舉丹霞裕長老爲人入堂上堂云大衆摩醯首羅揭示頂門正眼摩竭陀國全提向上鉗鎚壁立萬仞絕承當孤光燦破四天下所以道殺人刀活人劍將鎔就鎔上古之風規亦是今時之樞要和泥合水若論殺人刀不存毫末活人劍橫處萬里須知殺中有活擒縱人天活中有殺權衡佛祖直饒說得殺活個儻分明山僧更問你覓劍在正恁麼時見麼萬仞懸崖

〔丈那〕

圓悟佛果禪師語錄卷八

四

坐隻手高峯共唱太平歌復云趙州道趙州南石橋北觀音院裏有彌勒祖師畱下一隻履直至如今覓不得諸人要知落處麼問取丹霞和尚

結制上堂二千年前佛制諸方遵行爲例九旬之內安閑共作鬼家活計且如何是鬼家活計猢猻人布袋復云九旬結袋口安居解脫道水乳自和同萬緣無所撓栗棘蓬快吞金剛圈猛跳共透衲僧家頂顛上一竅

上堂金色頭陀衣糞掃毳多尊者運神通火星迸入新羅國大象掌藏藕竅中

五月旦日上堂云鐵樹龍松石牛哮吼火雲亘天長萬丈金烏普照大光明直得東海鯉魚振鬣揚鱗南國波斯呈橈舞棹文殊普賢不敢說理說事德山臨濟不敢行棒行喝正恁麼時會麼拄杖擬吞三世佛燈籠百解瀉明珠復云釋迦老子道若有一人發真歸源十方虛空悉皆消殞五祖和尚又云一人發真歸源十方虛空繁著盛著山僧卽不然若有一人發真歸源十方虛空錦上鋪華

上堂云新月如鈎輕雲映火山前麥熟筐裏蠶繰田夫戢戢栽苗柳岸坐坐之線風調雨順盜賊消穰我

〔丈那〕

圓悟佛果禪師語錄卷八

五

輩林下之人一餉非常慶快纔作此語驀地有箇符使出來道山前諸處五瘟行疫病太甚欲就和尚覓箇神符往前驅逐山僧遂以拄杖畫一圓相與之瞥然不見遂巡却來道五瘟疫鬼已驅向他方世界去也只有一事待請益和尚此靈驗神符從何處得來山僧劈脊便打當下滅跡消聲因行掉臂成箇頌子五月五日天中節赤口毒舌盡消滅五月五日五時書放下蛇頭將虎鬚

上堂云迴無依倚超宗越格非佛非心萬仞壁立桑樹上著箭柳樹上汁出

上堂云粥足飯足飽柴飽水廬陵米價高山前麥熟走盡乾坤刹海都盧是箇自己梳向眉毛眼睫間直得放光動地不是如來禪亦非第一義更說甚衲僧巴鼻爭如撒手懸崖去却藥忌且唱箇囉囉哩哩忝上堂一二三四五六七六五四三二一旋風車上定盤星百尺竿頭吹簫栗栗復舉雲門一日示衆云和尚子莫妄想山是山水是水僧是僧俗是俗時有僧出云學人見山是山見水是水時如何雲門以手劃一劃云佛殿爲什麼從這裏去師拈云似地擎山如石合玉透得過者盡在無盡藏中透不過者未免

支那

圓覺禪師語錄卷八

六

搏量只如雲門以手劃一劃云佛殿因什麼從這裏去又且如何一葉落知天下秋

蔣運使寄雲居山三大字仍請陞座云法法圓融心心虛寂大包無外文彩已彰細入無間眼莫能觀所以道萬法是心光諸緣唯性曉本無迷悟人只要今日了今日便與麼坐斷報化佛頭喚什麼作心喚什麼作性恁麼說話已是截斷諸根了也且作麼生是截斷諸根處放一線道通箇消息還委恁麼大旱得甘雨大熱得清涼復有頌云衆峯盤屈屋耽耽天上泓澄雨碧潭渴驢怒覩三大字高蹤千古振名藍

住南康軍雲居真如禪院送化主上堂云火不待日而熱性相類風不待月而涼氣相合獨樹不成林單絲不成線建大厦非一木之能濟巨川非一棹之力所以道衆毛成毬聚鐵成斧要須內外相應賓主和容自然氣類相同羽毛相似正與麼時如何八萬四千非鳳毛三十三人入虎穴復有頌云三十餘員雲水客諸方分化力行持山門庶事渾依賴正是金毛奮迅時

上堂云有句無句已絕諍訛非色非心直超路布到箇裏有啓口分也無莫道是勤上座口似匾檐設使

支那

圓覺禪師語錄卷八

七

三世諸佛歷代祖師出來辯似懸河機如掣電未免凶鋒結舌何故只爲風頭太硬然雖如此若向箇裏直下承當得去如龍得水似虎靠山有丈夫志氣具絕羅籠手段所以道殺人刀活人劍則這邊那邊向上向下有事無事佛界魔界一時坐斷忽有人問未審刀劍在什麼處委恁麼從前汗馬無人識只要重論蓋代功復舉僧問雲門樹凋葉落時如何雲門云體露金風師云雲門眼似流星機如掣電拈得將來不妨奇特如今忽有人問山僧樹凋葉落時如何只向伊道千山雲霧卷一望見前村

上堂云十方同聚會箇箇學無爲此是選佛場心空及第歸大丈夫具決烈志氣慷慨英靈踏破化城直截承當外不見有一切境界內不見有自己上不見有諸聖下不見有凡愚淨裸裸赤灑灑一念不生桶底剔脫豈不是心空到箇裏還容棒喝麼還容玄妙理性麼還容彼我是非麼直下如紅爐上一點雪相似豈不是選佛場中擎頭戴角雖然如此子細檢點將來猶涉階梯且不涉階梯一句作麼生道還委悉麼千聖不留無朕跡萬人叢裏奪高標復有頌云住山只貴衆和諧表裏通明應整齊折脚鐺兒幸無恙

五文那

圓悟佛果禪師語錄卷八

八

相憑出手共提携

上堂云清秋晴色苗稼豐登四海晏清萬民樂業林下之士歇意休心直下當陽坐斷報化饑食渴飲倦臥閑行無事無爲得大自在當陽一句不可重宣迴避不行直須漏泄還委悉麼八月秋何處熱復云昨夜夢登樓驀然得箇時節因緣今朝舉似大衆四野迴澄澄端如坐少林雲籠高嶽頂月在碧波心中秋上堂云只恁麼透得已是涉泥水何堪更廉纖沒頭又沒齒到箇裏也須是箇似大底人却活始得還委悉麼棒頭能取證喝下絕承當復云光景急

如梭賢明爭奈何千林凋敗葉一鴈度秋河風急砧聲遠山高月色多誰當此時節解唱紫芝歌

退院上堂云七處住持三十載今朝方作地行仙上蒙聖主從卑願亭毒之恩遠似天見可而進知難而退權柄在手舒放非他住既無心動亦非我所以二六時中與他同得同證同出同人豈有心於彼此何有象於去來所以道欲識佛性義當觀時節因緣時節若至其理自彰正當與麼時還委悉麼林間蕭散處世外一閑人復有頌云禪月管年曾有語山僧師範作良謀如斯標致雖清拙大丈夫兒今自由

五文那

圓悟佛果禪師語錄卷八

九

小叅一

住成都府天寧寺小叅師示衆云正令已行十方坐斷千聖出來亾鋒結舌雖然如是事無一向還有同生同歟底衲僧麼時有僧問勿謂無心便是道無心猶隔一重關如何是一重關師云十重也有進云如何是關中主師云放過一著進云作何面目師便喝師乃云只恁麼早多事也如今直饒舉一則語盡古今言教一時明得正是和泥合水拈一件物盡大地一時見透亦是好肉上剜瘡看他從土得底人口如臘月扇直得醖生心如枯木縱逢春夏未曾變動不



是強爲任運如此豈要你舉古明今拋沙撒土今夜  
事不獲已將錯就錯與諸人打葛藤去也還知此事  
麼盡十方界窮虛空際無絲毫透漏是箇金剛眼睛  
更無外物所以尋常與兄弟道你纔觀色早塞却眼  
纔聽聲早塞却耳纔嗅香早塞却鼻纔吐氣早塞咽  
喉纔動轉早塞却身纔起念早塞却意六根門頭淨  
裸裸赤灑灑只是不肯回光返照看他古人於先德  
言下契證通箇消息也不妨親切水潦被馬祖一踏  
起來呵呵大笑云百千法門無量妙義只向一毫頭  
上識得根源去豈不快哉臨濟在黃蘗三度設問喫

大邪  
機送一

圓悟佛果禪師語錄卷八

十

六十棒及至大愚面前不覺道元來黃蘗佛法無多  
子似此得處豈不驚羣諸公還會消息麼若也翻覆  
叅詳實是得箇人處始知二六時中行住坐臥動轉  
施爲一一超古越今無間無斷與他從上祖佛把手  
共行尋常只守閑閑地不起毫髮凡聖情量更有什  
麼得失可疑生處可出似此說話可謂對諸公面前  
無夢說夢無事生事忽有箇忍俊不禁出來喝散大  
衆拽下繩床痛打一頓也怪他不得然雖如是也須  
是實到這箇田地始得如今還有恁麼人麼山僧甘  
喫一頓且要與此人相見有麼有麼如無山僧今夜

失利

示衆云祖師心印直截當機凜若劍鋒明如皎日當  
臺爛赫樞爾現前還有互相平展底麼僧問世尊久  
默斯要及至末後爲什麼獨召飲光密傳法眼師云  
正是龍頭蛇尾進云一點水墨兩處成龍師云帶累  
山僧進云苦瓠連根苦甜瓜徹蒂甜師云灼然進云  
也是烏龜喫生菜師云取性乃云欲知佛性義當觀  
時節因緣時節若至其理自彰苟或時節未至理地  
未明便乃業識茫茫無本可據敢問諸公卽今是什  
麼時節莫是黃昏時節麼莫是小叅時節麼莫是坐

大邪  
機送一

圓悟佛果禪師語錄卷八

十一

立儼然時節麼莫是說禪說道時節麼莫是萬像交  
叅時節麼莫是心境一如時節麼若與麼儼侗且喜  
沒交涉今夜諸公在此權立片時山僧不憎眉毛確  
實評論這一段時節去也只如諸人在此聽山僧鼓  
兩片皮用作時節正墮常情須知山僧不曾說一字  
諸人不曾聞一言諸人與山僧各各有一段大事爛  
騰今古迴絕知見淨裸裸赤灑灑各不相知各不相  
到透聲透色超佛越祖若能退步就已脫却情塵意  
想記持分別露布言詮聞見覺知是非得失直下豁  
然瞥地便與古佛同一知見同一語言同一手作同

一體相非唯與諸聖同亦乃與歷代宗師天下老和尚同下至四生六道鷄鵲蟻蠓無不皆同不被前塵所惑知解所撓不畏生死不愛涅槃放曠平常隨時任運動靜施爲無非解脫能轉一切境界能使一切語言非唯諸人分上如此至於古人無不皆由此箇時節得入豈不見趙州初叅南泉悟平常心是道後來有問西來意便對曰庭前栢樹子以至鎮州出大蘿蔔頭我在青州作一領布衫重七斤非唯趙州德山得此時節入門便打臨濟得此時節入門便喝睦州得此時節便道現成公案放你三十棒俱抵一指

大脚

圓悟真禪師語錄卷八

十三

頭上用此時節鳥窠吹布毛處見此時節以要言之古來宗師無不皆用此箇時節只如法眼曾舉叅同契云竺土大仙心遂云無過此語也向下中間也只是應時應節說話至最後謹白叅玄人炎陰莫虛度乃云住住恩大難酬設使粉骨碎身亦報此恩不得豈不是知此時節方恁麼說如今若未有發明處去只虛度炎陰若叅得徹底分明去二六時中管取無絲毫許落虛非唯二六時中下至百千億劫盡未來際悉不落虛只如山僧說恁麼時節還得諦當也未復云夢也未曾夢見在且道還有爲人處也無若善

叅詳只這一句亦不虛設有箇山頌舉似大衆秋深天氣爽萬象共沉沉月瑩池塘靜風清松檜陰頭頭非外物——本來心直下便薦取切莫更沉吟示衆云當軒有路直下坦平慣戰作家便請單刀直入有麼有麼良久云諸人既是藏鋒山僧不免作一場獨弄襟劇去也未恁麼前是第二頭正恁麼時是第三首餉間恁麼去只是隨波逐浪如今且向隨波逐浪處與諸人商量還蓋覆得麼還有一法與他爲伴侶麼所以道他能成就一切法能出生一切法一切諸佛依之出世一切有情因他建立六道四生以

大脚

圓悟真禪師語錄卷八

十三

他爲本只如諸人卽今在此坐立悉皆在他炎中顯現還見得他麼若也見得直下無一絲髮隔礙無一絲髮道理更有什麼見聞覺知爲緣爲對但恐自家不能返照所以生疑尋常不是向諸人道千言萬言但只識取一言千句萬句但只識取一句千法萬法但只識取一法識得一萬事畢透得一無阻隔直下脫却情塵意想放教身心空勞勞地於一切時遇茶喫茶遇飯喫飯天但喚作天地但喚作地露柱但喚作露柱燈籠但喚作燈籠一切亦然二六時中只麼平常無一星事雖然如是若有箇無事懷在胸中亦



未得自在有箇有事亦未得自在直須有事也無無事也無無二亦無猶在半途若是聊聞舉著人骨人髓信得及底人聞恁麼說話大似熱碗鳴聲尋常聞說箇禪字便去河邊洗耳等閑地不著便偶然道著箇佛字也須漱口三日寧可生身入地獄永劫受沉輪向鑊湯鑪炭裏者懞終不肯將佛法作解會亦終不起佛見法見佛見法見尚自不起何況更起世間情想分別妄緣諸業且作麼生見得此人作麼生親近得此人有具眼底麼出來道看如無待三二十年後山僧換却骨頭別與諸公通箇消息

【文選】

圓悟佛果禪師語錄卷八

十四

示衆云大道本來無向背擬心湊泊已差池吒呀卓朔能哮吼卽是金毛師子兒還有恁麼底出衆相見僧問如何是定乾坤句師云唯我獨尊進云橫身當宇宙去也師云好與三十棒僧云便請師云許你大膽進云是何言歟師云直待雨淋頭便打乃云朕兆未分已成露布言詮纔立特地乖張雖然第二義門且不是和泥合水大衆還知此事麼坐斷千差路不立一纖塵巍巍堂堂皤皤皤皤蓋天蓋地應聲應色不與千聖同途不與萬法爲侶卷舒自在無執無拘若也見得可以百舛頭上縱橫聲色堆裏坐臥言

詮莫能及比況莫能得知不可知識不可識不是心不是佛不是物不是聖不是凡不是有不是無不是是不是非不是得不是失恁麼也不得不恁麼也不得到這裏如何稱提如何舉唱山僧直得口似匾擔無理可伸無詞可說然雖如是官不容針私通車馬放一線道有箇商量豎起拳云還見麼諸佛以之出世祖師以之西來歷代宗師以之接物利生天下老師以之鉗鍵衲子其把定也乾坤失色日月無光盡大地人喪身失命其放行也巖谷生光森羅顯煥隨長隨短隨有隨無處處皆眞頭頭露現且道把住好

【文選】

圓悟佛果禪師語錄卷八

十五

放行好三十年後逢人不得錯舉

示衆云獨棹扁舟泛五湖鉤頭時復得嘉魚如今四海清如鏡還有金鱗上釣無負命者出衆相見僧問過去佛也恁麼見在佛也恁麼未來佛也恁麼未審和尚如何師云恁麼是箇什麼僧云正是恁麼師云蝦跳不出斗進云請和尚道出斗底句師云扁舟已過洞庭湖乃云動則影現覺則水生不動不覺歟水裏平沉既動既覺未免傷鋒犯手到這裏且作麼生舉唱且作麼生爲人然雖如是盡法無民古者道這一片田地分付來多時也我立地待你搆去還知落

處麼威音已前空劫那畔這一片田地巍然不動及乎四生浩浩萬象騰騰世界遷流眾生變化這一片田地亦巍然不動以至三災劫壞毗嵐風起吹散大地猶如微塵這一片田地亦巍然不動諸佛出世祖師西來正為發明這一片田地從上宗師天下老宿千方百計施設方便無不盡力提持這一片田地雖然如是終未有人解當頭道著還構得麼八面坦平四方清肅萬法不能蓋覆千聖不敢當前若構得去一了一切了一成一切成一見一切見一得一切得所以道一塵纔舉大地全收一毛頭師子百億毛頭

支那

圓悟佛果禪師語錄卷八

十六

一時現但為妄情執著無透脫期甘處凡流不能徑截苟或放得下無一法當情無一物附心蕩蕩無拘自然如水上按葫蘆相似觸著便轉捺著便動拘牽不回惹絆不得動靜語默蓋天蓋地明眼漢沒窠臼却物為上逐物為下若論戰也箇箇力在轉處更有什麼高低可疑是非可畏上門上戶咬人火急豈不是英靈特達底漢眾中還有恁麼底麼出來證據令人長憶李將軍萬里天邊飛一鶚

示眾云道無方所明之在人法離見聞斷之在智若能頓捨從來妄想執著於一念頃頓悟自心頓明自

性不染諸塵不落有無自然法法成見然雖此事不可造次領會須是發大丈夫慷慨特達之志不顧危亡不拘得失存箇長久鐵石身心逢境遇緣不變不異時時著眼體究不論歲月以悟為期祖師門下不比教家只要直截根源於一言下領取與諸聖同體同用大解脫任運施為無不見性至於襍亂狂慧思量分別有一絲毫斬不斷則無趣入之期教中尚道是法非思量分別之所能解又云以有思惟心測度如來圓覺境界如取螢火燒須彌山終不能著祖師道但盡凡情別無聖量凡情盡處聖量見前直須頓

支那

圓悟佛果禪師語錄卷八

十七

歇妄緣無念無為放教虛靜千聖萬聖未有不從此門而得入者只在存誠堅固努力向前但辦肯心必不相賺珍重

圓悟佛果禪師語錄卷第八

校訛

第二紙

八行入南藏作出十行

第十一紙

一行利下

音釋

峻

力升切

璚

德音藍

璚

德音藍

倜儻

倜儻

倜儻

倜儻

鬆

鬆

鬆

鬆

鬆

鬆

鬆

鬆

鬆

鬆

切匾檐匾補典切刻烏歡切醮普木切潦魯結切樅

七容切軻胡故切龍龍力用切蟻蟻莫結切蟻蟻母總切

飛蟲也煤土洽切鍵巨僊切嵐盧含切鶚逆各切

琅琊居士王世貞施贊刻此京山沙彌玄秀對

國語佛果禪師語第八卷萬曆辛卯春清涼山妙德庵識

圓悟佛果禪師語錄卷八

圓悟佛果禪師語錄卷第九

宋平江府虎丘山門人紹隆等編

小參二

夾山寺入院小參師云收光攝彩信天真事事圓成  
物物新內既無心外無相更於何處覓通津還有透  
得趙州關底麼試出衆相見問承師有言透得趙州  
關如何是夾山關師云退身三百步進云恁麼則九  
天雲靜鶴飛高師云豈干闍黎事進云共相證據也  
何妨師云持聲作啞師乃云牛頭沒馬頭回全彰照  
用金烏急玉兔速略露權衡透得過底似虎靠山如

圓悟佛果禪師語錄卷九

龍得水透不過底聞恁麼道似鴨聽雷鳴蓋未諳悉  
元由一向情存知解山僧今夜向作家面前不惜眉  
毛放行去也但能上無攀仰下絕已躬外不見大地  
山河內不立門見覺知直下擺脫情識一念不生證  
本地風光見本來面目然後山是山水是水僧是僧  
俗是俗雖然莫錯認定盤星更須知有解黏去縛向  
上機關始得且道作麼生是向上事鵬弓已掛狼煙  
息萬里歌謠賀太平

結夏小參師云大衆見成公案觸處圓成雖然老病  
躑躅尚可開旗展陣還有匹馬單鎗久戰沙場底麼



出來相共證據僧問九旬禁足三月護生只如華猫取斷南泉分身兩段斑蛇適會赤眼就地一鋤未審是持是犯師云破戒也不知進云大用不拘今古楷模師云依舊分身兩段進云若然者玉筋撐開虎眼睛金鞭擊斷那吒臂師云你向什麼處見南泉歸宗進云只在目前師云重言不當吃問西天以蠟人為驗未審此間以何為驗師云以眉毛為驗進云還許學人出得麼師云更貶上看進云只恐覷不著師云短底短底長有什麼覷不著師乃云全提單拈斬釘截鐵呵佛罵祖大用大機猶未稱衲僧本分事何

文庫

圓悟佛果禪師語錄卷九

二

況立問立答立賓立主涉語涉言說玄說妙無事生事平地上起波瀾雖然如是事無一向理出多途雖然看風使帆不免相席打令豈不見古人道欲識佛性義當觀時節因緣時節若至其理自彰只如今夜與明朝乃是二千年前釋迦老子立起模範九旬禁足三月護生時節天下叢林悉皆依稟既是此箇時節到來還有識得此理底麼若識得此理去隨處作主遇緣卽宗二六時中無內無外無得無失全體恁麼亦無生可護亦無蠟人可持其或未然應憐鵝護雪直使蠟人冰師復云大衆釋迦老子道以大圓覺

爲我伽藍身心安居平等性智諸人旣欲安居還識得平等性智麼若識得去人人具足箇箇圓成乃至動靜施爲悉皆在大伽藍中與他諸聖把手共行與他諸聖同作佛事且作麼生識得去三條椽下七尺單前各宜契管久立

結制小叅僧問護生須是殺殺盡始安居未審殺箇什麼師云大有人疑著進云學人到這裏直得步步絕行蹤時如何師云未有金剛王寶劍在進云斬釘截鐵本分宗師朕兆未分請師速道師云咭嚙舌頭三千里進云恩深轉無語懷抱自分明師云且莫詐

文庫

圓悟佛果禪師語錄卷九

三

明頭問一大藏教是拭不淨紙只如德山爲什麼擔疏鈔行脚師云放下著進云周金剛被婆子一問直得亾鋒結舌又作麼生師云腦後拔箭師乃云絕彼我混虛空透聲色無面目終日喫飯不曾嚼一粒米終日著衣未嘗掛一縷絲總虛空華藏剎海列向下風過現未來諸聖倒退千里舉一步越不可說世界向香水海那邊猶有去處拈一塵混一切無量無數十方上下一切諸佛祖師七穿八穴猶有餘地且道此人向什麼處安居向什麼處禁足若知此人落處始知本地風光始見本來面目便能攝順逆於一塵

中規行矩步現威儀於一念頃不越常程至於以大圓覺爲我伽藍猶是小段在若能恁麼見恁麼用恁麼信恁麼透管取無邊刹海自他不隔於毫端十世古今始終不移於當念九旬禁足三月護生於一念一步一塵一芥中見成受用且道此人畢竟在什麼處還委恁麼披蓑側立千峯外引水澆蔬五老前解制小叅師云收因結果慎末護初一段因緣此時周備聖賢窠窟生死根株一鎚擊碎一刀截斷若是通方作者舉著知歸後進初機如何湊泊祇如生佛未分空劫已前威音王那邊還有結制解制也無雖

文苑  
撰述

圓悟佛果禪師語錄卷九

四

然到這裏直饒千聖出頭來也須目瞪口呆吐那邊卽且致只如今燈燭交光坐立儼然高者是天厚者是地山是山水是水有是有無是無長是長短是短正當恁麼時與威音王已前空劫那畔是同是別若向箇裏個儻分明目前無法胷中無心上不見諸聖下不見凡夫外不見一切境界內不見眼耳鼻舌身意便能通同一切說什麼結制解制一鎚擊碎聖賢窠窟一刀截斷生死根株設使臨濟德山文殊普賢乃至無量無邊具大解脫有大威神無數河沙浩浩地來不消一捏且憑箇什麼若不藍田射石虎幾乎誤

殺李將軍

郡中出隊衆請小叅師云蘭城道友集如雲選佛場開不二門光飾碧巖無舌老小叅佳會四方聞聞者爭如見底見底爭如激揚酬唱底還有作家禪客麼僧問三世諸佛只言自知歷代祖師全提不起一大藏教詮註不及未審和尚如何師云夾山到這裏口似匾檐進云捉敗這老漢師云且喜沒交涉進云恁麼則天下人鼻孔被和尚穿却了也師云你且道夾山鼻孔在什麼處僧便喝師云也須穿腳進云明眼宗師天然有在師云猶是落二落三師乃云開佛祖

文苑  
撰述

圓悟佛果禪師語錄卷九

五

鑪鞴用向上鉗鎚擬議不來則千里萬里當鋒薦得則坐斷要津此猶是化門之說若確實而論山僧有口無說處諸人有耳無側聆處乃至日月未足爲明虛空未足爲廣乾坤未足爲大萬象未足爲衆到這裏一搓一捺一挨一撥要見本分事且問如何是本分事大千沙界海中漚一切聖賢如電拂師示衆云舉不顧卽差互擬思量何劬悟且道舉箇什麼直饒解顧也是方木逗圓孔何況更涉思量計較道理轉沒交涉著實而論有什麼事直下無一絲毫事亦無一絲毫見聞玄妙道理得失到這裏便是



千聖出來要舉揚也無下口處要作用亦無動轉處所以雲門云向你道直下無事早是相埋沒了也且道什麼處是埋沒處灼然能有幾人到此此是文殊普賢大人境界豈是尋常涉道理計校得失思量底還知麼須是絕情識絕玄妙千聖只言自知亦無窠臼照用淨裸裸赤灑灑巖頭道只露目前些子如擊石火此是向上人行履若覩不見切不得疑著若無恁麼事達磨西來經六百年亦不傳至今日爲有恁麼事至今天下列剎相望一一眞善知識踞師子座各各爲人天師牙如利劍口似血盆其餘有窠臼有

文殊師子

圓悟佛果禪師語錄卷九

六一

依倚黏皮著骨有得有失有傳授盡打入弄泥團處去若是石頭馬師百丈黃檗臨濟雲門玄沙巖頭法眼滄仰曹洞此等之流皆是向上宗師動靜施爲皆在此中行履譬如師子捉象皆全其力至於捉兔亦全其力如僧問雲居弘覺師子捉兔捉象亦全其力未審全什麼力雲居云不欺之力要須一一與他本分草料且那箇是本分草料豈不見長沙道我若一向舉揚宗教法堂前須草深一丈事不獲已向你道盡大地是般若光光未發時無佛無衆生消息向什麼處得來恁麼說話早是葛藤了也所以尋常向兄

第道須是打疊情塵得失計較淨盡驚地一場汗出自然活潑潑天下人不奈何幸有如是威風有如是自在若隨人脚跟轉覓人涎唾喫則沒交涉且如仰山問同叅道近日見處如何對曰實無一法可當情山云師弟解猶在境問何故仰山云汝豈無能知一法可當情者他直得無一法可當情尚遭仰山點檢到這裏無能所知無一法無無一法也須是箇人始得所以喚作無事人方始說本來無事既是本來無事只如目前萬境縱然六凡四聖那裏得來直須超達始得且作麼生是超達底句莫恁從前多意氣他

文殊師子

圓悟佛果禪師語錄卷九

七

家曾踏上頭關

示衆云大凡學道須是用作事始得莫只等閑但二六時中如欠却人家二三百萬貫債負憂怕還他不得如此忤誠不憂不到是故古者道大事未辦如喪考妣又有一喻學道之士如鷄抱卵須是暖氣相接方可生成若中間隔暖氣不接便抱十年終不得生龍牙亦云學道如鑽火逢煙未可休直待金星現燒然始到頭況此大事三世諸佛爲之出世自己透脫生處豈可因循如忤若忤却請努力向前以悟爲則各希取信珍重

示衆云具足凡夫法凡夫不知具足聖人法聖人不  
會聖人若會卽是凡夫凡夫若知卽是聖人此事一  
語兩當還委悉麼要識聖人凡夫凡夫聖人長者長  
法身短者短法身大小青黃一切法悉皆如如渾是  
箇大解脫門更無別異但得情心意遣一念真正隨  
處遇緣皆爲妙用所以古人道處處真處處真塵塵  
盡是本來人真實說時聲不見正體堂堂沒却身至  
於天堂地獄草芥人畜六類四生纖洪近遠無不皆  
真但爲未徹根源底居常生心動念皆在塵勞業識  
中流轉未曾回光返照所以枉受輪迴不得受用若

支那

圓悟佛果禪師語錄卷九

八

能發慷慨心啓特達志頓歇諸緣直下了得徹底分  
明心地了了可謂行亦禪坐亦禪語默動靜皆爲正  
體是故雲門道和尚子莫妄想山是山水是水僧是  
僧俗是俗又道見拄杖子但喚作拄杖子見屋但喚  
作屋謂之覲體全真有般人取一邊捨一邊見處偏  
枯不能著實便乃得失居懷被物所轉無自由分看  
他從上古人得大受用利物垂慈全身擔荷或出或  
沒或隱或顯或順或逆開建化門示徑截路無不教  
人究本明宗離諸執著豈不見稜道者叅雪峯靈雲  
玄沙來往十五年坐破七箇蒲團念茲在茲後因捲

簾忽然大悟有頌云也大差也大差捲起簾來見天  
下有人問我意何如拈取拂子劈口打及乎住長慶  
示衆云撞著道伴交扇過一生叅學事畢似此稱提  
若不知有爭解恁麼道可謂從自己習襟流出蓋天  
蓋地又有問如何是合聖之言對云大小長慶被闍  
黎一問直得口似匾檐若善叅詳可以丹青獨步自  
在縱橫大衆還知落處麼若也未知爲諸人拈出白  
雲盡處是青山行人更在青山外  
示衆云德山小叅不答話打鎖敲枷趙州小叅要答  
話將杖探水崇寧今夜也不管答話亦不管不答話

支那

圓悟佛果禪師語錄卷九

九

偶然向衣單下拾得箇千年桃核舉似大衆乃橫拄  
杖云爾諸人若也恁麼坐斷天下人舌頭復以拄杖  
卓地云爾諸人若也恁麼入地獄如箭射且道利害  
在什麼處若不同牀卧焉知被底穿  
道林寺解夏小叅示衆云涼夜羣動寂禪庭正清虛  
明月印空闊白雲任卷舒當陽好定奪還有作家無  
僧問一塵舉大地收一葉落天下秋衲僧分上成得  
箇什麼師云前不迭村後不迭店進云大小道林話  
頭也不識師云切忌虛空裏鷓鴣啄進云和尚恁麼道  
那師云作麼生是你著實處僧擬進語師云了進云

爭奈落霞與孤鶩齊飛秋水共長天一色師云賊過後張弓師乃云於內無心於外無相於上無佛祖可仰於下無衆生可悲慳貪嫉妬俱除慈悲喜捨併却兩頭坐斷中道不拘淨裸裸絕承當赤灑灑無回互擊之不濁揚之不清撥之不動攪之不轉直下坐斷萬法頭上孤危不立於此安居隨處解脫更說什麼長期百二十中期百日下午期八十日且功成一句作麼生道不憐鵝護雪且喜蠟人冰  
冬夜小叅師云佛祖大機人天正眼朕兆未分時無許多事及至一氣已分便有生住異滅春夏秋冬若

支那  
撰述

圓悟佛果禪師語錄卷九

十一

隨波逐浪去種種建立觸處圓融若截斷衆流去把住要津不通凡聖若也二途不涉脚跟下灑灑落落豈不是本分衲僧且道無陰陽地上如何通信直待明年三月盡莫言冬後雪霜寒

小叅僧問猿抱子歸青嶂後鳥啼華落碧巖前此是和尚舊時安身立命處如何是道林境界師云寺門高開洞庭野殿脚挿入赤沙湖進云如何是境中人師云僧寶人人滄海珠進云此是杜工部底作麼生是和尚底師云且莫亂統進云如何是奪人不奪境界師云山僧有眼不曾見進云如何是奪境不奪人師云

闍黎問得自然親進云如何是人境俱奪師云收進云如何是人境俱不奪師云放進云人境已蒙師指示向上還有事也無師云不可土上更加泥師乃云恁麼恁麼如虎帶角不恁麼不恁麼似兔無角恁麼又却不恁麼暗隔雨重關不恁麼又却恁麼全行向上路此四句若排著四邊則爲禍爲祟若一時劃斷則爲祥爲瑞何故他從上來本無許多事只爲羣機有利鈍所悟有淺深是故勞他諸聖出來應物現形隨機逗教便有權有實有照有用有殺有活有實有主有問有答萬別千差只如正當恁麼時可中若有

支那  
撰述

圓悟佛果禪師語錄卷九

十一

箇漢牙如劍樹口似血盆一棒打不回頭出來掀翻露布截斷葛藤天是天地是地山是山水是水長是長短是短方是方圓是圓一絲毫不得動著直下承當便能丹霄獨步與他諸聖把手共行有佛世界互爲賓主接物利生無佛世界風颯颯地坐斷要津不通凡聖然雖恁麼若是於中端的恁麼來底且道與他作麼生商量待老僧上山斫棒來

小叅僧問玄沙不過嶺保壽不渡河未審意旨如何師云直超物外進云雪峯三度到投子九度上洞山是同是別師云別是一家春進云恁麼則春色無高



下華枝自短長師云一任卜度師乃云大道坦然更無回互同證者識同道者知若有實法繫綴羅籠人入地獄如箭射所以諸佛出世祖師西來實無一法與人只要諸人休歇若實到休歇田地二六時中如天普蓋似地普擎更不剩一絲毫亦不欠一絲毫淨裸裸赤灑灑見成公案若更躊躇四顧說有說無論得論失有會有不會有得有不得落二落三去也所以上古尊宿天下老和尚拂子邊拄杖頭現無量神通其實與你諸人解黏去縛抽釘拔楔令汝直下到安閑之地也無證也無得亦無周由者也七十三八

法華部  
攝述

圓悟佛果禪師語錄卷九

十二

十四若也未到不免搭糊去也一切境界一切有無一切法門但於一言下一念頃脫得情塵去塵塵剎剎廓周沙界大小長短方圓青黃赤白全是本心於見處淨裸裸於聞處八而玲瓏無得失是非無長短好惡山是山水是水僧是僧俗是俗無異無別若能實頭到這箇田地離情塵絕露布不落勝妙更須知有一塵中含一切境界一切境界入一塵中悉皆含攝於一毫端現無邊剎海直得恁麼更須知有大用現前時節始得且作麼生是大用現前底時節畢竟水須朝海去到頭雲定覓山歸

冬夜小叅有作思惟從有心起一輪生滅行無間道修無漏業萬古超然拈一放一半開半合未免在窠窟裏殊不知往復無間動靜一如融大千沙界於一塵會十世古今於一念去來起滅甚處安排春夏秋冬如何理論到這裏淨裸裸赤灑灑沒可把東西不辨南北不分底則故是未知落處久叅先德腳踏實地且道正當恁麼時如何還委悉麼羣陰消剝盡來只是書雲  
除夜小叅樹凋葉落瓦解冰消歲暮年窮家殘戶破以世諦觀之是不稱意境界以道眼觀之却是好箇

法華部  
攝述

圓悟佛果禪師語錄卷九

十三

消息豈不見香嚴道去年貧未是貧今年貧始是貧去年貧有卓錫之地今年貧錫也無卓又有古德道富貴即易貧窮即難本分人打得徹信得及見得透物物頭頭俱為妙用塵塵剎剎悉是真乘若便恁麼歇去敢保老兄未徹狂邪堪更說漸說頓說玄說妙說理說事却須放却玄妙放却理性打破向上向下截斷佛印祖機直得東西不辨南北不分懔懔矐矐遇飯喫飯不知是飯遇茶喫茶不知是茶到這裏猶只得箇衲僧門下潔白露淨底是故洞山道見佛與祖是生寃家始有叅學分正當恁麼時全體現成佛

界不收魔界不管且道向什麼處行履若識得去便  
成年窮歲盡相續不斷相續不斷歲盡年窮正當恁  
麼時一句作麼生道今歲今宵盡來年來日新  
解夏小叅云年豐歲稔道泰時清唱太平歌樂無爲  
化護生旣滿蠟人愈水秋色澄澄金風拂拂正當恁  
麼時說什麼釋迦彌勒文殊普賢德山臨濟向上向  
下有事無事直下一時坐斷直得風颯颯地人人分  
上壁立千仞各各面前飛大寶光且不落黃緣一句  
作麼生道麓峯頭倒卓石筍暗抽枝  
道林寺小叅云四海共叅尋十方同聚會路逢達道

十八  
撰述

圓悟佛果禪師語錄卷九

四

人不將語默對還有共相酬唱底麼僧問千尺絲綸  
直下垂一波纔動萬波隨夜靜水寒魚不食滿船空  
載月明歸未審此理如何師云離鈎三寸高著眼進  
云恁麼則自是不歸歸便得五湖煙浪有誰爭師云  
乾坤大地一時收進云只如垂鈎四海只釣獐龍格  
外談玄爲尋知識誰是知識者師云赤心片片進云  
巨浪涌千尋澄波不離水師云寒山逢拾得撫掌笑  
呵呵問云路逢達道人不將語默對旣不將語默對  
將何祇對師云吞聲削跡進云一言難啓口千古意  
分明師云且須急著眼進云有句無句如藤倚樹如

何得透脫師云倚天長劍逼人寒進云只如樹倒藤  
枯瀉山爲什麼呵呵大笑師云愛他底著他底進云  
忽被學人掀倒禪牀拘折拄杖又得箇什麼伎倆師  
云也是賊過後張弓師乃云不與一法作對正體迢  
然萬象不能覆藏神機歷掌望州亭烏石嶺僧堂前  
相見已涉諍訛不是心不是佛不是物已拖泥帶水  
到這裏上根利智剔起便行不落言詮不拘機境直  
下向文彩未彰已前一時坐斷可謂如天普蓋似地  
普擎如虛空寬廣如日月普照無處不圓無處不徧  
所以道向上人見處把斷世界不漏絲毫無得失是

十八  
撰述

圓悟佛果禪師語錄卷九

十五

非離見聞知覺如壺公瓢中自有天地日月至於一  
語一默一跬一步一挨一撥坐斷千差路頭不許天  
下衲僧正眼覷著所以道須是恁麼人方解恁麼事  
只如今坐立儼然頭頭物物悉皆全體現成處且道  
如何照了萬古碧潭空界月再三撈捩始應知下座  
小叅僧問古者道釋迦彌勒猶是他奴且道他是什  
麼人師云三家村裏孟八郎進云恁麼則曾襟流出  
師云更是阿誰進云正是他奴師云坐却舌頭進云  
情知老漢弓折箭盡師云是進云自領出去師云看  
你作麼生折合進云只如隔身句又作麼生師云離



支那撰述

圓悟佛果禪師語錄卷九

十六

小叅僧問春風浩浩烘天地是處山藏煙靄裏無位  
真人不可尋落華又見隨流水如何是無位真人師  
云剔起眉毛向上看僧云恁麼則獨據千峯上全威  
百草頭師云我行荒草裏汝又入深村進云自知較  
一半師云你還知麼僧云知師云也較一半進云只  
如臨濟道無位真人是什麼乾屎橛又作麼生師云  
未得衲僧一半氣息進云爲什麼如此師云只爲他  
頂門具眼進云可謂一回拈出一回新一度用來一  
度快師云七十二棒翻成一百五十師乃云劍輪頂  
上全機獨露於孤峯石火光中利刃橫施於百草說

權說實立照立用行棒行喝說事說理大似把髻投  
銜直下不說權不說實不立照不立用不行棒不行  
喝不論事不論理也是擔枷過狀設使恁麼中不恁  
麼不恁麼中却恁麼正是曳尾靈龜到這裏佛祖也  
摸索不著若是透得底須知其中有一條通天大路  
把斷要津凡聖迹絕若也挨得一線開立得一機出  
則千聖萬聖羅籠他不住千人萬人尋覓他不著不  
懺罪而罪已消不集福而福已集不立絲毫行門而  
普賢行門徧滿十虛不立絲毫機智而文殊大用廓  
周沙界所謂哉玄機於未兆釋迦彌勒攢眉藏冥運

支那  
撰述

圓悟佛果禪師語錄卷九

十七

於卽化德山臨濟却步且不墮功勲一句作麼生道  
鑊湯爐炭吹教滅劍樹刀山喝侍推

圓悟佛果禪師語錄卷第九

校讞  
第十五紙  
四行與南  
藏作爲

音釋

鵠下聊切 鷺盧容切 隴隴主切 登澄應切  
鷺鳥也 隴鍾潦倒也 縷隴主切 登直視貌

吐

張口貌。倜儻，倜，他歷切。儻，卓異也。金韉，韉，步拜切。

韋鑪

囊也。魚鰲動搖貌。鰲，豕物曰鵠。崇，神禍也。書

勿截

三夫藥切勞鹿撈郎刀切

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

半步也。撈拈。攬。盧谷切。

吳居士周祖施贊刻此 圓悟佛果禪師語錄第九卷 京山沙彌之秀  
對 吳江沙彌本宏書 溪水端本澄刻 萬曆庚寅冬清涼山妙德庵識

圓悟佛果禪師語錄卷第十

宋平江府虎丘山門人紹隆等編

小參三

蔣山寺小參師云相逢不拈出舉意便知有萬人衆前顯瞞頂不是目前機亦非目前事三千里外納敗關直得盡乾坤大地無絲毫法可當情靜悄悄地絕諸訛千聖不敢擬議致之諸佛頂額上到這裏更說什麼行棒行喝論正論偏有語有默絕玄絕妙雙放雙收同死同生向窠窟裏作活計正當恁麼時且作麼生參究且作麼生捉摸作麼生拈弄作麼生證入

文部  
撰述

圓悟佛果禪師語錄卷十

一

若有一絲頭伎倆去便乃見神見鬼更不作一絲頭伎倆未免墮在無事界裏箇事如壺公瓢中自有天地日月所以雪峯和尚道盡大地撮來如粟米粒大又道盡大地是沙門一隻眼鹽官又道虛空爲鼓須彌爲槌什麼人打得南泉道王老師不打這破鼓法眼道王老師不打玄沙道深山巖崖千年萬年無人到處還有佛法也無雲門大師道日裏來去日裏辨人忽然教夜中取箇物無日月燈不曾到處作麼生取似此若不通透有纖毫隔礙則如山如嶽或若盡情透得要行便行更疑什麼雖然如此直須是真實

到這箇田地始得向萬丈懸崖處撒手百尺竿頭進步且道此事畢竟如何委悉撞著道伴交肩過若向瀟湘我向秦下座

師云一舉便知落處已是第八頭未跨船舷三十棒也是第九首直饒空劫已前威音那畔一時坐斷大似釘椿搖櫓膠柱調弦直饒顯目前機用目前事一問一答一挨一撥一出入正如開眼尿牀立地作夢若是明眼漢須知不恁麼所以從上來事只要箇奇特人直下承當得坐斷天下人舌頭還有恁麼人麼如無不免合水和泥向荆棘林中出手去也遂舉

文部  
撰述

圓悟佛果禪師語錄卷十

二

拂子云還見麼三世諸佛六代祖師天下老和尚總在這裏至於萬象森羅日月星辰四聖六凡盡無邊香水海醯雞蠅蠓一切含情總在這裏以至諸人於日用中亦在這裏唯有山僧不在這裏且道爲什麼如此同途不同轍同死不同生衆中忽若有箇漢也不恁麼許你具一隻眼正當恁麼時如何定光金地遙招手智者江陵暗點頭下座

師云言中有響句裏呈機告往知來拈頭會尾須是恁麼人始解恁麼事且如諸人適來鍾未鳴鼓未響未到此間時還有如許多事麼還有一問一答道道理

麼若是箇漢未舉先知未言先透及乎理隨事變事逐理圓鍾已鳴鼓已響大眾簇簇麼上來有問有答有賓有主且道於中還有麼麼若有麼麼端的底道理便是對面相謾實無如是事既無如是事又且是箇什麼須知萬里無片雲萬里無寸草所以道欲得親切莫將問來問有時問在答處有時答在問處雖然如是要且問不在答處答不在問處又道閤黎不是不將來山僧不是不分付於中具金剛眼向本分田地上承當乃無可無不可敢問大眾著實底一句作麼生道未明心地印難透趙州關下座

士文師

圓悟佛果禪師語錄卷十

三

師云當陽舉唱直截根源貫古通今超情離見麼麼恁麼二竅俱明不恁麼不恁麼雙遮普照恁麼中有不恁麼不恁麼中有恁麼草窠裏突出焦尾大蟲若能離此三句外撥轉向上機卽知諸人脚跟下有此一段大事輝騰今古迥絕知見祖師雖西來諸佛雖出世不曾加一絲毫諸佛不出世祖師不西來亦不曾減一絲毫淨裸裸赤灑灑如印印空如印印水如印印泥也須是不依倚一物不墮聞見知覺不處是非得失直饒恁麼猶落他祖師指處在所以道有祖以來若將祖師言教爲人師範却成賺人去他只說

無法本是道又道佛說一切法爲度一切心我無一切心何用一切法既無一切心不用一切法則這裏八字打開還知落處麼山僧露箇消息去也須知過量人契此過量事下座

師云當軒正坐覲面無私離相絕名當機有準露箇形相通一線道起箇面目示少津梁如隔山見煙早知是火隔牆見角早知是牛若要只管隨數逐名求玄覓妙則喪却自已脚跟下大事埋沒從上來佛祖家風只如今不依倚一物不顯箇消息還有共相證據底麼若證據得把斷要津不通凡聖不向二千年

士文師

圓悟佛果禪師語錄卷十

四

前釋迦老子起模畫樣處各自點胷何故大丈夫兒他人住處我不住他人用處我不住祖師階梯是第二頭超佛越祖是第三首淨裸裸赤灑灑當陽獨露是第八解所以道末後一句始到牢關把斷要津不通凡聖若是上流之士不將祖師言教爲人師範如龜負圖自取喪身之兆鳳縈金網趨霄漢以何期今夜與諸人一時拈却敢問大眾不落祖師言教一句作麼生道萬緣不到無心處至了渾如井覷驢下座師云一向據令而行呵佛罵祖截斷衆流直得釋迦彌勒文殊普賢退身無路臨濟德山趙州睦州目瞪



口吐千里萬里無片雲擬議不來三十棒恁麼舉唱  
本色衲僧愈生光彩後學初機無摸索處一向垂慈  
落草立問立答存主存賓有始有末三玄戈甲中論  
諸訛四種料簡裏別皂白絲來線去照用雙行各各  
脚跟下只推明一箇大機唯此一事更無餘事恁麼  
舉唱後學初機通一線道其奈取笑衲僧恁麼中有  
不恁麼不恁麼中有恁麼權實雙運照用竝行佛祖  
諸訛離名絕相不守窠窟單明向上一路猶是尋常  
茶飯更或打翻許多露布則是天下是地山是山  
水是水僧是僧俗是俗都無許多得失玄妙又落狂

文部  
撰述

圓悟佛果禪師語錄卷十

五

無事甲裏四種爲人向此時爲諸人都拈却且道畢  
竟如何所以道欲識佛性義當觀時節因緣時節若  
至其理自彰只如卽今時節大檀越設齋已了陞堂  
已了懺罪已了薦已了更教山僧說箇什麼若能  
不以眼見不以耳聞不以意想不以口說則千里萬  
里見諸訛千句萬句都穿却恁麼會得可以通徹古  
今更須知有向上事始得敢問大衆作麼生是向上  
事萬古碧潭空界月再三撈撈始應知下座  
師云諸佛不出世那裏得這箇消息祖師不西來免  
見累及後代正當恁麼時天之自高地之自厚日月

星辰之昭昭人物境界之浩浩不曾移易一絲毫何  
不向這裏薦取若向這裏薦得去管取是一員無事  
道人及至諸佛出世提持一大事因緣祖師西來傳  
持箇正法眼藏令一切聞者見者生希有心起難遭  
想各各依佛佛祖歷堦梯超地位證無爲登聖果若  
恁麼薦得亦是一員無事道人更有箇具大闡提不  
起信根逢佛叱佛遇祖罵祖乃至滅却佛滅却祖令  
人不見佛不聞法淨裸裸赤灑灑全體只是箇真實  
人若向箇裏薦得亦是一員無事道人有箇信得及  
把得住依佛行而不著佛佛祖證而不著祖善建法

文部  
撰述

圓悟佛果禪師語錄卷十

六

幢能立宗旨讚佛讚祖如錦上鋪華乃至天上天下  
如金如玉若向箇裏薦得亦是一員無事道人此四  
員無事道人中要選一人爲師且道選那一人爲師  
若道得試出來道看若道不得山僧不免露箇消息  
去也披蓑側立千峯外引水澆蔬五老前下座  
師云離言離相總無許多不妨靜悄悄只恐墮在死  
水裏去示相顯言如錦上鋪華不妨開浩浩只恐入  
荆棘林去於此二途猶是時人昇降處不落時人昇  
降不住此二途且如何顯示還知箇裏麼有通天路  
有絕聖機向猛虎口裏棲身毒蛇頭上揩痒是尋常

茶飯所以道威音王已前無師自悟則得何故許他有超師之作威音王已後須是因師打發何故恐落天魔外道去所以道有時一句可與祖佛爲師有時一句堪與人天爲師透得過信得及見得徹把得住方始契得古人豈不見道見過於師方堪傳授見與師齊減師半德只如今釋迦老子豈不是師達磨大師豈不是師還有見過釋迦老子達磨大師底麼試出來露箇消息看也要見從上來種草有麼有麼如無若不藍田射石虎幾乎誤殺李將軍

師云有句無句如藤倚樹鉤頭香餌最諱訛至道無

文部  
卷一

圓悟佛果禪師語錄卷一

七

難唯嫌揀擇時人窠窟無摸索若是具頂門上眼底衲僧三千里外別端倪有作家鑪鞴底宗師未跨船舷已分付所以道箇裏是八十翁翁入場屋不是小兒戲箇箇須是具金剛正眼漢始得明眼漢沒窠臼只露目前些子咬去咬住有時一向不去有時一向不住若論戰也箇箇力在轉處更說什麼佛說什麼祖說什麼心說什麼性說什麼玄說什麼妙說什麼有說什麼麼無一筆勾下只有一劍劍下有分身之意亦有出身之路然於中若有箇脫情解去藥忌識機宜別休咎底試出來對衆道看也要大家知有然雖

恁麼也須實到這箇田地始得敢問諸人是時人窠窟是鉤頭香餌還委恁麼目前已脫常流見格外須知作者名

師云只恁麼坐斷天下人舌頭不恁麼穿却本色衲僧鼻孔恁麼中不恁麼要辨龍蛇不恁麼中却恁麼要擒虎兇離却四句外更有什麼事也許具一隻眼何故雙收雙放雙暗雙明同死同生同得同失也未爲分外雖然如是猶是建立邊事若據衲僧家自受用中要且不然只如衲僧家自受用處還有人明得麼若明不得佛法無靈驗若明得平欺一切人去今

文部  
卷一

圓悟佛果禪師語錄卷一

八

夜不妨向荒草裏合水和泥和泥合水與諸人商量豈不見南泉道祖佛不知有狸奴白牯却知有又道你當哆哆和和何不自家究取直待多知多解却來與老和尚作頭抵又道喚作如如早是變了也今時人直得向異類中行又道學道者如癡似兀難得趙州道我見千百億箇漢子盡是覓作佛底人中間求箇無心道人不可得雲門大師道和尚子莫妄想山是山水是水僧是僧俗是俗見拄杖子但喚作拄杖子見燈籠但喚作燈籠此謂之覷體全真只如恁麼處還容人作得夫解會麼灼然論實不論虛直得如



狸奴白牯相似直得如枯木朽株絕氣息憨憨癡癡  
瞢瞢瞳瞳千佛出世他也不知日觀瞿曇如黃葉相  
似方始是生鐵鑄就千人萬人羅籠他不住只如獨  
脫一句作麼生道莫謂無心云是道無心猶隔一重  
關

檀越請小叅師云盡大地是箇解脫門頭頭物物皆  
證入無邊刹海如來藏綿綿密密悉包容舉處峭巍  
巍用時淨裸裸譬如猛火聚近之則燎却面門又如  
太阿劍擬之則神驚膽戰若是知有恁麼徹骨髓  
承當不勞鴿啄其或尚留觀聽猶滯皮膚須是透出

天師

圓悟佛果禪師語錄卷十

九

金剛圈吞却栗棘蓬若透得一圈則百千億圈一時  
透過若吞得一蓬則無數億蓬一時吞得可以作奇  
特因可以現殊勝相無罪可懺而罪垢消除無冤可  
解而冤家解釋顯現一切難思議作爲無邊殊勝業  
只消箇一道清虛更不用周由者也正當恁麼時當  
機一句作麼生道聲前突出金剛眼彈指圓成人萬  
門頌云懺罪滌垢解冤釋結似日鎔霜如湯沃雪雲  
散長空一輪皎潔感應道交綿綿瓜瓞

鄧朝議請小叅云宏機獨唱千聖潛蹤一句當陽十  
方坐斷有亦不管無亦不拘聖亦不收凡亦不立明

明無覆藏明明無滲漏頂門眼照山河大地全彰肘  
後符開萬象森羅頓現有如是奇特相有如是殊勝  
門只求向上作家要接大乘根器所以道垂釣四海  
只釣獐龍格外玄機爲尋知識若是利根種智具大  
解脫性一聞一切聞一了一切了一見一切見一證  
一切證淨裸裸赤灑灑只如今還有道得底麼試出  
衆露箇消息看若道未得山僧這裏八字打開去也  
還委息得麼利根上智須圓證十聖三賢一念超復  
頌云無對毗耶彼上人頂門有眼耀乾坤只憑一箇  
無言說徧界全開不二門

天師

圓悟佛果禪師語錄卷十

十

滁州太平寺知山請小叅云祖佛提掇不起處正好  
作工夫魔外潛覷不見處猶宜猛著力直得通身是  
眼也照他未了直得通身是口也說他不著深深處  
有回互密密處有請訛到這裏德山有棒不論佛來  
祖來一例行遣臨濟有喝不論佛來祖來一例施呈  
若向棒下見未免瞞肝若向喝下薦更是漏逗須知  
向上人有換骨換髓透色透聲透聖透凡透聞透見  
底肘後符子所以道你若坐我則立你若立我則坐  
若也同坐同立二俱瞎漢到這裏還說心說性得麼  
說玄說妙得麼說理說事得麼說得說失得麼若有

德公盡是依草附木精靈且獨脫一句作麼生道須彌頂上翻身處百尺竿頭撒手時復頌云昔歲依投蒙重顧今春還沐渡江來同風更話同風事千手通身正眼開

文倫二上人薦安華嚴請小叅僧問如何是理法界師云不動一絲毫進云如何是事法界師云縱橫十字進云如何是理事無礙法界師云銅頭鐵額鐵額銅頭進云如何是事事無礙法界師云重重無有盡處處現真身師乃云言發非聲高高峯頂立色前不物深深海底行全機轉處沒承當覲面呈時絕回互

法苑珠林

圓覺佛果禪師語錄卷十

十一

離心意識非見聞覺知須明徹法慧目離念明智然後一塵纔舉大地全收一毛頭師子百億毛頭一時現直得一爲無量無量爲一小中現大大中現小寬同法界細入隣虛無處不周無處不備毗盧遮那大法性海中不論聖不論凡不論有情不論無情一一把斷不漏絲毫處處常光現前一一壁立千仞若說理法界事法界事理無礙法界事事無礙法界正是沒交涉直饒棒頭取證喝下承當向空劫那畔識破根塵威音已前洞然明白尚未免在窠窟裏只如出窠窟一句作麼生道千峯勢到嶽邊止萬派聲歸海

上清

結夏小叅僧問馬師離四句絕百非詰和尚答祖師西來意馬祖云我今日勞倦不能爲子說得問取西堂去此意如何師云三頭兩面進云僧問西堂西堂云我今日頭痛問取海兄去又作麼生師云同坑無異土進云僧問海兄海云我到這裏却不曾又作麼生師云黑漆桶夜裏生光進云只如僧舉似馬祖祖云藏頭白海頭黑又作麼生師云不許外人知師乃云一粒粟中藏世界恒沙刹海始安居萬緣不到千差絕超證無生等太處至實處不容聲至深處無回

法苑珠林

圓覺佛果禪師語錄卷十

十二

互明明蓋天蓋地歷歷亘古亘今坐斷千差壁立萬仞千聖提撕不到是衲子放下複子處千人萬人羅籠不住是無爲無事人拘折拄杖時雖然浩浩應機要且如如不動有時魔宮虎穴轉大法輪有時荆棘林中建立梵剎有時向十字街頭壁立千仞有時向孤峯頂上合水和泥有照有用有權有實所以道以大圓覺爲我伽藍身心安居平等性智則於千人萬人羅籠不住處始能安居於千聖萬聖提撕不到處始放複子敢問安居一句作麼生道還委悉麼但令語常清淨夏滿何須驗蠟人

曾先生請小叅云全機不動會羣像於目前覲面相呈截千差於格外動則影現覺即氷生不動不覺直下捏目箇中有一條路蓋天蓋地蓋色蓋聲密密綿綿平平穩穩若是箇曹溪門下客直到解脫處更不落二落三未舉覺已前早是落二落三了也何況舉覺言詮總納敗闕所以道西天二十八祖亦如是唐土六祖亦如是天下老和尚亦如是山僧亦如是到這裏不著眼試觀看著耳試聽看若向箇裏一時截得斷把得定作得主與千聖把手同一正因同一解脫然雖如是正當恁麼時不立階梯一句作麼生

上大師  
語錄卷十

圓悟佛果禪師語錄卷十

十三

還委恁麼聲前截斷千差路出格唯憑作者知復頌云一著當機截衆流選官選佛兩俱優相逢相見呵呵笑天上人間得自由

祖上人請小叅師云生身父母居堂上從本爺娘在頂門一念頓消諸祖意堪任補報最深恩一漚未發已前滔滔流水一塵未舉之際茫茫剎塵若是具透關眼有過量見即知千聖萬聖羅籠不住若也一漚已發一塵已舉待著眼用意盡未來際窮虛空劫畢竟摸索不著所以道盡大地是般若光光未發時無佛無衆生消息從什麼處得來正當恁麼時無佛無

衆生無高無下無得無失無彼無我處還薦得麼若薦不得不免打葛藤去也道是無得麼且喜沒交涉道是有得麼轉見沒交涉道是不有不無得麼轉更沒交涉道是離四句絕百非直是沒交涉須知道一條路一種機三世諸佛依此成立一大藏教依此詮註乃至世間虛空凡聖山河大地無邊香水海不可說不可說全從他流出只今若知一漚未發已前恩德則自己脚跟下如千日並照如暗得燈如貧得寶如渡得船如民得王於一切時無一念落處無叅禪時全體恁麼來全體恁麼去只如空劫已前那畔一

上大師  
語錄卷十

圓悟佛果禪師語錄卷十

十四

段事作麼生還委恁麼照開千聖頂門眼放出威音物外春復頌云父母恩深重過於蓋與載若欲圖補報碎身莫能賽唯有般若力一句截情愛凱風吹棘心二百四十歲

修道者請小叅天地與我同根其根深固萬物與我一體其體虛凝萬物之根亘古亘今堅固之體包含萬寸毫芒得意可以點鐵成金可以轉凡作聖如理如事即處即真一念不生前後際斷所以道不思議解脫力妙用恒沙也無極若論妙用去可以擊碎業山可以點竭苦海可以懺不懺之罪可以解不解之



寃可以起必死之疾可以證無生法忍正當恁麼時不立功勲一句作麼生道還委恁麼千年闇室一燈破萬劫儘尤一句消頌云阿闍被疾投皇覺調御坐慈放月光法藥之功同佛力自然身病得清涼

小叅師云一向說事說理論妙論玄談心談性墮在葛藤窠裏一向行棒行喝立照立用捋捋舒落在荆棘林中更或舉古舉今話偏話正立主立賓也是撒沙撒土忽若見山卽山見水卽水僧是僧俗是俗落在無事界內設使總不恁麼大似曳尾靈龜直饒獨體單明亦是狐狸戀窟若有箇出身處去似地擎

支那撰述

圓覺佛果禪錄卷一

十五

山不知山之孤峻如石含玉不知玉之無瑕譬如猛火聚近之則燎却面門又如按太阿劍擬之則喪身失命便可以不用說事不用說理不行棒不行喝不立主不立賓見山不是山見水不是水全體恁麼來全體恁麼去總無許多露布葛藤聲色邊事且超然獨脫一句作麼生道還委恁麼萬丈懸崖須撒手大千沙界始全身

張戶曹請小叅師云直下便是不通擬議尋思還有作家禪客麼試出衆證據看僧問如何是臨濟下事師云一刀兩段進云如何是雲門下事師云三句縱

橫進云如何是曹洞下事師云五位君臣沒分付進云如何是爲仰下事師云進前退後絕商量進云那一句如何師云何不問法眼下事僧禮拜師乃云靈山提密旨獨有迦葉親聞少林演妙訣唯許神光擔荷只爲機機相副箭箭相投用處聲色純真舉時乾坤獨露密密意絕請訛深深機沒回互若是箇本色自由自在承當擔荷得底更不落聲前句後亦不用擬議尋思直下當陽分明領取所以道若論此事貶上眉毛早已蹉過旣已蹉過何用鼓兩片皮口吧吧地豈不是當堂蹉過旣若蹉過還知未蹉過事麼若

支那撰述

圓覺佛果禪錄卷一

十六

知未蹉過事雖終日說而不曾動著舌頭終日行而不曾移著一步終日喫飯不曾嚼一粒米終日著衣不曾掛一縷絲雖然如是此猶是建化門庭向下爲人處豈不見德山和尚但有問答語言向上向下盡是依草附木竹木精靈所以山僧從頭棒將去待有箇獨脫底與他商量後來浮山圓鑑道只這獨脫底也是草木之精且道還有爲人處也無山僧不惜眉毛入泥入水爲諸人平展還委恁麼但能萬法不干懷一超直入如來地

披剝小叅僧問正令當行十方坐斷宗風建立毫髮

無差時節因緣願聞舉唱師云只是舊時面目進云  
斬新處乞師再示師云換却適來底進云法輪再轉  
於閻浮道光重映於千載師云誰不恁麼進云只如  
無邊身菩薩爲什麼不見如來頂相師云有時恁麼  
有時不恁麼進云如何是和尚頂相師云錯僧禮拜  
師云果然果然師乃云重圓僧相復方袍優鉢羅華  
未易遭恩重丘山何以報輒提綱要一秋毫盡十方  
世界若長若短若縱若橫以至香水海不可說不可  
說無邊刹海盡在箇一秋毫有時現無邊身東涌西  
沒南涌北沒中涌邊沒作無量無邊神通變化也只

法華  
指述

圓悟佛果禪師語錄卷十

十七

不出此一秋毫有時冷啾啾地如枯木朽株寒灰死  
火一念萬年萬年一念也只不出此一秋毫乃至作  
爲無量無邊殊勝奇特難行苦行轉化一切成佛作  
祖亦不出此一秋毫諸人還知此一秋毫麼若知去  
未開口已前未舉意已前生佛未兆已前空劫已前  
好薦取既薦得則卷而懷之任任運運如兀如癡不  
妨是一箇沒量大人如或未然却須返照回光若動  
若靜若住若行若坐若卧須是究他根源始得父母  
未生已前父母既生之後六根四大三百六十骨節  
完具寒時知寒熱時知熱饑時知饑飽時知飽以至

頂天履地含齒戴髮盡承此箇恩力且道此箇恩力  
如何趣回還知麼一氣不言含有象萬靈何處謝無  
私

蔣山辭衆云終日相逢長背面終朝背面却相逢途  
中不是途中事不動巍然達九重這箇消息唯許作  
家明暗同途主賓互用雖去似去而不去雖來似來  
而不來卓爾超然動靜曾無兩種所以道動若行雲  
止若谷神既無心於彼此亦無象於去來如是則去  
來不以象而確然去來動靜不以心而超然動靜在  
彼在此殊無間然一道清虛廓周沙界是以月上女

法華  
指述

圓悟佛果禪師語錄卷十

十八

出城舍利弗入城而舍利弗問云聖姊向什麼處去  
月上女云如舍利弗恁麼去舍利弗云我方入城汝  
已出城云何言如舍利弗恁麼去女云諸佛弟子當  
住何所舍利弗云諸佛弟子當住如來大解脫女云  
諸佛弟子既住大解脫所以我云如舍利弗恁麼去  
既得如來大解脫去而無去去迹入九重城裏毗贊  
聖化住而無住住蹤在深山白雲中坐斷天下人舌  
頭既住如來大解脫安有動靜去來之意正當恁麼  
時作麼生道九重城裏真消息一句無私徧九垓復  
云憶得曹山和尚辭洞山山云向什麼處去曹山云



向不變異處去洞山云不變異處豈有去耶曹山云去亦不變異師云大凡衲僧佩肘臂下符具頂門上眼向一切萬境萬緣當頭坐斷豈不是箇無變異何故金剛正體湛寂凝然曹山雖得此意爭奈洞山憐兒不覺醜若是山僧待他道向不變異處去只向他道這漢未出門早變了也

圓悟佛果禪師語錄卷第十

校謄  
第九紙五行闕下南藏有下座二字後多微此

音釋

圓悟佛果禪師語錄卷第十

悄七小切 諄諄胡茅切 跨苦化切 椿江切 措七小切  
痒痒丘皆切 餌忍止切 嫌胡兼切 兇似牛一角獸 猓猓以兩切 餽釣魚食 賽報也 凱可亥切 猓猓以兩切 餽釣魚食 賽報也 凱可亥切

常熟居士嚴敬施贊刻此  
圓悟佛果禪師語錄第十卷  
京山沙彌玄秀對

圓悟佛果禪師語錄卷第十一

宋平江府虎丘山門人紹隆等編

小參四

住東京天寧寺小參師云一見更不再見今已再見一說更不重說今已重說未有長行而不住途中無這箇消息未有長住而不行屋裏沒此葛藤直得二途俱不涉去住得縱橫其住也千人萬人羅籠不得其去也等閑坐斷一切人舌頭假使親到這箇田地更須知有照用同時人境俱奪向上一竅始得若論向上一竅佛祖不立凡聖香絕淨裸裸沒承當赤灑

圓悟佛果禪師語錄卷第十一

灑無回互正當恁麼時作麼生但願春風齊著力一時吹入此中來復頌云明珠在掌有功者賞長老新入院都盧無伎倆不立趙州關各自著槽檟四月八日小參直下便是已涉階梯總不恁麼猶落情識直得威音已前沒交涉七佛已後沒交涉向上向下總沒交涉然雖如是通方作者舉著便知尚滯皮膚難脫蹊徑所以向第二義門不恁麼中有時恁麼恁麼中有時不恁麼淨法界身本無出沒大悲願力示現受生雖則落草之談也須草中有通身之路敢問諸人要知本無出沒底道理麼乃豎起拂子云

只這是要知示現受生麼。豈拂子云。只這是到這裏。雙收雙放。全暗全明。爲中下之機。則得直得。九龍吐水。一場捏怪。目視四方。轉納敗闕。只有雲門大師解於鐵樹上生華。道我若見一棒打殺與狗子喫。却雲門大師具箇什麼眼目。便恁麼道。諸人要見雲門大師麼。山僧不惜眉毛。放一線道去也。還委麼。不入千尋浪。難逢稱意魚。復云。未離兜率已降王宮。未出母胎度人已畢。一往看來。却是子細點檢將來。猶滯兩邊。殊不知東弗于逮走馬南瞻。部洲作舞。西瞿耶尼作拍。北鬱單越。翻筋斗也。無是也。無非也。無得也。

士文那

圓悟佛果禪師語錄卷上

二

無失且道。畢竟如何。八角磨盤空裏走。

鄆王請小叅。僧問。無修無證。乃是本覺妙明。爲求佛果。菩提正是有作之因。去此二途。請師直指。師云。吹毛寶劍。逼人寒。進云。一點靈光。異萬古照人。問師云。用一點靈光作麼。進云。可謂言言合聖道。法法自圓成。師云。他亦本無言。僧禮拜。師乃云。寬廊非外十方國土。目前觀寂寥。非內一毫頭上寶王。刹直得無內無外。絕彼絕此。亘古亘今。全明全暗。到這裏亦須有轉身一路。始能得大自在。豈不見道。大人具大見大智。得大用。發大機。羣機泯息。立一言。衆言絕。謂直得。

言言機。機頭頭相副。如金鎖連環。相續不斷。此猶是長生路上事。所以道。言鋒若差。玄關萬里。直得懸崖撒手。自肯承當。絕後再蘇。欺君不得。非常之旨人焉。瘦哉。既有非常之旨。必藉非常之人。既有非常之人。必明非常之旨。正當恁麼時。如何側身。方外看誰是箇中人。復云。護生之德。徹坤維草木。昆蟲樂聖時。敵勝驚羣。有奇特如何。是奇特囉囉哩哩。擊禪牀下座。小叅目前。無一法。森羅萬法。歷然格外。立千機。權實照用。廓爾其權也。納須彌於芥子。擲大千於方外。其實也。上是天下。是地。山是山水。是水。僧是僧。俗是俗。

士文那

圓悟佛果禪師語錄卷上

三

其照也。廊周沙界。而無餘其用也。喝似雷奔。棒如雨點。只如不落權實。照用不落格外。千機不落目前。一法正當恁麼時。如何湊泊。若是心機透脫。得失已忘。玄妙理遣。有恁麼人。聊聞舉著。踢起便行。釋迦自釋迦。彌勒自彌勒。解脫自解脫。善財自善財。其或未能便恁麼。直下信得及。把得定。作得主。却須於古人方便門。建立處。頭頭上。明物物上。顯無一絲毫。蹉過無一絲毫。得失淨裸裸。絕承當。赤灑灑。無回互。踏著本地風光。明見本來面目。正當恁麼時。如何著力不起。纖毫修學心。無相光中。常自在。復頌云。佛佛道同同。

至道心心真契契真心廓然透出威音外地久天長海更深

益國夫人請小叅云目前無一法綿密有誰知格外列千差到頭須自用若自用得去改禾莖爲粟柄易短壽作長年變大地作黃金攪長河爲酥酪不爲分外且如綿密處若辨得用處卽是綿密綿密卽是用處所以道世尊三昧迦葉不知迦葉三昧阿難不知阿難三昧商那和修不知商那和修三昧優波菊多不知卽是各各不知何故却相傳受到這裏不妨請訛處直是請訛綿密處直是綿密若會山僧適來答

天那

圓悟佛果禪師語錄卷十一

四

這僧問道和尚三昧什麼人得知答云山僧自知然雖如是大似把手上高山未免傍觀者哂更有一著諸人往往向知不知處作活計若道知去此人只具一隻眼若道不知去此人亦只具一隻眼離却知不知正當恁麼時如何大千沙界海中漚一切聖賢如電拂復舉外道問佛昨日說什麼法世尊云說定法外道云今日說什麼法世尊云說不定法外道云昨日定今日爲什麼不定世尊云昨日定今日不定師云大小世尊龍頭蛇尾若是天寧卽不然忽有問早朝說什麼法對云不定法卽今說什麼法對云定法

或云早辰不定而今爲什麼定卽向他道一釣便上小叅云提向上機須向上眼指其中事要其中人若能立千聖於下風擲大千於方外脚根下硬糾糾頂門上黑漫漫坐斷要津不通凡聖亦未是向上機亦未是其中事且作麼生是向上機其中事酌然將謂實有恁麼說話殊不知如將蜜果換苦葫蘆淘却業根俱無實事若是靈利底人聊聞舉著便知落處更不紛紜旣不紛紜則二六時中雖終日喫飯不曾咬著一粒米終日著衣不曾掛一條線終日說話不曾動著舌頭雖然如是能有幾人到此田地何故只爲

天那

圓悟佛果禪師語錄卷十一

五

不落心意識不落淨穢邊透出威音那邊全明本元要地一棒一喝一挨一撥一出入一問一答譬如擲劍揮空莫論及之不及斯乃空輪無迹劍刃無虧正當恁麼時著實一句作麼生道還委悉麼撒手那邊千聖外燈籠露柱放毫光頌云妙德空生讚莫窮摩醯正眼不通風大千擲在他方外作者須明向上宗

解夏小叅云護生須殺雖殺無傷蠟人已冰其功歷爾可以駕鐵船入海可以飛磨盤輪空半合半開成團成塊盡出箇大圓覺不得若有出得大圓覺底便



能逆順縱橫殺活自在是故文殊菩薩一夏三處度夏一月日在魔宮一月日在長者家一月日在姪房既三處度夏却入世尊會中解制極為不平所以迦葉欲白槌擯出文殊纔舉此念見會中有無量釋迦無量文殊無量迦葉無量捷迦葉既見恁麼直得目瞪口呆何故過量人有過量見有過量用雖金色頭陀到這裏縮手不得展手不去只如與麼時是大圓覺裏耶大圓覺外耶須是通方作者始能證明何故此是文殊普賢大人境界若叅得文殊普賢境界則無邊香水海無量無數微塵佛刹悉爲安居處乃

文殊師利菩薩

圓悟佛果禪師語錄卷十一

六

至現無邊身處處行住坐卧亦不相妨亦不犯手正當恁麼時若是知音者舉起便知所以天寧雖與大眾九十日安居必竟諸人還知麼諸人若透頂透底去卽是文殊普賢境界若不透頂透底去卽是迦葉境界離却文殊迦葉收因結果一句作麼生道還委恁麼九十日功今已滿豁開布袋各優游

小叅僧問如何是主中賓師云閣黎問處帶纖塵進云如是則靈光千古秀萬法落階梯師云階下立進云如何是賓中主師云山僧不免自道取進云古佛位中無覓處深深草裏露全身師云莫來這裏呈懞

袋進云如何是主中主師云坐斷舌頭無去取進云袖裏金槌光燦爛吹毛寶劍逼人寒師云七十五棒翻成一百五十進云如何是賓中賓師云青山之外更愁人進云如是則家貧未是貧路貧愁殺人師云荒村古廟裏去進云只如不涉賓主是什麼人師便喝師乃云目擊知歸已爲分外未言先契猶涉程途須知箇中有格外機行格外用明格外道證格外心灑灑落落淨裸裸絕承當密密堂堂赤灑灑無回互壁立萬仞處千差萬別萬別千差處壁立萬仞所以道垂鈎四海只釣得龍格外之機爲尋知識於中若

文殊師利菩薩

圓悟佛果禪師語錄卷十一

七

有箇便恁麼承當得格外趣向便恁麼權衡得格外底作略時向伊道箇什麼卽得說玄說妙說佛說祖說心說性已是此人棄下之增語論棒論喝論權論實論照論用亦是此人不要之長物以其中間不犯鋒鋒纖塵不立如何透脫還委恁麼大道體寬無向背當陽須是箇中人

李迪甫請小叅薦地相期全機獨證眼眼相照心心相知俱不從他處得來盡皆在胷襟流出正當恁麼時森羅萬像古佛家風碧落青霄道人活計打開自己庫藏運出自己家財與諸佛祖師同德同誠維摩

麗老同拈同放與裴相國王常侍同一機用同一境  
照更無餘事截斷生死路頭打破煩惱窠窟不消一  
句子且道是那一句子還委悉麼超然直透威音外  
目前無法可商量

請小叅云當陽直截不立階梯覲面相呈全彰正體  
以世諦法接人去落在世諦法中以佛法接人去落  
在佛法中以祖佛機接人去落在祖佛機境中以向  
上拈提接人去落在向上拈提中以恁麼恁麼接人  
去落在恁麼恁麼中以不恁麼不恁麼接人去落在  
不恁麼不恁麼中以總不恁麼總不恁麼接人去落

上入部  
廣述

圓悟佛果禪師語錄卷上

八

住總不恁麼總不恁麼中到這裏羅籠他不住處千  
聖出頭來也不敢正眼覷他雖是當頭脫却向那邊  
承當也只得箇沒交涉且作麼生合殺去若有大根  
大器人向合殺處挨得一線便可以拈一莖草作丈  
六金身用有時將丈六金身作一莖草用有時拈燈  
籠作露柱用有時拈露柱作燈籠用有時騎佛殿出  
三門放一線道拈新羅與占波國鬪額且道是何宗  
旨是何境界正當恁麼時當頭一句作麼生道滿目  
光輝無向背優鉢羅華火裏開  
小叅師云千差一舉舉處絕遮攔萬化一拈拈時無

向背只如道上古聖佛未出世未成道未發心已前  
還有這箇消息也若道有有在什麼處若道無爭  
得這箇來所以前賢前佛後佛只是提持得他  
景仰得他要且未從機境上把定處作得主山僧  
今夜與他作主去諸佛未出世未發心未成道盡  
在山僧手裏放行教他通一口氣若不放行不消一  
擲擲殺所以黃檗道牛頭橫說豎說不知有向上關  
捩子若教他知向上關捩子祖佛亦提掇不出實爲  
土曠人稀相逢者少忽若有箇同死同生來與天寧  
相見且須容他何故他若坐山僧須下禪牀山僧若

上入部  
廣述

圓悟佛果禪師語錄卷上

九

坐他須側足而立直得如此雖然同途要且不同轍  
雖然同明要且不同暗雖然同得要且不同失且畢  
竟作麼生出頭天外看誰是箇中人復舉京兆蜆子  
和尚叅洞山後居止無定不循律儀每日沿岸採掇  
蝦蜆以充朝夜即宿白馬廟紙錢叢中時有華嚴靜  
禪師聞之欲決真假先潛入紙錢中蜆子深夜歸靜  
把住問云如何是祖師西來意蜆子答云神前酒臺  
盤靜奇之懺謝而退師云諸人若未委悉山僧下箇  
注脚神前酒臺盤鐵彈大如拳一擊便擊碎不直半  
分錢



益國夫人請小叅僧問寂初威音王末後樓至佛未  
審威音叅見什麼人師云叅見無面目底僧云只如  
無面目人復見阿誰師云狂狗趁塊僧云爭奈拄杖  
子在學人手裏師云你試用看僧云到這裏直得無  
言可說無理可伸師云只得七成僧云可謂師承不  
立遞代相傳師云一刀截斷僧云既然如是和尚何  
用更覓白雲師云你道威音樓至佛卽今在什麼處  
僧云一穿穿却師云頂額上更添一隻眼始得師云  
三世諸佛也恁麼歷代祖師也恁麼德山也恁麼臨  
濟也恁麼天寧豈可不恁麼所以早朝也恁麼而今

法華經

國朝集禪師詩卷十一

十一

也恁麼且道恁麼恁麼是箇什麼還委恁麼所以道  
向上一路千聖不傳學者勞形如猿捉影只如遇達  
者面前作麼生提掇作麼生諳悉說理性玄妙得麼  
喝一喝得麼劃一劃得麼口吧吧地得麼六六三十  
六九九八十一得麼且總不是這箇道理況此乃千  
聖不傳之妙這一片田地唯佛與佛乃能知之畢竟  
知後還傳與人不傳與人若傳得去龍頭蛇尾若傳  
不得千聖萬聖一箇箇到這裏若佛若祖於一切人  
機境不到處發明於一切人用不及處提掇一切人  
情識計較不得處坐斷千差路頭雖然拈一句簇錦

攢華攢華簇錦可以趣向及至到那畔若也承當則  
沒交涉到這裏有棒有喝有權有實有殺有活有擒  
有縱唯許諸佛知不許諸佛會既許諸佛知爲什麼  
不許諸佛會會則傳得去也所以要人心機絕智境  
忘得失遣是非一時落謝萬境縱然而無何礙可以  
與千聖把手共行同用同證一切處光輝一切處澄  
湛去抽釘拔楔解黏去縛只如今山僧對衆恁麼說  
還當得千聖不傳底麼灼然當不得既當不得又說  
作什麼千人萬人管取不奈何所以古人道雖然點  
破綱宗意在文彩未生時要一覷便透一咬便斷若

法華經

國朝集禪師詩卷十一

十一

也未會切不得疑著如今不惜性命向這裏與諸人  
通箇消息還會麼千聖共傳無底鉢大千沙界一浮  
漚

小叅云截斷千差路坐却是非頭報化不容身語默  
絕消息正當恁麼時若有祖師西來意正是撒土撒  
沙若無西來意大似對面相謾去此二途須知他家  
有出身底路大衆灼然不是目前事亦非目前機有  
一句子千聖覷他不見有一句子千聖出頭不得有  
一句子千聖同鄼共用且道此一句畢見從什麼處  
流出若有識得流出去處則淨裸裸赤灑灑也不說

一卽三三卽一不用行棒不用行喝不用道見成公案不消瞬目揚眉不用談玄說妙所以釋迦彌勒文殊普賢猶是他走使他本不作一切不爲一切坐斷一切初無動搖各各當人脚跟下圓明朗照如大日輪人人回光得度也不在彼處也不在己處不在內不在外不在中間然而一切奇特事因他建立一切殊勝事由他圓成如王庫寶刀如摩醯三目如圓伊三點如塗毒鼓千言萬句終說他不成就說他不就正當恁麼時還委恁麼如王寶劍隨王意揮斥縱橫得自由

支那  
佛經

圓悟佛果禪師語錄卷十一

十三

小叅僧問波斯匿王請問世尊聖諦義中還有世俗事也無世尊云大王汝於龍光佛時曾問此義爲復答他話爲他說師云一時在裏許進云只如翠巖道大王善問不善答世尊善答不善問未審此意如何師云拈起上頭關換子進云忽若大王請傳此語問和尚未審如何祇對師云開口見膽師云適早已露線索如今更展家風摩醯首羅三隻眼八面通透釋迦老子百億身十方分形如印印空如印印水如印印泥初不分前後際亦不分縱橫竝別到這裏若深入骨髓底直下透脫不疑天下人舌頭聊聞舉著踢

起便行可以坐斷十方可以乾坤獨步其或尚留觀聽猶滯皮膚直須脚跟下一一洞明各各見本來面目踏著本地風光不隨聲色不居凡聖不落見聞不涉語默淨裸裸赤灑灑所以道十方無壁落四面亦無門全體與麼來全體與麼去畢竟天人羣生類皆承此恩力若識此恩力終不落虛步步腳踏實地句句透見根源全體如如不變不動推此以及羣靈攝此普濟品彙正當恁麼時超聲越色一句作麼生道還委恁麼不須更費纖毫力吞跳金圈栗棘蓬張國太夫人請小叅云霜風凜凜細雨微微解脫門

支那  
佛經

圓悟佛果禪師語錄卷十一

十三

八字打開正法眼頂門顯示還有超宗越格離見絕情底麼出來證據若也證據得去七佛已前也不恁麼七佛已後也不恁麼西天二十八祖亦不恁麼唐土六祖亦不恁麼至於歷代宗師天下老和尚亦不恁麼爲什麼不與麼只恐賺悞人去既不與麼亦不賺悞人作麼生承當到這裏平田中萬仞壁立壁立萬仞處一似平田把斷要津不通凡聖亦無語話分亦無展演分畢竟教一切人什麼處人老僧不惜眉毛通箇消息去也遂豎起拂子云見麼又擊禪牀云還聞麼若道見且得沒交涉若道不見更是沒交涉

畢竟作麼生若教老僧只管與你說經無窮劫摸索不著不隨言解則淨裸裸赤灑灑各各坐斷報化佛頭各各氣衝宇宙設使千佛出興恰如蚊蚋相似與麼把得定作得主方始是本分作家正當恁麼時如何委悉一句迥超諸佛格坐斷天下衲僧頭復頌云雖然說破五家宗爭及曹溪一線通寶劍當陽誰殺活離名離相振高風

小叅云不是如來涅槃心亦非祖師正法眼萬緣窮之不到千聖究之莫及直饒威音王那畔空劫已前正好揮金剛王寶劍何況威音王以來以至窮未來

法苑珠林

圓覺果禪師語錄卷一

十四

際只是打葛藤終非本分草料所以道我若一向舉揚宗教法堂前草深一丈如今事不獲已向諸人道盡大地是般若光光未發時無佛無衆生消息從甚處得來若向這裏便絕消息去此人命根未斷命根若斷聖著磕著言語說著機境投著雖然如是此猶是第二機若到第一機說甚威音已前空劫那畔設使德山臨濟喝下承當棒頭取證未免拖泥涉水不受人瞞牙如劍樹口似血盆直下承當可以籠罩古今乾坤坐斷雖然如是天寧與麼說話大似傍若無人何故佛佛道同祖祖共證一一於此承當向什麼

處著紅爐上還著得一點雪麼到這裏表裏純淨中外一如雖然落草未免向上用正當恁麼時如何棒頭有眼明如日要識真金火裏看復舉龐居士問馬大師不與萬法爲侶底是什麼人馬師云待汝一口吸盡西江水卽向汝道山僧略露箇消息爲人須爲徹殺人須見血直下便承當已落第二月且道如何是第一月咄

冬夜小叅僧問德山昔日小叅不答話趙州小叅却答話未審答底是不答底是師云總不是進云好音在耳人皆聳去也師云杓卜聽虛聲進云忽若答話

法苑珠林

圓覺果禪師語錄卷一

十五

中不答話不答話中却答話時如何師云葛藤裏出頭來進云忽若有箇漢出來不管答話不答話只麼掀倒禪牀時如何師云劈脊便棒僧云嶮師云嶮僧便喝師亦喝僧禮拜歸衆師云一場漏逗師乃云大衆截羣機於未兆坐斷天下人舌頭藏冥運於卽化世諦一陽便生且道是一是二若道是一因甚麼聖諦義中有世俗諦若道是二爲什麼世俗諦中無聖義諦到這裏若無透關眼透出機關未免瞞瞞預預籠籠侗侗去也還知箇裏麼譬如明鏡當臺明珠在掌舉無遺照萬象歷然雖四序遷移其中有不移



易一絲毫之體雖萬機齊赴其中有湛然不動之源  
以此撥轉路頭隨機應感諸人若也不見設使千聖  
出頭來也摸索不著個儻衲子出來眼似銅鈴口似  
懸河也說他不得也覷他不著天寧意欲要與諸人  
解黏去縛拔楔抽釘到這裏伎倆一點也使不著且  
道爲什麼如此他家自有通霄路切忌當陽指畫伊  
師云昨夜鍾鳴時諸人盡來此已是刺腦入膠盆今  
夜鍾鳴時復來有何事兩重三重已落節若是知有  
底聊聞舉著徹骨入髓踢起便行坐斷報化佛頭不  
落語默聲色却校些子如或準前只守窠窟山僧不

支那  
撰述

圓覺佛果禪師語錄卷十一

十六

免向無事處生事無言處顯言無葛藤處說葛藤無  
荆棘處立荆棘去也一塵纔舉大地全收四方八面  
淨裸裸華開世界起浮幢王刹明歷歷直得無情有  
情齊成佛道有說無說俱轉法輪此猶是法性海邊  
拈掇在若向衲僧門下直饒一棒打破虛空一喝喝  
散白雲釋迦彌勒猶爲走使德山臨濟目瞪口呿也  
未當本分氣宇在所以道坐却舌頭別生見解他叅  
活句不叅死句活句下薦得永劫不怠死句下薦得  
自救不了只如諸人卽今作麼生會他活句莫是卽  
心卽佛是活句麼沒交涉莫是非心非佛是活句麼

沒交涉不是心不是佛不是物是活句麼沒交涉莫  
是入門便棒是活句麼沒交涉入門便喝是活句麼  
沒交涉但有一切語言盡是死句作麼生是活句還  
會麼萬仞峯頭獨立四方八面黑漫漫復云一口  
吸盡西江栗棘壑殺老龐當陽若也吞得管取海內  
無雙

師云天無四壁迥絕羅籠地絕八維了無障隔與虛  
空同體合暗合明與虛空同壽亘古亘今人人有一  
坐具地何用安排處處悉彌勒門開不須彈指盡是  
人人受用無去無來以大悲力成此勝事所以釋迦

支那  
撰述

圓覺佛果禪師語錄卷十一

十七

老子未離兜率已降王宮未出母胎度人已畢且道  
諸人分上還有這箇消息也無若無人人具足箇箇  
圓成因什麼却無若有諸人卽今在甚處安身立命  
還知落處麼若知落處不動道場而徧能含受十方  
刹海一塵一刹隨處受生何待九龍吐香水分手指  
天地作大師子吼須知未出母胎時已作大師子吼  
直至各各時時念念處處悉皆圓滿清淨無爲無間  
無斷大解脫門正當恁麼時晝昇兜率夜降閻浮其  
中摩尼珠爲什麼不現敢問諸人中間作麼生還委  
悉得麼龍袖拂開全體現象王行處絕狐蹤

師云大機圓應大用縱橫不墮千聖機關不遊諸祖  
窠窟舉一機千機截斷拈一事萬事齊彰須是他大  
解脫人乃能明向上宗旨豈不見維摩不離本座移  
妙喜世界如針鋒持棗葉又不見大仰云拈一片木  
葉便是移一座仰山去是知箇事若在心機意識路  
布言詮上覓大似掘地覓天了沒交涉若是箇生鐵  
鑄就不涉化城不由迷悟不拘得失然後一明一切  
明了一一切了一見一切見一用一切用此猶是衲  
僧家垂手應機爲人邊行履若使他獨照獨運乃至  
千聖覓他不著諸天捧華無路魔外潛觀不見周旋

三才圖會

圓悟佛果禪師語錄卷十一

十八

往返十方無礙一念普應前後際斷只如今坐立儼  
然燈燭熒煌且道是什麼時節若道是唯心境界正  
坐在荆棘林裏若道是向上時節亦未跳出金剛圈  
在總不恁麼又作麼生還有人道得麼若不藍田射  
石虎幾乎誤殺李將軍頌曰天上人間不可陪同風  
千眼應時開智通居士真奇特道照三年兩度來  
師云言發非聲和言擊碎色前不物與物俱融聲色  
翳障全消聞見之源亦脫直得淨裸裸赤灑灑清寥  
寥白滴滴一片本地風光一著本來面目神通妙用  
底縱橫十字不離田地穩密田地穩密底坐斷十方

不離神通妙用雙明中有雙暗同生中有同死恁麼  
也不得不恁麼也不得恁麼也得不得恁麼也得所以  
道卽此見聞非見聞無餘聲色可呈君箇中若了全  
無事體用何妨分不分箇中見聞是體聲色是用聲  
色是體見聞是用分也得不分也得所以雲門道移  
燈籠向佛殿裏拈三門向燈籠上若以衲僧正眼觀  
之猶爲小事直得納須彌於芥中擲大千於方外也  
只是箇半提所以盡乾坤大地都無空闕處更須知  
有全提時節三世諸佛只堪齊立下風六代祖師只  
得全身遠害當機直截一句作麼生道三尺杖子攪

三才圖會

圓悟佛果禪師語錄卷十一

十九

滄波冷彼魚龍知性命

圓悟佛果禪師語錄卷第十一

校論

第七紙十四行以第十一紙五行何南

音釋

鄆爲溫切哂矢忍切擯必刃切捷楚切也此云

巨宋切鐵鳴者皆曰擗女角切蜺顯切也此云

嗑克盍切龍龍力董切翳奇計切也此云

吳江居士沈令譽施刻 圓悟佛果禪師語錄第  
十一卷 京山沙彌玄秀對 吳江沙彌本安  
江寧羅思貴刻 萬曆庚寅冬清涼山妙德庵



圓悟佛果禪師語錄卷第十二

宋平江府虎丘山門人紹隆等編

小叅五

住雲居山結夏小叅雲居千百衆如無只緣内外絕消息箇中空洞等處空殺活全承此恩力所以道護生須是殺殺盡始安居要論箇中意鐵船水上浮算來直得鐵船水上浮也有什麼奇特只如護生須是殺且道殺箇什麼便有禪和子道不是殺物命只是殺無明賊是殺煩惱賊是殺六根六塵賊殺爭人爭我賊雖然一期也似要且未夢見衲僧脚跟頭既是

支那

圓悟佛果禪師語錄卷十二

一

護生須是明殺意如何是殺意嶮若向箇裏辨得出便可放一線道浩浩之中管取坐斷天下人舌頭然後始殺得盡然雖如是釋迦老子也殺不盡迦葉也殺不盡西天二十八祖也殺不盡唐土六祖也殺不盡要明不盡底須是放却從前已後見解明暗玄妙理性殊勝奇特淨潔剷除不留毫末也不到極盡處只如正淨處合作麼生還委悉麼深山大澤無人到聚頭正好共商量復云釋迦老子云以大圓覺爲我伽藍身心安居平等性智師云釋迦老人慈悲大殺怕你諸人不知與你一箇護身符子雖然如是點檢

將來猶帶影在若是山僧則不然卽雲居山見成伽藍九旬安居拍拍是令

如上座請小叅僧問城東老母與佛同生爲什麼不見佛師云他具大丈夫意氣進云以手掩面十指悉皆見佛爲什麼回避不得師云只爲渠儂得自由進云雪竇道他雖是女人却有丈夫之行是肯伊不肯伊師云重言不當吃師乃云情與無情一體觸目皆眞佛與衆生不別當體全現隨處作主遇緣卽宗有時放行則溝渠瓦礫悉生光彩有時把定則眞金七寶咸皆失色所以道諸人欲識命麼流泉是命湛寂

支那

圓悟佛果禪師語錄卷十二

二

是身千波競起是文殊境界一亘晴空是普賢林樹其次借一句子是指月於中事是話月從上來事如節度使信旗相似如諸古德未建立許多作略到這裏作麼生商量不假三寸試請說看不假眼試觀矚看不假耳試采聽看所以道盡十方世界都盧是箇眞實人體更向什麼處著眼耳鼻舌身意所以山僧從來向諸人道塞却你眼教你覷不見塞却你耳教你聽不聞塞却你鼻教你嗅不得塞却你口教你說不得拈却你身教你不知痛痒坐却你意根教你分別不得正當恁麼時却是好箇消息且不是情塵意

想分別計較得失是非境界也須是罷却機境不立知見不作道理除却解會不見有佛祖然後可以坐斷報化佛頭天下人羅籠不住是故玄沙道沙門眼目直須把定世界不漏絲毫只如把時諸人向這裏下喝得麼打一坐具得麼拂袖出去得麼從東過西從西過東得麼六六三三六九八十一得麼都盧是自家屋裏事得麼喚作本分事得麼指露柱話燈籠得麼唯心唯性得麼若恁麼渾是紛紛紜紜俱非正見若有箇正知正見底便知有本分事既知有本分事終不作計校窠窟道理作麼生道還委恁麼振

文部  
撰述

圓悟佛果禪師語錄卷三

三

奮吒沙無向背翻身師子大家看

小叅當陽一著千聖莫覩面門一機作家罔措恁麼恁麼不恁麼不恁麼拈向一邊行棒行喝擊石火閃電光放過一著正當恁麼時水泄不通乾坤坐斷有眼不可見有耳不可聞有口不可辨有心不可思任是通身是眼盡乾坤大地草木叢林纖洪長短一一交羅作無量無邊神通妙用到這裏不消一割且道具什麼道理便恁麼奇特便恁麼直截能恁麼坐斷淨裸裸赤灑灑全身獨露便擔荷得行透得出三世諸佛六代祖師乃至天下老和尚只得飲氣吞聲目

瞪口呿雖然如是即今諸人在這裏作箇什麼山僧更據箇什麼說話即得是則是太煞不近人情不免放一線道還委恁麼四海如今清似鏡彎虹直氣透青霄

山僧二十七年開箇鋪席與一切人解黏去縛抽釘拔楔令一箇箇無窠臼無計校不作合頭語不作相似語不依倚一物與他二十八祖馬師百丈黃檗臨濟天下大宗師所爲所行全體顯露非止今日尋常不曾於寶華王座上說世諦語亦不說禪機不論生滅豈可胡說亂說作地獄業唯只憑此一著真實處

文部  
撰述

圓悟佛果禪師語錄卷三

四

於一切人面前直截吐露承當得底真實悟入得大受用更無凝滯山僧而今已得退居不欲更升座小叅此蓋承太夫人使君朝議通判大夫諸官員晨夕每以此道見照再三虔請爲衆小叅隨分應命然此一事也不難也不易若道難永嘉到六祖處一句下便能承當初至曹溪遠禪牀三市振錫而立祖曰夫沙門者具三千威儀八萬細行大德何方而來生大我慢永嘉云生死事大無常迅速六祖開箇方便門便道何不體取無生了取無速諸人且道無生作麼生體速又作麼生了一宿覺當頭便領云體即無生

了本無速如水入水水乳相同箭鋒相拄自然恰好六祖見他透得過便道子甚得無生意也只此一句也有權也有實也有照也有用是他永嘉不向死句下坐殺也不下合頭語只徐徐地道和尚無生意豈有意耶奇哉奇哉而今人纔見師道子甚得無生意便謂和尚肯我印證我此恩難報第三辦香不爲別人只是向語句裏死死殺不達本源討甚麼盤及至永嘉告辭祖云返太速乎云本自非動豈有速耶祖云誰知非動云仁者自生分別當時幸有大丈夫意氣可惜放過便與掀倒禪牀不爲分外又却隨例留一宿

文都  
撰述

圓悟佛果禪師語錄卷十一

五

又石頭在六祖會裏作沙彌時一日問祖云和尚遷化後某甲如何祖云尋思去及至六祖遷化後他只一味坐禪只管尋思箇無生底道理鬼窟裏作活計其時有同叅遂問你作什麼云和尚教我尋思去所以坐禪同叅云錯了也有青原師兄名思指汝去見他石頭方省遂往青原原問甚處來云曹溪來思拈起拂子問云曹溪還有這箇麼而今兄弟被人恁麼問便下喝下語野狐精見解張眉弩眼強作主宰總沒交涉石頭便答道非但曹溪西天亦無思云子莫到西天麼曰若到卽有也不妨綿綿密密地語不

失宗步步踏著思云未枉更道石頭云和尚也須道取一半莫全靠某甲思云不辭向汝道恐已後無人承當一日又問青原和尚在曹溪時還識六祖麼思云你只今還識老僧麼云識又爭能識得衆肉雖多一麟足矣自然氣類相同羽毛相似如膠如漆而今人一句東一句西有時說心說性求人印證有什麼交涉又藥山在石頭會下坐次石頭來見便問汝在此作什麼云一物不爲頭云恁麼則閑坐而今人不會便道喚什麼作閑坐又道不因和尚問某甲不知心下黑漫漫地只管胡道他自有旨趣乃云若閑坐

文都  
撰述

圓悟佛果禪師語錄卷十一

六

則爲也頭云汝道不爲不爲箇什麼曰千聖亦不識由是石頭作一讚云從來共住不知名任運相將只麼行自古上賢猶不識造次凡流豈可明且道畢竟不爲底是箇什麼何故却不識千聖既不識如何共住所以這些子事不容你思量計校近傍不得鬼神莫窺脫却千重萬重惡知惡解心眼自見若見刺不除得失是非關念則永無交涉此是山僧不得已爲諸人說禪病又喚作入理深談只如玄沙令僧馳書上雪峯峯上堂開緘見三幅白紙乃呈似大衆云會麼不見道君子千里同風便下座其僧回舉似玄沙



沙云山頭老漢蹉過也不知敢問大眾如何是雪峯蹉過處莫是玄沙見解過於師麼且喜沒交涉都向情塵裏會又爭會得所以真如詰和尚有頌云玄沙封白紙雪老却同風蹉過人難會古曲調不同到這裏凡聖情盡生死關透得失是非了然不生全體如如如亦不要然後騎佛殿出三門將新羅國與占波國鬪額搥灰抹土展鉢喫飯著衣禦寒自在優遊初無二緣亦無二相不是心不是佛全心卽佛全佛卽人人佛不二只這不二亦不消得所以千聖出來無你提掇處無你湊泊處如猛火聚近之則燎却面

又部  
撰述

圓悟佛果禪師語錄卷十二

七

門如按太阿擬之則喪身失命到得恁麼田地方始會得自家活計所以古人道尋牛須訪跡學道貴無心跡在牛還在無心道易尋又云佛說一切法爲度一切心我無一切心何用一切法有一件共諸人商量大家有一箇心所作所爲因甚却道無心既若無心開口動舌說話底衆心領底却是什麼到這裏若不見徹只成一場相謾所以二祖見達磨斷臂立雪磨云將心與汝安二祖云覓心了不可得而今兄弟若被問將心與汝安便孟八郎或打箇圓相或進前三步退後三步作女人拜拍一下喝一聲或撐眉努

目或說心說性只是情塵業識所謂學道之人不識真只爲從前認識神無量劫來生死本癡人喚作本來人只如二祖豈不會作許多道理因甚麼只答道覓心了不可得須知達磨當頭一拶二祖當下如暗得燈如貧得寶見徹根源此中不喚作心不喚作佛亦不是物直似紅鑪上著一點雪相似山僧頃日間五祖和尚二祖云覓心了不可得畢竟如何他道汝須自參始得這些好處別人爲汝著力不得參來參去忽因舉頻呼小玉元無事只要檀郎認得聲忽然桶底脫庭前柏樹子也透麻三斤也是玄沙蹉過也

又部  
撰述

圓悟佛果禪師語錄卷十二

八

是睦州擔板也是不落因果也是不昧因果也是三乘十二分教二六時中眼裏耳裏乃至鍾鳴鼓響驢鳴犬吠無非這箇消息方省懷禪師頌云蜀鳧連宵叫鷄鳴長夜啼圓通門大啓何事隔雲泥大丈夫漢一等是踏破草鞋放下情塵計校得失是非識得根本一物不留絲毫不著百骸俱潰散一物鎮長靈和一靈也不要然後依時及節著衣喫飯而今兄弟見恁麼說便道只是虛空裏打筋斗兄弟只這虛空也難得豈不見祖師傳法偈云心同虛空界示等虛空法證得虛空時無是無非法又楞嚴云十方虛空生

汝心內猶若雲點太清裏諸兄弟既是訪尋知識把生死爲念歇却心猿意馬荷擔大機大用於佛祖不爲處安穩坐地有時向高高峯頂立有時向深深海底行任運猶如癡兀人他家自有通人愛山僧十年在衆無一時異緣只是叅禪叅到第十年方打得徹旋旋知非然後穩當若有一念憎愛得失是非即是垢衣須是識得玄旨始得所以道不識玄旨徒勞念靜得失是非一時放却但莫憎愛洞然明白楊岐所謂栗棘蓬有刺而難吞金剛圈者至小而難跳勿語中有語爲人解黏去縛不是人情底事兄弟叅禪卽

文部  
撰述

圓悟佛果禪師語錄卷十一

九

不得邪解也須子細始得只如趙州勘一菴主入門便問有麼有麼庵主豎起拳州云水淺不是泊船處又訪一庵主云有麼有麼主亦豎起拳州云能縱能奪能殺能活且那裏是水淺不是泊船處那裏是能縱能奪能殺能活處有者道趙州先知前庵主不會所以道不是泊船處先知後庵主會所以道能殺能活有底道舌頭在趙州口裏任渠與奪如斯見解總是邪徒情識卜度不得真正宗眼便是吞跳金剛圈栗棘蓬不得也五祖和尚常云諸方叅得底禪如瑠璃瓶子相似愛護不捨第一莫教老僧見將鐵鎚一

擊你底碎定也山僧初見他如此說便盡心叅他他常問有句無句如藤倚樹作麼生會山僧便喝或下語總不契他云須是情識盡淨計校都忘處會山僧明日便於無計校處胡道亂道轉沒交涉後來徹悟實見實用如明鏡當臺明珠在掌得大自在釋迦老子道若有一法過於涅槃我卽說爲如幻如化此一著子亘古亘今凝然不變火不能燒水不能溺刀斧不能斫喚作根本一切有漏無漏佛界魔界淨土穢土無不真實若悟得可以丹霄獨步不受別人處分若未到恁麼田地管取被人羅籠山僧如今已退了

文部  
撰述

圓悟佛果禪師語錄卷十一

十

院彼此緣法自有時所以今日因朝議太夫人請小叅盡情說與諸人各自叅究佛法本無彼此諸家總是六祖下兒孫終不說我是臨濟下人須得我家宗派盛傳寧可粉骨碎身終不作這見解復舉僧問保壽萬境來侵時如何壽云莫管他僧禮拜壽云不得動著動著打折汝腰師云大衆保壽和尚用金剛王寶劍一切逆順得失長短是非無邊境界不消一瞥這僧見機而作當時禮拜爲什麼却道不動著子細檢點大似龍頭蛇尾山僧卽不然或有人問萬境來侵時如何亦對他道莫管他這僧或若便禮拜只向



伶俐衲僧一撥便轉

師云父母未生已前淨裸裸赤灑灑不立一絲毫及乎投胎既生之後亦淨裸裸赤灑灑不立一絲毫然生於世墮於四大五蘊中多是情生翳障以身爲礙迷却自心若是明眼人明了四大空寂五蘊本虛知四大五蘊中有箇輝騰今古迥絕知見底一段事若能返照無第二人根脚下淨裸裸赤灑灑六根門頭亦淨裸裸赤灑灑乃至山河大地窮虛空界盡無邊香水海亦淨裸裸赤灑灑恁麼說話莫是撥有歸無麼且喜沒交涉若撥有歸無杳杳冥冥墮在豁達空

撰述

圓悟佛果禪師語錄卷十一

十一

撥無因果處則永劫出他地獄三塗因果不得若真實徹證到眞淨明妙實際理地則四聖六凡三世諸佛天下祖師有情無情悉於是中流出顯現所以乎上座問鼓山晏國師道父母未生前鼻孔在什麼處山云卽今生也在什麼處乎上座不肯云你問我來山如前問乎但搖扇大凡叅請叅須實叅見須實見用須實用父母未生前鼻孔在什麼處乎上座只搖扇子莫是弄精覓麼須知有奇特事始得只如文殊初生見十吉祥異相須菩提生室現空相善財初生涌出萬寶藏皆在此一大寶光中淨裸裸赤灑灑流

出若只在杳杳冥冥墮在空空寂寂處豈有如是奇特所以古人於生處見大奇特如世尊分手指于天地自云天上天下唯吾獨尊若逢雲門大師尚不以爲奇特直行衲僧正令後來老宿云雲門知恩方解報恩既知了便以衲僧本分事向逆順境界中行且道還當得麼若是平展商量則有向上事若據衲僧本分事上不直半分何故他家自有通霄路師云現成公案不隔一絲毫普天匝地是一箇大解脫門與日月同明與虛空等量若祖若佛無別元由乃古乃今同一正見若是利根上智不用如之若何

撰述

圓悟佛果禪師語錄卷十一

十二

直下壁立萬仞向自己根脚下承當可以籠罩古今坐斷報化佛頭更無纖毫滲漏威音王已前無師自悟是大解脫人威音已後因師打發不免立師立資有迷有悟雖然如是要且只是方便垂手接人所以達磨西來不立文字直指人心見性成佛後來六祖大鑑禪師尚自道只這不立兩字早是立了也何況語言機境種種知解須是一筆勾斷始得此一件事直饒三世諸佛出興以無量知見方便接引亦只有限歷代祖師天下老和尚設百千問答提持亦只有限不如向自己脚跟下究取威音王已前空劫那畔

自己家珍隨處受用也須是大丈夫漢意氣方有如是作略亦不依他言語指示不受他欺謾從朝至夜入息不居陰界出息不涉萬緣極是省要只爲各各當人自違背此事向六根門頭認光認影不得快活却云爭奈某甲疑何且道疑從什麼處來又道某甲爲什麼道不得只你這道不得底是什麼爲你不能回光直下承當祖師道自己分上有如是靈光有如是自在一切衆生流浪情塵不能解脫假使將此一大事因緣種種垂示猶是有機有境落在情塵裏會麼直是一念不生方有少分相應所以先師道直須

是命根斷始得且道如何是命根斷須是打疊從前知見種種解會一似大死底人活得起來自然無諍所以道我得無諍三昧人中取爲第一不見南泉和尚道黃梅七百高僧盡是會佛法底只有盧行者一人不會佛法所以得他承孟須是恁麼人始契恁麼事又云如聖果大可畏處蓋爲無如許聖量等事若是沒量大人終不肯亂承當終不道我能我解我是禪師若如此則墮在解脫深坑不見雲門大師道平地上死人無數過得荆棘林者是好手而今平地上死人無數雲門一句道著山僧這裏則不然直饒透

得荆棘林亦未是好手更須知有銀山鐵壁直須透得銀山鐵壁然後是千了百當底人方知有向上事可以分付鉢袋子更不與他情塵作對浩浩作佛法見解作禪道商量直須心境一如湛湛寂寂地無爲無事又不墮在無爲無事處到此須是向上人始得所以龍牙和尚道無端遣向墨池邊惹得身心黑似煙却向上流清處洗身心用盡亦如然德山和尚道但有文字語言皆是依草附木竹木精靈須是獨脫一路猶較些子只如今衲僧家也須著精神參取始得千里萬里行脚一等是踏破草鞋也須是踏得破

始得方且不孤負平生彼此來兩箇浮提打一遭也不虛過亦不折本然後向四威儀中隨時受用亦自安樂忽然一旦霜露果熟被人推向曲杓木牀上作人天師與人解粘去縛不妨奇特若未諦當切不可爲人禍事也不見德山道一似姪婦相似一向立問立答立賓立主有甚麼交涉大凡參學人當須灑灑落落直下徹去豈不慶快師云現成公案更不消如之若何直下一切截斷猶較些子佛法本無許多若以無心無念無事無爲無計較無分別至竟著衣至竟喫飯何曾動著一絲毫

便能坐斷報化佛頭不起一絲毫佛法見解所以古人纔見僧來便云見成公案放你三十棒布漫天網打衝浪巨鱗持萬里鈎御千里烏騅馬也是事不獲已所以石室和尚纔見人來舉起拄杖云過去諸佛也恁麼見在諸佛也恁麼未來諸佛也恁麼只與你略露些子鋒銚若是箇人纔見恁麼道撩起便行猶較些子若是纔入思量已被漫天網罩却也如是三十年只有長沙和尚知渠落處便云和尚放下拄杖子別通箇消息來方契他意而今參學兄弟直須是箭鋒相拄針芥相投內外絕消息始得若只尋見尋

支那

圓悟佛果禪師語錄卷上

十五

聞求知求解只成箇生死根本何不體取無生了本無速若能箇箇如是見生死路一時截斷全不動一絲毫頭所以道居千人萬人中如無一人相似只是歇得身心百無知解如無用處一般若是隨言逐句作道理滿肚皮是禪何時得脫去故南泉禪師道山僧出世只爲諸人拈却佛病祖病老僧尋常向兄弟道父母未生前還有形貌也無他教中道四大五蘊成身只因父母交感一念深心而成此身我且問你哆哆和和時何不共人相爭及至纔長大便有爭人爭我四大一旦離散依前還復本來形貌故云菩提

本無樹明鏡亦非臺本來無一物何處惹塵埃各宜勉力以悟爲期莫虛度光陰時不待人

師云此箇大事已是八字打開了直饒回頭返照早是鈍置也直是徹底信得於未發言已前一時覷透既發言之後且道作麼生承當初機之士且於脚跟下明取而今坐立儼然各各見聞不昧人人向脚跟下如印印空如印印水如印印泥初不分得失彼我是非淨裸裸赤灑灑輝騰今古迴絕知見返照回光豈有許多事然未返照時却無許多事只如尋常百不思百不管絕念忘緣時一時現成聊聞返照便作

支那

圓悟佛果禪師語錄卷上

十六

箇見聞覺知解會各各在見聞覺知處起模畫樣方恁麼時落在生死陰界中無由得出離欲明此事直須蘊藉深方可不落是非得失聞見知覺纖毫淨盡始得快活拘牽惹絆他不住所以道如人學射久久方中豈不見裴相國出鎮宛陵因遊寺見高僧像遂問僧職云高僧儀相可觀未審高僧在什麼處于時僧職莫知所指裴公云此間有禪僧麼僧職云近有一僧捨身掃地身披百衲恐是禪僧及乎請得來乃是黃檗斷際運禪師也裴公乃舉前話問之檗乃召相公公應諾檗云在什麼處裴公於此大悟諸人且



道問處是答處是且道又是箇什麼禪僧家直須有省發始得莫只認聲認色所以老僧尋常道千人萬人但識取一人千句萬句但識取一句千機萬機但明取一機畢竟且道是什麼將知洪爐大冶千煅百煉正要得人須知向一言下一明一切明一了一切了聊聞舉著透頂透底淨盡無餘且如斷際一呼之下因什麼高僧却作裴公裴公却成高僧若論此事直須是後流始得淨盡所以道舉不顧即差互擬思量何劫悟本分衲僧不要思量分別直須求箇悟處言悟者如失一件物多年廢置而一旦得之又如傷

法苑珠林

圓悟佛果禪師語錄卷十一

十七

寒病忽然得汗直是慶快也將知悟心見性非思量分別所以證入金剛正體自然亘古亘今廓周沙界水不能溺火不能燒世界壞時此箇常住爲山河大地之本六凡四聖之家而蘊在各行各當人方寸之下若能方寸穎悟獨露真常於萬別千差說處終不起異見於千差萬別境上終不作別解須是打併淨盡方可全體見成如水潦問馬祖本來佛法祖與一踏倒地忽然大悟起來呵呵大笑云百千三昧無量妙義只向一毫頭一時識得根源去又呵呵大笑後來出世每陞堂自云自從一喫馬師踏直至如今笑未

休復呵呵大笑且道作麼生是根源將知此箇根源若識得了說到深深密密千聖所不到處亦得若只一棒一喝盡乾坤大地一時收來如金剛王寶劍踞地師子亦得行脚人要參禪有如是眼腦方可入作直須審細言多去道轉遠

圓悟佛果禪師語錄卷第十二

校論

第二紙十八行南藏作嘔第九紙一行若下南

音釋

矚朱欲切窺缺規切鷄鵒鷄知滑切黃雀也濱胡視也窺小視也鷄鵒鷄鵒交切黃鳥也

法苑珠林

圓悟佛果禪師語錄卷十一

八

切散

金壇居士于玉立施贊刻此  
圓悟佛果禪師語錄第十二卷  
對吳江沙彌本宏書  
萬曆庚寅冬清涼山妙德庵  
莫應芝刻

圓悟佛果禪師語錄卷第十三

宋平江府虎丘山門人紹隆等編

小叅六

高郵乾明受勅住金山龍遊寺當晚小叅僧問明歷露堂堂因什麼乾坤收不得師云金剛手裏八稜棒進云忽若一喚便回還當得活也無師云鶯子目連無奈何進云不落照不落用如何商量師云放下雲頭進云忽遇其中人時如何用師云騎佛殿出三門進云萬象不來渠獨語教誰把手上高峯師云錯下名言師乃云祖師心印狀似鐵牛之機諸佛密語

文部  
撰述

圓悟佛果禪師語錄卷十三

一

正如擊塗毒鼓未擬議前先蹉過纔思量處隔千山要須眼似流星心如鐵石所以從上來提持向上綱宗只有三句有時咬去有時咬住有時一向不去有時一向不住明眼漢沒窠臼若論戰也箇箇力在轉處却物爲上逐物爲下要須把斷凡聖路頭不立毫末然後舉一毫毛盡無邊香水海七達八通說一句子窮龍宮盈海藏此猶是極則之談未是衲僧巴鼻若論衲僧受用直饒棒如雨點喝似雷奔列千聖下風立毗盧頂上擊石火閃電光俊鷄俊鷹也趕他不及要須正一切知見發明大解脫無不歷落無不透

脫則在天同天在地同地物同物我同我證一切智明一切道無處不通容無機不圓證正當恁麼時諸人各各返照自己分上曾移易一絲毫許麼所謂十世圓融十分成就且道不落機緣一句作麼生道覲面要須宗正眼臨機截斷聖凡蹤

入寺小叅金剛王寶劍截斷玄機正眼摩醯光吞諸祖目機銖兩舉一明三左轉右旋七穿八穴也須是箇風吹不入水洒不著針劄不入快活自由底漢始得若也浮逼逼地尚留觀聽猶涉形聲說妙說玄舉今舉古進前退後敲牀豎拂行棒行喝則沒交涉直

支那  
撰述

圓悟佛果禪師語錄卷十三

二

得淨裸裸赤洒洒還有相見底麼若有須是同道人方知同道事若非同道者畢竟沒來由正當恁麼時還相委悉麼十方聚會無餘事共向曹溪路上行復頌云正眼橫頂門神符懸肘後幸是師子兒各作師子吼

小叅僧問應真不借時如何師云渠儂得自由進云點則不到到卽不點師云同彼同此進云此猶未是學人安身立命處在師云獨有闍黎高一著進云也知和尚要用此機師云也被闍黎識破進云老老大轉見放憨師云道什麼進云也不可放過師云却



是你放憨師乃云好日多同十方盡應好本多同千差共轍直得龍吟霧起虎嘯風生八面更玲瓏一方獨峭絕此猶是人人分上知有底其餘不知有底如恒河沙數且作麼生湊泊作麼生叅詳有進步得底不用伎倆試拈出看有證據得底不用思量試剖判看若剖判得正如靈山會上龍女獻珠便得成佛女云我獻寶珠世尊納受是事疾否智積云是事甚疾龍女云以汝神力觀我成佛復速於此然雖如是猶有途轍若是本分行本分證直須更放過三千里正當恁麼時畢竟如何是著實處十方薄伽梵一路涅槃

大聖

圓悟佛果禪師語錄卷十三

三

繫門

李從議請小叅僧問不問有言不問無言時如何師云其聲如雷進云爲什麼如此師云只爲聾人不聽聞進云爭奈五音六律甚分明師云聞黎聞箇什麼進云某甲從來無耳朶師云更須識取口頭底師乃云一句絕諍訛千里萬里無消息一塵含法界千重百匝太周遮若是明眼人終不向目前覓何故若向目前覓此人未具眼更於句中求落在第八機既不向句中求又不向目前覓且道如何湊泊只如隔山隔嶽隔浮幢王隔香水海那邊還有恁麼事也無若

道有隔許多作麼生知道有若道無佛法卽有邊際若道不有不無正是半前落後直饒離却有無未免金山手中棒忽有衲僧出來道不恁麼如龍得水似虎靠山通身是眼也看他不見通身是舌也說他不及且道畢竟落在什麼處若不藍田射石虎幾乎誤殺李將軍

師云欲得親切第一莫將來將來不相似向你道壁立萬仞依前却來撞牆撞壁有什麼近傍處雖然如是已是落草了也不免將錯就錯於第二頭說葛藤去也還知麼直下如當門按一口劍相似凜凜威風

大聖

圓悟佛果禪師語錄卷十三

四

纔跨門來誰敢近傍若近著則喪身失命若望涯而退不是大丈夫漢須是不顧死生從他手中奪去始得所以道不入虎穴不得虎子須是當前不顧性命若奪劍在自已手中任是佛來也不放過直饒恁麼已是第二頭也不見資福道你隔江見資福利竿便回去脚跟下好與三十棒睦州纔見僧來便云見成公案隨後云放你三十棒似此等有什麼近傍處然子細推窮來不妨勦絕免他說玄說妙說理說事說向上向下穢汙心田須知人人分上有一段事輝騰今古迥絕見知淨裸裸赤灑灑先沒許多般只爲你

諸人從無始時來妄想濃厚肯却自已只從他覓若能回光返照無第二人終不隨他起滅若一處得脫則千處百處一時透脫莫只向人舌頭聽他處分聊聞舉著剔起便行已是三千里外沒交涉若得箇中受用便乃毛羽相似作他屋裏人雖有恁麼人也須向山僧手裏飲氣吞聲始得直須按下雲頭將自己平生所知所解撥在善知識面前若是則與你證據不是則與你剗除豈不見藥山叅石頭時置箇問端云三乘十二分教某粗知誠聞南方直指人心見性成佛某甲實未明了乞師指示石頭云恁麼也不得

支那  
撰述

圓悟佛果禪師語錄卷三

五

不恁麼也不得恁麼不恁麼總不得山不契直至江西馬大師處又如前問馬師云有時教伊揚眉瞬目有時教伊不揚眉瞬目有時教伊揚眉瞬目是有時教伊揚眉瞬目不是藥山於是有省馬云你見什麼道理山云我枉石頭時如蚊子上鐵牛相似今時衆中兄弟便道石頭一向壁立萬仞所以他不曾馬祖放開一線他乃悟去殊不知石頭恁麼道已是漏逗了也馬祖道處這一著尤更毒害因甚麼藥山得悟去且道因什麼如此到此須是生鐵鑄就底漢始得所以云此事不枉語言上不枉文字上看他置箇問

頭問石頭了及至馬祖處亦如是問此人是箇鐵石身心如今若有如是心底人何憂不徹你若只覓言覓句覓玄覓妙何時得了千人萬人各說不同你用那箇句則是若見道了更用言句作麼若不用言句你作麼生見到這裏叅須實叅悟須實悟令教透頂透底亘古亘今打開自己庫藏運出自己家財拯濟莫只向外邊尋覓你若撥得一路透去便與你同叅你若只守箇昭昭靈靈下咄下喝揚眉瞬目不知這箇更是大病所以云此事隱在四大六根裏六根四大只是箇閑家具故云生如著衫死如脫袴六根四

支那  
撰述

圓悟佛果禪師語錄卷三

六

大只是箇衫袴且道著底是什麼人且道是誰著乃喝云莫便是這箇麼復云錯了也所以古人云身心一如身外無餘盡乾坤大地只是箇本來心盡山河大地只是箇一末撒子也不要既不要且道向什麼處安身立命到此須是有生機一路始得若不如是你若道佛則著佛你若道祖則著祖直須紅鑪一點雪相似始得且去巾單下放教如寒灰死火世法佛法都不用思量莫怕他落空莫怕如土木瓦石你若怕落空只如憂落空底心是什麼何曾落空來若是果歇得到真實休歇之處佛祖也不立千聖萬聖法

門一時透了豈不徑截也

師云卽恁麼便承當擔荷得去可以籠罩古今乾坤大地透頂透底淨裸裸赤灑灑要且不是你見聞覺知色聲香味觸盡乾坤大地只是箇真實人體說什麼見聞覺知纔跨門來已是兩手分付更無纖毫遺漏須知向上一路不立文字語言既不立文字語言如何明得所以道路逢達道人將語默對又云相逢不拈出舉意便知有也須是徹骨徹髓信得極見得徹然後盡十方世界只在絲毫頭上明得其或滯於知見便有佛有祖所以却入建化門中葛藤露

文部  
撰述

圓悟佛果禪師語錄卷三

七

布祖師西來不立文字直指人心見性成佛只論直指人心要須是其中人始得若立語句以至百千萬億方便其意只是與人解黏去縛令教淨裸裸地輝騰今古實無許多般計校豈不見五洩叅石頭問云一言相契卽住不契卽去石頭不顧五洩乃拂袖便行出至三門石頭乃喚云闍黎洩回首頭云從生至老只是這箇更回頭轉腦作什麼洩從此有省若是山僧當時不須喚他從他擔板蹉却一生只爲慈悲落草以至如此只如諸人坐立儼然從生至老只是這箇更疑什麼所以云叅禪須是鐵漢著手心頭便

判直趣無上菩提一切是非莫管須是一念不生前

後際斷纔敲磕便見更待他人喚作什麼直是打成一片如水入水如金博金古人既恁麼只如向長老口上聽取且道有實法無實法若有實法則成繫綴人若無從上來立許多方便門作麼只教諸人見性若真見自性豈干他見聞覺知思量擬議如東寺會禪師道化荆湖有崔郡相國出鎮湖南師因目疾次崔乃問曰如何是宗乘中事師云見性成佛崔云爭奈患眼何師云見性非眼赤眼何咎且道見性既非眼且將什麼見聞性亦非耳且道將什麼聞乃至鼻

文部  
撰述

圓悟佛果禪師語錄卷三

八

嗅香舌了味身覺觸意攀緣一一皆然若向這裏明得至於一切處悉皆明得所以雪峯和尚道盡大地是箇解脫門把手拽不肯入又云盡大地撮來如粟米粒大拋向面前漆桶不會打鼓普請看更有甚玄妙見聞覺知若爾方能心境一如也無能也無所唯一自心更無他物若是得底人終不言我知我會遇飯喫飯遇茶喫茶終日只守閑閑地蓋他箇中無許多波吒計校所以道心若無事萬法一如無得無失終日只履踐此一片田地凡有來問只將此事一時截斷所以道見須實見悟須實悟古人云百尺竿頭



作伎倆未嶮向衲衣下不明大事失却人身始是嶮  
既如是豈可不明心達本一切萬緣一齊放下棄却  
知見解會令教如木石瓦礫相似及到大安穩休歇  
之地然後一波纔動萬波隨而初無動靜等相蓋他  
得底人終日以無所得心修無所得行行雖與人同  
而常與人異只爲此一片田地打撲得盡淨一切會  
同脫體無礙豈是小了底事直須用作事始得  
師云人人具足各各圓成但向已求莫從他覓何故  
從他覓是他家底捨已從人去道遠矣須知自己分  
上有一段事輝騰今古如十日並照但以從無始劫

撰述

圓悟佛果禪師語錄卷三

九

來妄想濃厚翳障自心才回顧著則黑漫漫地却到  
世間知見種種聲色纔現在前一切明得此等豈不  
是背覺合塵從他求覓不能返照耶且如從上來乃  
佛乃祖以無量百千言句方便且道明箇什麼邊事  
只被你起見起念起思量作聰明作計校惑却本來  
自己了却立能立所立境立智立是立非擾擾紛紛  
不能得脫所以祖佛出世只要教你歇却知見打併  
教絲毫盡淨且道作麼生歇直下如懸崖撒手放身  
捨命捨却見聞覺知捨却菩提涅槃真如解脫若淨  
若穢一時捨却令教淨裸裸赤灑灑自然一聞千悟

從此直下承當却來返觀佛祖用處與自己無二無  
別乃至闡市之中四民浩浩經商貿易以至於風鳴  
鳥噪皆與自己無別然後佛與衆生爲一煩惱與菩  
提爲一心與境爲一明與暗爲一是與非爲一乃至  
千差萬別悉皆爲一方可攬長河爲酥酪變大地作  
黃金都盧混成一片而一亦不立然後行是行坐是  
坐著衣是著衣喫飯是喫飯如明鏡當臺胡來胡現  
漢來漢現初不作計校而隨處見成所以萬機頓赴  
而不撓其神千難殊對而不干其慮此豈世間麤淺  
知見所能測度此乃至妙因緣學道之士或十年或

撰述

圓悟佛果禪師語錄卷三

十一

二十年專心一意尚透不能得或有纔聞便解或有  
無師自悟既自不能便悟亦障他人不得就中士大  
夫尤難以其從事世務勤勞家國所以悟入稍難然  
得底人於已分上本無殊別若是未能了底人須要  
根性穎利向自己脚跟下覷著一聞便了如李附馬  
留意祖道與楊文公爲友日夕切磋後見石門慈照  
禪師因爲舉唐房孺相公問徑山國一禪師云祖師  
大道畢竟意旨如何徑山云此大丈夫事非將相之  
所能爲李聞之大悟遂作頌云學道須是鐵漢著手  
心頭便判直趣無上菩提一切是非莫管道得不妨

奇特且如出將入相安邦定業剪除暴亂豈非丈夫耶而徑山何故却道此大丈夫事非將相之所能爲須知問上一路毫髮不容所以洞山道見佛見祖如生冤家始有叅學分只如佛祖爲一切人師作一切人依止爲甚却道如生冤家你且道如何是大丈夫事直須是不取人處分不受人羅籠不聽人繫綴脫略窠臼獨一無侶巍巍堂堂獨步三界通明透脫無欲無依得大自在都無絲毫佛法情解如愚如癡如木如石不分南北不辨寒溫昏昏默默似箇百不能百不解底相似然而肚裏直是峭措動著則眼目卓

支那撰述

圓悟佛果禪師語錄卷三

十一

朔無有不明底事乃至千差萬別古人言句一時透徹如或不是到此田地底人須得向骨董袋裏平高就下爲他去也如昔日于迪相公出鎮襄陽酷刑慘毒忤者皆殺之因讀觀音經有疑處一日訪紫玉山道通禪師乃問曰如何是黑風吹其船舫飄墮羅刹鬼國玉乃抗聲云于迪客作漢問恁麼事作麼于聞之大怒玉乃云只這便是黑風吹其船舫飄墮羅刹鬼國于迪有省你且道他恁麼問紫玉何故恁麼答他此乃發他根本無明現前隨手爲伊指出不妨好手然不若當時不消著後語從他斫作兩段却有些

衲僧氣息及乎爲他點破也是順手摩挲大凡接人有三種機若是第一機爲人只消向他道于迪客作漢你問與麼事作麼更無方便只是沒義理難話會若於此直下承當去更不擬議則與柏樹子麻三斤一口吸盡西江水更無差別所以道舉不顧卽差互擬思量何劫悟只要教你當頭領解去若是第二機爲人卽易也只是發起問端知道于迪客作漢你問與麼事作麼此乃發他根本無明令他無明現前隨手點破若是第三機爲人不免入泥入水重下箇注脚如云于迪客作漢便是放却黑風吹其船舫于迪

支那撰述

圓悟佛果禪師語錄卷三

十二

或作怒便是羅刹現前玉云正是黑風吹其船舫豈不是觀音出現此是落草注解瞎人眼目破滅胡種若是真正衲僧直須撥却豈不見道他叅活句不叅死句活句上薦得與祖佛爲師如李萬卷問歸宗和尚須彌納芥子則不問如何是芥子納須彌宗云你身如椰子大萬卷書著在甚處歸宗老漢尋常一條白棒打佛打祖及乎李萬卷問著不免曲順人情放開一線然他用處也只教你當頭截去後來衆中無識者便道芥子是心須彌是萬卷納之於心何所不可佛法若只如此爭到今日也又如龐居士問馬大



師不與萬法爲侶者是什麼人馬大師云待汝一口吸盡西江水卽向汝道居士乃大悟作頌云十方同聚會箇箇學無爲此是選佛場心空及第歸此頌與一口吸盡西江水題目豈曾相副既不說口又不說水只道心空及第歸且道作麼生是心空只教你是非得失明暗色空森羅萬象一時融會歸于一理和理一時空却然後有些趣向山僧今夜不惜眉毛爲你一時吐却了也更爲諸人說箇小偈祖佛單傳向上機電光石火構不徹獨許諸根顛脫人金剛寶劍當頭截

文部  
撰述

圓悟佛果禪師語錄卷五

十三

師云道由悟達法離見聞直下便承當更無第二箇此猶是就今時曲爲垂手處若是本分事又且不然所以道你未跨船舷時好與三十棒如此則千里萬里一時坐斷何故須知當人分上各有水洒不著風吹不入清寥寥白滴滴祖佛不能到魔外不能入坐斷要津不通凡聖設使盡大地草木叢林盡化爲衲僧各各置百千問難不消一剎盡教吞聲飲氣目瞪口呿而今事不獲已且無見起見無言起言與諸人且通箇時節只如各各當人分上上來下去已是十分現成欠少箇什麼更來就人覓所以玄沙道飯糲

裏坐地展手問人覓飯喫只爲無始劫來拋家日久背馳此本分事向六塵境界裏妄想輪回不能回光返照甘處下流若能具上根利智返本還源知有此事輝騰今古迥絕知見坐斷十方無復輪轉始有語話分而今須是換箇骨頭了方見此一片田地若未知有此一片田地直饒解到佛祖邊事問一答十終無交涉須知諸佛出世唯證明此一片田地祖師西來亦提持此一片田地所以先師見白雲師翁一覷透了便作箇頌子道山前一片閑田地叉手叮嚀問祖翁幾度賣來還自買爲憐松竹引清風諸人還會

文部  
撰述

圓悟佛果禪師語錄卷五

十四

恁麼也未須是向此一片田地淨裸裸赤灑灑方可入作

普說

告香普說師示衆云只這箇便承當得去如天普蓋似地普擎更不欠一毫頭亦無第二見設使盡無邊香水海塵塵剎剎一時穿却鼻孔也更不落別處儻或思量擬議卽沒交涉所以道一念不生前後際斷卽名爲佛若也涉思量作計校分能所作知解則千里萬里祖師門下直教見須實見悟須實悟證須實證諸人各各有一靈妙性確實而論才被授著便脚

忙手亂作麼生見得親信得徹桶底子脫去只爲從無始劫來妄想濃厚只在諸塵境界中元不曾踏著本地風光明見本來面目若是眞實人直下承當了知生本不生知死本不死向不生不死處千聖著眼覷不見千手大悲提不起而今兄弟若能返照更無第二人更不待山僧兩回三度不惜眉毛入泥入水何況拋沙撒土說心說性未免落七落八當面相謾去也豈不見破竈墮和尚聞古廟作孽遂領十八弟子入山觀之全無神相唯見三間空屋一所泥竈遂以杖擊之云汝本泥土合成靈從何來聖從何起其

竈乃颶颶而墮破竈墮云破也破也墮也墮也不覺紙錢後有一神人出云某甲乃竈神蒙師爲說無生法已得生天禮謝而去其十八弟子乃白師云某等皆久叅侍和尚殊不蒙開示無生法今日竈神何幸和尚却爲伊說破竈墮云我只向伊道汝本磚瓦泥土合成靈從何來聖從何起其徒皆作禮破竈墮云破也破也墮也墮也其十八弟子悉皆省悟只如山僧卽今舉拂子且道與破竈墮是同是別遂云破也破也墮也墮也若也見得不唯不孤負破竈墮和尚亦乃不孤負從上祖師若也不見不唯孤負破竈墮

和尚亦乃孤負自己知有此事不從他得所以道靈從何來聖從何起只如諸人見今身是父母血氣成就若於中識得靈明妙性則若凡若聖竟你意極了不可得便乃內無見聞覺知外無山河大地尋常著衣喫飯更無奇特所以道我若向刀山刀山自摧折我若向地獄地獄自消滅方知有如是靈通有如是自在只如今禪僧家何不回光返照明教徹去若也未明得且向三根椽下七尺單前默默地究取不見雲門大師道你且東卜西卜忽然卜著也不定若也打開自己庫藏運出自己家財拯濟一切教無始妄

想一時空索索地豈不慶快老僧往日爲熱病所苦死却一日觀前路黑漫漫地都不知何往獲再甦醒遂驚駭生死事便乃發心行脚訪尋有道知識體究此事初到大瀉叅眞如和尚終日面壁默坐將古人公案翻覆看及一年許忽有箇省處然只是認得箇昭昭靈靈驢前馬後只向四大身中作箇動用若被人拶著一似無見處只爲解脫坑埋却禪道滿肚於佛法上看卽有於世法上看卽無後到白雲老師處被他云你總無見處自此全無咬嚼分遂煩悶辭去心中疑情終不能安樂又上白雲再叅先師便令作

侍者一日忽有官員問道次先師云官人你不見小  
艷詩道頻呼小玉元無事只要檀郎認得聲官人却  
未曉老僧聽得忽然打破漆桶向脚跟下親見得了  
元不由別人方信乾坤之內宇宙之間中有一寶秘  
枉形山已至諸佛出世祖師西來只教人明此一件  
事若也未知只管作知作解瞠眉努目元不知只是  
捏目生華擔枷過狀何曾得自在安樂如紅鑪上一  
點雪去若打破了或喝或掌一切皆得然終不作此  
解方可放下人我擔子千休萬歇方可生死奈何不  
得也須是實到此箇田地始得若實到此便能提唱

支那

圓悟佛果禪師語錄卷十三

十七

大因緣建立法幢與一切人抽釘拔楔解黏去縛如  
是揭千人萬人如金翅鳥入海直取龍吞如諸菩薩  
入生死海中撈撿衆生放在菩提岸上方可一舉一  
切舉一了一切了有時一喝如金剛王寶劍有時一  
喝如踞地師子有時一喝如探竿影草有時一喝不  
作一喝用方可殺活自由布置臨時謂之我爲法王  
於法自在諸人既是挑囊負鉢徧衆知識懷中自有  
無價之寶方向這裏叅學先師常云莫學瑠璃瓶子  
禪輕輕被人觸著便百雜碎叅時須叅皮可漏子禪  
任是向高峯頂上撲下亦無傷損劫火洞然我此不

壞若是作家本分漢遇著咬猪狗底手脚放下複子  
靠將去十年二十年管取打成一片且作麼生得獨  
脫去須是入流人方知怎麼事

校謄

第五紙九行闕北

音釋

郵于求切驚此由慙呼甘切勦子小切逗大透切拯  
之肯切洩私切撲達協切貿莫侯切酷枯沃切慘  
七咸切忤五故切攀桑何切椰余遮切甦孫祖切死  
酷壽也忤違逆也攀與攀同椰切甦而更生也

支那

圓悟佛果禪師語錄卷十三

十八

駭下楷切瞠抽美切

吳江居士周祝施實錄此  
圓悟佛果禪師語錄第十三卷  
對吳江沙彌本宏音進賢熊本達刻  
萬曆庚寅冬清涼山妙總施識



圓悟佛果禪師語錄卷第十四

宋平江府虎丘山門人紹隆等編

法語上

示張持滿朝奉

克勤自出峽止訥堂唯念茲在茲相從者多不告倦  
所謂利他乃自利也要須根本明徹理地精至純一  
無雜纔有是非紛然失心若踏正脉諸天捧華無路  
魔外潛覷不見深深海底行高高峯頂立始得不驚  
羣動衆謂之平常心本源天真自性也雖居千萬人  
中如無一人相似此豈麤浮識想利智聰慧所能測

又

圓悟佛果禪師語錄卷十四

一

哉示諭綿密無間寂照同時歲月悠久打成一片而  
根本愈牢密密作用誠無出此應當當處全真則彼  
我遐邇觸處皆渠刹刹塵塵皆在自己大圓鏡中愈  
綿愈密則愈能轉換也故雲門道直得乾坤大地無  
纖毫過患猶爲轉句不見一色始是半提直得如此  
更須知有全提時節始得所以德山棒臨濟喝皆徹  
證無生透頂透底融通自在到大用現前處方能出  
沒欲人全身擔荷外退守文殊普賢大人境界巖頭  
道他得底人只守閑閑地二六時中無欲無依自然  
超諸三昧德山亦云汝但無事於心於心無事則虛

而靈寂而照若毫端許言本末者皆爲自欺此既已  
明當須履踐但只退步愈退愈明愈不會愈有力量  
異念纔起擬心纔生卽猛自割斷令不相續則智照  
洞然步步踏實地豈有高低憎愛違順揀擇於其間  
哉無明習氣旋起旋消悠久間自無力能擾人也  
古人以牧牛爲喻誠哉所謂要久長人爾直截省要  
最是先忘我見使虛靜恬和任運騰騰騰騰任運於  
一切法皆無取捨向根根塵塵應時脫然自處孤運  
獨照照體獨立物我一如直下徹底無照可立如斬  
一線絲一斬一切斷便自會作活計去也佛見法見

又

圓悟佛果禪師語錄卷十四

二

尚不令起則塵勞業識自當冰消瓦解養得成實如  
癡似兀而峭措祖佛位中收攝不得那肯入驢胎馬  
腹裏也  
趙州道我見千百億箇盡是覓作佛漢子於中覓箇  
無心底難得又云我在南方三十年除粥飯二時是  
雜用心處香林四十年方成一片涌泉四十年尚自  
走作南泉十八上解作活計信知從上古人無不皆  
如此密密履踐安可計得失長短取捨是非知解也  
同學之中唯龍門智海昔常熟與究明但逢緣遇境  
莫不管帶何止此生而已窮未來際證無量聖身也



未是他泊頭處但一味退步切莫作限量也

### 示吳教授

佛祖以神道設教唯務明心達本況人人具足各各圓成但以迷妄背此本心流轉諸趣枉受輪迴而其根本初無增減諸佛以爲一大事因緣而出蓋爲此也祖師以單傳密印而來亦以此也若是宿昔蘊大根利智便能於脚跟直下承當不從他得了然自悟廓徹靈明廣大虛寂從無始來亦未曾間斷清淨無爲妙圓真心不爲諸塵作對不與萬法爲侶長如十日竝照離見超情截却生死浮幻如金剛王堅固不

二支那

圓悟佛果禪師語錄卷四

三

動乃謂之卽心卽佛更不外求唯了自性應時與佛祖契合到無疑之地把得住作得主可不是徑截大解脱耶

探究此事要透死生豈是小緣應當猛利誠志信重如救頭然始有少分相應多見叅問之士世智聰明只圖資談柄廣聲譽以爲高上趣向務以勝人但增益我見如以油投火其炎益熾直到臘月三十日茫然繆亂殊不得纖毫力良由取初已無正因所以未後勞而無功是故古德勸人叅涅槃堂裏禪誠有旨也生死之際處之良不易唯大達超證之士奮利根

勇猛一徑截斷則無難然此段雖由自己根力亦假方便於常時些小境界中轉得行打得徹不孱解不立見凜然全體現成踐履將去養得純熟到緣謝之時自然無怖畏只有清虛瑩徹無一法當情如懸崖撒手棄捨得無留戀一念萬年萬年一念覓生了不可得豈有死也是故古德坐脫立亡行化倒蛻能得勇健皆是平昔淘汰得淨潔香林四十年得成一片涌泉四十年尚有走作石霜勸人休去歇去如古廟裏香爐去永嘉云體卽無生了本無速蓋業業兢兢念茲在茲方得無礙自在既捨生之後得意生身隨

二支那

圓悟佛果禪師語錄卷四

四

自意趣後報悉以理遣不由業牽所謂透脫生死耶報緣未謝於人間世上有如許叅涉交互應須處之使綽綽然有餘裕始得人生各隨緣分不必默喧求靜但令中虛外順雖在鬧市沸湯中亦恬然安穩才有纖毫見刺則打不過也

### 示許庭龜奉議

此箇事在利根上智之人一聞千悟不爲難要須根脚牢實諦當徹信把得定作得主於一切違順境界差別因緣打成一片如太虛空無纖毫障隔湛湛虛明無有轉變雖百劫千生始終一如方可平穩多見

聰俊明敏根浮脚淺便向言語上認得轉變卽以世間無可過上遂增長見刺逞能逞解逞言語快利將謂佛法只如此及至境界緣生透脫不行因成進退良可痛惜是故古人直是千魔萬難悉皆嘗徧雖七處割截亦不動念一往操心猶如鐵石以至透脫生死渾不費力豈不是大丈夫超詣慷慨所存也

在家菩薩修出家行如火中出蓮蓋各位權勢意氣卒難調伏而況火宅煩擾煎熬百端千緒除非自己直下明悟本真妙圓到大寂定休歇之場尤能放下廊爾平常徹證無心觀一切法如夢幻泡空豁豁地

隨時應節消遣將去卽與維摩詰傳大士龐居士裴相國楊內翰諸在家勝士同其正因隨自己力量轉化未悟同人無爲無事法性海中則出來南閭浮提打一遭不爲折本矣

示隆知藏

有祖已來唯務單傳直指不喜帶水拖泥打露布列窠窟鈍置人蓋釋迦老子三百餘會對機設教立世垂範太段周遮是故最後徑截省要接最上機雖自迦葉二十八世少示機關多顯理致至於付受之際靡不直面提持如倒剎竿盪水投針示圓光相執赤

旛把明鑑說如鐵橛子傳法偈達磨破六宗與外道立義天下太平翻轉我天爾狗皆神機迅捷非擬議思惟所測洎到梁遊魏尤復顯言教外別行單傳心印六代傳衣所指顯著逮曹溪大鑑詳示說通宗通歷涉既久具正眼大解脫宗師變革通塗俾不滯名相不墮理性言說放出活卓卓地脫灑自由妙機遂見行棒行喝以言遺言以機奪機以毒攻毒以用破用所以流傳七百年枝分派別各擅家風浩浩轟轟莫知紀極然鞠其歸著無出直指人心心地既明無絲毫隔礙脫去勝負彼我是非知見解會透到大

休大歇安穩之場豈有二致哉所謂百川異流同歸于海要須是箇向上根器具高識遠見有紹隆佛祖志氣然後能深入闡奧徹底信得及直下把得住始可印證堪爲種草捨此切宜寶秘慎詞勿作容易放行也

五祖老師平生孤峻少許可人乾曝曝地壁立只靠此一著常自云如倚一座須彌山豈可落處弄滑頭謾人把箇沒滋味鐵酸餡劈頭粘似學者令咬嚼須待渠桶底子脫喪却如許惡知惡見冒次不掛絲毫透得淨盡始可下手鍛煉方禁得拳踢然後示以金

剛王寶劍度其果能踐履負荷淨然無一事山是山水是水更應轉向那邊千聖籠羅不住處便契乃祖已來所證傳持正法眼藏及至應用爲物仍當驅耕夫牛奪飢人食證驗得十成無滲漏卽是本家道流也

摩竭陀國親行此令少林面壁全提正宗而時流錯認遂尚泯默以爲無縫罅無摸索壁立萬仞殊不知本分事恣情搏量便爲高見此大病也從上來事本不如是巖頭云只露目前些子箇如擊石火閃電光若搆不得不用疑著此是向上人行履處除非知

文淵閣

圓悟佛果禪師語錄卷十四

七

有莫能知之趙州喫茶去秘魔巖擎杵雪峰輓毬禾山打鼓俱胝一指歸宗拽石玄沙未徹德山棒臨濟喝竝是透頂透底直截剪斷葛藤大機大用千差萬別會歸一源可以與人解黏去縛若隨語作解卽須與本分草料譬如七斛驢乳只以一滴師子乳滴悉皆迸散要脚下傳持相繼綿遠直須不徇人情勿使容易乃端的也未後一句始到牢關誠哉是言透脫死生提持正印全是此箇時節唯踏著上頭關換子底便諳悉也

隆公知藏湖湘投機還往北山十餘年真探賸精通

本色衲子遂舉分席訓徒已三載子被脅旨移都下天寧欲得法語以表道契因爲出此數段宣和六年十二月中佛果老僧書

### 示華藏明首座

祖師門下直截指示豈有如許多蹊徑只貴向上人聊聞舉著剔起便行明眼覷來只是鈍置古者道舉一隅不以三隅反者吾不與也箇箇須是舉一明三目機鋒兩阿輓輓地疎通峻快始稱提持豈不見良遂見麻谷第一番才見便歸方丈閉却門及至第二次見谷驟步向菜園渠便督地乃謂谷曰和尚莫謾

文淵閣

圓悟佛果禪師語錄卷十四

八

良遂良遂若不來見和尚泊被十二本經論賺過一生看渠恁地不妨省力旣歸謂徒黨曰諸人知處良遂總知良遂知處諸人不知信知渠知處有不通風諸人卒未搆得可謂真師子兒要作他家種草直須更出他一頭地始得

逢磨遊梁入魏落草尋人向少林冷坐九年深雪之中覓得一箇及至最後問得箇什麼却只禮三拜依位而立遂有得髓之言至令守株待兔之流競以無言禮拜依位爲得髓深致殊不知劍去久矣爾方刻舟豈曾夢見祖師若是本色真正道流要須超情離



見別有生涯終不向死水裏作活計方承紹得他家基業到此須知有向上事所謂善學柳下惠終不師其跡是故古人道一句合頭語萬劫繫驢橛誠哉破有法王出現世間隨衆生欲種種說法將知所說皆爲方便只爲破執破疑破路破我見若無許多惡覺惡見佛亦不必出現而況說種種法耶古人得旨之後向深山茹茨石室折脚鐺子煮飯喫十年二十年大忘人世永謝塵寰今時不敢望如此但只韜名晦跡守本分作箇骨律錐老衲以自契所證隨已力量受用消遣舊業融通宿習或有餘力推以及人

結般若緣鍊磨自己脚跟純熟正如荒草裏撥剔一箇半箇同知有共脫生死轉益未來以報佛祖深恩抑不得已霜露果熟推將出世應緣順適開拓人天終不操心於有求何況依倚貴勢作流俗阿師舉止欺凡罔聖苟利圖名作無間業縱無機緣只恁度世亦無業果真出塵羅漢耶此門瞥脫契證卽是素來不曾經人壞持拍盲百不知一但以利根種性孟八郎便透直下承當要用便用要行卽行無如許般心行純熟頓放著所在便得休歇安樂終日飽齣齣地不妨真正寂難整理是半

前落後認得瞻視光影聽聞不隨聲守寂湛之性便爲至寶懷狂習中終日昭昭靈靈雜知雜解自擔負我亦有見處曾得宗師印證惟只增長我見便離黃古今印證佛祖輕毀一切問著卽作伎倆黏作一堆殊不知末上便錯認定盤星了也及至與渠作方便解黏去縛便謂移換人換轉人作恁麼心行似此有甚救處除是驀地自解知非却將來須放得下作善知識遇著此等須是大脚手與烹鍊救得一箇半箇得徹不妨翻邪成正將來却是箇沒量大人何故只爲病多諳藥性

得底人心機泯絕照用已忘渾無領覽只守閑閑地而諸天捧擎無路魔外潛覷不見深深海底行漏盡意解所作平常似三家村裏無異直下放懷養到恁麼處亦未肯住住才有纖毫便覺如泰山似礙塞人便卽擺撥雖純是理地亦無可取若取卽是見刺所以云道無心合人人無心合道豈肯自銜我是得底人原他深不欲人知喚作絕學無爲與古人爲壽真道人也他叅活句不叅死句活句下薦得永劫不忘死句下薦得自救不了若要與佛祖爲師須明取活句詔陽



出一句如利刀剪却臨濟亦云吹毛用了急須磨此豈陰界中事亦非世智辯聰所及直是深徹本源打落從前依他作解明昧順逆以金剛正印印定揮金剛王寶劍用本分手段所以道殺人須是殺人刀活人須是活人劍既殺得人須活得既活得須殺得若只孤單則偏墮也垂手之際却看方便勿使傷鋒犯手著著有出身之路八面玲瓏照破他方與下刃亦須緊密始得稍寬緩卽落七落八也只自己等閑尚不留毫髮許設有亦斬作三段何況此宗門中從上牙爪遇其中人才拈出若投機則共用不投機則刻

提述

圓悟佛果禪師語錄卷十四

十一

却以是爲要無不了底事切在力行之

### 示光禪人

欲得親切第一不用求求而得之已落解會況此大寶藏亘古亘今歷歷虛明從無始劫來爲自己根本舉動施爲全承他力唯是休歇到一念不生處卽是透脫不墮情塵不居意想迥然超絕則徧界不藏物物頭頭渾成大用一一皆從自己習襟流出古人謂之運出家財一得永得受用豈有窮極耶但患體究處根脚不牢不能徹證直須猛截諸緣令無纖毫依倚放身捨命直下承當無第二箇縱使千聖出來亦

不移易隨時任運喫飯著衣長養聖胎不存知解可不是省要徑截殊勝法門耶

### 示民禪人

先聖一麻一麥古德攻苦食淡潔志於此廢寢忘食體究專確要求實證豈計所謂四事豐饒者哉及至道不及古便有法輪未轉食輪先轉之義由是叢林呼長老爲粥飯頭得非與古人一倍相反耶然人隨緣變異門且行第二段北山延接方來道人唯仰南畝今秋適會大稔覺民禪客觀刈臨行乞言因示以前段因緣貴宗本構末乃爲兼利並照圓悟通達

提述

圓悟佛果禪師語錄卷十四

十二

之人本分事也勉行之百草頭上有祖師夾山指出令人薦寬平田中有大義百丈展手要人知若能顆粒圓成卽是單傳心印更或彌望坦然便證第一聖諦且出草一句作麼生道滿船明月載將歸

### 示世祥禪人

立志辦道之士於二六時中自照自了念茲在茲知有自己脚跟下一段因緣處聖不增居凡不減獨脫根塵迥超物表凡所作爲不立方所湛寂凝然唯萬變千化初無動搖應緣而彰遇事便發靡不圓成唯要虛靜一切超然主本旣明無幽不燭萬年一念一

念萬年透頂透底全機大用譬如壯士屈伸臂頃不  
借他力則生死幻翳冰消金剛正體獨露一得永得  
無有間斷古今言教機緣公案問答作用竝全明此  
若脫灑履踐得日久歲深自然左右逢源打成一片  
豈不見法燈道人荒田不揀信手拈來草觸目未嘗  
無臨機何不道無根今得活離地今不倒日用尚不  
知更向何處討切宜消息之

示諫長老

趙州云我在南方三十年除粥飯二時是雜用心處  
將知古德爲此箇事不將作等閑直是鄭重所以操

文苑

圓悟佛果禪師語錄卷十四

十三

修觀捕到徹底分明於一機一境一句一言悉不落  
虛是致世法佛法打成一片今時要湊泊著實須是  
猛利奮發倒腸換肚莫取惡知惡見莫雜毒食一味  
純正真淨妙明直下踏著本地風光到安穩大解脫  
之地坐斷報化佛頭凜凜孤危風吹不入水灑不著  
正體現成日用有力量聞聲見色不生取舍著著有  
出身之路豈不見僧問九峯見說和尚親見延壽是  
否峯云山前麥熟也未識得渠親切用處便見衲僧  
巴鼻所謂殺人刀活人劍但請長時日著眼看到出  
格時自然知落處也

示禪人

達磨西來不立文字語句唯直指人心若論直指只  
人人本有無明殼子裏全體應現與從上諸聖不移  
易一絲毫許所謂天真自性本淨妙明含吐十方獨  
脫根塵一片田地唯離念絕情迥超常格大根大智  
以本分力量直下就自己根脚下承當如萬仞懸崖  
撒手放身更無顧藉教知見解礙倒底脫去似大死  
人已絕氣息到本分地上大休大歇口鼻眼耳初無  
相知手足項背各不相到然後向寒灰死火上頭頭  
上明枯木朽株間物物斯照乃契合孤迥迥峭巍巍

文苑

圓悟佛果禪師語錄卷十四

十四

更不須覓心覓佛築著磕著無非外得古來悟達百  
種千端只這便是心不必更求心是佛何勞更覓佛  
儻於言句上作露布境物上生解會則墮在骨董袋  
中卒撈摸不著此忘懷絕照真諦境界也  
不與萬法爲侶者是什麼人回光自照看待汝一口  
吸盡西江水卽向汝道八角磨盤空裏走參得透目  
前萬法平沈無始妄想蕩盡德山隔江擡手便有人  
承當鳥窠吹布毛尋有人省悟得非此段大因緣時  
至根苗自生也亦機感相投有地也亦當人密運無  
間借師門發揮何峭絕如此之難而超證如此之易

古人以輓芥投針爲況良不虛矣

末後一句都通穿過有言無言向上向下權實照用卷舒與奪不消箇勘破了也誰識趙州這巴鼻須是吾家種草始得

### 示尼修道者

學道之士初無信向默世煩溷長恐不能得箇入路既逢師指或因自己直下發明從本已來元自具足妙圓真心觸境遇緣自知落著便乃守住患不能出得遂作窠臼向機境上立照立用下咄下拍努眼揚眉一場特地更遇本色宗匠盡與拈却如許知解直

文  
集

圓悟佛果禪師語錄卷十四

十五

下契證本來無爲無事無心境界然後識羞慚知休歇一向冥然諸聖尚覓他起念處不得況其餘耶所以巖頭道他得底人只守閑閑地二六時中無欲無依可不是安樂法門昔濯溪往末山山間近離甚處溪云路口山云何不蓋却溪無語次日致問如何是末山境山云不露頂如何是境中人云無男女等相溪云何不變去山云不是神不是鬼變箇什麼如此豈不腳踏實地到壁立萬仞處所以道末後一句始到牢關把斷要津不通凡聖古人既爾今人豈少欠耶幸有金剛王寶劍當須遇著知音可以拈出

### 示良爐頭

金色頭陀論劫打坐達磨少林面壁九年曹溪四會縣看獵大滄深山卓庵十載大梅一住絕人迹無業閑大藏古聖翹足七晝夜讚底沙常啼經月鬻心肝長慶坐破七蒲團是皆爲此一段大因緣其志可尚終古作後昆標準便使致身在長連牀上亦不過冥心體究但令心念澄靜紛紛擾擾處正好作工夫當作工夫時透頂透底無絲毫遺漏全體現成更不自他處起唯此一大機阿輓輓轉更說甚世諦佛法一樣平持日久歲深自然脚跟下實確確地只是箇良

文  
集

圓悟佛果禪師語錄卷十四

十六

上座直下契證如水入水如金博金平等一如湛然眞純是解作活計但一念不生放教玲瓏才有是非彼我得失勿隨他去乃是終日竟夜親叅自家眞善知識何憂此事不辦切須自看

### 示諸知浴

此箇大法三世諸佛同證六代祖師共傳一印印定直指人心見性成佛不立文字語句謂之教外別行單傳心印若涉言詮露布立墜立梯論量格內格外則失却本宗辜負先聖要須覓初入作便遇本分人直截根源退步就已以鐵石心將從前妄想見解世



智辯聰彼我得失到底一時放却直下如枯木死灰情盡見除到淨裸裸赤灑灑處豁然契證與從上諸聖不移易一絲毫許諦信得及明見得徹此始爲入理之門更須教一念萬年萬年一念二六時中純一無雜才有纖塵起滅則落二十五有無出離之期抵死謾生咬教斷然後田地穩密聖凡位中收攝不得始是如鳥出籠自休自了處得座披衣真金百煉舉動施爲等閑蕩蕩地根塵生死境智玄妙如湯沃雪遂自知時更無分外底名爲無心道人以此自修轉開未悟令如是履踐豈不爲要道哉

文淵  
撰述

圓悟佛果禪師語錄卷十四

十七

### 示印禪人

道由悟達立志爲先自博地具縛凡夫便欲跂步超證直入聖域豈小因緣哉固宜操鐵石心截生死流承當本來正性不見纖塵中外有法使爾次蕩然了無罣礙施爲作用悉根本中出根本既牢實能轉一切物是謂金剛正體一得永得豈假外求是故古德云此宗難得其妙當須子細用心可中頓悟正因便是出塵階漸古德隔江搖扇吹布毛便有發機處至於驀口掣劈脊棒亦解桶底子脫蓋緣專一久之一日瞥地此豈外得之皆由自證自悟

### 示信侍者

學道之要在深根固蒂於二六時中照了自己根腳當未起念百不干懷時圓融無際脫體虛凝一切所爲曾無疑間謂之現成本分事及至纔起一毫頭見解欲承當作主宰便落在陰界裏被見聞覺知得失是非籠罩半醉半醒打疊不辦約實而論但於開闔闔處管帶得行如無一事相似透頂透底直下圓成了無形相不廢功用不妨作爲語默起倒終不是別人稍覺纖毫滯礙悉是妄想直教洒洒落落如大虚空如明鏡當臺如杲日麗天一動一靜一去一來不

文淵  
撰述

圓悟佛果禪師語錄卷十四

十八

從外得放教自由自在不被法縛不求法脫盡始盡終打成一片何處離佛法外別有世法離世法外別有佛法是故祖師直指人心金剛般若貴人離相譬如壯士屈伸臂頃不惜他力如此省要好長時自退步體究令有箇落著諦實證悟之地卽是念念徧參無邊無量大善知識也切切諦信勉力作工夫乃善也

### 示材知莊

俱胝凡見僧來及答問唯豎一指蓋通上徹下契證無疑差病不假驢驪藥也後代不諳來脉隨例豎箇



指頭謾人不分皂白大似將醍醐作毒藥良可憐愍  
若是真的見透底始知鄭重終不將作等閑所謂千  
鈞之弩不為鼯鼠而發機是故須具頂額上眼方可  
入作後來玄沙拈曰俱胝承當處莽鹵只認得一機  
一境有般拍盲底隨語生解便抑屈俱胝以謂實然  
殊不知焦墀打著連底凍到這裏直須子細切忌顛  
預只如俱胝臨遷化去自云得天龍一指頭禪一生  
受用不盡豈徒然哉

曹溪大鑒微時新州一樵夫也碌碌無所發明已數  
十載一旦聞客誦經激其本願遂致母出鄉謁黃梅

支那

圓悟佛果禪師語錄卷四

十九

大滿才見數語間投機隱確坊八箇月既聞秀偈始  
露鋒鋷五祖舉永鉢授之是時羣衆競趨逐欲奪取  
而蒙山道人寂先及之於大庾嶺頭知不勝始悟此  
永非可以力爭稽首求法大鑒以不思善惡本初面  
目欽念知歸廬老以時緣未穩復遁迹四會縣獵人  
中久之尋抵番禺吐風旛不動動自於心之語印宗  
伸弟子之禮為之削髮登具由是開大法要總二千  
餘衆聲徹九重遣貴近降紫泥召之確然不應度龍  
象若讓師清源永嘉南陽荷澤司空數十人皆大宗  
師何其躋歟唯聖賢示化進退存亡了然先照然考

其步驟從微至著不斷世緣而示妙規百世之下無  
與為等到今數百載充徧寰海剎剎相望皆其法孫  
欽仰洪範欲擬其毫末竭誠聲力終莫髣髴惟望後  
昆有力量者勉旃聊述梗槩爾

校譌

第九紙十八行但  
南藏作旦

音釋

蛇輸內切淘汰淘徒刀切汰他蓋盪烏管切曝北  
餒俗音餒餒音賺直陷切餒呼侯切溷胡困切超亮

撰述

圓悟佛果禪師語錄卷四

二十

切舉鬻余六切輓盧谷切輓確克角切裸郎果切  
塹七監切驀莫白切塹側六切勞破也帶丁計切  
閨胡貢切驀弦鷄切莽鹵莽莫補切鹵即古顛顛  
預莫安切碌盧谷切碌碌趨丑乃切番番鋪切禺禺元  
俱切番禺元禺禺元禺禺元禺禺元禺禺元禺禺元禺禺元禺禺元  
南海縣名禺元禺禺元禺禺元禺禺元禺禺元禺禺元禺禺元禺禺元  
槩梗古杏切槩居大槩居大槩居大槩居大槩居大槩居大槩居大

華亭居士徐瑛施贊刻此  
圓悟佛果禪師語錄第十四卷  
京山沙彌玄秀  
吳江沙彌不崇書進賢趙宗周刻  
萬曆庚子一歲山如徒庵識

圓悟佛果禪師語錄卷第十五

宋平江府虎丘山門人紹隆等編

法語中

示覺民知庫

圓湛虛凝道體也展縮殺活妙用也善游刃能操守如珠走盤如盤走珠無頃刻落虛亦不分世法佛法直下打成一片所謂觸處逢渠出沒縱橫初無外物淨裸裸阿輾輾以本分事印定頭頭上明物物上了何處更有得失是非好惡長短來但恐自己正眼未得洞明是致落在二邊則沒交涉也豈不見永嘉道

上士一決一切了中下多聞多不信

佛祖言教筌筌爾藉之以爲入理之門旣廓然明悟承當得則正體上一切圓具觀佛祖言教皆影響邊事終不向頂顙上戴却近世叅學多不本其宗猷唯務持擇言句論親疎辯得失浮漚上作實解誇善洵汰得多少公案解問諸方五家宗派語一向沒溺情識迷却正體良可憐愍有真正宗師不惜肩毛勸令離却如上惡知惡見却返謂之心行移換擺撼煅煉展轉入荆棘林中所謂打頭不遇作家到老只成骨董

省要處不消一割皮下有血自知落處苟或躊躇則

失却鼻頭也七佛已前便與麼直須硬糾糾緊著頭皮分明歷落薦取這一片田地穩密長時乃自會退步終不道我有見處我有妙解何故箇中若立一絲毫能所見刺則重過山嶽從上來決不相許是故釋迦文於然燈佛以無法得受記盧老於黃梅以本來無物親付衣鉢至於生死之際才自擔荷則如靈龜脫殼應須淨穢二邊都不依怙有心無心有見無見似紅爐著一點雪二六時中透頂透底灑灑落落遊此千聖不同途處直下令純熟自然成就得箇絕學

無爲千人萬人羅籠不住底箇真實人也

送圓首座西歸

得道之士立處旣孤危峭絕不與一法作對行時不動纖塵豈止入林不動草入水不動波蓋中已虛寂外絕照功條然自得徹證無心雖萬機頓赴豈能撓其神千難殊對而不干其慮哉平時只守閑閑地如癡似兀及至臨事爲物初不作伎倆准擬割風旋電轉靡不當機豈非素有所守也是故古德道如人學射久久方中悟則剎那履踐工夫須資長遠如鷄鳩兒初生下來赤骨歷地養來餓去日久時深羽毛

既就便解高飛遠舉所以悟明透底正要調伏只如諸塵境界常流於中窒礙到得底人分上無不虛通全是自家大解脫門終日作爲未嘗作爲了無欣厭亦無倦怠度盡一切而無能所況生猷墮耶苟性質偏枯尤當增益所不能放教圓通以溫柔和力攝化開權俯仰應接俾高低遠近略無差悞行常不輕行學忍辱仙遵先佛軌儀成就三十七品助道法堅固四攝行到大用現前喧寂一等如下水船不勞篙棹混融含攝圓證普賢行願乃世出世間大善知識也古德云三家村裏須自箇叢林蓋無叢林處雖有志之

士文部撰述一

圓悟佛果禪師語錄卷五

三

士亦喜自便到恁麼尤宜執守唯在強勉以不倦終至於喧靜亦復爾喧處周旋應變於中虛寂靜處能不被靜縛則隨所至處皆我活計唯中虛外順有根本者能然

大凡爲善知識應當慈悲柔和善順接物以平等無諍自處彼以惡求及以惡聲名色加我非理相干訕謗毀辱但退步自照於已無慊一切勿與較量亦不動念嗔恨只與直下坐斷如初不聞不見久久魔孽自銷爾若與之校則惡聲相返豈有了期又不表顯自己力量與常流何以異切力行之自然無思不服

槌拂之下開發人天俾透脫生死豈小因緣應恬和詞色當機接引勘對辯其來由驗其蹲坐攻其所偏墜奪其所執著直截指示令見佛性到大休大歇安樂之場所謂抽釘拔楔解黏去縛切不可將實法繫綴人令如是住如是執勿受別人移倒此毒藥也令渠喫著一生擔板賺悞豈有利益耶

佛祖出興特唱此段大因緣謂之單傳心印不立文字語句接最上機只貴一聞千悟直下承當了修行不求名聞利養唯務透脫生死今既作其兒孫須存他種草看他古來有道之士動是降龍伏虎與神明

士文部撰述一

圓悟佛果禪師語錄卷五

四

受戒攻苦食淡大忘人世永謝塵寰三二十年折脚錯煮飯喫遁跡埋名往往坐脫立亡於中一箇半箇諸聖推出建立宗風無不稟高行務報佛恩流通大法始出一言半句抑不得已明知是接引入理之門敲門瓦子其體裁力用不妨爲後昆模範當宜師法之轉相勉勵追復古風切忌希名苟利茲深祝也

示樞禪人

解語非干舌能言不在詞明知舌頭語言不是倚仗處則古人一言半句其意唯要人直下契證本來大事因緣所以修多羅教如標月指知是般事便休行



履處綿密受用時寬通日久歲深不移易拈弄收放得熟小小境界悉能照破斷割不留朕迹及至死生之際結角羅紋不相叅雜湛然不動翛然出離此臘月三十日涅槃堂裏禪也

### 示裕書記

踏著實地到安穩處時中無虛棄底工夫綿綿不漏絲毫湛寂凝然佛祖莫能知魔外無捉摸是自住無所住大解脫雖歷無窮劫亦只如如地況復諸緣邪安住是中方可建立與人抽釘拔楔亦只令渠無住著去此謂之大事因緣

支那  
漢述

圓悟佛果禪師語錄卷五

五

如來有密語迦葉不覆藏迦葉不覆藏乃如來真密語也當不覆藏即密當密即不覆藏此豈可與繫情量立得失存窠窟作解會者舉耶透脫到實證之地向出格超宗頂顙上領始得既已領略應當將護遇上根大器方可印受也

秉拂據位稱宗師若無本分作家手段未免賺候方來引他人草窠裏打骨董去也若具金剛正眼須灑灑落落唯以本分事接之直饒見與佛齊猶有佛地障在是故從上來行棒行喝一機一境一言一句意在鉤頭只貴獨脫勿使依草附木所謂驅耕夫之牛

奪飢人之食若不如是盡是弄泥團漢

方來衲子有夙根作工夫驀地得入者不遇真正宗師返引他作露布墮在機境中無繩自縛半前落後似是不是最難整理要須識其病脉辯其落著徵其所偏墜而發起之俾捨執著住滯然後示以本分正宗使無疑惑了然得大解脫居大寶宅自然趁亦不去可以洪濟大法傳續祖燈堪報不報之恩也

黃龍老兩禪師昔未見石霜會一肚皮禪翠巖憫之勸謁慈明只窮究玄沙語靈雲未徹處應時瓦解冰消遂受印可三十年只以此印拈諸方解路瘡病不

支那  
漢述

圓悟佛果禪師語錄卷五

六

假驢馳藥緊要處豈有如許多佛法也大宗師為人雖不立窠臼露布久之學徒妄認亦成窠臼露布也蓋以無窠臼為窠臼無露布作露布應須及之令盡無令守株待兔認指為月鑒在機先風塵草動亦照其端倪況應酬擾擾哉非冒次虛靜無一法當情安能圓應無差先機照物耶此皆那伽在定之効也臨濟金剛王寶劍德山末後句藥嶠一句子秘魔杖俱抵指雪峯輓毬禾山打鼓趙州喫茶楊岐栗棘蓬金剛圈皆一致爾契證得直下省力一切祖師言教無不通達唯在當人善自護持爾



佛智裕公久叅徧歷一言相契從前證解併脫去卓然超絕遂分座訓徒傳持流通此大法印因書法語以贈

### 示榮禪人

趙州和尚見僧喚云近前來僧近前州云去多少省力若薦得乃是十成完全若作如之若何則知見生也  
唐朝古德英禪師微時事田運槌擊塊見一大塊戲以槌猛擊之應時粉碎驀地大悟自此散誕爲不測人頗彰神異有老宿拈云山河大地被這僧一擊百

大聖  
撰述

圓悟佛果禪師語錄卷十五

七

雜碎獻佛不假香多誠哉是言

### 示泉禪人

叅問要見性悟理直下忘情絕照襟襟蕩然如癡似兀不校得失不爭勝負凡有順違悉皆截斷令不相續悠久自然到無爲無事處才毫髮要無事早是事生也一波才動萬波隨豈有了期他時生死到來脚忙手亂只爲不脫灑但以此爲確實自然鬧市裏亦淨如水豈有已事不辦耶

才有是非紛然失心直這一句驚動多少人做計較若承當得坐得斷透出威音王那畔若隨此語轉特

地紛然自回光返照始得如來禪祖師禪豈有兩種未免詰舍各分皂白特地乖張事理機鋒一時坐斷是打淨潔毬子還知諦當著實處麼放下看取

### 示傑禪人

行脚叅請既依附知識於大叢林陪清高雅衆久矣一旦親緣須著落歸動是箇千里遠行要須以自己的力量不怠踐履直須行處不生塵況此段事不道在善知識邊便有居鄉井時便無也所謂暫時不在如同死人正當在時亦不起模畫樣雖則平常而滴水滴凍卓然絕識成箇無爲無事無心事業表裏洞然

大聖  
撰述

圓悟佛果禪師語錄卷十五

八

無際不與萬法爲侶不與千聖同途深根固蒂只守閑閑地養來養去不憂不徹但盡凡情作自己工夫勿管外緣勿逐名利起我見競勝負是故古德道任運猶如癡兀人他家有通人愛傑知莊條來告別求警策因書此語授之

### 示成修造

蔣山門下無禪可說無道可傳雖聚半千衲子唯以箇金剛圈栗棘蓬跳者着力跳吞者用意吞莫恠無滋味太嶮峻或若驀地體得如畫錦還鄉千人萬人只仰羨得要且覓他所從來不得所謂人人本分事

也才生心動念承當擔荷早不本分了也直得萬機  
休罷千聖不携亦猶有依倚在快須擺撥透脫那邊  
去始得所以道但有纖毫卽是塵舉意便遭魔所撓  
成就一切總只由他破壞一切亦只由他奇特殊勝  
緣恒沙功德藏無量妙莊嚴超世希有事皆所成就  
慳貪憎妬情識執著有爲有漏垢染雜亂解路名相  
知見妄想皆所破壞也唯他能轉一切物一切物不  
能轉他雖無形段面目而包括十虛含凡育聖若有  
取之卽墮見刺卒摸索不著

諸佛開示祖師直指唯心妙性徑截承當不起一念

支那  
撰述部

圓信佛果禪師語錄卷十五

九

透頂透底無不現成於現成際不勞心力任運逍遙  
了無取舍乃真密印也

### 示杲書記

臨濟正宗自馬師黃檗闡大機大用脫羅籠出窠臼  
虎驟龍馳星飛電激卷舒擒縱皆據本分綿綿的的  
到興化風穴唱愈高機愈峻西河弄師子霜華奮金  
剛王非深入閭奧親受印記皆莫知端倪徒自名邈  
只益戲論大抵負冲天氣宇格外提持不戰屈人兵  
殺人不眨眼尚未髮髯其趣向況移星換斗轉天輪  
回地軸耶是故示三玄三要四料簡四主賓金剛王

寶劍踞地師子一喝不作一喝用探竿影草一喝分  
賓主照用一時行許多落索多少學家搏量注解殊  
不知我王庫內無如是刀弄將出來看底只眨得眼  
須是他上流契證驗認正按旁提須還本分種草豈  
假揀媒只如寶壽開堂三聖推出一僧壽便打聖云  
你恁麼爲人非獨瞎却這僧眼瞎却鎮州一城人眼  
去在壽擲下拄杖便歸方丈興化見同叅來便喝僧  
亦喝化又喝僧復喝化云你看這瞎漢僧擬議直打  
出法堂侍者問有何相觸悞化云是他也有權也有  
實我將手向伊面前橫兩遭却不曾似此瞎漢不打

支那  
撰述部

圓信佛果禪師語錄卷十五

十一

更待何時看他本色宗風迥然殊絕不貴作略只欽  
他眼正要扶荷正宗提持宗眼須是透頂透底徹骨  
徹髓不涉廉纖迥然獨脫然後的的相承可以起此  
大法幢然此大法炬繼他馬祖百丈首山楊岐不爲  
忝竊爾

### 示韓朝議

乃佛乃祖直指此大法於人人脚跟下洞照如千日  
竝出但趣外奔逸久不能自信有如是大威德光明  
唯務作聰明立知見向業惑中以謂出乎等夷街耀  
自得向人間世所習古今博究廣覽謂窮極底蘊殊

不知螢火之光豈比太陽所以古之奇傑之士穎脫之性就近而論如裴相國楊大年之儔投誠放下就宗師決擇剗去浮塵知見大徹大悟始能超軼與老禪頌德抗行履踐到臨合殺結角頭自解撒手克證大解脫豈小事哉今既明敏不減前輩平時學業才力邁往於世路久之雖知宗門有此段因緣謂不出我所宗尚殊不著意以夙昔大緣相值歐峯經年會聚一聞舉揚即起深信迴光返照顧人間如夢如幻隨大化變滅乃虛妄爾唯此千劫不壞不移易一切聖賢根本乃造物之淵源印定自己若一發明七通

入達何往不自得哉是知宿世亦曾薰炙遇緣而彰見於行事豈非自性耶然能自檢點二六時中學佛法已是雜用心則去却佛法乃真淨界中行履矣但請依此一切不雜即純一洞然無愛憎離取捨不分彼我不作得失一切法坦然皆我家不思議處淨妙圓明受用之物爾須令此心長時現前不墮沈昏不生聰慧入平等安閑寂靜境界那有惡作業緣識情干撓得此本妙光明也只恐臨境界面前都盧忘失依前紛亂則不堪也古之修行亦只以自所證入時中照了截斷塵勞教活卓卓地悠久三二十年純熟

超出生死不爲難著力在行處不只空高談說之而已古云說得一丈不如行得一尺蓋定慧之力回轉業緣正要惺惺地勇猛果決千百生中當受用其餘古人機緣語句不必盡要會之但一著分明則著著如此千變萬化豈移變得渠力用哉內心既虛外緣亦寂著衣喫飯本自天具不勞雕琢若或立勝見負我能即禍事也切須照管勿作此態由是可入無我真實平等如如不動不變淨妙清涼穩密田地矣誌公云不起纖毫修學心無相光中常自在

示曾待制

禪非意想道絕功勳若以意想參禪如鑽冰求火掘地覓天只益勞神若以功勳學道如土上加泥眼裏撒沙轉見困頓儻歇却意識息却妄想則禪河浪止定水波澄去却功用休却營爲則大道坦然七通八達是故僧問石頭如何是禪頭云碌碌僧云如何是道頭云木頭此豈意想功勳所能辯哉除非直下頓領截流便透則禪道歷然才擬作解則千里萬里要是向來世智辯聰頓然放却消遣令盡自然於此至實之地自證自悟而不留證悟之迹翛然玄虛通達乃善



馬大師嘗舉楞伽經以佛語心爲宗無門爲法門乃云諸人要識佛語心麼只你如今語便是心心便是佛故云佛語心乃是宗也此宗無門乃是法門古人太煞老婆拖泥涉水若一舉便透猶較些子或窮研義理卒摸索不著

示智祖禪德

世尊拈華迦葉微笑二祖禮拜達磨傳心豈有他哉箭鋒相拄也當其神契理御非言思所測唯知有向上宗風者證之雖千萬億載猶旦暮爾是故乃佛乃祖求人初不草草要是純剛打就利根上智然後提

支那

圓悟佛果禪師語錄卷十五

十三

其要擊其節如膠投漆舉一明三阿轆轤地無窠窟絕滲漏底始可首肯更須淘煉到盤錯交加人所不能窮詰辨別處綽綽然游刃有餘當受用時浸淫露手段有超宗越格不傍師旨獨出曾襟壁立千仞驚羣敵勝方堪付授法既不輕道亦尊嚴所謂源深流長也

從上古德動盡平生或三二十年靠箇入處期徹頭徹尾去志既有力用心堅確是以成就得來擲地金聲大丈夫兒攀上景仰不得不不然彼既能爾我豈不能耶況透脫死生窮未來際一得永得當深固根

本根本既固枝葉不得不鬱茂但於一切時令長在勿使走作湛湛澄澄吞燂羣象四大六根皆家具爾況知見語言解會耶一時到底放下到至實平常大安穩處了無纖芥可得只恁隨處輕安真無心道人

支那

圓悟佛果禪師語錄卷十五

十四

之後多深藏不欲人知恐生事也抑不得已被人捉出亦不牢讓蓋無心矣至於垂慈示方便亦只隨家豐儉如俱胝一指打地唯打地秘魔擎叉無業莫妄想面壁降魔舞笏骨到初不拘格轍勝負唯務要人各知歸休歇不起見刺向鬼窟裏弄精覓卓卓叮嚀到脫體安隱之地乃妙旨也伶俐漢脚跟須點地春



示諸禪人

道本無言法本不生以無言言顯不生法更無第二頭才擬追捕已蹉過也是故祖師西來特唱此事只貴言外體取機外薦取自非上上根器何能薦爾承當得然有志於是者豈計程限要須立處孤危辦得一刀兩段猛利身心放下複子靠著箇似咬猪狗惡手段底盡情將從前學解露布黏皮貼肉知見一倒打撲却使曾次空勞勞地已思不露一物不爲便能徹底契證與從上來不移易一毫髮許直得如此更須知有向上超師作略始得所以古者問佛向上答

古文部  
撰述

圓庵佛果禪師語錄卷十五

十五

非佛又答方便呼爲佛則見性成佛乃筌蹄爾是中云何指東畫西直須密契自能將護方得灑灑落落更說甚證涅槃契生死皆增語也雖然只山僧恁麼道也未可取爲極則始免佛病祖病大丈夫漢圖心要叅豈可立限劑耶但辦却深信一往向前未有不脚踏著實地者日新日日新日日損日損日日損退步到底便是也至了是亦不立此正是作工夫處

示蔣待制

襄陽郡王常侍叅滄山大圓得旨有僧從滄山來常侍問山頭老漢有何言句僧云人問如何是祖師西

來意山豎拂子常侍云山中如何領解僧云山中商量卽色明心附物顯理常侍云會便會著甚死急汝速去侍有書與老師僧馳書回滄山拆見畫一圓相於中書箇日字滄山呵呵大笑云誰知吾千里外有箇知音仰山云也只未在滄山云子又作麼生仰山於地上作一圓相書箇日字以脚抹之而去看他得底人步驟趣向豈守窠窟耶箇裏若善觀其變則能原其心既能原其心則有自由分既有自由分則不隨他去也既不隨他去何往而不自得哉

古文部  
撰述

圓庵佛果禪師語錄卷十五

十六

然後存心體究此雖誠實之言只以塵勞爲務頭出頭沒爛骨董地熟了只喚作塵事更待撥却塵緣方可趣入其所謂終日行而未嘗行終日用而未嘗用豈是塵勞之外別有此段大因緣耶殊不知大寶聚上放大寶光輝天焯地不自省悟承當更去外求轉益辛勤豈爲至要若具大根器不必看古人言句公案但只從朝起正却念靜却心凡所指呼作爲一番作爲一番再更提起審詳看從何處起是箇甚物作爲得如許多當塵緣中一透一切諸緣靡不皆是何待撥剔卽此便可超宗越格於三界火宅之中便化

成清淨無爲清涼大道場也法華經云佛子住此地卽是佛受用經行及坐臥常在於其中

### 示張國太

卽心卽佛已是八字打開非心非佛重向當陽點破不尋其言一直便透方見古人赤心片片若也躊躇則當面蹉過也

不與萬法爲侶底是什麼人待你一口吸盡西江水卽向汝道多少徑截何不便與麼承當更入他語句中則永不透脫多見學者只言卜度下語要求合頭此豈是要透生死要透生死除非心地開通此箇公

文冊

同佛與神師錄卷十五

十七

案乃是開心地鑰匙子只要明了言外領旨始到此無疑之地矣

管修山主要見地藏自陳此菴來見和尚經涉許多山川極是辛苦地藏指云許多山川於汝也不惡凜便桶底子脫去似此豈假多言道途之間也須保任始得

### 示方清老道友

老達磨來自竺乾豈嘗持一物及遊梁歷魏面壁少林無人識渠獨可祖効勤立雪斷臂始略垂慈由此印心若謂無言從何而入如謂有言向伊道甚將知

須是箇人始十分領略乃無滲漏所以入此門來要

是根器猛利能疾速棄捨從前知見路使冒次空勞勞不留毫髮洞然虛凝言思路絕直契本源泯然無際自得本有無得妙智方號信及見徹猶有無量無邊莫測莫量大機大用在儻留些能所墮在緣塵則卒急未便相應是故古德勸人直下休去歇云此段譬如快鷹快鷂捎雲突日迷風透青掀騰直截不容擬議苟或踟躕乃蹉過也其爲教外別行則可知矣既有志於是放下著觀體承當一切現成則初祖不曾來自已亦無得

文冊

同佛與神師錄卷十五

十八

### 示李嘉仲賢良

全心卽佛全佛卽人人佛無異始爲道矣此諦實之言也但心真則人佛俱真是故祖師直指人心俾見性成佛然此心雖人人具足從無始來清淨無染初不取著寂照凝然了無能所十成圓陀陀地只緣不守自性妄動一念遂起無邊知見漂流諸有脚跟下恒常佩此本光未常靄昧而於根塵枉受纏縛若能蘊宿根本從諸佛祖師直截指示處便倒底脫却炙脂納襖赤條條淨裸裸直下承當不從外來不從內出當下廓然明證此性更說甚人佛心如烘爐上著

一點雪何處更有如許多初怛也是故此宗不立文字語句唯許寂上乘根器如飄風疾雷電激星飛脫體契證截生死根破無明殼了無疑惑直下頓明二六時中轉一切事緣皆成無上妙智豈假猷喧求靜棄彼取此一真一切真了一了總萬有於此心握權機於方外而應物現形無法不圓何有於我哉要須先定自己著落立處既硬糾糾地自然風行草偃所以王老師十八上便解作活計香林四十年乃成一片塵勞之儔爲如來種只在當人善自看風使帆念念相續心心不住向此長生路上行履卽與佛

支那

圓悟佛果禪師語錄卷十五

十九

祖同得同體同作同證況百里之政柄在手頭安民利物卽是自安萬化同此一機千差竝此一照盡塵沙法界可以融通何況人佛無異耶

### 示遠猷奉議

從上徑截一路直拔超昇無出直指人心見性成佛但此心淵奧脫去聖凡階級只貴利根上智於無明具縛窠窟中不動纖毫直下頓契廓徹靈明與有情無情有性無性同體與大法相應發起作用透古超今騎聲蓋色虛而靈寂而照無量無涯不思議大解脫一一七穿八穴了無回互便識落著所以乃佛乃

祖謂之單傳密付如印印空如印印水如印印泥萬德昭然十方坐斷獨證獨超初無依倚若起見作相則沒交涉也今時大有具種性之士能始末覷破幻緣幻境勇猛奮志向箇邊來亦有久存誠探賸者然患缺方便力止以知見解會爲明了殊不知全坐了但是識心縱解到佛邊窮到修證盡頭處不出指蹤在是故古來作家宗師不貴人作解會唯許人捨知見胷中不曾留毫髮許蕩然如太虛空悠久長養純熟此卽是本地風光本來面目也到此亘古亘今之地脫離生死有甚難也如裴相國龐居士樣直以信

支那

圓悟佛果禪師語錄卷十五

二十

得及便得力受用自在塵緣幻境豈從別處生若脚下諦實二六時中能轉一切物而無能相等閑空牢牢地不生心動念隨自天真平懷常實便是從宦遊幹幹悉皆照透承那箇恩力既識渠如下水船相似略左右照顧扶持將去自然速疾與般若相應此禪流所謂自做工夫觸處無有虛棄底時節綿綿相續辦長久不退轉心不必盡棄世間有漏有爲然後入無爲無事當知元非兩般若懷去取則打作兩橛也一切時一切處唯以此爲實在力行之當截斷衆流得大安樂矣







不回者唯是八面受敵未舉先知未言先契自然水乳相合得坐披衣養得純熟待霜露果熟出頭來便與麼用始合祖先本因地發行一周佛事所以道要窮恁麼事須是恁麼人若是恁麼人不愁恁麼事

### 示一書記

英靈衲子蘊卓識奇姿慷慨冠視身世聲名如游塵浮雲谷響以夙昔大根器知有此段超生出死絕聖超凡乃三世如來所證金剛正體歷代祖師單傳妙心跣步蹴踏作香象金翅要馳驟飛騰於億千萬類之上截流摩霄豈肯爲鴻鵠燕雀局促於高低勝

圓悟佛果禪師語錄卷十六

圓悟佛果禪師語錄卷十六

三

負較目前電光石火間瞥轉利害耶是故古之大達不記細故不圖淺近發片志欲高超佛祖荷擔一切所不能承當之重任普濟濟四生九類拔苦與安破障道愚昧折無明顛狂毒箭拈出法眼見刺使本地風光澄霽空劫已前面目明顯悉心竭力不憚寒暑廢寢忘餐刻意尚行潔清三業向三條椽下死却心猿殺却意馬直使如枯木朽株頑石頭相類鷲地穿透豈從他得哉發大伏藏然暗室明炬擬矚於要津證大解脫不起一念頓成正覺且通箇入理之門然後升普光明場據無漏清淨殊勝偉特法空之座

口海瀾翻奮無礙四辯才立一機垂一句現一勝相普使凡聖有情無情俱仰威光同受庥蔭尚未是絕功勲處更轉那頭千聖羅籠不住萬靈景仰無門諸天無路捧華魔外那能傷觀放却知見卸却玄妙颺却作用唯饑餐渴飲而已初不知有心無心得念失念何況更戀著從前學解諦句奇言理性分劑名相桎梏佛見法見動地掀天世智辯聰自纏自縛入海算沙有何所靠耶等是大丈夫應務敵勝驚羣滿目已本志願乃爲本分大心大見大解脫無爲無事真道人

圓悟佛果禪師語錄卷十六

圓悟佛果禪師語錄卷十六

三

### 示勝首座

釋迦老多子塔前分半座已密授此印爾後拈華是第二重公案至於付金襴鷄足山中候彌勒是多少節文也達磨迢迢自西竺遊梁歷魏冷坐少林深雪之中有箇斷臂老子解觀破不免漏泄分付伊謂之單傳密記子細究之一場敗闕自此便喧傳西來旨意世間隨流將錯就錯滿地流行分五家七宗遽立門戶提唱就實窮之端的成得甚麼邊事是故從來達人不喫這般茶飯且如何却是諦當將知六合外著得眼早自別也況無邊香水海浮幢王剎表下視

底乃少知落著所以道此大丈夫事撲迭掀豁步驟略唯同風契證始善弘荷終不撒沙撒土遂與釋迦金色碧眼神光共一坐具等閑垂手殺人活人初無窠窟只貴緊峭萬苦千辛至嶮至毒下得斷命手脚然後不虛印授也白雲師翁云神仙秘訣父子不傳

### 示無住道人

維摩經依無住本立一切法金剛經應無所住而生其心古德云一切無心無住著世出世法莫不皆爾使有住則膠固豈復能變通耶日月住則無晝夜四

文部一

圓悟佛果禪師語錄卷六

四

時住則失歲功唯其無住乃所以流於無窮是故住於無所住所以轉凡成聖卽無作無爲無住妙用於萬有中得大解脫既達此意見此道唯力行不倦乃真道人也

### 示元長禪人

佛語心爲宗達磨傳此者矣而馬師爲蛇畫足慈悲落草乃云諸人欲識佛語心麼已是漏逗了也更言只如今語便是佛語此語出於自心便是佛心若舉揚正宗作如是話曾如何出得作家八十四人耶是故從上來行正令底視之如將惡水澆潑人成甚模樣

樣應知這老子太煞屈曲事不獲已然然今學者尚看他底不破只管落語言執解會認光影做窠窟好不性燥也可中有箇生鐵鑄就手裏握得頑石粉碎眼目定動擬議不來一綽便透更說甚佛語心如之若何直饒千佛萬祖躬親動地放光如雲如雨行棒行喝雷奔電激不消箇熱不采等閑凡不收聖不管更喚甚作生死菩提涅槃煩惱不如饑來喫飯困來打眠此乃稍稍類他家種草也所以地藏道你南方佛法浩浩地爭如我種田博飯喫十成是以此爲事徹到無事如斬一絃絲一斬一切斷把斷世界不漏絲

文部一

圓悟佛果禪師語錄卷六

五

毫諸見不生了無滲漏以長歲月不動不退靠之自然成辦香林四十年方打成一片爲山三十載牧一頭水牯牛既有此志深宜長久乃能堪報不報之恩是真出家大解脫衲子也

### 示超然居士趙判監

曹山辭悟本問向甚處去云不變易處去復徵不變異處豈有去耶答云去亦不變異自非踏著實地安能透徹如此豈以語言機思所可測量哉蓋履踐深極到無滲漏之致然後羅籠不住學道之士立志外形骸一死生混古今絕去來要須攀上流造詣至真

諦實淵奧闔域打辦自己脫白露淨無絲毫意想墮在塵緣直下心如枯木朽株如大死人無此氣息心無知念念無住千聖出來移換不得乃可以向枯木上生華發大機起大用與慈運悲乃無功之功無作之作豈落得失是非哉纔留一毫毛則抵牾於生死界自己未能度安可度人維摩大士不住金粟住入酒肆姪坊作大解脫佛事龐老子補處應身不住兜率陀棄却珍寶漢江織笊籬與大宗師擊揚與奪此段從上體裁莫不皆爾要須滴水滴凍不拘朝野陶冶煅煉如曹山摩詰老龐乃可以不廢悲願不亦

地部

圓悟佛果禪師語錄卷十六

六

宜乎自餘人間世紛紜塵坌何足致冒次哉

貴妃喬氏求法語

當人脚跟下一段事本來圓湛不曾動搖威音佛前直至如今廓徹靈明如如平等只爲起見生心分別執著便有情塵煩惱擾攘若以利根勇猛身心直下頓休到一念不生之處卽是本來面目所以古人道一念不生全體現六根纔動被雲遮多見聰明之人以妄心了放此妄心不下逗到歇至不動處不肯自承當本性便喚作空豁豁地却擬棄有著空是大病若有心棄一邊便是知解不能徹底見性此性非

有不須棄此性非空不須著要當離却棄著有無直下貼貼地圓湛虛凝儵然安穩便能自信此真淨妙心餉間被世緣牽拖便能覺得不隨他去直須長時虛閑自做工夫消遣諸妄使有箇自家省悟之處始得古人云不離當處常湛然覓則知君不可見

示丹霞佛智裕禪師

祖師宗風步驟闊遠迥出教乘單提正印靈山拈華而飲光笑領龍猛示圓相而提婆中的少林覓心而二祖超證盧老說偈而大滿付衣鉢人皆以爲密傳鞠其端倪乃是納敗豈道妙深極之旨止如是而已

地部

圓悟佛果禪師語錄卷十六

七

要須如天之高地之厚海之淵虛空之廣尚未髣髴信過量大解脫人回天轉地吸海枯竭散虛空奮大機顯大用於無邊香水海浮幢剎外斬魔外見網摧佛祖化權揭示不可示拈提不可提之奧尚未爲的則雪峯鼇山得道雲巖始終不知有乃戲論爾應須生鐵鑄就心肝殺人不眨眼手段乃可略露風規貴慧命流於無窮差可人意耳

示楊無咎居士

佛祖出興于世以大悲願力起無緣慈唯務引接利智上根具大器量堪委任大解脫上上勝妙玄機作



人所不能爲超羣絕衆可以彈指證無生可以立地越果海眼觀東西意在南北如快鷹俊鷁憂憂騰空迷風曜日捎玉兔拂金鷄英靈掀豁乃拈當頭末上一著子似電閃星飛不容擬議待伊全體脫去羅籠直下不費一毫指點遂乃披襟透頂透底領略卽兩手分付是故體裁步驟如擇龍之得水似猛虎之靠山雲突突風颭颭傾人肝膽耀人心目方可謂之本家種草所以維摩大士大集會魔王現首楞嚴定魔界行不汙菩薩之儔與夫文殊普賢金色頭陀之類皆離倫拔萃而一旦舉華密傳豈常事哉以至達磨

支那  
撰述

圓悟佛果禪師語錄卷十六

八

西來神光瞥地自爾多沒量大人特達精通只向動用瞬揚語默舒卷縱擒與奪顯發底事長時已思不露等閑兀兀地若百不知百不會底人及乎挨拶著便見驚羣動衆雖然鞠其至趣初無如許多事唯直下明妙一切無心而已苟能棄去學解執著放教閑閑地聖諦亦不爲自然契合從上來綱宗便可入此選佛場中轉度未度轉化未化得不是再來人間世不依倚一物無爲絕學真正出格大道人耶詔使觀察楊公無咎高識遠見博學多能而於祖道尤深造詣智鑑機警未舉先知未言先透在都下日獲叅陪

茲沿帝命使宣撫司再會錦官特辱道照臨還索葛藤因出此納敗缺云

示成都府雷公悅居士

如今照了本心圓融無際色聲諸塵那可作對迥迥獨脫虛淨明妙要須徹底提持勿令浮淺直下高而無上廣不可極淨裸裸圓垛垛無漏無爲千聖依之作根本萬有由之建立應須斗頓回光自照令絕形段分明圓證萬變千化無改無移謂之金剛王謂之透法身餉間行住坐卧無不透徹物物頭頭靡有間隔喚作乾白露淨單明自心不可只麼守之守住便

支那  
撰述

圓悟佛果禪師語錄卷十六

九

落窠窟却須猛割猛斷十分棄捨轉捨轉明轉遠轉近抵死打疊令斷却命去始是絕氣息人方解向上行履若論向上行履唯已自知知亦不立釋迦彌勒文殊普賢德山臨濟不敢正眼覷著豈不是奇特士一棒上一喝下一句一言若細若麤若色若香一時穿透方稱無心境界養得如嬰兒相似純和冲淡雖在塵勞中塵勞不染雖居淨妙處淨妙收他不住隨性任緣饑餐渴飲善尚不起念惡豈可復爲所以道隨緣消舊業更不造新殃道貴無心禪絕名理唯忘懷泯絕乃可趣向回光內



燭脫體通透更不容擬議直下桶底子脫入此大圓寂照勝妙解脫門一了一切了只守閑閑地初不分彼我勝負纔有毫芒見刺即痛刻之放教八達七通自由自在長養綿密千聖亦覲不見自己尚似冤家只求得遠離不隈傍儵然澄淨虛而靈寂而照勇猛斷割徹底無纖毫撓冒次王老師謂之作活計趙州除粥飯二時是雜用心悠久踐履使純熟乃合從上來無心體道密密作用自見工夫到下梢結角頭自然如懸崖撒手豈不快哉

天冊一

圓悟集禪師語卷十六

十一

### 與耿龍學書

妙喜示來教見屹屹於此意況甚濃真不怠悲願也而以宗正眼照破義路情解透見肝膽何明眼如此正宗久寂寥後昆習窠臼守箕裘轉相鈍致舉世莫覺其非大家隨語生解祖道或幾乎息矣不有超卓穎悟之士何以規正哉此真正念乃真外護也時節擾擾山居領衆亦未可保全尚未有可乘之便爲轉身之計爾果佛日一夏遣叅徒踏逐山後古雲門高頂欲誅茅隱遁其志甚可尚今令謙去山叟爲書數語及疏頭亦與輟長財成之可取一觀也渠欲奉鋤

正在高裁也

拈古上

舉百丈再叅馬祖祖見來拈拂子豎起百丈云卽此用離此用祖掛拂子於舊處侍立片時祖云爾已後鼓兩片皮如何爲人丈取拂子豎起祖云卽此用離此用丈掛拂子於舊處馬祖便喝百丈大悟後來謂黃檗云我當時被馬祖一喝直得三日耳聾汾州云悟去便休說什麼三日耳聾石門云若不是三日耳聾爭承當得這一喝雪竇云要會三日耳聾麼大冶精金應無變色師云然則作家共相提唱不妨各有

天冊一

圓悟集禪師語卷十六

十一

爲人眼要且只明得馬祖百丈大機未明馬祖百丈大用不惜眉毛露箇消息也要諸方檢責還知這一喝麼直似奮雷霆聽者喪膽亡魂要會三日耳聾正如擊塗毒鼓聞者喪身失命舉拂子云或有箇問卽此用離此用和聲便打隨後與喝復云還見馬祖百丈麼

舉僧問雲門佛法如水中月是否門云清波無透路僧云和尚從何得門云再問復何來僧云便恁麼去時如何門云重疊關山路師云清波萬里湛寂凝然寶月凌虛光吞羣象這僧泛一隻船入雲門法海裏

引得一陣猛風看伊把拖張帆也不易當抵及至下梢可惜輸却一籌且道是什麼處是輪處試辨看舉翠巖示衆云一夏與兄弟東語西話看翠巖眉毛在麼師云輪機是算人之本翠巖坐却人舌頭無鵠啄處長慶云生也因事長智保福云作賊人心虛是精識精門云關據款結案雖宗師競酬還截得翠巖脚跟麼不躡前蹤試請道看

舉僧問雲門初秋夏末前程或有人問未審對他道什麼門云大衆退後僧云過在什麼處門云還我九十日飯錢來師云這僧貪觀白浪雲門見機而作雖

文那  
撰述

圓悟佛果禪師語錄卷十六

十三

則截鐵斬釘未是本分草料有問崇寧只對道驢事未了馬事到來待伊如何若何劈脊便棒舉趙州云老僧答話去也解問底置將一問來僧出禮拜趙州云比來拋磚引玉却引得箇鑿子後來法眼舉問覺鐵背此意如何覺云與和尚說箇喻如國家拜將相似問云何人去得有云某甲去得答云汝去不得法眼云我會也師云諸方盡道趙州得逸羣之用一期間施設不妨自在這僧要擊節扣關電光中卒著手脚不辨覺鐵背能近取譬不墜家聲法眼有通方鑑便知落處敢問既是宗師爲什麼拋磚只

引得箇鑿子試參詳看

舉玄紹二上座見烏曰烏曰問近離什麼處僧云江西曰便打僧云久響和尚有此機要曰曰汝旣不會第二箇近前其僧茫然曰亦打云同坑無異土叅堂去雪竇云宗師眼目須是恁麼如金翅鳥擘海直取龍吞有般漢眼目未辨東西拄杖不知顛倒只管說照用同時人境俱奪師云雪竇明辨古今分別邪正若不知有爭焦麼道雖然只見烏曰放行要明烏曰把住處麼直得釋迦彌勒猶爲走使據令而行盡大地人竝須喫棒

文那  
撰述

圓悟佛果禪師語錄卷十六

十三

舉睦州示衆云我見百丈不識好惡大衆纔集以拄杖一時趕下復召大衆衆迴首百丈云是什麼有什麼共語處黃檗和尚大衆纔集以拄杖一時趕下復召大衆衆迴首檗云月似彎弓少雨多風猶較些子雪竇云說什麼猶較直是未在若是雪竇以拄杖趕下便休可中有箇無孔鐵槌善能擔荷可以籠罩古今乾坤坐斷師云古人各出一隻手提振綱宗誘掖後進功不浪施仔細點檢將來百丈將棒喚狗未免相顧睚眦黃檗香餌綴鈎吞著喪身失命睦州當衆舉覺與賊過梯雪竇要人擔荷無風起浪今日總不

恁麼各請歸堂

舉文殊菩薩問維摩居士云我等各自說已云何是仁者所說不二法門師云這一轉語叢林話會不少有道默然有道良久有道據坐有道不對要且摸索不著直得其聲如雷普驚羣動自古及今前聖後聖所說法門只向維摩片時之間一時顯現且道正當恁麼時作箇什麼得見維摩

舉風穴在郢州陞座云祖師心印狀似鐵牛之機去卽印住住卽印破只如不去不住印卽是不印卽是時盧陂長老出問某甲有鐵牛之機請師不搭印穴

文和

圓悟佛果禪師語錄卷六

十四

云慣釣鯨鯢沈巨浸却將蛙步驟泥沙陂佇思穴喝云長老何不進語陂擬議穴便打一拂子云長老還記得話頭麼試舉看陂擬開口穴又打一拂子牧主云將知佛法與王法一般穴云見箇什麼道理牧主云當斷不斷返招其亂穴便下座師云風穴擲三玄戈甲施四種主賓明立信旗密排陣敵及至盧陂纔跨鐵牛劃時擒下遂令牧主知歸所謂龍馳虎驟鳳翥鸞翔雖然若是崇寧待伊道有鐵牛之機劈脊便棒殺人刀活人劍還知落處麼

舉僧問投子一大藏教還有奇特事也無投子云演

出一大藏教師云差病不假驢馱藥

舉三角示衆云若論此事眨上眉毛早已蹉過麻谷出問蹉過則不問如何是此事角云蹉過麻谷掀倒禪牀三角劈脊便棒師云劍刃上顯殺活電光裏分縑素不妨眼辦手親是致箭鋒相拄雪竇云兩箇老漢眉毛也未曾眨上說什麼此事蹉過師云慣調金鏃久歷沙場一箭落雙鵰人前誇敏手雖然大似把手上高山未免傍觀者哂若據崇寧見處喚作此事早是好肉上剗瘡了也何況更論眨上眉毛早已蹉過麻谷雪竇賊過後張弓則故是更有一箇鶻拈拄

文和

圓悟佛果禪師語錄卷六

十五

杖便下座

舉舍利弗問須菩提夢中說六波羅蜜與覺時是同是別師拈云低聲低聲須菩提云此義幽深吾不能說師拈云爛泥裏有刺會中有箇彌勒大士可往問之師拈云推過別人又爭得舍利弗遂問彌勒師拈云將錯就錯彌勒云誰爲彌勒誰是彌勒者師拈云面皮厚三寸

舉僧問五祖一大藏教是箇切脚未審切那箇字祖云八囉娘師云迅雷不及掩耳

舉大滄示衆云今時人只得大機不得大用仰山



此語似塔主塔主踏翻凳子為山聞得呵呵大笑師云須知大機中有大用大用中有大機且道雙放雙收時如何刹竿頭上仰蓮心

舉藥山謂雲巖云與我喚沙彌來巖云和尚喚他作麼山云我有箇折脚鐺子要伊提上挈下巖云恁麼則與和尚出一隻手去也師云舉一明三是衲僧尋常行履雲巖既告往知來藥山亦不謬分付崇寧雖百醜千拙有箇沒底藍子更望諸人兩手提挈何故有條攀條

舉僧問破竈墮如何是大修行人竈云擔枷抱鎖僧

文師  
撰述

圓悟佛果禪師語錄卷六

十六

云如何是大作業人竈云坐禪入定復云會麼僧云不會竈云汝問我善善不從惡汝問我惡惡不從善後有僧舉似安國師安云此子會盡諸法無生師云窮善善自何生究惡惡從何起若能明見這箇田地便是諸法無生有問崇寧如何是大修行人對他道坐禪入定如何是大作業人對他道擔枷抱鎖且道是同是別

舉僧問趙州未有世界早有此性世界壞時此性不壞如何是不壞之性州云四大五蘊僧云此猶是壞底如何是不壞之性州云四大五蘊師云千尺寒潭

徹底清

舉長生問長慶混沌未分時如何慶云露柱懷胎生云分後如何慶云片雲點太清生云只如太清還受點也無慶不對生云恁麼則合生不來也慶亦不對生云直得絕清絕點時如何慶云猶是真常流注生云如何是真常流注慶云如鏡常明生云未審向上還有事也無慶云有生云如何是向上事慶云打破鏡來相見師云長生善問長慶善答膠漆相投水乳相合不見古者道身從無相中受生猶如幻出諸形相幻人心識本來無罪福皆空無所住若明此箇頌

文師  
撰述

圓悟佛果禪師語錄卷六

十七

便見二老宿問答始知父母未生已前既生之後全體露現且道打破鏡來如何相見撫掌云了舉雪峯問僧近離甚處僧云覆船峯云生死海未渡為什麼覆却船僧無語覆船代云瀑無生死雪竇代云久響雪峯師代云便與掀倒禪牀師云雪峯有驗人句覆船有透關眼雪竇有陷虎機且道崇寧成得箇什麼邊事

舉雪峯示眾云世界闊一丈古鏡闊一丈世界闊一尺古鏡闊一尺玄沙指火爐云且道火爐闊多少峯云如古鏡闊沙云老和尚脚跟未點地在師云現成



公案古鏡本非火爐打破籠羅火爐卽是古鏡若無  
父子投機爭見赤心片片諸人作麼生會他道這老  
漢脚跟未點地狂如來實杖親蹤跡  
舉雲門示衆云你若實未得箇入頭處三世諸佛狂  
你脚跟下一大藏教在你舌頭上且向葛藤處會取  
師云崇寧土上加泥敢道直得爲山水牯觸殺東海  
鯉魚陝府鐵牛吞却嘉州大像  
舉古者道這一片田地分付來多時也我立地待你  
構去法眼云這一片田地分付來多時也我坐待你  
構去師云這一片田地分付來多時也我今日當衆

圓悟佛果禪師語錄卷十一

十八

慶巖  
舉前寶壽問後寶壽父母未生已前那箇是本來面  
目後寶壽罔措一日在市見二人相爭有一人相勸  
云你得恁麼無面目壽遂大悟師云築著磕著當頭  
彰本地風光應聲應色直下無私毫透漏還會他道  
得恁麼無面目麼龍袖拂開全體現  
舉南泉示衆云王老師自小養得一頭水牯牛擬向  
溪東牧不免食他國王水草擬向溪西牧亦不免食  
他國王水草不如隨分納些些總不見得師云和光  
順物與世同塵不犯鋒鋷收放自在是南泉本分草

料山僧自小亦養得一頭水牯牛有時孤峯獨立有  
時開市縱橫不論溪東溪西一向破塵破的且道卽  
今在什麼處著眼看  
舉僧問鏡清學人未達其源乞師指示清云是什麼  
源僧云其源清云若是其源爭受指示僧去後侍者  
問適來是成禪伊否清云無者云是不成禪伊否清  
云無者云和尚尊意如何清云一點水墨兩處成龍  
師云鏡清具本分鉗鎚有作家爐鞴正如明鏡當臺  
舉無遺照雖則赴感應機要且猶費葛藤若是山僧  
忽有問未達其源對他是什麼源待伊道其源劈脊

圓悟佛果禪師語錄卷十一

十九

便棒更有問是成禪伊否無和尚尊意若何劈脊便  
棒非唯截斷衆流亦乃光揚宗眼還辨得出麼  
圓悟佛果禪師語錄卷十六  
校諱 第十九紙 三行處下南  
音釋 昧 莫禮切物藏 懷慨 懷口浪切慨口既 瞋  
切張 瞋 瞋莫紅切瞋昌容 瞋 瞋物也 桎梏 桎  
也 日切足械也桎 綖 綖結切 梧 梧切 餉 餉式亮切 憂  
姑沃切手械也 綖 綖結切 梧 梧切 餉 餉式亮切 憂  
切 所交 颯 颯職切 瞬 瞬輪切 屹 屹苦骨切 屹  
長 輟 輟劣切長 眈 眈牛解切 眈 眈牛解切 眈  
切馬土 禡 禡陳知 眈 眈牛解切 眈 眈牛解切 眈  
浴也 禡 禡陳知 眈 眈牛解切 眈 眈牛解切 眈  
（附錄居士傳之施刻 佛果禪師語錄卷十六 卷十七 卷十八 卷十九 卷二十 卷二十一 卷二十二 卷二十三 卷二十四 卷二十五 卷二十六 卷二十七 卷二十八 卷二十九 卷三十 卷三十一 卷三十二 卷三十三 卷三十四 卷三十五 卷三十六 卷三十七 卷三十八 卷三十九 卷四十 卷四十一 卷四十二 卷四十三 卷四十四 卷四十五 卷四十六 卷四十七 卷四十八 卷四十九 卷五十 卷五十一 卷五十二 卷五十三 卷五十四 卷五十五 卷五十六 卷五十七 卷五十八 卷五十九 卷六十 卷六十一 卷六十二 卷六十三 卷六十四 卷六十五 卷六十六 卷六十七 卷六十八 卷六十九 卷七十 卷七十一 卷七十二 卷七十三 卷七十四 卷七十五 卷七十六 卷七十七 卷七十八 卷七十九 卷八十 卷八十一 卷八十二 卷八十三 卷八十四 卷八十五 卷八十六 卷八十七 卷八十八 卷八十九 卷九十 卷九十一 卷九十二 卷九十三 卷九十四 卷九十五 卷九十六 卷九十七 卷九十八 卷九十九 卷一百）

圓悟佛果禪師語錄卷第十七

宋平江府虎丘山門人紹隆等編

拈古中

舉德山小叅示衆云老僧今夜不答話問話者三十棒時有僧出禮拜山便打僧云某甲話也未問因甚打某甲山云你甚處人僧云新羅人山云未跨船舷好與三十棒師云德山大似金輪聖王褰中獨據四方八表無不順從等閑布一勅施一令直得草偃風行若不是這僧爭見殺活擒縱威德自在法眼云大小德山話作兩極圓明云大小德山龍頭蛇尾雪竇

文那

圓悟佛果禪師語錄卷十七

一

云德山握閫外威權有當斷不斷不招其亂底劍雖則直截單提各能扶豎德山要且只扶得末後句未扶得最初句在且作麼生是德山最初句大鵬欲展摩霄翅誰顧崩騰六合雲

舉太原孚上座問鼓山父母未生已前鼻孔在什麼處山云卽今生也鼻孔在什麼處孚不肯乃云你問我與你道鼓山問父母未生已前鼻孔在什麼處孚但搖扇而已師云奇特因緣須以奇特激發殊勝大事須以殊勝舉揚雖然隱顯無差其奈巧拙有異或有問崇寧父母未生已前鼻孔在什麼只劈口便掌

文那

圓悟佛果禪師語錄卷十七

二

鼓聲齊振或有箇拍手呵呵大笑直向伊道觀音菩薩來也

舉道吾與漸源至一家吊慰源撫棺櫬問吾云生死耶道吾云生也不道死也不道源云爲什麼不道吾云不道不道漸源罔測後來在一處聞誦觀音經應以比丘身得度者卽現比丘身而爲說法忽然大悟師云道吾橫身爲物指出生死根源親到寶山一問當面蹉却若不是金剛正性宿植根深爭得向平田淺草驀地回光見得道吾著力相爲處且作麼生是道吾著力相爲處試請道看

舉僧問鏡清新年頭還有佛法也無清云有僧云如何是新年頭佛法清云元正啓祚僧云謝師答話清云鏡清今日失利又僧問明教新年頭還有佛法也無教云無僧云年年是好年爲什麼却無教云張翁與酒李翁醉僧云老老大大龍頭蛇尾教云明教今日失利師云鏡清道有也失利明教道無也失利且道諸說在什麼處若明得去不妨識進退別休咎始知一句下有分身之意有出身之路今日崇寧忽有人問新年頭還有佛法也無對他道不在這兩頭他或道爲什麼如此崇寧今日失利且道與古人是同

支那  
撰述

圓福果禪師語錄卷十七

三

是別

舉靈雲見桃華悟道頃三十年來尋劍客幾回葉落又抽枝自從一見桃華後直至如今更不疑玄沙云諦當甚諦當敢保老兄未徹在師云千鈞之弩不爲鼯鼠發機靈雲既撥動天關玄沙乃掀翻地軸且道那箇是未徹處具透關眼者試請辨看  
舉遵布衲在藥山浴佛次山云你浴得這箇還浴得那箇麼遵云把將那箇來師云藥山問處閭隔重關遵老答來一槌兩當不可只守這一路也或有問崇寧只浴得這箇還浴得那箇麼提起杓子向伊道何

似生

舉古者道護生須是殺殺盡始安居會得箇中意鐵船水上浮師云且道殺箇什麼殺衆生物命凡夫見解殺六賊煩惱座主見解殺佛殺祖大闡提人見解衲僧分上畢竟殺箇什麼試定當看

舉世尊於一處安居至自恣日文殊在會迦葉問文殊何處安居文殊云今夏二處安居迦葉於是集衆白槌欲擯文殊卽見無量世界一一界中有一一佛一一文殊一一迦葉白槌欲擯文殊世尊謂迦葉云汝今欲擯那箇文殊迦葉茫然師云鍾不擊不響鼓

支那  
撰述

圓福果禪師語錄卷十七

四

不打不鳴迦葉既把斷要津文殊乃十方坐斷當時好一場佛事放過一著待釋迦老子道欲擯那箇文殊便與擊一槌看他作麼生合殺  
舉石室見僧來拈起拄杖云過去諸佛也恁麼現在諸佛也恁麼未來諸佛也恁麼長沙云放下拄杖子別通箇消息來師云石室置箇問端不妨孤峻若非長沙爭得投機雖然只知恁麼不知不恁麼遂舉拄杖云過去諸佛不恁麼現在諸佛不恁麼未來諸佛不恁麼或若總道放下拄杖子我也知你只是學語之流生機處道將一句來



舉保壽開堂三聖推出一僧壽便打三聖云恁麼爲人非但瞎却這僧眼瞎却鎮州一城人眼去在保壽擲拄杖下座師云保壽大似毒龍攪海直得雨似傾盆三聖雖雷震青霄焉助得威光一半可中有箇直下承當非但瞎却鎮州一城人眼瞎却天下人眼去在

舉傳大士云終日焚香擇火不知身是道場玄沙云終日焚香擇火不知真箇道場師云終日焚香擇火不知焚香擇火

舉僧問長慶有問有答賓主歷然無問無答時如何

支那

圓悟佛果禪師語錄卷十七

五一

慶云怕爛却那僧問睦州有問有答賓主歷然無問無答時如何州云相逢盡道休官去林下何曾見一人師云若問崇寧有問有答賓主歷然無問無答時如何對他道收得安南又憂塞北

舉睦州陞座云首座咏答云在寺主咏答云在維那咏答云在州云三段不同今當第一向下文長付在來日師云一等是借路經過就中奇恠若是崇寧又且不然首座咏在寺主咏在維那咏在因行不妨掉臂打草只要驚蛇若能一撥便轉免致撒土撒沙舉長慶示衆云撞著道伴交扇過一生參學事畢師

拈云撞著道伴交扇過露柱燈籠共證明

舉南泉示衆云文殊普賢昨夜起佛見法見各與二十棒貶向二鐵圍山去也趙州出云和尚棒教誰喫泉云王老師有什麼過州禮拜南泉便歸方丈師拈云南泉動絃趙州曲苦痛蒼天寒山拾得若是崇寧則不然燈籠露柱昨夜起佛見法見各與二十棒令歸本位去也或有箇出云和尚棒教誰喫只對他道落賓落主

舉古者道十五日已前不得住我這裏你若住我這裏我用錐錐你十五日已後不得離我這裏你若離

支那

圓悟佛果禪師語錄卷十七

六一

我這裏我用鈎鈎你正當十五日且道用錐卽是用鈎卽是師拈云放行處把住把住處處放行是則是爲人鉗鍵爭奈傷鋒犯手若是崇寧則不然十五日已前不得住我這裏你若住我這裏我放火燒你十五日已後不得離我這裏你若離我這裏我放火燒你正當十五日化爲萬斛明珠撒在大千沙界處處盡放光明各各急須著眼

舉昔日摩耶夫人聖母左手攀枝釋迦老子右脇降誕九龍吐水沐浴金軀便乃周行七步目顧四方一手指天一手指地作大師子吼云天上天下惟我獨



尊後來雲門大師道我當時若見一棒打殺與狗子  
喫貴圖天下太平師拈云驚羣之句須向驚羣處舉  
揚奇特之事須遇奇特人前拈出釋迦老子可謂驚  
羣雲門大師不妨奇特直下以不可測度底機輪向  
千聖頂額上撥轉若能恁麼體會始知釋迦把斷要  
津雲門知恩解報且道落在什麼處還會麼棒頭有  
眼明如日要識真金裏看

舉外道問佛不問有言不問無言世尊良久外道禮  
拜讚歎云世尊大慈大悲開我迷雲令我得入外道  
去後阿難問佛外道有何所證而言得入世尊云如

二六部  
撰述

圓悟集禪師語錄卷十七

七

世良馬見鞭影而行師拈云外道因邪打正世尊看  
樓打樓阿難不善旁觀引得世尊拖泥帶水若據山  
僧見處待伊道不問有言不問無言和聲便打及至  
阿難問外道有何所證而言得入亦和聲便打何故  
殺人須是殺人刀活人須是活人劍

舉祖師道正說知見時知見即是心當心卽知見知  
見卽如今師拈云若明心達本知見歷然正說正行  
當陽顯赫且作麼生是卽如今底事大家齊著力共  
唱太平歌

舉僧問馬祖如何是祖師西來意祖云近前來向你

道僧近前祖劈耳便掌云六耳不同謀後來南禪師  
道古人尚六耳不同謀那堪三二百衆浩浩地商量  
禍事禍事師拈云南禪不妨因風吹火也未免隨語  
生解若有問道林如何是祖師西來意只對他道水  
長船高泥多佛大

舉泰首座到洞山值喫果子洞山云有一物上拄天  
下拄地常在動用中動用中收不得未審過在什麼  
處泰云過在動用洞山云侍者掇退果卓師拈云天  
下衲僧盡道泰首座箭鋒不相拄所以遭洞山貶剝  
後來滄山真如道此果子莫道泰首座不得喫三世

二六部  
撰述

圓悟集禪師語錄卷十七

八

諸佛也不敢正眼觀著師云宗師家正令當行十方  
坐斷有定乾坤句辨龍蛇眼不妨難越當時若是英  
靈衲子解將虎鬚待他道過在什麼處便拈起果子  
云和尚畢竟喚作什麼待他擬議劈面便擲何故有  
意氣時添意氣不風流處也風流

舉雲門示衆云結夏得數日也寒山子作麼生大滄  
真如道結夏得數日也水牯牛作麼生師拈云結夏  
得數日也諸上座作麼生復云寒山子意在鉤頭水  
牯牛事在函蓋且道諸上座落在什麼處惜取眉毛  
舉洞山與密師伯到柏巖巖問二上座在什麼處來

山云湖南不嚴云觀察使姓什麼山云不委他姓嚴云名什麼山云不委他名嚴云還理事也無山云自有廊幕在嚴云還出入否山云不出入嚴云豈不出入山拂袖出去嚴至來日侵早入堂召二上座二人近前嚴云昨日問上座話不愜老僧意一夜不安今請上座別一轉語若昇老僧意便開粥飯相伴過夏山云却請和尚問嚴云不出入山云太尊貴生嚴乃開粥同過夏師拈云正偏回互只要圓融直截當機惟崇尊貴洞山觀機而作柏嚴理長則就雖然如是曹洞門下即得若於臨濟宗中須別作箇眼目始得

當時待伊道不委名便向伊道他不委你你不委他敢問合道得什麼語還有人道得麼若有山僧也不開粥只分付箇龜毛拂子若道不得且叅三十年舉僧問趙州萬法歸一一歸何處州云我在青州作一領布衫重七斤師拈云摩醯三眼一句洞明似海朝宗千途共轍雖然如是更有一著在忽有問蔣山萬法歸一一歸何處只對他道饑來喫飯困來眠舉道吾漸源至一家弔慰源撫棺木云生耶死耶吾云生也不道死也不道源云爲什麼不道吾云不道不道行至中路源云請和尚爲某甲道若不道則打

和尚去也吾云打卽任打道卽不道師拈云銀山鐵壁有什麼階昇處山僧今夜錦上鋪華八字打開商量這公案去也生也全機現死也全機現不道復不道箇中無背面直下便承當不隔一條線逼塞大虚空赤心常片片

舉南際到雪峯經月次見玄沙沙云長老唯我能知際云須知有不求知者沙云山頭老漢費許多氣力作麼師拈云玄沙放去太嶮收來太速若據金山則不然此事唯我能知須知有不求知者只向他道也知長老不分外還委悉麼一鑢破三關分明箭後路

舉僧問巴陵如何是道陵云明眼人落井僧問石頭如何是道頭云木頭僧又問韶國師如何是道國師云四生浩浩師拈云宗師家爲人各有出身處若是通方之士一舉便知苟未相諳不免指注只如一箇問頭三人恁麼答且道是那一句親切還委悉麼一鑢破三關分明箭後路

舉僧問香林如何是衲衣下事林云臘月火燒山雪實云臘月火燒山萬種千般翹松鶴冷踏雪人寒達磨不會大難大難師拈云大小雪實隨婁湫不能截斷誚訛若定道林卽不然臘月火燒山特地無端綿

包特石鐵裏泥團

舉雪峯示衆云盡大地撮來如粟米粒大拋向面前漆桶不會打鼓普請看師拈云絕天維立地紀未足稱奇肇太華逗河源亦非敏手若向箇裏覷得透便可以撒驪龍窟明珠噴梅檀林香氣豈不快哉山僧今日不避泥水放一線道乃拈拄杖云還見雪峯麼遂卓拄杖云剗

舉臨濟與普化一日同往施主家齋濟問毛吞巨海芥納須彌爲復是神通妙用爲復是法爾如然化踢倒飯牀濟云太麤生化云這裏是什麼所在說麤說

支那撰述

圓庵集禪師語錄卷七

十一

細濟休去來日又同一施主家齋濟復問今日供養何似昨日化又踢倒飯牀濟云太麤生化云瞎漢佛法說甚麤細濟吐舌師拈云精金不百煉爭見光輝至寶不酬價爭辨真假不是臨濟不能驗他普化不是普化不能抗他臨濟所謂如水入水如金博金雖然如是放過則彼此作家點檢則二俱失利具擇法眼者試請辨看

舉筇有秀才問長沙某甲曾看千佛名經百千諸佛但見其名未審居何國土長沙召秀才才應諾沙云黃鶴樓崔顥題後秀才還曾題否才云不曾題沙云

得閑題取一篇好師拈云薨刀劈面解辨者何人劈箭當留承當者有幾若能向奔流度刃疾談過風處見長沙橫身爲物去不消一捏其或隨言詮入露布便謂問東答西裂轉話頭且作麼生是長沙端的處還委悉麼殺人刀活人劍

舉趙州訪一庵主便云有麼有麼庵主豎起拳頭州云水淺不是泊船處便去又訪一庵主亦云有麼有麼庵主亦豎起拳頭州云能縱能奪能殺能活禮拜而去師拈云佛祖命脉列聖鉗鎚換斗移星經天緯地有般漢未出窠窟只管道舌頭在趙州口裏殊不

支那撰述

圓庵集禪師語錄卷七

十二

知自己性命已屬他人若能握向上綱宗與二庵主相見便可以定龍蛇別縉素正好着力還知趙州落處麼切忌顚顛

舉僧問長沙作麼生轉得山河大地歸自己去沙云作麼生轉得自己歸山河大地去師拈云得人一牛還人一馬

舉雲門示衆云百草頭上道將一句來衆無對自代云俱師拈云直得萬機寢削千眼頓開細如須彌大如芥子軟如鐵硬如泥雖然如是只道得一半或有問山僧只對他道收且道落在什麼處



舉興化一日上堂有一同叅來纔上法堂化便喝僧亦喝僧纔行三兩步化又喝僧亦喝僧擬進前化拈棒僧又喝化云你看這瞎漢猶作主宰在僧擬議化便直打下法堂却歸方丈侍者便問適來僧有甚語句觸忤和尚化云他適來也有照也有用也有權也有實我將手向伊面前劃兩遭到這裏便用不得似這般漢不打更待何時師拈云辨王庫刀振塗毒鼓掣電未足以擬其迅震雷未足以方其威可謂善驅耕夫之牛能奪饑人之食只如主賓互換有照有用有權有實則且致甚處是興化將手向伊面前劃兩

支那  
撰述

圓悟果禪師語錄卷十七

十三

遭處若這裏洞明可以荷負臨濟正法眼藏如或泥水未分未免瞎驢隨大隊舉仰山坐次大禪佛到翹一足云西天二十八祖亦如是唐土六祖亦如是和尚亦如是某甲亦如是仰山下禪牀打四藤條師拈云師資會過袞芥投針一期借路經過不免互相鈍置雪竇道藤條未到折因甚只打四下師云餬餅討什麼汁雪竇云須是箇斬釘截鐵漢始得師云大似隨邪逐惡大禪佛後到霍山自云集雲峯下四藤條天下大禪佛叅霍山云維那打鐘著禪便走師拈云這漢擔仰山一箇冬瓜印

子向人前賣弄若不是霍山幾被塗糊雖然可惜令行一半當時不用喚維那好與擒住更打四藤條且聽這漢疑三十年

舉雪峯會下有一僧辭去在山中卓庵多時不剃頭自作一柄木杓溪邊自水喫時有僧見問如何是祖師西來意主豎起杓子云溪深杓柄長僧歸舉似雪峯峯云也甚奇怪峯一日與侍者將剃刀去纔相見便問道得卽不剃汝頭主便取水洗頭峯便與伊剃却師拈云庵主雖生鐵鑄就雪峯柰是本分鉗槌當初若一向顚預爭見驚天動地還委悉麼金鑑慣調

支那  
撰述

圓悟果禪師語錄卷十七

十四

曾百戰鐵鞭多力恨無酬

舉僧問保福雪峯平生有何言句得似羚羊掛角時福云我不可作雪峯弟子不得那師拈云翡翠羽毛麒麟頭角重重光彩的相承要明陷虎之機須施峻崖之句雖然如是只知與麼來不知與麼去或有問山僧五祖平生有何言句得似羚羊掛角時只對道不敢孤負先師委悉麼山高豈礙白雲飛舉玄沙和尚到莆田縣衆以百戲迎之次日玄沙遂問小塘長老昨日許多喧鬧向什麼處去小塘提起袈裟角示之沙云料掉沒交涉大滌鼻如拈云大滌



卽不然或有問昨日許多喧鬧向什麼處去遂鳴指  
一下或有箇衲僧出云料掉沒交涉大滬却有伊何  
故大丈夫漢將虎鬚也是本分且道利害在什麼處  
師拈云二老宿雖是提振綱宗要且貪觀天上月而  
今或有箇出問道林適來許多喧鬧向什麼處去只  
對他道又是從頭起他若道料掉沒交涉劈脊便棒  
何故曹溪波浪如相似無限平人被陸沈

舉僧問投子如何是一大事因緣子云尹司空與老  
僧開堂師拈云人道投子實頭不妨忒煞淳朴若是  
山僧卽不然或有問如何是一大事因緣只對他道

文那  
撰述

圓悟佛果禪師語錄卷十七

十五

弄潮須是弄潮人

舉藥山一夜無燈燭示衆云我有一句子待犢牛生  
兒卽向汝道時有僧出云犢牛生兒也自是和尙不  
道山云把燈來其僧便歸衆洞山云這僧會則會只  
是不肯禮拜法燈云當時不要索燈但問他道生底  
是特牛兒牯牛兒又代云雙生也師拈云藥山垂釣  
意在鯢鯨這僧吞釣三千浪激洞山眼正千里同風  
法燈重整鎗旗再裝甲冑雖然如是山僧卽不然夾  
山有一句子威音王已前與諸人道了也或有問明  
頭合暗頭合只對他道龍得水時添意氣虎逢山勢

長威儼

舉巖頭叅德山入門便問是凡是聖山便喝頭禮拜  
洞山云若不是巖公大難承當巖頭聞云洞山老漢  
不識好惡錯下名言殊不知我當時一手擡一手搯  
師拈云德山據令而行只得一半洞山通方有眼千  
里同風巖頭既善據虎頭又能收虎尾大似作家戰  
將臨陣扣敵七事俱全不妨奇特敢問那箇是一手  
擡一手搯處謂言侵早起更有夜行人

舉僧問曹山恁麼熱向什麼處回避山云鏤湯爐炭  
裏回避僧云鏤湯爐炭裏作麼生回避山云衆苦不

文那  
撰述

圓悟佛果禪師語錄卷十七

十六

能到師拈云回機轉位宛爾通方直下似臘月蓮華  
雖然如是斬釘截鐵更饒一路或有問碧巖恁麼熱  
向什麼處回避只向他道鏤湯爐炭裏回避他若云  
鏤湯爐炭裏如何回避只向他道熱殺也何妨且道  
還有爲人處也無

舉陸亘大夫問南泉肇法師道天地與我同根萬物  
與我一體也甚奇怪南泉指庭前華召大夫云時人  
見此一株華如夢相似師拈云陸亘手攀金鎖南泉  
八字打開直得七珍八寶羅列目前乃豎起拂子云  
天地一指萬物一馬通身是眼分疎不下

舉興化示衆云今日不用如之若何便請單刀直入興化與你證明時有旻德長老出衆禮拜起便喝化亦喝德又喝化亦喝德便禮拜化云旻德今日却校興化二十棒若是別人一棒也少不得何故蓋爲他旻德會一喝不作一喝用師拈云作家相見須是恁麼機如掣電眼似流星原始要終扶頭接尾所謂羽毛相似言氣相合只如兩家互換相喝且作麼生辨得一喝不作一喝用要承當臨濟正法眼藏須明取二老宿意且道意作麼生百尺竿頭須進步紫羅帳裏撒真珠

文冊

圓悟佛果禪師語錄卷十七

十七

舉僧問雲門如何是清淨法身門云六不收師拈云只道得一半若問道林只對他道一不立遂成頌一不立六不收突然那更有蹤由無限青山留不住落華流水太悠悠  
舉僧問長慶如何是合聖之言長慶云山僧被閹梨一問直得口似匾檐師拈云是則是應機無差爭奈大驚小怪或有問道林如何是合聖之言只對他道誌公不是閑和尚剪刀只在臥牀頭  
舉臨濟道一喝分賓主照用一時行師喝一喝云且道是賓是主是照是用還委悉麼千峯勢到嶽邊止

萬派聲歸海上消

舉玄沙見鼓山來作一圓相山云人人出這箇不得沙云情知汝向驢胎馬腹裏作活計山云和尚又作麼生沙云人人出這箇不得山云和尚與麼道得某甲却與麼道不得沙云我得汝不得師拈云酌然這一條路作者方知直得窮天地亘萬古而不移消劫石空芥城而不盡便是透關底也須急著眼始得一等是與麼時節爲什麼我得汝不得切忌向驢胎馬腹裏作活計  
舉休靜在洞山作維那一日普請白槌云上間鋤地

文冊

圓悟佛果禪師語錄卷十七

十八

下間搬柴首座遂問云聖僧作箇什麼靜云當堂不正坐那赴兩頭機師拈云珠鑽九曲休靜可謂神功玉解連環山僧更資一路或有問聖僧作箇什麼只對他道廊如明鏡當堂照不動形聲應萬緣

圓悟佛果禪師語錄卷第十七

校論

第五紙

第七行傳大士南

第十紙

十九行

音釋

鵬薄登切

觀初觀切

愜快切

翹深切

博厄切

胡老

舍以沼切

犢徒谷切

特疾置切

公渾切

歲呼拈

吳江屋開張覺刻此佛果禪師語錄第十七卷京山沙彌云旁  
對 吳江屋開張覺刻此佛果禪師語錄第十七卷京山沙彌云旁  
深永陶詩刻 萬曆辛卯春清涼妙德庵識

圓悟佛果禪師語錄卷第十八

宋平江府虎丘山門人紹隆等編

拈古下

舉僧問馬大師離四句絕百非請師直指某甲西來意大師云我今日勞倦不能為汝說問取智藏去師著語云錯僧問智藏藏云我今日頭痛不能為汝說問取海兄師著語云錯僧問海海云我到這裏却不曾師著語云錯僧回舉似馬大師大師云藏頭白海頭黑師著語云錯錯師拈云若是明眼漢一舉便知落處白雲先師道這僧擔一擔懵懂換得箇不安樂

又

圓悟佛果禪師語錄卷十八

二

馬大師道藏頭白海頭黑白雲拈云風后先生只知其一不知其二只如山僧下五箇錯且道落在什麼處莫將閑學解埋沒祖師心

舉僧問雲門如何是法身上事門云向上與汝道即不難作麼生會法身僧云請和尚鑑門云鑑則且致你作麼生會法身僧云與麼與麼門云這箇是長連牀上學得底我問你法身還喫飯也無僧無語雪竇云將成九仞之山不進一簣之土保福云欠他一粒也不得又古德云喚什麼作飯師拈云雲門可謂驅耕夫牛奪饑人食權衡佛祖龜鑑宗乘所以後來

尊宿各出眼目扶立宗風雖然如是只明得法身邊事未明得法身上事且如何是法身上事域中無向背闔外有權衡

舉保壽開堂三聖推出一僧壽便打聖云恁麼為人非但瞎却這僧眼瞎却鎮州一城人眼去在壽便歸方丈師拈云保壽全機擔荷不妨奇特要且只得一邊當時若善發明臨濟正法眼藏待三聖道恁麼為人非但瞎却這僧眼瞎却鎮州一城人眼去在便與本分草料何故一不做二不休

舉金牛行食次問龐居士生心受食淨名已呵去此

又

圓悟佛果禪師語錄卷十八

二

二途居士還甘否士云當時善現豈不作家牛云豈干他事士云食到口邊被人奪却金牛便行食士云不消一句子師拈云善現作家金牛奇特盡被龐居士一時領過了也只如龐居士道不消一句子且道是那一句端坐受供養施主常安樂

舉僧問石門年窮歲盡時如何門云東村王老夜燒錢師拈云可謂神通妙用僧復問開先暹和尚年窮歲盡時如何暹云依舊孟春猶寒師拈云不妨田地穩密忽有問道林年窮歲盡時如何只對他道定盤星上轉風車



舉三聖道我逢人則出出則不爲人興化道我逢人則不出出則便爲人師拈云一人在孤峯頂上土面灰頭一人在十字街頭斬釘截鐵有頭有尾同死同生且道出則不爲人底是出則便爲人底是豎起拂子云萬古碧潭空界月再三撈撈始應知

舉龍牙問翠微如何是祖師西來意微云與我過禪版來牙取禪版與翠微微接得便打牙云打則任打要且無祖師西來意牙又問臨濟如何是祖師西來意濟云與我過蒲團來牙取蒲團與臨濟濟接得便打牙云打即任打要且無祖師西來意住院後僧問

五教部

圖傳佛果禪師語錄卷八

三

和尚當年見二尊宿是肯伊不肯伊牙云肯即肯要且無祖師西來意師拈云這漢叅來莽箇學處顛顛雖然顧後瞻前爭奈藏身露影既是無祖師西來意用肯作麼若向箇裏辨得山僧與你拄杖子若辨不得和鼻孔一時失却

舉僧問雲門樹彫葉落時如何門云體露金風師拈云雲門善巧方便可謂即事即理即隱即顯三句可辨一簇遼空雖然猶是粘皮著骨若有問蔣山樹彫葉落時如何只對他道撐天拄地且道是三句是一簇試玉須經火求珠不離泥

舉懶瓚和尚云吾有一言絕慮忘緣巧說不得只要心傳師拈云這老漢魚行水濁漏逗不少雖然如是箇中或有解忘緣能絕慮者出來道作麼生是心傳若也會得已傳了也若會不得心即且置畢竟是那箇一言歸堂歇去

舉雪竇云乾坤之內宇宙之間中有一寶掛在壁上達磨九年面壁不敢正眼覷著如今衲僧要見劈脊便打師拈云雪竇妙中之妙奇中之奇向佛祖頭上提持衲僧頂門鑿竅不妨自在要且只見錐頭利不見鑿頭方若是蔣山則不然乾坤之內宇宙之間中

五教部

圖傳佛果禪師語錄卷八

四

有一寶豎起拄杖子云在拄杖頭上拈起也天回地轉放下也草偃風行有時八臂三頭有時壁立千仞如今莫道衲僧要見直饒千聖出來列祖齊至並須倒退三千里敢問大衆且道什麼人合得受用分付天台木上座突出南山鼈鼻蛇攬拄杖下座

舉僧問大梅如何是祖師西來意梅云西來無意僧舉似鹽官官云一箇棺木兩箇死漢雪竇云三箇也有師拈云一串穿却

舉靈雲頌云三十年來尋劍客幾回葉落又抽枝自從一見桃華後直至如今更不疑玄沙云諦當甚諦



當敢保老兄未徹在師拈云唱彌高和彌寡雪曲陽  
春殺人刀活人劍利物之要有般底尚拘聞見隨語  
作解便說相謾誰不知日下孤燈已失先照畢竟什  
麼處是未徹處壺中日月長

舉玄沙問僧近離甚處僧云瑞巖沙云瑞巖有何言  
句僧云長喚主人公自云喏喏惺惺著他日莫受人  
謾沙云一等是弄精覓也甚奇恠復云何不且往彼  
中住僧云瑞巖遷化了也沙云如今還喚得應麼僧  
無語雪竇云蒼天蒼天師拈云萬丈寒潭徹底月在  
當心千尺巖松倚天風生幽谷直得凜凜孤標澄澄

支那  
撰述

圓悟佛果禪師語錄卷十八

五

風彩及至月離碧嶂影落雲衢遂乃當面蹉却當時  
這僧若是箇漢待伊道卽今還喚得應麼當下便喝  
非唯把定玄沙要津亦與瑞巖老子出氣

舉僧問風穴九夏賞勞請師言薦穴云一把香芻拈  
未暇六鑲金錫響搖空師拈云風穴用得當陽事不  
妨風流儒雅要且只道得途中句或有問道林九夏  
賞勞請師言薦只對他道四絕堂邊呈瑞氣三湘江  
畔奪高標

舉舍利弗一日入城見月上女出城舍利弗問云什  
麼處去女云如舍利弗恁麼去舍利弗云我方入城

汝方出城何言如舍利弗恁麼去女云諸佛弟子當  
住何處弗云諸佛弟子當住大涅槃女云諸佛弟子  
既住大涅槃我如舍利弗恁麼去師拈云住無所住  
行無所行見無所見用無所用各人脚跟下廊同太  
虛如十日竝照觸處光輝苟知恁麼則與月上女同  
證無生得不退轉隨去來處無不皆在大解脫中三  
世諸佛鼻孔一時穿却說什麼如舍利弗恁麼去  
舉師祖問南泉云摩尼珠人不識如來藏裏親收得  
如何是藏泉云王老師與汝往來者是祖云直得不  
往來時如何泉云亦是藏祖云如何是珠泉云師祖

支那  
撰述

圓悟佛果禪師語錄卷十八

六

祖應喏泉云去汝不會我語師拈云南泉一期垂手  
收放擒縱則不無要且未見向上事在只如盡大地  
是如來藏向什麼處著珠盡大地是摩尼珠喚什麼  
作藏若明得有轉身處許他只具一隻眼

舉僧問香林如何是衲衣下事林云臘月火燒山師  
拈云舉一明三衲僧孔竅千差一轍本分鉗鎚雖然  
如是或有問道林如何是衲衣下事只對他道綿包  
特石

舉南泉問僧昨夜好風僧云昨夜好風泉云吹折門  
前一株松僧亦云吹折門前一株松南泉又見僧問

昨夜好風僧云是什麼風泉云吹折門前一株松泉云一得一失師拈云大凡酬唱隨機著眼辨龍蛇別縑素所謂打鼓弄琵琶相逢兩會家只如南泉道一得一失敢問阿那箇得阿那箇失到這裏須是向上人始得還委悉麼鵝王擇乳素非鴨類

舉修山主頌云二破不成一一法鎮長存若人一二解永劫受沈淪師拈云直似倚天長劍凜凜神威向平坦坦處壁立千仞壁立千仞處平坦坦雖然只道得一半道林卽不然二破不成一一法亦不存不作一二解永劫受沈淪

又

南傳吳禪師語錄卷八

七

舉道吾問雲巖脫却殼漏子向什麼處相見去巖云向不生不滅處相見師拈云太周遮生道吾云何不道非不生不滅處相見師拈云太孤峻生大凡善知識舉一語垂一機要明生死根源令一切人明心見性去豈不快哉或有問道林脫却殼漏子向什麼處相見只對他道何處不逢渠

舉修山主頌云欲識解脫道諸法不相到眼耳絕見聞聲色聞浩浩師拈云聲不到耳色不到眼聲色交叅萬法成現且道還踏著解脫道也無不省這箇意修行徒苦辛

舉僧問石叢生死到來如何回避華云這的無生死師拈云還識這的麼俊鶻指空去憎鳥泊籬頭

舉古者道生死中有佛則不迷生死又有道生死中無佛則無生死師拈云是則是兩口金剛寶劍要且拂掠虛空金山則不然生死爲諸佛根基諸佛乃生死爐鞴若解嶮絕承當卽證六通八解

頌古上

舉德山小叅示衆云老僧今夜不答話問話者三十棒時有僧出禮拜德山便打僧云某甲話也未問爲什麼打某甲德山云你是甚處人僧云新羅人山云

又

南傳吳禪師語錄卷八

八

未跨船舷好與三十棒法眼云大小德山話作兩橛圓明云大小德山龍頭蛇尾雪竇云德山握閫外威權有當斷不斷不招其亂底劍要識新羅僧只是撞著露柱底瞎漢

大冶烹金忽雷驚春草木秀發光輝日新不費纖毫力擒下天麒麟全威殺活得自在千古照耀同水輪話作兩橛句中眼活龍頭蛇尾以指喻指撞著露柱瞎衲僧塞斷咽喉無出氣擬議尋思隔萬山咭啞舌頭三千里

舉德山挾複子到瀉山上法堂從東過西從西過東

瀉山默坐不顧德山云無無便下去復云也不得草  
草遂具威儀見瀉山提起坐具云和尚瀉山擬取拂  
子德山便喝當時背法堂著草鞋便去瀉山至晚問  
首座適來新到在什麼處首座云當時背法堂著草  
鞋便去瀉山云還識此子麼已後向孤峯頂上蟠結  
草庵呵佛罵祖去在

大用不拘今古楷模倒拈蝎尾平將虎鬚若非深辯  
端倪何以坐觀成敗後處頴脫囊錐高來卷舒方外  
孤峯頂上浪滔天正令當行百雜碎咄

舉南泉叅百丈涅槃和尚丈問從上諸聖還有不爲

又  
孫述

圓覺集禪師語卷八

九

人說底法麼泉云有文云作麼生是不爲人說底法  
泉云不是心不是佛不是物文云說了也泉云普願  
只恁麼未審和尚如何文云我又不是善知識爭知  
有說不說泉云普願不會文云我太煞爲你說了也  
鸞膠續斷絃覩血化驢乳從來不爲人今古叅佛祖  
箭旣離絃無返回將欲奪之必固與語時默默時語  
人從陳州來却往許州去

舉百丈再叅馬祖祖舉拂子文云卽此用離此用祖  
掛拂子於舊處侍立少頃祖云爾已後鼓兩片皮如  
何爲人丈取拂子舉起祖云卽此用離此用丈掛拂

子祖便喝丈大悟後謂黃檗云我當時被馬祖一喝  
直得三日耳聾

豎拂掛拂全機出沒卽此離此較若畫一頂門當下  
轟霹靂鉞出膏肓必死疾承當一喝聾三日師子神  
威恣返擲百煉真金須失色復云有麼有麼咄

舉道吾至一家弔慰漸源撫棺問生耶死耶吾云生  
也不道死也不道源云爲什麼不道吾云不道不道  
後於石霜再舉始知落處一日將鋏子於法堂上從  
東過西從西過東霜云作什麼源云覓先師靈骨霜  
云洪波浩渺白浪滔天覓什麼靈骨源云正好着力

又  
孫述

圓覺集禪師語卷八

十

太原孚云先師靈骨猶在

生耶死耶築著磕著不道不道藏頭露角黃金靈骨  
鏗鏘白浪滔天卓犖殷勤爲語透關人萬里孤光長  
燦燦無摸索趙州石橋成略約

舉靈山會上有一女子於佛前入定佛勅文殊出之  
文殊遶女子三遭鳴指一下女子入定儼然文殊遂  
運神力托至梵天撲下女子亦復儼然佛云非但汝  
一人出此女子定不得設使百千萬億文殊亦出不  
得下界有罔明菩薩能出此定佛語未竟罔明從地  
涌出佛勅令出定罔明遶女子三匝鳴指一下女子



遂出定老宿徵云文殊是七佛之師爲什麼出女子定不得罔明爲什麼却出得

大定等虛空廓然誰辯的女子與瞿曇據令何條直師子奮迅今搖乾蕩坤象王回旋今不資餘力孰勝孰負誰出誰入雨散雲收青天白日君不見馬駒踏殺天下人臨濟未是白拈賊

舉清原謂石頭云人人盡道曹溪有消息頭云有人不道曹溪有消息原云大藏小藏從何得頭云盡從這裏去

有消息太沈屈無消息轉埋沒大藏小藏從茲出撒

文部

圓悟佛果禪師語錄卷六

十一

沙撒土無終極甜如蜜苦如藥明如日黑如漆擊碎千年野狐窟填溝塞壑少人識

舉僧問雲門佛法如水中月是不門云清波無透路僧云和尚從何得門云再問復何來僧云便恁麼去時如何門云重疊關山路

徧界不藏清波澄寂互換投機箭鋒相直提起向上鉗鎚石火電光莫及便恁麼隔關山碧潭雲外不相

關

舉僧問龍牙二鼠侵藤時如何牙云須知有隱身處始得僧云如何是隱身處牙云還見儂家麼

堂堂成見密密難見二鼠雖黠莫逢其便藤枝透出未生前正眼當陽巧回換龍牙老機如電遇賤即貴貴即賤

舉圓覺經云以大圓覺爲我伽藍身心安居平等性智

毫髮不留縱橫自由闊外乾坤廓落大方無外優游明明祖師意明明百草頭攄破狐疑網截斷愛河流縱有回天力爭如直下休四衢道中淨裸裸放出瀉山水牯牛

舉僧問雲峯古澗寒泉時如何峯云瞪目不見底僧

文部

圓悟佛果禪師語錄卷八

十二

云飲者如何峯云不從口入後有僧舉似趙州州云不可從鼻孔裏入去也僧却問古澗寒泉時如何州云苦僧云飲者如何州云死雲峯聞之云趙州古佛從此不答話

趙州家骨巖舉世無倫擬共撫沒絃琴千載清人耳古澗寒泉瞪目凝然不從口入飲者忘筌重出語苦又死不答話同彼此相逢兩會家打鼓弄琵琶箇中誰是的白鳥入蘆華

舉外道問佛不問有言不問無言世尊良久外道云世尊大慈大悲開我迷雲令我得入外道旣去阿難



問世尊云外道有何所證世尊云如世良馬見鞭影而行

不問有無言言前立問端兩邊俱坐斷一劍倚天寒鞭影未動歷塊過都慈門既開陵有轢無遶天鼻孔須穿却誰是追風天馬駒

舉僧問六祖黃梅意旨是什麼人得祖云會佛法人得僧云和尚還得也無祖云我不得僧云為什麼不得祖云我不會佛法

斬釘截鐵大巧若拙一句單提不會佛法儘他葉落華開不問春寒秋熱別別萬古碧潭空界月

文淵  
機述

圓悟佛果禪師語錄卷八

十三

舉太原孚上座問鼓山父母未生時鼻孔在什麼處山云卽今生也鼻孔在什麼處孚不肯乃云你問我與你答山云父母未生前鼻孔在什麼處孚乃搖扇而已

父母未生前生也只如然一般拈掇能奇巧直下渾如火裏蓮騰今煥古極妙窮玄大可憐清風長滿座一萬八千年

舉乾峯示衆云舉一不得舉二放過一著落在第二雲門出云昨日有一僧從天台來却往徑山去峯云典座今日不得普請

春蘭與秋菊一一各當時底處無回互怨誰分髓皮風來鳥已覺露重鶴先知爲問何能爾渠儂初不知舉雲巖問道吾大悲菩薩用許多手眼作麼吾云如人夜間背手摸枕头相似巖云我會也吾云你作麼生會巖云徧身是手眼吾云太煞道只道得八成巖云你又作麼生吾云通身是手眼徧身是通身是酥酪醍醐爲一味毫端涌出須彌盧芥子吸竭滄溟水十虛吞燦正眼寥廓照用同時人境俱奪棒頭喝下錯承當苦子拈來也失却莫莫水是水兮山是山切忌無繩子自縛

文淵  
機述

圓悟佛果禪師語錄卷八

十四

舉洞山夏末示衆云初秋夏末直須向萬里無寸草處去衆無語僧舉似石霜霜云何不道出門便是草新豐路坦然豈事正徧圓萬里無寸草何人可向前機不轉墮塵緣透得脫犯風煙瀏陽端的破中邊出門已是草芊綿投機儻善語來脈兩岸俱玄一不全復云看脚下

舉定山夾山同行定山云生死中無佛則無生死夾山云生死中有佛則不迷生死二人各謂已語親切往大梅舉而質之梅云一親一疎二人下去次日夾山往問阿那箇親梅云親者不問問者不親夾山往

院後舉此謂衆云我當時失却一隻眼雪竇拈云夾山畢竟不知當時換得一隻眼

有佛不迷無佛則無大梅頂門正眼劃時已驗親踈家抱荆山璞人握靈蛇珠失却與換得同歸故殊途作家金槌當面擲臨機俊鷄趣不及將謂赤鬚胡更有胡鬚赤

舉趙州云老僧答話去也有解問底致將一問來時有僧出禮拜州云比來拋磚引玉却引得箇鑿子下座後法眼舉問覺鐵觜此意如何覺云與和尚舉箇喻如國家拜將相似問誰人去得有一人云某去得

古冊一

圓悟佛果禪師錄卷八

十五

答云汝去不得法眼云我會也

千年田八百主誰當機辨來處趙州要答話拋磚引鑿子覺老話端倪如拜將相似去得去不得言下分縑素箇裏高於萬仞峯不動纖毫擒佛祖崇寧効古所作答話去也或有箇出來只向伊道了

舉馬祖百丈西堂南泉翫月次祖指月問西堂正當恁麼時如何西堂對云正好供養問百丈丈對云正好修行問南泉泉拂袖便去祖云經入藏禪歸海唯有普願獨超物外

皎皎凝虛碧沈沈發皓彩秋色共澄清永夜臨寰海

修行供養逗圓機聊聞便去超方外馬駒兒端的別萬古定乾坤一言全殺活復云高著眼

舉金牛行食次問龐居士云生心受食淨名所呵去此二途居士還甘否士云當時善現豈不作家牛云主于他事士云食到口邊被人奪却牛便行食士云消一句子

淨名呵善現金牛勘龐老彼此不相饒峻機無處討雲行雨施雷奔電掃殺虎陷虎出草入草毗婆尸佛早留心直至如今不得妙

舉師祖問南泉摩尼珠人不識如來藏裏親收得如

古冊一

圓悟佛果禪師錄卷八

十六

何是藏泉云王老師與你往來者是藏雪竇云草裏漢祖云直得不往來時如何泉云亦是藏雪竇云雪上更加霜祖云如何是珠泉云師祖祖云諾雪竇云百尺竿頭作伎倆未是嶮若向箇裏著得一隻眼質主互換便能深入虎穴或不恁麼直饒師祖悟去也是龍頭蛇尾漢

蒼鷹逐兔驪龍翫珠透青眼不瞬照物手寧虛往來往來草裏謾塗糊百尺竿頭入虎穴分明月上長珊瑚

舉僧問藥山如何是道中至寶山云詣曲僧云不詣

曲時如何山云傾國莫換

道中有至寶濟世無倫匹藥嶠發深藏唯云莫諂曲  
不諂曲傾國相酬未相直壁立萬仞此心真不必當  
來問彌勒

舉僧問雲門學人不起一念還有過也無門云須彌  
山

石筍抽條泥牛吼月誰料同舟自胡越應機涌出須  
彌山一念不生何處雪金剛寶劍當頭截

舉僧問投子一大藏教還有奇特事也無子云演出  
一大藏

支那

圓悟佛果禪師語錄卷八

十七

頓漸偏圓權實空有釘背鐵舌河目海口一道清虛

亘古今八角磨盤空裏走

舉智門問五祖戒和尚暑往寒來則不問林下相逢

事若何戒云五鳳樓前聽玉漏門云爭奈主山高案

山低戒云須彌頂上擊金鐘

高高峯頂翻銀浪深深海底起紅塵金鐘玉漏相酬

酢疑殺消滔天下人苟非作者說問關津執鞭回首

四海良隣君不見仲尼溫伯雪傾蓋相逢也奇絕

舉本仁示衆云尋常不欲向聲前句後鼓弄人家男

女何故且聲不是聲色不是色僧問如何是聲不是

聲仁云喚作色得麼僧云如何是色不是色仁云喚

作聲得麼僧無語仁云且道爲汝說答汝話若人辨

得許你有箇入處

聲出虛色生無聲前句後轉塗糊間不容髮安可名

模堂堂圓應沒鑑鉢巧張爐韜費分疎爭如棒下無

生忍聞見馨香滿道塗

舉雲門問僧云古佛與露柱相交是第幾機僧無語

門云你問我與你道僧遂問門云一條綰三十文僧

云如何是一條綰三十文門云打與代前語云南山

起雲北山下雨

支那

圓悟佛果禪師語錄卷八

十八

油然南山雲霈然北山雨露柱笑呵呵燈籠超佛祖

中涌邊沒西天東土樓閣門開竟日閑野老不知何

處去

圓悟佛果禪師語錄卷第十八

音釋 簣 求位切 遲 思廉切 瓚 在旱切 擻 取亂切 鞏 居曉切

咭 嚒 嚒 許吉切 蝎 許竭切 捋 盧活切 鸞 盧官切 猊 盧官切

研 奚切 霹 霹 匹歷切 鉞 諸深切 鏗 鏗 丘耕切 猊 盧官切

後 猊切 犖 犖 力角切 卓 職略切 約 約 胡八切 捋 盧官切

玉 聲切 犖 犖 超絕切 約 約 橫水渡水也 點 胡八切 捋 盧官切

尺 氏切 轆 轆 郎狄切 壑 居的切 給 他刀切 編 盧官切

對 吳江沈彌本宏書 深末端本澄利 萬曆辛卯春清涼妙德庵識



圓悟佛果禪師語錄卷第十九

宋平江府虎丘山門人紹隆等編

頌古下

舉教中道未離兜率已降王宮未出母胎度人已畢  
大象本無形至虛包萬有末後已太過面南看北斗  
王宮兜率度生出胎始終一貫初無去來掃蹤滅跡  
除根蒂火裏蓮華處處開

舉僧問雲門生處到來如何回避門云在什麼處  
針眼魚吞大千界蟭螟蟲吐妙高山太虛包括無遺  
漏萬彙全歸指掌間起復滅去還來石橋踏斷通身

支那

圓悟佛果禪師語錄卷十九

黑那知華頂是天台

舉丹霞初見馬祖以兩手托幙頭祖云吾非汝師南  
嶽石頭處去霞遂至石頭如前托幙頭頭云著槽檍  
去霞依童行次一日石頭爲衆云今日齋後普請剗  
佛殿前草衆競具鋤鋤霞獨洗頭捧剗刀於石頭前  
胡跪頭云作什麼霞云請師剗草石頭笑爲剗髮呼  
與授戒霞掩耳而去却回江西馬祖院騎聖僧項衆  
驚報馬祖馬祖親來見乃云我子天然霞遂作禮云  
謝師安名祖問甚處來霞云石頭來祖云石頭路滑  
子莫曾踏倒麼霞云若踏倒則不來也

問一答十告往知來龍馳虎驟玉轉珠回聊聞舉著

已瞥地剔起便行何俊哉剗草固奇崛安名尤突兀  
二老略玄黃賞茲千里骨真規鎮儼然覲面看標格  
騰雲一舉迷風日

舉雲門示衆云乾坤之內宇宙之間中有一寶秘在  
形山著燈籠向佛殿裏拈三門安燈籠上

虎豹文章麒麟頭角輝天焯地堆山積嶽拶破面門  
今蓋色騎聲截斷羅籠今解黏去縛罷却干戈百草  
頭萬里秋天飛一鶚

舉雪峯示衆云盡大地撮來如粟米粒大拋向面前

支那

圓悟佛果禪師語錄卷十九

二

漆桶不會打鼓普請看

疾焰過鋒奔流度刃唱拍相隨拳踢相應驀然轟起  
震天雷百草顛頭春色回

舉僧問馬祖如何是佛祖云卽心卽佛

無鬚鎖子八面玲瓏不撥自轉南北西東海神知貴  
不知價留向人間光照夜

舉僧問馬祖如何是佛祖云非心非佛

碧海珠荆山壁耀乾坤誰別識利刀剪却無根樹萬  
疊峯巒歛煙霧

舉馬祖與百丈同遊山見野鴨子飛過祖云是什麼



丈云野鴨子祖云向什麼處去也丈云飛過了也祖將百丈鼻孔扭丈作忍痛聲祖云何曾飛去丈於此有省

野鴨過前溪千峯凜寒色相顧不知歸未免資傷擊扭破疑團葛怛消指風直下透青霄雲山海月渾閑事一語歸宗萬國朝

舉僧問鏡清新年頭還有佛法也無清云有僧云如何是新年頭佛法清云元正啓祚僧云謝師答話清云鏡清今日失利又僧問智門明教新年頭還有佛法也無教云無僧云年年是好年日日是好日爲什

丈那

圓悟佛果禪師語錄卷九

三

麼却無教云張公喫酒李公醉僧云老老大大龍頭蛇尾教云明教今日失利

穩密田地神通遊戲佛法新年頭有無俱失利一槩等虛空豈容立巴鼻草上之風祖令行誰知雷罷不停聲

舉僧問琅琊清淨本然云何忽生山河大地瑯云清淨本然云何忽生山河大地其僧有省

相罵饒你接嘴相唾饒你潑水塵塵大地收華開世界起一摸脫出絕功勳句裏挨開大施門

舉僧問長沙本來身還成佛否沙云你道大唐天子

還刈茅割稻否僧云成佛又是何人沙云是你成佛知不知

巨嶽何曾乏土唐皇豈可刈茅禮拜近前又手西天十萬迢迢古佛即自己自己即古佛珊瑚漱灩十洲春蟾蜍映奪驪龍窟

舉僧問百丈如何是奇特事丈云獨坐大雄峯僧禮拜丈便打

醬裏著鹽雪中送炭纔將虎鬚棒頭有眼恠來獨坐大雄山他家曾踏上頭關

舉僧問香林如何是室內一盞燈林云三人證龜成

丈那

圓悟佛果禪師語錄卷九

四

鼈

皎皎清光徧界莫藏聲拋不出色豈能彰直下斬釘截鐵刻却古今途轍高出臨濟德山三人證龜成鼈別別一回喫水一回噎

舉麻谷持錫見章敬遶繩牀三市振錫一下卓然而立敬云如是如是後到南泉亦遶繩牀三市振錫一下卓然而立泉云是不是谷云章敬道是和尚爲什麼却道不是泉云章敬則是是汝不是此是風力所轉終歸敗壞

如是不是去却藥忌擬犯封疆全軍失利杖頭突出

古菱華舉世風流屬當家

舉僧問藥山平田淺草塵鹿成羣如何射得塵中塵  
山云看箭僧便放身倒山云侍者拖出這死漢僧便  
起走山云弄泥團漢有什麼數

獵人有神箭射得塵中塵箭下快承當跳出曹溪路  
翻身踏著上頭關敵勝驚羣瞥爾間

舉雲門示衆云藥病相治盡大地是藥那箇是自己  
太嶠敲全殺活絕承當無摸索寰中意氣闊外籌略  
倒退三千里盡大地是藥錯錯利劍七星光閃爍  
舉乾峯示衆云法身有三種病二種病須是一一透

支那  
撰述

圓悟果禪師語錄卷上九

五一

得始解穩坐雖然如是更須知有照用同時向上一  
竅始得雲門出衆問云只如庵內人爲什麼不見庵  
外事峯呵呵大笑門云猶是學人疑處在峯云子是  
什麼心行門云也要和尚相委悉峯云直須恁麼始  
解穩坐

動絃別曲聞一知十手擲手擡以膠投漆庵內不見  
庵外無孔鐵槌不會人生相識貴知音水入水兮金  
博金

舉靈雲見桃華悟道有頌三十年來尋劍客幾回葉  
落又抽枝自從一見桃華後直至如今更不疑玄沙

云諦當甚諦當敢保老兄未徹在

陌上笑春風枝頭漏消息紅光爍太虛豈藉陽和力  
學劍宗師既不疑玄沙未徹最新奇掃除學路刮肌  
骨格外之機如電拂

舉雲門問洞山近離甚處山云查渡門云夏在甚處  
山云湖南報慈門云幾時離彼中山云今年八月門  
云放汝三頓棒次日洞山往問昨蒙和尚放某三頓  
棒未審過在什麼處門云飯袋子江西湖南便恁麼  
去洞山大悟

見兔放鷹因行掉臂赤骨歷窮方圖富貴放三頓棒

支那  
撰述

圓悟果禪師語錄卷上九

六一

尚遲疑再挨方識利頭錐單提獨脚機關外明眼衲  
僧猶不會

舉三聖問雪峯透網金鱗以何爲食峯云待汝出網  
來向你道聖云一千五百人善知識話頭也不識峯  
云老僧住持事煩

百草頭出沒三界外遨遊徒布漫天網虛下釣鼈鉤  
搖鱗振鬣撼乾坤兀目昂頭洪浪噴棒雨點喝雷奔  
肯將爭戰定功勳

舉僧問趙州見說和尚親見南泉是否州云鎮州出  
大蘿蔔

鎮州出大蘿蔔猛虎不食伏肉直饒眼似流星爭免  
持南作北老趙州迴殊絕片言本自定乾坤返使叢  
林鬧聒聒

舉陸亘大夫謂南泉云肇法師也甚奇恠解道天地  
與我同根萬物與我一體泉云大夫陸應諾泉指肇  
云時人見此一株華如夢相似

山潤石蘊玉林秀淵藏珠見此一株華似夢灼然根  
體不同途王老師脫規模解向長安正鬧處喚得悠  
悠陸大夫

舉雲門示衆云十五日已前則不問汝十五日已後

支那

圓悟佛果禪師語錄卷之

七

道將一句來衆無對自代云日日是好日

破二作一分三成六著串數珠數不足南辰信手攀  
北斗回身觸豁開戶牖正當軒玉兔金烏如轉燭傳  
不傳得不得那知陌上春條綠

舉僧問洞山如何是佛山云麻三斤

鐘在扣谷受響池印月鏡含像曾非展事投機豈是  
預搔待痒點鐵成金舉直指枉一箭鵬一隻一摑血  
一掌君不見疎而不漏兮恢恢天網

舉雪峯示衆云三世諸佛在火燄裏轉大法輪玄沙  
云火燄爲三世諸佛說法三世諸佛立地聽

將謂猴白更有猴黑互換投機神出鬼沒烈燄亘天  
佛說法亘天烈燄法說佛風前剪斷葛藤窠一言勘  
破維摩詰

舉東寺問仰山甚處人山云廣州寺云我聞廣州有  
鎮海明珠是否山云是寺云作何顏色山云黑月則  
現白月則隱寺云子還帶得來麼山云帶得來寺云  
何不呈似老僧山云諾惠寂昨到瀉山亦被索此珠  
直得無言可對無理可伸寺云真師子兒大師子吼  
善撫太阿鉞決無傷手厄慣編猛虎鬚必有全身策  
鎮海珠巧呈似離色離聲離名字梅檀林裏蒸梅檀

支那

圓悟佛果禪師語錄卷之

八

師子窟中吼師子

舉趙州示衆云至道無難唯嫌揀擇但莫憎愛洞然  
明白纔有言語是揀擇是明白老僧不在明白裏汝  
等還護惜也無僧問既不在明白裏未審護惜箇什  
麼州云我亦不知僧云和尚既不知爲什麼道不在  
明白裏州云問事則得禮拜了退  
至簡至易同天同地揀擇明白云何護惜口似錐眼  
似眉涉語脈虻憐雙堪笑卞和三獻玉縱榮則却一  
雙足

舉石頭示衆云言語動用沒交涉藥山云非言語動



用亦沒交涉頭云我這裏針割不入山云我這裏如石上栽華

井底泥牛吼月雲間木馬嘶風把斷乾坤世界誰分南北西東直中曲曲中直要平不平憑秤尺

舉雪峯示衆云望州亭與諸人相見了也烏石嶺與諸人相見了也僧堂前與諸人相見了也後保福舉問鵝湖僧堂前則且置什麼處是望州亭烏石嶺相見鵝湖驟步歸方丈保福便入僧堂

藕線引鯨鰲針鋒輓芥投望州烏石嶺未唱已先酬大唐擊鼓新羅舞覲面相呈不相覲

文部

圓悟佛果禪師語錄卷九

九

舉代宗皇帝問忠國師和尚百年後所須何物國師云要箇無縫塔子帝云請師塔樣國師云會麼帝云不會國師云吾有付法弟子耽源却諳此事請詔問之國師遷化後帝召耽源問此意如何耽源呈頌云湘之南潭之北中有黃金充一國無影樹下合同船瑠璃殿上無知識

八面自玲瓏盤空勢岌岌表裏鎮巍然若爲分六鑿執名匿相認影迷形臥龍長怖碧潭清合同船子開心棹日用如何不現成

舉石頭見藥山坐次問你在此作什麼山云一物不

爲頭云恁麼則閑坐也山云閑坐則爲也頭云汝道不爲不爲箇什麼山云千聖亦不識石頭以頌讚之從來共住不知名任運相將只麼行自古上賢猶不識造次凡流豈可明

擺撥佛祖縛曠然繩墨外一物亦不爲縱橫得自在古鑑臨臺明辨去來金鎚影動鐵樹華開任運相將不可陪法雲隨處作風雷

舉雲門示衆云人人盡有光明在看時不見暗昏昏作麼生是光明衆無對自代云僧堂佛殿厨庫三門夜明簾外千峯秀鸞鏡臺前萬象虛掃蹤滅跡不立

文部

圓悟佛果禪師語錄卷九

十一

鎚錘誰爲佛殿誰是香厨敲出鳳凰五色髓擊碎驪龍明月珠

舉世尊生下周行七步目顧四方一手指天一手指地自云天上天下惟我獨尊

右脇誕金軀九龍噴香水嶷嶷步四方周匝蓮華起未上先施第一機高風亘古鎮巍巍當時有箇承當得等閑擒下白拈賊喫

舉雪峯住庵有二僧到峯見以手托庵門放身出云是什麼僧亦云是什麼峯低頭歸庵其僧後至巖頭頭問云雪老有何言句僧舉前話頭云雪峯道什麼



僧云雪峯無語頭云噫我悔不當初向伊道有箇末後句我若向伊道已後天下人不奈雪老何僧至夏末舉此話請益頭云汝何不早問僧云不致造次頭云我雖與雪峯同條生不與雪峯同條死要識末後句只這是

雙明復雙暗獨立絕殊方乘機直面提其鋒安可當同條生兩鏡相照無能名不同條死鐵樹華開亘今古末後句始牢關拈却門前大案山

舉天平從倚和尚行脚在西院常云今時莫道會佛法只覓箇舉話底人也難得一日從西院法堂下過

又那

圓悟佛果禪師語錄卷十九

十一

西院高聲喚從倚平舉首院云錯行三兩步院又云錯院云適來兩錯是老僧錯是上座錯平云是從倚錯西院云錯錯少頃西院云上座且在此度夏待與你商量這兩錯平當時便去後住天平示衆云老僧當年行脚被業風吹到汝州西院有箇思明長老勸我兩錯更待留我過夏待共我商量我不道恁麼時錯我未發足南方行脚時早知道錯了也  
把纜放船膠柱調絃遠水不救近火短綆那汲溪泉天平老大忽草爲兩錯悔行脚大地茫茫愁殺人眼裏無筋一世貧

舉疎山平日在香巖一日巖上堂有僧問不慕諸聖不重已靈時如何巖云萬機休罷千聖不携疎山作嘔吐勢巖云師叔不肯那山云不得無過巖云過在甚處山云萬機休罷猶有物在千聖不携亦從人得巖云師叔莫道得麼山云還我法座與你道於是巖令陞座如前問之山云何不道肯諾不得全巖云肯又肯箇什麼諾又諾箇什麼山云肯則肯他諸聖諾則諾於已靈香巖云師叔恁麼道也須倒屣三十年始得後住疎山常病返胃一日舉此問鏡清病僧肯諾不得全道者作麼生會清云全歸肯諾山云不得

又那

圓悟佛果禪師語錄卷十九

十二

全又作麼生清云箇中無肯路山云始野病僧意刀不自割指不自觸鵠白鳥玄松直棘曲纔有纖塵帶影來脫體全拋無朕迹肯不存諾不立一片清光射斗牛天上人間得自由  
舉趙州問南泉如何是道泉云平常心是道州云還許趣向也無泉云擬向即乖趙州云不擬安知是道泉云道不屬知不屬不知知是妄覺不知是無記若直達不疑之道廓同太虛豈可強是非耶州於言下大悟  
遇飯喫飯遇茶喫茶千重百匝四海一家解却黏去

却縛言無言作無作廓然本體等虛空風從虎兮雲從龍

舉百丈每至陞座常有一老人聽法一日衆去老人獨留丈云汝是何人老人云某非人然某緣五百生前迦葉佛時曾住此山錯答學人一轉語所以五百世墮野狐身今欲舉此話請和尚爲答丈云汝試舉看老人云大修行底人還落因果也無某對云不落因果丈云汝問我與汝道老人遂問大修行底人還落因果也無丈云不昧因果老人遂悟得脫野狐身化去

支那

圓信集禪師語錄卷九

十三

魚行水濁鳥飛毛落至鑑難逃太虛寥廓一往迢迢五百生只緣因果大修行疾風破山風振海百煉精金色不改

舉風穴在郢州衙內陞座示衆云祖師心印狀似鐵牛之機去卽印住住卽印破只如不去不住且道印卽是不印則是時有盧陂長老出問某甲有鐵牛之機請師不搭印穴云慣釣鯨鯢沈巨浸却將蛙步輾泥沙陂佇思穴便喝云長老何不進語陂擬議穴打一拂子云長老還記得話頭麼試舉看陂擬開口穴又打一拂子牧主云將知佛法與王法一般穴云見

箇什麼道理牧主云當斷不斷返招其亂穴便下座列聖風規初不放過擬跨鐵牛驀頭印破盧陂當斷却沈吟電轉星飛活被擒喝下攬撐同霹靂三玄戈甲振叢林

舉僧問洞山寒暑到來如何回避山云何不向無寒暑處回避僧云如何是無寒暑處山云寒時寒殺閻黎熱時熱殺閻黎

盤走珠珠走盤偏中正正中偏羚羊掛角無蹤跡獵大遶林空蹴踏

舉金牛每至食時自携飯至僧堂前撫掌呵呵大笑

支那

圓信集禪師語錄卷九

十四

云菩薩子喫飯來喫飯來後僧問長慶意旨如何云大似因齋慶贊僧問大光未審慶贊箇甚麼光作舞僧禮拜光云你作麼生會僧亦作舞光云這野狐精絲來線去分明過與若不相諳如何驗取因齋慶贊和泥土踏襲只言呈作舞野狐精七星利劍血長鯨舉疎山示衆云病僧咸通年已前會法身邊事咸通年已後會法身向上事雲門出問云如何是法身邊事山云枯椿如何是法身向上事山云非枯椿門云還許學人說道理也無山云許門云只如枯椿豈不是明法身邊事山云是門云非枯椿豈不是明法身

向上事山云是門云未審法身還該一切也無山云  
法身周徧爭得不該門指淨瓶云還有法身也無山  
云莫向淨瓶邊覓門云諾諾

眼觀東南意在西北撥轉天關掀翻地軸法身向上  
法身邊間氣英靈五百年膠漆相投箭相拄南山起  
雲北山雨

舉臺山路上有一婆子僧問臺山路向甚處去婆云  
驀直去僧纔行婆云好箇阿師便恁麼去前後僧問  
皆如此後有僧舉似趙州州云待我爲你勘破這老  
婆遂往問臺山路向甚處去婆云驀直去州纔行婆

丈六耶

圓悟佛果禪師語錄卷九

十五

云好箇阿師又恁麼去州歸舉似大眾云我爲你勘  
破這婆了也老宿拈云什麼處是勘破處

善繫無繩約善行無轍跡不戰屈人兵直當機疾  
老婆勘破五臺山有誰參透趙州關

舉雲門示衆云聞聲悟道見色明心作麼生是聞聲  
悟道見色明心舉手云觀世音菩薩將錢來買胡餅  
放下手元來却是饅頭

見色心先現聞聲道已彰掣電光中分皂白海潮音  
裏別宮商韶陽老慈門普發機直用千鈞弩  
舉鏡清問僧門外什麼聲僧云雨滴聲清云衆生顛

倒迷已逐物僧云和尚作麼生清云泊不迷已僧云  
意旨如何清云出身猶可易脫體道應難

順流逆流轉物物轉良哉觀音快逢其便出身脫體  
句分明門外依前雨滴聲

舉南泉示衆云昨夜文殊普賢起佛見法見每人與  
二十棒貶向二鐵圍山去也趙州出云和尚棒教誰  
擯泉云王老師有什麼過州禮拜泉下座歸方丈  
霧起龍吟風生虎嘯兩口一舌異音同調文殊普賢  
佛法見南泉趙州日月面據令而行指顧間盡情貶  
向鐵圍山忽有箇不憤底出來道崇寧咏只向他道

丈六耶

圓悟佛果禪師語錄卷九

十六

果然果然

舉雪峯問僧近離甚處僧云覆船峯云生歟海未渡  
爲什麼覆却船僧無語覆船代云渠無生歟雪竇代  
云久響雪峯

未渡生歟海不應覆却船渠本無生歟超然離二邊  
長如果日麗中天舒光獎到雪峯前

舉僧問雲門如何是一代時教門云對一說

海藏龍宮金文玉牒逗器觀機破關擊節三百餘會  
振綱宗四十九年同箇舌阿刺刺對一說諦當之言  
如戔鐵



舉僧問雲門不是目前機亦非目前事時如何門云  
倒一說

是賊識賊以楔出楔鳥跡空雲鏡象水月教兒師子  
迷蹤訣上樹老猫安身法活鱗鱗倒一說等閑翻却  
狐狸穴

舉世尊於一處九旬安居至自恣日文殊條來迦葉  
問今夏在何處安居文殊云在三處安居迦葉於是  
白衆欲擯文殊出纔舉捷槌乃見無量佛刹一一佛  
所有一一文殊一一迦葉舉槌欲擯之世尊於是告  
迦葉云汝今欲擯出那箇文殊

法苑珠林

圓悟佛果禪師語錄卷九

十七

大象不遊兔徑燕雀安知鴻鵠據令宛若成風破的  
渾如齧鐵徧界是文殊徧界是迦葉相對各儼然舉  
槌何處罰好一箇金色頭隨曾落節

舉巖頭示衆云涅槃經道吾教意如塗毒鼓擊著遠  
近聞者皆喪僧問如何是塗毒鼓頭亞身云韓信臨  
朝底

天高地厚水闊山遙蕭何制律韓信臨朝塗毒鼓未  
擊已前宜薦取

舉文殊問庵提遮女生以何爲義女云生以不生生  
爲生義殊云如何是生以不生生爲生義女云若能

明知地水火風四緣未曾目得有所和合而能隨其  
所宜以爲生義殊云死以何爲義女云死以不死死  
爲死義殊云如何是死以不死死爲死義女云若能  
明知地水火風四緣未曾自得有所離散而能隨其  
所宜以爲死義

生以不生生死以不死死根本豁然明應時超佛祖  
隨宜離散與和合十字縱橫活鱗鱗金剛寶劍倚天  
寒外道天魔皆膽慴

舉爲山問仰山云天寒人寒仰山云大家在這裏爲  
山云何不直說仰山云適來也不曲和尚如何爲山

法苑珠林

圓悟佛果禪師語錄卷九

十八

云且須隨流

北風逞嚴威凜凜侵肌骨一句括入天幾曾容朕迹  
隨流認得本來身徧界莫非無價珍

舉歸宗示衆云吾今欲說禪諸子總近前大衆進前  
宗云汝聽觀音行善應諸方所僧問如何是觀音行  
宗彈指云諸人還聞麼僧云聞宗云一隊漢向這裏  
覓箇什麼以拄杖打趂呵呵大笑歸方丈

無學彈指超圓通耳根淨透出聞不聞妙哉觀音行  
棒頭指出金剛王嶮惡道中爲津梁

圓悟佛果禪師語錄卷第十九





辦道應須辦自心心真觸處是通津直明格外無生  
忍端作區中解脫人吸盡西江龐老口搏將妙喜淨  
名身八風五欲莫能轉解向塵中轉法輪

佛鑑和尚忌辰示衆

去年正今日泥牛鬪入海今年正今日徧界舒光彩  
虛空無相身佛鑑儼然在非色亦非心不小復不大  
劫石可移動箇中無變改要知佛鑑恩各人明主宰  
一句逗羣機志心常頂戴且道是那一句喫飯咬著  
沙

示丹霞佛智裕禪師

上人部

國傳佛果禪師詩錄卷下

二

二三四七初經顯大威光示的傳把斷關津勿輕  
放草溪誰顧法堂前

示擇言禪人三偈

叅禪叅到無叅處窮玄窮徹玄盡頭渴飲饑食只恁  
麼世間出世沒蹤由

機關竝是閑家具玄妙渾成破草鞋鐵額銅頭超佛  
祖橫拈倒捉一坑埋

紅塵有底論成道寒谷無人可作春苟識拈華微笑  
意一番拈弄一番新

示若平禪人

贊彌住山功已立荷擔長久志彌堅雲門庵狃壓歐  
阜天上高天更有天追復古來清淨刹他時會見美  
聲傳賓主相投膠漆合相與弘持臨濟禪

送智祖禪德

一句當機領千差路絕攀去來長若鑑喧寂鎮如山  
百草顛頭峻孤雲世外閑行行牢把著宜聞上頭關

送安首座回德山

使乎不辱命臨機貴專對安禪將虎鬚著著超方外  
不惟明窓下安排撥向禪牀拶嶮崖拈槌豎拂奮雄  
辯金聲玉振猶奔雷九旬落落提綱宗衲子濟濟長

上人部

國傳佛果禪師詩錄卷下

三

趁風解黏去縛手段辣驅耕奪食尤雍容夏滿思山  
要歸去了却武陵一段事勃率理窟乃曾中行行不  
患無知已臨行索我送行篇栗棘蓬裏金剛圈短歌  
須要數十丈長句只消三兩言金毛師子解翻身箇  
是叢林傑出人不可孤峯大哮吼五葉一華天地春

送梵思禪老皖山住庵

脫去羈羅徹轡銜了無毫末可容叅馬駒兒踏誰禁  
得皖伯臺前去住庵

送達侍者之武陵

臨濟管遣將驗德嶠行令接住與一送果別採竿影

國師三度喚聲聲無不領負汝負吾機直透千聖頂  
古人曾侍香根器如此警爾數載巾瓶已合得正命  
今復自帝都直遊武陵境打辦俊精神也要識禪病  
截斷風前句奪取佛祖柄歸來大誇認強將果然猛

送修道者

不下笠子勘俱胝一句擊出一古佛如今歸去舊雲  
庵叅徧諸方善知識卓卓頂門眼輝騰如杲日勉力  
傳持無盡燈繼取末山舊蹤跡

送諸化士

豁達靈明印脚跟用來了不隔纖塵歷遊華藏毗盧

上人語

國師佛果禪師語錄卷二十

四

界把住牟尼百億身八寶七珍皆我有左穿右穴與  
誰隣勞生衮衮堪垂手乃是通方自在人

皎皎林間月悠悠天際雲去來非有累圓缺本無垠  
逗水光常淨爲霖意不羣溪山千萬里同異許誰論  
迦葉刹竿頭此老曾饒舌全體解承當佛祖何曾別  
要明箇段事須善觀時節遇著與麼人眼中爲出屑  
廣見北山門戢戢皆雲衲妙手廣施呈翻却驪龍穴  
千聖頂顛頭有破天大路唯是無心人始能闊著步  
恰如履平地日行千百度要引滿世間一齊與麼去  
爾垂手入鄮應須善回互開闔處相逢當機宜把住

似過金剛圈請盡情分付歸來善法堂搥取大法鼓

覲面豁開三要印全機直明正法藏持去江西顯本  
宗三日耳聾無伎倆要須撒手向孤峯選甚懸崖千  
萬丈欲知稱意得錦鱗騰身快入驚人浪

四料四寶主三玄及三要擊石火電光乃臨濟坐範  
既叅臨濟禪亦須自點檢獎用喝下奇殺活杖頭驗  
以此入郊鄮大奮姜維膽光榮作鳳輝七珍只一覽  
無位真人赤肉團面門出入若爲看棒頭按正風前  
令喝下逼將肝膽寒不立階梯那事佛有真規矩得  
心安橫身百草顛頭用挿手驪龍窟裏翻要見衲僧

上人語

國師佛果禪師語錄卷二十

五一

全意氣如麻萬境莫能干大緣唾手間能辦未信人  
生行路難

撥轉千差向上機攬旗奪鼓不饒伊翻身踞地全生  
殺始是金毛師子兒

吸盡西江匹似閑作家豈復尚機關放教性地平如  
砥成佛功歸一晌間

送慧恭先馳之平江

一句單提越祖佛痛劄針錐窮徹骨出門便作師子  
兒敵勝驚羣資返擲平江古來豪俠窟去去先通箇  
消息此行不作等閑來八面清風起衣裊

送景元先馳之毗陵

當陽提起截千差誰信風流出當家要入屋中通一線等閑開取鉢曇華善專對不辱命乃見摩醯三眼正引著羣靈使共行明明直截曹溪徑

楊無咎觀察

管在皇都叅會底與今豈復有差殊等閑乘興重拈似開堂捧腹一軒渠  
佛祖命門提在手放開捏聚更非他已到懸崖撒手處從來關捩子無多  
示善友

文部

圓悟佛果禪師語錄卷三

六

此段本來無向背要須堅猛力行持金剛正眼通身是萬境來侵莫管伊

頌月上女因緣

本來正體徹根源出入同途只此門已住如來大解脫掌中至寶耀乾坤

頌黃龍三關

我手何似佛手隨分拈華折柳忽然摸著蛇頭未免遭他一口

我脚何似驢脚趙州石橋略約忽若築起皮毬崩倒三山五嶽

人人有箇生緣躋身無地鑽研忽若眼皮迸破慮他桶底踢穿

三毒頌

溝壑難充一念欲泥犁永劫苦何堪悟將萬法皆如幻慎勿容心瞥起貪  
未見世間爲大患焚燒功德莫過嗔頭頭違順須容却喜捨慈悲出六塵  
羅刹無明徹底癡翳他正體發狂機猛操般若金剛劍永斷渠儂撒手歸  
安起渾由三箇漢牽拖六道四生中倏然調伏無功

文部

圓悟佛果禪師語錄卷三

七

用端與毗盧性海通

真讚

睦州和尚

辛辛苦辣辣哩哩咻咻識濟北爲大樹撥雲雨墮嶮崖機峻莫偕言如枯柴夫是之謂陳蒲鞋

众心和尚舍利

箇是黃龍老大蟲火後昌榮真舍利萬年如日出世間與善知識作儀軌平生斥佛呵祖口於斯乃驗著實底畱將法子法孫傳觸處放光常動地

六祖大師



稽首曹溪真古佛八十生爲善知識示現不識世文  
書信口成章徹法窟葉落歸根數百秋堅固之身鎮  
韶石皎如赫日熒長空煥若驪珠光太極定慧圓明  
擴等慈所求響應猶空谷河沙可數德莫量併出渠  
儂悲願力

楊岐和尚

三脚驢子弄蹄行解道鉢孟口向天荷擔他一百二  
十斤重擔子牽犁拽杷無端壞却慈明禪

白雲端和尚

楊岐腦後眼豈親透得金塵能幾人扶持臨濟一拳

支那

圓悟佛果禪師語錄卷十

八

牽倒黃鶴樓華劈二祖鼻孔依前搭上唇

五祖演和尚

山前一片閑田地松竹引風長襲人說心說性老僧  
箇裏是惡口偏提賤賣擔版貼秤麻三斤

真如喆和尚

叢林老作世無儔凜凜威光四百州一擊鐵關如粉  
碎恩大難將雨露酬

丹霞佛智裕長老請讚

奮雷霹靂赤因團壁立星飛電擊臨濟命脈渠儂突  
出驚地面門拶出初無一物三玄三要輝赫分付儂

智碎却人窠窟與祖宗雪屈咄

華藏民長老請讚

臨濟正法眼從這瞎驢滅父子不相傳神仙有秘訣  
豈顧殃及兒孫且圖眼中出屑逢人好一剗切忌向  
渠說

道洙首座請讚

紫羅帳裏撒真珠夜明簾外提巴鼻勾下三要三玄  
何人親得的旨面門無位真人放渠出一頭地

梵思維那請讚

單提臨濟正法眼當機密付要瞎驢無位真人乾屎

支那

圓悟佛果禪師語錄卷十

九

檣棒頭喝下絕名模當年海會大蟲咬今日歐峯舉  
似渠圓悟不惜兩莖眉洪爐燄裏綻芙蓉

惟祖知藏請讚

掃蕩佛祖不存性命鐵樹華開神駒十影圓悟傳來  
臨濟禪忽雷驚震千峯頂

法一書記請讚

化城踏破寶所非留當陽截斷機關透出百草顛頭  
揮臨濟之吹毛駕慈明之巨舟頭角相似氣類相投  
全機一喝分賓主須信渠儂得自由

子文監寺請讚

威如猛虎出森林皎若銀蟾轉太清望之儼如卽之也溫闡摩醯正眼於頂額突無位真人於面門有誰領此豈可顯言分付子文

道元禪客請讚

臨濟正法眼藏突出三頭六臂忿怒鷲撲帝鍾謾且神通遊戲圓悟當曾一拳鎖斷衲僧巴鼻

德珂禪人請讚

眼裏有瞳子頂門亞一指放出金剛圈舉世提不起箇中領略要凜儼鐵作脊梁金作齒恁麼便行喪兒孫不恁麼行校些子滅却正眼瞎驢邊圓悟風光動

支那

國儒集禪師語錄卷三十

十一

天地

景元侍者請讚

生平只說聲頭禪撞著聲頭如鐵壁脫却羅籠截脚根大地撮來墨漆黑晚年轉復沒切切奮金剛鎚碎窠窟他時要識圓悟面一爲凜儼併拈出

法昭維那請讚

大包無外細入毫芒現寶華王口處道場建立掃蕩正體堂堂一語壁立濟濟鏘鏘凜凜此面目何人解提將圓悟栗棘蓬觀體沒商量克賓話把播諸方

韓朝議請讚

撥轉上頭關千聖須却步唯許箇中人要通一線路具茨脫諸緣投誠信此事誓無襍用心長時箭相柱

貌出山野姿踞不蔭高樹按杖正令行提持那一句善財鞠躬前風神全體露氣類自相同美哉名父子

惟表知藏請讚

此著千聖頂額上臨濟建立大法幢萬丈懸崖解放身可以一口吸西江石火電光猶是鈍虎肩挿翅定無雙

勝居禪人請讚

夜明符燭天吹毛劍獎雪神威冷森森紅光阿刺刺

支那

國儒集禪師語錄卷三十

十二

未啓口時當頭截欲入門來劈面喝體裁相似可克家此地不容通水泄

若平禪老請讚

高擁毳袍橫按拄杖作意提綱截斷放出向上機千聖覓不膽喪於此有人承當便見千了百當圓悟杖頭一滴禪西江十八灘俱漲

曇玩禪德住頭陀巖庵請讚

盤陀石上橫按拄杖晬質儼然曾無伎倆不施栗棘金圈不愛起模畫樣頭陀巖頂偶行拳打著渠儂也沒量

懷祖知殿請讚

瘦而精健老有餘韻鼓兩片皮說法無各掃併情識  
不留纖朕七處道場恰如一瞬有箇不顧危亡僧剛  
地要來衝雪刃咄

文皓禪人請讚

岷峨濯秀屹西南氣象盤回鬱翠藍英傑間生從古  
習豈容凍膿輒相叅自不將領玷閭里賴有舌本操  
玄談得請居閑皓目擊持歸先爲結茅庵

蘊遇小師請讚

日面月面竝現印空印水雙彰機先不留朕跡格外

文部

圓悟佛果禪師語錄卷十

十三

亦絕承當父子至親路別各各頂有圓光切恐與人  
明破此門豈可商量

禪人寫真求讚

共首

泡幻中出枯木朽株頂缺神骨額無圓珠曾遭海會  
毒龍咬快意追風天馬駒施設千種巧其實一物無  
若憑這箇見至了不識湍混沌未分時無此箇面孔  
泡幻既張皇乃具足十種冒次不立纖塵口角波濤  
洶涌唯有一件長愛打破漆桶

乍喚乍喜渾只由你最愛謾人搖唇弄舌忍草徧地  
生何曾澆法水傾倒心肝一句禪箇些兒子猶呈瑞

模子中脫出佛果老古錐萬緣休歇處端坐不言時

移刻定動奮迅全威爲人到徹骨不惜兩莖眉

挈挈似紅藥跛跛如雲門殊無二老實空蘊二老文  
放下會事索破沙盆寶鑑一塵秋空片雲

一見便見了本來面敏手丹青應緣而現漸近縱心

愈見強健唯用金圈栗蓬要須千煅百煉撒手萬仞

崖頂門廊正眼

幻出成相直蘊其中挺然骨目四座生風傳不可傳

之心振不可振之宗老出皇都晚住歐峯只這沒回  
互領略在渠儂

文部

圓悟佛果禪師語錄卷十

十三

句中沒禪格外無玄當面不見斷莫可傳似玉溫潤  
如月孤圓氣媚川源光流大千

衲衣通峭活卓卓片段殘雲籠巨嶽壁立萬仞近不  
得無佛無祖無棒喝一口吸盡西江水箇是圓悟當

頭著

相現無相心出非心如印印空迥絕古今人師子窟  
遊栴檀林脫去羈羈履薄臨深要識圓悟立處孤峯  
萬仞欽岑

紅爐焰裏著點雪夜明簾外剔金燈萬丈寒潭水徹  
底妙高峯頂玉稜層等是渠儂遊歷處萬機普應初

不曾圓悟老來垂隻手爲問何人似我能

利刃斬虛空神箭穿紅日用吞十方口吹此無孔笛  
如斯三十年不費纖毫力信彩直鉤頭也有錦鱗食  
有眼自承當慎勿從渠覓大機要頓發大用要直截  
馬師老百丈無端已漏泄臨濟喚火來坐斷天下舌  
此老據胡牀也要恁麼說說不說萬里青天一輪月  
危坐盤陀風神峻整橫柳標節廊千聖頂誰是仙陀  
未言先領一片風光奪人奪境圓悟晚來益深沈率  
陰山頭百尺井

立地可成佛殺人不可眼碎生歟窠窟要箇個儻漢

文耶  
撰述

圓悟佛果禪師語錄卷二十

十四

圓悟從來提此著風前白雲曾喝散當家種草可相  
從利劍七星光燦爛

句裏有出身突在千聖頂當機絕籠羅透徹無邊境  
生平秉此金剛王四喝三玄格外領面門拶却太周  
遮誰是瞎驢傳性命

覷面全真不計疎親虎頭燕頤未盡渠神把斷關津  
不放過無邊刹海乃比隣

太虛寥廓憑誰悟翻身背擲真師子透頂透底沒遮  
欄千峯峭絕轟一句略開圓悟上頭關浮幢刹海闊  
著步

道不在丹青禪不在面相強自貌將來讚之作何狀

且就箇現成爲汝說一上赤水求神珠得之由罔象  
圓悟老古錐老來沒伎倆英禪把將去滔天滾白浪  
本無箇面目突出六十七今汝強圖貌頂門欠三隻  
七處入開藍近來稍寧謐若更打葛藤豈有休歇日  
三十年後與人看圓悟從前沒窠窟

太清之雲明鏡之塵於無相中焉現此身考實究妙  
以何爲真不出這箇一著最親透得別脫與古爲隣  
道絕形相名存至公對現色身本體全空要求巴鼻  
不西不東月映澄潭風搖古松十成圓悟誰識渠儂

文耶  
撰述

圓悟佛果禪師語錄卷二十

十五

通身無影像溢目生光彩動用峭於山語默深於海  
曠劫正如如箇中無變改跳得圓悟金剛圈須信大  
功元不宰

真如禪人請讚

只這背面見一乃萬要是箇中人手親即眼辦佛果  
應緣圓悟成現如如觸處得逢渠一道神光本無間  
真了禪人請讚

丹青有神貌活圓悟據坐儼如風光全露捺膝聳身  
擡眸直顧歐峯頂上把要津一任青冥轉烏兔

雜著



和靈源瞌睡歌

懵懵懂懂無巴無鼻兀兀陶陶絕忌諱任信流光動地遷不論冬夏唯瞌睡箇中滋味佛不知空咄蚌蛤與螺師放身不管臥水底與發長挨布袋兒鼻息如雷誰顧得尋常少見有醒時沒醒時良有以要明瞌睡中宗旨從來一覺到天明佛來不解擡身起縱使舒光徧大千終難換我無憂底校疎親渾打失瞌睡根靈莫窮詰有人契會便同參睡著須知更綿密

修道者若虛庵銘

修禪道人隨身卓庵取名於佛果老子因與名之若

支那

圓悟佛果禪師語錄卷十

十六

虛乃會三爲一也而不出本分事及禪教永嘉云體若虛空沒涯岸佛經云佛眞法身猶若虛空混元云溪藏若虛宣尼云實若虛云一滴滴水一滴滴凍只麼平常表裏空洞根塵絕偶六門互用快住此庵十八不共要觀罅隙灼然無縫應物非緣誰爲幻夢

破妄傳達磨胎息論

西方大聖人出迦維羅作無邊量妙用顯發剎塵莫數難思議殊特勝因以啓通羣靈其方便順逆開遮餘言餘典盈溢寶藏及至下梢始露一實消息謂之教外別行單傳心印金色老子以來的的綿綿只論

支那

圓悟佛果禪師語錄卷十

十七

直指人心見性成佛不立階梯不生知見利根上智向無明窟子裏瞥破煩惱根株中活脫應時超證得大解脫是故竺乾四七東土二三皆龍象蹴踏師勝資強機境言句動用語默有上上乘器格外領略當下業障水消直截承荷於餘時自能管帶打成一片度世絕流頓契佛地尚不肯向水裏浸却唱出透玄妙越佛祖削去機緣刻斷露布如按太阿凜凜神威阿誰敢近作家漢確實論量才有向上向下勝妙性理作用纖毫卽叱之不是從來種草直下十成煨煉得契踐履得實始與略放過猶恐異時落草負累

人瞎却正法眼嗟見一流拍盲野狐種族自不曾夢見祖師却妄傳達磨以胎息傳人謂之傳法救迷情以至引從上最年高宗師如安國師趙州之類皆行此氣及誇初祖隻履普化空棺皆謂此術有驗遂至渾身脫去謂之形神俱妙而人間厚愛此身怕臘月三十日悵惶競傳歸眞之法除夜望影喚主人翁以卜日月聽樓鼓驗玉池覘眼光以爲脫生死法眞誑說閻閻捏爲造窠貽高人嗤鄙復有一等假託初祖胎息說趙州十二時別歌龐居士轉河車頌遞互指授密傳行持以圖長年及全身脫去或希三五百歲

殊不知此真是妄想愛見本是善因不覺墮在荒草而豪傑俊穎之士高談大辯下視祖師者往往信之豈知失顧步畫虎成狸遭有識大達明眼觀破居常衆中唯默觀憫憐豈釋迦文與列祖體裁止如是耶曾不自回嗔始末則居然可知矣海內學此道者如稻麻竹箬其高識遠見自不因循恐乍發意未深入聞與揚志雖專跬步雖遠遇增上慢導入此邪見林末上一錯永沒回轉其流浸廣莫之能過因出此顯言廣有志願於大解脫大總持可以辯之而同入無生大薩婆若海泛小舟濟接羣品俾真正道妙流於

支那  
佛通

圓信佛果證師證錄卷十

十八

無窮豈不快哉

辯偽

老漢生平久歷叢席徧參知識好窮究諸宗派雖不十成洞貫然十得八九亦通會示徒自不造次不知何人盜竊山僧該博之名遂將此亂道爲山僧所出觀之使人汗下面赤況老漢尚自未死早已見如此狼藉請具眼衲子詳觀之勿認魚目作明珠也  
佛事

爲智海法真和尚入龕

釋迦雙樹示寂偃臥吉祥法真智海告終端坐行上

四十年道價七十一生緣德播寰中聲馳海外人天敬仰朝野傾崇比望永作梯航長光佛祖豈期忙中縮手關裏抽身最後皇都大作佛事今則未埋玉樹先入雲龕公案現成須至一決大衆因行不妨掉臂伎倆不如帳樣爲瑞爲祥無邊無量請老和尚且出方丈

爲佛眼和尚舉哀

三十年行道海上第一人颯然恁麼去誰見不酸辛雖然如是須知佛眼未曾生未曾死未曾去未曾來正與麼時如何乃指龕云我與雪峯同條生不與雪

支那  
佛通

圓信佛果證師證錄卷十

十九

峯同條死要知末後句分明普請大衆齊聲舉乃云  
哀哀

爲佛眼和尚下火

如來涅槃日娑羅雙樹間放出三昧火闍維金色身有條拳條無條拳倒故褒山佛眼禪師道播四海名聞九州二十年間三據大剎退席褒嶺宴坐鍾山以平生所受用栗棘蓬驅耕夫之牛以楊岐所付囑金剛圈奪饑人之食傳持一大事提振向上機衲子雲從諸方景慕豈謂一彈指頃坐斷報化佛頭談笑之間遽失人天正眼今則乾坤廓落人境蕭條雪映高

山風清大野圓頂後相放萬里神光大眾正與麼時  
還委悉麼看取亘天紅燄裏華發優曇大地春

為妙禪人下火

昨日一箇正可憐今朝一箇更凄然翻身踏著曹溪  
路妙體堂堂沒變遷妙師愛叅禪祖佛要齊肩索然  
恁麼去一朵火中蓮生也浮雲突出死也空華條沒  
頂後圓同太虛畢竟非心非佛大眾看取一道紅光  
燄破無生窠窟

為佛真大師下火

觸目菩提真解脫頂門正眼耀乾坤透得生死關廊

卷之三

圓悟佛果禪師語錄卷之三

二十

然無起滅佛真大師生平滴水滴凍勇猛截鐵斬釘  
舉世重其為人聞見莫不欽歎內侍叢中跳出衲僧  
隊裏修行淵聖錫徽名皇后賜度牒驚羣伏眾絕類  
離倫將謂萬里前程豈期百年頃刻今則飄身長往  
透出金圈栗棘蓬頂後圓光應現無生大火聚佛真  
佛真急著眼保雲程一炬紅光纔舉處毗盧頂上任  
縱橫

為範和尚下火

忠臣不畏死故能立天下之大事勇士不顧生故能  
成天下之大名衲僧家透脫生死不懼危亡故能立

佛祖之紀綱昭覺和尚神機峭拔智辯滔天肘臂下  
有符頂門上具眼奮喝散白雲底意氣操打破虛空  
底鉗鎚一歸錦官兩住雄刹關開荆棘路坐斷是非  
關接物利生光揚佛日臨岐一著擺撥便行絕後光  
前頭正尾正如今既到這裏可謂世緣畢備末後慙  
慙截斷路頭一堆猛火大眾且道畢竟向什麼處去  
舉火炬云烈焰亘天留不得當空寶月鎮長圓

為僧下火

五蘊山頭涅槃路四方八面沒遮欄通身盡是金剛  
眼一粒靈丹火裏燃

卷之三

圓悟佛果禪師語錄卷之三

二十一

圓悟佛果禪師語錄卷第二

校謄

第十二紙七行闕北

音釋

皖胡管切

羈居豆切

馬絡頭也

前得切

辣郎葛切

哇五佳切

噪他鼎切

轡五佳切

攬初街切

械尤切

毛也

切也

毛也

毛也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

切也

比丘尼智寶 優婆塞吳氏本命已亥五月二十七日生施實刻此  
圓悟佛果禪師語錄卷第二 京山沙彌玄秀刻 吳江沙彌本善書 盧  
華曆辛卯夏清涼山妙德庵識

# 佛果圓悟真覺禪師心要

宋  
子  
圓悟克勤  
文

編撰





四十八世圓悟克勤禪師



師彭州駱氏子爲演祖侍者部使詣演演曰提刑少年曾讀小艷詩否頻呼小玉元無事只要檀郎認得聲使應喏喏演曰且仔細師侍次問刑會否演曰他祇認得聲師曰他旣認得聲爲甚卻不是演曰祖師西來意庭前柏樹子聾師有省後見鷄飛上闌干鼓翅而鳴大悟通所得演謂衆曰我侍者參得禪也宋高宗紹興五年八月五日示微恙趺坐而逝塏於昭覺賜號圓悟禪師謚真覺塏曰寂照贊曰

對地鷄飛如從夢覺蓋色騎聲妙力無作海水騰波須彌倒卓一段風流睂間閃爍

題圓悟和尚心要

元天目中峯禪師明本題

少室不傳之妙。就當人正體上舉揚。無形段可指。無方隅可示。無言說可詮。無道理可陳。虛洞洞空。牢牢絕毫芒。離朕兆。圓滿湛寂。真正妙明。通貫十虛。包含法界。不可得有。不可得無。空由之而空。空不可混。色依之而色。色不可齊。入凡夫之迷。如水中鹽味。同聖人之悟。似色裏膠青。雪山大沙門之智辯。雖淵深廓徹。廣大無涯。當三百餘會之發機。其詞源衮衮。放肆汪洋。開合卷舒。具大自在。幽秘微密。靡不揭揚。獨於



此事不能加一元字腳。可謂極聖之大猷。至神之玄府者也。圓悟和尚得法於東山演祖。其眼明。其機活。其意透。其語圓。不守一方便。而開示衆徒。溢爲巨編。目曰心要。於無言中顯言。無象中垂象。應機隨器。解其所縛。去其所重。多不病繁。少不病簡。縱橫得要。左右逢原。其痛快直捷。貴馬師一口吸盡西江。細密操持。重巖頭只守閑閑。德嶠於心無事。其爲初機。必使其真。衆實。究廢寢忘餐。雙泯愛憎。兩忘身世。機輪活脫。不滯一隅。樞轉面門。一口咬斷。返擲踞地。豈容湊泊。譬如大雲。倏忽變化。彌綸六合。降注甘雨。潤滋草

木流布江河。項馬開霽。覓其去來了不可得。非得法自在。疇克爾耶。一種是說法之師。雖臨濟德山亦將斂衽。蓋嘗於般若種智。積劫熏鍊。故獲如是圓轉無礙者也。本伏讀再過。乃拜手書此。以識之。固不敢望師橫點首於大寂定門。期不孤其所教者矣。



佛果圓悟真覺禪師心要序

震旦有大乘氣象達磨東來六代傳衣普天蒙益吾  
蜀一隅僻處至今見諦寥寥聖非不生凡莫能識惜  
哉惜哉馬大師欲供十方被簸箕巷老嫗推去駱和  
尚將歸昭覺被張商英丞相促行從此宗說俱通蠶  
叢絕響夫馬駒踏殺天下人誠佛出世如馬生角駱  
氏子可多得哉吾嘗閱圓師與張相論判華嚴謂周  
徧含容觀後正好參禪古今提倡宗乘獨一無侶所  
惜碧崖一集帶水拖泥末世眾生苦會求悟未免與  
黃面老人不合大慧仿仰山燒俱胝傳授各圈報恩



有自矣客冬游蓉度歲上元燈火中善友皮懷白君  
攜此編來囑爲讐校謂昭覺淳清長老付梓以益叢  
林憶往年手抄蓮池天童中峯妙喜及此五家示居  
士書合刊未果今茲隨喜慶慰奚如恨年漸衰酬俗  
之餘精神倦憊一經尋繹遂不能支又野處崛峽龍  
藏不備欲加攷究從事末由不得已援徑山鐫指月  
錄公案宗派不別偈頌雜糅留以爲徵驗學人之地  
畧一翻檢仍歸皮君他日書成寄我一編再當布鼓  
雷門令大千界了事高流勘其得失或者懷君連皮  
帶肉示此探竿予方撥草瞻風自爾安身立命乎不

亦猶普覺拶眞覺云作劄子手一生得一肥漢副也  
舉似淳清倘同一笑

時

中華民國二十一年壬申正月眉山劉書晉謹撰

[illegible]

佛果園悟真覺禪師心要卷上

嗣法子文編

示華藏明首座

住江寧府天寧

祖師直示。豈有如許蹊徑。只貴向上人聊聞舉著。剔起便行。明眼覷來。早是鈍置古者道。舉一隅不以三隅反者。吾不與也。箇箇須是舉一明三。目機銖兩。轉轆轤地。疎通俊快。始稱提持。豈不見良遂見麻谷。第一番見。谷便入方丈。閉卻門渠疑著。及至第二次。谷驟步去菜園裏。渠便瞥地。乃謂谷曰。和尚莫謾良遂。若不來見和尚。泊被十二本經論賺過一生。看渠恁



地不妨省力。既歸。謂徒曰。諸人知處。良遂總知。良遂知處。諸人不知。信知渠知處。有不通風。諸人卒未薦得。可謂真師子兒。要作他家種草。直須更出他。一頭地始得。

達磨游梁入魏。落草尋人。向少林冷坐九年。深雪之中。覓得一箇。及至最後。問得箇什麼。卻只禮三拜。依位而立。遂有得髓之言。至今守株待兔之流。競以無言禮拜依位爲得髓深致。殊不知劍去久矣。爾方刻舟。豈曾夢見祖師。若是本色真正道流。要須超情離見。別有生涯。終不向死水裏作活計。方承紹得他家。

基業。到箇裏直須知有從上來事。所謂善學柳下惠。終不師其迹。是故古人道。一句合頭語。萬劫繫驢橛。誠哉。

破有法王。出現世間。隨眾生欲。種種說法。將知所說。皆爲方便。只爲破執破疑。破解路我見。並無許多惡。覺惡見佛亦不必出現。況說種種法耶。

古人得旨之後。向深山茆茨石室。折腳鐺子。煮飯喫。十年二十年。大忘人世。永謝塵寰。今時不敢望如此。但只韜名晦迹。守本分作箇骨律錐老衲。以自所契。所證。隨己力量受用。消遣舊業。融通宿習。或有餘力。

推以及人。結般若緣。鍊磨自己。腳跟純熟。譬如閑荒草裏。撥剔一箇半箇。同知有。共脫生死。轉益未來。以報佛祖深恩。抑不得已。霜露果熟。推將出世。應緣順適。開拓人天。終不操心於有求。何況依倚貴勢。作流俗阿師。舉止欺凡。罔聖。苟利圖名。作無間業。縱無機緣。只恁度世。亦無業果。眞出塵羅漢也。

僧問天皇。如何是戒定慧。皇云。我這裏無恁閑家具。又問德山。如何是佛。山云。佛是西天老比丘。又問石頭。如何是道。答云。木頭。如何是禪。云。碌搏。僧問雲門。如何是超佛越祖之譚。答云。餠餅。又問趙州。如何是

祖師西來意。云庭前栢樹子。又問清平。如何是有漏。  
答云。策籬。又問無漏。答云。木杓。問三角。如何是三寶。  
答云。禾粟豆。是皆前世本分宗師。腳踢實地。本分垂  
慈之語。若隨他語。卽成辜負。若不隨他語。又且如何  
領略。除非具金剛正眼。卽知落處耳。

此門瞥脫。契證卽是。素來未曾經人壞持。拍盲百不  
知。一旦以利根種性。孟八郎便透。直下承當。要用便  
用。要行卽行。無如許般心行。純熟頓放著。所在便得  
休歇安樂。終日飽齣齣地。不妨真正。最難整理。是半  
前落後。認得瞻視光影。聽聞不隨聲。守寂湛之性。便



爲至寶。懷在胸中。終日昭昭靈靈。雜知雜解。自擔負我亦有見處。會得宗師印證。惟只增長我見。便雌黃古今。印證佛祖。輕毀一切。問著卽作伎倆。黏作一堆。殊不知末上便錯認定槃星子也。及至與渠作方便。解黏去縛。便謂移換人。捩轉人。作恁麼心行。似此有甚救處。除是驀地自解知非。卻將來須放得下。爲善知識。遇著此等。須是大手腳與烹鍊。救得一箇半箇得徹。不妨翻邪成正。卻是箇沒量大人。何故。只爲病多諳藥性。

得底人。心機泯絕。照體已忘。渾無領覽。只守閑閑地。

而諸天捧花無路。魔外潛覷不見。深深海底行。漏盡  
意解。所作平常。似三家村裏無以異。直下放懷。養到  
恁麼處。亦未肯住在。纔有纖毫便覺。如泰山似礙塞  
人。便卽擺撥。雖淳是理地。亦無可取。若取著。卽是見  
刺。所以道。道無心合人。人無心合道。豈肯自衒我是  
得底人。原他深不欲人知。喚作絕學無爲。與古爲儔。  
眞道人也。

德山一日齋晚。老子持鉢自方丈下來。雪峯云。鐘未  
鳴。鼓未響。托鉢向什麼處去。山低頭遂回。巖頭聞云。  
大小德山。未會末後句在。德山謂汝不肯。老僧那巖

頭遂密啟其意。山次日陞座與尋常迥殊。巖頭拊掌  
謂大眾云。且喜老漢會末後句。雖然如是。只得三年。  
此箇公案。叢林解會極多。然少有的確透得者。有以  
謂真有此句。有以謂父子唱和實無此句。有以謂此  
句須密傳授。不免只是話會。增長機路。去本分甚遠。  
所以道。醍醐上味。爲世所珍。遇此等人。翻成毒藥。  
他參活句。不參死句。活句下薦得。永劫不忘。死句下  
薦得。自救不了。若要與祖佛爲師。須明取活句。韶陽  
出一句。如利刀剪卻。臨濟亦云。吹毛用了急須磨。此  
豈陰界中事。亦非世智辯聰所及。直是深徹淵源。打

落從前依他作解明昧逆順。以金剛正印印定。魔金剛王寶劍。用本分手段。所以道殺人須是殺人。刀活人須是活人。劍既殺得人。須活得人。既活得人。須殺得人。若只孤單。則偏墮也。垂手之際。卻看方便。勿使傷鋒犯手。著著有出身之路。八面玲瓏。照破他。方與下刃。亦須緊密。始得稍寬緩。卽落七落八也。只自己等閑。尙不留毫髮許。設有亦斬作三段。何況此宗門從上牙爪。遇其中人。纔拈出。若投機則共用。不投機則卻以是爲要。無不了底事。切在力行之。

華藏明首座。自錦官夾山鍾阜。從余遊十餘年。其情



理勝解悉已拈去。入此門來。照用機智解路。靡不打  
擗。惟向上一著。室中百煨千煉。比出佐民老。以謂違  
去朝夕。欲得筆語。因條列數章以付之。

寄張宣撫相公

疇昔受知於此道。極深且久。豈假言句可通。然格外  
超宗。在大達大觀所操持。雖千變萬化。不出掌握中。  
世法佛法。曾無以異。唯日用照了。鏡心像迹。初不遺  
鑒。廼大定也。是故維摩取飯香積。借座燈王。搏妙喜  
世界。如陶家輪。納須彌於芥子中。吸劫火於腹內。由  
反覆掌蓋中。既虛而靈。寂而照。此外事物出沒轉旋。

不假他力。所謂證不可思議。咸卽方寸片田地爾。矧建功立業。蘊德操誠。左右逢原。秉金剛寶劍。拈殺活杖子。指揮之際。皆此妙也。望期之言。表意外。雖千萬里。猶曰擊耳。

又

自古聖賢。以過量傑出。如植大根器。獨證此大因緣。以悲願力。發揮直指。萬有同體。至淵至奧。一段事。不立階梯。頓超獨得。從空劫已前。湛然不動。印定羣靈根腳。亘古今。絕思慮。出聖凡。越知見。初不動搖。淨裸裸。活鱗鱗。現在一切有情。無情。莫不圓具。是故釋迦

初生。卽指天地。大哮吼。當頭拈出。次以明星。末後拈花。只貴具此正眼底領略。自爾四七二三密傳。不知有者。以謂有多少妙用神機。只言隨波逐流。初不究其根本。若鞠其至趣。不消一筭。昔李駙馬見石門。門謂曰。此大丈夫事。非將相所能爲。李卽便領。以頌自陳。學道須是鐵漢。著手心頭。便判直趣無上菩提。一切是非莫管。蓋上智利根。天機已具。唯務確實透徹。當受用時。握大機。發大用。先機而動。絕物而轉。巖頭云。卻物爲上。逐物爲下。若論戰也。箇箇力在轉處。若能於物上轉得疾。則一切立在下風。並歸自掌握。擒。

縱卷舒。悉可點化。居常自處。泰然安靜。不掛纖末於方寸。動而應機。自秉璿璣。回轉變通。得大自在。萬彙萬緣。皆迎刃而解。莫不如破竹勢。從風而靡。所以立處。旣真。用時有力。況總領英雄。驅貔虎之士。攘巨寇。撫萬姓。安社稷。佐中興之業。皆只仗此一著子。撥轉上頭關鍵。萬世不拔之功。與古佛同見同聞。同知同用。四祖云。非心不問佛。德山云。佛只是箇無事人。永嘉云。不離當處常湛然。覓卽知君不可見。無位真人。常從面門出入。皆此蘊也。

今樞密大丞相已領之於言外。透出於聲前。而山野



剩語忉忉納敗缺。猥蒙鈞慈見照。以此遂忘老農老圃老馬之智而獻芹焉。

### 示圓首座

得道之士。立處旣孤危峭絕。不與一法作對。行時不動纖塵。豈止入林不動草。入水不動波。蓋中已虛寂。外絕照功。翛然自得。徹證無心。雖萬機頓赴。豈能撓其神干其慮哉。平時只守閑閑地。如癡似兀。及至臨事物。初不作伎倆。準擬剗割風旋電轉。靡不當機。豈非素有所守耶。是故古德道。如人學射。久久方中。悟則刹那。履踐功夫。須資長遠。如鶻鳩兒。出生下來。赤

骨體地。養來倭去。日久時深。羽毛既就。便解高飛遠舉。所以悟明透徹。正要調伏。只如諸塵境界。常流於中。窒礙到得底人分上。無不虛通。全是自家大解脫。門終日作爲。未曾作爲了。無欣厭。亦無倦怠。度盡一切。而無能所。況生厭墮耶。苟性質偏枯。尤當增益。所不能放教圓通。以謳和攝化開權。俯仰應接。使高低遠邇。略無差悞。行常不輕行。學忍辱仙人。遵先佛軌儀。成就三十七品助道法。堅固四攝行。到大用現前。喧寂一致。如下水船。不勞篙棹。混融合攝。圓證普賢行願。乃世出世間大善知識也。古德云。三家村裏須。

自箇叢林。蓋無叢林處。雖有志之士。亦喜自便。到恁  
麼尤宜執守。唯在強勉。以不倦終之。至於喧靜亦復  
爾。喧處周旋應變。於中虛寂靜處。能不被靜縛。則隨  
所至處。皆我活業。唯中虛外順有根本者能然。  
大凡爲善知識。當慈悲柔和。善順接物。以平等無諍  
自處。彼以惡來。及以惡聲名色加我。非理相干。訕謗  
毀辱。但退步自照。於己無歉。一切勿與較量。亦不動  
念瞋恨。只與直下坐斷。如初不聞不見。久久魔孽自  
消。爾若與之較。則惡聲相反。豈有了期。又不表顯自  
己力量。與常流何以異。切力行之。自然無思不服。

椎拂之下。開發人天。使透脫生死。豈小因緣。應恬和  
詞色。當機接引。勘對辨其由來。驗其存坐。攻其所偏  
墜。奪其所執著。直截指示。令見佛性。到大休大歇。安  
樂之場。所謂抽釘拔楔。解黏去縛。切不可將實法。繫  
綴人令如是住。如是執。勿受別人移倒。此毒藥也。令  
渠喫著。一生擔板賺悞。豈有利益耶。

佛祖出興。特唱此段大因緣。謂之單傳心印。不立文  
字。語句接最上機。只貴一聞千悟。直下承當了修行。  
不求名聞利養。唯務透脫生死。今既作其兒孫。須存  
它種草。看他古來大有道之士。動是降龍伏虎。神明



授戒。攻苦食淡。大忘人世。永謝塵寰。三二十年。折腳  
鎗兒。煮飯喫。遁迹埋名。往往坐脫立亡。於中一箇半  
箇。諸聖推出。建立宗風。無不秉高行。務報佛恩。流通  
大法。始出一言半句。出於抑不得已。明知是接引入  
理之門。敲門瓦子。其體裁力用。不妨爲後昆模範。當  
宜師法之。轉相勉勵。追復古風。切忌希名苟利。茲深  
祝也。

馬祖昔歸鄉。以簸箕之譏。畏難行道。因再出峽。緣會  
江西。大隋昔歸鄉。先於龍懷路口。三載茶湯。結眾緣。  
遂隱於木庵。道行於蜀。香林昔歸鄉。潛神隱照。於水

晶宮成四十年。一片事撥正智門。老祚尋出雪竇大雲門正宗。或留再出。皆以緣斷。今既萬里西歸。但存行腳本志。亦不必拘去留也。

慈明昔辭汾陽。祝云。修造自有人。且與佛法爲主。自爾五據大利。不動一椽。唯提振臨濟正宗。遂得楊岐黃龍翠巖三大士。而子孫徧寰海。果不辜所付授。蓋古人擇可以荷擔之士。不輕如此。信巖飾壯麗梵苑。未足以奇佛法也。

佛道懸曠。久受勤苦。乃可得成。祖師門下。斷臂立雪。腰石舂碓。擔麥推車。事園作飯。開田疇。施湯茶。搬土。

拽磨皆抗志絕俗。自強不息。圖成功業者。乃能之。所謂未有一法從嬾墮懈怠中生。既已洞達淵源。至難至險。人所不能達者。尙能。而於涉世應酬。屈節俯仰。而謂不能。此不爲非不能也。當稍按下雲頭。自警自策。庶幾方便門寬曠。不亦善乎。

示裕書記

住杭州靈隱智禪師

腳踢實地。到安穩處。時中無虛棄底工夫。綿綿不漏絲毫。湛寂凝然。佛祖莫知。魔外無捉摸。是自住無所住。大解脫。雖歷無窮劫。亦只如如地。況復諸緣耶。安住是中。方可建立。與人拔楔抽釘。亦只令渠無住著。

去。此謂之大事因緣。如來有密語。迦葉不覆藏。乃如來真密語也。當不覆藏卽密。當密卽不覆藏。此豈可與繫情量立得失存窠臼作解會者舉耶。要須透脫到實證之地。向出格超宗頂額上領始得。旣已領略。應當將護。遇上根大器。方可印授也。

秉拂據位稱宗師。若無本分作家手段。未免賺悞方來。引他入草窠裏打骨董去也。若具金剛正眼。須灑灑落落。唯以本分事接之。直饒見與佛齊。猶有佛地障在。是故從上來行棒行喝。一機一境。一言一句。意在鉤頭。只貴獨脫。切忌依草附木。所謂驅耕夫之牛。



奪飢人之食。若不如是盡是。弄泥團漢。

方來衲子。有夙根。作工夫。驀地得入者。不遇真正宗師。返引他作露布。墮在機境中。無繩自縛。半前落後。似是不是。最難整理。要須識其病脈。辨其落著。徵其所偏墜。而發起之。使捨執著。住滯。然後示以本分正宗。使無疑惑。了然得大解脫。居大寶宅。自然趁亦不去。可以洪濟大法。傳續祖燈。堪報不報之恩也。

黃龍老南禪師。昔未見石霜。會一肚皮禪。翠巖憫之。勸謁慈明。只窮究玄沙語。靈雲未徹處。應時瓦解冰消。遂受印可。三十年只以此印拈諸方解路。瘡病不

假驢馳藥緊要處。豈有許多佛法也。

大宗師爲人。雖不立窠臼。露布久之。學徒妄認。亦成窠臼。露布也。益以無窠臼爲窠臼。無露布作露布也。應須及之令盡。無令守株待兔。認指爲月。

鑒在機先。風塵草動。亦照其端倪。況應酬擾擾哉。非胷次虛靜。無一法當情。安能圓應無差。先機照物耶。此皆那伽在定之効也。

臨濟金剛王寶劍。德山末後句。藥嶠一句子。秘魔杖。俱胷指。雪峯毬毬。禾山打鼓。趙州喫茶。楊岐栗棘蓬。金剛圈。皆一致耳。契證得直下省力。一切佛祖言教。

無不通達。唯在當人善自宏持耳。

示隆知藏

住蘇州虎丘

有祖以來。唯務單傳直指。不喜帶水拖泥。打露布。列  
窠窟。鈍置人。蓋釋迦老子三百餘會。對機設教。立世  
垂範。大段周遮。是故最後省要。接最上機。雖自迦葉  
二十八世。少示機關。多顯理致。至於付授之際。靡不  
直面提持。如倒刹竿。益水投針。示圓相。執赤幡。把明  
鑑。說如鐵橛子。傳法偈。達磨六宗。與外道立義。天下  
太平。翻轉我天爾狗。皆神機迅捷。非擬議思量所測。  
洎到梁游魏。尤復顯言教外別行。單傳心印。六代傳

衣所指顯著。逮曹谿大鑒。詳示說通宗通。歷涉既久。具正眼大解脫宗匠。變格通塗。俾不滯名相。不墮理性。言說放出。活卓卓地。脫灑自由。妙機遂見。行棒行喝。以言遣言。以機奪機。以毒攻毒。以用破用。所以流傳七百餘年。枝分派列。各擅家風。浩浩轟轟。莫知紀極。鞠其歸著。無出直指人心。心地既明。無絲毫隔礙。去勝負。彼我是非。知見解會。透到大休大歇。安穩之場。豈有二致哉。所謂百川異流。同歸于海。要須是箇向上根器。具高識遠見。有紹隆佛祖志氣。然後能深入闢奧。徹底信得及。直下把得住。始可印證。堪爲種。



草捨此切宜寶秘。慎詞勿容易放行也。

五祖老人平生孤峻。少許可人。乾曝曝地壁立。只靠此一著。常白云。如倚一座須彌山。豈可落虛弄滑頭。謾人把箇沒滋味。鐵酸饑劈頭拈與學者。令咬嚼。須到渠桶底子脫喪。卻如許惡知惡見。曾次不掛絲毫。透得淨盡。始可下手煅煉。方禁得拳踢。然後示以金剛王寶劍。度其果能履踐負荷。淨然無一事。山是山。水是水。更應轉向那邊。千聖籠羅不住處。便契廼祖以來所證傳持正法眼藏。及至應用爲物。仍當驅耕夫之牛。奪飢人之食。證驗得十成無滲漏。卽是本分。

道流也。

摩竭陀國親行此令。少林面壁全提正宗。而時流錯認。遂向泯默。以爲無縫罅。無模索。壁立萬仞。殊不知本分事。恣情識搏量。便爲高見。此大病也。從上來事。本無如是巖頭云。只露目前些子箇。如擊石火。閃電光。若明不得。不用疑著。此是向上人行履處。除非知有莫能知之。

趙州喫茶去。祕魔擎杓。雪峰輓毬。禾山打鼓。俱胝一指。歸宗拽石。玄沙未徹。德山棒。臨濟喝。並是透頂透底。直截剪斷葛藤。大機大用。千差萬別。會歸一源。可。

以與人解黏去縛。若隨語作解。卽須與本分草料。譬如十斛驢乳。只以一滴師子乳滴之。悉皆迸散。要腳跟下傳持相繼綿遠。直須不徇人情。勿使容易。乃端的也。

末後一句。始到牢關。誠哉是言。透脫死生。提持正印。全是此箇時節。惟是踢著向上關。楸子者。便諳悉也。

### 法王沖長老

從上宗乘。高超直證。師資契會。斷不等閑。所以二祖立雪斷臂。黃梅負春。自餘服勤三十二載。豈容易印可哉。蓋觀機逗教。百煨千煉。纔有偏執疑情。盡爲

決破。使徹底放下。得平穩履踐轉換到撲不破之地。  
如皮可漏子相似。禁當得。然後放出接物利生。此非  
小小因緣。纔一不周。卽模子不正。脫得出來七凹八  
凸。取笑作者。是故古德唯務周正。八面玲瓏。內於已  
行持潔清如冰玉。外則圓通謳和。覽羣情。善回互。如  
陂澤。立參之際。一一以本分事敲點。待其領略。卽放  
手段與琢磨。譬如一器水。傳一器。切忌滲漏。其間驅  
耕奪飢。神鬼莫測。只憑仗一大解脫。更不生異類相。  
中頭角。妥貼無爲。眞五戒十善出塵阿難漢也。達磨  
有言。行解相應。名之曰祖。



行腳超方。本爲生死事大。接物利生。爲大善知識。止發明大事因緣。此相須相資之理。自古已然。唯堪任荷負大法器。乃能於壁立萬仞。宗師鑪鞴鉗鎚中。煅煉成就。始末真正。除是不出。一出必驚羣動衆。定也。蓋緣承當處。旣不莽鹵。付授時亦不率易。如讓師在曹溪八年。馬祖之與觀音。德嶠之與龍潭。仰山之於大圓。臨濟之於斷際。皆不下一二十載。是故一言一句。一機一境。金聲玉振。後世莫能窺覷。惟超證到乎大同之地。自然必其落處。憶昔馬祖爲西堂云。子曾看教麼。藏云。教豈異耶。祖云。不然。子已後爲人。若東

道西說藏云。某病須自養。豈敢爲人祖云。子末年必大興於世。已而果然。細詳古人。豈不是大徹大悟。向上一段大因緣。絕言像離分別。硬糾糾處。唯已自知。獨樂安閑。休歇去處。然馬師尙激勵如此。正欲圓通轉變。不守一隅。泥著一處。須該括古今。踐履融攝。混圓無際。貴利物之時。八面受敵。撥得草窠裏一箇半箇焦尾。堪作種草。豈非方便。作報佛祖恩德事業耶。要須打辦精神。垂手方便。一著著須有出身之機。免瞎人眼。迷果謬因。卻不利益。此最爲知識要徑也。黃龍老南大禪師嘗有語。端居丈室。以本分事接方。

來人乃長老之職也。其餘細事付之知事。無不辦者。誠哉。然用人之際。必須慎擇委任。令不敗事始得。大瀧真如云。住山無巧。只貴善用人。思之思之。

諺語云。伎倆不如帳樣。只如百丈大智創立規繩。千古撲它底不破。今時但謹遵守。自己率先。不違他雅範。則眾人無有不從去也。

最後折倒衲子透脫死生。須知有千聖羅籠不住截斷命根底一著始得。古德大有道能擒縱。善殺活。得大解脫。知識無不用之。非知之難。見於行事。當機瞥脫。斷得行。方始久遠得力也。

楊岐祖師倡起金剛圈。栗棘蓬。用辨龍蛇。擒虎兇。若本色是他家裏人。等閑拈出。便坐斷衲子舌頭也。

示法濟禪師

住泗洲普照勝長老

釋迦文多子塔前分半座。已密授此印。爾後拈花第二重公案。至於付金襴。雞足山中候彌勒。是多少節文也。達磨迢迢自西竺。游梁歷魏。冷坐少林。深雪之中。有箇斷臂老子解覷破。不免漏泄分付伊。謂之單傳密記。子細推之。一場敗闕。自此便喧傳西來旨意。世間隨流。將錯就錯。滿地流行。分五家七宗。遞立門戶。提唱就實窮之。端的成得什麼邊事。是故從上達



人不喫這般茶飯。且如何卻是諦當。將知六合外著得眼。早白別也。況無邊香水海。浮幢王刹表。下視底乃少知落著實處。所以道此大丈夫事。撲迭掀豁。步驟作略。唯同風契證。始善弘荷。終不搬沙。搬土。遂與釋迦金色。碧眼神光。共一坐具地。等閑垂手。殺人活人。初無窠臼。只貴緊峭。萬苦千辛。至嶮至毒。下得斷命手腳。然後不虛印授也。白雪師公云。神仙秘訣。父子不傳。

示杲書記

住杭州徑山

臨濟正宗白馬師黃檗闡大機。發大用。脫籠羅出窠。

白虎驟龍馳。星飛電激。卷舒擒縱。皆據本分綿綿的。  
的。到風穴興化。唱愈高。機愈峻。西河弄師子。霜華奮。  
金剛王。非深入闢奧。親授印記。莫知端倪。徒自名邈。  
只益戲論。大抵負冲天氣字。格外提持。不戰屈人兵。  
殺人不眨眼。尙未髣髴其趣向。況移星換斗。轉天輪。  
迴地軸耶。是故示三玄三要。四料簡。四賓主。金剛王。  
寶劒踞地師子。一喝不作一喝用。探竿影草。一喝分。  
賓主照用。一時行許多絡索。多少學家搏量注解。殊。  
不知我王庫中無如是刀。及弄將出來看底。只是眨。  
眼。須是他上流契證驗認。正接旁提。還本分種草。豈。

假梯媒只如寶壽開堂。三聖推出一僧。壽便打。聖云。爾與麼爲人。非但瞎卻這僧。瞎卻鎮州一城人眼去。在壽擲下拄杖便歸方丈。興化見同參來便喝。僧亦喝。化又喝。僧復喝。化云。爾看這瞎漢。直打出法堂。侍僧問這僧有何相觸悞。化云。是他也有權有實。我將手向伊面前橫。兩遭卻不會。似此瞎漢。不打更待何時。看他本色宗風。迥然超絕。不貴作略。只羨他眼正。要扶荷正宗。提持宗眼。須是透頂透底。徹骨徹髓。不涉廉纖。迥然獨脫。然後的的相承。可以起此大法幢。然此大法炬也。繼馬祖百丈首山楊岐。不爲叨竊耳。

示報寧靜長老

靈山單傳。少室密付。要卓卓絕。類離倫。驗風塵草動。眼光睽睽透青去。隔山已識起倒。吞聲削迹。不留毫末。而能鼓逆水波。運截流機。上門上戶。咬人火急。如俊鷹快鷂。迷影捎空。背摩青霄。眨眼便過。點著便來。挨著便去。不妨峭淨。所以流此正宗。標準異世也。箇箇須是殺人不眨眼。然後入作。只如黃檗老漢。生知此段。纔行腳天台。見羅漢凌波絕瀑流。卽欲打殺。及抵百丈。聞舉馬師一喝。三日耳聾。乃退身吐舌。知是大機之用。豈單見淺聞所擬議哉。其後接臨濟祖師。



全體用此。不惜眉毛。成就克家之子。覆蔭天下人。有志之士。應飽諳熟練。使越格超宗。然後所以奪飢人食。驅耕夫牛。紹繼先規。不迷向背。細處直是涓滴照透。寬廣時。千聖亦尋他不著。始是向上種草。祖峰老師常云。釋迦彌勒。猶是他奴。至竟他是阿誰。那容向此亂下鍼錐。除非知有。則較些子也。大凡奮丈夫氣槩。要超軼上流。合下手便教羅籠不得。呼喚不回。利物應機。莫非灑灑落落。不向草窠裏覓。鬼窟裏弄精魂。將玄妙理性。揚眉瞬目。舉手動腳。下合頭語。以實法繫綴人家男女。一盲引眾盲。成何方便。既已據位。

稱師固不可容易。只自己分上。滴水滴凍。孤迥危峭。如師子兒。遨遊意氣。驚羣出沒。縱擒卒難測度。驀然踞地返擲。百獸奔馳喪膽。豈非殊勝奇特耶。還是與麼人。三千里外。已審端倪了也。是故巖頭道。如水上按葫蘆子相似。等閑蕩蕩地。拘牽惹絆不得。觸著捺著。則蓋天蓋地。長養履踐。得到此地。始可與靈山少室。分一線路。黃檗臨濟巖頭雪峰。互爲賓主。風行草偃。亦不虛出頭。播揚三二十年。他家自有同流共證明通人。相將護也。誰言卞璧無人鑒。我道驪珠到處晶。

## 示開聖隆長老

開聖堂頭隆老。政和中相從於湘西道林。膠漆相投。箭鋒相直。由是深器之。旣而復相聚於鐘阜。大鑪韞中。禁得鉗鎚了。此段因緣。日近日親。向從上來。乃佛乃祖。越格超宗。萬千人羅籠不住。處毛頭針竅間。廓徹虛通。包容百千萬億。無邊香水刹海。挂杖點發。列聖命脈。吹毛刃上。截斷露布。據曲親木床。與人拔楔。抽釘。解黏去縛。得大自在。仍來夷門。分座共相扶立。久之。況箇一著。臨濟正法眼藏。綿綿到慈明楊岐。須風吹不入。水灑不著。底靈利漢。負殺人不眨眼氣槩。

高提正印。罵祖呵佛。猶是餘事。直令盡大地人通頂。  
透底絕死生窠窟。灑灑落落到無爲無事大達之場。  
乃爲種草。

示普賢文長老

佛祖以心傳心。蓋彼彼顚悟透脫。如兩鏡相照。非言  
象所拘。高超格量。箭鋒相拄。初無異緣。乃受道妙。嗣  
祖繼燈。絕意路。出思惟。脫情識。到蕩蕩然寬通自在  
處。逗到擇人付囑。亦要氣異羽毛。頭角體裁全具。然  
後不墜家聲。得從上爪牙。方相應副。所以數百年紹  
續。愈久愈光顯。所謂源流深長也。今則頗失故步。多



擅家風存窠窟。作露布。自既不出徹。轉以爲人。則如  
老鼠入牛角。漸漸尖小。安得宏綱不委于地哉。  
老漢昔初見老師。吐呈所得。皆眼裏耳裏機鋒語句。  
上悉是佛法心性玄妙。只被此老子舉乾曝曝兩句  
云。有句無句。如藤倚樹。初則擺撼用伎倆。次則立論  
說道理。後乃無所不至。拈出悉皆約下。遂不覺泣下。  
然終莫能入得。再四懇提耳。乃垂示云。爾但盡爾見  
解。作計較。待一時蕩盡。自然省也。隨後云。我早爲爾  
說了也。去去。向衣單下體究了。無縫罅。因入室信口  
胡道。乃責云。爾胡道作麼。卽心服真明。眼人透見我。

曾中事然竟未入得尋下山越二載回始於頻呼小  
玉元無事處桶底子脫纔始覩見前時所示真藥石  
也。自是迷時透不得。將知真實諦當處如良遂道諸  
人知處良遂總知良遂知處諸人不知誠哉是言也。  
雪峰問德山從上宗乘中事學人還有分也無。德山  
以杖擊之云。爾道什麼。峰云。我在德山棒下似脫卻  
千重萬重貼肉汗衫。臨濟被黃檗三擊之。到大愚問  
有過無過。愚云。黃檗與麼老婆。爾更來覓過在。濟猛  
省。不覺云。元來黃檗佛法無多子。此二老皆叢林傑  
出者。並於棒下發明。後來大振此宗爲世梯航。學者

宜回思之。豈是麤淺邪。而近世有謂以杖接人。皆墮  
機境。直須究了心性。談極玄妙。向時中綿綿密密。有  
針有線。方可入細。只如一大藏教。五教三宗。析微發  
隱。剖露至真。實際徹佛地理性。豈不爲細。何假祖師  
西來。將知法流既久。多生異見。不得真傳。乃將醍醐  
而作毒藥。豈德山雪峰黃檗臨濟之咎哉。諺曰。索短  
不到深泉。

魯祖見僧只面壁。南泉云。我有時向道。直須向父母  
未生已前究取。尙不得一箇半箇。他恁麼驢年去。二  
老並躡齊眉。不是不知有。因甚卻恁麼地說話。還究

到魯祖節文處麼。若究到。則見南泉如水入水。若不諳此。乃分疎魯祖。僻執南泉。圓轉隨他。語脈露布。卒模索不著在。

石鞏彎弓發箭。祕魔擎杈驗人。俱抵只豎一指。無業唯言莫妄想。禾山打鼓。雪峰輓毬。趙州喫茶。玄妙蹉過。佛法豈有如許耶。若一一作方便。下合頭語。便輪劫千生也。未夢見在。若真實踢著曹溪正路。則坐觀成敗。覷見這一隊漏逗也。

子文監寺留此軸。今數年矣。近退院稍閑。因爲出此。所有蓋天蓋地。絕出聖賢一著子。公久參。自如良遂。



知之矣。建炎三年閏八月十一日雲居東堂書。

示鼎州德山靜長老

長老道林相從。廼宿昔有大緣。撥轉上頭關。一語便契圓。照無遺。從上來莫不皆以是大機大用。龍象蹴蹋。非驢所堪。若不具此手段。云何與人解黏去縛。抽釘拔楔。此本分事也。但只一向操持。驅耕奪飢。廼活句也。一切語言。機要事理。明暗語默。擒縱殺活。皆在下文。不消一捏。唯黃檗臨濟睦州雲門。滙仰雪峰玄沙。尤得妙也。山僧室中。不曾踢著此關。斷定不放過。付授之際。尤在牢實。切忌依稀。便骨董也。寧可無人。

承當。有則須是箇中人始得。

示潭州智度覺長老

至道簡易而淵奧。初不立階梯。壁立萬仞。謂之本分。  
草料。是故摩竭掩室。行正令。毗耶杜詞。揭本宗。尙有  
作家漢。未放過。何況涉妙窮玄。說心論性。被貼肉汗  
衫子黏著。脫拆不下。則轉見郎當爾。少室曹溪。風範  
迴殊。臨濟德山。作略剔脫。龍馳虎驟。地轉天旋。不妨  
慶快人。了不拖泥水。從上來大達大悟。纔信徹極致  
處。卽如快鷹俊鷁。迷風曜日。背摩青霄。直下透脫。使  
二六時中。無纖毫障隔。八達七通。卷舒擒縱。聖位尙

不居。豈肯處凡流。習次蕩然。該今括古。拈一莖草作  
丈六金身。拈丈六金身作一莖草。初無勝劣取舍。惟  
在當機活卓卓地。有時奪人不奪境。有時奪境不奪  
人。有時人境俱奪。俱不奪。出格超宗。十成蕭灑。豈是  
只貴籠罩人。蓋褻移換走作人。要當撲實頭顯示無  
依倚。無爲無事大解脫。各各本分事。所以古人風塵  
草動。便先照了。纔出毫芒。卽與剗斷。尙不得一半。豈  
可彼此草裏輾。相牽相拽。機關語句上。論量揀擇作  
窠臼。埋沒人家男女。軒知是開眼尿床。他明眼人終  
不做箇般露布。大丈夫意氣驚群。須圖正紹。臨濟本

宗。一喝一棒。一機一境。當陽剿絕。豈不見道。吹毛用了急還磨。

示蜀中鷲峰長老

多子塔前。曾分半座。葱嶺西畔。隻履獨攜。臨濟以瞎驢。命惠然。夾嶠因青山。委洛浦。雖源分派別。要一脈出白曹溪。擇大器利根。使掃蹤滅跡。是故從上來。龍馳虎驟。換斗移星。閃電中別殺訛。石火裏分皁白。不論曹底。惟務俊流。懸肘後符。廓頂門眼。立起綱宗。單提正令。源不深則流不長。功不積則用不妙。是以西河弄師子。要超宗越格。而楊岐吞栗棘蓬。取奔流度。



刃。既入箇選佛場。闡向上關。楔子應須一滴水一滴凍。硬著鐵脊梁。荷擔此大任。已躬下諦實。爲人處無偏。纔落世緣。便涉漏逗。祖峰老師橫點頭。白雲祖翁渾圓吞棗。常爲警策。如臨深履薄。便可以向百尺竿頭。進千百步。懸崖上跳。萬億遭。廼眞皮可漏。方驗撲不破。蓋大雄的的種草也。慎之。

示顯上人

住蘇州崑山惠嚴

見處通透。用處明白。當旋機電卷。結角羅紋。槃錯縱橫。自能回轉無凝滯。亦不立見。亦不存機。滔滔地風行草偃。蓋根腳悟入時。徹淵源。修證得無回互。會尙

不可得。豈況不會。二六時中。只恁無繫無絆。初不存能所我人。何有於佛法哉。此無心無爲無事境界。豈世間聰明利智辯慧多聞無根本人能測量耶。達磨西來。豈將得此法來。他惟直指各各當人本有之性。令出徹明淨。不爲如許惡知惡覺妄想計較所染污。參須實參。得真正道師。不引入草窠裏。直截契證。脫卻貼肉汗衫子。令胷次虛豁。無一毫凡情聖量。亦不向外馳求。湛然真實。千聖莫能排遣。得一片淨裸裸田地。透出空劫那邊。威音王猶是兒孫。何況更從他覓有祖以來作家漢。莫不如是。且如六祖新州一鬻。

薪人目不體字。迨至於大滿相見一面。披襟著著透脫。雖則聖賢混迹。要以方便顯示。此段不隔賢愚。皆已本有。今既厠跡禪流。日逐冥心體究。知此大緣不從人得。只在猛利擔荷增進。日損日益。如精金百煉千煅。出塵之要。利生之本。尤須七穿八穴。到無疑安穩得大機大用之處。此工夫正在密作用中。只日於萬緣交參。紅塵擾攘。順違得失。縱然羅列於中。出沒不被他所轉。能轉於他。活潑潑地。水灑不著。乃是自己力量。至於靜嘿虛凝。亦非兩種。乃至奇言妙句。險機絕境。亦只一槩平之。了無得失。皆爲我用。似此磨

琢久之生死之際。脫然視世間。閑名破利。如風過游塵。夢幻空花耳。翛然度世。豈非出塵大阿羅漢耶。骨剉和尚。一生有問。只以骨剉也酬之。如鐵彈子。不妨緊峭。若善體究。真祖師門下師子兒。

忠國師問本淨禪師。汝見一切奇言妙句時如何。淨云。無一念心愛國師云。是汝屋裏事。參學到此。乃是淨潔乾爆爆地。不受人瞞者。只山僧恁麼道也。合與本分草料。

示諫長老

住蜀中無爲山

趙州云。我在南方三十年。除粥飯二時。是雜用心處。



將知古德爲此箇事。不將作等閑。直是鄭重。所以操  
修。覷捕到徹底分明。於一機一境一句一言。悉不落  
虛。是故世法佛法打成一片。今時要湊泊著實。須是  
猛利奮發。倒腸換肚。莫取惡知惡見。莫雜毒食。一味  
純正。眞淨妙明。直下踢著本地風光。到安穩大解脫  
之地。坐斷報化佛頭。凜凜孤危。風吹不入。水灑不著。  
正體現成。日用有力量。聞聲見色。不生取舍。著著有  
出身之路。豈不見僧問九峰。見說和尚親見延壽。是  
否。峰云。山前麥熟也。未識得渠親切近處。便見衲僧  
巴鼻。所謂殺人刀。活人劍。但請長時自著眼。看到出

格時自然知落處也。

示元禪客

住成都府廣孝

趙州道佛之一字。吾不喜聞。且道他爲甚如此。莫是佛爲一切智人。渠不喜聞耶。軒知不是這箇道理。旣不如此。何以不喜聞之。若是明眼人。聊聞便知落處。請問落在什麼處。試吐露看。魯祖見僧來。便面壁。是爲人不爲人。節文在什麼處。若要與他投機。作何趣向。卽得。

百丈大智每上堂說法竟。復召大眾。眾回首。丈云。是什麼。藥山白云。百丈下堂句。且道用接何人。如何領。

覽

示杲禪人

住杭州徑山

杲衲子根性猛利。負笈海上。徧訪宗匠。受知於舊相。無盡公。深器重之。負俊邁之氣。不肯碌碌小了。標誠相從。一言投機。頓脫向來羈鞅。雖未倒底領略。要是昂藏。不受人抑勒。快漢原其所自。蓋由傳公殿撰發渠本因。遂冒嚴凝。慙之咸平。來告行。且乞法語。予因示之。衲子當痛以死生爲事。務消知見解礙。徹證佛祖所傳付大因緣。勿好名聞退步就實。竢行解道德充實。愈潛遁而愈不可匿。諸聖天龍將推出人爾。況

以歲月淹練琢磨。待如鑪在扣。如谷應聲。如精金出。  
萬煅鑪冶。萬世不易。萬年一念。向上巴鼻在掌握中。  
草偃風行。豈不綽綽然有餘裕哉。仍持此紙似傳翁。  
相與作證。履踐貴長久不變也。

示蘊初監寺

住蘇州明因

只道與爾說一句子。早是著惡水潑人。何況更瞬目。  
揚眉。敲床豎拂。是什麼。下喝行棒。軒知是平地上骨。  
堆。更有不識好惡底。問佛問法。問禪問道。請相爲乞。  
相接。求向上向下佛法。知見語句道理。是乃泥裏洗。  
土。土裏洗泥。幾時得脫灑去。有般底聞與麼道。便作。



計較云。我會也。佛法本來無事。人人無不具足。終日喫飯著衣。何曾欠少來。便向無事平常界裏打住。殊不知豈有恁麼事來。故知須是本分中人。方諳從上。宗乘本分。若實有悟入處。識起倒。知進退。別休咎。離滲漏。日近日親。轉更豹變。不守窟宅。跳出圈圓。不疑天下老漢舌頭。一似生鐵鑄就。正好著力修行。供養。然後可以然。無盡燈行。無間道。舍身舍命。撈摭群生。令他各出樊籠。去執縛。佛病祖病俱瘥。解脫深坑。已出作箇無爲無事快活道人去。然自旣得度。須不廢行願。思度一切。忍苦捍勞。向薩婆若海爲舟。爲航。

始有少分相應。慎勿做骨羸錐露柱燈籠打淨潔毬子。自了得濟甚事。是故古德須勉人行箇一條路堪報不報之恩。如今諸方多有靈利衲子。要直透得徹。有底探頭太過。要易會。纔知些趣向。便欲出頭。又是一等蹉過。有推而不出。亦未圓通。知時節因緣而不失機會。乃通方之士也。

示一書記

住四明雪竇

英靈衲子。蘊卓犖奇姿。慷慨隳冠。視身世浮名。如游塵浮雲谷響。以宿昔大根器。知有此段超生出死絕聖超凡。乃三世如來所證金剛正體。歷代祖師單傳。

妙心。跂步蹴蹋。作香象金翅。要馳驟飛騰於億千萬  
類之上。截流摩霄。豈肯爲鴻鵠燕雀。局促於高低勝  
負。較目前電光石火間。被轉利害耶。是故古之大達  
不記細故。不圖淺近。發志便欲高超佛祖。荷擔一切  
所不能承當重任。普津濟四生九類。拔苦與安。破障  
道愚昧。折無明顛狂毒箭。拈出法眼見刺。使本地風  
光澄霽。空劫已前面目明顯。悉心竭力。不憚寒暑。刻  
意尙行。向三條椽下死卻心猿。殺卻意馬。直使如枯  
木朽株相似。驀地穿透。豈從他得。發覆藏。然暗室明  
燈。擬觝航於津要。證大解脫。不起一念。頓成正覺。且

通箇入理之門。然後升普光明場。踞無漏清淨殊勝。  
偉特法空之座。口海瀾翻。奮無礙四辯才。立一機垂。  
一句。現一勝相。普使凡聖有情無情俱仰威光受庇。  
床。尙未是絕功勳處。更轉那頭。千聖羅籠不住。萬靈。  
景仰無門。諸天無路。捧花魔外。那能旁覩。放卻知見。  
卸卻玄妙。颺卻作用。惟飢餐渴飲而已。初不知有心。  
無心。得念失念。何況更戀著從前學解玄妙。理性分。  
劑。名相桎梏知見。佛見法見。動地掀天。世智辯聰。自。  
纏自縛。入海筭沙。有何所靠耶。等是大丈夫。應務敵。  
勝驚羣。滿自己。本志願。乃爲本分大心大見大解脫。



無爲無事眞道人也。

跋一書記法語

予政和末抵瑯邪。會一師若故舊。喜其志道不羣。因作前偈。及應詔大梁。遂得游從。曰。以此段咨扣益勤。數百眾中。乃肯戮力。復示以後語。建炎元祀。將之東南。因爲重書。而復系之以跋。爲他日再會之識。且以相分。雖道人本分。相知千萬里外。不隔毫末。而古者多於此時節。行正令。趙州云。有佛處不得住。無佛處急走過。石室云。莫一向去。已後卻來我邊。洞山萬里無寸草。大慈帶取老僧去。歸宗時寒途中善爲。曹山

去亦不變異。悟本飛猿嶺峻好看。皆直截不覆藏。唯務百川明宗。當陽領略。則南州北縣。何處不逢渠。末後慇懃。未免重拈一遍。且作麼生是諦當處。柳標橫擔不顧人。直入千峰萬峰去。

### 示宗覺禪人

宗門接利根上智。提持出生死絕知見離言說。越聖凡道妙。豈淺識小見理道機境解路上作活計者所能擬議。要須如龍似虎殺人。不眨眼漢。用警脫快利力量。聊聞舉著。剔起便行。外棄世間縛著。內捨聖凡情量。直得孤迥迥。峭嶮巍。不依倚絲毫。當陽薦透。全

身擔荷。佛來也炫惑不動。況祖師宗匠語句機鋒。一刀截斷。更不顧藉。自餘諸雜甚。譬如閑方可攀上流。少分相應。也不見永嘉纔跨曹溪。便師子吼。丹霞聞馬師。示選佛場。當下決破。逗到二師之前。逆流投契。亮座主四十二本經論。言下冰消。德山吹紙燭。便燒疏鈔。臨濟六十棒後。乃翻擲。並皆透脫。不知曾入室幾回。請益幾次。近時學道之士。不道他不用工夫。多只是記憶公案。論量古今。持擇言句。打葛藤。學露布。幾時得休歇。如斯只贏得一場骨董。推源窮本。蓋上稍不遇作家。自己已不負大丈夫志氣。曾不退步就已。

打辦精神。放下從前已後勝妙知見。直截獨脫領取。本分大事。因緣是故。半前落後。不分不曉。若只恁麼。縱一生勤苦。亦未夢見在。是故昔人云。菩提離言說。從來無得人。德山道我宗無語句。亦無一法與人。趙州道佛之一字。吾不喜聞。看他早是撥土塗糊人了也。若更於棒頭求玄。喝下覓妙。瞪眉努眼。舉手動足。展轉落野狐窠窟去也。此宗惟貴悟明。到銀山鐵壁。萬仞孤峭。擊石火。閃電光。擬不擬。便墮坑落阱。所以從上護惜箇一著子。同到同證。無爾撮摸處。既能辦心。能舍緣累。修行依知識。若更不耐心。向千難萬難。



不可湊泊處。放下身心。體究教徹底。誠爲可惜。只如  
千生百劫。到今還有間斷也。無旣無間斷。疑箇甚。生  
死去來。軒知屬緣。於本分事了無交涉。五祖老師常  
說。我在此五十年。見卻千千萬萬禪和。到禪床角頭。  
只是覓佛做說佛法。並不曾見箇本分衲子。誠哉看  
卻今時。只說佛法底也難得。何況更求本分人。時節  
澆季。去聖愈遠。大唐國裏。胡種看看滅也。或得一個  
半個有操持。不敢望似已前龍象。但只知履踐趣向。  
頭正尾正。早是火中出蓮。切宜撥退諸緣。便能識破。  
古來大達大悟底蘊。隨處休歇行密行。諸天無路捧。

花魔外覓行蹤不見。是真出家了。徹自己。如有福報。因緣出來。垂一隻手。亦不爲分外。但辦肯心。必不相賺。只老僧恁麼。也是普州人送賊。

示光禪人

欲得親切。第一不用求。求而得之。已落解會。況此大寶藏。亘古亘今。歷歷虛明。從無始劫來。爲自己根本。舉動施爲。全承他力。唯是休歇到一念不生處。則便透脫。不墮情塵。不居意想。迥然超絕。則徧界不藏。物物頭頭。渾成大用。一一皆從自己。曾襟流出。古人謂之運出家財。一得永得。受用豈有窮極耶。但患體究。

處根腳不牢。不能徹證。直須猛截諸緣。令無纖毫依倚。放身捨命。直下承當。無第二箇。縱使千聖出來。亦不移易。隨時任運。喫飯著衣。長養聖胎。不存知解。可不是省要徑截殊勝法門耶。

### 示民禪人

先聖一麻一麥。古德攻苦食淡。潔志於此。廢寢忘餐。體究專確。要求實證。豈計所謂四事豐饒者哉。及至道不及古。便有法輪未轉食輪先轉之議。由是叢林呼長老爲粥飯頭。得非與古一倍相反耶。然隨緣變異門。且行第二段。北山延接方來道人。惟仰南畝。今

秋適會大稔。請覺民禪客。覲收刈。臨行乞言。因示以前段因緣。貴崇本及末。乃爲兼利。並照圓悟通達之人本分事也。勉行之乃善。

大凡學道探玄。須以大信根深信。此事不在言語文字一切萬境之上。確實惟於自己根腳。放下從前作知作解。狂妄之心。直令絲毫不掛念。向本淨無垢寂滅圓妙本性之中。徹底承當。能所雙忘。言思路絕。廓然明見本來面目。使一得永得。堅固不動。然後換步移身。出言吐氣。並不落陰魔境界。則一切佛法端坐現前。遂契行坐皆禪。脫去生死根本。永離一切蓋纏。



成箇灑灑無事道人何須向紙上尋他死語。

百草頭上有祖師。夾山指出令人薦。寬平田中有大義。百丈展手要人知。若能顆粒圓成。卽是單傳心印。更或彌望坦然。使證第一聖諦。且出草一句作麼生道。滿船明月載將歸。

### 示才禪人

俱胝見僧及答問。惟豎一指。蓋通上徹下契。證無疑。瘥病不假驢駝藥也。後人不諳來脈。隨例豎箇指頭。漫不分皂白。大似將醍醐作毒藥。良可憐愍。若是真的見透底。始知鄭重終不作等閑。所謂千鈞之弩不

爲巖鼠發機。是故須具頂顙上眼。方可入作。後來玄沙拈曰。俱胝承當處。莽鹵只認得。一機一境。有般拍盲底。隨語作解。便抑屈俱胝。以謂實然。殊不知焦磚打著。連底凍。到這裏。直須子細。切忌顙顙。只俱胝臨化去。自言我得天龍一指頭禪。一生用不盡。豈徒然哉。

曹溪大鑑微時。乃新州鬻樵人也。碌碌數十年。一旦聞客誦經。發其本願。棄母出鄉。遠謁黃梅。纔見數語。間投機。隱迹碓坊八箇月。暨與秀師呈偈。始露鋒鋷。黃梅尋舉衣。孟授之。是時羣衆趁逐。競欲奪取。而蒙

山先及於庾嶺。舉之不勝。方悟非可以力爭。稽首乞發藥。大鑒示以不思善惡處本來面目。即便知歸。以時未至。復遁於四會獵人中。久之。然後出番禺。吐風幡心動之語。印宗伸師禮。爲之落髮。登具。卽開大法要。董二千眾。聲徹九重。命貴近降紫泥。確然不應。度龍象數十人。皆大宗師。何其驤哉。雖聖賢應世存亡進退。舉照無遺。然步驟趣向。從微至著。攻之不斷。世緣而示妙規。百世之下。無與爲等。到今徧寰海。皆其子孫。每仰洪範。輒欲擬其毫末。亦不可得。欲望後進有力量者。勉之。聊述梗槩耳。

現定見聞覺知是法。法離見聞覺知。若著見聞覺知。卽是見聞覺知。非達法也。大凡達法之士。超出見聞覺知。受用見聞覺知。不住見聞覺知。直下透脫。渾是本法。此法非有非無。非語非默。而能現有現無現語現默。長時亘然不變不異。是故雲門云。不可說時便有不說時。便無去也。思量時便有不思量時。便無去也。直須妙達此法。令得大用。長時語默縱橫。悉令般若現前。何必更論在善知識身邊爲親。在田野間作爲是疏。一往直前。自然觸處逢渠也。

乃佛乃祖。仰重此一端的事。布在羣機之中。高低貴



賤。未嘗向背。百種千頭。作爲天真歷落。圓陀陀地。若特地作佛法玄妙見。則虧儻能不起見。只麼淨倮倮。卻全彰。所以道入林不動草。入水不動波。山是山。水是水。僧是僧。俗是俗。見拄杖子。只喚作拄杖子。謂之覲體。若向箇裏覲得透。從朝至暮。從暮至朝。無絲毫透漏。全爲我用。一一非分外。渾是本分事。腳跟下未得諦當。亦不移易絲毫許。豈非端的現成機要耶。直截省要。只消箇現成公案。浩浩作爲。自晝及夜。縱橫十字。喧靜語默。全體運用。一時覲破。從頭與批判將去。不妨快哉。

此事若在言語裏則合一句語便殺定更不移改也。云何千句萬句終無窮竭。將知不在言語裏要假語句以顯發此事。靈利漢當須直體此意。超證透語句底。使活鱗鱗地。便能將一句作百千句用。將百千句作一句用也。更疑甚麼。卽心卽佛。非心非佛。不是心。不是佛。亦不是物。以至心不是佛。智不是道。東山水上行。日午打三更。後園驢喫草。北斗裏藏身。一串穿卻。嚴陽尊者問趙州。一物不將來時如何。州云。放下著。進云。某甲一物不將來未審教放下箇什麼。州云。看汝放不下。言下大悟。後來黃龍頌。一物不將來兩

肩擔不起。明眼人難謾。言下忽知非。退步墮深坑。心中無限喜。如貧得寶。毒惡既忘懷。沒交涉。蛇虎爲知己。異類等解。寥寥千百年。清風猶未已。放下著。若以常情論之。他道一物不將來。云何卻向道放下著。將知法眼。照於細微。爲他拈出大病。令他知羞慚去。他尙不覺。更復進問。再與點過。直得瓦解冰消。方始到底。一時脫去。遂至伏猛虎。馴毒蛇。豈非內感外應耶。龐居士渾家向火。居士驀云。難難。十石油麻樹上攤。龐婆云。易易。百草頭上祖師意。靈照云。也不難。也不易。飢來喫飯。困來睡。尋常舉向人多。是愛靈照道得。

省力。嫌龐翁龐婆說難說易。只是作隨語解。殊不本其宗猷。所以言迹之興異途之所由生也。若能忘言體意。方見此三人各出一手。共提箇沒底藍兒。撈蝦。攪蜆。著著有殺人之機。處處有出身之路。

### 示璨上人

達磨西來。不立文字。語句唯直指人心。若論直指。只人人本有。無明殼子裏全體應現。與從上諸聖不移易絲毫許。所謂天真自性。本淨明妙。含吐十虛。獨脫根塵。一片田地。惟離念絕情。迥超常格。大根大智。以本分力量。直下就自根腳下承當。如萬仞懸崖撒手。



放身更無顧藉。教知見解礙倒底脫去。似大死人。已絕氣息到本地上。大休大歇。口鼻眼耳初不相知。識見情想皆不相到。然後向死火寒灰上頭。頭上明。枯木朽株間。物物斯照。乃契合孤迥迥峭巍。巍更不須覓心覓佛。築著磕著。元非外得。古來悟達百種千端。只這便是。是心不必更求心。是佛何勞更覓佛。儻於言句上作露布。境物上生解會。則墮在骨董袋中。卒撈摸不著。此忘懷絕照真諦境界也。

荒田不揀。信手拈來。明明百草頭。明明祖師意。何況青青翠竹。鬱鬱黃花。牆壁瓦礫。以無情說法。水鳥樹

林演苦空無我。是由依一實際發無緣慈。於寂滅大寶光顯無作勝妙力。長慶云。撞著道伴交肩過。一生參學事畢。

南塔云。我拈片木葉入城。便是移一座仰山去也。故香嚴擊竹。靈雲見桃花。資福刹竿頭。道吾神杖子。大仰插鋤地藏種田。無非發揚箇金剛正體。使當人不動步參見大解脫。眞善知識。行不言化。得無礙辯。則森羅萬象。百草顛頭。長時徧參。無不普攝。圓融法界。坐斷報化佛頭。坐卧行藏。超證徧行三昧。何必覺城東際。樓閣門前。熊耳曹源。陞堂入室。然後爲親近傳。

證耶。

惠超咨和尚如何是佛法眼云。汝是惠超超乃省悟。所謂出乎爾者反乎爾者也。

唐朝古德英禪師。微時事田。運槌擊塊。次見一大土塊。戲以槌猛擊之。應時粉碎。驀地大悟。自此散誕爲不測人。頗彰神異。有老宿拈云。山河大地被這僧一擊百雜碎。獻佛不假香多誠哉是言。

### 示璨上人

依無住本立一切法。無住之本本乎無住。若能徹證。則萬法一如。求其分毫住相不可得。只今現定作爲。

全是無住。根本既明。如人有目。日光明照。見種種色。豈非般若闢板乎。

永嘉云。不離當處。常湛然。親切無過此語。覓則知君不可見。但於當處湛然。二邊坐斷。使平穩。切忌作知解求覓。纔求卽如捕影也。

不與萬法爲侶。是什麼人。回光自照看。待汝一口吸盡西江水。卽向汝道。八角磨盤空裏走。參得透。目前平沈。無始妄想蕩盡。

德山隔江招扇。便有人承當。鳥窠吹布毛。尋有人省悟。得非此段大因緣時。至根苗自生耶。抑機感相投。



有地耶。抑當人密運無間。借師門發揮耶。何峭絕如此之難。而超證如此之易。古人以輟芥投針爲況。良不虛矣。

信得心及見得性徹於日用中無絲毫透漏。全世法卽佛法。全佛法卽世法。平等一如。豈有說時便有不說時。便無思量時。便有不思量時。便無如此卽正在妄想情解間。何曾徹證直得心心念念照了無遺。世法佛法初不間斷。則自然純熟。左右逢原矣。有問。隨問便對。無問亦湛然常寂。豈非著實透脫生死要綱耶。末後一句都通穿過。有言無言。向上向下。權實照。

用卷舒與奪。不消箇勘破了也。誰識趙州這巴鼻。須是吾家種草始得。

### 示寧副寺

古人爲此大因緣。若師弟子相見。未嘗不以是激揚。至於食寢閑曠。靡不攝念於此。是故一言一句。廼杖廼喝。瞬揚舉動。悉可投機。蓋誠心專一。無許多惡知惡見。污染直截承當。似不難。今之兄弟。根性差鈍。而復駁雜。雖參尋知識。薰炙日久。尙懷猶豫。不能一往徹證。病在不純一。長久儻能。不捨晝夜廢寢忘餐。矻矻在道。不患不如古人矣。

## 示詳禪人

立志辦道之士。於二六時中。自照自了。念茲在茲。知  
有自己。腳跟下一段大因緣。處聖不增。居凡不減。獨  
脫根塵。迥超物表。凡所作為。不立方所。湛寂凝然。雖  
萬變千化。初不動搖。應緣而彰。遇事便發。靡不圓成。  
惟要虛靜。一切超然。主本既明。無幽不燭。萬年一念。  
一念萬年。透頂透底。全機大用。譬如壯士屈伸臂頃。  
不借他力。則生死幻翳永消。金剛正體獨露。一得永  
得。無有間斷。古今言教機緣。公案問答作用。並全明  
此。若脫灑履踐得日久歲深。自然左右逢原。打成一

片豈不見法燈道入荒田不揀信手拈來草觸目未  
嘗無臨機何不道無機兮得活離地兮不倒日用尙  
不知更向何處討切宜消息之。

### 示慧禪人

水潦參馬祖問佛法的大意馬祖與一踢遂大悟  
乃曰百千法門無量妙義只向一毫頭上識得根源  
豈不快哉卽呵呵大笑以至平生示眾長云自從一  
喫馬師踢直至如今笑未休又復呵呵大笑蓋是存  
誠堅確正覓入頭處未得驀然遭踢便徹底承當擔  
荷透脫無疑尋吐出胸中所證亦不復以別事如今



參學。若果諦實。宗師以一語一言一機一境投之。撥著便轉。豈有難事。但患根浮識淺。飄然似風過樹頭。千回萬度提持。亦未能便契。何況更被作情解者。指爲無如是悟入之事。馬師水潦亦只如是一期建立。如此則直到驢年也。未夢見在。是故學道唯尙諦信。慧禪人操履甚專。聊出此以示方便耳。

若論此事。如擊石火。似閃電光。明得明不得。未免喪身失命。只如明不得。喪身失命。則固是。明得因什麼也。喪身失命。多少人到此疑著。殊不知及得盡。方到命根斷處。換卻心肝五臟。與向上齊等。所以道直下

似懸崖撒手。然後乃生鐵鑄就。喚作透出荆棘林。不疑天下老漢舌頭。信有真的參學分。

示若虛庵主修道者

尼

學道之士。初有信向。厭世煩溷。長恐不能得箇入路。既逢師指。或因自己直下發明。從本已來。元自具足。妙圓真心。觸境遇緣。自知落著。便乃守住。患不能出得。遂作窠臼。向機境上立照立用。下咄下拍。努眼揚眉。一場特地。更遇本色宗匠。盡與拈卻。如許知解。直下契證。本來無爲。無事無心。境界然後識羞慚。知休歇。一向冥然。諸聖尙覓他起處不得。況其餘耶。所以

巖頭道他得底人。只守閑閑地。一六時中。無欲無依。  
可不是安樂法門。

昔灌溪往末山。山問近離甚處。溪云。路口。山云。何不  
蓋卻溪無語。次日致問如何。是末山境。山云。不露頂。  
如何。是山中人。云。非男女等相。溪云。何不變去。山云。  
不是神。不是鬼。變箇什麼。如此豈不是腳蹋實地。到  
壁立萬仞處。所以道。末後一句。始到牢關。把斷要津。  
不通凡聖。古人旣爾。今人豈少欠耶。幸有金剛王寶  
劍。當須遇著知音。可以拈出。

示良蘆頭禪人

金色頭陀鷄足峰論劫打坐達磨少林面壁九年曹  
溪四會縣看獵大瀉深山卓庵十載大梅一住絕人  
迹無業閑大藏古聖翹足七晝夜贊底沙常啼經月  
鬻心肝長慶坐破七箇蒲團是皆爲此一段大因緣  
其志可尙終古作後昆標準便使致身在長連床上  
亦不過冥心體究但令心念澄靜紛紛擾擾處正好  
作工夫當作工夫時透頂透底無絲毫遺漏全體現  
成更不自他處起惟此一大機阿轆轤地轉更說甚  
世諦佛法一樣平持日久歲深自然腳跟下實確確  
地只是箇良上座直下契證如水入水如金博金平



等一如湛然眞純。是解作活計。但一念不生。放教玲瓏。纔有是非。彼我得失。勿隨他去。乃是終日竟夜親參自家眞善知識。何憂此事不辨。切須自看。

示許奉議

庭圭

此箇事。在利根上智之人。一聞千悟。不爲難。要須腳跟牢實。諦當徹信。把得定。作得主。於一切違順境界。差別因緣。打成一片。如太虛空。無纖毫障隔。湛湛虛明。無有轉變。雖百劫千生。始終如一。方得平穩。多見聰俊。明敏根浮。腳淺。便向言句上認得轉變。卽以世間無可過尙。遂增長見刺。逞能逞解。趁語言快利。將

爲佛法只如此。及至境界緣生。透脫不行。因成進退。良可痛惜也。故古人直是千魔萬難。悉皆嘗遍。雖七處割截。亦不動念。一往操心。猶如鐵石。以至透脫生死。渾不費力。豈不是大丈夫超情慷慨所存耶。

在家菩薩修出家行。如火中出蓮。蓋名位權實意氣。卒難調伏。況火宅煩擾煎熬。百端千緒。除非自己直下本真妙圓。到大寂定休歇之場。尤能放下。廓爾平常。徹證無心。觀一切法如夢如幻。空豁豁地。隨時應節消遣將去。卽與維摩詰傳大士裴相國楊內翰諸在家勝士同其正因。隨自己力量轉化未悟。同入無

爲無事法性海中。則出來南閻浮提打一遭。不爲折本矣。

佛法無多子。如俱胝豎一指。打地只打地。鳥窠吹布毛。無業莫妄想。中邑哆哆和和。古堤無佛性。骨剉一生。只道箇骨剉。只爲信得及。所以一生受用不盡。若疑著。便有異見差別。有向上有向下。豈能坐得斷。所以貴久長。乃難得人也。

旣趣向得入。根腳洞明。當令脫灑。特立孤危。壁立萬仞。佛病祖病去。玄妙理性遣。等閑蕩蕩地。百不知百不會。一如三家村裏人。初無殊異。養來養去。日久歲

深朴實頭大安穩。方得安樂。終不肯露出自己作聰明。顯作略。銜耀知見。趁口頭禪。所以道十語九中。不如一嘿也。又道我見千百人。只是覓作佛底。於中求一箇無心道人。難得此事。最要行持。而於行持不著相。不居德。是名無相真修。香象渡河。截流而過。如此行持。滴水滴凍。尙不留於胷中。何況特地起心作諸罪惡。旣已如是保護。亦如是轉勸未悟。便於此箇上調直純信。無爲無事。豈不快哉。

### 示諧知浴

此箇大法。三世諸佛同證。歷代祖師共傳。一印印定。



直指人心見性成佛。不立文字語句。謂之教外別行。單傳心印。若涉言詮。露布立階立梯。論量格外格內。則失卻本宗。辜負先聖。要須最初入作。便遇本分人。直截根源。退步就已。以鐵石心。將從前妄想見解。世智辯聰。彼我得失。倒底一時放卻。直下如枯木死灰。情盡見除。到淨裸裸赤灑灑處。豁然契證。與從上諸聖不移易一絲毫許。諦信得及。明見得徹。此始爲入理之門。更須教一念萬年萬年一念。二六時中。純一無雜。纔有纖塵起滅。則落二十五有。無出離之期。抵死謾生咬教。斷然後田地穩密。聖凡位中收攝不得。

始是如鳥出籠。自休自了處。得坐披衣。真金百煉。舉動施爲。等閑蕩蕩地。根塵生死境。智玄妙。如湯沃雪。遂自知時。更無分外底。名爲無心道人。以此修證。轉開未悟。令如是履踐。豈不爲要道哉。

古人爲此一段因緣。豈止忘餐廢寢。至捨頭目髓腦。斷臂負舂。動是三二十年。只如巖頭雪峰欽山。雖同歷涉叢林。各執一務。効勤尤度洞山。三到投子。凡所至處。未嘗放過一宵一霎。必遞相舉較。互相切瑳。遂契新豐。豁存領旨。德嶠觀其跂步體裁。可謂法門龍象。後學之人。可以仰其陳躅。無使虛棄光陰。有忝昔

賢耳。

昔天台韶國師少負俊才。游叢林。所至投機。已領師席。最後抵金陵清涼。大法眼禪師會下。已倦咨參。唯勉進隨侍之者。掘衣籌室。一日隨眾僧參。有問如何。是曹源一滴水。答云。是曹源一滴水。師聞之前之證解。渙若冰釋。方爲得大安穩。是知學解困人所領一言一句一機一境。只益多聞。到究竟至實之處。須是桶底子脫始得。此事斷定不在言句中。若執著記憶。以爲己見。如畫餅豈可充飢。然大達之士。超證諦實。及至投機於語句間。迥出塗轍。機境筌蹄。籠羅他不

住。只如石頭問藥山。爾在此作什麼。對云。一物不爲。頭云。如此則閑坐也。對云。閑坐則爲也。石頭又問。子道不爲。不爲箇什麼。對云。千聖亦不識。石頭乃以頌贊云。從來共住不知名。任運相將只麼行。自古上賢猶不識。造次凡流豈可明。似此豈不是徹證底人語。話機量言句。何曾拘束得他。若理地不明。胷次有物。問著如鼯上拽猫兒。是故祖師道。心隨萬境轉。轉處實能幽。隨流認得性。無喜亦無憂。

叢林兄弟參問。最初的有正。因於善知識邊。自陳生死事大。已事未明。推此所言。豈是汎汎爲名爲位。爲



我能我勝。若始終一貫。常持此心。不憂已事不明。及更親近稍久。自己分上。未有毫末相應處。便論量如之若何。彼見解長短。增長我見。覓箇出頭處。他時一瓣香。不敢辜負和尚。殊不知失卻元初正因。卻墮在魔界去。古人道。設有眷屬莊嚴。不求自至。既是一等踢破草鞋。宜應了卻初心。期脫透生死。最爲至要時。不待人。各宜勉力。

示印禪人

道由悟達。立志爲先。自博地具縛凡夫。便欲跂步超證。直入聖域。豈小因緣哉。固宜操鐵石心。截生死流。

承當本來正性。不見纖塵。中外有法。使胷次蕩然了。無罣礙。施爲作用。悉從根本中出。根本既牢實。能轉一切物。是謂金剛正體。一得永得。豈假外求。是故古德云。此宗難得其妙。切須子細用心。可中頓悟。正因便是出塵階蹊。

古德隔江招扇吹布毛。便有發機處。至於驀口掣劈脊棒。亦解桶底子脫。蓋緣專一久之。一旦瞥地。豈外得之。皆由自證自悟也。

大梅謒馬師。受箇卽心卽佛。便深入閭奧。自去住山後。聞非心非佛之語。便云。這老漢鼓弄人家男女有。

甚了期。爾但非心非佛。我只卽心卽佛也。豈不是有逆水之波。覷破馬師漏逗耶。

藥山示衆云。我有一句子。待犢牛生兒。卽向爾道。當時若不放過。但向伊道。和坐子敗缺。

### 示信侍者

學道之要在深根固蒂。於二六時中。照了自己根腳。當大起念百不干懷時。圓融無際。脫體虛凝。一切所爲。曾無疑間。謂之現成本分事。及至纔起一毫頭見。解欲承當作主宰。便落在陰界裏。被見聞覺知得失。是非籠罩。半醉半醒。打疊不辦的實。而論。但於閑閑。

關中管帶得行如無一事相似。透頂透底直下圓成。了無形相。不費工用。不妨作爲。語默起倒終不是別人。稍覺纖毫滯礙。悉是妄想。直教灑灑落落。如太虛空。如明鏡當臺。如果日麗天一動一靜。一去一來。不從外得。放教自由自在。不被法縛。不求法脫。盡始盡終。打成一片。何處離佛法外。別有世法離世法外。別有佛法耶。是故祖師直指人心。金剛般若貴人離相。譬如壯士屈伸臂頃。不借他力。如此省要。好長時自退步體究。令有箇落著諦實證悟之地。卽是念念徧參。無邊無量大善知識也。切切諦信。勉力作工夫。乃



善之善也。

示祖印沙彌

永嘉道不離當處。常湛然。覓卽知君不可見。只於當處湛然。二邊坐斷。使平穩。切忌作知解求覓。纔求卽如捕影也。

馬祖云。卽心卽佛。又云。非心非佛。又云。不是心。不是佛。不是物。東寺云。心不是佛。智不是道。劍去久矣。爾方刻舟。若各隨語去。豈有定論。若忘言契證。雖更宣演百千億句。亦不過一實。且什麼是實處。如大梅云。爾但非心非佛。我則卽心卽佛也。豈不實耶。要徹底。

信得及。須是親證親見。自然不受人謾也。

### 示民知庫

民禪錦官大慈傳法昭律師之法孫。纔披削卽習家業。學四分毗尼。旣而掐布巾欲離法自淨。乃肩錫南游。訪西來宗旨。抵夾山。因相從住道林。久之。老僧領蔣山參叩。愈堅確。其於領略。能自擺撥。知解要全機。直透。每應緣酬唱。一往直截。頗有蘊藉。爲可喜也。然以此根器。更効勤息。志到極深處。無深極妙處。無妙大休歇。大安穩。不動纖塵。只守閑閑地。聖凡莫能測。萬德不將來。然後可以分付鉢袋子也。

巖頭云。卻物爲上。逐物爲下。萬境萬緣。以至今言。教臨機應變。若自己根腳虛靜。圓明寂照。凡來干我。能以金剛王寶劍當鋒斬斷。則凜然神威。坐斷一切。不待卻而自退。豈不綽綽然有餘裕哉。儻立本不明。稍涉遲疑。則被牽引。酌然分疎不下。豈免隨他所轉。旣隨他去。卒無自由分。至道簡易。唯卻與逐。善體道者。宜深思之。

古人爲此一段事。直得捨全身。立雪負春。賣心肝。然兩臂投猛火聚。七處割截。飼虎救鴿。捨頭施目。百種千端。蓋不艱苦。則不深到。有志之士。固宜以古爲傳。

晞顏慕藺也。

圓湛虛凝道體也。展縮殺活妙用也。善游刃能操守。如珠走盤。如盤走珠。無頃刻落虛。亦不分世法佛法。直下打成一片。所謂觸處逢渠。出沒縱橫。初無外物。淨倮倮。阿轆轤。以本分事印定頭頭上明。物物上了。何處更有得失是非好惡長短來。但恐自己正眼未得洞明。是致落在二邊。則沒交涉也。豈不見永嘉道上士一決一切了。中下多聞多不信。

佛祖言教。筌筈耳。藉之以爲入理之門。旣廓然明悟。承當得。則正體上一切圓具。觀佛祖言教。皆影響邊。



事終不向頂顙上戴卻。近世參學。多不本宗猷。唯持  
擇言句。論親疎辨得失。浮漚上作實解。是誇善淘汰。  
得多少公案。解問諸方五家宗派語。一向沒溺情識。  
迷卻正體。良可憐愍。有真正宗師。不惜眉毛。勸令離  
卻。如上惡知惡見。卻返謂之心行移換。擺撼煅煉。展  
轉入荆棘林中。所謂打底不遇作家。到老只成骨董。  
省要處不消一筍。皮下有血。知落處。苟或躊躇。則失  
卻鼻頭也。

七佛以前便與麼。直須硬糾糾緊著頭皮。分明歷落  
薦取這一片田地穩密長時。乃自會退步。終不道我

有見處。我有妙解。何故箇中若立一絲毫。能所見刺。則重過山嶽。從上來決不相許。是故釋迦文於然燈佛。以無法得授記。盧老於黃梅。以本來無物。親付衣鉢。至於生死之際。纔自擔荷。則如靈龜曳尾。應須淨穢二邊都不依怙。有心無心。有見無見。似紅鑪著一點雪。二六時中。透頂透底。灑灑落落。遊此千聖不同途處。直下令純熟。自然成就得箇絕學無爲。千人萬人羅籠不住底真實人也。

趙州和尚見僧。喚云。近前來。僧近前。州云。去多少。省力若薦得。乃是十成。若作如之若何。則知見生也。

古人有具大慈悲。見人當面不自承當。方便撥正。通箇入路。如古堤見僧來。便云退後。退後。汝無佛性。後來只有箇仰山。能知渠端的。如今拈問學者。十箇有五雙茫然。爲向伊句下死了。所以無瞥地分。若據活處。如何吐露。切忌隨他語句好。

靈雲作頌。悟桃花。玄沙言渠未徹。老婆臺山指路。趙州歸來說勘破。叢林中作種種論量。只贏得鬧。殊不知古人如敲門瓦子相似。只貴得入門。旣入得門了。安可執卻瓦子作奇特事。謂諦當直截。顯露落在甚處。還委悉麼。毫釐有差。天地懸隔。

入荒田不揀信手拈來草。其奈亦能殺人亦能活人。  
苟或著得眼正。下得手親。則一莖草可使作丈六金  
身。況其他變化乎。根本旣明。於日用中鋤田墾土。春  
種秋收。無非與夾山老子親唱酬。地藏阿師展演同  
一梵行。踐履純熟。高據毗盧。傳此正法。豈不妙哉。

### 送自閩居士出京

何處蹋著來。若是移舟諳水勢。舉棹別波瀾。何消抵  
死叮嚀。自可一揮便了。所以風馳電閃。擬議則千里  
萬里去也。只接俊流。不管懵底。是故垂鈎四海。只釣  
鯢龍。格外玄機。爲尋知識。旣達此宗。觀一切世出世



間會不移易。一一透頂透底。便解放身捨命。於萬別千差境界。恬然不動。縱遇風刀。恒坦坦。假饒毒藥也。閑閑儻不踐履。長養安能揭日月。大通大明。自在出沒。此地從來無向背。直須撥轉上頭關。

示湧道者 尼

古人爲此大法。捐軀捨命。歷無邊無量辛勤。及至洞明奧旨。鄭重如至寶。保護如眼睛。造次動轉。不令輕觸。纔起一毫勝解。知見卽若雲翳青天。塵昏鏡面。故趙州道我。在南方三十年。除粥飯二時。是雜用心處。曹山指人保任此事。如經蠱毒之鄉。水也不得沾他。

一滴始得。以忘心絕。照踐履到。如如實際。無事於心。於心無事。平澹無爲。超然獨運。自旣腳蹋實地。方可爲人解去黏縛。度盡一切人。實無人可度。直須用取最後句。物物頭頭有出身之地也。

### 示實上人

古人念此大事。雖處深山幽谷村落間。未嘗斯須違背。遇境逢緣。若色若聲。動作施爲。無不回轉。令就自己分上。與從上來透徹之士。所履踐無二無別。所以根本牢強。不隨境界風轉。靜然安閑。不落聖凡情量。直下大休大歇。得坐披衣。今汝旣還鄉井。能如昔人。

覷捕使無間然。與鐘山方丈搥拂之下。以至三條椽下。七尺單前。何以異哉。若稍違背。及有間斷。打入沒交涉處。臨岐切記斯言。異時前程。不可逆料矣。

### 示樞禪人

玄學之士。見性悟理。踐佛階梯。是家常茶飯。須知佛祖頂顙。上有換骨妙致。方可越格超宗。作向上人舉措。使德山臨濟。無施作用處。平時只守閑閑地。初不立伎倆。似三家村裏人。頑然癡兀。直得諸天捧花。無路。魔外潛覷。不見漠然。不露毫芒。圭角如居萬億寶貨。深藏牢鎖。土面灰頭。與傭保雜作。口亦不言。心亦

不念。一世。人莫測。而神意泰然。豈非有道無爲無作  
眞無事人耶。

解語非干舌能言。不在詞。明知古人舌頭語言。不是  
依仗處。則古人半句一言。其意唯要人直下契證本  
來大事。因緣所以修多羅教。如標月指。祖師言句。是  
敲門瓦子。知是般事。便休行履處。綿密受用處。寬通  
日久歲深。不移易。拈弄收放得熟。小小境界。悉能照  
破。割斷不留朕迹。及至死生之際。結角羅紋。不相參  
雜。湛然不動。翛然出離。此臘月三十日涅槃堂裏禪。

### 示實禪老

佛果圓悟真覺禪師心要卷上



威音以前。無師自悟。一往超證。千聖同途。放得行。把得住。作得主。渾圓成現。不須煅煉。而自純熟。及至威音以後。雖自有超卓處。直下承當。到無疑之地。要須依師決擇。印可。使成法器。不爾。必有魔孽壞破。正因是故。有祖以來。資授師傳。最貴師法。何況此箇事。非世智辯聰所了。非聞見覺知所拘。苟不操勇猛大丈夫志氣。能擇真正善友。知識截生死流。破無明殼。孜孜參叩。久之專一。時節緣稔。驀地桶底子脫。廓然省悟。然後投誠決擇。證據自然。如下水船。不勞篙棹。乃爲針芥相投。既得旨之後。綿綿相續。管帶令無間斷。

長養聖胎。縱逢境界惡緣。能以正知見定力融攝之。使成一片。則生死大變不足動。自己曾次養得歲深。成箇無爲無事大解脫人。豈不是能事已辦。行腳事畢耶。

### 示瑛上人

此事在當人快利。既承當擔荷。知有自己根腳。尤宜卓卓特立獨行。須絕情離照。使廓然空寂。無一法可得。截斷諸緣。令灑灑落落。到大安穩之地。綿密無滲漏。所謂壁立萬仞。峭巍巍地。然後卻回來涉世應物。初無我相。豈有聲色順違。魔佛境界耶。最難是等閑。

不作意處。驀地被牽轉。便漏逗也。應須相續管帶。使勿走作。久之打成一片。乃爲歇場。更須會取向上行履始得。古德云。得坐披衣。向後自看。

### 示泉上人

參問要見性悟理。直下忘情絕照。胷襟蕩然。如癡似兀。不較得失。不爭勝劣。凡有順違。悉皆截斷。令不相續。悠久自然。到無爲無事處。纔有毫髮。要無事早是事生也。一波纔動。眾波隨。豈有了期。它時死生到來。腳忙手亂。只爲不脫灑。但以此爲確實。自然鬧市裏。亦靜如水。豈憂已事不辨耶。

纔有是非。紛然失心。只這一句。驚動多少人作計較。若當頭坐斷。透出威音王那邊。若隨此語轉。特地紛然。應自回光返照。始得。

如來禪。祖師禪。豈有兩種。未免媿含各分。皁白特地乖張。事理機鋒。一時坐斷。是打淨潔毬子。還知著實諦當處麼。放下看取。

### 示思禪人

一切萬法。皆與自己無違無背。直下透脫成一片。從無始以來。只恁麼。但恐當人自相違背。強生取捨。無事生事。所以不快活。若能外絕攀緣。內忘已見。卽物



是我卽我是物。物我一如。洞然無際。則二六時中。四威儀內。一一皆壁立萬仞。何處有如許勞攘來。每見久參。凝神澄照。旣多時。雖然有箇入處。驀地便認一機一境。硬把住不受撥剔。此正大病也。要須銷融放下。自得大休歇處。始得。

### 示傑上人

行腳參請。旣依附知識於大叢林。陪清高雅眾久矣。一旦以親緣須著略歸。動是數百里遠行。要須以自力量。不忘履踐。直教行處不生塵。況此段事。不道在知識身邊時。便有。居鄉井便無也。所謂暫時不在。如。

同死人。正當在時。亦不起模畫樣。雖則平常。而滴水  
滴凍。卓然絕識。成箇無爲無事無心事業。表裏洞然  
無際。不與萬法爲侶。不與千聖同途。深根固蒂。只守  
閑閑地。養來養去。不憂不徹。但盡凡情。作自己工夫。  
勿管外緣。勿逐名利。起我見。競勝負。是故古德道。任  
運猶如癡兀人。他家自有通人愛。傑禪人。倏來告別。  
求警策。因書此語授之。

### 示成修造

蔣山門下。無禪可說。無道可傳。雖聚半千衲子。唯以  
箇金剛圈。栗棘蓬。跳者著力跳。吞者用意吞。莫怪沒

滋味太險峻。或若驀地體得。如畫錦還鄉。千人萬人只仰羨得。要且覓他所從來不得。所謂人人本分事也。纔生心動念。承當擔荷。早是不本分了也。直得萬機休罷。千聖不攜。奈猶有依倚在。快須擺撥透脫。那邊去始得。所以道。但有纖毫卽是塵。舉意便遭魔所撓。

成就一切。總只由他。破壞一切。亦只由他。奇特殊勝緣。恆沙功德藏。無量妙莊嚴。超世希有事。皆所成就。慳貪憎妬。情識執著。有爲有漏垢染雜亂。解路名相知見妄情。所破壞也。唯它能轉一切物。一切物不能。

轉它。雖無形段面目。而包括十虛。含凡育聖。若作相取。取之卽墮。見刺。卒摸捺不著。

諸佛開示。祖師直指。唯此妙心。徑捷承當。不起一念。透頂透底。無不現成。於現成際。不勞心力。任運逍遙。了無取捨。乃真密印也。佩此密印。如暗藏燈。游戲世間。不懷欣怖。盡是我大解脫場。永劫窮年。曾無間斷。所以道。丈六金身。作一莖草用。一莖草作丈六金身。用。豈有他哉。

雪峰道是什麼。雲門道須彌山。洞山道麻三斤。趙州道喫茶去。巖頭噓投子。噁臨濟喝。德山棒。擎杖舉指。



打鼓拽磨。一一顯向上宗風。頭頭示本分草料。大達之士。一覩便透。一舉知落處。堪紹宗風。槽底數沙。當面蹉卻。是故須得俊流。乃作種草。

### 示逾上人

有志之士。欲決定信入此箇大事。要須將從前智慧聰明所解所知。倒底放下。令如癡兀。胃中空勞勞。百不知百不解。千休萬歇。萬歇千休。驀然從本地風光上。個儻透脫。前後際斷。徹證自得。契金剛正體。如斬一綆絲。頓然齊了。雖劫火洞然。初無變異。信得及。把得住。作得主。一爲一切。爲一了一切了。餉間移身換。

步萬種作爲。渾歸一體。更說甚世法。佛法頭頭物物。觸處現成。便與佛祖無殊。亦與群靈無異。蓋根腳旣明。無幽不燭。信手拈。信步行。信口言。元非它。亦不從別處轉。謂之大施門開。百千妙用。縱橫十字。透頂透底。明證佛性。長時無間。一得永得。踐履純熟。豈不是省要得力處。但恁麼信入。斷定不悞人。

僧問雪峰學人。乍入叢林。乞師指箇入處。雲峰云。乍可碎身若微塵。終不瞎箇師僧眼。且古人恁麼意在甚處。若在參詳。不妨回避不得。須有箇入路。若只隨言逐義。則蹉過不少。我早是不惜眉毛了也。

僧問石頭如何是道頭云木頭又問如何是禪頭云碌搏奇怪古人忒煞直截略不同互所謂親切太近有智見足計較底如隔銀山鐵壁不然則認口頭言語便當宗乘則轉更周遮是故真實道人只務純朴不生知見直下承當只恁麼注解已是土上加泥數百重不如還我石頭本分草料來。

三祖云要急相應唯言不二若據山僧只箇不二早是二了也參。

趙州勘破婆子叢林議論千萬多作見解殊不知他古人自在乾淨處立看爾向泥坑子裏頭出頭沒。

馬師云待爾一口吸盡西江水卽向爾道信此老踢殺天下人只等閑出一語便令作無限知見若有解截這老漢葛藤便請罷參。

### 示淨禪人

淨道人因入室遂請益所疑云此一段事爲何宗師多示人這邊那邊尋語之據本分截斷豈有如許然垂手方便貴圖箇入路乃強分之意實無二種耳不見僧問曹山古人提持那邊人教學人如何趣向山云退步就已萬不失一其僧有省所謂識取鉤頭意莫認定盤星只要及盡今時便承當得向上事且今



時作麼生及得盡。只在當人快著精彩。擺撥緣塵。直令胷中脫灑。不立纖毫。透頂透底。洞然虛寂。切忌作勝量解會。直待與本來相應。自然自悟自證。得大安穩之地也。此豈紙上所能話會耶。請自著眼看。

示堅道者

佛祖妙道徑截。唯直指人心。務見性成佛爾。但此心源。本來虛靜明妙。初無纖毫隔礙。而以妄想翳障。於無隔礙。自生染障。背本逐末。枉受輪迴。若具大根器。更不外求。於自腳跟。脫然獨證。惡覺浮翳。既消。本來正見圓妙。謂之卽心卽佛。從此一得永得。如桶底子。

脫豁然契合。無一法當情。覲體純靜。受用無疑。則一  
了一切了。及至聞說非心非佛。并親臨違順好惡境  
界。則一印印定。何有彼我異同。種種混雜知見。耶是  
故古德於一機一境一語一默。投誠入理。千門萬戶  
了無差殊。譬百千異流同歸大海。自然居之既安。用  
之透徹。作箇無爲無事絕學道人去也。二六時中。不  
生別心。不起異見。隨時飲啖衣著。萬境萬緣。無不虛  
凝。雖千萬年不移易一毫髮許。處此大定。豈非不可  
思議大解脫耶。唯要長時無間斷。不墮內外中間。有  
無染淨。直下休歇去。見佛眾生等無差殊。乃是十成。

安樂之地也。今既已有趣向。只在長養令純熟。煨來煨去。如百煉精金。方成大法器也。

示尙禪人

幸自圓成。何須特地。直饒以慈悲之故。信手拈來。也未免強生枝節。卻返不如未露鋒鋌以前。只如今恁麼。涉水拖泥不少。只得就裏分疎。還委悉麼。一粒之中。藏世界。普天匝地。應時收。

示瑛上人

道本無言。因言顯道。若真體道之人。通之於心。明之於本。直下脫却千重萬重貼肉汗衫。豁然契悟本來。

眞淨明妙。冲虛寂淡。如如不動。眞實正體。到一念不生。前後際斷處。踢著本地風光。更無許多惡覺。知見彼。我是非生死垢心。拔白露淨。信得及。與他從上來人。無二無別等閑。不作爲。不確執。虛通自在。圓融無際。隨時應節。喫飯著衣。契證平常。謂之無爲無事。眞正道人。蓋緣根本。旣明六根純靜。智理雙冥。境神俱會。無深可深。無妙可妙。至於行履。自會融通。喚作得坐披衣。向後自看。終不肯只向言句中話路。古人公案間。埋沒鬼窟裏。黑山下。作活計。唯以悟入深證爲要。自然到至簡至易。平常無事處。然亦終不肯死殺。



坐卻墮在無事界裏是故從上作家古德行棒行喝立宗旨。明與奪。設照用。三要三玄。五位偏正。峻機電卷。言前格外。旁提正按。只貴當人活卓卓地。千人萬人羅籠不住。知有向上宗乘。終不指注定殺掘坑埋人。若有如此者。定是弄泥團。非慷慨透脫真正具眼衲子。所以不喫人殘羹餒飯。被繫驢橛子綴住。不唯埋沒宗風。抑亦自己透脫生死不得。況復展轉將露布窠窟解路傳授與後學。遂成一盲引眾盲。相將入火坑。豈是小禍。復令正宗只見淡薄。祖佛綱紀委地。豈不痛哉。所以學道先須擇正。知正見師門。然後放。

下複子。不論歲月。用做事綿綿相續。不怕苦硬難入。參取管須徹去。不見睦州道。未得箇入頭。須得箇入頭處。若得箇入頭處。不得辜負老僧。既操誠日久。大經鉗鎚。洪鑪煅煉。日近日親。田地穩密。只更辨悠久管帶。使如證如悟。始終無間。世法佛法。打成一片。物物頭頭。有出身處。不墮塵機。不爲物轉。鬧市裏十字街頭。浩浩之中。正好著力也。

五祖老師平昔爲人最捷徑。每示徒。多學古德有漏。箴籬無漏木杓。大乘井索。小乘錢貫。覲面相呈時。如何分付典座。如何是玄旨。壁上掛錢財。謂學人儼若。

使與麼會得徹底去便可罷。參所謂唯此一事實。直得赤心片片。不隔一絲髮許。若真突得到此田地。始堪提持綱宗。傳正法眼也。

示昇禪人

參問之要在專一。不强作爲。只守本分。須根腳有透脫處。明見本來面目。踢著本地風光。初不改移尋常行履。而表裏一如。任運施爲。不立奇特。與汎常人無以異。喚作絕學無爲閑靜道人。而自處之際。不露心迹。直得諸天捧花無路。魔外潛窺不見。始是朴實頭著實處也。養來養去。日久歲深。世法佛法打成一片。

混融無際。力用現成。透脫死生。豈爲難事。但患證入處不諦當。胷中有物。則留礙也。要急相應。當須旋有旋消。如紅鑪著雪。相似自然廓然安靜。得大解脫也。但自退審。親附知識。不爲不久。所以履踐處。還有端的落著也未。若有落著。更疑箇甚麼。直下不起一念脫體承當。一處纔真。千處萬處。豈更別耶。祖師只要人見性。諸佛只令人悟心。心性旣真。純一無雜。則四大五蘊。六根六塵。一切萬有。無不皆是。自己放身捨命處。等閑蕩蕩地。如日普照。如虛空無邊量。豈以有限身心。返自拘局。令不快活耶。



古人十年二十年只要參透。一透之後。便解作活計。如今豈是欠闕。但不起要情。不生執著。隨力遇緣。靡不通徹。唯貴專一純靜。雖幹事緣。亦非外物。攝歸自己。卽爲妙用。八萬塵勞。卽時化作八萬波羅蜜。更不須別參知識。於日用中。度無量數眾生。成就無量數佛事。歷涉無量數法門。皆從自己胸中流出。豈有他哉。所謂百尺竿頭須進步。大千沙界現全身。

示民上人

學道深宜退步體究。但以死生爲念。世諦無常。是身非堅久。一息不來。便是異世。他生或若淪入異類。轉

更千生萬劫無出徹處。幸而今富有春秋。正好著力。念念趣向。心心不移。向根腳覷捕到一念不生前後際斷處。驀然透徹。如桶底子脫。有歡喜處。極奧窮深。踢著本地風光。明見本來面目。不疑天下老和尚舌頭坐得斷。把得住。以無心無爲無事養之二六時中。更無虛過底工夫。心心不觸物。步步無處所。便是箇了事衲僧也。不圖名。不苟利。壁立萬仞。滴水滴凍。辨自己透脫生死事。不管諸餘。不動聲色。不驚群衆。傍然獨脫。真出塵羅漢也。切宜信而履踐。

昔蒙山惠明道人。自黃梅趁逐盧老。到大庾嶺及之。

遂咨稟不爲衣鉢來。只爲法來。盧乃令坐於盤石冥心。因語之云。汝但善惡都莫思量。正當恁麼時。一物不思。還我明上座本來面目來。明依言斂念。尋有省發。乃復問盧。爲只這箇爲當更別有。密意。盧云。我若向爾道。卽不密也。只如上說。汝若會。卽密在汝邊矣。蒙山乃了了無疑。將知密意。卽是密印。若體得老僧所示。心地豁然。密印豈在別人邊。密說顯證。皆只於刹那頃。纔生心動念。卽沒交涉也。

### 示心道者

有祖以來。直指此一段大因緣。政爲透脫生死。須是

上根利智。超言詮。出情域。不以世緣。彼我高低。強弱  
衰榮爲意。徑於自己根。觸下了悟。取本來清淨寂照。  
虛凝輝騰。今古迴絕。知見底本分事。便翛然獨立。萬  
象不能藏覆。千聖無以擬倫。等閑蕩蕩地。一物不思。  
一物不爲。自然無欲無依。超諸三昧。更說甚建立門  
戶。差別作爲。直下坐斷。壁立千仞。凡亦不拘。聖亦不  
管。方是了事。衲僧身心。如枯木朽株。寒灰死火。乃真  
休歇也。所以從上來。只貴忘懷獨得。旣得之後。不立  
我見。不自貢高。任運縱橫。如癡似兀。始稱無爲無事。  
道人行履。設使三五十年。亦不變亦不異。至於千生



萬劫亦只如如。所謂長久最難得人也。若一往恁麼信得及。透得徹。不憂不能度世。跳煩惱生死坑。唯在當人諸根猛利。超毗盧越祖代。亦不爲難。此真大解脫門也。

達磨祖師初來少林。九年面壁。冷坐深雪之中。得箇可祖。洎勘證所得。只禮三拜依位而立。此豈涉許多言詮耶。要須直下領取。透頂透底。纖芥無違。現成撲不破。萬機莫能到。然後於無住本中。流出一切。融通無滯。百千作爲。皆我妙用。處處與人抽釘拔楔。令各安穩去。豈不省要哉。玄沙一日見人擗屍過。指而示

眾四個死漢。擗一箇活漢。若隨情見。卻是玄沙自相顛倒。若以向上正眼離見超情。乃知玄沙爲人極是親切。是故透脫。須出他陰界。不見古德道。白雲淡泞。水注滄溟。萬法本閑。而人自鬧。果是真實諦當。聊聞舉著。便知落處。可以透脫。生死不在陰界中。窒礙如鳥出籠。自由自在。自餘一切機用言句。只一截便休。更不落第二見也。

示照道人 尼

釋門奇特。徑截超證。速與般若相應。無出禪宗。此乃如來最上乘清淨禪也。自靈山拈花。金色頭隨微笑。

迦文付授涅槃妙心。正法眼藏。教外別行。單傳心印。  
歷代四七。至達磨西來。直指人心。見性成佛。無論凡  
聖久近。但根器相投。一念透脫。更不假三僧祇劫。便  
證本來圓成淨妙調御。是故游泳此宗。資大法器。從  
初立志跂步。便要超卓。所謂立地成佛。暫時斂念。便  
證無生。不立前後際。不從他得。惟是自己分上。猛利  
操修。如斬一縷絲。一斬一切斬。性靈瞥脫。前念是凡  
後念是聖。擬不擬。凡聖一如。含吐十虛。更無方所。永  
嘉道。爭似無爲實相門。一超直入如來地。法華會上。  
龍女獻一珠。卽成正覺。豈非轉念便證妙果耶。蓋此

法天地不能覆載。虛空不可包容。蘊在一切含靈根  
腳爲一切依倚。長時淨倮倮。無處不周。但爲情識所  
拘。聞見所隔。妄認緣影爲心。四大爲身。不能證得此  
正體。所以諸聖以悲願力。指出示人。令一切群生有  
根器者。同光返照。單拈獨證去。只如龍女所獻之寶。  
卽今在甚處。若纔舉著。便和座子承當得。終不向語  
言中作解會。心機意想裏作窠窟。便與靈山無垢世  
界無二無別也。從上來唯貴最初一念。最初一句念。  
未生聲未發直下截斷。千聖靈機。萬靈印契。一時劃  
破。可不是脫灑自由得大白在要妙處耶。龐居士問



馬大師不與萬法爲侶。是什麼人。馬師云。待汝一口吸盡西江水。卽向汝道。此箇公案。多有涉唇吻商量作機境解會。殊不稟宗猷也。要須是箇生鐵鑄就底。方能逆流超證。乃解翻卻二老鐵船。始到壁立萬仞處。方知無許多事。

示倫上人

一切有心。天地懸隔。酌然如今透關不得。只爲心多執重。若脫然摒當到無心之地。一切妄染情習俱盡。知見解礙都銷。更有甚事。是故南泉云。平常心是道。然纔起念。待要平常。早乖差了也。此最爲微細難湊。

處沒量大人到箇裏踟躕。何況學地。直須抵死謾生  
咬嚼教斷。直似大死底人。絕氣息。然後甦醒。始知廓  
同太虛。方到腳蹋實地。深證此事。明得徹信得及。等  
閑蕩蕩地。百不知百不會。纔至築著。便轉轉更無  
拘制。亦無方所。要用便用。要行卽行。更有甚得失是  
非。通上徹下。一時收攝。此無心境界。豈是容易履踐  
湊泊。要須是箇人始得。若未如此。當須放下身心。教  
冥然地。無一毫許依倚。覷來覷去。日久歲深。自然蓋  
天蓋地。觸處現成。未有天生釋迦。自然彌勒。阿那箇  
在娘肚裏。便會直應快著精彩。時不待人。驀然一咬

咬斷也不柰。爾何大丈夫。須到自得自由自在處。始得。

### 示正上人

參請固欲利根。乘機便領。初無凝滯。亦須深信純熟。取効長久。向衣單下作工夫。所謂休去歇去。唇上醖生去。如古廟香爐去。蓋此乃透脫生死。超凡情。越彼岸。尤宜大忘人間雜務。辯利聰明。未出世間。只增虛妄。祖師西來。唱此一段。要人直下徹證了。卻無始無明住地。令淨盡無遺。明證本地風光。明見本來面目。雖千聖萬聖出來。不移易絲毫許。謂之直指人心。見

性成佛。豈可只隨言逐句。作機境。事露布。圖廣知見。  
待欲勝人。而取名利哉。固非此理。既是有志之士。一  
等踢破草鞋。須究箇徹頭處。只如僧問雲門。如何是  
諸佛出身處。對云。東山水上行。他豈不是徹了。恁麼  
道。一葉落。合知秋。更待言句上生言句。知解上作知  
解。爭得徹去。若體得雲門此意。古今言句。一時穿過。  
但辦肯心。與麼靠將去。甕裏豈曾走鱉。是故古德云。  
靈利漢。聊聞舉著。別起便行。

### 示性然居士

道山性與道合。喜恬靜。不尙藻飾。宿蘊深信。尤慕玄



學每宴寂。通宵徹夕。冥默內照。瑩徹如冰。壺玉鑑表。裏洞然。而蔬食長齋。究向上宗乘。徧參知識。一以誠至。探窮有年歲矣。始則循見歷語。句合頭窠。窟八穴七穿。游歷築底。其志愈確。驀地脫去。直徹佛祖心性淵源。深入理妙。踐履說宗。二通融攝。涅槃生死。到身心一如。勝淨之地。機智增明。頓轡自樂。久之。猶不自已。圖就諸方。達道上上大機。碎佛見法見。大用明了。上頭關棧。展拓烹煨。鑪鞴。擺撥玄妙。擇摒廉纖。提持殺活。綱宗超脫。聖賢闔域。正到辯邪正。識休咎。知進退。別機宜。誠實之地。恰欲整安閑之車。游虛寂之境。

徑直湊無爲無事。羅籠不住。呼喚不回。超毗盧。越釋迦。莊嚴清淨自在大解脫之域。適以世緣暫時挽綴。渠處之亦翛然。有志之士。以無量阿僧祇爲頃刻。當亦綽然遂本源。爾乘涼相過。遇紙筆作此。

### 示慧空知客

諸佛出世。祖師西來。鞠其旨歸。斷無他事。唯以同體大悲。無緣等慈。揭示此段大因緣。圖利根上智越格超宗直下。領略所謂教外別行。單傳心印。是故於十萬眾前拈花。只有迦葉特證。不覺微笑。由是釋尊付授。而達磨游梁。歷魏尋人。在少林面壁久之。獨得二

祖深信立雪斷臂。一言之下安心。遂傳衣鉢。此豈小事哉。蓋從上來皆聖賢應世。主勝根強。龍象蹴蹋。源既淵深。流不短淺。白四七二三之後。間世英靈相繼傑出。如思讓馬師。石頭寰中獨步。德山熱疏鈔。臨濟燒禪板。藥嶠天皇。百丈黃檗。及五家宗主。各立門風。如布縵天網。垂萬里鉤。莫不透頂透底。有過千萬人作略。出沒卷舒。擒縱照用。權實豈只守一途一轍。一知一見。存窠臼。立知解。死水裏浸殺。以實法繫綴人。所以徧寰海。列刹相望。數百年綱宗不墜。的的相承。源源相繼。非單見淺聞皮膚幽陋所能負擔。要是蘊

卓識奇姿。跂步越佛祖器量。蓋天蓋地。初出窠來。迥然殊絕。先了卻自己根腳。靠本色咬猪狗手段。大達宗師向順違境界透脫。辦粉骨碎身志見。圖大不圖細。圖遠不圖近。於千艱萬苦。至難至嶮。如銀山鐵壁處。放身捨命。撒手那邊。承當此大事。因緣絕情離見。歇卻狂機業識。闊大解脫門。了卻自己生死大事。酬初發心志。視六根四大五蘊十二處十八界七大性如虛空。狂花亂起亂滅。唯全真承不思議。乃祖乃佛所證廓徹靈明廣大虛寂金剛正體深根寧極。餉間舉一毛一塵一機一句。靡不從根本中發。雖謂之大。



機大用。早是胡亂名摸了也。更向甚處著心著性著。  
立著妙。著理著事。到箇裏如紅爐上一點雪。聞禪與  
道削迹吞聲。猶未是極致。況其餘光影色聲。山河大  
地。露柱燈籠。眼見耳聞。擔枷抱鎖。豈不見德山入門。  
便棒。臨濟入門便喝。睦州現成公案。子細看來。渠已  
是入泥入水。老婆心切。所以道。若一向舉揚宗教法。  
堂上須草深一丈。自餘方便門。軒知是不得已。抑而  
爲之。是皆從上來大善知識。垂慈運悲。作異世標榜。  
使有志之士。窮到撲不破處。八面玲瓏。匪唯自利。亦  
以利人。傳無盡燈。續佛慧命。自唐歷五季。以至國初。

負重望。據祖位。龍馳虎驟。奔南走北。與人拔楔抽釘。  
解黏去縛者何限。近世不道無人。求全材獨脫。奮本  
分鉗鎚。啓作家鑪鞴。誠不可多得。蓋緣師因循淺陋。  
資又無深根固蒂。只圖易曉。便如膠漆。使祖宗無上  
道妙高遠大機。或幾乎絕矣。尙賴後昆有拔類離倫。  
底與古爲儔。不顧是非得喪。彼我取捨。以鐵石心。辨  
不可卷不可移之志。攻苦食淡。不怕艱難。向前體究。  
可以繼芳躅。續往世高風。爲人間明燭。作昏衢日月。  
此私心常所渴望者也。今旣憤悱圖起發。切在盡始  
盡終。擇海上具殺人不眨眼手段宗師。圖取徹去。則

豈唯酬自己超方本心。抑亦於佛法大海出一隻手。  
矧此門絕人我。離愛憎。只貴正知正見。安在乎論誰  
家之子哉。等是曹溪門下。何有彼宗此派於其間也。

### 示張直殿

契證佛祖道妙。最宜上智利根。忘懷體究。不墜機境。  
直下拔萃超群。虛心領略。直得圓明廣照。透地通天。  
徹生死根源。出葛藤露布。胷中灑落。一念不生。前後  
際斷。一句當陽。脫去解會。諦實取證。了無疑惑。如昔  
則老問青林。如何是佛。對云。丙丁童子來求火。渠便  
入語言作道理。便謂丙丁是火。更來求火。如我是佛。

更去問佛。及至法眼究窮。撥正他。卽大不信。及翻然投誠。法眼亦只如前云云。渠大悟。蓋當風證驗。如解回光。更不作惡知惡解。當下如暗得燈。如貧獲寶。此豈小事哉。誠實諦信。千萬億劫。長得受用。是故道本無言。因言顯道。若得此道。斷不在言句上。後番纔有言句。知得底裏。便七縱八橫。顛來倒去。腳踢實地。迺不隨語生解。遂能自在出沒。予奪莫不窮源極本。從上大達之士。無不經此場地。琢磨煅煉。方堪行持。但熟處放教生。生處弄令熟。悠久得大機大用。見一切萬變千化。皆卽識得破。信得及。把得住。作得主。選甚



放光動地。千百萬億佛來也。不消箇了字。巖頭云。卻  
物爲上。逐物爲下。若論戰也。箇箇力在轉處。唯向上  
轉。不落下風。便是急著眼處也。擬議不來。便換卻眼  
睛也。正宜快斷。割取久之純熟。與摩詰龐老無以異。  
示胡尙書悟性勸善文

人人腳根下。本有此段大光明。虛徹靈通。謂之本地  
風光。生佛本具。圓融無際。在自己方寸中。爲四大五  
蘊之主。初無污染。本性凝寂。但爲妄想。倏起翳障之  
束。於六根六塵。爲根塵相對。黏膩執著。取一切境界  
生一切妄念。汨沒生死塵勞。不得解脫。是故諸佛祖

師悟此真源。洞達根本。憫諸沉淪。起大悲心。出興于世。正爲此耳。達磨西來。教外別行。亦爲此耳。只貴大根利智。回光返照。於一念不生處。明悟此心。況此心能生一切世出世間法。長時印定。方寸孤迥。迥活潑潑。纔生心動念。卽昧卻此本明也。如今要直截易透。但放教身心空勞。勞地虛而靈寂。而照內忘己見。外絕纖塵。內外洞然。唯一真實。眼耳鼻舌身意色聲香味觸法。皆依他建立。他能透脫超越。得如許萬緣。而如許萬緣。初無定相。唯仗此光轉變。苟信得此一片田地。及則一了一切了。一明一切明。便能隨所作爲。

皆是透頂透底大解脫金剛正體也要須先悟了此  
心。然後修一切善。豈不見白樂天問烏窠如何是道。  
窠云。諸惡莫作。眾善奉行。白云。三歲孩兒也道得。窠  
云。三歲孩兒雖道得。八十老翁行不得。故應探過。正  
要修行如目足相資。若能不作諸惡。精修眾善。只持  
五戒十善之人。亦可以不淪墜。何況先悟妙明真心。  
堅固正體。然後隨力修行。作諸善行。令一切人不迷。  
因果。知地獄天堂之因。皆自本心作成。當平持此心。  
無我人無愛憎。無取舍。無得失。漸漸長養三十二十  
年。逢順違境界。得不退轉。到生死之際。自然翛然無

諸怖畏。所謂理須頓悟。事要漸修。多見學佛之儔。唯以世智辯聰。於佛祖言教中。違掠奇妙語句。以資譚柄。逞能逞解。此非正見也。應當棄舍。冥心靜坐。忘緣體究。逗到徹底玲瓏。於自家無價無盡寶藏中。運出何有不真實者哉。卻須先悟了本來。明見卽心卽佛。正體離諸妄緣。儻然澄淨。然後奉行一切眾善。起大悲饒益有情。隨所作爲。皆是平等。無我無著。妙智顯發。通徹本體。善行豈不妙哉。所以道。但辨肯心。必不相賺。以悟爲則。莫嫌遲晚珍重。

### 示張宣機學士

佛果園悟真覺禪師心要卷上



從上大達之士。單提密傳。此最上獨脫一著子。極爲  
省要。唯務利根上智機。應相投。直下領略。幾時有。如  
許般。次向上向下理性。玄妙正偏主賓語言作用。纔  
生解會。卽被羈勒。更無自由分。是故本分作家。終不  
上人釣鉤。落人圈圓。唯自洞明照了。胷次不留毫髮。  
超然孤高。不與萬法爲侶。不與千聖同廊。脫白露淨。  
湛然虛凝。至於涉緣應機。如飛劍輪。如聚猛火。安可  
近傍。語默有無動靜。彼我一併截斷。是故道末後一  
句。始到牢關。把斷要津。不通凡聖。不得已謂之一句。  
謂之正位。謂之頂門。謂之金剛王。纔得此意。歷落通

透情塵意想見解勝智自然銷融時中寬廣獲大自在。以此修身行已。以此定國安邦。澤及生民。位望轉隆。心術愈正。而能不居其功。不有其德。萬世一時。萬年一念。十方猶目擊。造化握掌中。只是箇轉物。回天易地。納須彌於芥中。擲大千於方外。豈難爲哉。旣已深諦。更資淘煉。使轉有力量。而不勞神。泰然大定。豈止窮此生。盡未來際。罔不資此。遇同道同證。不舉而知。不言而契。捨此置而勿論可也。傳曰。如來有密語。迦葉不覆藏。廼所以爲密爾。

示同龕居士傳申之

學士大夫相見多論理性。差近根本。卽廣知見。該涉  
玄妙。通天人之際。會同三教。爲通儒。以之著述。欲垂  
名異世。頗顧踐履。立節退聽。修賢業。有至膚淺。要涉  
獵。以資談柄。尙口好勝。用伏同列。增長我見。皆非正  
因。雖賢於拍盲。不知信向。任自己單見淺聞。而生毀  
訾。昧果迷因。墮入流俗者。然比之眞實虛心。潔已刻  
苦退步。忘懷契證。腳踢實地。透根塵絕伎倆。與古爲  
儔。如維摩大士。給孤長者之流。克證道果。超世出世。  
只如唐朝裴相國。陸巨大夫。陳操尙書。王敬常侍。于  
襄陽。李習之。鄭愚。韋宙。莫不悉心體究。盡平生得受。

用我宗尤洞明出沒窮深極奧。楊大年內翰李駙馬都尉。便可與龐居士並驅。蓋具大力量在仕路不捨宰官。游方之外。提佛祖巴鼻鉗鎚。世人操同事攝向鷲鷲行中。出作方面。與大宗師爲內外護。豈非夙昔承靈山記。發百劫千生煉磨願行。而聞如是機緣耶。近世佛法雖澆漓。而衣冠貴胄深信者極夥。殊有古風。要是前三流中相半。儻有志乎此段。須攀上上大機。勿作中下體度。則超凡出塵。得大解脫。爲不難。唯是專一久長。逢境界惡緣。直截撥斷。所謂假使鐵輪頂上旋。定慧圓明終不失。



李渤拾遺出守九江。與拭眼歸宗相值。一面投契。一日。驀問教中道。芥子納須彌。豈有是理耶。歸宗云。人傳公爲李萬卷。是不對曰。然。宗云。觀公身不滿五尺。萬卷書甚處著。李卽領旨。此豈可與著相執情守見者論量哉。要是因指見月忘筌。第得魚兔者。根器乃可以不守方便窠窟爾。直一舉便知落處。然後穎脫到七通八達之地。顯大受用矣。

韓文公問大顛。愈公務事繁。佛法省要處。請師一言。顛只據坐。公罔然。是時三平侍立。卽撫禪床。一下云。侍郎和尚道。先以定動。後以智拔。文公大喜曰。禪師

佛法峭峻。愈卻於侍者處。有箇入處。利根種性。一撥便轉。看他師資互作方便。向不可名不可言處發揮。非韓公俊快。安能領略。所謂揮斤者。敏手亦須受斤者。有不動之質。然後二俱入妙。不然則成一場漏逗。爾觀此。那假日日入室。朝朝咨參。是故昔人隔江招扇渠。便橫趨而領。今恁麼形紙墨。廼知而故犯也。

### 示黃聲叔

相逢不拈出。舉意便知有。子細點檢。已是涉水拖泥。況其餘周遮。則通人分上。宜乎峭絕。豈容紛拏。蓋此箇獨許灑灑落落。雖電卷星馳。未免蹉過。只恁麼舉。

覺過犯彌天。如未相逢未舉意時。直下領略。存乎其人。不可更教。形文彩作知解去也。珍重珍重。

示曾待制

僧問趙州。如何是祖師西來意。州云。庭前栢樹子。天下參問。以爲模範。作異解者極多。唯直透不依倚。不作知見。便能痛領。纔有毫髮見刺。則黑漫漫地。豈不見法眼舉問。覺鐵觜。趙州有箇庭前栢樹子話。是不覺云。和尚莫謗先師。先師無此語。但怎麼體究。便是古人直截處也。

嚴陽尊者問趙州。一物不將來時如何。州云。放下著。

者云。一物不將來。未審放下箇什麼。州云。看爾放不  
下。嚴陽遂大悟。後來南禪師有頌云。一物不將來。兩  
肩擔不起。言下忽知非。心中無限喜。毒惡既忘懷。蛇  
虎爲知己。寥寥千百年。清風猶未已。但試自頻舉。一  
物不將來時如何。州云。放下著。驀然便省也不難。僧  
問雲門。不起一念。還有過也無。門云。須彌山。此又直  
截省要也。無事。虛心靜慮。且下鈍工夫。只管舉看。久  
之當自有入處。

### 示呂學士

初祖達磨到梁。見武帝。合下只用箇頂顙上一著子。



而武帝不薦。使人到今扼腕。後來多少人汨泥汨水。去它腳迹尋卜度。作百千異解。要且不會夢見。只是機緣上生機緣。見解上起見解。所以道。劍去遠矣。爾方刻舟。當時能截斷箇胡漢。則不到帶累人處。所謂知恩方解報恩。且作麼生截得它斷。

寄蜀守蘇仲虎

大法本平常。在利根精敏寬通。不作聰明了之。爲易入。每患知見太多。遂汨此源。轉窮轉遠。莫能透徹。若一切平心。心亦了不可得。泯然自盡。則本性圓明。混成不假造作。截流深證。無過與不及處。乃造天真機。

要。所謂著手心頭。便判是也。日用之間。常令成現。豈不泰定哉。古人悟心。悟此心也。發機發此機也。自可萬世不移。只守閑閑地。超然獨得。更無對待。若有對待。則成兩立。便有彼我得失。莫能腳踢實地。更進一步。一法不立。然後帖妥。明見本來人。去卻箇中物。喪卻目前機。脫體安穩。永離退轉。得無所畏。方便可以拯濟群靈。政須長久相續無間。乃善。

佛果圓悟真覺禪師心要卷上終

[illegible]

佛果圓悟真覺禪師心要卷下

示黃太尉鈴轄

此道幽邃。極於天地未形。生佛未分。湛然凝寂。爲萬  
化之本。初非有無。不落塵緣。煒煒燁燁。莫測涯際。無  
真可真。無妙可妙。超然居意象之表。無物可以比倫。  
是故至人獨證。穎脫泯然。淨盡徹此淵源。以方便力。  
直下單提。接最上機。不立階級。所以謂之宗乘。教外  
別行。以一印印定。遂撥轉關樞。不容擬議。至於拈花  
微笑。投針舉拂。植杖抵几。瞬目揚眉。悉出窠窟。理道  
語言。露布如擊石火。似閃電光。瞥然迅急。萬變千化。



曾無依倚。透頂透底。截斷籠羅。只許俊流。不論懣底。正要具殺人不眨眼氣槩。一了一切了。一明一切明。然後特達絕死。出生超凡。入聖蘊遠。見高識。居常不露鋒鋷。等閑突出。則驚羣動眾。蓋深根固蒂。覩破威音王已前。空劫那畔。與卽今日用無異。無別。旣能行持有力。堪任重致遠。得大自在。促三祇爲一念。衍七日作一劫。猶是小小作用。況擲大千於方外。納須彌於芥中。乃家常茶飯爾。昔裴相國得旨於黃檗。楊大年受印於廣慧。維摩手搏妙喜界。龐老一口吸西江。豈難事哉。唯直領此大因緣而已。旣有此道之基本。

時中能不聽人處分。略操勇猛。向應酬指呼之際。著眼運快機利智。轉一切萬有。回自己掌握。舒卷縱擒。則與上來大達抱道蘊德踐履純熟之士。豈有異耶。但使源源相續無間斷。便是長生路上快活人也。祖師云。心隨萬境轉。轉處實能幽。隨流認得性。無喜亦無憂。纔於轉變處得幽深之旨。向流動時徹見本性。超出二邊。不居中道。安可更存違順憂喜愛憎。令罣礙自受用哉。以心傳心。以性印性。如水入水。似金博金。樂易平常。無爲無事。遇境逢緣。不消一筭。德山行棒。臨濟用喝。雲門睦州風旋電轉。何遠之有。唯不徇。

情轉。蓋色騎聲。超今越古。向百草顛頭快行。劒刃上  
事。所以道撥開向上一竅。千聖齊立下。風鳥窠吹布  
毛。俱胝一指頭。趙州三喫茶。禾山四打鼓。雲門須彌  
山洞。山麻三斤。鎔瓶盤釵釧爲一金。攪酥酪醍醐爲  
一味。不出至微至奧。無上道妙矣。嚴陽尊者問趙州。  
一物不將來時如何。州云放下著。復徵旣一物不將  
來。教某放下箇什麼。州云看爾放不下。渠卽大悟。豈  
不是靈利解。言下返照。直截透徹。忘懷絕念。大解脫。  
根源踢著本地風光。契合本來面目。以此一句證卻。  
則千句萬句。根塵俱謝。默契心宗。便非他物。後來便

伏毒蛇降猛虎。顯不可思議靈驗。豈不爲殊特哉。

送雷公達教授

靈山釋迦文。百萬億賢聖會集。龍象如林。皆超羣越。眾大器大根。可以迎風投契。隔嶽隔海。領畧。豈此聞一知十。舉毛塵徹見。至微至隱。底蘊宜乎未明。先見不遺毫髮。及至拈花。獨金色頭。隨微笑。黃面老廼開懷展手。了不覆藏。便道。吾有正法眼。涅槃心。分付之。令善護持。厥後果的傳二十八世。雅當開證。初祖到今。流通真規。不墜。是時文殊普賢。彌勒金剛。藏觀世音。悉拱默聽之。何也。嘗鞠其至趣。蓋當授受之際。豈



不愼許可而然哉。雖以眼照眼。以聖繼聖。羽翰步驟。體裁莫不絕去。蹊徑唯單提獨用。向上一著子。寔千聖不傳之妙。萬靈景仰之宗。出格越情。絕凡脫聖。輝天焯地。耀古騰今。是故歷二千年。渾如日擊。只阿難詢由來。謂金襴之外。別示何法。迦葉遽呼待渠應諾。卽云倒卻門前刹竿著。此與向來拈花微笑。何所異同。則綿綿聯聯。初無二致。傳燈錄寶林傳所載。靡不如水入水。似金搏金。所以達磨唱云。直指人心。教外別行。故不忝爾。瀉山云。此宗難得其妙。切須子細用心。可中頓悟。正因便是出塵階。漸著破布百衲。頭鬚

髻。腳踉蹌。稠人中看之。不直半分文。驀地打徹翻卻。  
無量生業識種子。向百不知百不會處。信口道。信手  
拈。不知有底。如鴨聽雷。只眨得眼。後來槌頭。便領千  
羣萬眾。若固有之。往往大有道宗師。比比皆是。至如  
居貴勢。作卿相。如裴相國。陳操。尚書。白樂天。王常侍。  
本朝楊大年。文公。李都尉。駙馬。驚羣敵聖。信徹見透。  
受用無盡。率皆稟奇謀異見。不蹈襲世間。而圖出世。  
間津梁。廼如此。山僧所稟寡昧。偶憤發欲攀躋先哲。  
所造詣。殊無過人作略。但操守久。之以微有信。因不  
善晦。出而爲人。蹉跎四十餘載。每遇傑出英才。必傾。

倒羅列。隨所向任機緣。專一唯在箇中撥轉。一句一言透頂透底。明千聖頂上得大自在。解脫力用而已。果能有濟度盡大地羣靈舉而置之安樂無爲無事穩密之地。則與迦文金色下至六代祖唐宋大達將相。豈有異耶。源深流長。根牢蒂固。不妄許與。迺爲真實諦當英靈豪俊解脫大士也。

巨濟了然朝奉

根腳下各具此段。惟宿植深厚之士。於世諦緣輕。有力量能自擺撥。長時退步。孤運獨照。潔清三業。端坐參究。妙省明脫。向自己分上。離見絕情。壁立萬仞。放

舍無始劫來深習惡覺。摧碎我山。枯竭愛見。直下承當。千聖莫能移易。萬象不可覆藏。輝天焯地。乃佛乃祖。直指妙嚴清淨本有金剛正體。向百匝千重不能辨別處著得眼。八縱七橫了無分割處下得刃。機出物先。言超意表。灑灑落落。湛湛澄澄。轉變自由。力用活脫。於從上來克證上流。同得同用。無異無別。等閑地只守靜默。初不露鋒鋌。似箇癡兀人。隨緣放曠飢餐渴飲。與常時無以異。所謂不驚羣動眾。密密顯用發大機。久之到純熟安閑穩實之地。更有甚閑東破西煩惱。生死可拘束得。是故古之有道宿德。令人既



脫根塵。當弘密印。三十二年。做冷寂寂地工夫。纔有纖毫。知見解路。隨即掃摒。亦不留掃摒之迹。撒手那邊。全身放下。硬糾糾地。得大快活。唯恐知有如是作略。知則禍事也。始是真實踐履。也不見王老師趙州洞山投子。皆贊重無心境界。實欲後學也。與麼去。若呈機關語言辯慧。知解正是染污心田。卒未能可以入流。靈山拈花。少林面壁。多少人穿鑿。不依本分。殊不知將口頭聲色。捫摸作用。大似刺腦入膠盆。若是俊流。他應不爾。已能探討。必意其遠者大者。到結交頭。驗諦實。所以得底人。雪鼻涕亦無工夫。且道他

向甚處行履。將知教外單傳。不是造次承當。望空搏  
邈。一一透頂透底。蓋天蓋地。如師子兒。遊戲自在。軒  
豁時直是軒豁。綿密處直是綿密。雖只是一段腳跟。  
到究竟。須自著精采。乃爲實頭受用。

示張仲友宣教

要探蹟此箇大因緣。惟利根上智。終較省力。然須用  
作一段緊要事。常時靜卻已見。使胸中脫然。回光覲  
捕。內外虛寂湛然。凝照到一念不生處。徹透淵源。儻  
然自得。體若虛空。莫窮邊量。亘古亘今。萬象籠羅不  
住。凡聖拘礙不得。淨倮倮。赤灑灑。謂之本來面目。本

地風光。一得永得。盡未來際。更有甚生死可爲滯礙。至於小小得失是非。榮枯寂亂。直下截斷。把得住。作得主。長養將去。一心不生。萬法無咎。只是切忌起見。作承當。便落彼我。必生愛憎。不能脫灑也。此箇無心境界。無念真宗。要猛利人。方能著實。祖師西來。只是直指人心。令人見性成佛。旣明信入此心。信得及。萬緣放下。常令胸次空勞勞地。此長養聖胎。入真正修行也。

若確實未有箇諦當處。時中逢境遇緣。卽紛紛擾擾。易得隨一切物轉。長墮在生死纏縛中。應須快著精

彩但念無常。以生死爲大事。向逐日日用之中。行時  
行時看取。坐時坐時看取。著衣時著衣時看取。喫飯  
時喫飯時看取。直下腳跟。有箇發明處。深信此大事。  
因緣從空劫那邊。以至父母未生前。合下圓明朗照。  
只如卽今日用之中。又何曾虧欠一處。透得千處百  
處無遺。所謂處處真。處處真。塵塵盡是本來人。真實  
說時聲不現。正體堂堂沒卻身。則一塵纔舉。大地全  
收。遍法界都盧是箇自己。更向何處著眼耳鼻舌身  
意。軒知無二無別。如水入水。如金博金。真如實際。  
大解脫也。



昔子頤相公。裴休相國。本朝楊億內翰。李遵明大尉。皆稟利根種智。長與方外老宿。辦心參究。悉有契證。不失爲賢達。蓋根性非於一世薰炙也。于公見紫玉問佛。紫玉呼渠。應諾玉云。只這是裴公問黃檗高僧。檗云。更莫別求。楊大年參透廣慧老。有頌云。八角磨盤空裏走。金毛師子喚作狗。擬欲翻身北斗藏。應須合掌南辰後。李都尉見石門大悟。有頌。學道須是鐵漢。著手心頭便判。直趣無上菩提。一切是非莫管。四公所謂。豈有異耶。但發明心地。直透本根。旣爾諦實。隨所作用。無別道理也。

五祖老師常問。過去心不可得。見在心不可得。未來心不可得。三心既不可得。畢竟心在什麼處。山僧常時。示參衆。龐居士問馬大師。不與萬法爲侶底。是什麼人。馬師云。待汝一口吸盡西江水。卽向汝道。若體究得。畢竟心落處。卽領略得。一口吸盡西江水。纔生異見。起一念疑心。卽沒交涉也。要須放下諸緣。雜知雜解。令淨盡到無計較處。驀爾得入。卽打開自己庫藏。運出自己家財也。

### 示德文居士

樸實頭。腳跟著地。修行淨意。是大便宜。所謂說得一

丈不如行取一尺。然見性悟理。情念俱捐。胷次廓然。離一切相。融徹虛通。然後透頂透底。物我一如。生與死。齊佛與衆生等。至於動靜語默。觸處逢原。舉一毫一塵。靡不該收。然後日用之中。如踞地師子。誰敢當前。乃一相一行。得徧行三昧。根機既脫。一出無心。纔有纖微。悉皆截斷。方是向上人行履。所以古老貴參玄之士。先悟妙心。行無修之修。證無證之證。不用向外馳求。只自回光便了。不見古人投機。隔江招扇。倒卻刹竿。豎指吹毛。見桃花。聞擊竹。皆是契證處。佛法豈有許多來正。要絕伎倆。當陽便承當。卽是安樂修。

證之地也

示興祖居士

脫虛妄纏縛。破生死窠窟。第一要根器猛利。軒豁次  
辦。長久不退之心。俾力量洪深。境界魔緣。撓括不動。  
而以佛祖大法印定本心。此心乃真淨明妙。卓然獨  
存。虛空世界有成壞。此段初無改移。直下專一操存。  
探究令透頂透底。物我一如。徹下通上。只箇金剛正  
體。了了無毫髮遺漏。瑩徹玲瓏。萬年一念。初縱未全。  
抵死擺撥。日近日親。絲來線去。養得純熟。向二六時  
一切境中。著著有出塵之意。出身之路。持清淨戒而



無執戒之念。浩浩修行。而不存功用。一往不留蹤跡。自然與古來得道之士同儔。是故耆宿論悟入修證。得坐披衣。向後自看。正要人作無間道中工夫也。況生死事大。多少人臘月三十日。腳忙手亂。大率在平時安穩。一往麤浮。隨塵緣轉了。逗到時節到來。臨渴掘井。豈做得辦耶。人生一世。不早回頭。百劫千生。等閑蹉過。今既知有此段。只在堅固向前。損諸知見。撥棄妄緣。長教胷中灑灑落落。無一塵事。或妄想起急。須撥置令。條然無住。本性常明明。亦不取凜如吹毛劍。誰敢當鋒。一切語言道斷。心行處滅。要行卽行。要

住卽住。聖亦不收。凡亦不屬。豈不是了事凡夫耶。所以從上來人。誨示訓導。唯務無心。非無真心。但無一切淨穢依倚分別知解執著之心耳。此發心學道。悟入修行方便次第也。

### 示超然居士

曹山辭悟本。問甚處去。云不變異處去。復徵云不變異。豈有去耶。答云。去亦不變異。自非踟躕著實處。安能透徹如此。豈以語言機思所可測量哉。蓋履踐深極。到無滲漏之致。然後羅籠不住。學道之士。立志外形骸。一死生。混古今。絕去來。要須攀上流。造詣至真諦。

實淵奧闊域。打辦自己。拔白露淨。無絲毫意想。墮在塵緣。直下心如枯木朽株。如大死人。無些氣息。心心無知。念念無住。千聖出來。移換不得。乃可以向枯木上生花。發大機。起大用。興慈運悲。乃無功之功。無作之作。豈落得失是非哉。纔留一毫毛。則抵牾於生死界。自己未能度。安可度人。維摩大士。不住金粟位。入酒肆姪房。作大解脫佛事。

### 示魏學士

覲面相呈。卽時分付了也。若是利根。一言契證。已早。郎當。何況形紙墨。涉言詮。作露布。轉更懸遠。然此段

大緣。人人具足。但向已求。勿從它覓。蓋自己心無相。虛閑靜密。鎮長印定。六根四大。光吞羣象。若心境雙寂。雙忘絕知見。離解會。直下透徹。卽是佛心。此外更無一法。是故祖師西來。只言直指人心。教外別行。單傳正印。不立文字語句。要人當下休歇去。若生心動念。認物認見。弄精魂。著窠窟。卽沒交涉也。石霜道。休去歇去。直教昏皮上醢生去。一條白練去。一念萬年去。冷湫湫地去。古廟裏香爐去。但信此語依而行之。要放教身心如土木。如石塊。到不覺不知。不變動處。靠教絕氣息。絕籠羅。一念不生。驀地歡喜。如暗得燈。



如貧得寶。四大五蘊輕安。似去重擔。身心豁然明白。照了諸相。猶如空花了。不可得。此本來面目。現本地風光。露一道清虛。便是自己放身舍命。安閑無爲。快樂之地。千經萬論。只說此。前聖後聖。作用方便妙門。只指此。如將鑰匙開寶藏。鎖門既得開。觸目遇緣。萬別千差。無非是自己本分。合有底珍奇。信手拈來。皆可受用。謂之一得。永得盡未來際。於無得而得。得亦非得。乃真得也。若不如是。便落有證有得。相似般若中。卻不究竟也。既豁然達得此根本分明。然後起力作用。正好修行。二六時中。孜孜履踐。不取一法。不捨

一法。當處圓融。處處是三昧。塵塵是祖師。而不留勝解之心。專行無人無我平等一相大道。奉戒持齋。精修三業。令純淨無染。滴水滴凍。乃至六度萬行。一一圓通。發大機。啓大用。展轉令一切人信此。參此。悟此。須行解相應。慎勿作撥無因果。莽莽蕩蕩。魔邪見解。纔作此。卽謗般若。卻招惡報去。所以佛祖垂教。謂之清淨明誨。當須依此正因。然後當證妙果。所有一生力量。正要透脫生死。若一念圓證。念念修行。以無修而修。無作而作。煉磨將去。於一切境。不執不著。不被善惡業緣縛。得大解脫。到百年後。儼然獨脫。前程明。

朗劫劫生生不迷自己便是千了百當此皆顯不落言詮  
玄妙機境之致。應當覺心體究。俾透徹塵勞。證清淨妙果。

### 示嘉仲賢良

全心。卽佛。全佛。卽人。人佛無異。始爲道矣。此諦實之  
言也。但心真。則人佛俱真。是故祖師惟直指人心。俾  
見性成佛。然此心雖人人具足。從無始來。清淨無染。  
初不取著。寂照凝然。了無能所。十成圓陀陀地。只緣  
不守自性。妄動一念。遂起無邊知見。漂流諸有。根腳  
下恒常佩此本光。未嘗曖昧。而於根塵。枉受纏縛。若  
能蘊宿根。遇諸佛祖師。直截指不處。便倒底脫卻膩脂。

衲襖。赤條條淨倮倮直下承當。不從外來不從內出。當下廓然明證此性。更說甚人佛心。如紅爐上著一點雪。何處更有如許多忪怛。也是故些。不立文字語句。惟許最上乘根器。如飄風疾雷電激星飛。脫體契證。截生死流。破無明殼。了無疑惑。直下頓明。二六時中。轉一切事緣。皆成無上妙智。豈假厭喧求靜。棄彼取此一真。一切真一了一切了。總萬有於心源。握權機於方外。而應物現形。無法不圓。何有於我哉。要須先定自己落著立處。既硬糾糾地自然風行草偃。所以王老師十八上便解作活計。香林四十年乃成一



片塵勞之儔爲如來種。只在當人善自看風使帆。念  
念相續。心心不住。向此長生路上行履。卽與佛祖同  
德同體。同作同證。況百里之政。併在手頭。安民利物  
卽是自安。萬化同此一機。千差並此一照。盡剝塵法  
界。可以融通。何況人佛無異耶。

### 示方清老

老達磨來自竺乾。豈嘗持一物。及游梁歷魏。面壁少  
林。無人識渠。獨可祖効勤。立雪斷臂。始略垂慈。由此  
卽心。若謂無言。從何而入。如謂有言。向伊道甚。將知  
須是箇人。始十分領略。乃無滲漏。所以人此門來。要

是根器猛利。能疾速棄捨。從前知見解路。使霄次空  
勞勞。不留毫髮。洞照虛凝。言思路絕。直契本源。泯然  
無際。自得本有。無得妙致。方號信及見徹。猶有無量  
無邊難測難量大機大用。在儻留些能所。墮在緣塵。  
則卒急未便相應。是故古德勸令直下休去。歇去。此  
段譬如快鷹鷂。梢雲突日。迷風背箒。掀騰直截。不容  
擬議。苟或躊躇。乃蹉過也。其爲教外別行。從可知矣。  
既有志於是。請放下著。覲體承當。一切成現。則初祖  
不曾來。自己亦無得。

## 示李宜父

佛果圓悟真覺禪師心要卷下

此道最徑要。不出一言。而此言非佛口所宣。非諸祖所道。若謂卽心非心。卽佛非佛。則刻舟守株了無交涉。若嘿識此言。豈墮唇吻。趣塊之流。遂妄卜度。以爲瞬揚舉動。未夢見在。殊不知從上來體裁步驟。且不是作聰明。立知見。論權實照用境界。抑不得已。遂按下雲頭。棒喝交馳。星飛電擊。俊底聊聞。卽知落處。且畢竟是那一言。莫是柏樹子須彌山露親瞎。普錯俱見知麼。莫是擔板漢勘破了喫茶去。珍重敢保老兄未徹在。歇去參堂去麼。並是依草附木精魅有底道是也。祖師以佛語心爲宗。無門爲法門。便是錯忍定。

盤星也。直須待桶底子脫。如睡夢覺大徹大悟。然後可以承當此言也。

### 示韓通判

透脫要旨。唯在歇心。此心知見生。卽轉遠。直下歇到無心之地。虛閑寂靜。雖萬變千轉。非外非中。了不相干。自然騰騰任運。照應無方。便可以使得十二時用得一切法。根本廓然。不形彼我愛憎得失。去來所謂任運。猶如癡兀人。他家自有通人愛。

### 示張國太

此段大因緣。乃佛乃祖特行獨唱。接上乘人。利根明。



敏之士。要超情離見。覺機關活卓卓地透漏未舉先  
諳。未言先領。纔有朕兆。一剪剪斷。直下不明他事。終  
不向意根下尋思。要須打辦精神。當陽承當擔負。如  
太虛日輪。無幽不燭。所以從上古德到單提處。不容  
毫髮。編撥將去。使淨倮倮赤灑灑。不與萬法爲侶。不  
與千聖同鄣。獨脫超昇。自由自在去。是故德山臨濟。  
棒喝交馳。出沒縱擒。不在窠臼。至於言語機用。一時  
坐斷。聖凡路絕。得失情遣。到大休歇場。更喚什麼作  
生死。曾次等閑。照亦不立。遇緣卽宗。拈得出來。蓋天  
蓋地。據慈悲方便。落草商量。正要令利根人撥去妄。

緣惡覺知見。徹空空處。空空亦不存。心如太虛。森羅萬象無不包含印定。頭頭處處。得大解脫。乃名了事底人。亦尙未當得。向上行履。若論向上行履。千聖密傳處。豈止壁立萬仞。隔千里。萬里盡大地拈來。未有一塵許。謂之大用現前。三十二年長養純熟。便乃契證也。卽心卽佛。已是八字打開。非心非佛。重向當陽點破。不尋其言。一直便透。方見古人赤心片片。若也踟躕。當面蹉過也。

不與萬法爲侶底是什麼人。待爾一口吸盡西江水。卽向爾道。多少徑截省要。何不便與麼承當。更入它

語言中。則永不透脫。多見學者只麼卜度下語。要求合頭。此豈是透生死見解。要透生死。除非心地開通。此箇公案。乃是開心地鑰匙子也。只要明了言外領旨。始到無疑之地。

昔修山主要見地藏。自陳此番來見和尚。經涉許多山川。極是辛苦。地藏指云。許多山川與汝也不惡。渠便桶底子脫去。似此豈假多言。道途之間。也須保任始得。

### 示張子固

大道無方。惟是利根種性。一聞千悟。不從外起。不自

內得脫然如湯消冰。初無得喪。蓋此生佛未分以前。廓徹明妙。了無依倚。卓然獨存。但以一念逐緣。背此真體。遂生如許不相應事業。熠熠地飄流無暫停息。取境既熟。心源混濁。習以爲常見聞。皆不出聲色。只以迷妄自縛。及至體究大解脫。渺渺茫茫。莫知涯際。識浪滔滔。未嘗暫住。故無由造入。而復有宿昔薰炙。片善喜樂諦信。要求其所。乃是上善。逗到伏膺參叩。卻黑漫漫地。無它。只是拋離久不純熟。乃爾。如今要直截承當。但辦著身心冥然叩寂。喪卻心機。一如土木。待渠時節到來。翛然自桶底子脫。契此本光。了此。



湛湛澄澄不變不動清淨無爲妙淨明性。固蒂深根。到金剛堅固正體全身擔荷得行。然後方可萬別千差。悉歸一致。動與靜一如。心與境俱合。則一明一切明。一了一切了。舉箇須彌山。道箇庭前柏樹子。一切機境。豈從他發。至於行棒下喝。擎杈輓毬。無不一一印定。生死涅槃。猶如昨夢。自然泰定安閑。得休歇處。更疑什麼要用。便用要道。便道。遇飯喫飯。遇茶喫茶。契平常心。不起佛見。法見。佛見法見。尙乃不起。何況起造業心。發不善意。終不作此態度。撥無因果。由是得坐披衣。調衛降伏。與無心相應。乃是究竟落著之。

地永嘉道。但自懷中解垢衣。巖頭道。只守閑閑地。雲居道。處千萬人中。如無一人相似。曹山道。如經蠱毒之鄉。水也不得沾它一滴。謂之長養聖胎。謂之染污。卽不得。直須放下。卻從前作解一切淨穢二邊之像。行住坐臥。悉心體究。乃自著底力。非從它人所授。乃是從上古德捷徑也。

### 示元賓

佛祖大因緣。非名字語言知見。解路作聰明起思惟所了。要忘懷忘緣外空諸相。內脫識情。退守清虛安閑澄徹洞然。超諸方便。直透本來妙心。亘古亘今湛

然不動。萬年一念。一念萬年。永無滲漏。諦當之地。一  
得永得。無有變異。乃謂之直指人心。見性成佛。然此  
如上所說。尙是理論。以言遣言。以理會理。令人漸有  
趣向。從前爲入理蹊徑。拖泥涉水。廉纖之論。及至眞  
實提掇。何有如是周遮。是故靈山拈花迦葉。乃笑。是中  
豈可容毫髮說底道理。要須透頂透底。盡大千刹海  
一舉便透。悉知落處。方諳悉從上來所行正令。德山  
棒。臨濟喝。豈小兒戲耶。若具本分作家手段。不須一  
劄。所以龐老問石頭。馬祖不與萬法爲侶。是什麼人。  
石頭掩其口。而馬師道待儼。一口吸盡西江水。卽向

備道。豈二端耶。鞠其至趣。同是入泥入水。安可高下淺深之。到箇裏。直須知有。既知有。更須轉去。始得。切忌守死語。墮窠窟。纔有一毫芒。能所作用。玄妙理性。見刺刺人。卒未撥剔得下。作麼生透脫死生。證安樂無爲不動境界去。古人重履踐一門。得坐披衣向後。自看是也。切須管帶使得力。乃善。

古賢達具大根器。能自證明。又能力行之。喚做作工夫。長時只覷自己起心動念。纔有毫髮。卽亟令淨盡。終不用作一種事業。資談柄。期勝於人。而伏人。長知見作能作勝。圖聲名實頭。只爲生死大事。百劫千生。



不昧不陷墜。古來大有不惜眉毛爲人指出處。雲門  
覲體全真。臨濟坐斷報化佛頭。德山無事於心。於心  
無事。則虛而靈。寂而照。巖頭只守閑閑地。一切時中。  
無欲無依。自然超諸三昧。趙州道我見百千箇漢子。  
只是覓佛底。中間覓箇無心道人難得。但熟味其言。  
休心履踐。它時異日逢境遇緣。乃得力也。要當慎護。  
勿令滲漏。乃祕訣也。

裴相國見黃檗。言下有契證。更爲發揮傳心祕要。再  
三叮嚀。無限量慈悲。于頔襄陽參紫玉。一喚便回頭。  
重爲指黑風飄船見墮羅刹國。方得渙然。自古士流

肯重此事。廢寢忘餐。直下見諦者。不勝數。皆由當人  
根力智見高明爽快。然後能訪尋決擇。今既與古爲  
儔。尤宜力行不退。圖深證深入。勿只尙口頭語言。必  
使心心不觸物。頭頭無處所始得。

此道貴單提獨證。與祖佛向上機契合。高出心源。如  
擊石火閃電光。不容擬議尋伺。直下便透。不落意根  
情想。以至說理說性。於機境語句中作窠窟。立解會。  
遞互傳持。說唯心融地水火風。以虛空爲量。喚作透  
根塵下事。只成理論。不出教家三乘五性權立階梯。  
返成鈍置。當須了取。未有佛祖以前箇片田地。從甚

處來纔有纖毫有所得。乃是相似般若。應深辨別。勿墮塵機。到臘月三十日。理地不明。斷割不去。那時懍惶繆亂。悔不可及也。五祖老師常示學徒。須參臨命終時禪。此非小事。設使聰明辯慧。八達七通。纖洪理論。絲來線去。不出識學詮文。正是打骨董。究竟無截斷處。所以從上古德。大有道宗師。與利根上智奇特之士。如陸亘大夫。王敬常侍。裴相國。甘贄道人。陳操尚書。崔群。李翱。杜鴻漸。龐老。李勃。于頔。本朝楊內翰大年。李附馬諸人。莫不探頤體究。八面玲瓏。有腳踢實地處。而能作人所難作。行人所難行。爲內外護。於

大法海中。津濟帳樣。不虛出南閭。浮提一遭。古人既  
爾。今豈只守尋常。不以自己死生大事及洪持道妙  
爲至要。放令諸塵緣境。牽惹纏縛。名言句數。籠羅無  
出格之作。向上眼目。大解脫機。爲可惜。大丈夫漢。已  
能打破面皮。參請。應須通身是眼。照破幻緣。金剛寶  
劍。截斷愛網。雖在士流。現宰官身。筆頭上好作方便。  
指揮處。好行祖令。使一切聞見。皆知因果。俱識起倒。  
便是與古爲儔也。

末後一句。始到牢關。把斷要津。不通凡聖。咄。不可只  
管落草。開眼作夢。也須向頂顙上。施展始得。



示曾少尹

佛祖妙道。唯在。各人根本上。實不出本淨妙明無爲。無事心矣。雖久存誠。未能諦實。蓋無始聰利智性多。作爲而汨之。但教此心。令虛閑寂靜。悠久湛湛。如如。不變不易。必有大安隱快樂之期。所患者。休歇不得。而向外覓作聰明也。殊不知本有之性。如金剛堅固。鎮長。只在未曾斯須間斷。若消歇久。驀地如桶底子。脫自然安樂也。若求善知識。廣要持論。則轉遠矣。惟是猛利根性。猛自割斷。猛自棄捨。當有證入。自知之矣。旣知之後。知亦不立。始造真淨境界。以公道契之。

外故強言之可照之區域之表也

### 示蔣待制

此段事。天人羣生。至於佛祖。皆承威力。但以羣靈。雖蘊此而冥昧。枉受沈溺。佛祖達此而超證。迷悟雖殊。其不思議一也。是故佛祖開示。直指莫不令一切含靈。各各獨了自己。本來圓具。清淨妙明真心。更不留如許塵勞妄想。計念知見。直向五蘊身田。回光返照。湛寂如如。廓爾承當。明見此正性。此性卽心。此心卽性。浩浩作爲。應在六根門頭。千變萬化。初不搖動。故號常住本源。若達此本力用所作。無不透徹。須是截

流而證。若踟躕動念。則沒交涉也。唯是當人根性素來純靜深沉。爲最易爲力。只略返照一透。便可證入。古人謂此爲無盡藏。亦名如意珠。亦號金剛寶劍。要深具信根。信此不從他得。行住坐臥。凝神寂照。淨裸裸地。無間無斷。自然諸見不生。契此正體。不生不滅。非有非無。無實無虛。離名離相。卽是當人本地風光。本來面目也。古德所以揚眉瞬目。拈槌豎拂。行杖行喝。微言妙句。百千億方便。無不令人向此透脫。一纔透得。便深徹源。棄卻敲門瓦子。了無毫髮當情。三二十年於中履踐。截斷露布。葛藤閑機。破境。儻然無

心。乃安樂之歇場也。所以道。卽今休去。便休去。若覓了時。無了時。

摩竭掩室。毗耶杜詞。人皆以爲極致。殊未夢見渠腳指頭在。大人。大見。大智。大用。豈拘格量哉。直是痛的。地的。恨不兩手分付。那論淺深得失。彼我現量。紛紜和泥合水耶。且如佛未出世。祖師未來。世界未成。虛空未現。向甚處捫摸。要須喪卻機心。死卻知見。脫去世智辯聰。放下直如枯木朽株相似。驀地體得到。絕氣息處。淡然忘懷。萬年一念。將養保衛。久久純熟。子細返觀。便諳得摩竭淨名來脈也。



趙州臨示寂。封一柄拂子。送與鎮府大王云。此是老僧一生用不盡底。原其高識遠見。豈令人滯於相執。於言縛於葛藤耶。唯直了證。則活鱗鱗有出羣作略。乃能擔負。如水入水。似金博金也。

襄陽郡將王常侍。參瀉山大圓得旨。一日有僧從瀉山來。常侍問山頭老漢有何言句。僧云。人問如何是祖師西來意。瀉山豎起拂。常侍云。山中如何領解。僧云。山中商較。卽色明心。附物顯理。侍云。會便會。著甚死急。汝速回去。待有書與老師。僧馳書回。瀉山拆見。畫一圓相。於中書箇日字。瀉山呵呵大笑云。誰知吾

千里外有箇知音。仰山云。也只未在。潞山云。子又作麼生。仰山於地上畫一圓相。書箇日字。以腳抹之而去。看他得底人。步驟趣向。豈守窠窟。則箇裏若善觀其變。則能原其心。既能原其心。則有自由分。既有自由分。則不隨他去也。既不隨他去。何往而不自得哉。每接士大夫。多言塵事縈絆。未暇及此。待稍撥剔了。然後存心體究。此雖誠實之言。然一往久在塵事中。只以塵勞爲務。頭出頭沒。爛骨董地熟了。只喚作塵事。更待撥卻塵緣。方可趣入。其所謂終日行而未嘗行。終日用而未嘗用。豈是塵勞之外。別有此一段大。

因緣耶。殊不知大寶聚上放大寶光輝。天焯地不自省悟承當。更去外求轉益辛勤。豈爲至要。若具大根器。不必看古人言句公案。但只從朝起正卻念靜卻心。凡所指呼作爲一番作爲。一番再更提起審詳。看從何處起。是箇甚物。作爲得如許多。當塵緣中一透。一切諸緣。靡不皆是。何待撥剔。卽此便可超宗越格。於三界火宅之中。便化成清淨無爲清涼大道場也。法華云。佛子。住此地。卽是佛受用。經行及坐臥。常在於其中。

### 示寧禪人

死生之變亦大矣。衲僧家坐斷報化佛頭。不立纖毫知見。直下透脫。要萬年一念。一念萬年。死死生生。生生死死。打成一片。不見毫末。起滅輪轉。所以道。任是千聖出頭來。終是向渠影中現試問渠正體作何形段。須知空劫以前。由他建立。至於窮華藏。浮幢王刹。盡未來際。亦因他成就。若是上根利智。脫卻無始劫來。虛妄染污。聖凡情量。向腳根下。猛自直透。棄捨一切。依倚聞見。覺知色聲味觸。如紅鑪上著點雪。灑然淨盡。無量珍寶於中運出。無邊勝相於中顯現。亦於本心。初無彼我是非勝負欣厭。便與本來無二無別。更



喚甚作生死。喚甚作小大。冥然岑寂。得大安隱。始知從來不曾喪失。亦不缺少。豈不見石頭問藥山。汝在此作什麼。山云。一物不爲。頭云。恁麼卽閑坐去也。山云。閑坐卽爲也。頭云。汝道不爲。不爲箇什麼。山云。千聖亦不識。石頭乃有頌。從來共住不知名。任運相將只麼行。自古上賢尤不識。造次凡流豈可明。看渠師資踐履趣向如此。可不是本分事耶。旣圖參問。宜乎追慕。使古風不墜。乃自己行腳事辦也。

### 示勝上人

大道體寬。無易無難。小見狐疑。轉急轉遲。若達大道。

體寬廓然同太虛空。放懷曠蕩。觸處皆真。不拘限量。有何難易。信手拈來。蓋天蓋地。含育十虛。而不作相。若纔作毫毛知見解礙。則墮知見。究徹不及。返生狐疑。所以此道唯務大根利器。直下承當。脫然醒悟。便休。更不作限量知見。萬別千差。一劍截斷。等閑不立勝負。惟務退藏。似兀如癡。孤運獨照。融通沼合。密密綿綿。佛眼亦覷不見。況乎魔外。長養成就。自然有入心入髓之功。便於根塵。違順死生。亦咬得斷。終不疑著。此乃無心無爲無事大解脫境界。既然圖欲預此勝流。當須切切孜孜。放下身心體究。一句一機一境。

上發明悟入。無量無數作用公案。一時穿透。纔拈得。來更不放過。便與截斷。豈不快哉。

示琛上人

僧問趙州如何是祖師西來意。州云庭前柏樹子。不妨省力。如今參問之士。性識昏昧。只管去語言上咬。至了不奈何。下梢無合殺。遂滿肚懷疑。多作異見異解。蹉卻本分事。殊不知不在言語上。又不在事物邊。如擊石火。閃電光。略露風規。纔擬承當。早落二三也。若要直截。應須退步就己。歇卻狂心。使知見解礙都。盧淨盡。時節緣熟。瞥然明證。亦不爲難。似恁說話。早

葛藤了也。且作死馬醫。會當有趣入處。但一則公案。上透頂透底信得及。到無疑之地。餉間千種萬端。改頭換面。長句短句。多句少句。有句無句。一時透脫。豈有兩種耶。所謂直指人心。見性成佛。一得永得。據自寶藏。運自家財。受用豈有窮極耶。不見德山在龍潭。吹紙燭。豁然瞥地。便道從今日去。不疑天下老和尚。舌頭也。後來住山。打風打雨。不妨性燥。但恁麼參。但恁麼證。恁麼用。辦取肯心。必不相賺。

### 示英上人

道妙至簡至易。誠哉此言。未達其源者。以謂至淵至



奧在空劫以前。混沌未分。天地未成立。杳冥恍惚。不可窮。不可究。不可詰。唯聖人能證能知。是故識其言。不識其歸趣。安可以語此事哉。殊不知人人根腳。下圓成。只日用之中。淨倮倮地。被一切機徧。一切處。無幽不燭。無時不用。但以背馳既久。強生枝節。不肯自信。一向外覓。所以轉覓轉遠。是故達磨西來。唯言直指人心而已。此心卽平常無事之心。天機自張。無拘無執。靡住靡著。與天地齊德。日月合明。鬼神同吉凶。無容立毫髮見刺。唯蕩然大通。契合無心。無爲無事。若立纖芥。能所彼我。卽隔礙。永不通透。所謂無明實。

性卽佛性。幻化空身卽法身。若能無明殼子裏證得  
實性。餉間無明全體一時發揮。幻化空身。窠窟中見  
法身。餉間空身全體都盧瑩徹。第恐於無明空身中  
作爲立見。則沒交涉也。旣透此正體。無明空身無別  
發明。則一切萬有大地山河明暗色空四聖六凡皆  
非外物。真實諦當。則二六時中。大方無外。何處不爲  
自己。放下身心處。豈不見古者道塵勞之儔。爲如來  
種觀身實相。觀佛亦然。然後世法佛法打成一片。等  
閒喫飯著衣。卽是大機大用。則行棒行喝。百千作爲  
機境。豈更疑著。若達此自腳跟下至簡至易道妙。無

量法門一時開現透脫生死成勝妙果。豈有難哉。

### 示圓上人

古來有志之士。既圓頂相。卽超方訪道。誠不以一身使虛來閭浮提打一遭。所以刻意息心。擇真正具頂門宗眼知識。放下複子。靠取成辦。觀其跂步。真龍象也。今既蘊趣向大因緣之志。要當盡形壽專一堅確。忘餐廢寢。不憚辛勤。効勞忍苦。若體究之。攸久自有信入處耳。況此一段因緣。自己分上。元本圓成。未嘗欠闕。與佛祖無殊。但以起知作見。強生節目。情執虛僞。不能直下實證。若宿植根性敏利。一念不生。頓超。

二十五有。圓證自己。本有如如妙性。更不生毫髮許。能所彼我。廓然大達。聖凡平等。彼我如如。是佛更不覓佛。於心初不求心。佛心無二。所至現成。二六時中。更不落虛僞。便乃腳踢實地。打開自己庫藏。運出自已家財。隨所發機。悉超宗格。透得真實活鱗。鱗地。雖遇德山臨濟雲門玄沙。施難測難量妙機。不消一劄。所謂多虛不如少實。但令最初發心。猛利不移。相續到徹頭處。不憂自己道業不辦。大丈夫兒。須了卻向上大機大用。安穩快樂。始是泊頭時。切勿小了。切宜久遠業業兢兢。自然得。豈不解脫去。



示照禪人

石鞏三十年。一張弓兩隻箭。只射得半箇人。爲甚不  
全去。蓋是中豈可容如此何故。不見道。向上一路。千  
聖不傳。若體得不傳之意。則盡底裏直言此事。無爾  
用心機處。無爾湊泊存坐處。是故從上來。唯是特唱  
直指。要人格外玄悟。不拖泥水。不墮塵緣。所以道他  
上流聊聞舉著。剔起便行。萬機收他不著。千聖籠羅  
他不住。要如是參究證入。要如是提掇舉唱。豈論憎  
底。箇箇須眼似流星。殺人不眨眼。始得相應。若踟躕  
凝佇。則蹉卻千萬了也。有此一至寶之地。乃可以建

立萬差。儻真實到恁麼終不捏恠作相。畫樣起摸。只守閑閑。尙不可得。至於立已透脫。爲物解黏去縛。無不皆是踞地時節。臨濟道山僧見處。也要諸人共知。直下坐斷報化佛頭。據此垂示。旣坐報化佛。向上更有箇甚。豈是世間麤想所度。要須打摒從前妄想計較。執著情塵。勝劣見解。明辨性理。終非本分。一刀截卻。直得脫然自得。如毫末許。盡十方界。塵無不包攝。全作用是佛祖。全佛祖是作用。一棒一喝。一句一機。並無窠窟。一切以實證印之。如靈藥點鐵成金。無不皆從我轉。旣久參問。多作知見解路。只益多聞。終非

實事。須一歇一切歇。一了一切了。見此本來面目。達此本地風光。然後作爲一切成現。不假心力。如風偃草。雖山林城市亦無二種。喚作把得住。作得主。權衡含生命脈。在白手中。隨心作何判斷。便謂之無用道。豈非至要至安穩大解脫哉。

示鑑上人

祖師門下。本分提綱。一句截流。萬機寢削。已是涉廉纖了也。何況言上生言。機上生機。窮考許多一堆擔葛藤。汙卻心田。有甚了期。此事若在言句機境上盡被聰明解會。浮根虛識者。如學事業一般。遑將去了。

也。豈更論發悟見性耶。釋迦佛一周出現。無窮奇特勝妙。尚只道曲爲時緣。至末梢始密付此印。達磨老師少林九年冷坐。獨有可祖承當得。故謂之教外別行。單傳心印。只如此印。且如何傳。莫是揚眉瞬目麼。莫是舉拂敲床麼。莫是總無言說。只以行住動用麼。莫是總不與麼。便承當麼。莫是向上向下面前背後。別有奇特麼。莫是道理論性深入淵源麼。似此正如掉棒打月。有甚交涉。將知非世間麤浮淺識所料。要須如龍象蹴蹋。直拔超昇。大徹大證。始得一等參請。須教透去。莫只守住窠窟。不唯自賺。亦乃累人。所以



從上來作家宗師仰重此一段。不輕分付。不輕印可。不見永嘉道。粉骨粹身未足酬。一句了然超百億。祕魔平生只持一木杓。見人便道甚魔魅。教爾出家。甚魔魅。教爾行腳。道得也。杈下死。道不得也。杈下死。原其一場。豈是虛設。蓋入草求人爾。若是知有底。豈有多端。纔涉紛紜。卽千里萬里也。跳得金剛圈。吞得栗棘蓬。自然知落處。

此宗省要。唯是休意休心。直令如枯木朽株。冷湫湫地。根塵不偶。動靜絕對。根腳下空。勞勞無安排。存坐它處。脫然虛凝。所謂人無心。合道道。無心合人。至於

應物隨緣。不生異見。只據現定一機一境。悉是坐斷。更說甚麼棒喝。照用權實。一擬便透。唯我能知。更無餘事。長時如此履踐。何憂本分事不辦耶。

### 示祖上人

如祖上人自德山來。久以此段爲務。見蔣山佛果。何曾有兩種佛法。若擔帶來。是納敗闕。不擔帶來。須知轉身處始得。如今時衲子。到處叢林有宗匠。莫不咨參。然求一實證。到本分田地。得大休大歇。安隱之場。實難其人。大丈夫兒。已能是拋鄉離井。在本分尊宿身邊。又能効勤戮力。作種種緣。皆非分外。亦足以不

昧行腳。然至諦實。要須知有從上來事。且從上來列祖相承。至於德山臨濟。行棒行喝。作千萬種方便。至竟要人何爲。應須似香象渡河。截流而過。了無疑礙。尙未稱從上來事。道人家相逢。不拈出棒打石人頭。不可向卷子上指東畫西去也。只此已是漏逗了也。歸德山舉似堂頭。看它如何爲爾證據。

### 示宴禪人

歸宗有僧來別。宗云。爾但去束裝。臨行來爲汝說一上佛法。其僧如言。及至再上方丈。歸宗云。時寒塗中善爲。歸宗滿許渠說佛法。其僧虛心欲聞所未聞。而

歸宗乃爾。須知它古德於此事綿密無間。若喚作佛法。早是中毒藥也。晏師來別。不欲蹈古人腳迹也。亦未免從頭起。

示從大師

住筠州黃檗山

衲僧家具。眼行腳。須知有本宗。向上鉗鎚。透頂透底。淨保保不立階梯。直截超昇。無纖毫隔礙。大解脫金剛王印。向萬機盤錯。千聖交羅。百億端緒。撥不開處。遂令受用。使著著有出身之要。頭頭脫絕塵之迹。使通身是眼底。徧界羅籠不住底。把斷放行不漏毫髮底。龍馳虎驟。雷轉風旋。底摸索不著。等閑蕩蕩地。似



兀如癡。豈更做會禪。面觜到處釘。闕機關。詮注語句。貼肉著骨。論量向上向下。有事無事。埋沒宗風。所以道他得底人。只守閑閑地。且道他得箇甚道理。若有針鋒許。有無得失。我見我解。則刺卻命根。須知如猛火聚。近之則燎卻面門。如金剛劍擬之。則喪身失命。列祖出興。只提持箇一段。豎立萬仞。既具大根器。不受人瞞。直下脫卻向來依倚。明暗兩歧。放得下。信得及。活鱗鱗無窠臼。廓然及得淨盡。承當擔荷得從上來。佛祖共證底。於脫透生死。破塵破的。豈爲難事。乃可謂之真正本分衲子。既有志於是。宜悉圖之。

## 示祖禪人

世尊拈花。迦葉微笑。二祖禮拜。達磨傳心。豈有他哉。箭鋒相拄也。當其神契理御。非言思所測。唯知有向上宗風者。證之。雖千萬億載。猶旦莫也。是故乃佛乃祖。求之初不草草。要是純鋼打就利根上智。然後提其要。擊其節。如膠投漆。舉一明三。阿轆轤地無窠窟。絕滲漏底。始可首肯。更應淘汰。煉到盤錯。交加人所不能窮詰。辨別處。綽綽然有餘。當受用時。浸淫露手段。有超宗越格。不傍師旨。獨出胷襟。壁立千仞。驚羣敵。勝方堪付授。法既不輕。道亦尊嚴。所謂源深流長。

也從上古德。動盡平生。或三二十載。靠箇入處。期徹頭徹尾去。志既有立。用心堅確。是以成就得來。擲地金聲。大丈夫兒。攀上景仰。不得不然。彼既能爾。我豈不能耶。況透脫死生。窮未來際。一得永得。當深固根本。根本既固。枝葉不得不鬱茂。但於一切時令常在。勿使走作。湛湛澄澄。吞爍羣象。四大六根。皆家具爾。況知見語言解會耶。一時到底放下。到至實平常大。安穩處了。無纖芥可得。只恁隨處輕安。真無心道人。也。保任此無心。究竟佛亦不存。喚甚作衆生。菩提亦不立。喚甚作煩惱。倏然永脫。應時納祐。遇飯喫飯。遇

茶喫茶。縱處闐闐如山林。初無二種見。假使致之蓮華座上。亦不生忻。抑之九泉之下。亦不起厭。隨處建立。又是贏得邊事。何有於我哉。大迦葉云。法法本來。法無法。無非法。何於一法中。有法有不法。

古人得旨之後。多深藏。不欲人知。恐生事也。抑不得。已被人捉出。亦不牢讓。蓋無心矣。至於垂慈示方便。亦只隨家豐儉。如俱胝一指。打地唯打地。祕魔擎杈。無業莫妄想。降魔舞笏。初不拘格。轍勝負見。務人各知歸休歇。不起見刺。向鬼窟裏弄精魂。卓卓叮嚀到脫體安穩之地。乃妙旨也。



靈利漢腳跟須知點地脊梁要硬似鐵游人間世。幻  
視萬緣把住作主不徇人情截斷人我脫去知解直  
下以見性成佛直指妙心爲階梯及至作用應緣不  
落窠臼辦一片長久守寂淡身心於塵勞透脫去乃  
善之又善者也。

### 示諸上人

道本無言。法本無生。以無言言。顯不生法。更無第二  
頭。纔擬追捕已蹉過也。是故祖師西來特唱此事。只  
貴言外體取。機外薦取。自非上上機器。何能驀爾便  
承當得。然有志於是者。豈計程限。要須立處孤危。辦

得一刀兩段。猛利身心。放下複子。靠著箇似咬猪狗惡手段底。盡情將從前學解。露布黏皮貼肉知見。一倒打疊。卻使胷次空勞勞地。已私不露。一物不爲。便能徹底契證。與從上來不移易毫髮許。直得如此。更知有向上超師作略。始得。所以古者問佛向上。答非佛。又答方便。呼爲佛。則見性成佛。乃筌筌爾。是中云。何指東畫西。直須密契。自能將護。方得灑灑落落。更說甚證涅槃契生死。皆增語也。雖然。只小僧恁麼道也。未可取爲極則。始免佛病祖病。大丈夫漢圖心要。豈可立限劑耶。但辦卻深信。一往向前。未有不腳。

踢實地者。曰新日新。日日新。日損日損。日損退步。到底便是也。至了是亦不立。此正是作工夫處。

示楊州僧正淨慧大師

箇事唯憑作者通。不論千里自同風。聞名十載今相遇。拈起金圈栗棘蓬。維楊前僧正淨慧大師宗公。得渡江。由鍾阜迂訪。標誠爲自己大因緣。專請小參。因說此偈。塞其誠意。蓋淨慧生平修持甚清潔。其宿福緣所集。如佛在世時。須菩提室中寶藏充溢。根性敏明。殊無繫著了得失。皆儻來物耳。操心唯務究此一段相見。雖暫爾而堅確深至。砣砣孜孜。因副所期。

爲發其蘊。祖師諸佛單傳顯示。不出人人腳跟下。本  
有之性。唯聖凡器界根塵正體。歷劫以來曾未間斷。  
但以各人人妄想緣塵翳障。若發起本根大力量。勇  
猛操持。一念不生。前後際斷。直下明信此心。明見此  
體。寬若太虛。明如杲日。不分能所。不作限量。透頂透  
底。直下徹證。便透得卽心卽佛。無別有心是佛。無別  
有佛。淨保保虛妙明通。全無依倚。如人打開無盡寶  
藏。其中所有。無不皆是自已珍財。日用之中。徧界不  
藏。併入無念無心。休歇境界。所謂一句了然超百億。  
餉間千般萬種。千句萬句。豈更差別耶。如今要省力。



但知息卻妄緣。疑情淨盡處。便是自己透生死處。只此便是金圈栗棘。應須直下領取。

### 示覺禪人

佛祖宗乘。唯務直截。如香象渡河。勢須徹底。若稍踟躕。則千里萬里沒交涉。是故從上古德行。棒行喝機。境處參。如擊石火閃電光。略露風規。已是拖泥帶水。落草了也。豈更論量淺深得失。偏圓事理。解會。明知是土上加泥。所以俊流。佩最上乘印。似千日並照。無幽不燭。纔見入門。未舉目搖唇。已先覷透心肝五臟。蓋本分手段。初無造作。只貴快自承當。剔起便行。可

以籠罩古今。十方坐斷。萬世千劫不移易絲毫許。儻  
未能如是顛超。亦須先自擺脫根塵妄緣。以至淨妙  
殊勝理道。待空豁豁地。如桶脫底。胷次蕩然。疑情盡  
去。勝解俱忘。自然根本洞明。與從上來同得同證。曾  
無間隔。乃是入理之門。悟中之則。終不向髑髏前見  
神見鬼。認影認光。墮在窠窟。求出處不得。只如古人  
道。卽心卽佛。又道非心非佛。又道不是心。不是佛。不  
是物。又道麻三斤。又道鋸解秤鎚。萬別千差。若直下  
領略。豈有二致。所以一了一切了。一明一切明。只這  
明了。也須斬作三段始得。方入無事無爲履踐諦當。

處耳。

示自禪人

初發心。人性識勇猛。忘餐廢寢。專誠堅確。爲可喜。況  
春秋鼎盛。不戀鄉井。溫煥依清。高雅衆體。究此一段  
大因緣。是誠宿有大根器。然更宜日慎一日。業業兢  
兢。直下脫灑。滴水滴凍。蹈規循矩。旣以爲道之心。代  
衆持盂。不爲不好事業。要須居三家村裏。亦如稠人  
廣衆。所謂自作一叢林也。袖疏投刺。見人折節恭謹。  
於日用中。當自參取。萬境萬緣。皆爲自己入路。一塵  
中透脫。徧界皆是大寶藏。發此蘊奧。入萬塵勞。皆入

萬波羅蜜。轉物歸已。隨處了心。並爲作工夫處。是故古德道。山僧爲汝發機。卻有限。不如他山河大地一切音聲。及自己心念所起。乃文殊普賢觀世音妙門。豈不見寶壽作緣化。於鬧市見二人相爭。旁人解勸。爾得恁無面目。渠便桶底脫去。後來出世。打風打雨。但一如初心。專一不移。將來自已七通八達。到無疑之地。自可超佛越祖。透脫生死。乃餘事耳。

### 示有禪人

至道無難。唯嫌揀擇。誠哉是言。纔有揀擇。卽生心。心旣生。卽彼我愛憎順違。取捨。縱然而作。其趣至道不



亦遠乎。至道之要。唯在息心。心既息。則萬緣休罷。廓  
同大虛。了然無寄。是真解脫。豈有難哉。是故古德蘊  
利根種智者。聊聞舉著。別起便行。快自擔當。更無回  
互。如大梅卽佛卽心。龍牙洞水逆流。烏窠吹布毛。俱  
抵盪一指。皆是直截根源。更無依倚。脫卻知見解礙。  
不拘淨穢二邊。超證無上真宗。履踐無爲。無作。今時  
學道。既有志性。當宜勉旃。與古爲傳。心期證徹。到腳  
蹋實地處。動用全歸本際。千聖不可籠羅。解會併亡。  
得失俱脫。乃是無欲無依。真正自在自由道人。也。到  
此豈更論難之與易哉。則無難無易。亦了不可得也。

衲僧家句裏出身。蓋提持向上機。於無句中出句。於無身中現身。言語道斷。心行處絕。等閑蕩蕩地放曠。寬閑。纔有機緣。卽蓋天蓋地。所謂密密綿綿。無間無隔。不是強爲。任運如此。是以諸天捧花無路。魔外潛覷不見。直得恁麼行履。自然超諸三昧。

古人以無爲無事爲極致。蓋其心源澄淨。虛融灑落。眞實踐履到此境界。然亦終不住滯於此。直得如盤走珠。如珠走盤。豈是死煞頓住得底。所以道雖是死蛇解弄也活。

長慶道。撞著道伴交肩過。一生參學事畢。酌然若非。

獨脫安能知有此段。信知須是恁麼人。知有恁麼事。僧問曹山。因地而倒。因地而起。如何是倒。山云。肯卽是。如何是起。山云。起也。明眼人透見。更不別求。只這片田地。不妨嶮峻。時直嶮峻。平坦時直平坦。立地不可明得。坐地也不可明得。

古人得意之後。向深巖僻洞。茅茨石室。大休大歇。放懷履踐。忘名棄利。與世不相關涉。作自己成辦。然後隨緣。不出則已。及至一出。必驚羣伏衆。蓋源深流長也。今旣未能入深山窮谷。但只依本分。守淡靜。如箇百不知。百不會底人。隨處守見。成得安穩。亦乃忘機。

之本也。

示月禪人

昔曹山別悟本問向甚處去。山云不變異處去。本云不變異處豈有去耶。山云去亦不變異。悟本領之。蓋其透得綿密無間。隔得大安穩。無所不通。是故機路灑落。千人萬人籠羅不住。至於發言直截了無凝滯。若曾次稍有解會。隨處執著。則豈能句下便恁剪斷。善體此意。真不變異。雖千生萬劫。亦只如如。頭緒紛然。一一當陽皆無變異。豈非得如空際大定耶。所以道妙體本來無處所。通身那更有縱由。則去亦不變異之旨明矣。



釋迦老子道。我今爲汝保任此事。終不虛也。將知徹  
佛知見淵源。無不皆實。履踐到實處。凡所舉止。悉不  
落虛。一一透頂透底。邁古超今。求其形相。毫末了不  
可得。極其諦當。則喫飯著衣。四威儀中。全體成現。要  
須保任鄭重。如獲至寶。將護長養。使得大力量。以之  
度世利物。靡所不堪。方爲佛子。不幸釋迦老子苦口。  
謂之知恩報恩也。

示本禪人

常獨行。常獨步。達者同游涅槃路。此蓋不與萬法爲  
侶之大旨也。況自己本有根腳。生育聖凡。含吐十虛。

無一法不承他力。無一事不從他出。豈有外物爲障。爲隔。但恐自信不及。便把不住去。若洞明透脫。只一心不生。何處更有如許多。所以道。靈光獨耀。迴脫根塵。要須直下承當。從本以來。自有底活。卓卓妙體。然後於一切時。一切處。無不逢渠。無不融攝。與飯著衣。凡百作爲。世出世間。皆非外得。旣達此矣。只守平常。不生諸見。說什麼。一口吸盡西江水。設使百千諸佛。無量祖師。顯現無邊。恠異神變。不消一劄。但恁麼信。及見徹。行腳事豈不辦耶。

## 示達禪人

佛果園悟真覺禪師心要卷下

大道正體。不在混沌未分。及杳冥恍惚處。亦不是。故作深邃隱蔽。令人不可窮。不可測量。蓋至明非明。至妙非妙。直下簡易。若是宿根純靜。聊聞舉著。便知落處。更不向外馳求。向根腳下。千了百當。全體現成。乃至觸境遇緣。悉皆透頂透底。坐得斷。把得住。作得主。終不取他人舌頭路布。及古今言教機境公案。將爲極則。是故從上作家。唯只提持此段。要人自承當擔荷。豈曾更立階梯地位。漸次如之。若彼來。今時兄弟。不道他全不用心。要是不得省力。具大根大器大機。大用。一聞千悟。徹骨徹髓。痛領將去。纔一蹉卻毫髮。

便入解會理路言詮意識根塵中去。所以脫他藥網  
不出。未免漠漠懷疑。便更下鈍工。十年五載。終莫能  
果決。尋常每勸兄弟。須奮猛利心。棄卻從前學路。得  
失窠臼。似向萬仞懸崖撒手。拌捨性命。從他氣息一  
點也無。如大死底人。餉閒甦醒起來。謾爾不得也。卻  
爲已到腳踢實地處。寬若太虛。明如杲日。更不消造  
化。一切自圓成。二六時中。與千聖交參。俱爲殊勝奇  
特。脫灑信口開信。腳行更疑箇甚。豈不見古宿指人  
道。由悟達法離見聞。若也真的悟去。更憂甚佛不解  
語。切須向日用中。不起異見。放教胸中灑灑落落。打



辨精神自覷見久之須有信入處若只守閉閉眉合  
眼要參露柱燈籠也須知有佛種性底終不向死水  
裏折倒但辦肯心必不相賺。

菩提離言說從來無得人具摩醯正眼靈利衲子聊  
聞舉著卽便覷透終不作限量墮在解脫深坑中有  
般底容有路布卽謂離言說眞言說無得人乃實證  
之人當面蹉卻被葛藤纏倒終不明得從上來事是  
故此宗雖務冥契密付旣作諸佛苗裔應須紹續門  
風明全提正印深機脫生死塵勞惡作執縛永嘉乃  
云大丈夫秉慧劍般若鋒兮金剛焰豈容擬議於其

間哉。

生死爲大事。真透脫去。不以爲大。何故。以無怖畏。諦了實證。如如不動。視萬有起滅。中外根株。洞然明白。始末齊平。初無得喪。而常執此大明普照。若揭日月而行。如師子王遊戲自在。促百千劫爲一念。衍一念爲百千劫。須彌納芥子中。大千擲方外。皆我心常分。何有淨穢去來。爲罣礙。生死得喪。爲繫累哉。古德云。生也。猶如著衫。死也。還同脫袴。不以生死爲大變。可知矣。

## 示印禪人

佛果圓悟真覺禪師心要卷下

參問之要。當人不論曉夕。以爲事。長令念茲。在茲。自  
覷捕。驀然絕情識。忘思量。一旦桶底子脫。心上更不  
見心。佛上豈假作佛。得大休歇場。虛閑寂靜。無相無  
爲。無執無任。祖師言教。更不明別事。所謂了得身心  
本性空。斯人與佛何殊別。但自體究。終有箇入處。卻  
來證據。乃是了事人也。子細看之。

初機晚學。乍爾要參。無捫摸處。先德垂慈。令看古人  
公案。蓋設法繫住其狂思橫計。令沉識慮。到專一之  
地。驀然發明心。非外得。向來公案。乃敲門瓦子矣。只  
如龐居士問馬大師。不與萬法爲侶底。是什麼人馬。

云待汝一口吸盡西江水。卽向汝道。但靜默沉審。然後舉看。攸久之間。須知落處去。若以語言詮注語言。只益多知。無緣入得此箇法門。解脫境界。諦信諦信。以悟爲則。勿嫌遲晚。

疾苦在身。宜善攝心。不爲外境所搖。中心亦不起念。常以生死事大。無常迅速爲意。不可斯須恣縱。唯嗔一法。於三業爲大過患。儻有順違。切勿令生。常虛已正心。觀外來觸。如虛舟飄瓦。則物我俱寂。到不動地。爾思之。諦思之。

## 示妙覺大師

佛果園悟真覺禪師心要卷下



學道先於擇師。既得真正具頂門眼善知識。依其決擇死生大事。須猛勇放下身心。忘情體究。當資悟入。發明從本以來獨脫無滯礙本分事。日損日日損。履踐到無疑至實大休歇之場。此所謂具眼參學。有勝負。存窠臼。雖一往超勝。不知有不存誠。不學道。不求出離者。然於此宗。未得深造。猶在半塗。亦爲可憫。大凡出家離俗。要洪聖道度一切人。而無度人得道之迹。方可超詣向上人行履處。且向上人肯自謂會佛法。能證妙果。越佛超祖。不酌然的無是理。蓋只覓箇毫髮許。能所解悟證入。亦了不可得。豈況熾然生見。

刺耶是故古德道。他得底人。只守閑閑。王老師只要  
癡鈍去。豈不見渠。每每垂示。三世諸佛。不知有。狸奴  
白牯。卻知有。直饒得渾脫狸奴。白牯去。也未合向裏  
存坐。在要。須恁麼。恁麼。更恁麼。撒手向那邊去。始得。  
夾山道。任爾碧潭清。似鏡終教明月下。來難將知纔  
及不盡。並是影響。棒打石人頭。曝曝論實事。去究竟  
看。著衣喫飯。雖不是別人。且要脫貼肉汗衫子。不得  
卽留滯也。旣脫卻貼肉衫子。管取是一員無爲無事  
出塵得度大道之人也。

### 示仁書記

佛果圓悟真覺禪師心要卷下

雪峰爲人如金翅鳥。擘海直取龍吞。豈唯雪峰從上  
大有道之士。蘊兼利並照老作家手段者。莫不皆然。  
蓋不直截不盡力。如銀山鐵壁峭拔則鈍置去。是故  
臨濟德山行棒行喝。下毒手腳。正欲大心大器大根  
者。向上承當。應不令人只認目前光影口頭聲色也。  
所以道。向上一路。千聖不傳。若是箇漢。聊聞舉著。便  
透徹去。終不守他窠臼。取他死語也。且行棒行喝。落  
在什麼處。若不明得。直取龍吞意。則又紛紛紆紆去  
也。大丈夫漢。已靈猶不重。何況取他人露布爲自己  
胸襟。直須不受人瞞。昂藏特立。截卻從來依倚擺撥。

理性玄妙。動用作略。體本分事。既體得到本分處。只曲肱而枕。亦是箇大快活人。若不了泯然冥然。迢然恁麼去。纔回頭覷捕。有纖毫疑問。則沒關涉也。豈不見臨濟道。元來黃檗佛法無多子。參。

答怡然道人

宿承光賁小參。以此道爲懷。況利根上智。廓然自得。以極清淨本源。而能玲瓏照了。徹透鑒覺。不出戶庭。已驗過諸方。而老僧淺陋。乃沐知照。許令激揚。既同風密契。因不自疎外。於此事盡底裏羅列一句一言。一機一境。皆絕唱之深致也。非心性玄妙。語默關涉。



葛藤露布。直是透頂透底。蓋色騎聲。坐斷報化佛頭。不落是非得失。唯徹根源清淨正眼。雖思念寂滅明惠。脫去籠羅。超然獨證頂顙上一著。此時豈有纖毫道理。亦不立空劫已前。威音已後。到箇裏。諸天捧花。無路。外道潛覷不見。淨倮倮。赤灑灑。乃本地風光。本來面目。直得佛覷不見。謂之向上一路。千聖不傳。除非其中人。則一舉便知落處矣。

答黃通判

承別紙踐履。是誠有意於實諦。不徒資談柄之浮根。倚口語之淺學矣。況此段大緣。人人根本。洞然融通。

包括羣有。不滅不生。亘今亘古。常在日用之中。而以無始妄習翳障。強作知解。不能獨脫爾。明公今既息心絕力體究。離諸妄緣。了如如性。要見諸相非相。若確然專一下些攸久工夫。定須有所契證。如佛所謂若見諸相非相。卽見如來。此直諸相當體了不可得。全是自心及爲非相。則於如如而來如如而去。無二無別。脫體全真。契妙明真心本來清淨。只自己本來面目是也。固非使人撥諸相爲非相向外馳求也。然此心本來澄湛。物我一如。境之與心。初無兩種。要心冥境寂。然後有所證入。及至證入之後。證亦非證入。

亦非入。翛然通透如桶底子脫。始契無生無爲閑閑妙道正體。今作息念澄慮工夫。乃是入道門徑。但辦此心。當有深證爾。古德道。若不安禪息定。到這裏總須茫然去。逗至透得到徹頭處。立亦不立。佛祖亦不立。乃向上大機大用。其中人行履處。又且更須知有始得。

此事不在言句中。雲門云。若在言句中。一大藏教豈是無言。何假祖師西來。將知祖師之來。唯論直指人心。不立文字語句。但忘懷體究。令澄湛綿密。到一念不生。脫卻向來知解作略機境計較道理。忘心直證。

然後於日用之中。以此正印。印定一切諸相。則非異相。則築著。磕著。無非真淨明妙大解脫境界也。然既了此。卻依尋常諸佛諸祖所垂示正因正果。將世間雜染害道諸不善業。脫然打摒。怙怙地修行。念茲在茲。三二十年枯淡。此心此身。卽成就堅固法身也。切恐撥無因果。作豁達空。作無礙見解。此毒刺也。切望體究。圖深證耳。

### 示禪人

大凡截生死流。濟無爲岸。無他奇特。只貴當人根器猛利。揭自胸襟。了一切有爲有漏。如虛空花。元無實。



性以照了之心。返自觀省。翻覆覷捕。審諦審。久之。當有趣入之證。蓋此段並非他物。亦非他人能著力。令自己省發。如人負千斤擔子。當由已有如許力量。方能堪可。若氣小力弱。則被他壓倒去也。所以道。大人具大見。大智得大用。大丈夫漢。打辦精彩。豈可向山鬼窟子裏作活計。有甚出徹之期。應須發不可測。不可量。荷負大事。超情離見。卓絕顚邁之志。直下透脫。擺撥無始以來妄想輪迴。彼我得失。是非榮辱。穢濁之心。令淨穢兩邊都不依怙。倏然獨脫。不依倚一物。向千聖未有消息時。生佛世間出世間。不會顯露。

處。一念不生。前後際斷。踢著本地風光。明見本來面目。承當得直下牢固。無毫髮見刺。內外融通。蕩蕩然得大安穩。乃轉身吐氣於這邊來。自然日用之中。凡百施爲之際。一一朝宗返本。豈是分外事耶。雖喫飯著衣。修世間法。無不如如。無不通透。無不與所證正體相應。更論甚高低向背。纔生見刺。卽刺卻命根。爾祖師及古宿德。行棒行喝。作用百千億種。無他志。元只令人自透脫。自休歇。如大死人。豈只了自己度世。便休勉有餘。乃不忘悲願。推此以發未悟。居人間世。汎然若不繫之舟。喚作無心道人。今旣未能頓了頓。

明且放教若身若心空勞勞地。虛寂既久。驀地打破漆桶。到桶底子脫處也不難。況自具猛利根性。荷負佛事。作爲殊特奇勝之緣。此豈借別人力耶。是故古者道學道。須是鐵漢。著手心頭便判。

### 示詔副寺

昔雪山童子。爲半偈捨全軀。可祖斷臂立雪沒膝求一句子。老盧八箇月負春。象骨飯頭擔桶杓。同巖頭事圓欽。山補紐而九上洞山。三到投子。只爲究此段。其餘効勤勩力。臥雪眠霜。攻苦食淡。蓋不可勝數。鞠其趣向。初不爲名聞。苟利養。並以死生大事爲懷。紹

隆佛祖種草作務。是故雖埋光雪林。聲迹不到人間。往往有終老至死。脫然獨得。如鳥出籠。了然明證。萬世不移。至如傳記所載。太山毫芒。十一於百千萬。特少分爾。其爲高隱深遁。流轉溝壑。長往不顧。豈有涯量哉。是故諸佛垂世。祖師西來。大意全機。超情識。越詮表。逾影迹。出聖量。豈細事耶。唯大有志之士。宿薰種勝。根力不羣。然後能堪此任。雖頭目髓腦。不自愛惜。況小小艱勤哉。往時大達之士。得旨之後。深關牢藏。起順違方便。故意作害。現怒罵鞭叱。百種千端。要試驗學人。待其經苦楚。不動心。乃與一拶一挨。垂片



言纖機如大飢困人得食。如醍醐甘露灌注。珍重忻快。拳拳不失。成就大法器。踐履向上人道徑。猶須爛骨董地熟。始可委付。如讓祖之於曹溪。八年始道得箇說似一物。卽不中。稜師至雪嶺十五載。坐破七箇蒲團。靈雲三十年。涌泉四十祀。德山臨濟。皆依師門。歲月甚久。蓋此道廼千聖不傳之妙。豈可以輕心慢心而趣入哉。永嘉云。粉骨碎身未足酬。一句了然超百億。霜華道者。在大瀉執務。一日庫前自篩米。大圓過。拾遺一粒米。謂云。道者勿輕此粒。百千粒從此粒生。諸廼返徵百千粒。旣從此粒生。和尚且道這一粒從甚處。

生大圓拂袖而去。晚小參。謂衆云。大衆米裏有蟲。趙州到桐城。路逢投子。挈一油瓶。遂云。久嚮投子。只見賣油翁。投子云。公且不識投子。州云。如何是投子。投子提起油瓶。云。油油米裏蟲。何似油裏蟲。若參得投子。卽見石霜。何故。豈不見道。衆裏有人。衲僧家第一須得具金剛眼。第二須得金剛寶劍。第三須得拄杖子。第四須得衲僧巴鼻。直饒一一透得。更須知有末後句始得。

### 示燈上人

要直截透脫。須先深信自己跟腳下有此一段輝騰。

佛果圓悟真覺禪師心要卷下

今古迴絕。知見淨。倮倮沒依倚。常在目前。無毫髮相。寬同太虛。明逾杲日。天地萬物有成壞。此箇無變無移。古人謂之不與萬法爲侶底人。亦號如來正徧知覺。但諦實承當。使一念不生。徹透本來。元不動搖。長時無間。若行若住。百種作爲。初不妨礙。歷歷孤明。一機一境。一句一言。皆含法界。稱本真如。情想計度。無無起滅處。以此正印一印印定。自然隨方逐圓。悉非二種。他自古明見佛性得道之士。運用作爲。未嘗不在觀塵緣境界。無塵緣可得。鞠歸一真實際。如此退步。一日之功。便抵一劫。是故南泉道王老師十八上。

便會作活計。不是揭擄強爲。蓋任運騰騰。寬通自在。天龍鬼神。覓他起心行處不得。此無心人行履。直下深嚴。若能休歇。知見解礙。將來便有徹證之分。亦解作活計去。要須揭志勉強。然後無行不圓。於曹溪路上。得無間力用也。

### 示禪人

利根種智。聊聞舉著。徹底透頂。直下承當。了無別法。撒手便行。豈復更有遲凝。正如秉利劍當門。阿誰敢近。到箇裏。凜凜神威。佛祖莫能近傍。吞燄羣靈。豈不是得大解脫。更不立向上向下。超然獨證。是故從上



人立一機。垂一言。謂之垂鉤四海。只釣得龍到箇裏。不論如之若何。要箭鋒相拄。一擊便過。纔涉擬議。則千里萬里去也。只如達磨面壁少林九年。唯有可祖默契。如今要立地明得也不難。但辨撥卻從前作解種種機智。不立毫末。使胷中淨裸裸。聖凡不存。彼我不拘。一念不生。單刀直入。更覓甚佛。高步毗盧頂。不稟釋迦文。破的破機。超宗出格。引頭方外看。誰是我般人。始可作種草。然後向千人萬人羅籠不住處。不辱一條線。硬糾糾地壁立千仞。等閑拈一毫芒。便見逼塞十虛。拈示同風同德。而不期自會。不言而知。互

作主賓。建宗立旨。雖相去遠。隔河沙。長如目擊。可透  
向上機。了生死事。報恩立法。使羣靈一一如是。方稱  
箇大丈夫。作奇特緣。了殊勝事。昔裴相之與黃檗。李  
習之之與藥山。楊大年之與廣慧。李都尉之與慈照。  
無不以此投機。既已投機。復資此以履踐。外空諸見。  
內絕心智。徹底平常。騰騰任運。爲內外護。流通大法。  
所謂要知恁麼事。須是恁麼人。若是恁麼人。始解恁  
麼事。

### 示魯叟

佛法如大海。萬有包含。不可以形器數量所能測度。

一一俱無邊際。若欲造入。須辦箇沒量大智見。窮法界等虛空。盡未來。不退轉。跂步超越。合下如鐵石堅固。然後廓頂門正眼。慎擇真實具本分作家手段。大宗師。息心依附。將死生大事託之。無透脫超證不已。第一先得不落窠窟。而能直截明見本來面目。踢著本地風光。深根固蒂。信得及。了得徹。虛寂靈明不動。不變爲基址。情念計較俱不生。直得空豁豁地。前後際斷。與諸聖不移易絲毫許。諦了自己。其次展轉退步。一切不留。而能於毛端現刹海。納須彌於芥中。拈起向上機。提持祖佛令。到此正好著力。及去今時玄。

妙理性妙句奇言。掀天作略。擺撥盡方體得那邊意旨。幾時更肯道我會佛法。能活脫逞機用也。若履踐得攸久。分明無事安樂人矣。將知聖賢橫身爲此。臨事不爲立功能。逞我見。意在令人人無疑無爲無事去。今雖富春秋。居貴富。而以夙昔願力。高識遠見。要學此道。潔清身意。不捨世緣。乃修淨行。初段早已真正也。要辦長久不退之心。縱逢一切違緣。處之如食飴蜜。養得純熟。便是大解脫人。佛法與世諦。豈有二種耶。推此直前。何往不利。古人道。千里同風。蓋不言而照。不面而知。豈假繁詞哉。是故毗耶大士一默文。



殊贊善。瘥病不假驢馳藥。意在鉤頭。應須領取。向獨  
行獨步處。靠實考究。看從何而起。自何而來。去縛解  
黏。不真何待。無業只說箇莫妄想。俱胝只豎一指。天  
皇胡餅。趙州喫茶。雪峰輓毬。禾山打鼓。渾無別事。參

### 示禪者

達磨祖師觀此土有大乘根器。由是自天竺西來。傳  
教外旨。直指人心。不立文字。語句。蓋文字語句乃末  
事。恐執泥之。卽不能超證。所以破執著去玄妙。離聞  
見。出意表。如擊石火閃電光。一念不生。直下透卻根  
塵。向各各根脚下承當。領覽此一段大因緣。倏然獨

脫不依倚一物含吐十虛湛然澄寂契悟本來妙心。此心能生一切世間及出世法唯宿薰種性略聞提取卽知落處更不從別處流出全心卽佛全佛卽人。人佛無二一道清虛豈有得失是非違順好惡長短來有爲有漏如幻如夢了無一塵長久是故蘊才智有力量底卽能發一念真正菩提心不爲諸緣所牽貴富所拘動是歷歲月不退不轉埋頭向前念茲在茲回光返照諦了從上來威音那邊萬緣根本纔覷得透卽身心泰然二六時中更不放棄直俟徹證乃能事畢矣。況當人合下性靜純一慈善無如許惡覺

惡知。而復相續綿綿。體究豈不善哉。古人道。百草頭  
邊薦取。只如從朝至暮。是箇什麼。但念念覷捕。心心  
無住。攸久純熟。只見光輝。觀一切法空。不曾有實。唯  
此一心。亘今亘古。可以透脫死生。學此道者。不得其  
門。只爲情在解上觸途成滯。若一切盡情打疊。胸中  
不存纖微。自然七通八達也。但長時無間消遣將去。  
淨念聖解。尙令不生。何況觸情而動作。衆不善耶。親  
近善知識。只貴提誘與已作增上緣。世尊記當來一  
牛吼地。有善知識。遞相激勸。相與行持。體此妙道矣。  
鏡清云。汝等十二時中。須管帶始得。趙州云。我使得。

十二時佛言。若能轉物。卽同如來。旣已久存誠。唯務向前。得不退轉。等閑要當心中不留一物。直下似箇無心底人。如癡兀不生勝解。養來養去。觀生死甚譬。如閑便與趙州南泉德山臨濟同一見也。切自保任。端居此無生無爲大安樂之地。乃甚善也。

### 示禪人

西方大聖人出迦維羅。作無邊量妙用。顯發剎塵莫數難思議殊特正因。以啓迺羣靈。其方便順逆開遮。餘言遺典。盈溢寶藏。及至下梢。始露一消息。謂之教外別行。單傳心印。金色老子已來的的綿綿。只論直



指人心見性成佛。不立階梯。不生知見。利根上智。向無明窟子裏。瞥破煩惱根株。中活脫。應時超證。得大解脫。是故竺乾四七。東土二三。皆龍象蹴踢。師勝資強。機境言句。動用語默。有上上乘根器。格外領略。當下業障冰消。直截承荷。於餘時自能管帶。打作一片。度世絕流。頓契佛地。尙不肯向死水裏浸。卻唱出透玄妙。越佛祖。削去機緣。剗斷露布。如按太阿。凜凜神威。阿誰敢近。作家漢。確實論量。纔有向上向下勝妙。理性作用。纖毫卽叱之。不是從來種草。直下十成煨煉得熟。踐履得實。始與略放過。猶恐異時落草負累。

人瞎卻正法眼。嗟見一流拍盲野狐種族。自不會夢見祖師。卻妄傳達磨以胎息傳人。謂之傳法救迷情。以至引從上最年高宗師如安國師趙州之類。皆行此氣。及誇初祖隻履普化空棺。皆謂此術有驗。遂至渾身脫去。謂之形神俱妙。而人間厚愛此者。怕臘月三十日。懺惶競傳歸真之法。除夜望影喚主人翁。以卜日月。聽樓鼓。驗玉池。覘眼光。以爲脫生死法。真誑說閻閻捏偽造窠。貽高人嗤鄙。復有一種假託初祖胎息說趙州十二時別歌。龐居士轉河車頌。遞互指授。密傳行持。以圖長年。及全身脫去。或希三五百壽。

殊不知此真妄想愛見。本是善因。不覺墮在荒草。而  
豪傑俊穎之士。高談大辯。下視祖師者。往往信之。豈  
知失故步。畫虎成狸。遭有識大達明眼。覷破。居常衆  
中。惟默觀憫憐。豈釋迦文與列祖體裁止如是耶。曾  
不自回照始末。則居然可知矣。海內學此者。如稻麻  
竹葦。其高識遠見。自不因循。恐乍發意。未入閭奧。揭  
志雖專。跂步雖遠。遇增上慢。導入此邪見林。末上一  
錯。永沒回轉。其流浸廣。莫之能遏。因出此顯言。庶有  
志願於大解脫大總持。可以辨之。而同入無生大薩  
婆若海。汎小舟。濟接羣品。使正直妙道。流於無窮。豈

不快哉。

示遠猷奉議

從上徑截一路。直拔超昇。無出直指人心見性成佛。但此心淵奧。脫去聖凡階級。只貴利根上智。於無明具縛窠窟中。不動纖毫。直下頓契。廓徹靈明。與有情無情有性無性同體。與大法相應。發起作用。透古超今。騎聲蓋色。虛而靈。寂而照。無量無礙。不思議大解脫。一一七穿八穴。了無回互。便識落著。所以乃佛乃祖。謂之單傳密付。如印印空。如印印泥。如印印水。萬德昭然。十方坐斷。獨證獨超。初無依倚。若起見作相。



則沒交涉也。今時大有具種性之士。能始末覷破幻緣幻境。猛勇奮志向箇邊來。亦有久存誠探蹟者。然患缺方便力。止以知見解會爲明了。殊不知全坐子但是識心。縱解到佛邊。窮到修證盡頭處。不出指蹤在。是故古來作家宗師。不貴人作解會。唯許人舍知見。胸中不留毫髮許。蕩然同太虛空。攸久養得成熟。此卽是本地風光本來面目也。到此亘古亘今之地。脫離生死。有甚難耶。如裴相國龐居士樣。直以信得及。便得力。受用自在。塵緣夢境。豈從別處生。若脚下諦實。二六時中。更轉一切物。而無能相等閑空勞勞。

地不生心動念。隨自天真平懷常實。便是從宦游幹。幹悉皆照透。承阿誰恩力。既識得渠。則如下水船。相似略左右照顧扶持。將去自然速疾。於般若相應。此禪流所謂自做工夫。觸處無有虛棄底時節。綿綿長久。辦不退轉心。不必盡棄世間有漏有爲。然後入無爲無事。當知元非兩種。若懷去取。則打作兩橛也。一切時一切處。唯以此爲實在。力行之當。截斷衆流。得大安樂矣。

## 示嚴殊二道人

參須實參。見須實見。用須實用。證須實證。若纖毫不

實卽落虛也。此實地乃三世諸佛所證。歷代祖師所傳。惟此一實。謂之腳踏實地。初則須大悟。若只認門頭戶底。作窠窟。說路布。立機境。照用取捨解會。則不徹也。此透生死要徑。到臘月三十日。一千二百斤擔子。須是自有力。量荷負得行。方可翛然獨脫。是故無業國師垂示。臨終之際。若一毫凡聖情量未盡。纖毫思慮未忘。便乃輕重五陰去也。古人以生死事大。是以訪道尋師。決擇豈可只學語言理會。古人公案。下得三五百轉好語。便當得也。將知聰明黠慧。皆爲障道之本。要須冥然扣寂。不怕放教身心如土木瓦礫。

驀然翻卻業根種子。便乃知非。見學佛學法。如中毒藥相似。然後透出佛法。乃體得本分事也。此非小緣。就分是久參之士。尤宜放下。不擔著。禪道不輕毀。上流愈透。徹愈低細。愈高明。愈韜晦。作箇百不知。百不會。無用處。底人行不動。塵言不驚衆。澹然安閑。常行恭敬。始堪保任。於一切違順境界。心不動搖。志無改易。達磨謂之一相三昧。一行三昧。切宜履踐純熟。以至古今作用機緣。便七達八通。亦不留在胷次。等閑蕩蕩地。觸著便轉。捺著便動。拘牽惹絆不得。居千人萬人之中。如無一人相似。不是強爲任運如此。更須



知末後一語始得參。

示道明

此道至玄妙深邃。是以佛祖不容擬議。要直截承當。超出見聞。色聲之表。單契密領。謂之教外別行。然得之奧用之徹。脫去理障。烹煨淨盡。到極則之地。須遇大達善決擇之士。剔撥猛咬斷綫索。始能無佛無祖。窠窟只平白汎汎地。於日用之間。透頂透底。擔荷無一法當情。無一念可得。等閑作爲。向一切境界之中。圓融無際。亦無圓可融。亦無融可圓。始行無間道中。游歷絕功勳。處喚作平常心。不可得。似此腳蹋實地。

無落虛底工夫。綿綿密密。便掃田掠地。拈筋把匙。種種作爲。皆入場屋。是故地藏呵僧云。南方說禪。浩浩地。便道。爭如我箇裏。種田博飯喫。准此而推。忍苦捍勞。繁興大用。雖麤淺中。皆爲至實。惟貴心不易移。一往直前。履踐將去。生死亦不奈我何。何況餘事。永嘉道。上士一決一切了。信矣。

### 示侍者法榮

學道之人。能矻矻孜孜。以生死之事。居懷晝三夜三。不憚勞苦。事善知識。求一言半語發藥。雖遭呵斥。種種惡境。而力向前。非自宿昔薰成。自然種智。必且猶

豫。或則退悔。能於此恬然。初無動搖其志願。亦頗難得。然此本有之性。現定見聞知覺。父母緣不可生。境界緣不可奪。若隨向來知解。卽墮業識。若猛擺撥棄。著一邊。只守虛靜。到一念不生之地。掀翻解路。不落機緣。直下了了。無毫髮疑間。便截徑承當。無第二頭。則玄妙理性。尙自脫去。況隨世間事物所轉耶。是故古人卽心卽佛。得大力量。向上上不立佛祖。如紅鑪猛燄處透徹。但把得住。作得主。便住山去。此須十年工夫。一色專注。便可趣向入也。趙州云。爾向衣單下坐十年。若不會禪。截取老僧頭去。斷定不在言句機。

境上只要心休意歇。便徹底安樂也。

### 示道人

當人腳跟下一段事本來圓湛。不會動搖。威音王佛前直至如今。廓徹靈明。如如平等。只爲起見生心。分別執著。便有情塵煩惱擾攘。若以利根勇猛身心。直下頓休到一念不生之處。卽是本來面目。所以古人道一念不生全體現。此體乃金剛不壞正體也。六根纔動被雲遮。此動乃妄想知見也。多見聰明之人。以妄心了。放此妄心不下。逗到歇至不動處。不肯自承當本性。便喚作空豁豁地。卻擬棄有著空是大病。



若有心棄一邊著一邊便是知解不能徹底見性此性非有不須棄此性非空不須著要當離卻棄著有無直下帖帖地圓湛虛凝。儵然安穩。便能自信此真淨妙心。餉間被世緣牽拖。便能覺得不隨他去。覺則把得住。不覺卽隨他去。直須長時虛閑。自做工夫。消遣諸妄。使有箇自家省悟之處。始得。昔人云不離當處常湛然。覓卽知君不可見也。

示仲宣維那

嶺外祖師曹溪。乃佛種也。發迹新城。開法番禺。如日照世。如麟鳳呈祥。海內莫不宗仰。厥後揭揚大巔三

平。龍象間出。拔昌黎見刺。爲世明炬。是知彼有人焉。  
蓋絕俗離倫。真克家種草也。其跂步志業。如天之高。  
那肯碌碌循行逐隊耶。昔興化謂克賓。爾不久爲唱  
導之師。云我不入者保社。化徵云。會了不入。不會了  
不入。賓云。沒交涉。乃行令罰錢出院。多少人墮在常  
情。不然作奇特機關。豈知他家通霄正路。只管望風  
搏摸。要須是箇中人。方可與曹溪大巔三平興化克  
賓羽毛相似也。且作麼生是箇中人。鳳凰直入烟霄  
外。誰怕林間野雀兒。

### 示中竦知藏

佛果園悟真覺禪師心要卷下

巖頭道大凡扶宗唱教意在未屆時一覷便透縱然  
理論亦沒痕迹良哉真作家手段也明眼漢纔入門  
來已辨深淺更待鼓兩片皮弄泥團豈有了期雪峯  
問投子。一槌便成時如何。云不是性燥漢不假一槌  
時如何。云不快漆桶古人自有如是風範要離泥水  
截葛藤。啗鏃破的。電卷風旋。乘機當陽。劈面快與。乃  
稱臨濟宗風。亦不辜方來依扣。以言破言。以迹剗迹。  
不墮死水。遠得便行。驅耕牛奪飢食。意在出生死。越  
聖凡。平人我。融染淨。承當輝天照地。大解脫。自利利  
他。紹聖種族。不見道。二祖不往西天。達磨不來東土。

與人去縛解黏拔屑抽釘正在密室中不將實法繫  
綴人從頭與伊槌將去。一人半箇眼目定動堪作種  
草若求義路立解會。治撰語句商較古今寧可無人  
掃地此乃據曲彖床本職事也。時中勤勤垂手繼之  
不勸若只管推嬾則失卻本宗。辜負先聖白雲師翁  
云。未透時一似鐵壁及至透得元來鐵壁便是自己  
也。須作得鐵壁定始得然後著著有出身之機始副  
巖頭點破綱宗體段也。九尾野狐多戀窟金毛師子  
解翻身。

## 示錢次道學士

佛果園悟真覺禪師心要卷下



人人腳跟具有此一段大事佛與衆生無異無別但佛覺證圓融羣靈染惑遂相懸遠是故諸聖出興獨唱此大法謂之直指人心見性成佛特接上機要利根種性覲面相呈更不擬議遑得便行所以靈山立卻膀樣才拈起花迦葉便笑若更論他如之若何則蹉過也器量既等無虛授者自爾源源到今得證契悟如恒河沙只如俱胝見天龍得一指鳥窠吹布毛侍者大悟豈有許多路布言詮返惑亂其真性舉要而指唯是靈利上智以透脫根塵截斷生死爲意向日用中高著眼覷破萬緣一切勝劣境界了無一實

惟有本來靈明大解脫。亘古洞今。長時活鱗鱗地。一  
念契合。得無罣礙。便放下人我知見。世智辯聰。喜愠  
得失。種種執著。坦然一切平懷。初不妨日逐作用。築  
著磕著。俱爲本地風光。應物現形。不將不迎。湛然眞  
寂。逗到臘月三十日。便了當得。所謂把得住。作得主。  
豈不見老龐長養。臨行謂于頔相公。但願空諸所有。  
慎勿實諸所無。枕公膝乃行。楊侍郎透徹圓融。立節  
立朝。下梢啓手足。乃云。漚生與漚滅。二法本來齊要。  
識眞歸處。趙州東院西。不是向結交頭得力耶。大凡  
存誠向慕。本不希聞見談柄。正欲確然清身潔意。內

守虛閑。外廓聞見。密運慧刃。剗割情慾。返照回光。如  
靈雲見桃花。香巖聞擊竹。以至不是風動。不是幡動。  
仁者心動。非風鈴鳴。我心鳴耳。

示處謙首座

先德垂機立教。初不等閑。必使萬世仰法爲標準。是  
故摩竭掩室。少林冷坐。毗耶杜詞。善現宴寂。蓋有爲  
而爲。如北辰據位。百川潮宗。虎視龍驟。風回雲合。知  
有者默識其趣向。不做道理。便可直領深入其闔奧。  
卽體裁步驟。自然溜合。當其初立。似若適會。及已成  
形聲。則不可掩。卓卓驚世。漸漸日新。至於德嶠縱白。

木棒。濟北振奮雷喝。俱祇只立一指頭。秘魔擎箇鐵  
杈子。象骨鞦三毬。禾山四打鼓。國師水碗。滙阜牧牛。  
俱逗逸羣絕類作略。而西園燒浴。金牛召飯。天皇餅。  
趙州茶。極於細微。洞徹淵奧。不負時機。超宗出格。真  
麒麟頭角。師子爪牙。異世仰之。不可跂及。逮發一句。  
施一機。尤不可意象名模也。有志之士。未發足。已蘊  
此作。驀地超方遇緣。豈局促籠檻。爲循循頻頻之黨  
哉。所以於不已中。聊發所蘊。追配古人高風。自不凡  
爾。然遇賞音。卽不徒然。當使垂之竹帛。亦無忝也。故  
予心腹而爲表出之。



示悟侍者

雲門示衆云。和尚子莫妄想。山是山。水是水。僧是僧。俗是俗。時有僧問。學人見山是山。見水是水。時如何。雲門以手面前劃一劃云。佛殿爲什麼從箇裏去。舊時在衆參見說無事禪。底相傳云。山是山。水是水。平實更無如許事。撥去玄妙理性。免得鑿空聒撓心腸。所以雲門慈悲。開一線路指示者。僧便領覽得出來。問雲門。便用後面高禪茶糊鵲突伊。遂以手劃云。佛殿爲什麼從者裏去。此迺移換它也。所以大凡只說實話。是正禪。纔指東劃西。是換爾眼睛。但莫信它。但

向道我識得爾。苦哉苦哉。頓卻山僧在無事界裏得。二年餘。然胷中終不分曉。後來驀地在白雲桶底子脫。方猛覷見這情。解死殺一切人生縛人家男女。向無事界裏。胷中一似黑漆。只管長無明業識。貪名取利。作地獄業。自謂我已無事了也。細原雲門意。豈只如此哉。將知醍醐上味。遇此翻成毒藥。若是真實到雲門田地。安肯如此死殺。則其提振處。併將佛祖大用大機。顯示則以手劃云。佛殿爲甚。從者裏去。千聖應須倒退。便是具大解脫。知見底也。須飲氣吞聲。山僧抑不得已。聊且露些。只知音知耳大。凡參學須實。

究到絕是非離得失。去情塵。脫知見。然後可以入此流矣。參

### 示馮希蒙

厭三界火宅。蘊爽邁風度。潔清緣業。從方外游。乃給孤淨名裴公老龐趣向。豈非英傑偉特。驚羣敵聖者哉。然此段由威音七佛已前。下及窮未來際。萬有十虛。把斷包攝。悉無透漏。要一舉便明。拈著便了。早是鈍置也。所以丹霞生知。龐老通方。目機銖兩。勘辨諸禪。高步叢林。平沈數萬珠金。脫卻幞頭。一味向無間道中行。寧可鬻策籬。赤日裏臥街。曾無歉作。及至逢

人逆拈倒用。莫非蹋上頭關。捩作略。如今既操此志。根性氣度。幸自不凡。唯務退損精修。長久不變。不轉。乃克全體受用。只如剗佛殿前草。騎聖僧頂。燒木佛。一口吸盡西江水。不昧本來人。皆圓機活脫。出沒隱顯。唯上流作家。識其起倒。自餘立亡坐往。俱爲餘韻。眞所謂三界外人。豈火宅所能羅籠耶。但使銀山長壁立。不須入草更求人。

### 示華嚴居士

平常心是道。纔趣向卽乖。到箇裏正要腳踢實地。坦蕩蕩。圓陀陀。孤迥危峭。不立毫髮知見。倒底放下。澄



澄絕照。壁立萬仞。喚甚作心作佛。作玄作妙。一往直前。不起見。不生心。如猛火聚。不可近傍。似倚天長劍。孰敢撓鋒。養得純和沖淡。透徹無心境界。便可截生死流。居無爲舍。端如癡兀拍盲。罔分皁白。猶較些子。所謂絕學閑閑真道人也。了了回光。深深契寂。迺絕滲漏。自然與向上人不謀而同。不言而喻。若作聰明立知見。懷彼我。分勝負。則轉沒交涉。此唯尙猛利。快割斷。懸崖撒手。棄捨得性命。便當下休歇。只大休處。是究竟合殺處爾。

示無住道人

維摩經。依無住本。立一切法。金剛經。應無所住而生其心。古德云。一切無心無住著。世出世法莫不皆爾。使有住卽膠固。豈復能變通耶。日月住則無晝夜。四時住則失歲功。唯其無住。乃所以流於無窮。是故住於無所住。所以轉凡成聖。卽無作無爲無住妙用。於萬有中。得大解脫。旣達此理。見此道。唯力行不倦。乃真道人也。

### 示元長禪人

佛語心爲宗。達磨傳此者矣。而馬師爲蛇畫足。慈悲落草。乃云諸人欲識佛語心麼。已是漏逗了也。更言

只如今語便是佛語。此語出於自心。便是佛心。若舉揚正宗。作如是話會。如何出得作家八十四人耶。是故從上來行正令底視之。如將惡水澆潑人。成甚模樣。應知這老子太煞屈曲。事不獲已。然今學者尙看他底不破。只管落語言。執解會認光影。做窠窟。好不性燥也。可中有箇生鐵鑄就。手裏握得頑石粉碎。眼目定動。擬議不來。一綽便透。更說甚佛語心。如此若彼。直饒千佛萬祖。躬親動地放光。如雲如雨。行棒行喝。雷奔電激。不消箇熱不采。等閑凡不收。聖不管。更喚甚作生死菩提涅槃煩惱。不如飢來喫飢。困來打

眠此乃稍稍類他家種草也。所以地藏道。偏南方佛法浩浩地。爭如我種田博餽喫。十成是以此爲事。徹到無事。如斬一縑絲。一斬一切斬。把斷世界。不漏絲毫。諸見不生了。無滲漏。以長歲月。不動不退。靠之自然成辦。香林四十年。方打成一片。瀉山三十載。牧一頭水牯。既有此志。深宜長久。乃能堪報不報之恩。是真出家大解脫衲子也。

示丹霞佛智裕禪師

祖師宗風。步驟闊遠。迥出教乘。單提正印。靈山拈瞬。而飲光笑領。龍猛示圓相。而提婆中的。少林覓心。而



二祖超證。盧老說偈。而大滿付衣鉢。人皆以爲密傳。鞠其端倪。乃是納敗。豈造妙深極之旨。止如是而已。要須如天之高。地之厚。海之淵。虛空之廣。尙未髮髯。信過量大解脫人。回天轉地。吸海枯竭。喝散虛空。奮大機。顯大用。於無邊香水浮幢刹外。斬魔外見網。摧佛祖化權。揭示不可示。拈提不可提之奧。尙未爲的則。雪峰鰲山得道。雲巖始終不知有。乃戲論爾。應須生鐵鑄就心肝。殺人不眨眼手段。乃可略露風規。貴慧命流於無窮。差可人意耳。

建炎三年閏月十一日。前雲居圓悟禪師

克勤書與耿龍學書批

妙喜示來教。見砢砢於此意。況甚濃真。不忘悲願也。而以宗正眼。照破義路情解。透見肝膽。何明眼如此。正宗久寂寥。後昆習窠臼。守箕裘。轉相鈍致。舉世莫覺其非。大家隨語生解。祖道或幾乎息矣。不有超卓穎悟之士。何以規正哉。此皆正念。乃真外護也。時節擾擾。山居領衆。亦未可保全。尙未有可乘之便。爲轉身之計爾。果佛曰一夏遣參徒踏逐山後古雲門高頂。欲誅茆隱遁。其志甚可尙。今令謙去。山叟爲書數語及疏頭。亦與輟長財成之。可取一觀也。渠欲奉鋤。

正在高裁也。克勤 啓上。

示楊無咎居士

佛祖出興于世。以大悲願力。起無緣慈。唯務引接利智上根。具大器量。堪委任大解脫。上上勝妙玄機。作人所不能爲。超羣絕衆。可以彈指證無生。可以立地越果海。眼觀東西。意在南北。如快鷹俊鶴。戛戛騰雲。迷風曜日。捎玉兔。拂金雞。英靈掀豁。乃拈當頭末上一著子。似電閃星飛。不容擬議。待伊全體脫去籠羅。直下不費一毫指點。遂乃披襟透頂。透底領略。卽兩手分付。是故體裁步驟。如獰龍之得水。似猛虎之靠

山雲突突。風颭颭。傾人肝膽。耀人心目。方可謂之本  
家種草。所以維摩大士大集會魔王。現首楞嚴定。魔  
界行不污菩薩之儔。與夫文殊普賢金毘頭陀之類。  
皆離倫拔萃。而一旦舉花密傳。豈常事哉。以至達磨  
西來。神光瞥地。自爾多沒量大人。特達精通。只向動  
用瞬揚語默。舒卷縱擒。與奪顯發。底裏長時已思不  
露。等閑兀兀地。若百不知百。不會底人。及乎挨拶著。  
便見驚羣動衆。雖然。鞠其至趣。初無如許多事。唯直  
下明妙一切無心而已。苟能棄去學解執著。放教閑  
閑地。聖諦亦不爲。自然契合。從上來綱宗。便可入此。



選佛場中。轉度未度。轉化未化。得不是再來人間世。  
不依倚一物。無爲絕學。真正出格。大道人耶。

紹使觀察楊公無咎。高識遠見。博學多能。而於  
祖道尤深造詣。智鑒機警。未舉先知。未言先透。  
在

都下。日獲參陪。茲忝

帝命。使宣撫司。再會錦官。特辱道照臨。還索葛  
藤。因出此納敗云。

示成都雷公悅居士

如今照了本心。圓融無際。色聲諸塵。那可作對。迴迴

獨脫。虛靜明妙。要須徹底提持。勿令浮淺。直下高而無上。廣不可極。淨裸裸。圓絜絜。無漏無爲。千聖依之作根本。萬有由之建立。應須斗頓回光自照。令絕形段。分明圓證。萬變千化。無改無移。謂之金剛王。謂之透法身。飽間行住坐臥。無不透徹。物物頭頭。靡有間隔。喚作乾白露淨。單明自心。不可只麼守之。守住便落窠窟。卻須猛割猛斷。十分棄捨。轉捨轉明。轉遠轉近。抵死打疊。令斷卻命去。始是絕氣息。人方解向上行履。若論向上行履。唯已自知。知亦不立。釋迦彌勒。文殊普賢。德山臨濟。不敢正眼覷著。豈不是奇特底。

事。一棒上。一喝下。一句一言。若細若麤。若色若香。一時穿透。方稱無心境界。養得如嬰兒相似。純和沖淡。雖在塵勞中。塵勞不染。雖居淨妙處。淨妙收它不住。隨性任緣。飢。飡。渴。飲。善。尚。不。起。念。惡。豈。可。復。爲。所以。道。隨。緣。消。舊。業。更。莫。造。新。殃。

又示

道貴無心。禪絕名理。忘懷泯絕。乃可趣向。回光內燭。脫體通透。更不容擬議。直下桶底子脫。入此大圓寂。照勝妙解脫門。一了一切了。只守閑閑地。初不分彼我。勝劣才有毫芒見刺。卽痛剗之。放教八達七通。自

由自在。長養綿密。千聖亦覩不見。自己尚似冤家。只求得遠離。不限傍。翛然澄靜。虛而靈。寂而照。猛勇斷割。徹底無纖毫撓。胷次王老師謂之作活計。趙州除粥飯。二時是雜用心。悠久踐履。使純熟。乃令從上來無心體道。密密作用。自見工夫。到下梢結角頭。自然如懸崖撒手。豈不快哉。

示張持滿朝奉

克勤自出峽。止訥堂。唯念茲在茲。相從者多。不告倦。所爲利他。乃自利也。要須根本明徹。理地精至。純一無雜。纔有是非。紛然失心。若踏正脈。諸天捧花無路。



魔外潛覷不見。深深海底行。高高峰頂立始得。不驚羣動衆。謂之平常心。本源天真自性也。雖居千萬人中。如無一人相似。此豈麤浮識想利智聰慧所能測哉。示諭綿密無間。寂照同時。歲月悠久。打成一片。而根本愈牢。密密作用。誠無出此。應當當處全真。則彼我遐邇觸處皆渠。刹刹塵塵。皆在自已大圓鏡中。愈綿愈密。則愈能轉換也。故雲門道。直得乾坤大地無纖毫過患。猶爲轉物。不見一色。始是半提。直得如此。更須知有全提時。節始得。所以德山棒。臨濟喝。皆徹證無生。透頂透底。融通自在。到大用現前處。方能出。

沒欲人。全身擔荷外。退守文殊普賢大人境界。巖頭道。他得底人。只守閑閑地。二六時中。無欲無依。自然超諸三昧。德山亦云。汝但無事於心。於心無事。則虛而靈。寂而照。若毫端許言之本末者。皆爲自欺。此旣已明。當須履踐。但只退步。愈退愈明。愈不會愈有力。量異念纔起。擬心纔生。卽猛自割斷。令不相續。則智照洞然。步步踏實也。豈有高低憎愛違順揀擇於其間哉。無明習氣。旋起旋消。悠久間。自無力能擾人也。古人以牧牛爲喻。誠哉所謂要久長人爾。直截省要。最是先忘我。見使虛靜恬和。任運騰騰。騰騰任運。於

一切法皆無取捨。向根根塵塵。應時脫然自處。孤運獨照。照體獨立。物我一如。直下徹底無照可立。如斬一縷絲。一斬一切斬。便自會作活計去也。佛見法見。尚不令起。則塵勞業識。自當冰消瓦解。養得成實。如癡似兀。而峭措祖佛位中。收攝不得。那肯入驢胎馬腹裏也。

趙州道。我見千百億箇盡是覓作佛漢子。於中覓箇無心底。難得。又云。我在南方三十年。除粥飯二時。是雜用心處。香林四十年。方成一片。湧泉四十年。尚自走作。南泉十八。上解作活計。信知從上古人。無不皆

如此密密履踐。安可計得失長短。取捨是非知解也。同學之中。唯龍門智海。昔常熟與究明。但逢緣遇境。莫不管帶。何止此生而已。窮未來際。證無量聖身也。未是他泊頭處。但一味退步。切莫作限量也。

### 示吳教授

佛祖以禪道設教。唯務明心達本。況人人具足。各各圓成。但以迷妄背此本心。流轉諸趣。枉受輪廻。而其根本初無增減。諸佛以爲一大事。因緣而出。蓋爲此也。祖師以單傳密印而來。亦以此也。若是宿昔蘊大根利智。便能於腳跟直下承當。不從他得了然自悟。



廓徹靈明。廣大虛寂。從無始來。亦未曾間斷。清淨無  
爲。妙圓真心。不與諸塵作對。不與萬法爲侶。長如十  
日。並照離見。超情截卻。生死浮幻。如金剛王。堅固不  
動。乃謂之卽心卽佛。更不外求。唯了自性。應時與佛  
祖契合。到無疑之地。把得住。作得主。可不是徑截大  
解脫耶。

探究此事。要透死生。豈是小緣。應當猛利。誠志信重。  
如救頭然。始有少分相應。多見參問之士。世智聰明。  
只圖資談柄。廣聲譽。以爲高上趣向。務以勝人。但增  
益我見。如以油投火。其炎益熾。直到臘月三十日。茫

然繆亂殊不得纖毫力。良由最初已無正因。所以末  
後勞而無功。是故古德勸人參涅槃堂裏禪。誠有旨  
也。生死之際。處之良不易。唯大達超證之士。奮利根  
勇猛。一往截斷。則無難。然此段雖由自己根力。亦假  
方便。於常時些子境界中。轉得行打得徹。不存解。不  
立見。凜然全體現成。踐履將去。養得純熟。到緣謝之  
時。自然無怖畏。只有清虛瑩徹。無一法當情如懸崖  
撒手。棄捨得無留戀。一念萬年。萬年一念。覓生了不  
可得。豈有死耶。是故古德坐脫立亡。行化倒脫。能得  
勇健。皆是平昔淘汰得淨潔。香林四十年得成一片。

湧泉四十年。尚有走作石霜勸人休去歇去。如古廟裏香爐去。永嘉云。體卽無生了。本無速。蓋業業兢兢。念茲在茲。方得無碍自在。旣捨生之後。得意生身。隨自意趣。後報悉以理遣。不由業牽。所謂透脫生死耶。報緣未謝。於人間世上。有如許參涉交牙。應須處之。使綽綽然有餘裕。始得人生各隨緣分。不必厭喧求靜。但令中虛外順。雖在鬧市沸湯中。亦恬然安穩。才有纖毫見刺。則打不過也。

示禪人

末後一句都通穿過。有言無言。向上向下。權實照用。

卷舒與奪。不消箇勘破了也。誰識趙州這巴鼻。須是吾家種草始得。

示韓朝議

乃佛乃祖直指此大法。於人人跟腳下洞照如千日並出。但趣外奔逸。久不能自信。有如是。大威德光明。唯務作聰明。立知見。向業惑中。以謂出乎等。彝銜耀自得。向人間世所習古今。博究廣觀。謂窮極底蘊。殊不知螢火之光。豈比太陽。所以古之奇傑之士。穎脫之性。就近而論。如裴相國楊大年之儔。投誠放下。就宗師決擇。剗去浮塵知見。大徹大悟。始能超軼與老。



禪碩德。抗行履踐。到臨合殺結角頭。自解撒手。克證大解脫。豈小事哉。今旣明敏不減前輩。平時學業才力邁往於世路。久之雖知宗門有此段緣。謂不出我所宗尚。殊不著意。以夙昔大緣相值歐峰。經年會聚。一聞舉揚。卽起深信。迴光返照。顧人間世如夢如幻。隨大化變滅。乃虛妄爾。唯此千劫不壞不移易。一切聖賢根本。乃造物之淵源。印定自己。若一發明。七通八達。何往不自得哉。是知宿世亦曾薰炙。遇緣而彰。見於行事。豈非自信耶。然能自檢點二六時中。學佛法已是雜用心。則去卻佛法。乃真淨界中行履矣。但

請依此一切不雜。卽純一洞然。無愛憎離取捨不分。彼我不作得失。一切法坦然。皆我家。不思議處。淨妙圓明。受用之物。爾須令此心長時現前。不墮沉昏。不生聰慧。入平等安閑寂靜境界。那有惡作業緣。識情干撓。得此本妙光明也。只恐臨境界面前。都盧忘失。依前紛亂。則不堪也。古人修行。亦只以自所證入。時中照了。截斷塵勞。教活卓卓地。悠久三二十年。純熟超出生死。不爲難。著力在行處。不只空高談說之而已。古云。說得一丈。不如行得一只。蓋定慧之力。回轉業緣。正要惺惺地。勇猛果決。千百生中。當受用。其餘

古人機緣語句。不必盡要會之。但一著分明。則著著如此。千變萬化。豈移變得渠力用哉。內心既虛。外緣亦寂。著衣喫飯。本白天真。不勞雕琢。若或立勝見負。我能卽禍事也。切須照管。勿作此態。由是可入無我真。實平等如如。不動不變。淨妙清涼穩密田地矣。誌公云。不起繼臺修學心。無相光中常自在。

示曾待制

禪非意想。道絕功勳。若以意想參禪。如鑽木求火。掘地覓天。只益勞神。若以功勳學道。如土上加泥。眼裏撒沙。轉見困頓。儻歇卻意識。息卻妄想。則禪河浪止。

定水波澄。去卻功用。休卻營爲。則大道坦然。七通八達。是故僧問石頭。如何是禪。頭云。碌磚。僧云。如何是道。云。木頭。此豈意想功勲所能辯哉。除非直下頓領。截流便透。則禪道歷然。才擬作解。則千里萬里。要是向來世智辯聰。頓然放卻。消遣令盡。自然於此至寶之地。自證自悟。而不留證悟之迹。脩然玄虛通達。乃善。馬大師嘗舉楞伽經以佛語心爲宗。無門爲法門。乃云。諸人要識佛語心麼。只爾如今語便是心。心便是佛。故云佛語心乃是宗也。此宗無門。乃是法門。古人大煞老婆。拖泥涉水。若一舉便透。猶較些子。或窮



研義理。卒摸擦不著。

### 示宗覺大師

佛語心爲宗。宗通說亦通。旣謂之宗門。豈可支離去本逐末。隨言語機境作窠窟。要須徑截超證。透出心性玄妙勝淨境界。直徹綿密穩審。向上大解脫大休大歇之場。等閑雖似空豁豁地。而力用圓證。不拘限量。千人萬人羅籠不住。所以迦文老人久嘿斯要。三百餘會略不明破。但隨機救拔。候時節到來。乃於靈山露面皮拈出。獨有金盞頭陀上他鈎釣。謂之教外別行。若諳此旨。則威音已前漏逗了也。點檢將來。雖

隨類化身。千般伎倆。萬種機緣。無不皆是箇一著子。  
此豈單見淺聞存知解墮機括者所測量。是故從上  
來行棒行喝。輓毬擎杈。喫茶打鼓。插鋤牧牛。彰境智。  
據坐掩門。喚回此咄。與掌下踏。莫不皆于此。唯本邑  
衲子。自己了悟透徹。又復遇大宗師惡手段。淘汰煨  
煉。到師子咬人。不隨藥忌。直截軒豁處。方可一舉便  
知落處。如獅子入窟出窟。踞地返擲。何人可測量哉。  
此門不論挹泥涉水。草裏輓打葛藤。眼麻眯三搭不  
回者。唯是八面受敵。未舉先知。未言先契。自然水乳  
相合。得坐披衣。養得純熟。待霜露果熟。出頭來便與

麼用。始合祖先本因地發行一周佛事。所以道要窮  
恁麼事。須是恁麼人。若是恁麼人。不愁恁麼事。

佛果圖悟真覺禪師心要卷下



# 黃龍慧南禪師語錄

「黃龍四家語錄」之一

宋  
•  
黃龍慧南  
九頂慧泉

編撰





黃龍四家語錄序

言而足終日言而盡道言而不足終日言而盡物足與不足二理俱墮而世豈識之哉。粵有黃龍四世孫惠泉禪師手錄積翠晦堂死心超宗四家語錄俾予爲序。夫四大士者大江之西禪宗之有光焰者也。或傳焉。祖後身或拒大滄師席。或雷電影響隨聲。或六根勝熱不壞真風。道譽天下。仰之機鋒一觸。瓶寫萬偈。如大空谷應無餘聲。如大圓鑑照無餘影。編珠織貝。散落人間。雲堂月窟。萬口稱誦。隨量小大。咸有所得。斯言也。謂之盡物可乎。要之盡物盡道。聞者自薦耳中。有所謂終日言而未嘗言者。又非剝皮折骨之所能書也。然則泉師之編次問答。是耶非耶。以之爲是。則毗盧藏中有大經卷。而文字本不立。以之爲非。則尸居龍見。淵默雷聲。而音容本不忘。是之與非。特未定也。唯解是理。有說無說。皆是真如。未解是理。有說無說。皆墮邪見。由是知惠泉之心。卽四師之心也。惠泉之見。卽四師之見也。甲乙其說。用示方來。以廣四師利物之仁。由音聲入。不啻一己以傳四師行道。

之惠真祖師西來之本意也。坐進此道者。試以此文評之。紹興十一年三月五日。秀人錢密序。

黃龍南禪師語錄

師初住同安崇勝禪院。開堂日。宣疏罷。師拈香云。此一炷香爲。

今上皇帝壽無窮。又拈香云。此爲知軍鄧中文武案僚資延福壽。次爲國界安寧。法輪常轉。又拈香云。大衆且道。此一炷香當爲何人。多少人卜度未。知落處。今日爲湖南慈明禪師一炷。蘇却令教无偏。天下叢林與一切衲僧爲災爲福去。

維那白。趙云。法筵龍象。衆當觀第一義。師噫云。好箇第一義。幸自完全。剛被維那打作兩截。還有人接續得麼。遂左右顧視。大衆乃云。若接續不得。同安今日拈頭作尾。拈尾作頭去也。有問話者。切須著眼時。有僧問寶座已登於鳳嶺。宗風演唱。嗣何人。師畫一圓相。進云。石霜一派。進入江西也。師云。果日。

由一作檢

當天盲人摸地。問如何是同安境。師云：看不得。

進云：如何是境中人。師云：無面目。問：作家不啐。

啄。啄不作家。大眾臨筵請師作家相見。師垂下。

一足。進云：焰裏尋飛雪，水下火燒天。師乃收足。

進云：大眾證明真善知識。師云：同安不著便，闍

梨亦不著便。進云：此由是兩家共用掣鼓奪旗事。

作麼生。師擲下拂子。

師乃云：未登此座一事也。無纔登此座，便有許多問。

答。敢問大眾：只如一問一答，還當宗乘也。無若言當。

去一大藏教，豈無問答爲什麼。道教外別行，傳上根。

輩。若言不當，適來許多問答，箇什麼行脚人。當自。

開眼，勿使後悔。若論此事，非神通修證之能到，非多。

聞智慧之所談。三世諸佛只言自知一大藏教，詮註。

不及是故。靈山會上，百千萬衆獨許迦葉親聞黃梅。

七百高僧衣鉢分付行者，豈是汝等貪淫愚執勝貧。

爲能夫出家者，須稟丈夫決烈之志，截斷兩頭歸家。

穩坐。然後大開門戶，運出自己家財，接待往來賑濟。

孤露，方有少分報佛深恩。若不然者，無有是處。以拂。

子擊禪床下座，乃布謝。

歲旦上堂。僧問：不求諸聖，不重己靈，未是衲僧分上。

事。如何是衲僧分上事。師云：三十年來罕逢此問。

進云：恁麼則辜負諸聖去也。師云：話也未答，何。

言辜負僧撫掌一下。師云：昨放過，即不可。

師乃云：四象推移，終而復始。二儀交泰，允屬茲辰。俗。

諦紛紜，各敘往來之禮。真如境界，且非新舊之殊。何。

故豈不見道：一念普觀，無量劫無去無來，亦無住。既。

絕去來，有何新舊。既非新舊，又何須拜賀。特地往來。

但能一念常寂，自然三際杳忘。何去來之可拘。何新。

舊之可問。故云：如是了知三世事，超諸方便，成十力。

良久云：如斯舉唱，人人盡知。破二作三，能有幾箇。何。

故時人祇解順風使帆，不解逆風把柁。擊禪床下座。

上堂云：冬至寒食一百五，即不問諸上座。半夜穿針。

一句作麼生道。若人道得，還我第一籌來。若道不得。

彼此失利下座。

上堂云：法身無相應物，現形般若無知。隨緣即照，透。

豎起拂子云：拂子豎起，謂之法身。豈不是應物現形。

拂子橫來謂之般若豈不是隨緣卽照乃呵呵大笑。忽有人出來攔住同安睡一睡攔一攔掀倒禪床。攔向墻下去也怪他不得如今既無如是咬猪狗底脚手同安却倒行此令去也下座。

上堂集衆良久云嘉魚在深處幽鳥立多時擊禪床下座。

上堂云今日四月八我佛降生之日天下精靈皆悉浴佛記得遮布納在藥山會裏元殿主浴佛之次藥山問汝祇浴得這箇還浴得那箇麼遵云把將那箇來藥山便休師云古人隨時一言半句亦無巧妙今人用盡心力安排終不到他境界衆中商量或云這箇是銅像那箇是法身銅像有形可以洗滌法身無相如何洗得藥山只知其一不知其二被遵公倒靠直得口似匾檐不勝懨懨又云古聖垂問只要驗人問汝那箇便道把將那箇來正是隨聲逐色咬他言句上他絀續藥山見伊不會所以便休又道藥山與麼來早是無事起事好肉上剗瘡遵公不見來病却向灸瘡瘢上更著艾焦有云古人得了逢場作戲無

與下一有係字

題一作回下

可不可何高何低彼此知有自是後人強生分別師云如前所解蓋不遇人一失其源迷而不復所以只憑誠心思量計較以當宗乘殊不知有作思惟從有心起用此思惟辨於佛境如取螢火燒須彌山縱經塵劫終不能著是故行脚高人切須自看從上來事合作麼生畢竟將何敵他生死勿以少許浮塵識見自作障礙佛法不是這箇道理同安今日不避口業與諸人說破此二尊宿一出一入未見輪贏三十年後不得錯舉下座。

聖節上堂云今日

皇帝降誕之辰率土普天祝延聖壽卽不無諸仁者還識王子也未若人識得盡十方微塵刹土皆屬上座更非他物便坐涅槃城裏端拱無爲統三界以爲家作四生之依怙若也未識佛殿裡燒香三門頭合掌下座。

上堂因僧馳書遂舉思和尚令石頭馳書上南嶽讓和尚卽云迴來與汝箇鋤斧子住山去石頭到讓和尚處未達書便問不求諸聖不重已靈時如何讓云



子問太高生何不向下問石頭云乍可永劫受輪迴不從諸聖求解脫讓和尚不對石頭乃迴思和尚問子去未久書得達否石頭云信亦不通書亦不達思和尚云何故石頭舉前話復云去日蒙和尚許箇錘斧子住山即今便請思和尚垂下一足石頭便禮拜去入南嶽住山師云石頭馳書今古共聞後人不善宗由罕能提唱致使水乳不辨玉石不分同安今日攞破一半布施大衆石頭雖然善能馳達不辱宗風其奈遲俊太忙不知落節既是落節迴來因甚却得錘斧子住山若這裡見得非唯住山盡十方世界塵刹剎虎穴魔宮皆是住處若也未見敢保諸人未有安身立命處下座

上堂舉雲門大師云平地上死人無數過得荊棘林者是好手乃拈起拂子云大衆若喚作拂子正是平地上死人若不喚作拂子未透得荊棘林在擊禪牀下座

上堂喝一喝云盡大地被同安一喝瓦解冰消汝等諸人向什麼處著衣喫飯若未得箇著衣喫飯處須

得箇著衣喫飯處若識得箇著衣喫飯處識取鼻孔好下座

上堂云洪波浩渺白浪滔天截流到岸之人端然忘慮短棹孤舟之客進退攢眉且道風恬浪靜一句作麼生道還有人道得麼若無人道得同安布施汝等諸人良久云漁人閑自唱樵者獨高歌下座

#### 遷住歸宗語錄

師初入寺上堂云歸宗上寺是大禪河既是禪河豈無釣客莫有問話者麼良久無人問師乃去頭角住多無解多羽毛雖衆少鴛鴦夫微妙大法身故聽而不聞視而不見矣清淨無師智豈思而得學而能哉然不有提唱孰辨宗由不有問答孰明邪正如今長老陞堂提唱衆中又無人問既無人問亦無答者宗由邪正若爲明辨若有人辨得邪正出來推倒禪牀喝散大衆也與禪僧出氣若辨不得來年更有新條在懺亂春風卒未休下座

上堂云摩尼在掌隨衆色以分輝寶月當空逐千江而現影諸仁者一問一答一棒一喝是光影一明一

暗一擒一縱是光影山河大地是光影日月星辰是光影三世諸佛一大藏教乃至諸大祖師天下老和尚門庭敲磕千差萬別俱爲光影且道何者是珠何者是月若也不識珠之與月念言念句認光認影猶如入海算沙磨磚作鏡希其數而欲其明萬不可得豈不見道若也廣尋文義猶如鏡裡求形更乃息念觀空大似水中捉月禪僧到此須有轉身一路若也轉得列開担簦無非大事現前七縱八橫更無少剩之法若轉不得布袋裡老鴉雖活如死某山野常人素無識見昨蒙本郡殿丞判官秘書特垂見召然部封之下不敢不來方始及門便有歸宗之命進退循省深益厚潤此乃殿丞判官囊承佛記示作王臣常於布政之餘寅奉覺雄之教欲使慧風與堯風並扇庶佛日與舜日同明苟非存意於生靈何以盡心之如此是日又蒙朝薰光臨法筵始卒成懺良增榮荷昔日裴相國位居廊廟黃檗受知韓文公名重當年大巖得主以今況古有何異哉更欲多談恐煩觀聽下座

上堂云盡令提綱不通凡聖放一線道有箇商量拈起拄杖云卽今拄杖豎也十方世界一時豎又橫拄杖云卽今拄杖橫也十方世界一時橫何也不見道極小同大忘絕境界極大同小不見邊表卓拄杖下座

提刑入山陞座僧問提刑朝蓋遠詣法筵向上宗衆乞師一訣。師云一字幞頭尖簷帽子。進云非但提刑承此善學人禮拜謝師恩。師云拽脫你眉毛敲落你鼻孔又作麼生。僧噓噓。師云打麪還他州土麥唱歌須是帝鄉人。師乃云有情之本依智海以爲源含識之流總法身而爲體只爲情生智隔於日用而不知想變體殊趣業緣而莫返茫茫今古誰了本因役愛情源虛妄故我釋迦調御久證菩提憫我勞生自取流轉爾後得其大智化妙相身住世四十九年演說十二分教隨乎利鈍設彼化門席上中下根各得其漸譬如大海不讓小流假使蚊虻阿脩羅王飲其水者皆得飽滿厥後化緣將畢示滅雙林謂人天大衆曰吾有

正法眼藏。涅槃妙心。付囑摩訶大迦葉。教外別行。傳上根輩。是法非有。作思惟之所能解。非神通修證之所能入。不可以有心。知不可以無心。得悟之則頓超三界。迷之則萬劫沈淪。只如今日王官。普會僧俗。同筵坐立。儼然見聞不昧。爲是迷耶。悟耶。於此見得。不待三祇劫。滿萬行功。圓一念超越。更無前後。此日山寺多幸。伏蒙本路提刑都官。提刑舍人。親垂朝蓋。光飾荒藍。經宿而來。起居萬福。況二尊官。夙植德本。現宰官身。以慈惠臨民。代今

天子宵旰之急。若僧若俗。若貴若賤。悉皆受賜其福。其壽可勝道哉。既沐光臨。且寬尊抱。故我佛如來云。夫說法者。無說無示。其聽法者。無聞無得。又聞仲尼與溫伯雪。久欲相見。一日稅駕相逢。於途路間。彼此無言。各自迴去。泊後門人問曰。夫子久欲見溫伯雪。及乎相見。不交一談。此乃何意。仲尼曰。君子相見。目擊道存。且道古人相見。目擊道存。山僧今日鳴鼓陞堂。特地切切一場失利下座。

上堂云。順持虎鬚。應自顧倒拈蛇尾。任他猜胡來漢。

現尋常事。勿將明鏡掛高臺下座。

上堂云。紫霄峯上黑雲變。驪驪陽湖裡白浪滔天。一氣無作。而作萬法。不然爾然。更若擬誼思量。還更十萬八千下座。

上堂拈拄杖云。橫拈倒用。撥開彌勒眼睛。明去暗來。敲落祖師鼻孔。當是時也。目連。鶖子。飲氣吞聲。臨濟德山。呵呵大笑。且道笑箇什麼。咄下座。

上堂舉睦州有一秀才相見州云。會箇什麼。秀才云。會二十四家書。州以拄杖空中點一點云。會麼。秀才問。措州云。又道會二十四家書。永字八法。也不識師云。睦州一點。直在威音王已前。及乎八法論書。却被俗人勘破。若是歸宗。即不然。孔門弟子無人識。碧眼胡僧笑點頭下座。

上堂舉嚴陽尊者問趙州。一物不將來時如何。州云。放下。尊者云。既是一物。不將來放下箇什麼。州云。擔取去。尊者言下有省。師頌云。一物不將來。肩頭擔不起。言下忽知。非心中無限喜。毒惡既忘懷。蛇虎爲知己。光陰幾百生。清風物未已。以拄杖卓禪床下座。

上堂舉臨濟問監院什麼處去來院云州中糴黃米來臨濟以拄杖面前劃一劃云還糴得這箇麼院便喝濟便打典座至濟乃舉前話典座云院主不會和尚意濟云你又作麼生典座便禮拜濟亦打師云喝亦打禮拜亦打還有親疎也無若無親疎臨濟不可盲枷瞎棒去也若是歸宗即不然院主下喝不可放過典座禮拜放過不可又云臨濟行令歸宗放過三十年後有人說破擊禪牀下座

上堂舉僧問南院日月迭遷寒暑交謝還有不涉寒暑麼院云紫羅抹額繡裙腰進云上上之機今已曉中下之流如何領會院云屎堆裏藏身師云南院一期利物應病與藥則不可也若向禪僧門下天地懸殊且道禪僧有什麼長處咄下座

上堂云古者道凡聖情盡體露真常但離妄緣卽如如佛咄是何言歎下座

上堂有僧問牛頭未見四祖爲什麼百鳥啼花獻師云釘根桑樹潤角水牛進云見後爲什麼不啼花獻師云視無禮袴無口又云未見時如何師

云國清才子貴家富小兒嬌見後如何師云世情看冷暖人面逐高低

師乃云鶻勒那空中變現曼羣羅指地爲果德山會下光前絕後臨濟門前祇得一邊良久云作麼生是那一邊下座

### 筠州黃蘗山法語

上堂云日從東邊出月向西邊沒一出沒從古至今汝等諸人盡知盡見毗盧遮那無邊無際日用千差隨緣自在汝等諸人爲甚不見蓋爲情存數量見在果因未能逾越聖情超諸影迹若明一念緣起無生等日月之照臨同乾坤而覆載若也不見年度大神惡發把你腦一擊粉碎下座

上堂云今日五月一仲夏改旦諸知事首座大眾道體安樂一夜長連床上展脚縮脚不由別人天明起來餠餅餚餚豎咬飽卽便休當麼時不是古不是今不思善不思惡鬼神不能尋其迹萬法不能爲其侶地不能載天不能蓋雖然如此須是眼裡有睛皮下有血眼若無睛何異瞎漢皮下無血何異死



人三十年後不得錯怪黃蘗下座

似一作自

上堂衆集乃喝一喝良久云一事也無喝箇什麼又喝一喝復云一喝兩喝後作麼生以拂子向空中畫一畫云百丈耳聾猶似可三聖瞎驢愁殺人擊禪床下座

上堂云華藏世界遊歷重重無盡及至然燈佛所一法也無是故無中亦有德山棒似撒星有中亦無臨濟喝如雷震如霆如啞逼塞乾坤知痛知痒能有幾箇下座

上堂云道不假修但莫污染禪不假學實在息心心息故心心無慮不修故步步道場無慮則無三芥可出。不修則無菩提可求。不求由是教乘之說若是衲僧合作麼生。良久云菩薩無頭空合掌。金剛無脚護張拳下座

上堂云黃蘗有時正路行。或時草裡走。汝等諸人莫見。雖頭利失却鑿頭。方不見古者道開不能遮。勾賊破家。當斷不斷。返遭其亂。下座

上堂云入海算沙。空自費力磨磚。作鏡枉用功夫。君

不見高高山。上雲自卷自舒。何親何疎。深深淵底水。遇曲遇直。無彼無此。衆生日用如雲水。雲水如然人。不爾若得爾。三界輪迴何處起。下座

上堂云金襴已傳。阿難尙懷猶。豫利竿未倒。迦葉未免攢眉。諸上座。且道倒那箇利竿。初機晚學。罔測蓋是尋常。久在叢林。十箇有五。雙斧闔去。聖時逢人多懈。忘下座。因出州退院。迴上堂云。流水下山。非有戀片雲。歸洞本無心。竹屋茆堂誰是主。月明中夜老猿吟。擊禪床下座

歲旦上堂。僧問。舊歲已去。新歲到來。不涉二途。乞師指示。師云。東方甲乙木。進云。人天聳耳。專爲流通。師云。流通事作麼生。進云。若不得流水。幾乎過別山。師云。三十年後也好商量

師乃舉僧問。鏡清新年頭。還有佛法也。無。清云。有僧云。如何是新年頭。佛法。清云。元正啓祚。萬物咸新。僧云。謝師答話。清云。老僧今日失利。又僧問。明教新年頭。還有佛法也。無。教云。無。僧云。年年是好年。日日是好日。爲什麼却無教。云。張公喫酒。李公醉。僧云。老老

大大龍頭蛇尾教云老僧今日失利。師乃云鏡消失利。却不問你諸人作麼生。是明教失利。處若人辨得文殊頭白。普賢頭黑。若辨不得。黃蘗今日失利下座。

因勸潭馳書來上堂。舉五祖戒和尚為智門。馳書到德山。圓明接得。乃問。這箇是智門底。那箇是專使底。戒直上觀山云。欲觀前人。先觀所使。師乃云。古人隔山見煙。便知是火。況某何幸。伏蒙勸潭禪師。遠垂華翰。曲慰山懷。實當慚抱。而況禪師。通明學海。博達古今。可謂擎天日月。誨人無倦。某是何草芥。承沐如是以拂子擊禪床下座。

聖節上堂云。斯辰

今上皇帝慶誕之日。普天皆賀。率土欽崇。堯天舜德。同日月以齊明。玉葉金枝。共山河而永固。恩憐萬國。澤降他邦。獄無宿禁之囚。馬共牛羊之潤。修文偃武。罷息干戈。萬民鑿井而飲。百姓自耕而食。家國晏然。事無不可下座。因雪下上堂云。雪雪片片。不別亂飄亂灑。應時應節。

遊底下或有涉底七字准此作翻

色上或有逐字正法眼藏所載並同今本

懣懣禪和。猶未知守株待兔。與誰說下座。

上堂云。三玄三要。五位君臣。四種藏鋒。八方珠玉。三十年前。爭頭競買。各逞機鋒。而今道泰昇平。返朴還淳。人人自有山青水綠。兮白雲深處。兮三衣併為一衲。萬事無思。何慮兮。擊禪床下座。

上堂舉永嘉大師道。遊江海。涉山川。尋師訪道。為參禪。自從認得曹溪路。了知生死不相關。諸上座。那箇是遊底。山川。那箇是尋底。師。那箇是參底。禪。那箇是訪底。道。向淮南。兩浙。廬山。南嶽。雲門。臨濟。而求。師訪道。洞山。法眼。而參。禪。是向外。馳求。名為外道。若以毗盧自性。為海。般若寂滅。智為禪。名為內求。若向外求。則走殺汝。若住於五蘊內求。則縛殺汝。是故禪者。非內非外。非有非無。非實非虛。不見道內見外。見俱錯。佛道魔道。俱惡。譬如與麼去。兮。月落西山。更尋。整色。兮。何處名遊。以拂子擊禪床下座。

### 黃龍山語錄

入院上堂。僧問。如何是黃龍境。師云。昨日方到此。未曾子細看。進云。如何是境中人。師云。長者長。

短者短

師乃云道無疑滯法本隨緣事豈強爲蓋不爾而爾在積翠卽說積翠庵人入黃龍便說黃龍長老爭知祖師心印狀似鐵牛之機去卽印住住卽印破只如不去不住又作麼生搭印良久云煙村三月雨別是一家春下座

上堂畢龐居士賣簾籬下橋喫撲女子鬘照亦倒爺邊士云你作什麼女云見爺倒地某甲相扶士云賴是無人見師乃云憐兒不覺笑腹腹却於中路屢泥沙黃龍老漢當時見一棒打殺這冤家以拂子擊禪床下座

上堂云諸佛出世假設言詮祖師西來不掛唇吻若也從空放下三千世界所有塵一一塵中含法界若也步步登高驢鞍橋不是你阿爺下領以拂子擊禪床下座

上堂云大道無中復離前後長空絕迹何用量之空旣如是道豈言哉雖然如是若是上根之輩不假言詮中下之流又爭免得所以有僧問雲門如何是雲

門一曲雲門云臘月二十五師云今日正當臘月二十五汝等諸人如何恁恁若不恁恁汝等諸人諦聽待黃龍爲汝等諸人重唱一遍雲門一曲二十五不屬官商角徵羽若人問我曲因由南山起雲北山雨以拂子擊禪床下座

上堂云僧堂前撞鐘鐘鳴法堂上擊鼓鼓響三世諸佛在鼓聲裡轉大法輪汝等諸人向什麼處安身立命有一般杜撰衲僧不識禪淨便道東西南北上下四維今日七明日八僧堂裡喫飯寮舍裡向火或向面前劃一劃若與麼違背四恩猶自可辜負西來碧眼胡髭禪床下座

上堂云黃梅夜半傳心偈少室巖前斷臂時刻肉作瘡不知痛直至如今成是非以拂子擊禪床下座

上堂舉越州大珠和尚昔日參見馬祖祖問你來作什麼珠云來求佛法祖云你爲什麼拋家失業何不迴頭認取自家寶藏珠云如何是自家寶藏祖云祇如今問者是你若迴頭一切具足受用不盡更無欠少珠於是求心願息坐大道場師云汝等諸人各有

自家寶藏爲什麼不得其用祇爲不迴頭擊禪床下

座

上堂云有一人朝看華嚴暮看般若晝夜精勤無有暫暇有一人不參禪不論義把箇破席日裡睡於此二人同到黃龍一人有爲一人無爲安下那箇即是良久云功德天黑暗女有智主人二俱不受以拂子擊禪床下座

上堂云大覺世尊道我今爲汝保任此事終不虛也汝等當勤精進行此三昧師云精進卽不無諸人作麼生是三昧良久云迦葉糞掃衣價直百千萬輪王髻中寶不直半分錢以拂子擊禪床下座

上堂云昨日喫粥又太晏今日喫粥又太早爲復是住持人威令不嚴爲復執事人身心懶慢大衆試斷看規矩既亂諸事參差一人失事衆人不安當院內外一二百人曲座既在其位大事小事一一須自近前照顧不得輕於事慢於衆若能如是頭頭圓覺步步道場何假向外穿鑿肉上剜瘡以拂子擊禪床下座

續一作至

上堂云達磨西來十萬里少林面壁八九年唯有神光知此意默然三拜不虛傳後代兒孫忘正覺弃本逐末尙邪言直到臘月三十日一身冤債入黃泉以拂子擊禪床下座

上堂以拂子擊禪床一下云有眼皆見有耳皆聞既見既聞且道聞箇什麼晚學初機須得明明說破我佛如來摩竭陀國親行此令二十八祖遍相傳授洎後石頭馬祖馬駒踢殺天下人臨濟德山棒喝疾如雷電後來兒孫不肖雖舉其令而不能行但逞華麗言句而已黃龍出世時當末運擊將頽之法鼓整已墜之玄綱汝等諸人不得將多年曆日繫在腰間須知四大海水在汝頭上以拂子擊禪床下座

上堂舉僧問乾峯十方薄伽梵一路涅槃門永嘉路頭在什麼處峯以拄杖指云在這裡僧請益雲門雲門拈起扇子云扇子踴跳上三十三天築著帝釋鼻孔東海鯉魚打一棒雨似盆傾會麼會麼師云乾峯一期指路曲爲初機雲門乃通其變故使後人不倦汝等諸人須第二老之意莫逐二老之言得意則返



而一作以

正道而歸家。尋言則蕩邪途而轉遠。以拂子擊禪床下座。

上堂云。凡聖情盡體露。真常但離妄緣。卽如如佛。雖是古人殘羹餒飯。有多少人不能得喫。黃龍與麼。擊失利也不少。還有人檢點得出麼。若檢點得出。便識佛病。祖病。若檢點不得。陝府鐵牛吞乾坤。擊禪床下座。

偈頌

趙州勘破

傑出叢林。是趙州老婆勘破有來由。而今四海清如鏡。行人莫與路爲讐。

韓愈侍郎見大顛

宗師一等展家風。盡情施設爲韓公。師子窟中無異獸。象王行處絕狐蹤。

寶壽開堂三聖推僧

寶華王座始登時。三聖推僧決衆疑。棒頭分明無老少。天下盲人幾箇知。

秘魔巖見霍山到因緣

嘆一作應

叔姪相逢兩不猜。到頭撫背似癡癡。迴首恐人生怪笑。報云千里賺余來。

臨濟屬三聖

圓寂將歸叙別時。叮嚀法眼好任持。喝下不開泥水路。瞎驢從此少人騎。

靈雲見桃花悟道三首

二月三月景和融。遠近桃花樹樹紅。宗匠悟來猶未徹。至今依舊笑春風。

龍象相逢世不羣。一來一去曠疎親。時人不悟其中旨。摘葉尋枝長客塵。

一見桃花更不疑。叢林未徹是兼非。須知一氣無私力。能令枯木更抽枝。

國師三喚侍者二首

國師三喚侍者。打草祇要蛇驚。誰知澗底青松下。有千年茯苓。

國師有語不虛施。侍者三喚無消息。平生心膽向人傾。相識不如不相識。

趙州喫茶二首

趙州驗人端的處等閑開口便知音。覲面若無青白

眼宗風爭得到如今。

相逢相問知來歷。不揀親疎便與茶。翻憶憶憶往來者。忙忙誰辨滿園花。

### 庭前柏三首

復一作到

那一作須

語一作話

聖一作夢  
樹一作柏

趙州有語庭前柏。禪者相傳古復今。摘葉尋枝雖有解。那知獨樹不成林。

庭柏蒼蒼示祖心。趙州此語播叢林。盤根抱節在金地。禪者休於格外尋。

萬木隨時有凋變。趙州庭樹鎮長榮。不獨凌霜抱貞節。幾奏清風對月明。

### 廬陵米價

廬陵米價逐年新。道聽虛傳未必真。大意不須岐路問。高低宜見本行人。

### 須彌山

作者縱橫終不虛。應機踊出須彌盧。人窮不到金剛際。相逐年年役路途。

### 北斗藏身

若一作飲

病拈取  
作起○處  
病拈取

天上有星皆拱北。人間無水不朝東。時人若識藏身病。拈取簸箕別處春。

### 瀉山水牯牛三首

昔日瀉山有水牯。而今老倒臥荒丘。形容卓立雖無力。灌漑依前是好牛。四野草青隨處放。千峯雪白早須收。若能擡舉及時節。極目桑田何用憂。

千羣萬隊水牯牛。不出瀉山這一隻。無心管帶常現前。作意追尋尋不得。不大不小有筋力。一身兩號少人識。隨緣放去草木青。遇晚收來天地黑。收放須得鼻頭繩。若不得繩無準。則世間多少無繩人。對面走却這牛賊。

瀉山水牯骨羸。雖改變毛衣。逐四時童子未知攀角上。羸心便要羸腰騎。忽然弄影無邊際。不覺翻身墮峻嶮。直至起來牛失却。渾身泥中淚雙垂。

### 示禪者

南北不分欺天罔地說。妙談玄。驢鳴狗吠。

### 和全大道

飲光論劫坐禪布袋終年落魄。疥癩不願生天却笑。

雲中白鶴

南嶽高臺示禪者

撥草占風辨正邪。先須拈却眼中沙。舉頭若昧天皇餅。虛心難喫趙州茶。南泉無語歸方丈。靈雲有頌悟桃花。從頭爲我雌黃出。要見叢林正作家。

南嶽送秀禪者

悟得入空與法空。便提辭予出亂峯。嗟汝見知猶未達。任緣施設信難通。存心勿守澄潭月。秉節須欺帶雪松。此去欲知安穩處。天台鴈蕩在江東。

寄黃蘗初維那

契棒祇因扶斷際。趨瓶當下得瀉山。是非未寒叢林口。何事流傳滿世間。

示雲典座

當今明聖道唯淳。塊雨條風處處聞。園裡菜青不又熟。時中通變盡由君。

寄南嶽芭蕉庵主

一別靈源又一春。欲期再會恨無因。吾師有種芭蕉訣。慎莫傳持取次人。

退院別廬山

十年廬嶽僧。一旦出巖層。舊友臨江別。孤舟帶鶴登。水流隨岸曲。帆勢任風騰。去住本無著。禪家絕愛憎。

送師伯歸玉山

來時秋風生。去時春風起。風性本無著。師心亦復爾。舊寺歸懷玉。迢迢千百里。送別何所談。浩渺空江水。

酬仰山圓監院布衫

墨髹欄衫誰辨別。袖頭打領頗相宜。趙州曾示七斤重。洞上全提寶八機。溢目不粧山水色。嚴身堪作歲寒期。縱橫著在閭浮世。翻笑霜風遠亂吹。

送勛顏二禪者

禪外無餘事。乘春秀水行。就予求半偈。前去慰勞生。日出雲霞散。風和草木榮。何須重話會。法法本圓成。

謝富一二修造問病

從癡有愛則我病生。淨名垂範文殊遂行。地水相違。火風相擊。各無所從。寧容辨識。分飛言盡。意不盡。月皎寒潭。秋露滴。

送著維那

清淨願力心未捨。卷衣又出化羣迷。送行唯託金輪月。夜夜相隨到別谿。

自述真蹟

禪人圖吾真蹟。吾讀噫圖之既錯。讀之更乖。確命弗遷。因塞其意。

一幅素縑。丹青模勒。謂吾之真。乃吾之賊。吾真匪狀。吾貌匪揚。夢電光陰。五十一桑梓。玉山俗姓章。

酬勸潭月長老惠草履二首

當年西祖曾留下。今日蒙師特惠來。親物思人孰知我。月明著上妙高臺。

尋骨尋皮心未灰。當年一著更何猜。而今二百年前事。不是知音不舉來。

洪州送永統二禪人入浙

黃蘗問心心不盡。洪都送別別非輕。舊山未暇論歸日。爲爾徘徊說去程。林葉繽紛衣闌爛。鄉砧嘹亮錫交聲。頭頭總是吾家物。莫把情塵取次明。

送人之黃龍

鳳嶺昔曾綴鳳毛。江西南嶽罷遊遨。而今欲扣黃龍

角。橫身須佩七星刀。

送和禪者

毗盧性清淨。清淨不須守。宜著弊垢衣。入俗破慳有。五六七八九。面南看北斗。此中若得立。縱橫任哮吼。

送周禪者

扶起放倒。翻來覆去。隨假隨真。還伊價數。師子嚙碑。象王迴顧。赤日光中。騰雲起翳。坐斷千差。密開要路。大丈夫漢。莫打死鬼。

黃龍南禪師語錄終

黃龍南禪師語錄續補

日本兩足院 東曉 輯

上堂云。橫吞巨海。倒卓須彌。禪僧面前。也是尋常茶飯。行脚人。須是荊棘林內。坐大道場。向和泥合水處。認取本來面目。且作麼生。見得。遂拈拄杖云。直饒見得。未免山僧拄杖。

上堂云。擬心即差。動念即乖。不擬不動。土木無殊。行



脚人須得轉身一路遂拈拂子云遮箇是山僧拂子。汝等諸人作麼生轉。若也轉得一爲無量無量爲一。若轉不得布袋裡老鴉雖活如死。

上堂云未到鷲峯一事全無泊到鷲峯便有進前持虎鬚之客退後把虎尾之人殊不曉未行已行之令。故大覺禪師唯得偏行一著。臨濟德山祇是互用二機。便云法道周流大似拗曲作直。所謂棒喝截斷猶若以金博鎗直饒東注西流南唱北和亘古亘今且未有當頭道。著作麼生是當頭一句良久云割。

上堂云聖凡情盡體露真常拈起拂子云拂子踴跳上三十三天扭脫帝釋鼻孔。驢唇先生拈掌大笑道。盡十萬世界覓箇識好惡底人。萬中無一擊禪床一下。

上堂云山僧今日在汝諸人眉毛上座轉大法輪。還有人見麼。見與不見是什麼說話。好好參堂去。莫築著露柱。

問如何是佛師云向汝道汝不信僧云請師指示師云合取狗口問儂家自有同風事如何是同風事師

按一作捷二作車

良久僧云恁麼則起動和尚去也師云創利人難得有僧纔出禮拜師云未得問話其僧乃退師云將謂是打陣將軍元來是行間小卒不見你過好好問來問無爲無事人猶是金鎖難未審有什麼過師云一字入公門九年拔不出。聯璧此文次曰云學人未曉乞師方便師云大庾嶺頭笑却成

師室中常問僧出家所以鄉關來歷復扣云人人盡有生緣處那箇是上座生緣處又復當機問答正馳鋒辯却復伸手云我手何似佛手又問諸方參請宗師所得却復垂脚云我脚何似驢脚三十餘年示此三問往往學者多不湊機叢林共目爲三關。普燈此文次云脫有顯者師未嘗可否人莫怪其意有問其故師曰已過關者掉臂徑去安知有關更從吏問可否此未透關者也舉僧問大覺和尚忽來忽去時如何覺云風吹柳絮毛毬走進云不來不去時如何覺云華嶽三峯頭指天師云大覺祇解解箭鋒相拄理事相投殊不知趣得老鼠打破油甕

師於熙寧二年己酉三月十六日上堂辭衆云山僧才輕德薄豈堪人師蓋不昧本心不欺諸聖未免生

死今免生。死未出輪回。今出輪回。未得解脫。今得解脫。未得自在。今得自在。所以大覺世尊於然燈佛所。無一法可得。六祖夜半於黃梅。又傳箇什麼。乃示偈曰。得不得傳不傳。歸根得旨復何言。憶得首山曾漏泄。新婦騎驢阿家牽。至十七日午時。端坐示寂。已上並出懷燈錄

示衆云。雲從龍。風從虎。五九四十五。叢林將爲向上。關同安不打這破鼓。爲甚麼不打守株待兔。豈是智人避色逃聲。何名作者。祖不云乎。執之失度。必入邪路。放之自照。體無去住。

示衆云。有利無利。不離行市。鎮州蘿蔔頭。卽且置。廬陵米價作麼生。若善其價。可謂終日喫飯未曾咬破一粒米。苟若不知。他時後日。有人索上座飯錢。在莫言不道。

示衆云。智海無風。因覺妄以成。凡覺妄元虛。卽凡心而見佛。只恁麼休去。便道同安無折合。隨汝顛倒所。欲南斗七北斗八。

示衆云。江南之地。春寒秋熱。近日已來。滴水滴凍。僧

問。滴水滴凍時。如何。師云。未是衲僧分上事。云。如何。是衲僧分上事。師云。滴水滴凍。復云。諸上座。且作麼生。會良久。云。鴛鴦繡出從君看。莫把金針度與人。示衆云。道遠乎。說觸事而眞。聖遠乎。截體之卽。神拈起拄杖云。道之與聖。總在歸宗。拄杖頭上。汝等諸人。何不識取。若也識得。十方刹土。不行而至。百千三昧。無作而成。若也未識。有寒暑兮。促君壽。有鬼神兮。妬君福。

示衆云。半夜捉烏雞。驚起梵王睡。毗藍風忽起。吹倒須彌山。官路無人行。私酒多人喫。當此之時。臨濟德山。開得口張得眼。有棒有喝。用不得。汝等諸人。各自尋取祖業契書。莫認驢鞍橋作阿爺下領。

示衆云。說妙談玄。乃太平之姦。賊行棒行。喝爲亂世之英雄。英雄姦賊。棒喝玄妙。皆爲長物。黃檗門下。總用不著。且道黃檗門下。尋常用箇甚麼。咄。

示衆云。輕輕踏步。恐人知。語笑分明。更是誰智者。只此猛提。取莫待天明。失却雞。

示衆云。心王不妄動。六國一時通。罷拈三尺劍。休弄

一張月

示衆舉大珠和尚道身口意清淨是名佛出世身口意不淨是名佛滅度也好箇消息古人一期方便與你諸人討箇入路既得箇入路又須得箇出路登山須到頂入海須到底登山不到頂不知宇宙之寬廣入海不到底不知滄溟之淺深既知寬廣又知淺深一踏踏翻四大海一擲擲倒須彌山撒手到家人不識雀噪鷄鳴柏樹間

僧問大用現前請師辨白師云摘却你眉毛傾出你腦髓脚跟下道將一句來云鑊鑊舉起蛟龍失色師云作麼生僧以手面前一劃云爭奈這箇何師云三十年後討箇師僧也難得僧便囑師云好一囑未有主在僧作禮師云當斷不斷返招其亂

僧問一不去二不住請師道師云高祖殿前樊噲怒云與麼則今日得遇和尚也師云仰面看大不見天

云若然者學人禮謝師云更待何時已上並出聯燈

上堂時人住處我不住時人行處我不行於此了然明的旨須會全身入火坑以拂子畫一畫云臭煙燒

煇紅焰熾然眼未明者總在裡許從上古聖無非入生死坑中向無明火裡提拔有情汝等諸人且如何入若人入得可謂在火不燒在水不溺若入不得非但不能自利亦乃不能利他既不能自利利他圓頂方袍殊無利益良久召大衆衆舉首師曰牛頭出馬頭回

上堂撞鐘鐘鳴擊鼓鼓響大衆殷勤問訊同安端然合掌這箇是世法那箇是佛法咄

問德山棒臨濟喝直至如今少人拈撥請師拈撥曰千鈞之弩不爲鼯鼠而發機云作家宗師今朝有在師便喝僧禮拜師曰五湖衲子一錫禪人未到同安不妨疑著

師燕坐次有僧侍立師顧眎久之曰百千三昧無量妙門作一句說與汝汝還信否云和尚誠言安敢不信師指其左曰過這邊來僧將趨師喝曰隨聲逐色有甚了期出去一僧聞之即趨入師復理前語問之亦云安敢不信師又指左曰過這邊來僧堅立不往師喝曰汝來親近我我不聽我語出去已上並出普燈錄

會元曰因化  
主跡上堂世  
間有五種云

上堂僧堂觀破香積厨。鴟鵂咬殺佛殿脊。明明向道。  
尙乃不會。豈況蓋覆將來。鑿禪牀下座。

青蘿黃緣。直上寒松之頂。白雲淡泞。出沒太虛之中。  
萬法本閑。唯人自關。關箇什麼咄。

月色和雲白。松聲帶露寒。好箇真消息。憑君子細看。  
千般說萬般諭。只要教君早回去。去何處。良久云。夜  
來風起滿庭香。吹落桃花三五樹。

人人盡握靈蛇之珠。箇箇自抱荊山之璞。不自回光。  
返照。懷寶迷邦。不見道。應耳時若空谷。大小音聲無。  
不足。應眼時如千日。萬像不能逃影質。擬議若從聲。  
色求達磨西來也大屈。

古人看此月。今人看此月。如何。古人心難向。今人說。  
古人求道內。求心求得心。空道自親。今人求道外。求。  
聲尋聲逐色。轉勞神。勞神復勞神。顛倒何紛紛。鑿禪  
床下座。

世間有五種不易。一化者不易。二施者不易。三變生。  
爲熟者不易。四端坐喫者不易。更有一種不易。是什。  
麼人。良久云。澣便下座。時眞點贊作首座藏主問。

云。適來和尚道第五種不易。是什麼人。首座云。腦後。  
見腮。莫與往來。

動念靜念。爲二。不動不靜。是爲入不二法門。通達此。  
道者。更問朱頂王菩薩。鑿禪牀下座。

出莊回云。去時一溪流水。送回來。滿谷白雲迎。一身。  
去住非去住。二物無情似有情。拂子擊禪床。

陽鳥啼時。天大曉。白雲開處。月初圓。驚峯峯下諸禪。

客休把金針。半夜穿已上讀古  
奪宿錄

舉阿難偈云。本來付有法。付了言無法。各各須自悟。  
悟了無無法。師云。後來子孫。不肖祖父。田園不耕。不。  
種。一時荒廢。向外馳求。縱有些少知解。盡是浮財。不。  
實。所以作客。不如歸家。多虛不如少實。

上堂舉馬祖因僧問。如何是祖師西來意。祖云。近前。  
來。向汝道。僧近前。祖攔腮一掌云。六耳不同謀。師云。  
古人尙乃不同謀。如今無端聚集一百五六十人。欲。  
漏洩其大事。如今忽有明眼人。覷見是一場禍事。雖。  
然如是。如今既到這裡。將錯就錯。鬼神茶飯也。少不。  
得。良久云。十字街頭吹尺八。酸酒冷茶愁殺人。以拂。



子鑒禪床

上堂舉趙州因侍者報云大王來也。州云：萬福大王侍者云：未到。在州云：又道來也。師云：頭頭漏泄。還遇仙陀歸宗。道侍者祇解報客。爭知身在帝鄉。趙州入草求人。不覺渾身泥水。

舉德山因廊侍者問從上諸聖向什麼處去也。山云：作麼作麼。廊云：勅點飛龍馬。跛驚出頭來。山便休去。明日山浴出廊過茶與山。山撫廊侍者背一下云：昨日公案作麼生。廊云：這老漢方始覺地。山又休去。師云：德山持麈作。啞雖然暗得便宜。廊公掩耳偷鈴。爭奈傍觀者醜。

舉興化謂克賓維那曰：汝不久爲唱導之師。賓曰：不入這保社。化曰：會了不入。不會了不入。賓曰：總不恁麼。化拈棒賓擬議。化便打。復曰：克賓維那法戰不勝。罰錢五貫充設堂飯。一本設讀飯一堂至來日齋時。自白槌曰：克賓維那法戰不勝。不得喫飯。抽單出院。師云：克賓維那失錢遭罪。有理難伸。興化以剛決柔。未足光也。

因僧馳書至上堂。舉玄沙令僧馳書上雪峯。峯上堂。問見白紙三幅。乃示衆云：會麼。僧云：不會。峯曰：君子千里同風。僧回舉似沙。沙云：山頭老漢。隨處遇也。不知師云：叢林異解。莫知其數。有云：雪峯纔接得書。無語識破他。開見是白紙。呈似大衆。更說道理。是兩重隨過了。也有云：雪峯見處。未必不及玄沙。玄沙見處。未必過於雪峯。此二父子相見。隨相唱和。貴要話行有云：玄沙若無此語。佛法爭到今日。殊不本其宗源。但恣談情計。度如斯見解。自誤。猶可誤他別人。同安今日。不惜眉毛。布施大衆。雪峯不道無長處。既被玄沙識破。直至如今。雪不出。

上堂舉雲門問僧：今日供養羅漢。羅漢還來也。無僧無語。門代云：三門頭合掌。佛殿裡燒香。師云：歸宗。即不然。有水皆含月。無山不帶雲。且道是同是別。上堂舉智門寬問五祖戒。暑往寒來。則不問。林下相逢。事若何。戒云：五鳳樓前聽玉漏。寬云：爭奈主山高。案山低。戒云：須彌頂上擊金鐘。師云：戒禪師只解步步登高。且不會從空放下。若是歸宗。則不然。遠涉煙

塵則不問林下相逢事若何云漢王有道成無道爭  
奈案山低主山高范蠡論功却不功

舉智門遊山回首座與衆出行接座云和尚遊山  
蠟嶮不易門拈拄杖云全得這箇力座乃進前奪却  
拋向一邊門放身便倒大衆遂進前扶起門拈拄杖  
一時趁散迴顧侍者云向你道全得這箇力師云智  
門雖然會起會倒不覺弄巧成拙

上堂舉智門祚因僧問如何是般若體門云蚌含明  
月僧云如何是般若用門云兔子懷胎師云大小智  
門却向言語中明體用黃龍即不然如何是般若體  
一堆屎如何是般若用一堆屎中蟲

示衆云鐘樓上念讚床脚下種菜時如何黃檗勝禪

師云猛虎當路坐

會元曰州府委請黃檗長老師垂  
語云鐘樓上念讚床脚下種菜有

人下得語契便往住持勝上座云猛虎當路坐  
師遂令去住黃檗已上並出禪門拈頌集

上堂云菩提離言說從來無得人須依二空理當證  
法王身且道何名二空理人空法空內空外空凡空  
聖空一切法空二空之理總爲諸人說了也且道何  
名法王身四大五蘊行住坐臥開單展鉢僧堂佛殿

厨庫三門無不是法王身若能於此薦得乾坤大地  
日月星辰穿過你諸人眼睛四大海水流入你諸人  
鼻孔方知釋迦彌勒授記但是虛名臨濟德山棒喝  
權爲假道以拂子擊禪床下座

上堂云十方佛土中唯有一乘法頭上是天脚下是  
地作麼生說箇一乘法良久云開單展鉢豈不是一  
乘法拈匙把筯豈不是一乘法遂拈拄杖云這箇是  
什麼若喚作一乘法眉鬚墮落以拄杖卓禪床下座  
上堂云三祖曰圓同大虛無欠無餘良由取捨所以  
不如在諸佛而不增處凡夫而不減既不增不減爲  
什麼有證無上菩提爲什麼有墮在生死只爲良由  
取捨所以不如諸佛無心故證無上道凡夫有心故  
墮在生死所以教中道夢幻空花如水中月生死涅  
槃同空花相於此見得畢鉢巖前休話會曹溪路上  
好商量以拂子擊禪床下座

上堂云然僧家居山好雖欲寂靜是沙門法有經教  
可披可閱有知識可參可問所以有僧問雲居弘覺  
大師僧家畢竟如何覺云居山好僧禮拜起覺云你

作麼生會僧云。僧家畢竟於善惡生死逆順境界其

心如山之不動。覺乃有一棒云。孤負先聖。喪我兒孫

覺乃問傍僧。你作麼生會。其僧禮拜起云。僧家畢竟

居山。眼不觀玄黃之色。耳不聽絲竹之聲。覺云。孤負

先聖。喪我兒孫。師云。且作麼生。道得一句。不孤負先

聖。不喪兒孫。若人道得到處青山。無非道場。若道不

得有寒暑。兮促君壽。有鬼神兮。姑君福。以拂子擊禪

床下座。已上並出。永平廣錄

春雨淋漓。連宵徹曉。點點無私。不落別處。且道落在

什麼處。自云。滴破汝眼睛。浸爛你鼻孔。出無示。臨禪語錄

偈

答張職方二首

夢幻年光過耳順。弗庵脾座頗相宜。日高一鉢和羅

飯。禪道是非都不知。

不知猶作不知解。解在功成百鳥奔。欲絕嚙花箇中

意。江心明月嶺頭雲。已上出普應錄

三關師自頌

生緣有語人皆識。水母何曾離得蝦。但見日頭東畔

林間錄當處作自然

上誰能更喫趙州茶。我手佛手兼舉。禪人直下薦取。不動干戈。道出當處。超佛越祖。

我脚驢脚並行。步步踏著無生會。得雲收日卷。方知此道縱橫。

林間錄步步已下三句作步步皆然無生處得無關得縱橫

同總頌

生緣斷處伸驢脚。驢脚伸時佛手開。為報五湖參學

者。三關一一透將來。已上並出五燈會元。顯古聯珠云。廬山圓通晏古佛云。昔見

寶辯首座收南禪師親筆三關頌。讀無邊近見諸方傳錄不全。又多訛舛。故茲注出云云。深與會元所載全同。禪林類聚以此四頌為晏古佛之作。恐誤也。雲臥紀談載此偈事。亦同會元聯珠之說。

師住歸宗時。遣化至虔上還。白曰。虔有信士

劉君。臨行送至郊外。祝曰。為我求老師偈一

首。為子孫世世福田。明年師以偈寄之。

虔上僧歸廬岳寺。首言居士乞伽陀。援毫示汝箇中

意。近日秋林落葉多。出林間錄

師居黃檗。積翠菴時。豫章帥程公。以詩招

住翠巖師和之。

白髮滿頭如雪山。庭廡無力出人間。翻思有負公侯

命旦夕彷徨益厚願

及程歸朝閱二年復除江西漕師以頌寄之  
洪井分飛早二年林間仕路兩相懸近聞北闕明君  
詔又領江西漕使權列郡望風皆草偃故人高枕得  
雲眠馬塵未卜趨何日預把音書作信傳

答鄒長者五首

短序長書皆典雅五言七字更工夫若能言行長相  
顧萬古新昌君子儒

日往月來如擲梭年頭不覺暗消磨勸君早踐書提  
路世諦塵囂不用多

時人心地長蒿蕪受報因茲錯道塗舉世不論僧泊  
俗更須言行與相符

久聞嘉禾好持經欽羨蓮花火裏生浮世勞勞皆夢  
幻叮嚀只此是前程

僕者言歸不暫居聊成數偈答君書煙霞幸得爲鄰  
並從此相知德不孤已上並出  
雲臥紀談

黃龍南禪師語錄續補





# 寶覺祖心禪師語錄

「黃龍四家語錄」之二

宋  
•  
仲子  
介和  
晦堂祖心  
撰

重錄  
編

西安徐 禧 序

熙寧二年洪州黃龍山南禪師宴寂郡以其徒心師繼焉而陞座於縣之雲巖院余邀同學十數人焚香側立以聽其所謂示衆者前此余知有師矣至是益信異之遂定就學四年造焉舍于堂之西房者踰兩月早暮就學一以其法六年余遊京師復道山中明年得告將家款師於寒谿之下巖院由初比此親承而聞者甚詳旋踵忘之莫能記也又明年余爲御史其徒子和乃集錄其所嘗聞以屬余爲序余復之曰和孰爲道而汝師妄言之孰爲言而汝曹妄聽之孰爲言且聽者而邀余妄序之雖然汝師既常妄言之矣汝曹又嘗妄聽之矣吾獨不可爲汝妄序之耶若是而且以爲妄也則又何所往而不妄知乎何所往而不爲妄則庶乎可以不妄矣

侍者 子和 錄

門人 仲介 重編

師上堂時在法座前大衆集定良久微笑曰便恁麼

休去已是欺謾還相委悉麼有則便好乘時如無且莫錯向水中拈月遂陞座焚香奉爲  
今上皇帝祝延聖壽龍圖永固鳳曆長新國界安寧法輪常轉

師乃跌坐拈起拂子曰若喚作拂子達磨一宗塌地而盡不喚作拂子平地生波瀾到者裏一似倚天長劍誰敢當鋒擬議則喪身失命而今還有擊不碎底漢試定當看 時有僧出衆禮拜師曰不知是不是僧曰也不得放過師曰不信道 問道本無言因言而顯道學人上來乞師指示師曰行到水窮處坐看雲起時僧曰莫便是爲人處也無師曰却不惺惺僧曰若不登樓望焉知滄海深師曰深底事作麼生僧便喝師曰好一喝僧曰泊合放過師曰似此帶僧却堪持論 問如何是豫章境師曰龍沙浪闊鶴嶺峰高僧曰如何是境中人師曰手把虬龍杖閑尋叫月猿僧曰人境已蒙師指示向上宗乘事若何師曰不是知音者徒勞話歲寒僧曰與麼則道泰不傳天子令時清燕唱太平歌師曰禮繁即亂 問未登此座

時如何師曰一事全無僧曰登後如何師曰仰面觀天不見天僧曰與麼則有星皆拱北無水不朝東師曰閑言語

復曰大凡窮究生死根源直須明取自家一片田地教伊去處分明然後臨機應用不失其宜只如鋒銳未兆已前都無是箇非箇驚動便有五行金土相生相剋胡來漢現四姓雜居各任方隅是非鋒起致使玄黃不辨水乳不分疾在膏肓難爲救療若不當陽曉示窮子無以知歸欲得大用現前但可頓忘諸見諸見既盡昏霧不生大智惘然更非他物珍重月旦上堂月生一夜來寒白生虛室月生二桃花已泄靈雲意月生三普賢不動文殊參透舉拂子曰盡入此三昧門見麼青山藏不得明月却相容以拂子擊禪牀下座

上堂知幻卽離不作方便離幻卽覺亦無漸次釋迦老子千門萬戶一時擊開靈利漢纔聞舉著掇起便行更若踟躕若往西秦我之東魯

上堂曰有時開門待知識知識不來過有時把手上

高山高山人不顧或作敗軍之將向闔梨手裏拱手歸降或爲忿怒那吒敲骨打髓正當恁麼時還有同聲相應同氣相求底麼有則向百尺竿頭進取一步如無少室峰前一場笑具

上堂擊禪牀一下曰一塵纔舉大地全收諸人耳在一塵中一聲遍在諸人耳若是塵霄俊驪便合衆時止藥困魚徒勞激浪

上堂曰達磨九年在少室宜贈三十鞭却來欺我此土兒孫老盧半夜出黃梅可笑不靈利道我三更傳衣受法黃龍今日因行不妨掉臂撥出一隻眼且要雪上加霜乃舉拂子曰還見祖師麼

上堂僧問王子未登九五時如何師曰入鄉順俗僧曰登後如何師曰四海五湖王化裏僧曰未審向上還有事也無師曰有僧曰如何是向上事師曰著衣喫飯有甚難

復曰我若放一線道從尔東問西答不放一線道爾又向甚處捫摸不如歸去來兮湘水濱

歲旦上堂故歲已去新歲續來一去一來未嘗間斷



是知大塊流動。物物無常。一刹那間。乃新乃舊。其爲新者。則能爲明。爲媚。爲榮。爲香。或注。或吹。或騰。或躍。其爲舊者。則能爲塵。爲蠹。爲鈍。爲昏。或厭。或離。或剪。或伐。如是生殺。如是變通。不可以形器觀。不可以情偽取。根之原之來。亦不知其所來。去亦不知其所去。識之者。直下便爲神用。不知者。新年又添一歲。珍重上堂去。兮。非去住。兮。非住生。死涅槃。本無忌諱。或貴或賤。自看買賣。不離行市。所以千波競起。盡是文殊家風。一片晴空。無非普賢境界。若離文字。還同認賊爲子。若卽文字。又却認子爲賊。怎麼告報。還識慚愧也無。

上堂。不與萬法爲侶。卽是無諍三昧。便怎麼去時。爭奈絃急。則聲促。若能向紫羅帳裏。撒真珠。未必善因。而招惡果。

上堂。祖師謂見身無實。是佛見了。心如幻。是佛了。好言語。要急相應。不離見聞覺知。不卽見聞覺知了。得身心。本性空。斯人與佛何殊。別會麼。臨起不能將得去。一時交點過春風。

上堂。我有真金。曾百煉。巧拙皆由人造。變世間名字。假稱呼。隨順餅盤與銀釧。諸禪德。森羅萬象。不礙眼光。因甚。道見與不見。只爲分極。翻令所得遲。

上堂。僧問。言詮不到處。請師垂示。師曰。雲盡日月正。雪晴天地春。僧曰。便怎麼去時。如何。師曰。落在甚處。僧提起袈裟角。師曰。放過一著。

復曰。垂絲千尺。意在深潭。遂舉拂子曰。看。錦鱗。賴尾平生。事莫把絲綸取次拋。

上堂。心同虛空界。示等虛空法。證得虛空時。無是無非法。便怎麼休去。停橈把鏡。且向灣裏泊船。若據禪僧門下。天地懸隔。且道。禪僧門下有甚長處。柳標橫擔。不顧人直入千峯萬峯去。

上堂。僧問。龍象盡臨於座側。互爲賓主。意如何。師曰。自家看取。僧曰。橫身當宇宙。更有出頭人。師曰。何得問中而無眼。僧曰。不入虎穴。爭見虎子。師曰。縱越禹門。風波更險。

復曰。猶若一向言中取。則譬如水母。以蝦爲目。忽若坐斷。要關爾。又作麼生。湊泊乃擊禪牀。一下曰。過。

上堂不是心不是佛不是物古人怎麼道譬若管中窺豹但見一斑設使入林不動草入水不動波猶是騎馬向冰凌上行若是射鵰底手何不向地頭上揩痒透關者試辨看

上堂秋光清淺時白露和煙島良哉觀世音全身入荒草明明舉唱明明剖露三十年後莫辜負人好

上堂一不向二不開翻思南嶽與天台笑白雲無定止被風吹去又吹來

上堂僧問達磨九年面壁意旨如何師曰身貧無被蓋僧曰莫辜負他先聖也無師曰閣梨見處又作麼生僧畫一圓相師曰鸞雀不離窠僧禮拜師曰更深猶自可午後始愁人僧問裴相叩黃檗李翱登藥嶠未審意旨如何師曰月色靜中見泉聲深處聞僧曰祥雲觸處通師曰有眼底辨取

復曰未達境唯心起種種分別達境唯心已分別則不生便捨外塵相諸禪德只如山河大地明暗色空法法現前作麼生說箇捨底道理還明得麼若將耳聽終難曉眼處聞聲方得知

入郡迴上堂去時春風高埽盡千山雪迴時春草深杜鵑啼更切奇哉處處總持門惆悵無因為君說上堂不是風動不是幡動明眼漢謾他一點也不得仁者心動且緩緩爾向甚處見祖師乃卓下拂子曰看

上堂佛真法身猶若虛空應物現形如水中月作麼生說箇應底道理遂舉拂子曰見麼幸無偏照處剛有不明時

上堂乾坤之內宇宙之間中有一寶秘在黃龍拂子頭上擬欲賣與諸人不作賣不作賤作麼生商量無人過價打與三百

先師忌日上堂去年三月十有七一夜春風撼壽室三足麒麟入海心空餘片月波中出真不掩偏曲不藏直誰人爲和雪中吟萬古知音是今日

上堂舉教中道一切衆生種種幻化皆生如來圓覺妙心師曰三世諸佛是幻一大藏教是幻達磨西來是幻天下老和尚乃至盡乾坤大地日月星辰無不是幻作麼生是妙心良久曰鴛鴦繡出從教看莫把

金針度與人

上堂礙處非牆壁。通處勿虛空。若能如是會。心色本來同。拂子是色。那箇是心。靈利漢。纔聞舉著。隔牆見角。早知是牛。更若擬議。思量白雲千里。萬里。

上堂只箇心心。心是佛。十方世界最靈物。縱橫妙用。可憐生。一切不如心。真實諸人者。莫謾求菩提。菩提不可見。莫謾除煩惱。煩惱無背面。朕兆未生時。本來無改變。若言會與不會。盡是三首二頭。更問如何。若何。苦哉佛陀。

上堂過去諸佛已滅。未來諸佛未生。正當現在佛法。委付黃龍。放行卽恍恍惚惚。其中有物。把住卽杳杳冥冥。其中有清且道。放行卽是。把住卽是。竿頭絲線。從君弄。不犯清波意。自殊。

上堂有句無句。如藤倚樹。且任諸人點頭。及乎樹倒藤枯。上無衝天之計。下無入地之謀。靈利漢者。裏著得一隻眼。便見七縱八橫。乃舉拂子曰。看大陽溢目。萬里不挂片雲。若是覆盆之下。又爭怪得山僧。上堂若論此事。老胡本不渡江。二祖不曾得髓。及至

黃梅半夜。一人傳虛。萬人傳實。若據老盧見解。只是春米漢。至今走徧天下人。殊不知者。一片田地。分付來亦多時也。自是諸人不肯紹繼。致使荊棘漸長。禾黍不生。馳走東西。日求升合。何如便向者裏。直下識取。本來契券。教伊四至界畔。一一分明。免見異時別生詞訟。只如今。還識也未。爾若識得。一任恣意耕鋤。若也未知。且受人天供養。

上堂虎頭生角。人難措石。火電光須密布。假饒烈士也。應難。膝底那能善回互。手擎日月。背負須彌。擲向他方。其中衆生。不覺不知。其中衆生。騎驢入諸人眼裏。諸人亦不覺不知。會麼。將此深心。奉塵刹是則名爲報佛恩。

上堂一漚未發。古帆未征。風信不來。無人舉棹。正當恁麼時。水脉如何。辨的君不見。雲門老。垂手處。落清波。無透路。又不見。華亭叟。泄天機。夜深空。載月明。歸莫怪。相逢不相識。從教萬古漫漫黑。上堂舉教中道。一切有爲法。如夢幻泡影。如露亦如電。應作如是觀。師曰。作麼生。是諸人觀底。眼具得者。

簡眼便見山河大地與諸人自己無礙無雜諸人自己與山河大地無礙無雜其中更無微塵許聖人法爲解爲礙亦無微塵許凡夫法爲解無礙還信得及麼若信得及無明業識翻爲無盡三昧若信不及無盡三昧却作無明業識

上堂風卷殘雲宇宙寬碧天如水月如環祖師心印分明在對此憑君子細看

上堂愚人除境不忘心智者忘心不除境不知心境本如如觸目遇緣無障礙遂舉拂子曰看拂子走過西天却來新羅國裏知我者謂我拖泥帶水不知我者贏得一場怪誕

上堂妙性圓明離諸名相本來無有世界衆生山河大地甚處得來爾若道得隔身句無情說法豈是分外

上堂若謂一切法不是瞎却時人眼若謂一切法不是平地生荆棘或云一切法卽是佛法瞞瞞頂頂非爲正觀從上諸聖吐不出底句至今未曾有人道著爾若道得許爾是箇了事人忽若總道不得我也知

爾親三十年後雨散雲收管取乾坤獨露上堂僧問草偃風行卽不問法身上事如何師曰鳥啼無下淚花笑不聞聲僧曰一句迴超千古外師曰須是眼中聞僧曰文殊不坐金臺殿自有逍遙九萬程師曰言多去道轉遠僧禮拜

復曰鐘鐺之所頑鐵轉多良醫之門病人越甚不如休去歇去好況是壺中景象盡在目前暫借回光一時成現

上堂若人欲識真空理身內真如還徧外情與無情共一體處處皆同眞法界遂舉拂子曰拂子吞却乾坤了也森羅萬象甚處得來爾若明得二祖不往西天遽磨不來東土更若不會如今歸堂底復是阿誰上堂人生天地之間性有善惡之混善惡既混則生分別分別既生則有憎愛既有憎愛則有取捨既有取捨則有去來既有去來便有生死斯皆蓋是人之常情予則謂之不然法無善惡本無去來若無善惡去來則無生死既無生死何善惡可混何去來可拘若能如是可謂終日善而未嘗善終日惡而未嘗惡



終日來而未嘗來終日去而未嘗去還有人明得者  
箇道理麼若也明得便能取之左右逢其原若也不  
明有寒暑兮促君壽有鬼神兮妬君福

上堂舉馬祖陞堂百丈卷席後人不善來風盡道不  
留朕迹殊不知桃花浪裏正好張帆七里灘頭更堪  
垂釣如今必有辨浮沈識深淺底漢試出來定當水  
脈看有麼如無且將漁父笛開向海邊吹

上堂一切數句非數句與吾靈覺何交涉雲門大師  
道行住坐臥是靈覺喚什麼作數句師曰金屑雖貴  
落眼成翳予則不然若也放去靈源湛水任棹孤舟  
若也敗來長者自長短者自短還會麼雲歸華嶽千  
尋白水到瀟湘一片清

上堂映眼時若干日萬象不能逃影質凡夫只是未  
曾觀何得自輕而退屈乃舉拂子曰者箇且作麼生  
觀見聞但見聞見聞即不得

上堂敲空作響誰是知音擊物無聲徒勞側耳不是  
目前法莫生種種心起滅不相知箇中無背面象王  
行處孤兔絕蹤水月現時風雲自異到者裏乾坤收

不得宇宙不知名千聖立下風誰敢當頭道諸仁者  
纔是從前活計所作施爲會與不會一時掃却不如  
策杖歸山去長嘯一聲煙霧深

歲旦上堂時光迅速運運交馳吐故納新新還復故  
虛幻人事奚足可觀或醉或醒或歌或哭譬如野馬  
熠熠奔逸塵埃又如涸轍之魚殆將不久且道不落  
風彩一句作麼生道若言其有瞻之無形若謂是無  
呼之有聲此物不知是何物可憐天下競頭爭

上堂若論此事是著即差非著即錯不是不非如蠅  
循環如蠶作繭到者裏如大火聚觀者即燎却面門  
不如獨者自獨清者自清明者自明暗者自暗頭頭  
盡是吾家物何必臨岐更問津

上堂普賢行文殊智補陀巖畔清風起鷓鴣雀噪直  
入耳根草樹塵毛形影相弔聲中無有色色裏亦無  
聲聲色若交參處處無前後鳥窠吹布毛者裏便有  
人省去遂舉拂子曰且道相去多少三十年後悟去  
莫道歷長爲賤

上堂宿雨初霽涼颼漸生一氣無私作而無作可謂

田中稻熟園裏菜青盡野老家風乃太平基業五湖  
上士高枕無憂不用追求現成活計若向言中定旨  
句裏明機清風月下守株人玄兎漸遙春草綠以拂  
子繫禪牀下座

上堂僧問承古有言但得本莫愁末如何是本師曰  
但識琴中趣不勞絃上聲僧曰如何是末師曰青山  
不礙白雲飛僧曰日本末已蒙師指示畢竟宗乘事若  
何師曰夜深方見針把人

復曰鏡象或謂有攬之不盈手鏡象或謂無分明如  
儼圖所以取不得捨不得不可得中只麼得還會麼  
不作維摩詰又似傳大士

上堂方經殘臘早見仲春日月奔馳榮衰互換人生  
只此休更紛紜我觀前際已去不可追後際未來不  
可問今卽無住何處捫摸諸人者如何以無價之寶  
喪在陰入之坑殊不知青雲道路只在目前更若馳  
求轉增迷悶且道路頭在甚處乃舉拂子曰在者裏  
靈利漢一見便請丹霄獨步

上堂三日不相見不得作舊時看若作舊時看山河

大地欺爾去作麼生得不欺爾去有利無利不離行  
市懷州牛喫禾廬陵米却貴長歌一曲歸去來滿眼  
清風動天地

上堂虎豹之紋不得不炳於犬羊金玉之光不得不  
炫於瓦石明悟之士不得不警於羣迷三者既備然  
後必滔天可以爲滄海必崔嵬可以爲山嶽秀師上  
人明悟之士卓識之姿久蘊鋒鈍不沽時譽幸願無  
以翳其光無以藏諸用破塵出經卷始是解條人直  
教靈苗異草葉葉騰芳鸞鳳麒麟聲利應若能如  
是可謂吾道重光後昆有望此會舉秀  
首座立僧

聖節上堂天得一以清地得一以寧君王得一而治  
天下天下既治則率土咸歸率土既歸則萬邦入貢  
萬邦既貢則民不爲爭民既不爭則亦不爲盜既不  
盜不爭自然風雨調和風雨既和乃天下大定天下  
既定則太平一曲君須唱莫向聞中認不聞

上堂十五日已前所作諸事如一夕之夢翱翔百年  
十五日已後諸事未萌漸次作夢正當今日十五恰  
是夢中說夢還有原夢底漢麼出來試辨吉凶看良

久曰塵中辨主未足爲難不識文墨萬中無一

上堂鼓鑿斷處且許從容更若焚香早成朕兆然雖如是亦勞上座觀來一轉

上堂離離春草分明漏泄天機歷歷杜鵑盡是晉門境界不如休征罷戰好況是風調雨順海晏河清放却戈矛歸家穩坐珍重

上堂我有一句把手分付瞬目揚眉西天此土

上堂心自本來心本心非有法黃龍又爭敗豎良爲賤有法有本心非心非本法微塵諸佛瓦解冰消諸人擬向甚處見祖師各請歸堂

上堂鐘聲斷處鼓聲相續鼓聲斷處法法圓成更若舉論苦提提覺真如解脫盡是非時之說但得雲霞消散孤月自明砂磔若除真金自現

上堂人人盡握靈蛇之珠家家盡抱荆山之璞經行宴坐舉措施爲一段光明未嘗間隔珍重

上堂若也單明自己不悟目前此人有眼無足若悟目前不明自己此人有足無眼據此二人十二時中常有一物蘊在胷中物既在胷不安之相常在目前

既在目前觸途成滯作麼生得平穩去祖不言乎執之失度必入邪路放之自然體無去住

上堂道本無體因道而得名名本無名因名而立號乃舉拂子曰不得喚作拂子喚作什麼黃龍今日却被諸人勘破

上堂不用愛聖聖是空名不用厭凡凡是妄立但得聖凡情盡自然體露眞常還信得及麼若信得及去不妨向參學之中有少分相應若信不及也許爾是箇丈夫漢

上堂林身之下諸事牢落蒙諸上人不以形跡所見千里而來久故相聚所患時中別無延待唯有一技拂子聊表慇懃不論高低亦非貴賤有時變生爲熟有時變熟爲生或則澹泊空疎不然百味具足但能一飽頓忘百飢免見借貸他財喫他非時茶飯知我者謂我揚鞭弔影不知我者贏得一場酸澀

上堂無心無可得說得不名法師曰祖師門戶已是擊開繡出鴛鴦任爾諸人觀看且道金針落在甚處復曰若了心非心始解心佛法會麼南山輕薄一聲

雷從頭喚起昆蟲寐

上堂誰人無心誰心無佛佛常在人人常逐物只如今見有色聞有聲是物不是物若不是物見色之時不可不喚作色聞聲之時不可不喚作聲若也是物又作麼生說箇逐底道理未明心地印難過趙州關上堂圓影交龍又臨初夏花開花落物是人非昨日照紅顏今朝照白髮白髮與紅顏相去咫尺間還知有不涉寒暑者也無

上堂良工未出玉石不分巧治無人金砂混雜還有無師自悟底漢麼出來辨別看乃舉拂子曰且道是金是砂見之不取思之千里

上堂菩提之道不可圖度高而無上廣不可極濶而無下深不可測大包天地細入無間古人爲是發揚宗旨爲是馳騁功勳諸人試辨白看

上堂若論此事不是獨孤標亦非無伴侶不識又瞞預識之還幸箇不知是甚物得恁難辨若非金色頭陀有理亦無雪處

上堂風蕭蕭兮木葉飛鴻鴈不來音信稀還鄉一曲

無人吹令余拍手空遲疑

復曰此一曲不是金石絲竹亦非匏土草木聞而不聞觀而莫觀未審是甚曲調看取風雲會合時五湖必有知音者

上堂夫立道者不可以設功得聖智者不可以有心知真諦者不可以存我會至功者不可以營事爲古人一期應病與藥則不可若是丈夫漢出則經濟天下不出則卷而懷之爾若一向聲和響順我則排斥諸方爾若示現酒肆淫坊我則孤峯獨宿且道甚處是黃龍爲人眼

上堂新雷已發杜宇未啼嶺雲濤濤岸草萋萋金烏出海玉兔沈西或聞或見誰悟誰迷盧老不知何處去空傳衣鉢在曹溪

上堂見見之時見非是見見猶離見見不能及還有轉身處也無若能轉得目前無關栗塵上無老僧若也轉不得莫將閑學解埋沒羅師心珍重

上堂江月照松風吹承夜清宵何所爲佛性戒珠心地印霧雲霞霞體上衣只如雲霞消散後體在什麼



處良久曰雪寒歸堂向火

上堂一切智通無障礙山河石壁穿過人不知不是神通妙用亦非他術自是汝諸人尋常用底因甚却道會與不會只爲情存勝負不脫見聞見聞會起如水裏月二彼相因便成異法如今欲要易會應是從前活業盡底與爾滌除直待千眼頓開恁時始與諸人相見

上堂凡所有相皆是虛妄還見法堂麼若見則心外有法若不見則眼損別作麼生會長久曰擔取詩書歸舊隱野花啼鳥一般春

上堂僧問大海有珠求不得黃龍領下乞師分師曰人平不語水平不流僧曰莫卽者箇爲當別有師曰一言不中千言不用僧曰茫茫宇宙人無數獨有胡僧笑點頭師曰龍峯絕頂也須親到始得

復曰佛法至論非辨口利詞之所爲非神通修證之所得直饒盡乾坤大地都作一間來只贏得一場戲論去道轉遠祖師西來只要直指人心見性成佛不立文字乃至三乘十二分教如將黃葉作金錢權止

小兒啼哭大道本來空寂不用安排圓滿十處寧有方所而今不了只爲目前鑒覺明昧兩岐如是聽不出聲見不超色如斯過患實可憐生殊不覺知認賊爲子是故參玄高士到者裏直須自看從上來事合作麼生畢竟將何敵他生死勿以妄想分別之心衷私裁斷以當平生將爲究竟他時異日臨命終時心識忙亂無本可據悔將何及何如便向者裏立地構去不用絲毫氣力一彈指間便能超越毗盧華藏妙莊嚴海乃至舉足下足盡是文殊普賢大人境界豈不慶快平生爲大丈夫之志況此門中盡是諸人本有之事不因修證不從人得快須薦取脫却根塵盡未來際一得永得更無退失若能如是可謂圓頂方袍續佛壽命若不然者無有是處

長沙安撫謝通議請就北禪陞座

師上堂拈香罷遂趺坐僧問卽心卽佛今時未入玄微非心非佛猶是指蹤極則向上一路千聖不傳和尚今日如何爲人師曰雲從龍風從虎僧曰恁麼則龍得水時添意氣虎逢山處長威聲師曰須信盡

中日月長。僧曰：一氣不言，含有象萬靈何處謝無私？師曰：逢人不得錯舉。僧問：從上諸聖爲什麼不到者裏？師曰：者裏是什麼所在？僧曰：怎麼則卷起簾來見天下？師曰：天下事作麼生？僧無語。師曰：只知其一，不知其二。僧問：昔日李翱登藥嶠，雲在青天，水在緋今日通議臨寶座，乞師一句定宗。乘師曰：潭上無風浪，自平。僧曰：還有承當處也。無師曰：爾作麼生承當？僧曰：金烏迴出青霄外，玉兔輝時四海清。師曰：不如退後看。僧曰：大衆證明，學人禮謝。

師曰：祖師之道，非形器可觀，非識情可測。一問一答，皆是法之供養。實際理中，未爲究竟。至於三乘十二分教，還同說食，示人食味。既因他說，其食要在自己親嘗。既自親嘗，便能了知其味。是甘是辛，是鹹是淡，達磨西來直指人心，見性成佛，亦復如是。真性既因文字而顯，其性要在自己親見。若能親見，便能了知。目前是真是妄，是生是死，既能了知，真妄生死返觀一切語言文字，皆是表顯之說，都無實義。如今不了病在甚處，病在見聞覺知爲不如實知，真際所詣認。

此見聞覺知爲自所見，殊不知此見聞覺知皆因前塵而有分別。若無前塵境界，卽此見聞覺知還同龜毛兔角，并無所歸。既無所歸，便成流浪。既成流浪，則念念遷謝，新新不停，如火成灰，漸漸消殞，殞盡不息。決定此身終從變滅，是故死此生彼，死彼生此，生生死死，死死生生，隨業受報。六道四生，改頭換面，有形無形，四足兩足，多足無足，如是受生，如是受報，如汲井輪互爲高下。諸仁者，當此之時，合作麼生？支準既爲大丈夫，須知有大丈夫事。既知有大丈夫事，當何曉會？還有會處麼？若無會處，黃龍今日不免生風。起浪鼓棹揚帆，乃舉拂子曰：看！唯有堅密身，一切塵中現。還見得麼？拂子是塵，堅密身在什麼處？若向者裏見得，微塵諸佛百千三昧，彈指之間，一時明了，便能入水不溺，入火不燒，一爲無量，無量爲一小中。現大，大中現小，乃至天堂地獄、虎穴魔宮、月下風前、姪坊酒肆，盡是諸人安身立命。若能如是，可謂大丈夫事。善能出生入死，得大自在。若轉未得，鶴脰自長，龜脰自短。

室中垂問代答

師有時問僧鯨波浩渺魚龍爭威作麼生揚帆舉棹  
僧無對代曰某甲只管看又代曰入水見長人  
或問舉一明三知音不來三十年後別換條章代曰  
莫教屈著

一日問僧麒麟不是瑞鸞鸞不爲靈四海晏清誰人  
入貢代曰得人一牛還人一馬 又問僧把定乾坤  
眼滿口道不得辨宮商底是什麼人代曰不惜身命  
者

或時問塵中不染丈大兒猶是負入不負出如何得  
不傷物義去代曰平出

一日問僧瞻之在前忽焉在後爾道甚物得恁麼難  
辨爾若辨得禍不入慎家之門若辨不得黃龍今日  
死中得活代曰是甚閑又代曰若要即道

有時問不得春風花不開爾還識得也未代曰知又  
代曰種不應不生豆苗

或時問塵無自性攬真成立作麼生是成立底事乃  
舉拂子曰微塵諸佛百千三昧盡在者裏不如悟去

好還有人悟得麼代曰負命者上鉤又代曰過  
問僧十方無壁落四面亦無門灌溪老出氣不得何  
不向火焰裏相見代曰笑我者多  
有時問遇明即翳不恁麼時精粗難分須知有驚人  
底句代曰三日後看

或時問瑞雪應豐年金鷄變衰草於佛法中作麼生  
辨得失代曰愁人知夜長 又問一舉兩當不用蓋  
覆有不甘底出來道看代曰合到某甲

有時問一舉不再說家富小兒嬌向摘楊花處通箇  
消息來代曰不因一事難長一智

或時問謀臣如雨猛將如雲畫戟門前若爲舉令代  
曰符印在手 又問張羅設罽水泄不通爾道飛禽  
走獸落在甚處代曰也知出身早

問一葉落天下秋觀破衲僧眼佛殿入燈籠是第幾  
機代曰力得不如逢時

一日問僧內視不已見返聽莫我聞合作麼生辨代  
曰一回舉著一回新 又問橫該一句則從爾道爲  
什麼春行秋令僧提起坐具曰爭奈者箇何師曰此

擬張麟兔亦不遇代曰具眼

有時問撥塵見佛也不分外更若揮劍十字街頭寧無一箇半箇代曰有頭無尾得人憎

或問紐半破三挂向壁上我共爾平展致取一問來代曰何必 又問大智非名真空絕跡若教明破恐不是好人代曰不可相辜負去也

有時問佛法不用學觸目生清風常徒之見作麼生舉代曰爭怪得某甲又代曰龍頭蛇尾

或問若在繩墨裏卽縛殺爾若在繩墨外卽走殺爾不離者裏試辨白看代曰便請 又問雲月宛然同谿山還有異拈却當陽底向甚處定奪代曰一箭落雙鷗

有時問如我按指海印發光山河大地甚處得來代曰一箇早多又代曰爭諱得

問僧南來北往且從爾拄杖頭上爲甚靠倒立沙老子代曰拂袖便出

或問風不來樹不動奔流度刃底眼略請相見代曰念某甲年老

有時問四大海水在爾頭上須彌山在爾腳底窮鱗羽族甚處藏身代曰爭奪得人口

問僧運籌帷幄要定封疆列士分茅若爲區別代曰百草頭上

或問薰瘡同器水乳共壺向垂手中作麼生辨代曰善財拄杖子

有時問海裏使風山上翺古人爲什麼跳不出代曰難作大人相

或問眼光爍處頭頭漏泄拈却淨餅眼在什麼處代曰佛法身心何在 又曰臨崖不損人蓋是本分雪峯道底留在別時代曰某甲不曾錯怪人

問僧不是心不是佛不是物古人道了不要還我第一籌來代曰也是 復問爾道也是又作麼生代曰子不譚父德

或問口只堪喫飯明眼禪僧不知氣息代曰不敢分外

有時問識機宜辨星斗過在什麼處代曰泊作過中會 又問悔不慎當初也是賊過後張弓代曰略無



些子

或問學意便知有什麼人委悉代曰傍觀者

問僧門裏出身過在時人身裏出門時人勿過何似

生代曰難爲笑怪又代曰關

或問荆棘不生爲什麼羅長棟梁材代曰以己万人

復問不要分外子細點檢代曰仁義道中

有時見僧入來恰值黃龍長老不在僧曰抱賊叫屈

師曰了僧擬議師以拂子打出

或問明暗不分我也知爾親不溺一句作麼生代曰

前來猶自可又問遇賤則貴什麼物怎麼來代曰

須到如此又代曰噫

一日見僧曰我今日口挂在壁上僧曰作賊人心虛

師打一拂子僧曰謝和尚重重相爲師曰得便宜是

落便宜

室中學古

學世尊靈山會上拈起一枝花迦葉微笑世尊道吾

有正法眼藏付囑摩訶大迦葉師曰直下穿過髑

髑已是換却眼睛臨危不在悚人向甚處見釋迦老

子

舉鏡清問僧門外什麼聲僧曰雨滴聲清曰衆生顛

倒迷已逐物僧曰和尚作麼生清曰泊不迷已僧曰

泊不迷已意旨如何清曰出身猶可易脫體道應難

師曰說難說易轉見迷已要不迷已如今擬喚作

什麼聲

舉僧問德山曹谿話月靈山指月卽不問如何是月

山曰昨夜三更轉向西僧無語師曰更靈利但向

伊道眞善知識待者老底知存知亡其惟聖人乎

舉大慈示衆曰山僧不解答話只是識病時有僧出

禮拜大慈便歸方丈師曰可惜放過當時若見伊

纔出來劈脊便打待他得知行棒來處免見千古之

下遣人檢點黃龍今日也識病會答話忽若有箇漢

出來掀倒繩牀者裏合作麼生支遣請上座試代一

轉語

舉僧問南院從上諸聖向甚處去院曰不上天堂卽

入地獄僧曰和尚作麼生院曰還知寶應老落處麼

僧擬議院以拂子熏口打復喚僧近前令合是爾行

又打一拂子。師曰：然則白珪之玷，猶尚可磨，病在膏肓，亦宜救療。者僧令既在手，爲什麼不行過在甚處？

舉僧問興化：「四方八面來時，如何化？」曰：「打中間底僧禮拜。」化曰：「山僧昨日去赴一箇村齋，迴來中路被一陣狂風暴雨，却去古廟裏避得過。」師問僧：「爾還會麼？」僧曰：「不會。」師曰：「我有一頌，一不是，二不成，落花芳草裏，啼鶯閑庭雨，歌夜初靜，片月還從海上生。」

舉陸亘大夫與南泉話次，舉肇法師道：「天地與我同根，萬物與我一體。」也甚奇怪。泉指庭前花向大夫曰：「時人見此一株花，如夢相似。」師問僧：「南泉恁麼道，如何見得萬物與我一體？」僧舉起坐具。師曰：「舉則易，見還難。」彌盧頂上天風寒，峩峩直下蒼龍窟，誰敢觀著？

舉僧問雲門：「如何是正法眼？」門曰：「普。」師曰：「更道箇。」

曙且圖兩得相見。舉疎山問僧：「曾到雪峰否？」僧曰：「曾到。」山曰：「我已前到，彼是事不足，如今作麼？」生僧曰：「如今足也。」山曰：「彌足。」

飯足僧無對。雲門代曰：「粥足飯足。」師曰：「是則是要，且無佛法道理。」僧問：「如何無佛法道理？」師却問僧：「是爾尋常將什麼喫粥喫飯？」僧曰：「將口喫。」師喝曰：「露柱爲什麼却飽？」你若嚼破一粒米，山河大地欺你去。」

舉雲門大師拈拄杖示衆曰：「拄杖子，化爲龍吞却乾坤了也。」山河大地甚處得來？」師曰：「明眼宗師，至今猶在忽。」若有箇漢出來道：「箇是拄杖子。」山河大地有甚過也？」許伊具一隻眼。」

舉德山一日訪龍潭，潭曰：「久嚮龍潭，及乎到來，潭又不見龍。」又不現。潭曰：「子親到龍潭，雪竇曰：『將錯就錯。』」師曰：「雪竇與麼道，不知德山將錯就錯，不知龍潭將錯就錯，識休咎底，禪僧必知去處，未過關，亦宜辨白。」還相委麼？」縱饒栽種得，不是棟梁材。」

舉教中道是故，汝今知見立知，即無明本，知見無見。斯即涅槃，無漏真淨，云何是中更容他物？」師曰：「盡乾坤大地，皆是上座眼睛，更無纖毫隔礙，只如今見但見聞，但聞行，但行坐，但坐，總不動著爾。若動著我，即朝到西天，暮歸東土。」

舉先聖道生死與菩提二定真有法於此若生疑靈  
瞽無慧眼又道生死與菩提二定非有法於此若生  
疑靈瞽無慧眼 師曰爲復一般爲是相違爲當則  
有道理試斷看

舉雲門大師一日問僧從甚麼處來僧曰江西來門曰  
踏破多少草鞋其僧不對 師曰雲門大師已是張  
虎豹之紋又不覺落在著僧陷穽而今還有扶起雲  
門底漢道取一轉語却與黃龍相見敢問此語作麼  
生道

舉寒山道我聞釋迦佛不知在何方思量得去處不  
離我道場 師曰是什麼思量釋迦老子在甚麼處  
定當看

舉同光帝一日與興化坐次帝問寡人收得中原一  
寶只是無人酬價化曰試借陛下寶看帝乃舒開幙  
頭脚化曰君王之寶誰敢酬價 師曰興化雖則一  
期見機而作爭奈埋沒他一朝天子當時若作興化  
但向伊道蚌蛤之珍收得也無用處教他向後別有  
生涯免見傍觀者哂而今忽若有人問上座又作麼

生酬價

舉僧問玄沙三乘十二分教卽不要如何是祖師西  
來意沙曰三乘十二分教總不要 師曰如珠在淵  
本自無類如玉在石本自無瑕識者荆棘但爲棟梁  
不識者醒醉翻成毒藥

舉仰山問僧近離什麼處僧曰廬山山曰看到五老  
峯麼僧曰不曾到山曰閣梨不曾遊山雲門曰此是  
古人慈悲之故有落草之譚 師曰雲門仰山只有  
受壁之心且無割城之意殊不知被者僧一時領過  
黃龍今日更作死馬醫乃拈拂子度與僧僧擬議師  
便打

舉僧問趙州學人乍入叢林乞師指示州曰喫粥了  
也未僧曰喫粥了也州曰洗鉢去其僧忽然有悟雲  
門曰有指示無指示若道有指示向他道什麼若道  
無指示何得悟去翠巖曰雲門大師不識好惡恁麼  
說話大似與蛇畫足黃門栽鬚翠巖卽不然者僧恁  
麼悟去入地獄如箭射 師曰雲門翠巖雖則能善  
鋤強輔弱捨富從貧要且不能安家立國乃問僧只

如上座朝來亦喫粥亦洗鉢。卽今是迷是悟。其僧禮拜起。師喚近前。僧近前。我有一柄拂子與你。歸去。舉雲門因普請次道。我今日困有解問話者。早置一問來。爾若不問。向後莫道老僧謾爾。師問僧。爾道當時合置得什麼。問免得雲門謾去。僧擬問師。以拂子劈口拂。

舉鹽官示衆曰。虛空爲鼓。須彌爲槌。什麼人打得衆無對。南泉聞得。我當時若見。向道王老師不打者。破鼓法眼曰。南泉何消道者。破鼓。但道王老師不打。自然是箇破鼓。師曰。南泉法眼。只知一向明前。其奈不能顧後。且如鹽官道。虛空爲鼓。須彌爲槌。什麼處是破處。還檢點得麼。直饒點檢得。箇破處分明。我更箇爾索鼓在。

舉雲門。一日從方丈出。有僧過拄杖與雲門。門接得。却過與僧。僧無對。雲門曰。我今日著便。僧問和尚爲什麼著便。雲門曰。我拾得口喫飯。師曰。請上座。向此僧無對處。代取一轉語。爾道合下得什麼語。僧曰。閑時物。急時用。師曰。我今日亦著便。僧曰。和尚爲什

麼亦著便。師曰。喜得闍梨答話。

舉丹霞道。百骸俱潰散。一物鎮長靈。雲門曰。拄杖子。不可不靈。喚什麼作百骸。師曰。總是自救不了漢。喚作一物。尙自不中。更說什麼鎮長靈。僧曰。和尚亦不得埋沒古人。師曰。闍梨見處。又作麼生。僧提起坐具者。箇不可不靈。師曰。有得有失。

舉雲門。有時曰。盡大地是藥。藥是自己。師却問僧。既是盡大地是藥。爲什麼却是自己。僧曰。喚什麼作自己。與藥。師曰。爭奈案山低。主山高。僧擬議。師曰。將知是箇學語之流。

舉世尊。生下一手。擎天一手指。地曰。天上天下。唯我獨尊。雲門曰。我當時若見一棒打殺。與狗喫。却責得天下太平。師問僧。爾道世尊有過。無過。僧曰。有過。師曰。過在什麼處。僧曰。過在唯我獨尊。師曰。早知上座恁麼道。我也不問。

舉雲門。因僧問。光明寂照。遍河沙。雲門曰。豈不是張拙秀才。語。僧曰。是雲門曰。話墮也。師問僧。爾見什麼處。是話墮處。僧曰。和尚話墮也。師曰。爾十二時中。

向什麼處安身立命。僧無對。師曰：却來者裏。我以拂子打出。

舉長慶與保福商量。教中道：如來唯一說。無二說。保福問：作麼生？是如來說。長慶曰：聖人爭得聞。福曰：情知老兄向第二頭裏接人。慶却問：福作麼生？是如來說。福曰：齋後未喫茶。師問：僧只如長慶道。聖人爭得聞？如何却落第二頭？僧曰：聖人爭得聞。師曰：無繩自縛。漢我更問。爾如來唯一說。作麼生？見得。一底道理。僧瞪目而視。師曰：比來問一。爾却答二。

舉雲門有時道：平地上死人無數。過得荊棘林。是好手。師問：僧今時所見。多有此色。總活埋在此者。裏是爾。如何道得過？却荊棘林。僧提起坐具。我者箇是八尺布作。師曰：不信道。

舉夾山曰：百草頭上。薦取老僧。關市裡。識取天子。師拈起拂子。看拂子。變成夾山老子出來。見麼？僧曰：謝和尚指示。師曰：見爾不。顧如今。却入露柱中去也。舉寒山道：欲得安身處。寒山可。長保微風吹幽松。近聽聲愈好。下有斑白人。誦誦讀黃老。十年歸不得。忘

却來時道。僧問：作麼生？是來時道。師指香爐曰：看。寒山來也。見麼？僧曰：好箇香爐。師曰：慚愧。師又問：是爾適來從什麼處來？僧曰：寮中來。師曰：從寮中來。底如今。是記得是忘却？僧曰：只是自己。更說什麼記忘。師曰：將謂失却。元來却在。

舉羅漢和尚。一日同保福。長慶二人入州。見牡丹花障子。保福道：好一朵花。長慶曰：莫眼花。羅漢曰：可惜一朵花。師曰：據此三人所見。一人可謂超佛越祖。一人自利。亦能利他。一人不唯誤人。兼亦自誤。爾道：自誤底一人是誰？僧曰：莫眼花。師曰：此去但向更深夜靜。迴絕無人處。更共伊商量看。

舉南泉。一日見鄧隱峯來。遂指淨餅曰：淨餅是境。餅中有水。不得動著。境與老僧將水來。隱峯遂將餅向南泉面前。滴南泉即休。後有人舉似歸宗。歸宗道：鄧隱峰也只是亂瀉。師曰：信知道。急行不至。緩行太過。南泉亦好箇話。端要且不能圓。就既是能吹。必須能拍。若不能拍。吹者徒勞。甚處是隱峯亂瀉處。具參學眼。試點檢看。



舉雲門大師見僧來遂問來作什麼僧曰來請益門  
曰爾有什麼疑僧曰某甲曾問和尚一轉語來不知  
是一宿覺般般般般一宿覺雲門打鼓樓三下曰會  
麼僧曰一切臨時雲門宣起拳曰我共爾相撲一交  
得麼其僧無對師曰設在不疑之地信有之雲門  
大師氣宇如王向平地上陷却至今起不得如今若  
要扶起雲門請上座代者僧一轉語却與雲門相見  
合代得什麼語

舉祖師偈假借四大以爲身心本無生因境有者  
裏打草也要地驚遂拈起拂子曰還見祖師麼前境  
若無心亦無罪福如幻起亦滅乃問僧是爾尋常將  
什麼著衣喫飯僧擬祇對師喝出

舉梁武帝問達磨如何是聖諦第一義達磨曰廓然  
無聖帝曰對朕者誰達磨曰不識師問僧分明有  
箇達磨面前作麼生說箇不識底道理僧曰不識師  
拈起拂子曰達磨在者裏

舉三平頌只此見聞非見聞更無聲色可呈君箇中  
若了全無事體用何妨分不分師曰若分去主即

是主賓即是賓若不分去主即是賓賓即是主政同  
箇中事作麼生了箭穿紅日影須是射鵰人  
舉靈雲見桃花悟道頌三十年來尋劍客幾迴落葉  
幾抽枝自從一見桃花後直至如今更不疑却問  
僧爾道靈雲當初見時是桃花不是桃花若是桃花  
天下人見是桃花總皆悟道若不是桃花爭奈現有  
桃花擬向甚處著作麼生說箇見底道理僧問措師  
曰者無繩自縛漢

舉彌勒偈曰彌勒真彌勒分身千百億時時示世人  
世人俱不識師曰說什麼俱不識乃拈起拂子元  
來却在者裏靈利漢一見揀起便行  
舉崇壽一日問僧爾還見燈籠麼僧曰見壽曰兩箇  
師曰據此一問分明見是燈籠爲甚却成兩箇爲  
是有見見成兩箇爲是無見見成兩箇還雪得出麼  
直饒雪得分明無纖毫過患三十年後別有一簇勘  
過了打

舉白雲和尚一日因僧在京迴乃問爾在京中舉頭  
見海水渺漫到者裏千山萬山爾道日頭在甚處出

僧無語。師曰：然則夜光之璧鑒者，須是其人。明月之珠，不識翻令按劍。白雲既能切磋者，僧又不能琢磨。他既無語，請上座代一轉語。看僧曰：在東畔出師曰：不唯謂他白雲黃龍亦遭連累。

舉乾峯上堂。舉一不得舉二，放過一著，落在第二。雲門大師出衆曰：昨日有一人從天台來，却往南嶽去。乾峯曰：明日不要替請便下座。師問僧：爾道從天台來者是什麼人？僧曰：不會。師曰：是爾祖翁為什麼不識？僧曰：望和尚指示。師有一頌：乾峯舉一不舉二，雲門擡手添意氣，花開花落任風吹，自有馨香滿天地。

舉西天大耳三藏到京，云得他心慧眼。肅宗敕令忠國師試驗。三藏見師，便禮拜立于右邊。師問曰：汝得他心通耶？三藏曰：不敢。師曰：汝道老僧即今在什麼處？三藏曰：和尚是一國之師，何得去西川看競渡？師再問汝道老僧即今在什麼處？三藏曰：和尚是一國之師，何得却在天津橋上看弄胡獽？第三問語亦同。前三藏良久，罔知去處。師叱曰：遮野狐精！他心通在。

什麼處？三藏無對。師却問僧：汝既稱曹溪門下客，必知有此事。汝道老僧即今在什麼處？僧問措師曰：全無主宰。僧曰：三藏第三度為什麼不見國師？師曰：汝今一尚不見，何更問三？若見其一，即三可明。僧曰：此事莫要進修，方可得見。師曰：汝言進修如何？進修試說看。縱饒修得終成敗壞，修與不修轉無交涉。僧曰：若不修得，如今天下有善知識，必知此事。師曰：汝今問我亦無憑據。汝但此去遍參，只消致問和尚，已是真善知識，必具他心慧眼。且道學人即今在什麼處？看他見與不見，如何發遣，便知到與不到。護人自護，一時親見，豈在別人言說。

偈頌

晚參

日入西箭急，光陰能幾久。聚頭權立片時間，不覺垂楊生左肘。前程誰是未歸人，百年家業何因徇。

客問西來意，聊以爲答。

東吳幾度爲閑客，南越曾經作主人。可笑年來今老大，得同塵處且同塵。

讀大藏經

一毫穿衆穴。衆穴一毫收。雲自帝鄉去。水歸江漢流。

讀傳燈錄

九十芳春日。游蜂競採花。香歸蜜房盡。殘葉落誰家。

讀信心銘

縱饒到底。還是涉風波。自古貧堪笑。一身猶恨多。

早秋示衆

火雲欲卷空。圭月漸成魄。窮子歸未歸。相將頭盡白。  
石中有玉人。不知良匠不來。徒爾爲幾度。欲言言不及。  
點隨雲雨去。難追。

自豫章還憩無畏院偶書

舉世競趨人事老。忙中平得日高眠。從容一覺華胥夢。  
瞬息翱翔數百年。

因雪示衆

長空雪彩正霏霏。爲瑞爲祥莫厭伊。爲報途中未歸客。  
普賢門戶啓多時。

送僧遊南嶽

有客騰裝來別我。又攜瓶錫入湘雲。融峯最好音聲。

鳥半夜多應獨自聞。

送胡居士

池上春殘碧草深。獨攜藜杖出雲岑。梧桐葉畔三更月。  
識取風前一片心。

寒月喜丐士迴山

垢衣權挂入塵埃。順逆門高不易開。善應已周千里外。  
滿身風雪喜歸來。

逢劉居士

去年別我龍沙岸。今日逢君楚水濱。相別相逢兩無語。  
落花啼鳥又殘春。

寄楊處士

三峽橋邊話別時。抱琴歸去玉峯西。茫茫六合知音少。  
一曲誰聽鳥夢啼。

水月

水裏分明天上月。應緣隨處不相妨。可憐不見華亭客。  
冷照夜濤空渺茫。

閑齋卽事

庭產芝蘭皆顯瑞。地饒苔蘚盡成錢。自緣一榻無遮。

障贏得長伸兩脚眠

與祥師話別

閑佩毗盧下翠巒。臨歧無語少盤桓。唯餘天上一輪月。萬水千山還共看。

晚春道中

江邊草色和煙碧。巖上雲容帶雪飛。杜宇却能譚實相。聲聲勸道不如歸。

西菴有感二首

溶溶菴畔雲舒卷。朝復暮有時。致雨來欸僦從龍去。試問菴中人。那箇堪爲據。

泠泠菴畔泉。泠澹無滋味。能開鬱結心。能止天下沸。誰知清淺流。會有朝宗意。

送陳濟叔居士

春風習習春日遲。遲遲河梁有客獨。自西歸有書無字。有劍藏輝。不吞鉤餌。混入塵機。有問卽默。擬是還非。行行又指灤山去。只恐人中識者稀。

先師圓寂日

昔人去時是今日。今日依前人不來。人若不來亦不

去。白雲流水空徘徊。執云秤尺平直中。還有曲執云。物理齊種。麻還得粟。可憐馳逐天下人。六六元來三

十六

懷寄楊主簿次公

寥寥風月幾昇沈。孤坐誰人話此心。試把少林無孔笛。閑吹一曲訪知音。

感舊

樓閣門前繡轡。念不須彈指。早開闢。善財一去無消息。門外依前春草青。

月下偶作

今人看此月。古人看此月。不知今古人。誰解觀時節。時節觀來古。到今古今相感。幾人心常愛。南泉老識機宜。故鄉忽憶便歸去。看他已是出山遲。

經南塔

昔年曾悟芭蕉旨。今日空餘薜蘿。舊雙履去時人不見。異花靈草護青青。

答問當生不生

客從遠方來。示我真真壁。曾無雕琢痕。豈藉陶鎔力。

寥寥天地間。只恐無人識。何當誘取窮子歸。令渠暗  
室生光輝。

答關節推彥遠見求語錄

少林壁面時。已是成多口。洛陽人未來。冷坐渾成久。  
無絃更把爲君彈。彈出希聲君自看。不是熏風與流  
水。却隨流水落人間。

聞僧示寂

來時寂寂去無蹤。來去還同一夢中。賴有一株庭際  
柏。寥寥千古笑春風。

晚春將出郡城留別二三道友

長亭煙柳正搖春。杜宇聲聲送曉昏。花落可堪傷謝  
客。草芳何獨怨王孫。忘筌話道時難狎。入俗投機事  
懶言。幸有青山是歸計。褐裾休把曳侯門。

和明長老游灌谿

灌谿谿水碧沈沈。到者誰人測淺深。流古遞今猶劈  
箭。昔灌溪和尚。曾問久。嚮灌溪到來。只見瀉麻池爾。  
只見瀉麻池。且不見灌溪。如何是灌溪。劈箭急。  
逗山穿石若鳴琴。當頭有路寧容足。四面無門豈定  
心。往事欲尋尋不得。黃花翠竹護垂陰。

和酬宣首座山居感懷

時清何苦晦。嚴阿人事還同夜。織梭千古功名閑。戲  
論百年浮世暫。曾經過深沈。器宇終難掩。會合天機已  
絕。毗堪笑。茫茫馳逐者。白珪無玷豈容磨。

怡亭寓目

萬物何芸芸。鸞鷟自有志。若謂各全功。鸞狗翻爲累。  
大冶鑪錘曾未分。馳情謾迷逍遙意。

新從葵花

孤根尙淺發。牛溲澹泊春光一兩枝。不改寸心長向  
日。清香還在上林時。

夏尉西亭看牡丹

列照西亭八九株。暖風和雨不相辜。莫將容易筌歌  
散色在空中見得無。

送黃叔遂

欲話還源已切磋。更存關鍵卽風波。巖前自有甘香  
水。散作春霖不在多。  
得喪由來貴一刀。休將星斗定分毫。鸞鳳未必終爲  
瑞。鸞雀飛鳴價亦高。



豈爲車魚始息機。道存顏巷卽逢時。青山未可長拋擲。迴首春風是後期。

和酬長沙安撫謝通議見招時請主鴻山罷赴來命

曾把魚竿寄客舟。十年垂手釣滄洲。唯將水月爲芳餌。引得金龜誤上鉤。

危樓獨立思依依。望斷湖山舉步遲。老病自慙歸去晚。箇中難學丈夫兒。

答王樞密子淳入道以頌見呈

了了雪裏尋春月中曉。困來欹枕意度深。飢卽飽餐滋味好。勿言欹飽便相於。古今同轍不同途。從來已是無羈束。大丈夫兒捋虎鬚。

和積翠和尚頌寄公晦禪師時公晦同杜使舟行至長沙越岳入

湘江春色晚。星使共舟行。穩泛靈均水。休登賈誼城。片雲歸有嶽。遼鶴去無程。曠望知何極。連天煙草平。

示徒

乾坤無際兩沈沈。休向其間論此心。隱顯任從千種現。夢中形影莫追尋。

和酬張著作居士勸世頌見寄

掃除塵處轉生塵。認得珍時未至珍。好是陽和三月融。融花發不干春。

若能轉物是還丹。信手拈來見洞天。會有長生在方寸。幾人窮極到忘緣。

切忌隨他求富貴。急須明取自家珍。百年此去無多日。莫謂前程別有春。

五千文字唯標指。因指仍觀月在天。月落指忘無別事。醉眠醒坐但隨緣。

答黃惠成居士明道見寄

幾年客路走風塵。今日還爲舊主人。水底月明非是夜。火中蓮拆已乘春。尋窮物理成家計。會合時機見日新。好向驚濤濟舟楫。免教來往滯迷津。

日暮郊行

一日復一日。百年虛出沒。茫茫塵土中。幾箇知窠窟。管愛雲門好風骨。不露機關人不識。杳杳清風去不還。黃梅路漸生荊棘。

和酬林長官明道頌見寄

妄病求真藥。真藥醫妄病。藥病兩俱忘。見境何曾境。  
非即全體非。是即全體是。要識是非心。已在先天地。  
要休卒未休。竟了終無了。心月自孤圓。乾坤都一照。  
有無元不二。有二翻成病。若存不二心。暗却本來鏡。  
愛河風緊浪。花臺惠日輝。時浪自枯不在。張帆駕舟。  
機到頭殊不用功夫。

送余洪範司理

孰云鴻鵠高。自有摩霄翅。孰云鷲雀卑。自有蓬蒿志。  
二物何道遙。飛鳴俱得地。丈夫一見天地心。霧起雲。  
騰亦容易。

答黃叔遂二首

休向江頭苦問津。江頭消息苦爲陳。老盧過嶺無他。  
事。空把衣盂誑後人。

夏雲聳奇峯。寒泉瀉飛練。物自有功箇中無改變。  
君不見風不待月而冷。火不待日而熱。又不見鏡裏。  
形骸空裏花。縱目觀來也奇絕。

送崇諒座主

祝融峯下曾陶冶。碌碌無人辨真假。驚蟄風雲會合。

來恁時信有知音者。

送吳德夫法曹

海門山嶮絕行蹤。蹈斷牢關信已通。自有太平基業。  
在不。論南北與西東。  
水中得火。世還稀。看著令人特地疑。自古不存師弟。  
子。如今却許老胡知。  
本無迷悟有多端。眼裏瞳人不易看。只恐箇中留不。  
住。又爲霖雨落人間。

送張居士

看著桃花春正好。又搖鞭影出巖扉。風前一割難遮。  
掩。已泄靈雲向上機。

答章楚材二首

從來有病方與藥。妄起還因說有真。妄病若忘真藥。  
盡。洞然明白舊時人。  
若存明白翻成病。萬法融通始是真。曲直方圓不相。  
到。擬將何法付何人。

和酬新吳鄒評事見寄

少林一曲信難酬。老病那堪繼馱猷。幸託青山同隱。

豹魄無餘刃。解全牛。百年事業荒來久。千古聲名笑已休。曾有故園風月。在爲君留作社中遊。

退居卽事

不住唐朝寺。閑爲宋地僧。生涯三事稍。故舊一枝藤。乞食隨緣去。逢山任意登。相逢莫相笑。不是嶺南能。菴居感懷

竹筇撐笠薛蘿衣。深入龍峯獨掩扉。自喜林泉甘適性。更因魚鳥共忘機。徒將道業磨今古。休向乾城定是非。奇語誦讀黃老可能攜手共車歸。

送本禪人歸輦下

遊徧叢林道愈光。卷衣歸去與何長。白雲況是無心物。又逐西風入帝鄉。

書局居士壁

見人多不語。掩息過餘生。有尾蓋弗竹。無人知姓名。孤燈林籟寂。寒月石池清。非是懷高節。鯢鵬自有程。顏道人有頌告別走筆爲送

霜風凜凜霜葉飛。飛短長亭上有客。南歸遺文鳥迹。壞衲空衣。危壁千仞。瘦筇一枝。冥鴻勢遠弋者徒疑。

出門萬里誰爲別。寸草不生唯自知。

師每在室中以拳示人曰。若作拳見。卽觸不作拳見。卽背。上座如何見。僧請問師。以此爲答。

黃龍有箇拳頭。不論得皮得髓。分明直下相呈。早是和泥合水。

黃龍有箇拳頭。舉起則無道理。直須打破牢關。總是自家行履。

黃龍有箇拳頭。貴賤任君酬。價近前擬欲商量。翻作時人話。彌

黃龍菴主語錄終

後序

敷陽王韶 撰

敷陽子曰。予嘗勸學者。學聖人之道。皆當求之於文辭章句之外。至於天道陰陽。則又在筭數曆法之外。今得遇

黃龍心師發明至道則所謂聖人性命之理者又在  
生平學習思想之外。噫古人謂佛法皆以心相傳豈  
虛也哉。雖然欲傳其心亦不可得則所謂得者亦未  
嘗得也。學者思之。元豐元年六月二十五日序。





# 死心悟新禪師語錄

「黃龍四家語錄」之三

宋・死心悟新  
撰

黃龍死心新禪師語錄

初住雲巖開堂陞座。僧問：覺花未開，卽不問覺花開處事如何？師豎起拂子云：看。進云：怎麼則一陽交令節，迸出一枝榮？師云：有眼如盲。僧提起坐具云：爭奈這箇何？師云：自領出去。

師乃云：問答縱橫，理歸一貫。問者雷奔電卷，答者玉轉珠迴。言言見諦，句句咸宗。也只是口傳心授，底葛藤。祖師門下，總用不著。何故？祖師門下，圓同大虛，無欠無餘。良由取捨，所以不如。是以真如無動，動用三界之中，至理絕名。名流四天之下，亘古亘今。未嘗間隔。世出世間，念念不絕。念既不絕，如大日輪遍照天下。日昇之時，明遍天下。虛空不曾明，日沒之時，暗遍天下。虛空不曾暗，見今日前不住。晝夜卷舒，明來暗去，暗去明來，又作麼生說箇不明不暗？底道理直饒向這裏說得，個儒分明，猶是半提。未是全提時節，且道作麼生是全提時節？海底火然，連碧袖任佗。午夜大陽輝。

請首座上堂。群木森森，將掄杞梓。衆石落落，實琢瓊瑤。得瓊瑤爲至寶，獲杞梓爲良材。琢之掄之，豈憚勤勞？必須入手，始可慰心。微公首座，禪林秀幹，奈苑奇姿。衆議樂推，請充首座。向會拜請，切見謙辭。今日咨求，幸希重諾。大衆會麼？妙機透徹，立闢香舒。卷隨時號變通。

上堂。扣折拄杖，將什麼登山渡水，拈却鉢盂匙筴，將什麼喫粥喫飯？不如向十字街頭，東卜西卜，忽然卜著，是你諸人有彩？若卜不著，也恁雲巖不得。

上堂。舉陸亘大夫與南泉話。次大夫云：鑒法師道：天地與我同根，萬物與我一體。也甚奇怪。南泉指庭前花召大夫云：時人見此一株花，如夢相似。師云：舉卽易見還難同。根天地又顛，預南泉指出光如夢。對此憑君子細看。

上堂。舉僧問靈樹：如何是和尙家風？靈樹云：千年田八百主。僧云：如何是千年田？八百主。靈樹云：卽當屋舍沒人修。師云：靈樹家破人亡。父南子北。如今有人問雲巖如何？是和尙家風？向伊道：張公喫酒，李公醉。

復云張公喫酒李公醉意旨如何任從滄海變終不爲君通

上堂舉鷲湖示衆云未了底人長時浮逼逼地設使了得底人明得知有去處尙乃浮逼逼地雲門問首座云適來和尙道未了底人浮逼逼地了得底人浮逼逼地意作麼生首座云浮逼逼地雲門云首座在此頭白齒黃作這箇語話首座云上座作麼生雲門云要道卽得見卽便見若不見莫亂道首座云只如堂頭道浮逼逼地又作麼生雲門云頭上著枷脚下著杻首座云恁麼則無佛法也雲門云此是文殊普賢大人境界師云雲門以錐栽樹首座用刀剗空直饒齊用錐刀未免頭上著枷脚下著杻

上堂舉張拙秀才看佛名經問岑和尚百千諸佛但見其名未審居何國土岑云黃鶴樓崔灑題後秀才還曾題也未拙云未曾題岑云無事也好題取一篇師云黃鶴樓前法戰時百千諸佛豈降旗渠無國土居何處留得多才一首詩

上堂舉仰山一日有異僧乘空而來作禮侍立問近

離什麼處僧云早晨離西天山云何大遲生僧云遊山翫水山云神通妙用不無闍梨佛法須還老僧僧云特來東土禮文殊却遇小釋迦遂將出西天貝多葉梵書與仰山仍作禮乘空而去師云大小仰山被這僧熱瞞更出貝多梵書塗糊一上如今忽有異僧乘空而來合作麼生喚來與山僧洗脚

因藏經回上堂舉僧問投子一大藏教中還有奇特事也無投子云有僧云如何是奇特事投子云演出大藏教師云投子只知其一不知其二若人問雲巖大藏教中還有奇特事也無向伊道有如何是奇特事演出大藏教

元正日上堂云山僧住持六年承諸人以道相照既以道相照虛空可盡此道不可盡虛空可量此道不可量虛空可知此道不可知虛空可測此道不可測既不可測作麼生理論不見僧問趙州如何是趙州趙州云東門南門西門北門師云趙州老有一訣四門開路通徹入門來明皎潔出門去莫漏泄道一線爲君說元正日大年節

住翠巖廣化法語

上堂云。空谷傳響。時時聞於未聞。色裏膠青。日日見而無見。見既無見。聞所未聞。喚作無盡藏。三昧門。無盡藏。神通門。無盡藏。智慧門。無盡藏。解脫門。若能如是知見。如是信解。如是修證。如是悟入。我說是人達佛心宗。入佛知見。既是入佛知見。爲是能見見。爲是所見見。若是所見見。且以何爲能。若是能見見。且以何爲所。若作能所二見。俱非佛乘。作麼生是佛乘。是以如來非智巧智者。必以如來爲宗。祖師非妙得妙者。必以祖師爲旨。宗旨既分清濁。自明既明清濁。體用雙全。既全體用得大自在。既得自在。靈鋒寶劍。常露現前。亦能殺人。亦能活人。擬欲進前。喪身失命。擬欲退後。辜負當人。且道不進不退。一句作麼生。良久云。潤松千載鶴來。聚月中丹桂鳳凰樓。

王正言入寺。上堂云。無是無非。正空妙理。忘彼忘此。入不二門。吞蒲早。涉思唯。飲水自知冷。暖將知風幡非動。徒勞魚兔上求。顧影便行。宜曉未行之步。拈花微笑。須知未笑之初。欲逢碧眼胡僧。必悟紅爐消雪。

所以指天指地。上下無礙。亘古亘今。往來不殊。既無揀擇心。亦無生滅法。冰輪印於天上。寶剎現於毛端。明明綠蔭峻嶺。默默喫茶妙旨。了無間隔。自在縱橫。法王轉於脚跟。金剛現於言下。儻加分別。未免輪迴。不見昔日朱轉運。問大陽和尚。甲子多少。大陽云。威音王前。忘却甲子。直至而今。不記年。朱公云。世壽多少。大陽云。六十四。朱云。得恁麼不覺。大陽云。青山淩水師云。大陽食觀。天上月。忘却掌中珠。雖然。如是不因。樵子徑爭到葛洪家。

謝藏主上堂。舉古有一僧在經堂內。經又不看。禪又不參。書亦不學。每日堆堆地打坐。藏主云。何不看經。僧云。不識字。藏主云。何不問人。僧近前低頭問訊。未審是什麼字。藏主便休。師云。這僧閉門家裏坐。喝。天上來。若不是藏主泊被打。破蔡州。

浴佛上堂。豎起拂子云。看看拂子。變作釋迦老子。示現受生。向諸人眉毛眼睫上。放大光明。諸人還見麼。若見則眼聾。若不見眼在什麼處。見與不見。二頭三首。畢竟作麼生。定奪良久云。九龍親吐水。沐浴一全。

上堂云達磨心宗傳至今日涓滴不漏絲髮不移既  
絲髮不移作麼生傳寶印宣風妙重重錦縫開

上堂舉趙州問大慈般若以何爲體慈云般若以何爲體州呵呵大笑出去慈明日見州掃地次乃問般若以何爲體州置掃帚撫掌呵呵大笑慈便歸方丈師云趙州金鏽不辨玉石不分直饒玉石分去也未夢見大慈在

上堂舉僧問大梅如何是祖師西來意。梅云西來無意。僧到鹽官舉前話。官云一箇棺材兩箇死漢。玄沙聞舉云鹽官是作家。雪竇云三箇也得。師云雪竇道三箇也得。爲復是死漢。是活漢。是不死不活漢。具眼者試請甄別。

上堂舉僧問夾山如何是相似句山云荷葉團團  
似鏡菱角尖尖似錐復云會麼僧云不會山云風  
吹柳絮毛毬走雨打梨花蛺蝶飛師云夾山簷前棒  
月未是高明路分岐寧同大轍要會相似句麼白  
鷺沙汀立蘆花相對開

上堂上無片瓦遮頭下無寸土立足。此人有家無家。若有家。因什麼却無片瓦遮頭。若無家。十二時中向什麼處安身立命。妙體本來無處所。通身那更有蹤由。

上堂云。要識翠巖。身身同大地。要識翠巖心。心心同虛空。要識翠巖見。見無所見。要識翠巖聞。聞所未聞。既有見聞。爲什麼却道未聞。若將耳聽。終難會。眼界聞聲。方始知。

上堂云。凡夫非是聖人。聖人非是凡夫。凡夫卽是聖人。聖人卽是凡夫。凡夫而無聖人。非聖人而無凡夫。直得凡聖情盡。須知有轉身一路。若能轉得入水不溺。入火不燒。若轉不得。有寒暑兮。促君壽。有鬼神兮。妬君福。

謝二化士上堂云。水中燒火。特地人疑。山上使帆。會者應稀。二理雙忘。頓入幽微。一瓶一鉢。章江與歸。是也還是。非也還非。白雲綻處。明月光輝。雙放雙收。人不曾滿。山松竹泄天機。

上堂云。參玄上士。須參活句。莫參死句。何也。若向活



句下明得死却天下衲僧若向死句下明得活却天下衲僧且道不落二塗一句作麼生道太湖三萬六千頃月在波心說向誰

再住雲巖語錄

入院上堂久經陣敵憤戰作家正馬單鏘使請相見僧便問桃源洞裏別脩江江上逢不涉二途請師速道 師云三日到此 進云與麼則露滴寒松添意氣月明中夜老猿吟 師云且喜沒交涉 問遠離祐聖近屆雲巖如何是不動尊 師云始隨芳草去又逐落花迴 進云恁麼則得住且住可行則行

師云你又亂走作麼 進云爭奈始隨芳草吟 師云尋言轉更賒 師乃云隱顯宗風孰辨真去來猶似涉前因須知白首歸家者非是今人與昔人既非今人又非昔人且道是什麼人良久云陋巷不騎金色馬迴來却著破襦衫

上堂云若論此事如人家養三箇兒相似第一兒聰明智慧孝養父母接待往來主張家業第二兒凶頑狡猾貪淫嗜酒倒街臥巷破壞家業第三兒盲聾瘡

非一作非

是一作是

若一作若

瘡疥夢不分事事無能只會喫飯三兒中雲巖要選一人用且道選那箇爲復選聰明智慧底選凶頑狡猾底選盲聾瘡底於此選得始入雲巖門未見雲巖在要見雲巖麼春雨無高下花枝自短長

上堂云若言其是天下衲僧非不得若言其非天下衲僧是不得何故點鐵化爲金卽易觀人除却是非難

上堂云地水火風四緣和合假名爲身四緣壞散地還地水還水火還火風還風四大各還身在什麼處良久云山花開似錦澗水湛如藍

上堂舉僧問雲門樹凋葉落時如何門云體露金風師云大小雲門境上縛殺雲巖卽不然樹凋落葉時如何珊瑚枝枝若月

上堂舉僧問投子牛頭未見四祖時如何子云與人爲師僧云見後如何子云不與人爲師師云投子只解閉門作活未能垂手利人雲巖則不然牛頭未見四祖時如何紫氣氤氳見後如何與天下人作榜樣上堂舉僧問長沙岑和尚如何是沙門眼岑云長長

出不得。又云成佛成祖出不得。六道輪迴出不得。僧云未審出箇什麼。不得。答云。晝見日夜見星。僧云不會。岑云。妙高山色青。又青。師云。這僧將蚊子足擬窮滄溟底。用蜘蛛絲欲繫妙高山。六道轉迴出不得。卽且置成佛成祖爲什麼。出不得。青山只解磨今古流水。何曾洗是非。

上堂。舉李軍容訪瀉山。山泥壁次。軍容遂於背後端簡而立。山轉頭以泥盤作取泥勢。軍容以簡作進泥勢。山放下泥盤。便歸方丈。巖頭問云。噫。佛法淡薄。大小瀉山泥壁也不了。師云。巖頭恁麼錯判名言。殊不知瀉山軍容弄巧成拙。

### 遷住黃龍語錄

入院上堂。僧問。別雲巖法席坐黃龍道場。如何是不動尊。師云。十里行松色。千峯聽雨聲。僧云。這箇猶是動底。如何是不動底。師云。只解瞻前不能顧後。僧云。若然者。龍向洞中啼雨。出鳳從花裏帶香歸。師云。何不早恁麼道。僧云。洞深雲出晚。澗曲水來遲。師云。不妨解說道理。

師乃云。龍峯絕頂也。須親到。及乎親到頂上。無人既是無人。阿誰親到。畢鉢巖前。休話會曹溪路上好商量。

上堂云。知有底人。如石含玉。不知有底人。似一塊頑石。知有不知有底人。玉石不分。此語具三玄三要。四句料揀。五位君臣。乃至百千妙義。無量法門。總不出此語。且道此語從什麼處出。良久云。珠沉赤水。光仍在玉蘊荆山。價轉高。

上堂。舉仰山。凡遇參須入堂。不審聖僧。一日有僧把住云。和尚見了。不審不見了。不審山云。我到這裏也疑著。師云。仰山自疾不能救。焉能救他疾。正當恁麼時。還有不疑著者麼。

解夏上堂。僧問。承師有言。老僧今夏向黃龍潭。內下三百六十箇釣筒。未曾遇著箇錦鱗紅尾。爲復是釣頭不妙。爲復是香餌難尋。師云。雨過竹風清。雲開山嶽露。僧云。與麼則已得真人好消息。人間天上更無疑。師云。是釣頭不妙。是香餌難尋。僧云。出身猶可易。脫體道應難。師云。亂統禪和。如麻似栗。

僧云老和尚慣得其便禮拜 師乃微笑

師乃豎起拂子云看看拂子結盡乾坤大地有情無情一時結拂子解盡大地乾坤有情無情一時解直得如是更須向萬里無寸草處去且道作麼生是萬里無寸草處良久云青山忽憶便歸去浮世要看還下來

上堂舉僧問石霜如何是和尙深深處石霜云無鬚鑷子兩頭搖師云石霜老禿不識好惡鑷既無鬚即無兩頭既無兩頭搖箇什麼良久云青山無適莫白雲任卷舒

上堂舉新羅僧問雲居是什麼得恁麼難道雲居云有什麼難道僧云便請和尙道雲居云新羅新羅師云雲居要見新羅僧猶隔海在

上堂驚倚雪巢同中有異鳥投白牯異中有同異中有同穿過諸人觸骸同中有異換却諸人眼睛且道不落同異一句作麼生道良久云易分雪裏粉難辨墨中煤

上堂豎起拂子云看看扶起推倒總由這裏扶起也

有一作醉

泊一作薄

森羅萬象色相宛然推倒也葉落歸根雲籠碧嶂且道扶起是推倒是想君不是金牙作爭解彎弓射蔚遲

上堂參玄上士須參活句直得萬仞崖前騰身撲不碎始是活句若不如是盡是意根下紐担將來他時異日涅槃堂內手脚忙亂莫言不道便下座

小參僧問如何是奪人不奪境 師云死中有活

僧云如何是奪境不奪人 師云活中有死 僧云

如何是人境兩俱奪 師云死中恒死 僧云如何

是人境俱不奪 師云活中恒活

師云夫小參者謂之家教何謂家教譬如人家有三箇五箇兒子大底今日幹甚事小底今日幹甚事是與不是晚間歸來父母一一處斷叢林中亦復如是院門中今日有甚事是與不是住持人當一一處斷觀今之時節叢林淡泊人根狹劣不可說也有一般破落戶長老馳書達信這邊討院住那邊討院住纔討得箇院子便揀日入院又道我是長老方丈裏自在受快活這般底喚作地獄滓如今叢林中若論參

禪固是難得其人。我看你這一隊漢在這裏心憤憤口悻悻。道我會禪。會道入方丈裏。越口悻悻。一兩轉語便行。不是這箇道理。又有一般。真影影響。認得箇頭空。便道只是這箇事。又有一般。道見虛空裏光影。又有一般。道無有不是者。錯了也。救不得了也。這般底。只宜色身安樂。莫教一頓病打在延壽堂內。如落湯螃蟹。手忙脚亂。見神見鬼。這邊討巫師。那邊討醫博。卜凶卜吉。問好問惡。你不見我佛如來。爲三界醫王。四生慈父。醫一切衆生心病。只爲你不信自心。向外馳求。被邪魔纏。入你心裏。做得許多見解。要識你自心麼。如太陽當晝。天下皆明。那裏更有暗處。若到這般田地。亦無吉凶。□□象亦無是非好惡。便能向是非頭上坐。是非頭上臥。乃至姪妨酒肆虎穴。魔宮盡是常人安身立命之處。只爲你無量劫來業識濃厚。心中趨趨欲欲。繇繇繇。信之不及。便被世間情愛纏縛。便得七顛八倒。江南人護江南人。廣南人護廣南人。淮南人護淮南人。向北人護向北人。湖南人護湖南人。福建人護福建人。川僧護川僧。浙僧

一作置

與一作歷又作公

漢一作歷

護浙僧道我鄉人住院。我去贊佐他。一朝有箇不用全翻作。是非到處說苦哉。苦哉。恁麼行脚。拖彩殺人。鈍致殺人。若是箇漢。一劃劃斷。多少自由自在。若也劃不斷。處處被愛之所縛。愛色被色縛。愛院被院縛。愛名被名縛。愛利被利縛。愛身被身縛。你何不退步思量。你這臭皮袋子。有什麼好處。當時只爲你有一念愛心。便入母胎中。受父精母血。交構成一塊膿團。母喫熱時。便受鑊湯。地獄。母喫冷時。便受寒冰。地獄。乃至撞從母胎裏出來。受寒受熱。受飢受飽。受病受苦。煎煎逼逼。直至今日。只爲你不能返觀。便有許多是非生滅。我生你死。我死你生。生生死死。死死生。隨業受報。無有休息。近來又有一般奴狗。受雇得錢。買得度牒。剃下狗頭。披佛袈裟。奴郎不辨菽麥。不分入吾法中。破壞吾法。一向裝裹箇渾身。搥腰捺跨。胡揮亂耍。要做大漢。大漢不恁麼做。要做大漢。麼須是退步。莫面前背後。奴唇婢舌。嫌好道惡。說這裏飲食濃厚。那裏寮舍穩便。不消得如此。諸上座人。身難得佛法難聞。此身不向今生度。更向何生度。此身你諸

人要參禪麼。須是放下。著放下。箇什麼。放下箇四大五蘊。放下無量劫來許多業識。向自己腳根下推窮看。是什麼道理。推來推去。忽然心華發明。照十方刹。可謂得之於心。應之於手。便能變大地作黃金。攪長河爲酥酪。豈不暢快平生。莫只管策子上念言。念諸討禪。討道。禪道不在策子上。縱饒念得一大藏教。諸子百家。也只是閑言語。臨死之時。總用不著。古人悟了。方求明師。擇擇去。其砂石純一。真實秤斤定兩。恰似人開雜貨鋪。相似無種不有。來買甘草。草便將甘草與他來買黃連。便將黃連與他。不可買黃連。却將甘草與他。又似你有一塊金。將入紅爐裏鍛鍊。鍊來鍊去。鍊得熟也。方上鉗鎚。打作瓶盤。釵釧。瓶重幾兩。盤重幾兩。一一分明。然後却將此瓶盤釵釧。鎔成一金。喚作一味平等法門。若不如。此盡是箇個真如。顛頂佛性。你還會麼。你還信麼。山僧適來答者。僧四轉語。死中有活。活中有死。死中恒活。活中恒死。將此四轉語。驗了天下諸僧。且道天下諸僧。將什麼驗黃龍。良久云。大體還他肌骨。好不搽紅粉也。風流。

小參僧問。如何是黃龍源。師云。深深無底。僧云。莫只這深深無底。便是也無。師云。白浪滔天。僧云。忽遇擎雲。騰浪底。來又作麼生。師云。老僧只管看。問如何是黃龍接人句。師云。開口愛罵人。僧云。罵底是接人句。驗人一句作麼生。師云。但識取罵人。問如何是黃龍領下珠。師云。耀古騰今。問滴水滴凍。卽不問如何是紅爐上一點雪。師云。上座悟也未。僧云。學人未悟。師云。草賊大敗。僧便禮拜。師乃云。深深無底。渺漭無涯。白浪滔天。如何辨其水脉。識得水脉。卽識其源。未識其源。且與諸人語。箇無義語。只這無義語。諸人作麼生會。莫是長老愛罵人。是無義語麼。莫是說世間是非長短。是無義語麼。不是這箇道理。我看著你這一隊漢。也好愁人等閑地。趨起來。十箇有九箇莽鹵。只是念得些子閑言長語。來相鬪。撈著又去不得。如今有一般長老。愛把言語教人。恰似三家村裏傳口令相似。錯了也。喚作誇大般若。誠難懺悔。你何不摸索你肚皮裏看。忽然病在。



床上臨死之時。喉嚨裏氣接上。接下四大又動不得。口裏又說不得。平生學得底言語。到這裏總用不著。我看你這一隊漢。沒一箇將做事。初到時。箇箇道我爲生死事大。及乎出却方丈門。到處裏只是打齋。箇什麼痴漢。有箇死在頭上。作麼生免得。閻老子又不是你爺。你何不自家救取。不見古人道。衣裳得恁易破。道不能成。喚作忘身爲法。你何不看他。我這裏亦無禪道。與你。只要你自家直下悟去。你若未悟。且默默。他參取箇露柱。你若參得露柱。徹便見新長老。參得猶兒。狗子徹亦見親長老。更若不。會新長老。不惜口業。與你說箇。噲。噲。似什麼。噲。似箇月初生時。只有些子。初二初三。漸漸光明。到十五夜圓明。瑩淨無處不照。又至十六十七。漸漸消殞。至二十九三十夜。消得盡也。却到初一。依前月又生。如你諸人有箇迷。須得箇悟。既得悟了。須識悟中迷。迷中悟。迷悟雙忘。却從無悟處。建立一切法。明辨一切法。一是一。二是二。三是三。四是四。是青是黃。是赤是白。喚作具擇法眼。方能入世間法。出世間法。世出世間。便能混同。

衆生衆生。與佛本來是一。一爲無量。無量爲一。一聲變一切聲。一切聲歸一聲。一聲寂處。撒手便行。可謂大丈夫漢。到這裏三世諸佛。是什麼。乾屎橛。一大藏教。是什麼。拭不淨故紙。諸大祖師。天下老和尚。是什麼。屎床鬼子。只爲你衆生業來時。又怕來去時。又怕去夢裏見財。見色。便愛黑地裏。突出箇人。便疑病在什麼處。只爲你打撲根塵不淨。所以動著便疑。直須教他成一片去。方有少分相應。你若未能如是。且去僧堂裏打辨精神。坐十年二十年。若不會禪。將刀來斫取新長老頭去。雖然如是。你若更坐二十年。新長老死了。也新長老既死。又向什麼處。斫若斫不。若是你根性遲鈍。且向人天路上。修取五戒十善。三生五生。莫教失却人身。纔出頭來。便較省力。癡漢一百年。只在一剎那間。剎那悟去。作箇無事道人。不見五通仙人。問世尊佛。有六通。我有五通。如何是那一通。世尊召云。五通仙人。仙人應喏。世尊云。那一通。你問我。師云。世尊具一切智。那一通不覺。遭他毒手。珍重。小參示衆云。東邊蠟燭得恁麼明。西邊蠟燭得恁麼。

暗莫有不涉明暗者麼。試出來道看。有麼。有麼。如無。黃龍長老七顛八倒去也。寒食一年春禪人竟不聞。桃花千萬樹。那樹見靈雲。要見靈雲麼。莫向枝頭尋。莫向花上覓。但頓悟本心。自然成現。如今參禪人多。爲不識本心。只以聰明強慧。便當已能。忽然被人推出。做長老。便向曲木床上。胡言漢語。問禪答禪。問道答道。問佛答佛。問祖答祖。逐句地解。將去。這箇是向上。那箇是向下。這箇是道眼。那箇是透聲色。今日會一。則明日會一。則築向皮袋裏。有什麼休時。有底又道。見山但喚作山。見水但喚作水。一切處平實去。凡有問答。但據實祇對。苦哉苦哉。怎麼說話。總是野狐見解。非唯埋沒自己。抑亦辜負先聖。只如達磨西來。不立文字。直指人心。見性成佛。又豈是傳你言說。覓你聰明。只要你達自本心。見自本性。永脫死生。歸家穩坐。若得到家。須知家裏事。既知家裏事。於一切處鍊教成熟。似一頭露地白牛。去然後觸著。便發方有自由。自在。分不見教中道。有一商人入海採寶。遇一船師。引至一銀所。商人欲採船師云。此未爲至寶。又

至金所。商人欲採船師云。此未爲至寶。又至琉璃衆寶所。商人欲採船師云。此未爲至寶。又至摩尼寶所。乃見龍蛇擁護。措手無門。到這裏可謂佛眼不能窺。鬼神莫能測。雖然如是。更須知有轉身一路。始得若也。轉得於一切處。自然迥迥地。不用安排。不著計較。信手拈來。一一中的。便能隨處出生。隨處滅盡。在天同天。在人同人。在畜生同畜生。在餓鬼同餓鬼。所以一處通。千處萬處。悉皆同。譬如一滴雨。天下皆雨。一花開。天下皆春。如今禪和家。多只是認得飯是米。做忽然拈却飯。把一片糖糕來。亦只喚作飯。是故執之失度。必入邪路。若是大丈夫。漢直教徹去。莫只半青半黃地。他時異日。也道見新長老來。我且問你。新長老。是什麼面孔。莫是箇缺面黑底便是麼。你若怎麼驢年也未夢見。新長老腳跟在諸人直須努力。於一切時中。教伊無蹤跡去。然後却隨緣放曠。任性逍遙。見色見空。靈通自在。不見南禪師道心。王不妄動。六國一時通。罷拈三尺。銀休弄一張弓。只如三尺。銀作麼生說。箇罷拈底道理。會麼。各各歸堂歇去。

偈頌

送禪人作丐

一二三四五。四三二一。千門萬戶。開。勸破維摩詰。

退翠巖二首

欲識本來道。勸君不用討。金烏海上生。玉兔沉荒草。沉荒草。休懊惱。困來一覺。和衣倒。

潭水清。虛得自由。滄溟深處。倒騎牛。龍王忽怒。波濤動。無限漁人。到此休。

頌魯祖

魯祖垂慈。不用功。逢僧面壁。顯家風。若遇上垂同道者。請換此句。

死心室

死心。心死死。死全心。死得全心。一室深。密把。爲。爲。閑。繡。出。從。他人。競。覓。金。針。

送禪人持鉢

融融春景。絕纖埃。五葉臘。芳七葉。開。子。內。子。生。枝。上。菓。一。花。一。葉。一。如。來。

送靈源

此別無別。無別此別。靈源。靈源。虎空狹。劣龍峯。頂上。休更饒舌。

和靈源睡歌

大道本來無。向背罵佛罵人。無忌諱。涅槃城裏。現威。導名利場中。且瞌睡。且瞌睡。絕見知。大唐國內。沒禪。師。莫恠相逢。不相識。本是金毛師子。兒。錯刀。叢裏。藏。身。處。虎穴。魔宮。入定。時。入定。時。良有以。吾曹。本。是。何。宗旨。南北東西。自本心。本心已死。從何起。假饒。互換。現千差。也是從來自家底。自家底。不曾失。亘古亘今。休更詰。任他百恠。出頭來。寂然一照明。如日。識此靈。源。睡。歌。混入塵中。體堅密。

快活歌

心無心。而物物。明物有心。而心不堪。不堪心中。汚心。田。心。田。皎皎。沒人參。沒人參。東作南。青青。妙色。出於。藍。見。即便見。見取好。不見。莫怨。老。瞿。曇。

寄靈源

逆耳。忠言。世裏。瞋。順流。清峻。却迷津。年來。慵懶。長。緘。口。不。似。當時。愛。罵。人。

禪人寫真求贊二首

齒缺面黑廣南正賊空腹高心不識文墨  
面黑不是番僧齒缺亦非達磨性急只愛罵人看你  
自招口過

與空室道人

空空室室空空不空空處處真空混同塵世非塵  
世只在塵中塵不同

師任雲巖日通判段公以頌呈師

一切法不生如何有心死乞巧不拈針猶似較些子

師以偈答

只爲法不生是故心長死徹底絕絲毫卽是真夫子

因先上人南還

旅館雲遊經幾霜此心歸日愛南陽無端却度庾峯  
嶺入到曹溪是故鄉

和衡典座無一庵

一庵茆草結萬象入吾庵劫壞終無壞松風演妙談

師臨顧寂以偈寄師川大夫

心心道道道明斯旨端坐到不到多計較非計

較合本道

禪人以出定偈相請師贊

七百年定誑惑衆生一念超越天下橫行

和方侍者頌曹山雪中因緣

滿山風雪色凝然鳥道立玄沒二邊鳳翅歛時全叶  
正龍珠耀處却還偏通途辨的誰云妙雙鎖金針理  
未玄若謂孤峯曾不墮依前流落未生前

與方侍者二首

念念向本家本家卽心也念念行吾道吾道卽性也

吾心性無二佛祖更無也

吾今六十七歲汝侍吾十四夏既能徹自心源一味

更無真假他年人問如何將此語傳天下

啓明軒

發明至道眼裏生花以悟無悟是法王家

迴光軒

東西不顧南北何依水天相照萬象涵輝

贊六祖

六祖當年不丈夫倩人書壁自塗糊明明有偈言無

物却愛他家一鉢盂

師臨歸寂小參示衆

說時七顛人倒。默時落二落三。爲報五湖高士。心王自在休參。

黃龍死心新禪語錄終








# 超宗慧方禪師語錄

「黃龍四家語錄」之四

宋・超宗慧方  
撰



禾山超宗方禪師語錄

師初住隆慶開堂拈香祝

聖壽罷次拈香云此一瓣香奉爲前住黃龍山第十二代新禪師蔡向爐中與天下衲僧振聾聵孔落跌坐上黃白槌云法筵龍象衆當觀第一義師顧視大衆云一炷沉檀妙入神禪河北望已通津遙稱日下如山壽願效華封祝聖人衆中莫有遞相唱和者麼時有僧出問如來四十九年說不盡底法今日請和尚道 師云割 僧云達磨九年不了底公案今日望師拈出 師云萬里神光頂後相 僧云只如古人關中求靜靜中求關未審他在關處爲人靜處爲人 師云截斷兩頭歸家穩坐 僧云怎麼則龍山明得祖師禪處今朝法已傳 師云法本無傳你又作麼生傳 僧云昔日山頭親得旨今朝拈出四方知 師云重言不當吃 師乃云若論第一義諦未白槌已前早是堂堂顯露了也何故況諸佛妙道清淨本然量包太虛一切情

與無情色空明暗同一體性既同一體性爲什麼所受形軀各各不同良由一念瞥起情塵與眼耳等六塵緣影妄生執著忽然一念回光豁開心眼便見十方虛空現前大衆或現宰官身或現比丘相皆是一期應現譬如一等精金造作不同其金性本一也直饒於此見得個儻分明猶未有超越毗盧越釋迦底手段不見昔日靈山會上世尊於百萬人衆前拈起一枝花普示大衆會中唯有迦葉微笑世尊乃云吾有正法眼藏涅槃妙心實相無相分付摩訶大迦葉教外別傳直指人心見性成佛這箇因緣衆中商量極多或云迦葉早是落第二頭了也或云人人盡見只是不肯承當或云何不向未拈花已前會取如此見解皆是意根扭捏強生下度總未知端的若也知得端的皇恩佛恩一時報足其或未然今日向人天大衆前一時分付迺豎起拂子云看看且道與靈山相去多少良久云徹底已超三際妙論心全報一人恩上堂云光陰瞥爾纔改且又是八日參禪之士直須如救頭燃莫待一朝眼光落地悔之不及却來不隔

陰速疾是二十年。所以二乘人。不了一切法。證一空理。乃成斷滅。菩薩人。證一空理。了一切法。乃不成斷滅。是知一切。非有諸法。現前不見。僧問天彭和尚。如何是佛。天彭云。親切不離家。寂寞不當戶。師云。天彭與麼說話。終成滲漏。且道三種滲漏。中墮在那種滲漏。要會麼。無身有事。超岐路。無事無身。落始終。

上堂。舉興化和尚。一日見克賓。維那乃云。不久爲唱導之師。克賓云。不入這保社。興化云。汝是會了。不入不會了。不入克賓云。料掉勿交涉。興化云。克賓。維那法戰不勝。罰錢五貫。設饋飯。次日齋時。自白槌云。克賓。維那法戰不勝。罰錢五貫。設饋飯。一堂兼不得喫飯。出院後來法嗣。興化師云。克賓。維那直是壁立千仞。雖解與麼去。要且未善。物機興化老人。不唯順風使帆。亦能逆風把柁。且道是法戰不勝。爲什麼承嗣興化。這裏有一句語。能物我互換。還有人道得麼。如無。今日不免略通一線。誰知九月九。初八是重陽。謝化主上堂。舉世尊一日。令阿難持鉢。阿難應諾。便行。世尊云。汝既持鉢。須依過去七佛儀式。阿難乃問。

勸興齋同

如何是過去七佛儀式。世尊召阿難。阿難應諾。世尊云。持鉢去。師云。阿難只解與麼去。不解與麼來。隆慶化士。既解與麼去。亦解與麼來。然雖如是。且道作麼生。是七佛儀式。要會麼。丈夫自有衝天志。不向如來行處行。

上堂。云。圓伊三點。未輕酬。句句無私。即便休。點的鋒銚。徒擬議。明明端的不當頭。放行也。七蹤八橫。把住也。水泄不通。中有一著。不墮兩頭。直饒與麼。猶是依稀。畫樣看孔。著楔此人。十二時中。常有一物。隱在背。中皆是生死岸頭事。若要透過半關。須是腦後拔楔。上堂。云。諸人。每日或堂中靜坐。或街市持鉢。靜處靜處。看開處開處。看當知此事。於一切處。曾無間斷。不見雪峯和尚。示衆云。盡大地撮來。如粟米粒大。拋向面前。漆桶不會打。鼓。曾請看師云。隆慶亦不用打鼓。但祇怎麼看。設使看而未徹。亦乃勸習。種種忽若看得徹去。始知隆慶老婆心切。雖然如是。三十年後。不得辜負山僧。

上堂。舉臺山路上。有一婆。凡有僧問。臺山路向什麼。

處去婆云。驚直去。僧纔行三五步。婆云。好箇師僧。又  
恁麼去。後有僧舉似趙州。趙州云。待我去爲勸過這  
婆子。明日便去。亦如是問。婆亦如是對。趙州歸。謂衆  
曰。臺山婆子。我爲勸破了也。師云。一人從苗辨地。一  
人臨崖不悚。諸人要識趙州麼。良久云。開市裏虎。  
立春日上堂云。律管吹灰。是此辰。應當識取看牛人。  
心田耕徧無餘地。須信靈苗不犯春。是以春生秋落。  
眼病生花。不落推遷。靈機獨露。四時不能易。萬變不  
能遷。任是鐵額銅睛。誰敢當頭覷著。然雖如是。猶是  
正令全提。只如應時納祐。一句又作麼生。良久云。但  
得泥牛耕壠畝。何須蒼壁佩腰間。

上堂云。先用後照。要驗作家。先照後用。不存影迹。照  
用同時。壁立千仞。照用不同。時根塵可鑑。古人以此  
四轉語。驗天下衲僧。若非具真正眼。目親切悟明者。  
此難湊泊。今日爲諸人分明拈出了也。還委悉麼。若  
委悉去。可謂不動絲毫。頓超覺地。其或未然。切須子  
細。所以古人爲一轉因緣。直得寢食不安。今之兄弟  
見似等閑。諸人趁身安力健。快須薦取。莫待一朝眼

光落地。當與麼時。莫言墮處。長老不道。

上堂舉松山一日。與龐居士坐。次松山拈起尺子。問  
居士。還見麼。士云。見。山云。見箇什麼。士云。松山。山云。  
不得道。著。士云。爭得不道。山遂拋下尺子。士云。有頭。  
無尾。得人憎。山云。不是。這老漢也。道不及。士云。不及  
什麼處。山云。有頭無尾處。士云。強中得弱。即得。弱中  
得強。即無。山乃把住士云。就中這老漢無話會處。師  
云。龐居士平生辯。不可遏。若不是松山。泊合只向第  
二機中打倒。

上堂舉盤山云。光境俱忘。復是何物。洞山云。光境未  
忘。復是何物。師云。山河大地。燈籠露柱。廚庫三門。皆  
是光境。作麼生是真實。諸人輪轉三界者。蓋爲不了  
目前法。從生至死。無有了期。快須薦取。莫待雪鬢銀  
髭。臨渴掘井。悔將不及。

上堂舉臨濟。一日托鉢至長者家。云。家常添鉢。有婆  
至。門云。太無厭生。臨濟云。飯也未。曾夢見說什麼。太  
無厭生。婆遂掩却門。師云。人人皆謂臨濟落在這婆  
陷。果然不是。苦辛人不知。殊不知掩却門處。珍寶已



門庭問

堂經當

使疑便

通字疑衍

露敢門諸人。既是掩却門珍寶。在什麼處。良久云。拶五百羅漢會堂。晚上堂云。今日許多喧鬧。向什麼處去。各各諦觀。一切諸法。悉皆如是。所以古人方便。爲人處極多。只知道當風不當印。使須觸處全該。當印不當風。爭奈已彰文彩。通途辨的要須不犯鋒。鈍叶路通宗。直是逆摧諸見。不見昔日。纔見會上五百比丘。得因禪定。獲宿命通。通各各自見過去。捨身受身。殺父害母。殺阿羅漢。出佛身血。種種重罪。却生怕怖。於是文殊仗劍持逼。瞿曇瞿曇云。住住勿應作逆。勿得害吾。吾必被害。爲善被害。文殊師利。一切諸法。從本已來。無有我人。內心見有我人。內心起時。我必被害。卽名爲害。是時五百比丘。各各自悟本心。同聲讚嘆云。文殊大智士。深達法源底。自手執利劍。持逼如來身。如釵佛亦爾。一相無有二。無相無所生。是中云。何殺師云。文殊老漢。可謂拔楔。抽釘直饒五百比丘。齊悟去也。是同坑無異土參。

上堂舉僧問大龍。色身敗壞。如何是清淨法身。龍云。山花開似錦。澗水滿如藍。師云。這僧只有照壁月。更

無吹葉風。若不是大龍全機。幾乎話作兩撇參。

上堂舉曹山和尚云。作水牯牛。是隨類墮師。著語云。在類何管。與類齊。二不受食。是尊貴墮師。著語云。認著則不堪。三不斷聲色。是隨處墮師。著語云。直須透過。觸體前此三則。語爲入道之捷徑。要須見處分明。路頭不錯。直饒於此。見得個儻分明。亦只是畫圖淺之與深。直須親到一回。始得作麼生。得親到去。良久云。不墮功勳。窮見見。迥超影響。徹心心。

結夏小參。舉天平從。潞和尙到西院。居常自言。莫道會佛法。今時竟箇學話人也。無西院。知一日遊見。乃召云。從潞潞。舉頭西院云。錯。潞行三兩步。西院又云。錯。從潞却近前院云。適來這兩錯。是西院。錯是上座。錯。潞云。是從潞。錯院云。錯。錯潞休去。院云。且在這裏過夏。待共上座商量。這兩錯。潞其時便行。住院後謂衆云。我當初行脚時。被業風吹到。思明長老處。被他連下兩錯。更留我過夏。共我商量。我不道。與麼時錯。發足南方。早知是錯了也。後首山云。據天平作與麼會解。未夢見西院在何故。話在師云。從潞一期遲俊。

合會一作解

爭奈落在西院。數中殊不知。西院有抽釘拔楔底手。  
段然。雖如是苦瓠連根苦。甜瓜徹蒂甜。

### 遷住禾山語錄

入院陞座云。要會入門句。未語先分付。直下苦精神。  
不必通回互。衆中莫有精明者麼。試出來道看。問者不達  
師乃云。達奚已前真機獨露。澄源至此。祖令重興。四  
問何勞打鼓。一味只要坐禪。不勞摘葉尋枝。直下超  
佛越祖。豈是借功明位。都緣叶妙通宗。若要洞明三  
玄。看取最初一句。乃以拂子畫一圖相云。看。

休一作外

上堂舉達磨謂二祖曰。汝但外息諸緣。內心無喘。心  
如牆壁。可以入道。二祖說心說性種種道理。悉皆不  
契。一日忽然大悟。謂達磨曰。此去可休息諸緣也。達  
磨曰。莫落斷滅否。祖曰。無達磨云子作麼生。祖云了  
了常知。言之不及。達磨云。此是諸佛所傳。更勿疑也。  
師云。既是心如牆壁爲什麼了了常知。若此見得可。  
謂終日喫飯未嘗咬破一粒米。直得十方虛空悉皆  
消殞。其或未然。業識忙忙流轉三途。未有了日。參  
上堂回首光陰若轉蓬。看看九夏又將終。快須悟取。

師一作後下

玄中句。莫逐情塵枉用功。作麼生是玄中句。要會麼。  
第一玄。深沉直照威音前。第二玄。雖然問答絕言盡。  
第三玄。隨機一句本無偏。所以古人云。每一句語須  
具三玄三。要若不具三玄三。要皆爲流俗阿師。此三  
句語。驗參學人眼目。有悟明者。於此亦驗得有超出  
三界者。於此亦驗得快須薦取。莫待一朝病苦纏綿。  
前路忙忙悔之不及。下座。

上堂舉僧問昔日禾山和尚。如何是道。山云。耕人田  
不歸僧云。如何是道。中人山云。禾熟不臨場。後首山  
出此二語云。耕人田不歸。意旨如何。山云。大動不豎  
實。如何是禾熟不臨場。首山云。任從風雨爛。師云。禾  
山老漢可謂體妙入玄。金針雙鎖。首山和尚雖然據  
令而行。爭奈言言合轍。然雖與麼。也是鼓山道底。  
小參舉南院示衆云。諸方只具啐啄同時眼。且不具  
啐啄同時用。時有僧便出問。作麼生是啐啄同時用。  
院云。作家不啐啄。啐啄同時失。僧云。由來是學人問。  
處在院云。你向問處作麼生。僧云。失院便打。師云。抽  
釘拔楔。還他南院手段。始得。當時若不是這僧也大。

難承當珍重

案一作地

上堂舉仰山和尚一日坐禪次有僧潛來身畔立仰山開眼見乃於地上劃一圓相於下書水字顧視旁僧僧無對師云這僧向萬仞洪崖頭弄險仰山老漢名傳四海爲什麼與人重下註脚參

金剛經疏

上堂云直得觸目無滯達得名身句身山河大地是名名亦不可得喚作三昧性海俱備猶是無風匝匝之波更須知有照用臨時向上一竅在師乃舉起拂子云看看喚作拂子觸目有滯不喚作拂子亦乃觸目有滯直饒總不與麼去猶是無風匝匝之波若要透過牢關須更頂門具眼作麼是諸人頂門上眼良久云無照用中成照用有功動處絕功動

上堂舉華嚴休靜禪師在洛浦作維那一日白禪云白大衆上間般柴下間鋤地首座云聖僧作箇什麼維那云當堂不止坐不赴兩頭樓師云首座只解與麼來爭奈維那能隔個子細檢點將來猶是影身句諸人還要此話圓麼良久云恰

上堂舉玄沙示衆云不見一法是大過患鏡清指露

朱廷米

柱云莫是不見這箇麼玄沙云浙中清水白朱還你喫若是佛法未夢見在師云總謂玄沙靈機在掌縱奪可觀若作如是見解參學眼目在什麼處殊不知鏡清是箇白拈賊然雖與麼爭奈明眼人難護

上堂舉吉州黃祖和尚示衆云第一句祖師不知有第二句堪與祖佛爲師第三句稱提祖佛師云有一句語無你摸摸處有一句語把定諸僧命脉有一句語歷歷分明此三句語直饒揀辨得猶是佛學未有悟入處諸人要悟麼以拂子擊禪床下座

上堂以拂子擊禪床一下云舉不顧即差互擬思量何劫悟若見與麼舉不顧若不見與麼舉亦是學不顧到這裏直須敲唱全超乃能上報國恩其或未然不免向須彌頂上擲金針去也良久云還會麼只知月色靜中見誰解泉聲深處聞

上堂舉黃蘗運禪師在百丈開田百丈云運闢梨開田不易蘗云隨衆僧作務百丈云有煩道用鑿云爭敢辭勞百丈云開得多少田蘗以鋤築地三下百丈便喝鑿掩耳而去師云百丈正令風行草偃黃蘗開

田水到渠成。雖然與麼。且道以鋤築地處。又作麼生。還會麼。不是苦辛人不知。

發化士上堂。舉羅山因發化士臨岐。乃設問。汝前面見太傅。忽問大師十二時中。將何示徒。作麼生。道化士無對。羅山云。但道騎虎頭。收虎尾。一句下。明宗旨。又代進語云。此猶是菩薩有言教。菩薩無言教。作麼生。化士又無對。羅山又云。敵露鋒。機如同電。拂師云。叢林中商量盡。謂化士無語。殊不知。宛有陷虎之機。羅山恨不兩手分付。爭奈從門入者。不是家珍。諸人要識家珍麼。良久云。後五日看取。

上堂。舉玄沙和尚問僧。面前是什麼。僧云。虎玄沙云。是汝。你何故喚作虎。師云。婆娑世界。有四種極重之事。若人透得。不妨出於陰界。復云。欲識玄沙虎。親面是誰親。直下透牢關。全機超佛祖。參。

上堂。十五日已前。是第一句。十五日已後。是第二句。正堂十五日。是第三句。第一句明得。坐斷天下人舌。頭。第二句明得。堂堂獨露。第三句明得。神鋒壁立。若於此三句明得。皇恩佛恩。一時報足。其或未然。用要。

一機超有表。妙同三句入無爲。

上堂。舉安太保問三交和尚。新歲已臨。舊歲何往。三交云。壁上釘桃符。師云。此語浮山遠。禪師謂之金針。雙鎖後輩。依摸畫樣。殊不知。畫餅不可充飢。安太保已是目前。蹉過。若不是三交和尚。壁立全提。爭得風行草偃。

上堂。舉潯山問仰山。聞子在百丈。問一答十。是否。仰山云。不敢潯山云。向上道取一句來。仰山擬開口。潯山便喝。如是三次。擬開口。皆被喝。仰山乃垂淚云。先師道教。我須遇人始得。今日果是遇人也。於是發心看牛。三年一日。仰山在樹下坐。禪次。潯山以杖背上點云。寂子。道得也未。仰山云。雖然。道不得。要且。不借別人口。潯山云。寂子。會也。師云。潯山仰山。一問一答。不妨親切。要且。無佛法道。理子。細檢點。將來於禾山門下。只作得箇掃地漢。下座。

開爐上堂。舉琛禪師。因法眼悟空。龍濟三人。到夜向火。次羅漢附爐。乃問云。山河大地。與上座自己。是同是別。龍濟云。別。羅漢豎兩指。龍濟云。同。羅漢亦豎兩

指師云。這箇漢向火也不了。更只管說同說別。直饒見得歷歷分別。正在途中。向禾山門下。直須喫棒。何故。十語九中。不如一默。

上堂。舉僧問青原思禪師。如何是佛法的大意思。云。廬陵米作麼價。師云。盡謂思禪師。借水獻花。殊不知有格外之談。要見古人親切處。廬陵米價古今傳。歷歷分明事。坦然要會箇中端的。意著婆衫子拜婆年。

上堂。舉雪門大師示衆云。如今半夏也。敲磬處道將一句來。衆無對。自云。蜜。恒哩。孤。蜜。恒哩。智。又云。蜜。恒哩。孤。蜜。恒哩。智。作麼生。自代云。部。臨。又云。磬。師云。雲門大師。恰似泥裏洗土塊。要透。磬著。門庭。須是。眉在眼下。

上堂。天色乍涼。參禪高士。二六時中。直須精進。大底參禪。先須有箇省人處。始解穩坐地。得穩坐地了。始解作活計。方有參禪說話分也。須是解做工夫。始得。只如一人發真歸源。十方虚空。悉皆消殞。去現今目前。森羅萬象。巍然滿眼。作麼生得消殞去。有底便道。

部臨一偈

同聲問

喚什麼作森羅萬像。又云。卽色處當體卽空。又云。觸目遇緣皆是虛妄。畢竟歸根。全一空體。又云。於一切處莫管伊。但自無心於萬物。何妨萬物常圍遶。若是如此見解。殊不知古人方便。可謂不勸自敗。所以宗門有三印。一印卽空。大地全提。觸處通。一印卽泥塵。塵剎剎現。同時一印。印水淨照。寒濤灑徹底。此三印。卽一印。這一印。驗盡天下衲僧。若要透生死關者。直須印驗分明。乃可放過。如將諸方冬瓜印子。來到禾山。關頭總用不著。

中秋上堂云。心同虚空界。唯須密以明智身。現滿月輪。乃提婆之能鑑。盡謂示諸佛體。皆言合虚空心。畢竟似披畫圖。致了如標月。指其或與麼向。祖師門下。天地懸殊。若要慶快。已躬須明。向上一竅。還會麼。欲識同根超異。見定知此日是中秋。

上堂。舉昔有秀才看佛名經。同長沙岑和尚。百千諸佛。但聞其名。未審居何國土。岑云。黃鸝樓崔灑題後。秀才還曾題麼。秀才云。不曾題。岑云。無事好題取一篇。師云。秀才問處。清機歷掌。長沙與麼爲人。未免換。



手穿梭且道畢竟百千諸佛居何國土諸人要見麼  
聽取山僧一頌千佛靈蹤莫別求長沙機轉有來由  
要知觀面難藏處黃鶴樓前鸚鵡洲

上堂云一大藏教在諸人頭上祖師要旨諸人脚  
跟底有般學解底禪人見與麼道便謂無鬚鎖子兩  
頭搖觀此箇十二時中隱隱地常有一物凝膺若要  
透此牢關須是頂門具眼作麼生是諸人頂門上眼  
良久云點

上堂瑞雪飄空銀蟾出海曹山異中見異龐公手裏  
明機一箇觀面全提一箇通途叶妙若也揀得出許  
伊具擇法眼實可以上報國恩其或未然不免重重  
露布良久云不唯梅蘂先春發且有青松帶雪看  
死心和尙忌小參僧問黃龍正脉妙傳時廣衆人中  
獨許師試問死心端的旨西歸隻履意何如 師云  
見麼 僧云祇此見聞非見聞未審作麼生見 師  
云若非見聞猶滯迹 僧云報德慙慙未審還見死  
心赴也無 師云言中有響 僧云若然者頂門拶  
出金剛眼照被凌霄百萬峯 師云你且道隻履西

歸作麼生 僧云落葉歸根來時無口 師云祇得  
一概

師乃云來日死心大和尙示寂之辰況天下叢林宗  
師順寂之日謂之遠忌既是悟明心地超出三界頓  
越生死又忌箇什麼禪僧到此之日因念我師示寂  
各各冥觀今在何處直下明得死心元在實不曾滅  
或以一香一花種種淨饌作佛事者祇可謂之加行  
修持精進翹勤微細觀察警然悟去不唯親見死心  
亦見諸人本來面目祇如作是加行修持爲復是莊  
嚴死心報地爲復是自己勦修若見有自它有則成  
二法既成二法寧免死生之患當知死心和尙與一  
切情與無情全體是一箇禾山長老禾山長老與一  
切情與無情全體是一箇死心和尙不見適來這僧  
問西歸隻履意何如況死心先師每好舉隻履西歸  
話問諸衲子且巴陵和尙於得法師順寂之日以三  
轉語報答先師禾山今夜因行不妨掉臂祇以明隻  
履西歸話用報先師之德況此話古今難明諸方或  
謂之隱顯或謂之不可有兩個或謂之唯此一事實

若也如是殊未識祖師宗旨。諸人要見麼。濁中清。清中濁。勿謂麒麟生一角。西行向東路不差。大用頭頭如碎。碎莫莫玄。要靈機休卜度。

上堂。舉芭蕉惠清禪師云。我二十八上行脚到仰山。南塔上堂云。你等諸人。若是箇漢。從娘肚裏出來。便作獅子吼。解麼。我於言下。歇得身心。便住五載。師云。芭蕉與麼說話。還歇得麼。若也如是。恰如未倒鼈山時一般。何必待娘腹中出來。乃作獅子吼。只如釋迦如來。未出母胎。已度人畢。子細檢點將來。猶落第二機。諸人還見麼。良久云。隔。

上堂。因化士請益四料簡。語師著語云。奪人不奪境。洞裏靈雲何處去。嶺上桃花爛漫開。奪境不奪人。已見澄源關。楸子不勞打鼓。自先聞人。境兩俱奪了。知趣聖超凡處。便是全收全放。時人境俱不奪。明明物我皆全。露歷歷身心本自如。此四句語有時。縱十方世界。頭頭顯露。有時奪無邊刹海。有甚摸索處。若也如是。明得可以入。鄺垂手向十字街頭。管取大用現前。其或未然。切莫作人境會好。

此字難行

上堂云。第一玄。拶破體。前第二玄。照用在機。先第三玄。物我兩俱全。第一要箇中明得。兆第二要機。後米爲妙。第三要觀面。須回照。若也於一句中。具明三玄三要。則親到禾山。其或未然。三十年後。一回喫水。一回噎。人下座。

上堂云。數日不入室。爲諸人普說其禪病。乃舉拂子云。還見麼。若見拂子。即不見諸人。若見諸人。即不見拂子。所以盡十方世界。綿綿密密。實無絲毫滲漏。結夏又數日也。所參底禪。如何有底。禪僧室中。問著於一切古人語。即云。恁麼也得。不恁麼也得。一切是非。生滅境界。悉皆杜絕。作如是見解。亦是一種佛學。如石壓草。又如急流水。過於上以物按之。將謂一如殊。不知其水於下自流。皆是根源不能截斷。未免流轉。又有一種人。見人舉著。隨語生解。一切是非。生滅境界。森然滿目。此第見解。全爲前塵牽引。此二種人。向十二時中。隱隱此地。常有一物在胷中。皆爲法塵。不透玄路。不進參禪。高士到這裏。直須警省。時不待人。快須薦取。莫只待打瞌睡時。便坐禪。纔下堂。便掉於。

無事甲中是阿誰。分上事豈不見。魯祖和尚尋常見  
僧來便面壁。南泉聞云我尋常教伊向佛未出世時  
會取。尚未得一箇半箇。他與麼驢年去。師云南泉和  
尚可謂千人排門。不如一人拔關。未透玄關者。往往  
只作面壁會却。

上堂舉僧問首山如何是祖師西來意。首山云風吹  
日炙。師云這箇因緣。衆中商量。謂之應機。又謂之時  
節。因緣又謂之信手拈來。若也如是不唯不見首山  
爲人處。亦辜負自己行脚眼。若也明得去。只此一句  
語中具三玄。其或未然。聽取山僧一頌。日炙風吹。知  
幾年玄中密意。妙難傳。當機若見首山。老直下應須  
了目前。

上堂舉雲門和尚問僧。古佛與露柱相交。是第幾機。  
僧無對。自代云南山起雲。北山下雨。師云了得物我。  
一如能使風雲會合。須是雲門始得。且道既是了得  
物我。一如這僧無對處。又作麼生。良久云嶮。  
上堂舉起拂子云。大衆看看。只這箇在臨濟。則照用  
齊行。在雲門。則事理俱備。在曹洞。則偏正叶通。在潯

仰則暗機圓相。在法眼則何止唯心。此五家宗派。門  
庭施設。則不無直饒。辨得個儻分明。去猶是光影。邊  
事若要抵敵生死。則霄壤有隔。且道超生。越死一句。  
作麼生道。泊合錯下注脚。

上堂舉佛陀遠禪師。僧問如何是佛。遠云銅頭鐵額。  
僧云未審意旨如何。遠云播土揚塵。師云遠禪師可  
謂壁立萬仞。還能曲徇物。機這僧若也叶妙通塗。定  
是腹中辨的。

夏末上堂云。未結夏已前。先窮入門句。解夏已後。須  
明出身句。正當九夏中。要明截斷兩頭句。直饒於此  
三句明得。未免落在平常。寒白豈不見雲門垂語云。  
初秋夏末。不觸平常道。取一句來。僧無對。自代云初  
三十一中。九下七。師云大衆。這僧可謂暗裏抽橫骨。  
明中坐舌頭。雲門大師雖入草求人。未免鬧市裏。想  
毬。

上堂舉雲門大師示衆云。初秋夏末。責情三十棒。自  
代云某甲如是。師云大衆。盡謂雲門大師一手捏一  
手搦。殊不知句裏藏鋒。言中有響。還會麼。令人驪憶。

老雲門問答全超未足論棒下責情還會否夜深明月照前村

上堂舉洞山處禪師行脚時見先洞山洞山問近離甚處處云武陵洞山云武陵法道如何處云胡地多抽笋洞山云別飯炊香飯供養於此人處便出洞山云此子向後走殺天下人在師云百發百中處禪師有齧鏃之機驗人底眼目須是洞山老漢然雖如是三十年後此話大行

上堂舉鼓山問太原孚上座父母未生時鼻孔在甚處孚云師兄且道鼓山云而今生也鼻孔在甚處孚不肯鼓山云你作麼生孚云把將手中扇子來鼓山乃將扇子與之再詰問孚默置鼓山遂打一拳師云孚上座雖然能縱能奪要且未識父母未生時鼻孔鼓山若無末後句泊合墮坑落壑

上堂舉黃蘗和尚一日陞堂大眾纔集蘗以拄杖一時趕散復召大眾衆回首蘗云月似彎弓少雨多風師云黃蘗和尚恨不兩手分付子細檢點將來大似爲蛇畫足師乃召大眾衆舉首師云驗

月望上堂舉拂子作一圓相云大眾看看圓陀陀地無缺無餘爲天下人眼目不是滿月相亦非諸佛理且道是箇什麼若也直下明得去平生參學事畢其或未然萬里神光頂後相以拂子擊禪床下座結夏因病中小參云露柱患癰癰燈籠却皺眉箇中無限意曾不墮聞思一切衆生未出三界者病之在識輪迴未息者病之在情一切二乘人病在寂滅三世諸佛病在六度萬行初參學禪人病在學處雜糅久參之士病在佛病祖病忽有一人出來問禾山長老病箇什麼阿耶耶若識得此痛之來處便識得生死根源既識生死根源一生參學事畢豈不見洞山初禪師行脚時到雲門雲門問近離甚處初云擔渡雲門云夏在甚處初云湖南報慈雲門云幾時離彼中初云去年八月二十五雲門云放子三頓棒次日初却上堂頭問昨日蒙和尚放三頓棒未審某甲過在什麼處雲門云飯袋子江西湖南便與麼去師云這箇因緣衆中商量有云檐折知柴重有云猶作過會在有云一棒一條痕若也如是不唯不識雲門爲

人處亦乃未見。當人自己眼目。若要個儼分明。聽取山僧一頓吹毛。晉劍當機。妙切玉如泥。孰可猜。不犯鋒鉞。全正令法王心印。爲君開。

上堂。舉河北保壽和尚。在先保壽會下。作街坊脫歸。問訊保壽云。作麼生。是你本來面目。立至夜深。下語皆不契。至來日。遂云。某甲因緣不在此。且禮辭和尚。往南方遍參知識。去先保壽云。南方禁夏。不禁冬。我這裏禁冬。不禁夏。且在此作街坊。若論參尋。聞閣之中。說法浩浩。地遂依其言。一日至市中。見二俗人相爭。中間揮一拳。二得與麼。無面目。保壽聞知。忽然大悟。師云。育才養德。不無保壽。便與麼悟去。也是鬧市中。颺碌碌。子細檢點將來。未是全提時節。要見麼。十字街中。六不收。本來面目。絕蹤由。縱饒悟得分明去。已落儂家第二頭。

上堂。舉第十四祖龍猛尊者。因提婆來。乃令侍者盛一盃水來。向面前提婆見。遂取針投水中。龍猛大喜。遂與相見。師云。龍猛尊者。向須彌山上走馬觀鵝。全影提婆於金剛際下翻身。窮源徹底到這裏。雖具碎

啄同時。眼未具碎啄同時。用而今這裏。要見龍猛尊者底麼。有則出來相見。良久云。如無切忌。捫摸。

遷住洪州雲巖語錄

師禾山辭衆陞座云。一住禾山。又八年。臨岐一句妙難傳。後宵欲見雲巖老。雲綻青天月正圓。乃舉藥山和尚謂雲巖曰。與我喚沙彌來。雲巖云。和尚喚他作什麼。藥山云。我有箇折脚鐺子。要伊提上。掣下。雲巖云。與麼。則與和尚共出一隻手。師云。藥山和尚可謂父慈子孝。若不是雲巖折脚鐺子。也無分付處。今日山僧未免子承父業。亦有箇折脚鐺子。擬欲分付諸人。還有提掇得者麼。若也提掇得去。不喪門風。其或未。然龍門溪上。休回首。鳳嶺山頭歸去來。

入院上堂云。第一立直透威音前。第二立誓不落正偏。第三立照用兩俱全。若也明得此三立。須明三要。若不明三立。三要諸人十二時中。被目前機境回換。將去。所以生死界中。不得自在。若要直截根源。向百尺竿頭。更進一步。

上元夜小參云。銅龍送客歸家去。玉漏催人好坐禪。



何事金吾不惜夜。心燈偏界爲君燃。乃舉洞山和尚問九峯虔禪師云。祖祖相傳。合傳何事。虔禪師云。釋迦憐迦。葉宮洞山云。畢竟傳底事。作麼生。虔禪師云。百歲老兒。看夜燈。師云。洞山雖則尋流討源。未免黏牙帶齒。虔禪師可謂據令而行。畢竟釀成露布。若此見得水到渠成。其或未然。切莫向燈影中行。

偈頌

趙州勸婆

兩重問答絕聲訛。趙老於中却勘婆。若不全身探虎穴。安能徹底驗仙陀。

百丈野狐

百丈堂前驗野狐。還如水上掠胡盧。而今到處全機入。便好當場捋虎鬚。

大隋蓋龜

千古清聲老大隨。機鋒壁立杳難窺。未能直下超凡聖。只道將鞋蓋却龜。

女子出定

常機密薦箇中玄。女子何因坐佛前。切莫途中爲解

礙。刻舟求劍實徒然。

諸佛居何國土

千佛靈蹤莫別求。長沙機轉有來由。要知觀體難藏處。黃鶴樓前鸚鵡洲。

曹山雪中因緣

群峯雪覆已超然。絕頂寧同一色邊。儻向異中能辨異。雖居偏位不成偏。入塵直截須明要在類。還殊密造立欲混千差通不犯。曹山穿過髑髏前。

保福簽瓜

古今時節正相歡。指外明機沒異端。未入口時先識味。已簽瓜處被渠瞞。大原接處當頭驗。保福拈來却放難。若也未能超影響。盡從死活句中看。

立沙指虎

欲識立沙虎。觀面是誰親。直下透牢關。全機超佛祖。

酬徐樞密三問

問洞山云。擬將心意學玄宗。大似西行却向東。十二時中動轉施爲。莫非是擬底心。到這裏作麼生。辨別擬將心意學玄宗。妙用縱橫觸處通。捩轉箇中關。捩

子休論南北與西東

問維摩經云佛以一言演說法或有恐怖或斷疑既  
是一音所說為什麼有聞之恐怖者聞之斷疑者  
或有恐怖或斷疑雙明一句絕針錐於茲切莫生欣  
厭觀面還須眼似眉

問維摩經云衆生病故我病即今他人病時爲什  
麼自己却不病

衆生病故維摩病妙見全提起我人既了病源無箇  
事何如示現宰官身

### 和蔣運使三頌

未下山來已見箇中法法全真大地都是自己觀面  
更無別人

了得爲官勳業便是祖佛門風心外實無一法孰云  
曠劫難逢

此去欲尋相見大千俱是禾山徹底洞明這箇廓然  
超過八邊

### 和董承事三頌見別

道存愈遠却彌親去住情忘尙隔津直下是家歸甚

處大千全現本來人

順水張帆息浪花截流一句不周遮已登彼岸無餘  
事入海誰能更算沙

長憶當年陸大夫同根底事強分疎道人固有超然  
句雖別應難不見渠

### 古鏡銘

有古菱花物來斯現演若倍瞻仰山親薦迷悟雖殊  
寒光不變惡像弗祛麗質奚羨歷照千差肯隨物轉  
觀破前塵是誰對面

### 和靈源和尚善護頌

靈性包群象千年壽最優既知身是幻何用殼埋頭  
護惜雖深固推遷已密流大隨鞋蓋處若箇辨蹤由

### 送禪人化緣轉藏

經頭以字孰能測舉起分明好消息勞生未曉直截  
機雙林大士運神力括囊五教妙全提高張八面真  
奇特汝行如是化檀那推轉機關超異域

### 送化士

青春條風至無情闡化機法本自何來要當探極微

只在紅塵中忽見勝珠我雖然著舊物爭奈昔人非

禪人呈雪竇頂相求贊

勘破北塔歸來接得藏佛即透分明觀面全彰不可  
喚作雪竇

禪人寫余真求贊

打破直要坐禪佛祖亦須超越若言祇這便是大似  
水中捉月

古松怪石全體是我若謂一如莫教話墮

禾山超宗方禪師語錄終